

Namo tassa bhagavato arahato sammāsambuddhassa

Kaṅkhāvitaraṇīpurāṇa-ṭīkā

Ganthārambhakathā

Buddham dhammañca saṅghanti-ādinā yā pakāsītā;
Bhadantabuddhaghosena, mātīkātṭhakkathā subhā;
 Tassā hi līnapadaṃ vi-kāsanakoyamārambho.

Ganthārambhakathāvaṇṇanā

Vippasannēti vividhappasannena. Kathaṃ? “Itipi so...pe... buddho bhagavā, svākkhāto...pe... viññūhi, suppaṭipanno...pe... lokassā”ti (a. ni. 5.10) evamādinā. “**Cetasā**”ti vuttatā tīsu vandanāsu cetovandanā adhippetā. Tanninnatādivasena kāyādīhi paṇāmakaraṇaṃ **vandanā**, guṇavasena manasāpi tathāva karaṇaṃ **mānaṃ**, paccayappaṭipattiyādīhi pūjākaraṇaṃ **pūjā**, paccayādīnaṃ abhisankharaṇaṃ sakkacca karaṇaṃ **sakkāro**, tesam. **Bhājananti** ādhāro, adhikaraṇaṃ vā.

Therā mahākassapādayo, tesam vamsoti **theravaṃso**, āgamādhigamasampādāya tassa vamsassa padīpabhūṭā theravamsappadīpā, tesam **theravaṃsappadīpaṇaṃ**. Asamhīratā **thirānaṃ**. **Vinayakkamēti** vinayapītake, ārambhānurūpavacanametam. Suttābhidhammesupi te thirā eva. “Buddham dhammañca saṅghaṇca pubbācariyasīhānañca”ti avatvā kasmā viṣuṃ vuttanti ce? Payoanavisesadassanattam. Vatthuttayassa hi paṇāmakaraṇassa antarāyanivāraṇaṃ payoanāṃ attano nissayabhūṭānaṃ ācariyānaṃ paṇāmakaraṇassa upakāraññitūṭadassanaṃ. Tena buddhañca dhammañca saṅghaṇca vanditvā, **ca-saddena** pubbācariyasīhānañca **namo** katvāti yojanā. Atha vā “**vanditvā**”ti cetovandanaṃ dassetvā tato “**namo katvā**”ti vācāvandanaṃ, “**katañjali**”ti kāyavandanāpi dassitāti yojettabbā.

Idāni abhidhānappayoanāṃ dassetuṃ “**pāṃokkha**”ntiādimāha. Tattha **pāṃokkhanti** padhānaṃ. Sīlāhi sabbesam kusaladhammānaṃ padhānaṃ ādibhāvato. Yathā ca sattānaṃ khajjabhojjaleyyapeyyavasena catubbidhopi āhāro mukhena pavisitvā aṅgamaṅgāni pharati, evam yoginopi cātubhūmakam kusalam sīlamukhena pavisitvā atthasiddhiṃ sampādeti. Tena vuttam “**mukha**”ntiādi. Atha vā **mukhanti** upāyo, tena **mokkappavesāya** nibbānasacchikiriyāya mukhaṃ upāyoti attho. Mahesinā yaṃ pātimokkham pakāsītanti sambandho. Mahante sīlādikkhandhe esi gavestī **mahesi**.

Sūratena nivātenāti “tattha katamaṃ soraccaṃ? Yo kāyiko avīttikamo”tiādinā (dha. sa. 1349) sūratena, nīcavuttinā mānuddhaccavasena attānaṃ anukkipanabhāvena nivātena. **Vinayācārayuttēna** cārittavārittehi yuttēna. “Soṇattherena yācīto”ti avatvā “**sūratena**”tiādi kasmā vuttam, kim dussīlena vā dutṭhena vā alajjinā vā yācītena vaṇṇanā kātum na vaṭṭatīti ce? Na na vaṭṭati. Therassa vacanaṃ paṭikkhipitum na sakkā, evarūpagaṇo therova, yācānavasena kattabbo ādarenāti dassetuṃ vuttam.

Nāmenāti attano guṇānāmena. Saddalakkhaṇasubhato, vimicchayasubhato, viññeyyasubhato ca **subham**.

Ganthārambhakathāvaṇṇanā niṭṭhitā.

Nidānavāṇṇanā

“Āvikatā hissa phāsu hoti, tathāyasmante pucchāmi...pe... tunhī, evametam dhārayāmi”ti vatvā “uddiṭṭham kho āyasmanto nidāna”ntiādinā nayena vuttam. Ettheva yāvattiyānusāvanakathāvasāne atha kho uddesakāle “āvikatā hissa phāsu hoti”ti vatvā “uddiṭṭham kho āyasmanto nidānaṃ. Tathāyasmante pucchāmi”tiādinā nayena āgatam. Uposathakkhandakepi evameva āgatam. Tattha pubbe vuttam paccāhā āgatassutena virujjhati. Tasmā yathā na virujjhati, tathā upaparikkhitvā gahettabbā. Evam na virujjhatīti eke. Kathaṃ? “Āvikatā hissa phāsu hoti”ti vatvā “uddiṭṭham kho āyasmanto nidānaṃ. Tathāyasmante pucchāmi”tiādinā suuddiṭṭham hotīti etaṃ uddesalakkhaṇam idhāpi khandhakepi vuttatā. Tasmā “phāsu hoti”ti vatvā “tathāyasmante pucchāmi”ti vuttatthāne avuttampi ānetvā gahettabbā. Kasmā? Idha nidānaṃ na dassitam, uddeso uddesakāle uddisittabballakkhaṇassa tattha vuttatā. Apica “nidānuddeso”ti padaṃ uddharitvā nidānuddesam dassetukāropi “sunātu me, bhante, saṅgho...pe... āvikatā hissa phāsu hoti”ti pāthavasena āgatam nidānaṃ niṭṭhapetvā upari aṭṭhakathāvasena yojettabbā pālīm idha yojetvā “tathāyasmante pucchāmi...pe... dhārayāmi”ti nidānapālīm paripunnam katvā puna “tattha nidānuddeso”ti uddhatapadavasena saṅkhepato nidānuddesalakkhaṇaṃ dassetuṃ “evametam dhārayāmi”ti vatvā “uddiṭṭham kho āyasmanto nidāna”ntiādi vuttam, tasmā evam upari ca khandhake ca, atha kho uddesakāle “āvikatā hissa phāsu hoti”ti vatvā “uddiṭṭham kho āyasmanto nidānaṃ. Tathāyasmante pucchāmi”tiādi nidānuddesova dassito, na nidānaṃ.

Savanāpattivacananti ettha saṅghanavakatarena vuttam ayuttanti ce? Yuttameva. “Pātimokkhuddesakena evam vattabba”nti bhagavatā vuttatā bhagavatova ānatti, na uddesakassa. Idha navakataravasena vuttam. Theropi pana uddisittam labhatīti dassanattam “**therādhikam pātimokkha**”nti vuttam. Iminā suttena navakataro na labhatīti ce? Tam dassetuṃ “**yo tattha bhikkhū**”tiādi vuttam.

Yathā catuvaggena thapetvā upasampadāpavāraṇāabbhānāni sabbam saṅghakammaṃ kātum vaṭṭati, evam “atirekavīsativaggena imam nāma kammaṃ kātubba”nti avatvā atirekavacanattā aññaṃ attham sūceti, kim tanti “**catuvaggādinā**”tiādi. Tañhi tehi eva siddham. Kathaṃ? Catuvaggena upasampadāpavāraṇā...pe... vīsativaggena na kiñci saṅghakammaṃ kātum na vaṭṭatīti. Ettha “dasavaggena abbhānakammamattam thapetvā”ti vadantena catupañcavaggena karaṇiyānīpi dasavaggena kātum anuññātāni. Tasmā atirekena vaṭṭatīti dīpitaṃ, “thapetvā”ti vacanena ūnatarena na vaṭṭatīti dīpītameva. Tasmā na vattabbaṃ atirekavīsativaggoti ce? Vattabameva. Catupañcavaggena kattabbaṃ chasattaṭṭhanavavaggena kātabbanti ca, dasavaggena kātubbaṃ ekādasavādasa...pe... ekūnavīsativaggena kātabbanti ca dīpitaṃ. Ūnatarena na vaṭṭatīti dīpitaṃ pākātaṃ. Sabbappakāreṇa pana atirekavīsatanatirekavīsativagge vuttepi dīpitaṃ hotīti **vajirabuddhittherena** likhitaṃ. Ito paṭṭhāya “likhita”nti vutte vajirabuddhittherenāti gahettabbā.

Sace anuposathepi vaṭṭeyya, “uposatham kareyyā”ti na vadeyya, yasmā anuposathe kātum na vaṭṭati, tasmā “ajjuposatho”ti vatvā puna “**uposatham kareyyā**”ti vuttam. “Pacchimakkattikapunnā evā”ti avadhāraṇaṃ tato paraṃ pavāraṇādivasassa natthitāya kataṃ. Uddham pakatiuposathe vuttēna pakaticārittena saddhiṃ **idampi**.

“**Nimittēna nimittam sambandhitvā**”ti na vattabbaṃ “tividhasampattiyuttā”ti vuttatīti ce? Vattabameva. Kasmā? Tividhasampattī nāma nimittasampattī, parisāsampattī, kammavācāsampattītiādim vatvā “nimittasampattī nāma pabbatanimittam, pāsānanimittā”ntiādi vuttam, na nimittēna nimittasambandhanam vuttam. Apica “tividhasampattiyuttā”ti sampayogaṅgesu dassetvā puna tameva pahānaṅgesu dassetuṃ “nimittēna nimittam sambandhitvā”ti vuttam. Nadisamuddajātassare su sammataśimāto kammāni na vipajjanti udakukkhepasimattāti “vipattisīmāyo nāma”ti kasmā vuttatīti ce? Sesalakkhaṇāni sampādetvā nadiyaṃ sīmāya baddhāya udakapariyaṇam katvā sīmāgatattā puna tam nadim anto katvā taḷāke kate sace tassā sīmāya kammaṃ kātum vaṭṭeyya, sīmāto kammāni na vipajjeyyūṃ. Yasmā pana evam kātum na vaṭṭati, tasmā “udakukkhepasimattā”ti vuttam akāraṇam.

Vīsativaggakaraṇiyattā saṅghakammassa kammārahena saddhiṃ **ekavīsati bhikkhū nisīditum na sakkonti**”ti vuttam, sukhanisajjāvasena nisīdituntī adhippāyo. “Parimaṇḍalākāreṇa nisīditu”nti aṭṭhakathāyaṃ vuttam. **Tiyojanaṃ atikkamitvāti** majjhe thāvā diyaddham katvā tiyojanaṃ. Konato hi koṇam tiyojanaṃ atikkamēti, āpattiñca āpajjati, sīmā ca asīmā hoti. **Kittetvāti** nimittāni sampannānīpi aññaamaññānāmavipariyāyena, animittānaṃ nāmehi ca kittetvāti attho.

Rāsikatam paṃsupi rukkesu jātesu **suddhapamsupabbato** hoti. **Guḷapiṇḍaparimāṇo** thūlatāya, na tulagaṇānāya. **Bhūmiyaṃ paṭiṭṭhito**”ti iminā kuṭasarāvādīsu ropitam paṭiṭṭhipati, tato apānetvā pana taṅkhaṇampi bhūmiyaṃ ropito vaṭṭati. Navamūlasākhāniggamanam pana akāraṇam. Khandham chinditvā ropite pana etaṃ yujjati. **Sīcīdaṇḍakappamaṇo** kaniṭṭhaṅguliparimāṇamatto. “**Aṭṭhaṅgulubbedho**”ti iminā ubbedho paricchinno hoti, “**govisāṇamatto**”ti iminā pariñāho. “Evam santēpi govīsāṇapariñāhe paricchedo natthi, tasmā khuddakopi mahantopi vaṭṭati evāti vadanti.

Jātassare paripunnameva udakam nimittūpagaṃ disvā aparipunnam antarā thitibhūtam “jātassare sammata”ti vuttam vipattim na āpajjati “nadiyā sammata, samudde sammata, jātassare sammata”ti etthāpi loṇi na gahitā. **Baddhasimā vā nadisamuddajātassare vā anokkamitvāti** etthāpi “nadiyā vā, bhikkhave, samudde vā jātassare vā”ti (mahāva. 147) etthāpi na gahitā. Tasmā loṇi na abaddhasimāti ce? Abaddhasimāva. “Yopi nadim vā samuddam vā bhinditvā nikkhantaudakena kato sobbho etaṃ lakkhaṇam pāpunāti, ayampi jātassaroyevā”ti (kaṅkhā. aṭṭha. nidānavāṇṇanā) vuttatā jātassaraggahaṇena gahitāti tattha tattha avuttā. “Yāvaticā tasmim gāmakhetta”ti vuttatā aññaṃpi gāmaṃ anto katvā samānasamvāsakasimāsammananākaḷe tasmim gāme bhikkhū āgacchantu vā mā vā, vaṭṭati. Avippavāsasimāsammananākaḷe

āgantabbameva.

Agamanapathesūti ettha ekadivasena gantvā paccāgantūṃ asakkuneyyattāhāneti vadanti, baddhasīmābhāvaṃ paṭikkhipitvāti attho.

“**Samantā udakukkhepā**”ti vuttatā sabbadisāsu gahetabbamevāti ce? Yato labbhāti, tato gahetabbo “yasmim padese pakativīciyo ottharivā saṅghahanti, tato paṭṭhāya kappiyabhūmi, tattha thāvā uposathādikammaṃ kātum vaṭṭati”ti vuttatā. Anubandho aḍḍhamāso **anvaḍḍhamāso**, aḍḍhamāsassa vā anu. **Yo pana kenaci** antamaso tīracchānenapi **khaṇitvā akatoti** adhippāyo.

“**Aññāṃ tattakāmyeva paricchedaṃ anatikkamitvā thitopi kammaṃ kopeti**”ti vuttatā atikkamitvā thito na kopeti dīpitameva hotīti **upatissatthero**, taṃ pana “dvinnam udakukkhepānam antare añño eko udakukkhepo upacārattāya thāpetabbo”ti vacanena virujjhati. **Samantapāsādikāyāni** “aññāṃ tattakāmyevā”ti padaṃ natthi. Tasmā tassādhippāyo pariyesattho. Antoudakukkhepasīmāya upacārattāya thāpitaṃ udakukkheparicchedaṃ anatikkamitvāti attho gahetabbo. Therena aññāthā papañcitvā likhitaṃ.

“**Sabhāgavattunā lahuḥkāpatti**”nti vuttatā sabhāgasāṅghādisesaṃ ārocetum vaṭṭatīti ce? Na vaṭṭati desanāgāminim sandhāya idha vuttatā. Tasmā eva **samuccayakkhandhake** “sabhāgasāṅghādisesaṃ āpannassa pana santike āvikātum na vaṭṭati. Sace āvikaroti, āpatti āvikatā hoti, dukkaṭā pana na muccati”ti (cūlava. aṭṭha. 102) vuttam. Yathā saṅghena “suṇātu me, bhante, saṅgho... pe... paṭikarissati”ti vatvā uposatham kātum labhati, evaṃ tīhi dvīhi aññam suddham passivā “paṭikarissāmā”ti vatvā uposatham kātum vaṭṭati. Ekenāpi “pārisuddham labhitvā paṭikarissāmī”ti ābhogaṃ katvā uposatham kātum vaṭṭatīti. Aṭṭhakathāyampi “sāmano bhikkhu evamassa vacanīyoti ettha sabhāgo eva vattabbo. Visabhāgassa hi vuccamāne bhāḍanakahasāṅghabhedādīni honti, tasmā tassa avatvā ito vuttahitvā paṭikarissāmī”ti ābhogaṃ katvā uposatho kātubboti andhakatthakathāyāṃ vuttā”nti vatvā tassa appaṭikkhitvā vaṭṭatīti dīpitameva. “**Yadā aññāṃ suddham bhikkhum anāpattikaṃ passissati, tadā tassa santike**”ti vuttatā lahuḥkassa eva anuñātattā **samuccayakkhandhake** vuttatā sabhāgasāṅghādisesaṃ pana ṇattiyā ārocetvā uposatham kātum na vaṭṭati.

Devabrahmā pana “tīracchānagato”ti padaṃ thāpetvā yena kenaci padena asaṅghatīpi iminā saṅghatīti dassanattam “yassa upasampadā paṭikkhitā”ti vuttam.

“Cātumāsiniyam pana pavāritānam santike anupagatena vā chinnavassena vā vuttavassena vā”ti avatvā “**anupagatena vā chinnavassena vā**”ti ettakameva vuttam. Vuttavasso pana tasmim kāle anupagatatā “anupagato”ti sankhyam gatoti. Sabbāya vuttatīyā sabbe vuttahitvā gate sannipātetum na sakkā, ekacce sannipātetvā pārisuddhim ārocetum vaṭṭatīti vadanti. Kasmā? Nattim thāpetvā kattabbasaṅghakammābhāvaṃ vaggam na hotīti. Pavāraṇāyapi eseva nayo. Ayañhettha viseso – sace purimikāya upagatēhi pacchimikāya upagatā thokatarā ceva honti samasamā ca, saṅghapavāraṇāya ca gaṇam pūrenti, saṅghapavāraṇāvasena ṇatti thāpetabbāti. “**Ekova bhikkhu hoti...pe... aññesaṃ anāgatabhāvaṃ natvā**”ti vuttatā adhiṭṭhānuposatham sīmam pavasitvā kātum na sakkāti vadanti.

“**Kim saṅghassa pubbakicca**”nti idam na ṇattim thāpetvā vattabbam. Tañhi ṇattito puretameva karīyati. Tasmā “suṇātu me, bhante, saṅgho, kim saṅghassa pubbakiccaṃ, yadi saṅghassa pattakalla”nti vattabbam siyāti. Tathāpi na vattabbam. Na hi taṃ ṇattiyā anto karīyatīti. Evam sante netam vattabbanti āpajjati payojanābhāvāti ce? Na, yathāgataṭṭhāne eva vattabbato, parapadāpekkhatāyāti vuttam hoti. Idam pubbakiccaṃ akatvā uposathakammaṃ karonto saṅgho, puggalo vā thāpanakkhetṭikkame āpajjati. Tasmīhi khette atikkante sammajjanādikarane āpattimokkho na hoti uposathakammato pubbe kattabbakammākaranaṃpaccayattā tassā āpattiyā. Na sā kammāpariyosānāpekkhā etthāgatasampajjanāmusāvādāpatti viya, tasmā pātimokkhuḍdesako bhikkhu “pārisuddhim āyasmanto ārocethā”ti vuttukāmo pathamameva pārisuddhāpārisuddhipaccayam pubbakiccaṃ sarāpeti. Tañhi katam pārisuddhipaccayo hoti, akatam apārisuddhipaccayo. Teneva ubhayāpekkhādhippāyena katam, na katanti avatvā “kim saṅghassa pubbakicca”miccevaṇa. Tattha akatapakke tāva pārisuddhārocanakkamanidassanattam parato “yassa siyā āpatti, so āvikareyyā”ti ca, katapakke “asantiyā āpattiyā tuñhi bhavitabba”nti ca vakkhati.

“Sabbantimena paricchedena catūhi bhikkhūhi sannipattivā”ti ca, “uposathakaraṇattam sannipatīte saṅghe bahi...pe... adentena chando dātabbo”ti ca vadanti. Asannipattīpi pana vaṭṭati. Idāñhi chandānāsamayadassanattam vuttam. Uposathakaraṇattam sannipatīte saṅghe bahi uposatham katvā āgatassa kattabbākāradassanattāhaṃca vuttam. Padhānagaravāsīno padhānagaram pavasitukamā antano sabhāgabhikkhūnam chandam datvā sace saṅgho sannipatati, “mayham chando ārocetabbo”ti vatvā padhānagaram pavasanti. Ayam sīhalādīpe payogo. Ārocentena pana sannipatīte ārocetabbam. Pañcasu bhikkhūsū ekasim vihare vasantesu ekassa chandapārisuddhim āharitvā catunnam pātimokkham uddisitam anuñātattā sannipatīte chando gahetabbo ārocetabboti vacanam niratthakam viya. “Theyasamvāsako paṭijānātīti (mahāva. 165) vacanato sāmanerena āhātāpi vaṭṭati. Kammaṃ na kopeti”ti ca, “sace pubbe chandam datvā bahisīmāgato puna pavasitī, pacchā chandaggahaṇakiccam natthi, tassa payogo sīmāsammutivasena vedittabbo”ti ca “chandādāne tikkhattum vacane idam payojanam – pathamam samaggabhāvaṃ, dutiyam pacchā vidhātābhāvaṃ, tatiyam chandahārakassa dukkaṭamocanam dīpeti”ti (vajira. ṭī. mahāvagga 164) ca likhitaṃ. **Bijālasaṅkhālikā**baddhāva hoti antogehe eva sampayojanattā, yathā sā na katthaci gacchati, tathā sāpi na katthaci gacchati adhippāyo. Itarathā visesanam niratthakam hoti ācariyena gahitaṃ.

“Na hi taṃ akatvā uposatham kātum vaṭṭati”ti pubbe dassitattā “idampi hi ubhaya”nti kasmā evam vuttanti ce? Sesāni therena ānattena kātābāni dassitāni, ime pana dve therena vā pātimokkhuḍdesakena vā ṇattitthāpanakena vā yena vā tena vā kātābānti ca, sammajjanādīni tattha tattha tādisāni payojanāni nipphādentī, ime pana dve tattha tattha na kiñci kammaṃ sādenti, tasmā “kim iminā”ti avatvā kātābamevāti dassetuṇca “**idampi hi ubhaya**”ntiādi vuttam. “**Āyasmantānaṃ pāde vandati**”ti gaṇavasena vatvā puggalavasena na vuttam tena ārocetabbassa aññassa abhāvā.

Saṅghassa uddiṭṭham hotīti saṅghena uddiṭṭham hotīti attho. **Samaggassa hi saṅghassati** ettha samaggabhāvassa kāyasāmaggikāraṇattā natthi dosoti ce? Taṃ na, uddepepi savanepi samaggabhāvassa icchitabbatā. “Sunātu me, bhante”ti hi iminā cittaśāmaggim dīpeti savane sabbehi ekībhūtābhāvato.

Saṅgicce āpattim āpajjati ettha anādiyavasena āpajjanto eva alajjī hoti, na itaroti. **Āpattim parigūhanti** ettha lajjīya parigūhanto alajjī na hoti, ‘kim iminā’ti anādiyavasena parigūhanto hoti”ti ca likhitaṃ.

“**Sattannaṃ āpattikkhandhāna**”nti na vattabbam, “channa”nti vattabbato ce? Sattannaṃevāti vattabbam. Pārājikāpattim āpanno hi sace attano sāpattikabhāvaṃ pakāseti, saṅghassa ca uposatho sampajjati, tassa ca gihbhāvena vā sāmaṇerabhāvena vā suddhi hotīti.

Ekacce ācariyā nāma dhammabhāriko kira ācariyo. Kasmā evam vuttanti ce? **Yāvattatīyanūsavanā** nāma tikkhattum vacanam. Tathā pāṭhe anāgatattā kevalam “yāvattatīyam anusāvita”nti padameva disvā “yassa siyā āpatti, so āvikareyyā”ti idam “sace āpattim āpannā, āvikarothā”ti imamattham dīpeti. “**Asantiyā āpattiyā tuñhi bhavitabba**”nti idampi tamevattham dīpeti. “**Tuñhibhāvena kho panāyasmante parisuddhāti vedissāmī**”ti idampi tamevāti evamattham gahetvā vuttam kira.

Apareti atthadassitthero kira. **Etam sandhāyati** ettha “sakimpi anusāvita”nti padassa vacanena tikkhattum anusāvanā kātābāti ettakameva dīpitaṃ viya dissati.

Imamattham sandhāya vuttanti katham viññayati ce? “**Ayamettha ācariyaparamparābhato vinicchayo**”ti vuttam.

“**Saramānenā**”ti iminā sampajjanāmusāvādassa sacittakattam dasseti. **Saṅghamajjhe vātiādi** lakkhaṇavacanam kira. Saṅghuposathakaraṇattam saṅghamajjhe ce nisinnō, tasmim saṅghamajjhe āvikātābā. Gaṇuposathakaraṇattāhaṃca gaṇamajjhe nisinnō, tasmim gaṇamajjhe. Ekasseva santike ce pārisuddhiuposatham kattukāmo, tasmim ekapuggale āvikātābānti, etena na kevalam saṅghamajjhe evāyam musāvādo sambhavati, atha kho ettha vuttalakkaṇena asatīpi “pārisuddhim āyasmanto ārocethā”tiādividhāne gaṇuposathepi sāpattiko hutvā uposatham kattukāmo anārocetvā tuñhibhūto va ce karoti, ayam sampajjanāmusāvādāpattim āpajjati imassatthassa āvikaraṇato lakkhaṇavacanam kiretanti vuttanti takkikā. Aññāthā “gaṇamajjhe vā”ti na vattabbanti tesam adhippāyo. Ārocanādhippāyavasena vuttanti ācariyassa takko. Ārocento hi “saṅghassa ārocem”ti adhippāyena āvikaronto saṅghamajjhe āvikaroti nāma, ubhatopasse nisinnānam ārocento gaṇamajjhe āvikaroti nāma, “ekasseva ārocissāmī”ti adhippāyena āvikaronto ekapuggale āvikaroti nāma. **Sacepi vematiko hoti...pe... paṭikarissāmī**ti evam kate yāva vematiko hoti, tāva sabhāgāpattim paṭiggahetum labhati, aññesaṃca kammānam parisuddho nāma hoti. Puna nibbematiko hutvā desetabbam vā na vāti neva pāliyam, na aṭṭhakathāyam atthi, desite pana doso natthi. Tathā ito **vuttahitvā taṃ āpattim paṭikarissāmī**ti ettha ca sakalasāṅghe sabhāgāpattim āpanne, vematike cāti likhitaṃ (vajira. ṭī. mahāvagga 169-170).

Nidānavannaṇā niṭṭhitā.

Pārājikakaṇḍam

1. Paṭhamapārājikavaṇṇanā

Idha pana thāvā sikkhāpadānaṃ kamabhedo pakāsetabbo. Kathaṃ – sabbasikkhāpadānaṃ yathāsambhavaṃ desanākkamo, pahānakkamo, paṭipattikkamo, uppattikkamoti catubbidho kamo labbhati. Tattha bhagavatā rājagahe bhikkhūnaṃ pātimokkhuddesaṃ anujānanta pātimokkhuddesassa yo desanākkamo anuññāto, tam desanākkamaṃ anukkamaṃto mahākassapo paṭhamam pārajikuddesaṃ pucchi, tadanantaram saṅghādisesuddesaṃ, tadanantaram aniyatuddesaṃ, tadanantaram vitthāruddesaṃ. Tadanantaram bhikkhunivibhangaṇca teneva anukkamaṃ pucchi. Tato param tato āpattikkhandhe saṅghetum vinā ḡanaṃparicchedena sekkhiyadhamme pucchi. Āpattikkhandhe sabhāgato paṭhāya pucchanto vīsatikhandhake pucchi. Nidānuddesantogadhānaṃ vā sarūpeṇa anuddiṭṭhānaṃ pucchanaṭṭham khandhake pucchi. Etena khandhake paññattā thullaccayāpi saṅgahitā honti. Pucchitānukkameneva āyasmā upālitthero byākāsi. Ayametha **desanākkamo**. Ubhatovibhāṅgakhandhakato pana uccintivā tadā parivāro viṣum pāli kato, imameva vacanaṃ sandhāya aṭṭhakathāyaṃ vuttam “eteneva upāyena khandhakam parivārepi āropayimsū” tiādi (pārā. aṭṭha. 1. paṭhamamahāsaṅgāṭikathā). Apica pāliyaṃ “eteneva upāyena ubhatovibhāṅge pucchi. Puṭṭho puṭṭho āyasmā upāli vissajjesī” ti (cūlava. 439) ettakameva vuttam. Tasmā therō ubhatovibhāṅge eva pucchi. Vissajjanto pana āyasmā upāli niravasesaṃ dassento khandhakaparivāre anto katvā desesi. Gaṇasajjhāyākāle pana tadā khandhakaparivārā viṣum pāli katāti ayametha **desanākkamo**.

Yadi evaṃ nidānuddeso paṭhamadesanāti ce? Na, uposathakkhandhake (mahāva. 133) “yāni mayā bhikkhūnaṃ sikkhāpadāni paññattāni, tāni nesam pātimokkhuddesaṃ anujāneyya” nti vacanato, “yassa siyā āpatti” ti (mahāva. 134) vacanato ca. Akusalābyākātānaṃ āpattinaṃ diṭṭhadhammasamparāyikasavatṭhāniyattā yathābhūtaṃ silāsamvarakena parivajjanaṃ pahātabbattā **pahānakkamopettha** sambhavati “tāvadeva cattārī akaraṇīyāni ācikkhitābbānī” ti vacanato. Tathā “samādāya sikkhati sikkhāpadesū” ti (ma. ni. 3.75; vibha. 508) vacanato yathābhūtaṃ ācikkhanasikkhanena **paṭipattikkamopi** sambhavati. Yathuddesakkamaṃ pariāpunitabbapariyattiatthenāpi paṭipattikkamo, evamimehi tīhi kamehi desetābbānemetesaṃ sikkhāpadānaṃ yathāsambhavaṃ **uppattikkamo** sambhavati. Tathā hi yaṃ yaṃ sādharānaṃ, tam tam bhikkhūnaṃ ārabha uppane eva vatthusmiṃ “yā pana bhikkhūnī chandaso methunaṃ dhamma” ntiādinā nayeṇa bhikkhūnaṃ paññattam. Yato bhikkhūnaṃ tam anuppannapaññatti na siyā, tato anuppannapaññatti tasmim natthīti (pari. 201–202) parivāravacanaṃ na virujjhati. Ettāvata purimena kamattayena yaṃ paṭhamam desetabbam, tam pārajikuddeso paṭhamuppannattā methunadhammapārajikam sabbapaṭhamam desetukāmo āyasmā upālitthero “tatra sudam bhagavā vesāliyaṃ viharatī” ti (pārā. 23) vesāliyameva pāpetvā thapesi.

Idāni sabbesaṃ sikkhāpadānaṃ paññāpanaviddhānaṃ veditabbam. Kathaṃ? “Evaṇca pana, bhikkhave, imam sikkhāpadam uddiseyyāthā” ti (pārā. 39, 43) evaṃ sauddesaanuddesabhedato dvidham. Tattha pātimokkhe sarūpato āgatā paṭcikkhandhā **sauddesapaññatti** nāma. Sāpi dvidhā sapuggalāpuggalaniddesabhedato. Tattha yassa paññattiyā anto āpattiyā saha, vinā vā puggalo dassito, sā **sapuggalaniddesā**. Itarā **apuggalaniddesā**.

Tattha sapuggalaniddesā dvidhā adassitadassitāpattibhedato. Tattha **adassitāpattikā** nāma aṭṭha pārājikā dhammā veditabbā. “Pārājiko hoti asaṃvāso” ti (pārā. 39, 44, 89, 91, 167, 171, 195, 197) hi puggalova tattha dassito, nāpatti. **Dassitāpattikā** nāma bhikkhunipātimokkhe āgatā sattarasa saṅghādisesā dhammā. “Ayampi bhikkhūnī paṭhamāpattikāṃ dhammaṃ āpanā nissāraṇīyaṃ saṅghādisesa” nti (pāci. 683, 687) hi tattha āpatti dassitā saddhim puggalena.

Tathā apuggalaniddesāpi adassitadassitāpattibhedato dvidhā. Tattha **adassitāpattikā** nāma sekkhiyā dhammā. Vuttāvesesā **dassitāpattikā**ti veditabbā.

Sāpi dvidhā aniddiṭṭhakāraṇaniddiṭṭhakārabhedato. Tattha **aniddiṭṭhakāraṇā** nāma sukkavisaṭṭhimusāvādomasāvādapesuññabhūtagāmaaññāvādakaujjhāpanakaganabhōjanaparārabhōjanasurāmerayaṅgulipatodakahasadhammaññāriyatagalhātakajatumā vasena pañcadasaṃvidhā honti. Tattha niddiṭṭhakāraṇe missāmissabhedo veditabbo – tattha upayogabhumavibhattiyo ekamsena **missā**. Avasesā **missā ca amissā** ca. Seyyathidam – **paccattam** tāva dvīsu aniyatesu upayogena missam, dvādasasu pāṭidesanīyesu karaṇena missam, ūnapācibandhanapattisikkhāpadesu sāmikaranehi, ūnavīsativasse bhūmena, mohanake upayogasāmiḡbhūmmehi. Yasmā “vivāṇaka” nti bhāvo adhippeto, na kattā, tasmā vivāṇakasikkhāpadam yadā na sambhavati, evaṃ paccattam pañcaviḡham missam hoti. Sesesu paṭhamāniyatam thapetvā ādimhi “yo pana bhikkhū” ti evamāgatam paccattam vā, dutiāniyatam thapetvā pañṭābhōjanasamañuddesatīyatatthapāṭidesanīyasikkhāpadesu majjhe “yo pana bhikkhū” ti evamāgatam paccattam vā, dubbacakuladūkasasatṭhasikkhāpadesu ādimhi kevalam “bhikkhū” ti āgatam paccattam vā, bhedānūvattakasikkhāpade majjhe āgatam paccattam vā aññāya vibhattiyā amissameva hoti. Tattha bhedānūvattakatuvattānavayasaṃsattadutiāpāṭidesanīyasikkhāpadesu bahuvacanaṃ, itaratha sabbattha ekavacanamevāti veditabbam.

Tathā **upayogo** dvīsu vikappanasikkhāpadesu, tantavāyasikkhāpade ca paccattena misso, abhihaṭasikkhāpade karaṇena, rājasikkhāpade karaṇasāmpaccattheṭṭi upayogo tidhā misso hoti. **Karaṇāṇca** kuṭṭikāramahallakadutiāyathinadvebhāṅgasīdanasanthatadubbānākaranaṃsikkhāpadesu chasu paccattena missam, paṭhamatīyākathinaaṭṭhaṅgulapācchādikasīdanakanduppaṭicchādikavassikasāṭīkaudakasāṭīkadvedhammapaccāsīdanasikkhāpadesu aṭṭhasu sāmīnā missanti karaṇam dvidhā missam hoti. Avasesesu chabbassavassikasāṭīkadavatticchadanāvāsathapīḡdamahānāmagaralahupavuraṇasikkhāpadesu sattasu karaṇavibhatti aññāvibhattiyā amissā, accekaelakalomasikkhāpadesu sāmīvibhatti karaṇavibhattiyā missā. Atirekapattabhesajjasikkhāpadesu aggahitaggahaṇena sāmīvibhatti amissāva hoṭṭi veditabbā. Evaṃ tāva niddiṭṭhakāraṇesu sikkhāpadesu –

Pañcadhā ca tidhā ceva, dvidhā cepi tathekadhā,
Bhinnā vibhattiyo pañca, sabbekādasadhā siyumu.

Evaṃ tāva yathāvutteso sauddesapaññattisāṅkhātesu sikkhāpadesu aggahitaggahaṇena paññāsuttareṣu tisatesu navtīaniddiṭṭhakāraṇe vajjete niddiṭṭhakāraṇāni atirekasatṭhīdvīsatāni honti. Tesu paccattakaraṇāni tīmsuttarāni dvīsatāni honti. Tesu amissapaccattakaraṇāni dvādasuttarāni dvīsatāni, missapaccattakaraṇāni aṭṭhārasa honti. Avasesesu tīmsatiyā sikkhāpadesu missopayogakaraṇāni pañca honti, missakaraṇāni cūddasa, amissāni satta, missāmissakaraṇāni dve, amissāni dveti sabbesupi niddiṭṭhakāraṇesu bhedānūvattakadubbacakuladūsakapaṭhamadutiāyatiyāyathinadvebhāṅgachabbassanīdanasanthatāelakalomātīrekapattabhesajjavassapaccattīmsesu “yo pana bhikkhū” ti natthi. Dutiāniyatapañṭābhōjanasamañuddesatīyatatthapāṭidesanīyesu majjhe atthi.

Ettāvata sauddesānuddesadukam, sapuggalāpuggalaniddesadukam, paccakadassitāpattidukadvayaṃ, aniddiṭṭhakāradukam, tattha niddiṭṭhakāraṇesu paccattabhummadukam, sayopānāyopānadukam, upopānamajjheyopānadukam, ekānekavacānadukanti nava dukāni dassitāni honti. Viśesakaraṇam tasmim tasmim sikkhāpade sampatte āvībhavissatī. Evaṃ tāva sauddesapaññattim nīvatvā sesavinayapīṭake yā kāci paññatti anuddesapaññattīti veditabbā. Sā padabhājanantarāpattivīnitvatthupāṭikkhepaṇñattīvuttasiddhisikkhāpadavasena chabbidhā hoti.

Tattha “yebhuyena khayite āpatti thullaccayassa (pari. 157–158), vattakate mukhe accupantassa āpatti dukkaṭassā” ti (pārā. 73) evamādikā padabhāṅjane sandissamānāpatti **padabhājanasikkhāpadam** nāma. “Na ca, bhikkhave, sabbamattikāmayā kuṭi kātābbā, yo kareyya, āpatti dukkaṭassā” tiādi (pārā. 85) **antarāpattisikkhāpadam** nāma. “Anujānāmi, bhikkhave, divāpaṭisalliyantena dvāraṃ saṃvaritvā paṭisalliyitu” nti (pārā. 77) evamādi **vinītavatthusikkhāpadam** nāma. “Saṅghabhedako, bhikkhave, anupasampanno na upasampādetabbo” ti (mahāva. 115) evamādi **paṭikkhepasikkhāpadam** nāma.

Yasmā pana tena tena paṭikkhepena “yo pana bhikkhu samaggaṃ saṅgham adhammasaṅghā bhindeyya, pārājiko hoti asaṃvāso. Yo pana bhikkhu dutṭhacitto bhagavato jīvaṇākasarīre lohitaṃ uppādeyya, pārājiko hoti asaṃvāso” ti sikkhāpadāni paññattāni honti. Yāni sandhāya “ekassa chejjakā hoti, catunnaṃ thullaccayaṃ, catunnañceva anāpatti, sabbesaṃ ekavatthukā” ti vuttam. “Āthāpatti tīṭhante bhagavato āpajjati, no parinibbute” ti (pari. 323) ca vuttam. Tena na kevalam “na, bhikkhave, jānaṃ saṅghabhedako anupasampanno upasampādetabbo... pe... āpatti dukkaṭassā” ti idameva sikkhāpadam paññattam hoti sādhakam hoti. “Paṇḡako, bhikkhave, anupasampanno na upasampādetabbo, upasampanno nāsetabbo” ti (mahāva. 109) evamādisu pana upajjhāyādinam dukkaṭameva paññattam, na paṇḡakādīnam pārājikāpatti. Na hi tesam bhikkhubhāvo atthi. Yato siyā pārājikāpatti. Tathā “na acchinne theve pakkamitabba” nti (mahāva. 66, 67, 78, 79) evamādiḡca **paṭikkhepasikkhāpadameva** nāma.

Khandhakesu paññattadukkaṭatthullaccayāni **paññattisikkhāpadam** nāma. “Tena hi, sāriputta, bhedānūvattake thullaccayaṃ desāpehī” ti (cūlava. 345) vuttam, thullaccayaṃpi tattheva samodhānaṃ gacchati. Idam tesam vibhāṅgikammakhaṇe apaññattāttā avijjānaṃpi bhagavato vacanena visuddhakkhaṇepi vijjānaṃ jātanti eke. “Bhedānūvattake desāpehī” ti vacanato sesabhedānūvattakānaṃ “yo pana bhikkhu jānaṃ saṅghabhedakānaṃ anuvatṭeyya, āpatti thullaccayassā” ti sikkhāpadam paññattam hoṭṭi veditabbam. Tathā sabbāni khandhakavattāni, vinayakammāni ca tattheva samodhānaṃ gacchanti. Yathāha “paññatte tam upāli mayā āgantukānaṃ bhikkhūnaṃ āgantukavattam... pe... evaṃ supaññatte kho mayā upāli sikkhāpade” tiādi. “Yā pana bhikkhūnī naccaṃ vā gītaṃ vā vādītaṃ vā dassanāya gaccheyya, pācittiyā” nti (pāci. 834) iminā suttana bhikkhūnī nacceyya vā gāyeyya vā vādeyya vā, pācittiyanti evamādikam yaṃ kiñci aṭṭhakathāya dissamānaṃ āpattijātam vinayakammam vā **avuttasiddhisikkhāpadam** nāma. Chabbidhampetaṃ chahi ākārehi uddesārāhaṃ na hoṭṭi **anuddesasikkhāpadam** nāmāti veditabbam. Seyyathidam – pañcahi uddesehi yathāsambhavaṃ visabhāṅgattā thullaccayadubbhāsītānaṃ sabhāḡavattukampī dukkaṭathullaccayadvayaṃ asabhāḡāpattikattā antarāpattipaññattisikkhāpadānaṃ,

nānavatthukāpattikattā patikkhepasikkhāpadānam, kesañci vinūvatthupaññattisikkhāpadānañca adassitāpattikattā, adassitavatthukattā bhedānūvattakathullaccayassa, adassitāpattivatthukattā avuttasiddhisikkhāpadānanti. Ettāvata “duvidham sikkhāpadapaññāpanam sauddesānuddesabhedato” ti yam vuttam, tam samāsato pakāsitam hoti.

Paññattiyam tāva –

“Kārako idha niddiṭṭho, apekkhāya abhāvato;
Pubbe vattabbavidhānā-bhāvato ca ādito yopanena sahā” ti. –

Amay nayo veditabbo. Tassattho – ye te aniddiṭṭhakārakā pubbe vuttappabhedā sukkavisaṭṭhādayo sikkhāpadavisesā, tesu adhippāyakammavatthupuggalapyoghe apekkhāya bhāvato kārako na niddiṭṭho tesam sāpekkhabhāvadassanattam. Tam sabbam tasmim tasmim sikkhāpade āvibhavissati, **idha** pana pārājikapaññattiyam **apekkhāya abhāvato kārako niddiṭṭho**. Yo pana kārako “niṭṭhitacivarasmim bhikkhunā ubbhata smi” ntiādisu (pārā. 462, 472, 475) viya **pubbe vattabbavidhānābhāvato** karanādivasena aniddisitvā paccattavasena niddiṭṭho apekkhāya abhāvato. Tattha niddisiyamāno sesadutiyanīyatapanātibhojanam samanuddesatatiyacatautthapāṭidesaniyesu viya majjhe aniddisitvā “na heva kho pana... pe... obhāsitu” ntiādi (pārā. 453) viya pubbe vattabbavidhānābhāvato eva ādimhi niddiṭṭho. Ādimhi niddisiyamāno pubbe vuttappabhedesu bhedānūvattakādīsu pañcattimsesu sikkhāpadesu viya aniddisitvā pubbe vattabbavidhānābhāvato eva “yo pana bhikkhū” tiāditova **yopana**-saddena saha niddiṭṭho. Evaṃ niddisiyamāno so yasmā “yā pana bhikkhuniyo dve ekamañce tuvattēyū” ntiādi (pāci. 933) āpatti viya parappabhavam āpattim na āpajjati, tasmā “yo pana bhikkhū” ti ekavacanena niddiṭṭho. Methunadhammāpattipi parappabhavā “dvayamdvayasamāpatti” ti (pārā. 39) vacanato ce? Tam na, adhippāyajānanato. Anekissā eva bhikkhuniyā āpatti, na ekissāti niyamo tattha atthi, na evaṃ idha niyamoti aniyamitādhippāyo. Lambīmudupitṭhinam kuto “dvayamdvayasamāpatti” ti (pārā. 55) vacanato tesam methunadhammāpatti. Ayamatto catasso methunadhammāpaccayāti atthavattukam sandhāya “chejjam siyā methunadhammāpaccayā” ti (pari. 481) ca parivāre vuttavacanena sādhetabbo.

Bhedānūvattakāsikkhāpade tiṇṇam uddham na samanubhāsītābba, na saṅghena saṅgham ekato kātabbanti. Nayadassanattam āditova “bhikkhū hoti” ti bahuvacanānidesam katvā puna “eko vā dve vā tayo vā” ti (pārā. 418) vuttam, aññathā na tato uddham “anuvattakā hoti” ti āpajjati. Tato nidānavirodho. Pañcasatamattā hi tadanuvattakā ahesum. Yam pana **sattasatikakkhandhake** “saṅgho cattāro pācīnake bhikkhū, cattāro pāveyyake bhikkhū sammaneyya... pe... sammatā” tiādi (cūlava. 456) ntiādituyakammam vuttam, tam “ubbhikāya imam adhikaranam vūpasametu” nti vuttattā tehi kattabbavidhānam. Sammutikaranameva vā tatiyam katvā kappati. Na hi te tena kammena kammārahā kammakātā hoti. Yassa saṅgho kammam karoti, so kammārahoti lakkhaṇam. Na ca tadā saṅgho tesam atthannampi bhikkhūnam kammam akāsi. Bhajāpiyamānā te kammāpattābhāvam bhajanti. Adhikaranavūpasamakammassa pattā yuttā saṅghena katāti katvā kammāpattā eva hi te hoti. “Te bhikkhū bhikkhūhi yāvatiyam samanubhāsītābba tassa paṭinissaggāyā” ti (pārā. 418) vacanato tehi kattabbavidhānam. Sammutikaranameva kammam hoti ce? Tam na, adhippāyajānanato, tassa paṭinissaggāyā eva te bhikkhū kammārahā kātabbā, na dosāgativasenāti ayamettha adhippāyo. Na hi pācīnakādīnam sammutiyā adhippāyajānanato, tasmā yeva tesam samanubhāsānakammena tassa paṭinissaggasiddhi hoti, sammuti nāmesā paṭhamam anumatiṃ gahetvā yācivāva kārīyati, na thā kammanti. Kammakarane pana tadatthasiddhi hotiyeva. Parasammutiyā bahutarāva sammanitābhatti veditabbam.

“Methunadhama” nti evaṃ bāhullanayena laddhanāmakam sakapayogena vā parapayogena vā attano nimittassa sakamagge vā paramagge vā paranimitassa vā sakamagge eva pavesanapavīṭṭhātaudharānesu yam kiñci ekam patisādiyanavasena seveyya, pārājiko hoti asamvāsoti. Keci pana “pavesanādi cattāri vā tīni vā dve vā ekam vā paṭiseveyya, pārājiko hoti. Vuttañhetam” so ce pavesanam sādiyati, pavīṭṭham sādiyati, paviṭṭham sādiyati, uddharanam sādiyati, āpatti pārājikkassā” tiādi” ti (pārā. 58) vadanti. Tesam matena catūsūpi catasso pārājikāpattiyō āpajjati. Teyeva eva vadanti – āpajjatu methunadhammāpārājikāpatti, methunadhammāpārājikāpattiyā tambhāgiyāti attano vītikame pārājikāpattiyō, saṅghādisesāpattīna āpajjivā sikkham paccakkhāya gahatṭhakāle methunādikam pārājikam āpajjivā puna pabbajivā upasampajjivā ekam saṅghādisesāpattim ekamanekam vā patikarivāva so puggalo yasmā nirāpattiko hoti, tasmā so gahatṭhakāle sāpattikovāti. Antimavatthupāyāpasamasiddhi viya tesam samanubhāsānakammena tassa paṭinissaggasiddhi hoti, sammuti nāmesā paṭhamam anumatiṃ gahetvā yācivāva kārīyati, na thā kammanti. Kammakarane pana tadatthasiddhi hotiyeva. Parasammutiyā bahutarāva sammanitābhatti veditabbam.

Yadi evaṃ mātīkāyampi “yo pana bhikkhu methunam dhammam paṭiseveyya, pārājika” nti vattabbam bhaveyya, pārājikkassa anavasesavacanampi na yujjeyya. Sabbepi hi āpattikkhandhe, bhikkhugānañca anavasesetvā tiṭṭhatīti anavasesavacananti katvā paveseva āpatti, na pavīṭṭhādisu. Tamevekam sandhāya “yassa siyā āpatti” ti (mahāva. 134) pārājikāpattim anto katvā nidānūddesavacanam veditabbam. Tasmā mātīkāyam “pārājika” nti avatvā “pārājiko hoti” ti (pārā. 42, 44) puggalaniddesavacanam tena sarīrabandhanena upasampadāya abhabbhāvadīpanattam. “Āpatti pārājikkassā” ti padabhājjane vacanam antimavatthum ajjhāpanassāpi pārājikkassa asamvāsassa sato puggalassa attheyasamvāsakabhāvadīpanattam. Na hi so samvāsam sādiyantīti theyasamvāsako hoti, tasmā upasampanno “bhikkhū” tveva vuccati. Tenevā “asuddho hoti puggalo aññitarām pārājikam dhammam ajjhāpanam, tañce suddhāntīti samāno anokāsam kārēpavā akkosādhippāyo vadati, āpatti omasavādena dukkaṭassā” ti (pārā. 389) anupasampannassa tadabhāvato siddho so upasampanno “bhikkhū” tveva vuccati, tena padasodhammam, sahasēyañca janeti, bhikkhupesūññādiñca janētīti veditabbam (vajira. 11. pārājika 39).

Nidānā mātīkābhedo, vibhaṅgo tanniyāmakō;
Tato āpattiyā bhedo, anāpatti tadanññāthāti. (vajira. 11. pārājika 43-44) –

Amay nayo veditabbo. Tattha sudinnavattū (pārā. 24 ādayo)-makkatīvatthū (pārā. 40 ādayo)-vajjiputtakavattū (pārā. 43) cāti tippabhedavattū imassa sikkhāpadassa **nidānam** nāma. Tato nidānā “yo pana bhikkhu bhikkhūnam... pe... asamvāso” ti (pārā. 44) imissā **mātīkāya bhedo** jāto. Tattha hi “antamaso tiracchānagatāyā” ti (pārā. 44) itthilīngavasena “saccam, āvuso, bhagavatā sikkhāpadam paññattam, tañca kho itthiyā, no purise, no paṇḍake, no ubhatobyañjanake cā” ti makkatīpārājiko viya aññopi lesam oḍḍetum sakkoti, tasmā tādisassa alesokāssassa dassanattam idam vuccati, makkatīsañkhatā nidānā “antamaso tiracchānagatāyāpi” ti mātīkāya vacanābhedo, na itthiyā eva methunasiddhidassanato. Tasmā **vibhaṅgo tanniyāmakō** tassā mātīkāya adhippetatthaniyāmakō vibhaṅgoti. Vibhaṅge hi “tisso itthiyō, tayo ubhatobyañjanakā, tayo paṇḍakā, tayo purisā. Manussitthiyā tayo magge, tiracchānagatapurisassa dve magge” tiādi (pārā. 56) nayena sabbalesokāsam pidahitvā niyamo kato. Etthāha – yadi evaṃ sādāhāranasikkhāpadavasena vā līngaparivattanavasena vā na kevalam bhikkhūnam, bhikkhūnīnampi “sikkhāsājjivasamāpanno” ti vibhaṅge vattabbam siyā. Tadavacanena hi bhikkhūnī purisalīngapātubhāvena bhikkhūbhāve thitā evaṃ vadeyya “nāham upasampadākarānakāle bhikkhūnam sikkhāsājjivasamāpannā, tasmā na apaccakkhatasikkhāpi methunadhammena pārājikā homi” ti. Vuccate – yathā vuttam, thā na vattabbam anīṭṭhappasāngato. Thā vutte bhikkhūnīnampi sikkhāpaccakkhānam atthūti āpajjati. Tañcānīṭṭham. Idamaparamānīṭṭham “sabbasikkhāpadāni sādāhāraṇe vā nāsādāhāraṇāni” ti. Apicāyam bhikkhūnam sikkhāsājjivasamāpannāva hotīti dassanattam “anujānāmi, bhikkhave, tameyya upajjam tameva upasampadam tāni vassāni bhikkhūhi saṅgamitū” ntiādi (pārā. 69) vuttam. **Tato āpattiyā bhedoti** tato vibhaṅgato “akkhayite sarīre pārājikam, yebhuyyena khayite thullaccaya” ntiādi (pārā. 73, pari. 157) āpattiyā bhedo hoti. **Anāpatti tadanññāthāti** tato eva vibhaṅgato yena ākārena āpatti vuttā, tato aññenākārena anāpattibhedova hoti. “Sādiyati, āpatti pārājikkassa, na sādiyati, anāpatti” ti hi vibhaṅge asati na paññāyati. Ettāvata “nidānā mātīkābhedo” ti ayam gāthā samāsato vuttatthā hoti. Visesakāranam pana tasmim tasmim sikkhāpade āvibhavissati.

Paṭhamapaññatti tāva paṭhamabodhīm atikkamitvā paññattattā, āyamato sudinnassa atthavassikakāle paññattattā ca rattāññumhattam pattakāle paññattā, dutiyapaññatti bāhusamamahattam pattakāle. So hi āyasmā makkatīpārājiko yathā mātīgamaṭṭapattisamāyuttesu sikkhāpadesu tiracchānagatīti na adhippetā, thā idhāpi saññāya “saccam, āvuso... pe... tañca kho manussitthiyā, no tiracchānagatāyā” ti (pārā. 41) āha. Tatiyapaññatti lābhaggamahattam pattakāle uppannā “yāvadhattam bhunjitvā” tiādi (pārā. 43) vacanato, vepullamahattampi ettheva labbhatīti imam paṭhamapārājikasikkhāpadam tividhampi vattum upādāya catubbidhampi tam kālam patvā paññattanti veditabbam.

Tattha **yo panāti** anavasesapariyādānapadam. **Bhikkhūti** tassa attipasaṅganīyamapadam. **Bhikkhūnam sikkhāsājjivasamāpannō** tassa visesanavacanam. Na hi sabbopi bhikkhūnāmako, yā bhagavatā yāya kāyaci upasampadāya upasampannabhikkhūnam heṭṭhimāparicchedena sikkhitābba sikkhā vihīti. “ettha saha jīvatī” ti yo ca sājjivo vutto, tam ubhayam samāpanno hoti. Kadā pana samāpanno hoti? Yāya kāyaci upasampadāya upasampannasamanantareva tadubhayam jānantopi ajānantopi tadajjhupagatattā samāpanno nāma hoti. **Saha jīvatīti** yāva sikkham na paccakkhāti, pārājikabhāvam vā na pāpunāti. Yam pana vuttam **andhakaṭṭhakathayam** “sikkham paripūrento sikkhāsājjivasamāpanno sājīvam avītkkamanto sājīvasamāpanno” ti, tam ukkaṭṭhāparicchedavasena vuttam. Na hi sikkham aparipūrento, kāmavitakkādībahulo vā ekaccam sāvasesam sājīvam vītkkamanto vā sikkhāsājjivasamāpanno nāma na hoti.

Ukkaṭṭhāparicchedena pana catukkam labbhati – “atthi bhikkhu sikkhāsājjivasamāpanno sīlāni paccavekkhanto na sājīvasamāpanno accittakam sikkhāpadam vītkkamanto, atthi na sikkhāsājjivasamāpanno kāmavitakkādībahulo sājīvasamāpanno nirāpattiko, atthi na sikkhāsājjivasamāpanno na ca sājīvasamāpanno anavasesam āpattim āpanno, atthi ubhayasamāpanno sikkham paripūrento sājīvañca avītkkamanto” ti. Ayamettha catutto bhikkhu ukkaṭṭho idha adhippeto siyā. Na hi bhagavā anukkaṭṭham vuttam yuttoti ce? Na, “tatra yāyam adhisīlasikkhā, ayam imasmim atthe adhippetā sikkhā” ti vacanavirodhato, ukkaṭṭhaggāhanādhippāye sati “sikkhāti tisso sikkhā” ti ettakameva vattabbanti adhippāyo. Sikkhattayasamāpanno hi sabbukkaṭṭho. “Methunam dhammam paṭiseveyyā” ti parato vacanam apekkhivā adhisīlasikkhāva vuttāti ce? Na, tassāpi abhabbattā. Na hi adhisīlasikkham paripūrento, sājīvañca avītkkamanto methunadhammam paṭiseveyyam bhābho, tam sikkham aparipūrento, sājīvañca vītkkamanto na vi paṭiseveyyāti

adhippāyā. Tasmā evamettha attho gahetabbo. Yasmā sikkhāpadasaṅkhāto sājīvo adhisīlasikkhameva saṅganhāti, na itarasikkhādvayam, tasmā “tatra yāyam adhisīlasikkhā, ayam imasmim atthe adhippetā sikkhā”ti vuttam. Tasmā adhisīlasikkhāya saṅgāhako sājīvo sikkhāsājīvoti vutto. Iti sājīvavisesanatham sikkhāggahaṇam kataṃ. Tadatthadīpanathamēva vibhaṅge sikkhāṃ aparāmasitvā “tasmim sikkhāti, tena vuccati sājīvasamāpanno”ti (pārā. 45) vuttam. Tena ekamevidam atthapadanti dīpitaṃ hoti. Tañca upasampadūpagamanantarato paṭṭhāya sikkhanādhikarattā “sikkhāti”ti ca “samāpanno”ti ca vuccati. Yo evaṃ “sikkhāsājīvasamāpanno”ti saṅkham gato, tādisaṃ paccayaṃ paṭicca aparabhāge sājīvasaṅkhātameva sikkhāṃ apaccakkhāya tasmimēva dubbalyaṃ anāvikatvā methunaṃ dhammaṃ paṭisevveyyāti ayamattho yujjati.

Kintu atthakathānayo paṭikkhitto hoti, so ca na paṭikkhepāraho hoti, adhippāyo panettha pariyesitabbo. Sabbesu sikkhāpadesu idameva bhikkhulakkhaṇaṃ sādhanānaṃ yadidaṃ “bhikkhūnaṃ sikkhāsājīvasamāpanno”ti. Khīnāsavopi sāvako āpattim āpajjati acittakam, tathā sekkho, puṭhujjano pana sacittakampi, tasmā sekkhasekkhapuṭhujjanānaṃ sāmāñnamidaṃ bhikkhulakkhaṇanti katvā kevalaṃ sikkhāsamāpanno, kevalaṃ sājīvasamāpanno, ubhayaṃ samāpanno cāti sarūpekadesaekasesanayena “sikkhāsājīvasamāpanno”tveva sampiṇḍetvā ukkaṭṭhaggahaṇena anukkaṭṭhānaṃ gahaṇasiddhito atthakathāyā ukkaṭṭhova vutto. Tameva sampādetum “tasmim sikkhāti, tena vuccati sājīvasamāpanno”ti ettha sikkhāsaddassa avacane parihāram vatvā yasmā pana so sikkhampi samāpanno, tasmā sikkhāsamāpannotipi atthato vedittabboti ca vatvā “yaṃ sikkhāṃ samāpanno, taṃ apaccakkhāya, yañca sājīvaṃ samāpanno, tattha dubbalyaṃ anāvikatvā”ti vuttanti ayamatthakathāya adhippāyo vedittabbo. Etasmim pana adhippāye adhisīlasikkhāya eva gahaṇaṃ sabbatthikattā, sīlādhikārato ca vinayassāti vedittabbaṃ. Yathā ca sikkhāpadam samādiyanto sīlam samādiyanti vuccati, evaṃ sikkhāpadam paccakkhanto sīlam paccakkhāti vattum yujjati, tasmā tattha vuttam “yaṃ sikkhāṃ samāpanno, taṃ apaccakkhāyā”ti (pārā. atthā. sikkhāpaccakkhānavibhaṅgavannaṇā). Ettavatā samāsato “sikkhāsājīvasamāpanno”ti ettha vattabavinicchayo niṭṭhito hoti.

Kim iminā visesavacanena payoṇaṃ, nanu “yo pana bhikkhu sikkhāṃ apaccakkhāya dubbalyaṃ anāvikatvā... pe... asamvāso”ti ettakameva vattabbanti ce? Na vattabbaṃ aṇiṭṭhappasaṅgato. “Yo pana sikkhāsājīvasamāpanno theyayasamvāsādikō kevalena samaññamattena, paṭiññamattena vā bhikkhu, tassāpi sikkhāpaccakkhānaṃ atthi, sikkhāṃ apaccakkhāya ca methunaṃ dhammaṃ paṭisevantassa pārājīkapatī. Yo vā pacchā pārājīkam āpattim āpajjivā na sikkhāsājīvasamāpanno, tassa ca, yo vā pakkhapaṇḍakattā paṇḍakabhāvūpagamaṇena na sikkhāsājīvasamāpanno, tassa ca tadubhayaṃ atthi āpajjati. Paṇḍakabhāvapakke ca paṇḍako upasampadāya na vatthū”ti vuttam. Tasmā itarasmim pakkhe vatthūti siddham. Tasmim pakkhe upasampanno paṇḍakabhāvapakke paṇḍakattā na sikkhāsājīvasamāpanno, so paricajjittabbaṃ sikkhāya abhāvena sikkhāṃ apaccakkhāya mukhena parassa aṅgajāttaggahaṇanayena methunaṃ dhammaṃ paṭisevveyya, tassa kuto pārājīkapatīti adhippāyo. Ayam nayo apaṇḍakapakkaṃ alabhamānasseva parato yujjati, labhantassa pana arūpasattānaṃ kusalādisamāpattikkhaṇe bhavaṅgaviccchede satipi amaraṇaṃ viya paṇḍakabhāvapakkepi bhikkhubhāvo atthi. Samvāsam vā sādīyantassa na theyayasamvāsakabhāvo atthi antimavatthujjāpanassa viya. Na ca sahasayādīm janeti. Gaṇapūraḥko pana na hoti antimavatthum ajiḥhāpanno viya. Na so sikkhāsājīvasamāpanno. Itarasmim pana pakkhe hoti, ayam imassa tato viseso. Kimayam sahetuko, udāhu ahetukoti? Na ahetuko. Yato upasampadā tassa apaṇḍakapakke anuññātā sahetukappaṭṭisandhikattā. Paṇḍakabhāvapakkepi kissa nānuññātīti ce? Paṇḍakabhūtattā opakkamikaṇḍakassa viya.

Apica “sikkhāsājīvasamāpanno”ti iminā tassa sikkhāsamadānaṃ dīpetvā taṃ samādinnaṃ sikkhāṃ apaccakkhāya, tattha ca dubbalyaṃ anāvikatvāti vattum yujjati, na aṇiṭṭhāti iminā kāraṇena yathāvuttāniṭṭhappasaṅgato “yo pana bhikkhu bhikkhūnaṃ sikkhāsājīvasamāpanno sikkhāṃ apaccakkhāyā”ti dīti vuttam. Yathā cetha, evaṃ “yo pana bhikkhu bhikkhūnaṃ sikkhāṃ apaccakkhāya dubbalyaṃ anāvikatvā gāṃ vā araṇṇā vā adinnaṃ... pe... yo pana bhikkhu bhikkhūnaṃ sikkhāsājīvasamāpanno sikkhāṃ apaccakkhāya dubbalyaṃ anāvikatvā sugatacivarappamaṇaṃ cīvaraṃ kārāpeyyā”ti sabbattha yojetabbaṃ.

“**Antamaso tiracchānagatāyapi**”ti manussitthim upādāya vuttam. Na hi pageva paṇḍake, purise vāti vattum yujjati. Sesam tattha tattha vuttanayameva. Ayam tāva mātikāya vinicchayo aṇiṭṭhāpi yathāsambhavaṃ yojetvā dīpetabbo.

Sāriputtabelatthasīnandādayopi sikkhāpapaṇḍāntikkāraṇatā ca āpattipajjanato ca kasmā mahāvibhaṅge ṇatticatutthaupasampadāyeva āgatī? Paṭikkhitāya saraṇagamanūpasampadāya anuññātipasāngabhayāti upatissatthero. Āpattiyā bhabbatam sandhāya tasmimpi vutte pubbe paṭikkhitāpi bhagavatā puna anuññātīti bhikkhūnaṃ micchāgāho vā vimati vā uppajjati, tasmā na vuttāti vuttam hoti.

“Adhammakammaṃ vaggakamma”ti (mahāva. 387) vacanato kuppakammampi katthaci “kamma”nti vuccati, tasmā “**akuppēnā**”ti vuttam. Yasmā akuppakammampi ekaccaṃ na thānārahaṃ, yena apatto osāraṇaṃ suosāritoti vuccati, tasmā “**thānāraheṇā**”ti vuttam. Yadi evaṃ “thānāraheṇā”ti idameva vattabbaṃ iminā akuppasiddhiti ce? Na, atthānāraheṇa akuppēna upasampanno imasmim atthe na adhippeto aṇiṭṭhappasaṅgato. Dvīhi panetthi ekato vutthehi ayamattho paññāyati – kevalaṃ tena akuppēna upasampanno ayampi imasmim atthe adhippeto bhikkhūti, thānāraheṇa ca akuppēna ca upasampanno ayampi imasmim atthe adhippeto bhikkhūti, kuppēna upasampanno nādhīpetoti.

“**Paṭisandhiggahaṇato paṭṭhāya aparipuṇṇavisativasso**”ti vuttattā opapātikacāti solasavassuddesikā opapātikā paṭisandhito paṭṭhāya aparipuṇṇavisativassāti vadanti. “Solasavassuddesikā hoti”ti vuttattā puna cattāri vassāni icchitabbāni, ‘paṭisandhiggahaṇato paṭṭhāyā’ti idaṃ gabbhaseyyakānaṃ vasena vutta”nti eke. “Keci vadanti”ti yathā yathā likhīyati, tattha tattha vicāretvā attham suṭṭho upalakkhaye. Opakkamike paṇḍakabhāvo arulhanayena vedittabbo. “Pakkhapaṇḍako apaṇḍakapakke pabbajetvā paṇḍakapakke nāsetabbo”ti (vajira. ī. mahāvagga 109) likhitam.

“Bindum adatvā ce nivāseti, **theyyasamvāsako** na hoti”ti vadanti, vīmaṃsittabbaṃ. **Līṅānurūpassāti** sāmaṇerārahassa samvāsassa sādītattāti adhippāyo.

Rājabhayādīhi gahitalīṅānaṃ “gihī maṃ ‘samaṇo’ti jānanti”ti vācaṇacitte satipi bhikkhūnaṃ vañcetukāmatāya ca tehi samvasitukāmatāya ca abhāvā doṣo na jātoti. “Yo evaṃ pabbajati, so theyyasamvāsako nāma hoti”ti vā “evaṃ kātum na labbhati”ti vā “evaṃ pabbajito sāmaṇero na hoti”ti vā na jānāti, vaṭṭati. “Jānāti, na vaṭṭati”ti ca likhitam. “Rājadubbhikkhādīthāya cīvaraṃ pārupitvā samvāsam sādīyanto theyyasamvāsako hoti. Kasmā? Asuddhacittattā. Puna so ‘suddham brahmacariyaṃ karissāmi, kim etenāti vippaṭisāreṇa vā paccayādisulabhātāya vā karissāmi’ti suddhamānaso hutvā yāva so samvāsam nādhivāseti, tāva theyyasamvāsako na hoti. Evaṃ suddhacittupattito paṭṭhāya samvāsam sādīyati ce, theyyasamvāsako hoti adhippeto. Itarathā sabbam virujjhati”ti eke.

“Nābhiparāmāsādinā jāto tathārūpam pitaram ghāteti ce, **pitughātako** hoti”ti vadanti.

Yo pana kāyasamsaggena sīlavināsam pāpeti, na so **bhikkhunīdūsako** “tiṇṇam maggāna”nti vacanato. Bhikkhuniṃ pana ekatoupasampannaṃ dūsetvāpi bhikkhunīdūsako hoti, sopi pārājiko hoti vinicchayo. Bhikkhunī pana theyyasamvāsikā, mātiputurarahantaghatikā, lohītuppādikā, tīthiyapakkaṅtikā ca hoti, atthakathāsu aṅgataṃ vinayadharā sampatīcchanti.

“Sampajānamasūvāde pācītiyā”nti (pāci. 2) vuttam mariyādam avitikkamanto tasmīṇca sikkhāpade sikkhāti vuccati. **Sikkhāpadanti** asabhāvadhammo saṅketova, idha paññāti adhippetā. “Methunasamvarassetam adhivacana”nti samantapāsādikāyaṃ vuttam, taṃ panattham sandhāyāti likhitam. **Sikkhāti** taṃ taṃ sikkhāpadam, sikkhānabhāvena pavattacittuppādo. **Sājivanti** paññāti. Tadatthadassanatham pubbe “methunasamvarassetam adhivacana”nti vuttam. Yasmā sikkhāya gunasammatāya puññasammatāya tantiyā abhāvato lokassa dubbalyāvikammaṃ tattha na sambhavati. Patthaniyā hi sā, tasmā “**yañca sājivaṃ samāpanno, tasmim dubbalabhāvaṃ appakāsetvā**”ti vuttam. Āṇāya hi dubbalyaṃ sambhavatīti upatisso. **Dubbalyāvikammaṃ** sikkhāpaccakkhānaṃ padassa byañjanaṣiṭṭhatāya vā parivāraḥbhāvena vā vedittabbaṃ. Atha vā yasmā sikkhāpaccakkhānaṃ ekaccaṃ dubbalyāvikammaṃ akatam hoti, tasmā taṃ sandhāya “sikkhāṃ apaccakkhāyā”ti padassa attham vivaranto “**dubbalyaṃ anāvikatvā**”ti āha. Tattha siyā yasmā na sabbam dubbalyāvikammaṃ sikkhāpaccakkhānaṃ, tasmā “dubbalyaṃ anāvikatvā”ti paṭhamam vatvā tassa atthaniyamatham “sikkhāṃ apaccakkhāyā”ti vattabbanti? Taṃ na, kasmā? Athānukkamābhāvato. “Sikkhāsājīvasamāpanno”ti hi vuttattā “yaṃ sikkhāṃ samāpanno, taṃ apaccakkhāya, yañca sājivaṃ samāpanno, tattha dubbalyaṃ anāvikatvā”ti vuccamāne anukkameneva attho vutto hoti, na aṇiṭṭhā, tasmā idameva paṭhamam vuttanti. **Tesaṃyevāti** cuddasannaṃ.

“Sikkhāṃ apaccakkhāyā”ti sabbasikkhāpadānaṃ sādhanāntam “**ayamettha anupaññatti**”ti vuttam.

Pavesanaṃ nāma aṅgajātam pavesentassa aṅgajātena samphusaṇam. **Pavīṭṭhaṃ** nāma yāva mūlam pavesentassa vippakataḥko vāyāmakālo. Sukkavisatthiṣamaye aṅgajātam **thitam** nāma. **Uddharaṇaṃ** nāma nīharaṇakālo. Vinayagaṇṭhipade pana “vāyāmato oramitvā thānam **thitam** nāmā”ti vuttam, taṃ asaṅkarato dassanatham vuttam. Pavesanapavīṭṭhaudharaṇakālesupi sukkavisatthi hotiyeva. **Sādiyaṇaṃ** nāma sevanacittassa adhivāsanacittassa uppādanam.

Ubbatovibhaṅge eva paññattāni sandhāya “**idāñhi sabbasikkhāpadānaṃ nidāna**”nti vuttam. “Vinayadharapañcamena gaṇena upasampadā”ti (mahāva. 259) vuttattā idha tatiyā sahayogena vuttā. Tasmā vīsati pi bhikkhū ce nisinnā, pañcamo vinayadharova icchitabbo, evaṃ sati pārājiko ce vinayadharo, upasampadākammaṃ kopetīti ce? Na, parivārāvasāne kammavagge (pari. 482 ādayo) yaṃ kammavipattilakkhaṇaṃ vuttam, tassa tasmim natthitāya. “Katham vatthuto vā ṇattito vā anussāvanato vā sīmato vā

parisato vā”ti ettakam vuttam, nanu ayam “parisato vā”ti vacanena saṅgahitoti ce? Na, “dvādasahi ākārehi parisato kammāni vipajjanti”ti (pari. 487) suttassa hi vibhange tassa anāmatthattāti ayamatto yasmā tatha tatha sarūpena vuttapāḷivaseneva sakkā jānituṃ, tasmā nayamukhaṃ dassetvā saṃkhitto likhitaṃ. “Aṅga”nti paḍam uddharitvā “sabbasikkhāpadesu āpatinam aṅganam veditabba”nti vuttam, idha pana “aṅga”nti vuttam, kasmā? Samuṭṭhanādinam parivārādisu saṅkhepena āgatattā tatha gahetvā idhāpi niddiṭṭhānam anaṅgānam vavathānābhāvato, sabbattha saṅkhepato ca vitthāro ca anaṅgatte vuccamāne ativithāratāya tasmim tasmim sikkhāpade anūnam vattabatto cāti veditabbo, sabbāpatinam saṅgāhakavasenāti attho.

Yāni sikkhāpadāni “kiriyaṇi”ti vuccanti, tesam vasena kāyavācā saha viññattiyā veditabbā, akiriyaṇam vasena vinā viññattiyā veditabbā. Cittaṃ panettha appamānam bhūtarocanasamuṭṭhānassa kiriyaṭṭā, acittakattā ca. Tattha kiriyaṭṭāpattiyā anaṅgantaracittasamuṭṭhānā veditabbā. Aviññattijanakampi ekaccaṃ bāhullanayena “kiriya”nti vuccati yatheva pathamaparājikam. Viññattiyā abhāvepi “so ce sādiyati, āpatti pārājikassa, na sādiyati, anāpatti”ti hi vuttam, viññattisaṅkhatāpi kiriyaṭṭā vinā sevanacittena na hoti vuttacittajattā, vikārūpattā, cittānuparivattikattā ca. Tasmā kiriyaṭṭāpattiyā anaṅgantaracittasamuṭṭhānā veditabbā, itaram cittaṭṭarūpam viya janakacittena vinā na tiṭṭhati, itaram saddāyatanaṃ tiṭṭhati, tasmā kiriyaṭṭā sati ekantaṃ tajjanakam sevanacittam atthi evāti katvā na sādiyati, anāpatti na yujjati. Yasmā viññattijanakampi samānam sevanacittam na sabbakālam viññattim janeti, tasmā vināpi viññattiyā sayam uppajjati katvā “sādiyati, āpatti pārājikassa”ti vuttam. Nuppajjati ce, na sādiyati nāma, tassa anāpatti. Teneva bhagavā “kiṃcīto tvaṃ bhikkhū”ti (pārā. 135) cīteneva āpattim paricchindati, na kiriyaṭṭā veditabbam.

Etha **samuṭṭhānaggaṇaṃ** kattabatto vā akattabatto vā kāyādhedāpekkhameva āpattim āpajjati, na aññāthāti dassanappayojaṃ. Tesu **kiriyaṭṭaggaṇaṃ** kāyādinam savīññattikāvīññattikabhedadassanappayojaṃ. **Saññā**ggahaṇam āpattiyā aṅgānaṅgacittavisesadassanappayojaṃ. Tena yaṃ cittaṃ kiriyaṭṭakhaṇe vā akiriyaṭṭakhaṇe vā sannihitaṃ, yato vā kiriyaṭṭā vā akiriyaṭṭā vā hoti, na taṃ avisesena āpattiyā aṅgam vā anaṅgam vā hoti. Kintu yāya saññāya “saññāvimokkha”nti vuccati, tāya sampayuttam cittaṃ aṅgam, itaram anaṅgati dassitaṃ hoti. Idāni yena cittaṃ sikkhāpadam **sacittakam** hoti, tadabhāvā **acittakam**, tena tassa avisesena sāvajjāṭṭāya “lokavajjamevā”ti vuttam. Kintu sāvajjāṃyeva samānam ekaccaṃ lokavajjam, ekaccaṃ paṇattivajjanti dassanappayojaṃ **cittalokavajjaggaṇaṃ**. Cittaṃyeva yasmā “lokavajja”nti vuccati, tasmā manokammampi siyā āpattīti aññāthappasāṅganivāraṇappayojaṃ **kammaggaṇaṃ**.

Yaṃ panettha akiriyaṭṭakhaṇam kammam, taṃ kusallatikavinimuttam siyāti aññāthappasāṅganivāraṇappayojaṃ **kusalattikaggaṇaṃ**. Yā panettha abyakāṭāpatti, taṃ ekaccaṃ avedanampi nirodham samāpanno āpajjati vedanāttikam etha na labbhatīti aññāthappasāṅganivāraṇattham **vedanāttikaggaṇaṃ**. Sikkhāpadaṇhi sacittakapuggalavasena “cittam tivedana”nti laddhavoḥaram acittānāpanāmpīti “cittam tivedana”mīceva vuccati. Tatridam sādhakasuttam – “atthāpatti acittako āpajjati acittako vuttāthi (pari. 324), atthāpatti kusalacitto āpajjati kusalacitto vuttāthi”tiādi (pari. 470). “Sacittakam āpattidīpanam, saññāvimokkham anāpattidīpanam, acittakam vatthujānaṃ, nosaññāvimokkham vītikkanājanānam. Idameva tesam nānāṭṭa”nti (vajira. 11. pārājika 61-66 pakīṇṇakakathāvaṇṇanā) likhitaṃ.

Sacittakapakkheti etha ayam tāva gaṇṭhipadanayo – sacittakapakkheti surāpānādiacittake sandhāya vuttam. Sacittakesu pana yaṃ ekantamakusaleneva samuṭṭhāti, taṃca ubhayaṃ **lokavajjam** nāma. Surāpānāsmiṇhi “surā”ti vā “pāṭum na vaṭṭati”ti vā jānītvā pivane akusalamevāti. Tattha “na vaṭṭati jānītvā”ti vuttavacanam na yujjati paṇattivajjassapi lokavajjāṭṭāpasāngato. Imam aññāthappasāṅgam parihaṭṭakāmatāya ca **vajirabuddhittherena** likhitaṃ – “idha ‘sacittaka’nti ca ‘acittaka’nti ca ‘vīcārāṇā’ vatthuvijānane eva hoti, na paññattivijānane. Yadi paññattivijānane hoti, sabbasikkhāpadāni lokavajjāneva siyuma, na ca sabbasikkhāpadāni lokavajjāni. Tasmā vitthuvijānane eva hoti idam yujjati. Kasmā? Yasmā sekhiyeva paññattivijānaneva pamānam, na vatthumattavijānana”nti. Ayam panettha attho sikkhāpadasīseṇa āpattim gahetvā yassa sikkhāpadassa sacittakassa cittaṃ akusalameva hoti, taṃ lokavajjam, sacittakacittakasaṅkhatassa acittakassa ca sacittakapakkhe cittaṃ akusalameva hoti, tampi surāpānādikavajjanti imamattham samānam ekaccaṃ sandhāya “yassā **sacittakapakkhe cittaṃ akusalameva hoti, ayam lokavajjā nāma**”ti vuttam. “Sacittakapakkhe”ti hi idam vacanam acittakam sandhāyāha. Na hi ekamsato sacittakāya “sacittakapakkhe”ti visesane payojaṃ atthīti, evam santepi aniyamena vuttaṃca niyamavasena eva gahetabbanti attho.

Tiracchānānam panāti pana-saddena thullaccayādikāram nivatteti. **Kiriyaṭṭi** etha “thitam sādiyati”ti (pārā. 58) vuttattā taṃ kathanti ce? “Sādiyati”ti vuttattā kiriyaṭṭā eva. Evam sante “kāyakammam manokamma”nti vattabbanti ce? Na, pacuravohārasena “kāyakamma”nti vuttattā. Ubbhājānumaṇḍalikāya labbhati evāti likhitaṃ. Pubbe vuttanayena saṃsantetvā gahetabbam. “Dunnikkhittassa, bhikkhave, padabyañjanassa atthopi dunnayo hoti”ti (a. nī. 2.20) vadantenāpi atthassa sukhaggaṇatthameva padabyañjanassa sunikkhittabhāvo icchito, na akkharavacanāya, tasmā āha “**atthañhi nātho saraṇam avocā**”tiādi.

Pathamaparājikavaṇṇanā niṭṭhīti.

2. Dutiyaparājikavaṇṇanā

Gāma vā araṇṇā vāti lakkhanānupaññattikattā ādimhi vuttā. Sabbasmiṇhi vinayapītake gāmo, gāmupacāro, gāmakhettaṃ, gāmasīmā, gāmasīmupacāroti pañcavidho gāmahedo veditabbo. Tathā āraṇṇākasīmāya ekam agāmakam araṇṇam, saṃvidhānasikkhāpadānam (pāci. 180 ādayo) ekam, saḡamakam ekam, avippavāsasīmāya ekam, gaṇamhōhiyanakassa (pāci. 691) ekanti pañcavidho araṇṇabhedo veditabbo. Tattha atthi gāmo na gāmaparihāram katthaci labhāti, atthi gāmo na gāmakiccaṃ karoti, tathā atthi araṇṇam na araṇṇaparihāram katthaci labhāti, atthi araṇṇam na araṇṇakiccaṃ karoti ayampi bhedo veditabbo.

Tattha avippavāsasīmāsamananakkammavācāya thapetvā “gāmaṇca gāmupacāraṇcā”ti (mahāva. 144) etha **gāmo** nāma parikkhitto ce, parikkhepassa anto, aparikkhitto ce, parikkhepokāsato anto veditabbo. Ayam udositasikkhāpade “antogāmo”ti (pārā. 478) āgato. Sāsaṅkasikkhāpade “antaraghara”nti (pārā. 654) āgato anāsaṅkato. Yathāha “antaraghare nikkhipeyyāti samantā gocaragāme nikkhipeyyā”ti (pārā. 654). Tathā antaragharapattisamyuttānam sekhiyaṇam ayameva paricchedo veditabbo. “Yā pana bhikkhū ekā gāmantaram gaccheyyā”ti (pāci. 687) etthāpi ayameva paricchedo adhippeto “parikkhittassa gāmassa parikkhepaṃ atikkamantiyā, aparikkhittassa gāmassa upacāram atikkamantiyā”ti vuttattā.

Yesu **purānapotthakesu** “upacāram okkamantiyā”ti likhitaṃ, taṃ vikāle gāmapavesanasikkhāpadesu ācinṇam nayam gahetvā pamādena likhīyati, na pamānam. Yesu ca **potthakesu** vikāle gāmapavesanasikkhāpadesu **vibhaṅge** (pāci. 513) “gāmaṃ paviseyyāti parikkhittassa gāmassa parikkhepaṃ atikkamantassa, aparikkhittassa gāmassa upacāram atikkamantassā”ti likhīyati, sā pamādalekhā. **Upacāram okkamantassāti** tattha pātho. Vuttañhi **samantapāsādikāyam** “aparikkhittassa gāmassa upacāro adinnādāne vuttanayeneva veditabbo”ti (pāci. attha. 512). Idha **kaṅkhāvitaraṇiyampi** vuttam “santam bhikkhū anāpucchitvā... pe... upacāram okkamantassā”tiādi (kaṅkhā. attha. vikālagāmapavesanasikkhāpadavaṇṇanā).

Yam pana **katthaci potthake** “bhikkhuniyā gāmantarādhikāre ekena pādena itarassa gāmassa parikkhepaṃ vā atikkamante, upacāram vā okkante thullaccayam, dutiyena atikkamante, okkamante ca saṅghādiseso”ti pātho dissati. Tattha “okkante, okkamante”ti etāni padāni adhikāni, kevalam likhītākehi aññēhi likhītāni. **Katthaci potthake** “okkamante ca”ti paḍam na dissati, itaram dissati. Tāni dve padāni pāliya virujjanti. “Aparikkhittassa gāmassa upacāram atikkamantiyā”ti (pāci. 692) hi pāli. Tathā samantapāsādikāya (pāci. attha. 692) virujjanti. “Parikkhepārahātthānam ekena pādena atikkamati, thullaccayam, dutiyena atikkamati, saṅghādiseso. Apicettha sakagāmato... pe... ekena pādena itarassa gāmassa parikkhepe vā upacāre vā atikkante thullaccayam, dutiyena atikkamante saṅghādiseso”ti (pāci. attha. 692) hi vuttam.

Gaṇṭhipade cassa “parikkhepaṃ atikkamantiyā”ti vatvā “upacārepi eseva nayo”ti vuttam. **Anugaṇṭhipade** ca “aparikkhittassa gāmassa upacāram ‘okkamantiyā’tipi potthakesu ekaccesu dissati, taṃ na gahetabba”nti vuttam. Aparampi vuttam “aparikkhittassa gāmassa upacāram ‘atikkamantiyā’ti vacanenāpi evam veditabbam – vikāle gāmapavesane dvinnam leḍḍupāṭānam eva vasena upacāro paricchinditabbo, itarathā yathā etha parikkhepārahātthānam parikkhepaṃ viya katvā ‘atikkamantiyā’ti vuttam, evam tatthāpi ‘aparikkhittassa gāmassa upacāram atikkamantassā’ti vadeyya. Yasmā pana tattha parikkhepārahātthāno uttarimeko leḍḍupāto upacāroti adhippeto. Tasmā tadatthāpanattham ‘aparikkhittassa gāmassa upacāram okkamantassā’ti vutta”nti.

Yam pana **andhakatthakathāyam** parikkhepārahātthānamyeva upacāraṇti sallakkhetvā “parikkhepapaakkhepārahātthānam ninnānākanadīpanattham upacāram okkamantassā”ti vuttam, pāḷivisesamasallakkhetvā “aparikkhittassa gāmassa upacāram atikkamantassa idha upacāro parikkhepo yathā bhavēyya, taṃ upacāram pathamam pādāṃ atikkamantassa āpatti dukkatassa, dutiyam pādāṃ atikkamantassa āpatti pācittiyassā”ti vuttam, taṃ na gahetabbameva pāliya visesasambhavatoti. **Porānagaṇṭhipade** “upacāram atikkamantiyā bhikkhuniyā gāmantarāpatti”ti vuttam. Tasmā idha kaṅkhāvitaraṇiyā “ekena pādena itarassa... pe... atikkamante saṅghādiseso”ti ayameva pātho veditabbo. Etāvātā ime su yathāvuttu se thānesu yathāvuttaparicchedova gāmoti veditabbo. Imassa atthassa dīpanattham “gāmo nāma ekakūṭikopī”tiādi (pārā. 92) vuttam. Imassa vasena asatipi parikkhepāttikkame, upacārokkamane vā antarāramato vā bhikkhūnupassayato vā tiṭṭhiyaseyyato vā patikkamanato vā taṃ gāmaṃ pavisantassa antarāramaparikkhepassa, upacāraṇṇa vā atikkamanavasena gāmapaccayā āpattiyō veditabbā.

Gāmupacāro pana “thapetvā gāmaṇca gāmupacāraṇcā”ti (mahāva. 144) etha parikkhittassa gāmassa parikkhepova, aparikkhittassa gāmassa parikkhepokāsova. Vuttañhetam atthakathāyam “gāmupacāroti parikkhittassa gāmassa parikkhepo, aparikkhittassa gāmassa parikkhepokāso. Tesu adhiṭṭhatecivariko bhikkhu parihaṇam na

labhati”ti (mahāva. aṭṭha. 144). Kiṃ panettha kāraṇam, yena ayam gāmo, gāmūpacāro ca idha aññathā, aññattha tathāti? Aṭṭhuppattito “tena kho pana samayena bhikkhū ‘bhagavatā ticivarena avippavāsasammuti anuññāṭṭi’ti antaraghare cīvarāni nikkhipanti”ti (mahāva. 143) imissā hi aṭṭhuppattiyā “thapetvā gāmañca gāmūpacārañca”ti (mahāva. 144) vuttam. Tasmā yattha antaragharasaññā, tattha avippavāsasīmā na gacchati veditabbā. Tena ca udositasikkhāpade “antogāme cīvaram nikkhipitvā antogāme vatthabba”nti (pārā. 478) ca “sabhāye vā dvāramūle vā, hatthapāsā vā na vijahitabba”nti ca vuttam. Kappiyabhūmiyaṃ vasantoyeva hi kappiyabhūmiyaṃ nikkhattacīvaram rakkhati. Sāsankasikkhāpade pana “yasmā yattha gāme cīvaram nikkhittam, tena gāmena vippavasanto cīvarena vippavasatīti vuccati, tasmā puna gāmasīmam okkamitvā vasitvā pakkamati”ti vuttam. Tasmīhi sikkhāpade gāmasīmā gāmo nāmāti adhippeto. Tattha vikāle gāmapavesanasikkhāpadavibhaṅge “parikkhittassa gāmassa parikkhepaṃ atikkamantassa idakkhīle pācītiyassā”ti (pāci. 513) vacanato parikkhepo na gāmo. Kintu gāmūpacāroti lesena dassitam hoti. Imasmim pana sikkhāpadavibhaṅge “gāmūpacāro nāmā”ti ārabhitvā “aparikkhittassa gāmassa gharūpacāre thitassa majjhimassa purisassa leḍḍupāto”ti iminā aparikkhittassa parikkhepokāso gāmūpacāroti siddham. Tadatthasambhavato tasmim gharūpacāre thitassa leḍḍupāto gāmūpacāroti **kurundaṭṭhakathāyaṃ, mahāpacariyaṃpi** vuttam. Upacāro hi “gāmo ekūpacāro nānūpacāro”ti adisu dvāram, “ajjhokāso ekūpacāro”ti ettha samantā sattabbhantarasaññāpamānam, tasmā “gāmūpacāroti parikkhittassa gāmassa parikkhepo, aparikkhittassa gāmassa parikkhepokāso”ti **andhakaṭṭhakathāyaṃ** vuttanti veditabbam. Tathā **kurundiyaṃ, mahāpacariyañca**. Tathā pāliyaṃpi “ajjhāraṃo nāma parikkhittassa āramassa anto āraṃo, aparikkhittassa upacāro. Ajjhāvasatho nāma parikkhittassa āvasathassa anto āvasatho, aparikkhittassa upacāro”ti adisu dissati. **Mahāṭṭhakathāyaṃ** pana “gāmūpacāro”ti adisu dissati. Tasmā dutiyo leḍḍupāto upacāroti adhippeto.

“Aparikkhittassa gāmassa upacāram okkamantassa āpatti pācītiyassā”ti pāliyesasambhavato ca paṭhamo leḍḍupāto gāmo eva, dutiyo gāmūpacāroti vuttam. Parikkhittassa pana gāmassa idakkhīle thitassa majjhimassa purisassa leḍḍupāto gāmūpacāroti vuttanti ettha bhedo natthi. Ettavatā parikkhittassa duvidho upacāro, aparikkhittassa catubbidho upacāro yattha sambhavati, yattha ca na sambhavati, taṃ sabbam dassitam hoti.

Gāmakhettassa ca gāmasīmāya ca lakkhaṇam aṭṭhakathāyaeva vuttam. Ubhayañhi atthato ekaṃ. Tattha gāmasīmāya gāmbhāvo sāsankasikkhāpadavasena veditabbo.

Gāmasīmūpacāro nāma manussānam kaṭṭhatinapupphaphalādiatthikānam vanacarakānam valañjanatthānam. Imassa gāmasīmūpacārabhāvo udositasikkhāpade, “agāmake araññe samantā sattabbhantarā”ti (pārā. 494) āgataṭṭhāne khandhake (mahāva. 147) ca veditabbo. Ettha hi bhagavā gāmantavāsīnam bhikkhūnam sīmam dassento “yaṃ gāmam vā nigamam vā upanisāya viharati”ti (mahāva. 147) vatvā dasseti. Tadanantareva “agāmake”ti adinā sattabbhantarasaññam dasseti. Tasmā yo bhikkhu gāmam vā nigamam vā upanisāya na viharati, kevalam nāvāyam vā thalamaggena vā adhānamaggaṃpaṇipanno hoti, tassa tattha tattha sattabbhantarasaññā labbhatīti veditabbo. Vuttañhi “ekakulassa sattho hoti, satthe cīvaram nikkhipitvā purato vā pacchato vā sattabbhantarā na vijahitabba”nti adisu (pārā. 489). Idameva araññam sandhāya “āraññakasīmāya ekaṃ agāmakam arañña”nti vuttam.

Yaṃ sandhāya “agāmake araññe addhoyojane addhoyojane āpatti pācītiyassā”ti (pāci. 414) pāliyaṃ vuttam. Idam **saṃvidhānasikkhāpadānam ekaṃ agāmakam araññam** nāma.

Purimena pana sagharāṃ saṅghaṇitaṃ, iminā tamsaṅghaṇitanti. Yaṃ sandhāya gaṇamhā ohiyānadhikāre aṭṭhakathāyaṃ (pāci. aṭṭha. 692) “agāmake araññeti ettha ‘nikkhamitvā bahi indakhīlā sabbametam arañña’nti evam vuttam lakkhaṇam araññam. Taṃ paneta kevalam gāmābhāvena ‘agāmakā’nti vuttam, na viñjhāṭṭavisadisatāyā”ti vuttam. Yaṃ sandhāya “āraññakam nāma senāsanaṃ pañcadhanusatikam pacchima”nti (pārā. 654; pāci. 573) vuttam. **Idam āraññakasenāsanaṃ** nāma parikkhittassa parikkhepo bahi, aparikkhittassa pana parikkhepokāso bahi sarukkham vā arukkham vā vihāre kunnadisamākiṇṇampi araññam nāma. Tathā “gaṇamhā ohiyanakassa eka”nti vuttam. Idam araññamva. Idam pana pubbe agāmakabhāvena āgataṭṭhāne vuttalakkhaṇameva hutvā nikkhamitvā bahi indakhīlā dassanūpacāravijahane ekameva āpatim karoti, tato uddham anāpatti. “Saṃvidhānasikkhāpadānam eka”nti vuttam pana addhoyojane addhoyojane ekekaṃ āpatim karoti, na tato oram. Itarāni tīni yathāvuttaparichedato orameva tattha vuttavidhiṃ na sampādentī, param sampādentī. Evametesam aññamaññānāntam veditabbam.

Tattha pañcavidhe gāme yo “parikkhittassa gāmassa indakhīle thitassa leḍḍupāto”ti (pārā. 92) vutto, so na katthaci vinayapīṭake upayogaṃ gato, kevalam aparikkhittassa parikkhepokāso ato apariko leḍḍupāto gāmūpacāro nāmāti dīpanattham vutto. Parikkhittassapi ce gāmassa eko leḍḍupāto kappiyabhūmisamāno upacāroti vutto, pageva aparikkhittassa parikkhepokāso eko. So pana pākataṭṭā ca ajjhokāsattā ca okkamantassa āpatim karoti thapetvā bhikkhuniyā gāmantarāpatim. Bhikkhuniyo hi tasmim dutiyaleḍḍupātasāññāhe gāmūpacāre vasanti āpatinā āpajjanti, gāmam pavisanti gāmantarāpatinā. Tāsañhi thitaṭṭhānam araññasankhyam gacchati “tāvadeva chāyā metabbā... pe... tassā tayo ca nissaye, aṭṭha ca akarañiyāni ācikkheyyāthā”ti (cūlava. 430) vacanato. Araññappatisamyuttānam sikkhāpadānam, vikālegāmapavesanasikkhāpadassa (pāci. 508) ca bhikkhunīnam asādhāranatā ca antarāramabhikkhunupassayappattikamanādinam kappiyabhūmibhāvavacanato ca “ekā gaṇamhā ohiyeyyati agāmake araññe dutiyikāya bhikkhuniyā dassanūpacāram vā savanūpacāram vā vijahantiyā āpatti thullaccayassā”ti adisikkhāpadapaññatito (pāci. 692) ca bhikkhunikkhandhakanaṃyena vā yasmā parikkhittassa gāmassa indakhīlato paṭṭhāya aparikkhittassa upacāroto paṭṭhāya nīyati, tattha antaraghare nikkhattacīvare sati caturāṅgasamodhānena bhikkhū vasanti, tasmā **sagāmakam** nāma hoti.

Avippavāsasīmāya ekaṃ nāma “na, bhikkhave, bhikkhuniyā araññe vatthabbam, yā vaseyya, āpatti dukkaṭassā”ti (cūlava. 431) vacanato bhikkhunīnam araññāvāso nāma natthīti siddham. Tāya hi araññe bhikkhunupassaye sati antoāvasepi dutiyikāya dassanasavanūpacāram vijahantiyā āpatti. Tasmā avippavāsasīmādhikāre “thapetvā gāmañca gāmūpacārañca”ti (mahāva. 144) ettha yaṃ thānam thapitam, tattheva bhikkhunupassayopi kappati, na tato param.

Tāsañca avippavāsasīmākamavācāyam “thapetvā gāmañca gāmūpacārañca”ti vacanam natthīti katvā tesveva gāmagāmūpacāresu pharati. Tato param dutiyesu leḍḍupāṭṭadisu tāsam akappiyabhūmikattā na samānasamvāsakasīmā araññe pharati bhikkhūnam gāmagāmūpacāram viya. Tasmā vuttam “bhikkhuniyā thapetvā gāmantarāpatti”nti.

Evam tāva pañcavidham gāmabhedam, araññabhedañca nītvā idāni “**atthi gāmo na gāmaparihāram katthaci labhati**”ti adibhedo veditabbo. Tattha yo aṭṭhakathāyaṃ “amanusso nāma yo sabbaso vā manussānam abhāvena yakkhāpariggahabhūto”ti vutto, so gāmo na gāmaparihāram katthaci sikkhāpade labhati. Yañhi sandhāya aṭṭhakathāyaṃ “taṃ panetaṃ buddhakāle, cakkavattikāle ca nagaram hoti, sesakāle suññam hoti yakkhāpariggahita”nti (pārā. aṭṭha. 1.84; dī. ni. aṭṭha. 1.150) vuttam. Yo pana paṭirājacorādīhi viluttatā, kevalam bhayena vā chaḍḍito sagharova antarāhitagāmbhūto, so “gāmantare gāmantare āpatti pācītiyassā”ti (pāci. 183) vuttapācītiyaṃ janeti, vikāle gāmapavesanam, sekhiye cattārī janeti veditabbā. Yo gāmo gāmo yato vā manussā kenacideva karañiyena punapi āgantukāmā eva apakkantāti vutto, amanusso so pakatigāmasadisova.

Atthi araññam na araññaparihāram katthaci labhatiti ettha “ajjhokāso ekūpacāro nāma agāmake araññe samantā sattabbhantarā ekūpacāro, tato param nānūpacāro”ti (pārā. 494) ettha yvāyam nānūpacāroti vutto, taṃ veditabbam. Yo pana parikkhittassa ekaḍḍupātasāññāto gāmūpacāranāmako gāmo, yo vā sattho nānūpacāroti vutto, so **atthi gāmo na gāmākecam karoti**. Na hi taṃ thānam okkamato gāmapavesanāpatim āpajjati. Yaṃ pana gāmasīmāya pariyaṇnam manussānam valañjanatthānabhūtam araññam, taṃ **atthi araññam na araññākecam karoti** nāma. Na hi tattha araññakasīmā labbhatīti. Ettavatā “gāmā vā araññā vā”ti imissā anupaññattiyā lakkhaṇanūpaññattibhāvo dassito hoti.

“Gonisādinivīṭhopi gāmo”ti ettha sace tassa gāmassa gāmakhettaparichedo atthi, sabbopi eko gāmo. No ce, upacārena vā parikkhepena vā paricchinditabbo. Sace gāmakhette sati kānici tīni gharāni aññamaññaupacārappahonakam thānam atikkamitvā dūre dūre katāni honti, vikāle gāmapavesane upacārova pamānam. Antaragharappatisamyutteso sekhiyeso, bhikkhuniyā gāmantarāpatissu ca gharānam parikkheparahatthānam pamānam, uposathādikammānam gāmakhettam pamānam, araññakasenāsanaṃ sāsannagharassa dutiyaleḍḍupātato paṭṭhāya pañcadhanusatantarāṭṭā pamānantī evam no paṭibhānanti ācariyā.

“Yampi ekasmiṃyeva gāmakhette ekaṃ padesam ‘ayampi visumgāmo hotū’ti paricchinditvā rājā kassaci deti, sopi visumgāmasīmā hotiyevā”ti (mahāva. aṭṭha. 147) aṭṭhakathāvacanato taṃ pavisantiyā bhikkhuniyā gāmantarāpatti hoti eva. Sace tattha vihāro vā devakulam vā sabhā vā geham vā natthi, kevalam vatthumattakameva hoti, gāmoti vinayakammam sabbam tattha kappati. “Amanusso gāmo”ti hi vuttam. Tañca thānam itarassa gāmassa parikkhepabbhantare vā upacārabbhantare vā hoti, vikāle gāmapavesanam āpucchitvāva gantabbam. No ce, araññam viya yathāsukham gantabbam. Tattha ce āraṃo vā titthiyaseyyādīso aññatarovā hoti, laddhakappameva. Bhikkhunupassayo ce hoti, gāmam piṇḍāya pavisantiyā bhikkhuniyā gāmantarāpatti pariharitabbā. “Araññam nāma thapetvā gāmañca gāmūpacārañca avasesam araññam nāmā”ti (pārā. 92) ettha parikkhepe sati yathāvuttaparichedam gāmeva thapetvā avasesam tassa upacāram, tato parañca araññam nāma, parikkhepe sati yathāvuttaparichedam gāmūpacārameva thapetvā tato param avasesam araññam nāmāti adhippāyo. Evam sati “nikkhamitvā bahi indakhīlā sabbametam arañña”nti (vibha. 529) vuttalakkhaṇe agāmake araññe gaṇamhāohiyanāpatti, tattha avippavāsasīmāya pharaṇam vikāle gāmapavesanāpattiyā anāpattiṃ evamādivinayavidhi sameti, aññathā na sameti.

“Thapetvā gāmūpacāram avasesam araññam nāmā”ti (mahāva. 144) vutte gāmūpacāroto paro araññanti siddhe “thapetvā gāmā”nti visesattho na dissati, gāmassa pana

araññabhāvappasāṅghayā vuttanti ce? Na, gāmūpacārassa abhāvappasāṅgato. Sati hi gāme gāmūpacāro hoti, so ca tava matena araññabhūto. Kuto dāni gāmūpacāro. Gāmūpacāropi ce araññasankhyam gacchati, parova gāmoti katvā na yuttam gāmassa araññabhāvappasāṅgato ca. Tasmā “gāmā vā araññā vā”ti ettha gāmūpacāropi “gāmo” tveva saṅgahito. Tasmā gāmassa araññabhāvappasāṅgo na yujjati. Yadi evaṃ “thapetvā gāmaṃ avasesaṃ araññaṃ nāma”ti ettakaṃ vattabanti ce? Na, araññassa paricchedajānanappasāṅgato. Tathā hi vutto “araññaparichedo na paññāyatī”ti no laddhi. Gāmūpacārariyānto hi idha gāmo nāma. Yadi evaṃ “gāmassa ca araññassa ca paricchedadassanatham vutta”nti atthakathāyaṃ vattabam, “araññassa paricchedadassanatham vutta”nti kimatham vuttanti ce? Vuccate – atthakathācariyena paṭhamagāmūpacāramyeva sandhāya vuttam “araññaparichedadassanatha”nti sabbasikkhāpade hi bāhiraindakhīlato paṭṭhāya gāmūpacāram araññaṃ nāma. Gāmaparichedavacane payogaṇaṃ panetha natthi parikkhepeneva pākatabhūtattā. Dutiyaḥgāmūpacārova gāmassa paricchedadassanatham vutto parikkhepabhāvena apākatattā. Tattha paṭhamagāmūpacāro ce araññaparichedadassanatham vutto, tattha na vattabbo. “Nikkhamitvā indakhīlā sabbametam arañña”nti vattabam. Evaṃ sante subyattataram araññaparichedo dassito hoti, micchāgāho ca na hoti.

“Majjhimassa purisassa leḍḍupāto”ti hi vutte ayaṃ gāmūpacārova araññaṃ gāmūpacārassa vibhaṅgattā. Yadi araññaparichedadassanatham vuttam, avuttakameva, araññato paranti ca micchāgāho hotīti ce, nanu vuttam “paṭhamameva idaṃ parikkhittassa gāmassa upacāriyamanatham vutta”nti? Araññaparichedadassanatham kiñcāpi “gāmūpacāro”tiādi āradhdam, indakhīle thitassa majjhimassa purisassa leḍḍupātoṭi pana evaṃ vacanappayojanam. Aparikkhittassa ca gāmassa yvāyaṃ leḍḍupāto upacāro”ti **mahāatthakathāyaṃ** vutto, tassa niyamananti vuttam hoti. Katham paññāyatīti ce? “Araññaṃ nāma”ti padaṃ anuddharitvā “gāmūpacāro nāma”ti uddharanassa katattā. Tattha “gāmūpacāro nāma”ti mātīkīyaṃ avijjānaṃ padaṃ uddharanto tayo atthavase dasseti. Seyyathidaṃ – araññaparichedadassanameko attho, aparikkhittassa gāmassa upacārena saddhim paricchedadassanameko, na kevalam aparikkhittassayeva upacāro vinayādhikāre sappayojano dassitabbo, nippayojanopi parikkhittassa upacāro iminā pariyaṇena labbhatīti anusāṅgappayojanameko atthopi veditabbo.

“Aparikkhittassa gāmassa gharūpacāre thitassa majjhimassa purisassa leḍḍupāto”ti idaṃ bhagavā tayo atthavase paṭicca abhāsi. Seyyathidaṃ – aparikkhittassa gāmassa paricchedadassanameko, avippavāsasīmādhikāre ayaṃ gāmūpacāroṭi dassanameko, tattha thitassa dutiyo leḍḍupāto sabbattha gāmappaṭisamyuttesu sikkhāpadesu sakiccako upacāroṭi dassanamekoṭi evaṃ bhagavā attano desanāvīlasappattiyā ekekapaddhāraṇena tayo atthavase dasseti veditabam.

Tathā avippavāsasīmāmmavācāya “thapetvā gāmañca gāmūpacārañcā”ti (mahāva. 144) etthāpi parikkhepe sati gāmaṃ thapetvā, asati gāmūpacāram thapetvāti attho. Parikkhittassa, aparikkhittassa ca majhe ārame avippavāsasīmāsammananākaḷe ayaṃ nayo ativiya yujjati. Ubhayaparivajjanato pubbe vuttanayena vā ubhayattha ubhayam labbhaveva. “Antarāraṃesu pana ācīṇakappā bhikkhū avippavāsasīmā sammanantī”ti **gaṇṭhipade** vuttam. “Antaragharappaṭisamyuttānaṃ sekhiyānaṃ antarāraṃesu asambhavato antarāraṃo na gāmasāṅkhāṃ gacchati, tasmā tatthapi avippavāsasīmā ruhatevā”ti eke. Te bhikkhū dutiyassa gāmūpacārassa gāmasāṅkhāsabhāvato tāsaṃ imāya dutiyāya avippavāsakammavācāya abhavaṃ dassetvā paṭikkhipitabbā. Ajjhārāmo pana gāropi samāno tithiyaseyyādi viya kappiyabhūmīti veditabbo.

Āpattiyā paricchedam, tathānāpattiyāpi ca;
Dassetum gāmasaṅghaṇḍa-sikkhāpadavibhāve.

Gāmāgāmūpacārā dve, dassitā idha tādinā;
Sīmā sīmūpacārā tu, anekantāti nuddhatā.

Upacārā ca dve honti, bāhirabbhantarabbasā;
Parikkhittaparikkhita-bhedā ce caturo siyumu.

Ayañhi **upacārasaddo** vinayapaṭike “anujānāmi, bhikkhave, agilānena pi ārame āramūpacāre chattaṃ dhāretu”nti (cūlava. 270) evamādisu bāhire upacāre dissati. Bāhiro upacāro nāma parikkhepato, parikkhepārahātthānato vā eko leḍḍupāto. “Ajjhārāmo nāma parikkhittassa āramassa antoārāmo, aparikkhittassa upacāro. Ajjhāvasatho nāma parikkhittassa āvasathassa antoārāmo, aparikkhittassa upacāro”tiādisu (pāci. 506) pana upacārasaddo abbhantare upacāre dissati. Abbhantaro upacāro ca nāma parikkhepo, parikkhepārahātthānañca hoti. Idha pana parikkhepo “ajjhārāmo, ajjhāvasatho”ti vā na vuccati, anto eva āramo, āvasatho vā. Tesu bāhirabbhantarabhedabhinnesu dvīsu upacāresu avippavāsasīmādhikāre “thapetvā gāmañca gāmūpacārañcā”ti (mahāva. 144) ettha gāmūpacāro nāma abbhantarūpacāro adhippeto, na bāhiro. Bhikkhuniyā araññasāññitāya tassa bāhirassa, tassā gāmantarāpattiyā thānabhūtattā ca abbhantarūpacārassāti idametha kāraṇadvayaṃ veditabam. Tattha idha adinnādānapārājīkavibhaṅgeyeva paṭhamo gāmūpacāro dassito, so bāhiro, dutiyo abbhantaroti veditabbo. Pathameṇa ca aparikkhittassa gāmassa dutiyaleḍḍupātasāṅkhāto bāhiro upacāro, dutiyena ca parikkhittassa gāmassa parikkhepato bāhirasāṅkhāto abbhantaro upacāro lesena dassitoti veditabbo. Evaṃ cattāropi upacārā idha bhagavatā desanāvīlasappattena desanāvīlāya dassitā hotīti ayaṃ nayo suṭṭhu lakkhetvā ācariyehi sammantayitvā yathānūrūpaṃ tattha yojetabbo. Itarathā –

Asambudham buddhamahānubhāvaṃ;
Dhammassa gambhīranayattatañca;
Yo vannaye naṃ vinayaṃ aviññū;
So duddaso sāsanānasahetu.

Pāliṃ tadatthāñca asambudhāñhi;
Nāseti yo atthakathānayañca;
Anicchayaṃ nicchayato parehi;
Gāmoti tveva purakkhato so.

Anukkameneva mahājanena;
Purakkhato paṇḍitamāni bhikkhu;
A paṇḍitānaṃ vimatim akatvā;
Acariyālaṃ purato karoti.

Tattha hi pāliyaṃ “gāmassa upacāro gāmūpacāro, gāmasāṅkhāto upacāro gāmūpacāro nāma”ti uddharitvā gāmassa upacāram dassento “indakhīle thitassa majjhimassa purisassa leḍḍupāto”ti (pār. 92) vatvā puna gāmasāṅkhātam upacāram dassento “gharūpacāre thitassa majjhimassa purisassa leḍḍupāto”ti vuttam. Imamattham sandhāya vikāle gāmapavesanagāmantaraappavāsasammutiādisu parikkhepārahātthānameva gāmūpacāranti vuttanti likhitam.

Atthato ekanti ettha saṅkhāsaddam saṅkhātasaddena samānayaṭi. “**Ādiyeyyā**”ti idaṃ pañcaviṣṭiyā avahārānaṃ sādharānapadam. Thānācāvanavasena ca khīlādīni saṅkāmētvā khettādiggaṇavasena cāti attho. Thānācāvane yathā sāmikassa dhurānikkhepādiṃ anoloketvāva āpatti, tathā ihāpīti gahetabbā.

“Asukaṃ nāma bhaṇḍam avaharissāmi”ti sabbesaṃ ekāsayaṭtā “**ekenāpi**”ti vuttam. Yadi āṇatti icchitabbā, saṃvidhāvahāro nāma eko avahāro parihāyitabbo.

Okāsaparikkape thānācāvanāya gahitampi okāsaparikkappitattā rakkhati. Okāsātikkamova pamānaṃ pubbe asuddhacittena gahitattā. Idāni suddhacittena gahitepi hoti evāti vadanti, taṃ na sundaram. Ettha pana vinicchayo samantapāsādikam oloketvā gahetabbo.

Uddhāro natthīti thānācāvanam natthīti attho.

Uddhatamatte avahāro sakalassa payogassa niṭṭhāpitattā, na atthasādhakavasena. **Uddhāreyyeva rakkhatīti** ettha eva-saddena pātane na rakkhatīti atthe siddhepi atthasādhakavasena attham dassetum “**taṃ uddharitvā**”tiādi vuttam.

“Pathabyārājapadesarājādayo bahū, tesam saṅgaṇhanatham ‘rājāno’ti bahuvacanam vutta”nti likhitam. Kiñcāpi bahuvacanam katam, idaṃ pana ekaṃ bimbisāramevāti datthabam. Rājānoti kiñci aniddisitivā sādharānavasena kiñcāpi vuttam, idaṃ pana bimbisāramevāti.

Pubbappayogeti ettha gamanakāle maggasodhanādhikāraṇe apācittiyakhethe dukkaṭam, laṭacchedanādisu pācittiyameva. Gantvā pana kumbhimatthake jālatatādicchedane saḥayapogatā dukkaṭam. “Ekabhaṇḍe evaṃ bhāriyamidaṃ, ‘tvampi ekapassam gaṇha, ahampi ekapassam gaṇhāmi’ti saṃvidahitvā ubhayesaṃ payogena thānācāvane kate kāyavācācittēhi samuṭṭhāti. Aññathā sāhatthikam vā āṇattikassa aṅgam na hoti, āṇattikam vā sāhatthikassāti vuttalakkhaṇena virujjhatīti”ti **vinayagaṇṭhipade**

likhitam. Pi-saddo panettha tattheva likhito.

Kāyavācāsamuttānaṃ, yassā āpattiyā siyā;
Tatra vācaṅgaṃ cittaṃva, kammaṃ nassā vidhīyati.

Kiriyākiriyaḍḍikam yañce, yampi kammattayam bhave;
Na yuttaṃ taṃ viruddhattā, kammamekaṃva yujjati. (vajira. fī. pārājika 131 pakinnakakathāvaṇṇanā);

Dutiyaṃpārājikavaṇṇanā niṭṭhitā.

3. Tatiyaṃpārājikavaṇṇanā

Yathā nātapariṇhā dhammānaṃ sabhāvajānanaṃveva “idaṃ rūpaṃ, ayaṃ vedanā”ti, tīraṇapariṇhā pana dhammasabhāvena saddhim aniccādivasena pavattamānaṃ “rūpaṃ aniccanti vā”tiādi, evamidha saddhim cetevā ekattenāpi pānātipātābhāvā “jīvita voropeyya”ti vuttam. “Manussaviggaha”nti vuttattā gabbhaseyyakānaṃ vasena sabbasukhumaattabhāvato paṭṭhāya dassetuṃ “kalalato paṭṭhāyā”ti āha. Ettha jīvita voropento paccuppanno viyojeti. Tattha khaṇapaccuppannaṃ na sakkā voropetuṃ, santatipaccuppannaṃ vā addhāpaccuppannaṃ vā sakkā. Kathaṃ? Tasmīhi upakkame kate laddhūpakkamaṃ jīvitasakamaṃ nirujjhamānaṃ dubbalassa pariṇāvegassa paccayo hoti. Santatipaccuppannaṃ yathā dve tayo javanavāre javitvā nirujjhati, addhāpaccuppannaṃ tadanurūpaṃ katvā nirujjhati, tathā paccayo hoti. Tato santatipaccuppannaṃ vā addhāpaccuppannaṃ vā yathāparicchinnaṃ apatvā antarāva nirujjhati. Evaṃ tadubhayampi voropetuṃ sakkā. Tasmā paccuppannaṃ viyojeti.

“Imassa panatthassa”ti vohārasena vuttamatthaṃ paramatthavasena āvibhāvattam “pāṇo veditabbo”tiādi vuttam. Kāyaviññāttisahitāya cetanāya payujjati payogo, ko so? Sarīre sathāhānaṃ gamaṇaṃ paharaṇanti kāyavācivīññāttisahitāya cetanāya parasarīre sathapātaṇaṃ. Dūre thitanti dūre vā tiṭṭhatu, samīpe vā. Hatthato muttena pahāro nissaggiyo. Tatthāti nissaggiyappayo. Yo koci maratūti ettha mahājānasamūhe na sakkā. Yassūpari saro patati, tasveva jīvitarānaṃ kātum, na yassa kassaci jīvitarānaṃ. Āṇāpananti vacivīññāttisahitāya cetanāya adhippetatthasādhanā. Teneva “sāvetukāmo na sāveti”ti (pārā. 54) vuttam. Āṇattiniyāmakāti āṇattikappayogasādhikā. Etesu hi avirajjhitesu eva āṇattipayogo hoti, na aññathā.

Rūpāhāroti ettha –

“Mamālābhena esitthī, maratū”ti samīpago;
Duṭṭhacitto sace yāti, hoti so itthimāraḷo.

Bhikkhatthāya sace yāti, jānantopi na māraḷo;
Anatthiko hi so tassā, maraṇena upekkhako.

Viyogena ca me jāyā, janantī ca na jīvati;
Iti jānaṃ viyuñjanto, tadatthiko hoti māraḷo.

Pabbajjādinimittaṇce, yāti jānaṃ na māraḷo;
Anatthiko hi so tassā, maraṇena upekkhako.

Hāraḷasaddassa bhedaṭṭo attham vitthāretvā ubhayampi ekamevāti dassetuṃ “sathāṇca taṃ hāraḷaṇca”tiādi vuttam. Etena thāvarappayogaṃ dasseti sāhatthikādisu payogesu. “Iti cittamaṇo”ti uddharitvāpi itisaddassa attho na tāva vutto. Kiñcāpi na vutto, adhikārasena pana āgataṃ itisaddam yojetvā iti cittasaṅkappoti ettha “maraṇasaññā maraṇacetano maraṇādhippāyo”ti vuttattā maraṇameva vakkhatti veditabbo. Vuttanāyenaṭi chappayogavasena. Sāhatthikanissaggiyappayogesu sannipāpakacetanāya sattamāya saha uppannākāyaviññāttiyā sāhatthikatā veditabbā. Āṇattike pana sathāhi cetanāhi saha vacivīññāttisambhavato satta satta saddā ekato hutvā ekekakharabhāvaṃ gantvā yattakehi akkharehi attano adhippāyaṃ viññāpenti, tadavasānakkharasamuttāpikāya sattamacetanāya saha jātavācivīññāttiyā āṇattikatā veditabbā.

Tatiyaṃpārājikavaṇṇanā niṭṭhitā.

4. Catutthāpārājikavaṇṇanā

Idheva saṅghanti “iti jānāmi, iti passāmi”ti pade kathanti ce, “iti jānāmi”tiādimāha. Kevalam “pāpicchatāyā”ti (kañkhā. attha. catutthāpārājikavaṇṇanā) vacanato mandattā momūhattā samudācarantassa anāpattitī dīpitaṃ. “Ātītakāle sotāpānnohmī”ti vadanto pariyaṇena vadati, “yo te vihāre vasati, so bhikkhu arahā”tiādisu (pari. 165) viya sikkhāpadepi “iti jānāmi”ti (pārā. 195, 197) paccuppannameva vuttam.

Catutthāpārājikavaṇṇanā niṭṭhitā.

Mātughātakapitughātakaarahantaghātakā tatiyaṃpārājikam āpannā, bhikkhunidūsako, lambādāyo ca cattāro paṭhamapārājikam āpannā evāti katvā kuto catuvīsattī ce? Na, adhippāyājānanto. Mātughātakādāyo hi cattāro idhānūpasampannā eva adhippetā, lambādāyo cattāro kiñcāpi paṭhamapārājikena saṅghatī, yasmā pana ekena pariyaṇena methunadhammaṃ paṭisevino hoti, tasmā visum vuttā. Na labhāti bhikkhūti ettha “uposathādibhedam samvāsa”nti ettakaṃ vuttam. Vinayattakathāyaṃ “uposathappavāraṇāpātimokkhuḍdesasaṅghakammappabheda”nti vuttam. Pāliyaṃ “samvāso nāma ekakammaṃ ekuddeso samasikkhatā”ti (pārā. 55, 92, 172, 198) vuttam. Tividhenāpi saṅghakammaṃ kātum na vaṭṭattī paṭikkhattam. “Na, bhikkhave, gahaṭṭhena nisinnaparisaṃyā pātimokkham uddisittabba”ntiādi (mahāva. 154) pātimokkhaṇṇavāraṇāsu eva āgataṃ, aññesu ca evarūpesu thānesu sesaṃ kammaṃ kātum natthi paṭikkhepo. Ācariyaṃ “sesaṃ kammaṃ kātum vaṭṭati, natthi āpatti”ti vadanti. “Antimavatthu ajiḥāpannaṃ amūlakena pārājikena codentassa saṅghādiseso, saṅghādisesena codentassa pācittiyanti bhikkhuno viya vuttam, na anūpasampannassa viya dukkaṭam. Tasmā tena saḥaseyyā, tassa paṭiggahaṇāna bhikkhussa vaṭṭattī ācariyaṃ vadanti”ti likhitam. “Yathā pure tathā pacchātī”ekakammaṃ ekuddeso samasikkhatā”ti evaṃ vuttasamvāsassa abhabbatāmatam sandhāya vutta”nti vadanti, vīmaṃsittabbaṃ.

Idāni catunnampi sādharānaṃ pakinnakaṃ – methunadhammaṃ paṭisevanto atthi koci pārājiko hoti asaṃvāso, atthi koci na pārājiko hoti asaṃvāso, atthi koci na pārājiko samvāso dukkaṭavattusmiṃ vā thullaccayavattusmiṃ vā paṭisevanto, atthi koci na pārājiko pakkhapandako apaṇḍakapakke upasampanno paṇḍakapakke methunadhammaṃ paṭisevanto. So āpattim nāpajjati na pārājiko nāma. Na hi abhikkhussa āpatti nāma atthi. So anāpattikattā apaṇḍakapakke āgato kiṃ asaṃvāso hoti, na hoti? Hoti. “Abhabbo tena sarīrabandhanaṇā”ti (mahāva. 129) hi vuttam. “Yo pana bhikkhu bhikkhūnaṃ sikkhāsājjivasamāpanno... pe... asaṃvāso”ti (pārā. 44) vuttattā yo bhikkhubhāvena methunam dhammaṃ paṭisevati, so eva abhabbo. Nāyaṃ aparājikattāti ce? Na. “byattena bhikkhunā paṭibaleṇa saṅgho nāpetabbo”ti (mahāva. 126) vuttattā yathā abhikkhunā kammavācāya sāvitāyapi kammaṃ ruḥati kammavipattiyaṃ asambhavato, evaṃsāmpadamidaṃ datṭhabbaṃ. Tatrāyaṃ viseso – upasampannapubbo evaṃ ce kammavācaṃ sāveti, saṅgho ca tasmim upasampannasaññā eva ce, kammaṃ ruḥati, nāññatthāti no khatti ācariyo.

Gahaṭṭho vā titthiyo vā paṇḍako vā kammavācaṃ sāveti, saṅghena kammavācā na vuttā hoti. “Saṅgho upasampādeyya saṅgho upasampādeti, upasampanno saṅghenā”ti (mahāva. 127) hi vacanato saṅghena kammavācāya vattabbatāya saṅghapariyāpannaṇa, saṅghapariyāpannaṇāna vā ekena vuttāya saṅghena vuttā hoti veditabbo, na gahaṭṭhatitthiyapaṇḍakādisu aññātareṇa. Ayameva sabbakammesu yutti datṭhabbā.

Tathā atthi methunaṃ dhammaṃ paṭisevanto koci nāsetabbo, “yo bhikkhunidūsako, ayaṃ nāsetabbo”ti (mahāva. 114-115 atthato samānaṃ) vuttattā tena eva so anūpasampannova saḥaseyyāpattim vā aññā vā tādisaṃ janeti, tassa omasane ca dukkaṭam hoti. Abhikkhuniyā methunadhammaṃ paṭisevanto na nāsetabbo, “antimavattham ajiḥāpanno, bhikkhave, anūpasampanno na upasampādetabbo”ti pāliyaṃ abhāvato, teneva so upasampannasaṅgham gacchati, saḥaseyyāpattidim na janeti, kevalam asaṃvāso katvā gahaṭṭhāro na hoti. Ekakammaekuddeso hi samvāsoti vutto, samasikkhatāpi samvāsoti katvā so tena saddhim natthi. Padasodhammāpattim pana janeti kāraṇacchāyā dissatī. Yathā bhikkhuniyā saddhim bhikkhusaṅghassa ekakammādino samvāsassa abhāvā bhikkhunā asaṃvāsā bhikkhussa, tathā bhikkhu ca bhikkhuniyā, padasodhammāpattim pana na janeti. Tathā antimavattham ajiḥāpannopi ekecco “yo nāsetabboti vutto”ti iminā nidassanena sakāraṇacchāyā ajiḥupekkhitā hoti na gahaṇam gacchati. Apica “ubho nāsetabbā, dūsako nāsetabbo”ti (pārā. 66) vacanato, “mettiyaṃ bhikkhunim nāsethā”ti (pārā. 384) vacanato ca yo saṅghamajjham

pavisitvā anuvijjakena anuvijjiyamāno parājito, sopi anupasampannova, na omasavādapaccittiyam janētti veditabbo.

Apicettha sikkhāpaccakkhātakatukkam veditabbam. Atthi hi puggalo sikkhāpaccakkhātako na sikkhāsājivasamāpanno, atthi puggalo na sikkhāpaccakkhātako sikkhāsājivasamāpanno, atthi puggalo sikkhāpaccakkhātako sikkhāsājivasamāpanno ca, atthi puggalo neva sikkhāpaccakkhātako na sikkhāsājivasamāpanno. Tattha tatiyo bhikkhunī sikkhāpaccakkhātakā veditabbā. Sā hi yāva na līngam paricecchati, kāsāvesu saussāhāva samānā sāmaññā cavitukāmā sikkham paccakkhantīpi bhikkhunī eva sikkhāsājivasamāpannāva. Vuttañhi bhagavatā “natthi, bhikkhave, bhikkhunīyā sikkhāpaccakkhāna” nti. Kadā pana sā abhikkhunī hotīti? Yadā sā vibbhantāti sankham gacchati. Vuttañhi bhagavatā “yadeva sā vibbhantā, tadeva sā abhikkhunī” ti (cūlava. 434). Kittavatā pana vibbhantā hotīti? Sāmaññā cavitukāmā kāsāvesu anālayā kāsāvaṃ vā apaneti, naggā vā gacchati, tīnapañnādinā vā paṭicchādetvā gacchati, kāsāvamyeva vā gihinivāsanaṅkārena nivāseti, odātam vā vattham nivāseti, līngeneva vā saddhim tīthiyesu pavisitvā kesaluṅcanādivatam samādiyati, tīthiyalīngam vā samādiyati, tadā vibbhantā nāma hoti. Tattha yā salīge tīthāva tīthiyavatam samādiyati, sā tīthiyapakantabhikkhu viya pacchā pabbajjampi na labhati. Sesā pabbajjameva labhati, na upasampadam. Pāliyam kiñcāpi “yā, bhikkhave, bhikkhunī sakāvāsā tīthāyatanam sankantā, sā āgatā na upasampādetabbā” ti (cūlava. 434) vacanato yā pathamam vibbhamitvā pacchā tīthāyatanam sankantā, sā āgatā upasampādetabbāti anuññātam viya dissati. Saṅgītiacariyehi pana “catuvīsati pārājikāni” ti (pārā. atṭha. 2.233) vuttattā na puna sā upasampādetabbā. Tasmā eva sikkhāpaccakkhānam nānuññātam bhagavatā. Antimavatthum ajjhāpanāna pana bhikkhunī eva. Pakkhaṇḍakāpi bhikkhunī eva. Imam nayam catūsūpi yojetvā yathāraham kathebbam.

Pārājikavannaṇāni nīṭṭhitā.

Saṅghādisesakaṇḍam

1. Sukkavissatṭhisikkhāpadavaṇṇanā

Aññātra supinantāti svāyam dubbalavatthukattā cetanāya patisandhim ākaḍḍhitum asamattā, supine upaṭṭhitam nimittāñhi dubbalam. Pavatte pana aññehi kusālīkusalehi upatthambhitā vipākam deti. Kiñcāpi vipākam deti, atha kho avisaeva uppannattā abboharikāva supinantacetanāti likhitam. Yam panettha “supine upaṭṭhitam nimittāñhi dubbalā” nti vuttam, tam anekantam, na ca ārammaṇadubbalatāya cittappavattī dubbalā aññāgatārammaṇāya, paññattārammaṇāya vā adubbalatā. Tasmā **dubbalavatthukattāti** dubbalahadayavatthukattāti no takkoti (vajira. 11. pārājika 236-237) ācariyo. Avatthukattāya dubbalabhāvo yujjati ce? Na, avatthukāya bhāvanāpabhavāya atirekabalavasambhavato. Bhāvanābalasamappitāñhi cittaṃ arūpampi samānam atibhārampi karajakāyam gahetvā ekacittakkhaṇeneva brahmalokampi pāpetvā thapeti, tappaṭṭibhāgam anappitampi kāmāvacaracittam karajakāyam ākāse laṅghanasamattham karoti. Kim panettha tam anumānakaṇḍam? Yena cittaśeva ānubhāvoti paññāyeyya cittaṇubhāvena thapanalaṅghanādikiriyaśivasanibhattidassanato. Pakaticittasamuṭṭhānarūpam viya asamsatṭhattā, nikkhamanattā ca vatthiśisam, kaṭi, kāyoti tidhā sukkassa thānam pakappenti ācariyā. Sappavisam viya tam dāṭṭhabbam, na ca vise thānaniyamo, kodhavasena passantassa hoti. Evamassa na thānaniyamo, rāgasena upakkamantassa hotīti no takkoti ācariyo.

“**Dakasotaṃ anotiṇṇepi**” ti idam “otiṇṇamatte” ti iminā virujjhatti ce, tam dassetum “**thānato pana cuta**” tiādimāha. Tassattho – nimitte upakkamam katvā sukkam thānā cāvetvā puna vipattisāravasena dakasotorohanam nivāretum na sakkā, tathāpi adhivāsādhippāyena adhivāsetvā antarā dakasotato uddham nivāretum asakkuneyyatāya “**bahi nikkhante vā**” ti vuttam, tasmā thānā cutāñhi avassam dakasotaṃ otarattī atṭhakathāya adhippāyo. Tasmā ubhayam sametīti gahetabbo.

Etthāha – kasmā imasmim sikkhāpade “yo pana bhikkhū” tiādinā kārako na niddiṭṭhoti? Vuccate – adhippāyāpekkhāya bhāvato kārako na niddiṭṭho tassa sāpekkhabhāvadassanattam. Katham? Kaṇḍuvanādiadhippāyacetanāvasena cetentassa kaṇḍuvanādiupakkamena upakkamantassa methunarāgasena ūruādisu dukkaṭavattḥsu, vanādisu thullaccayavattḥsu ca upakkamantassa sukkavissatṭhiyā satīpi na saṅghādiseso “anāpatti bhikkhu na mocanādhippāyassā” ti (pārā. 263) vacanato. Tasmā tadatthadassanattam idha kārako na niddiṭṭho. Aññāthā “yo pana bhikkhu sañcetanikam sukkavissatṭhim āpajjeyya, saṅghādiseso” ti niddiṭṭhe kārake “ceti na upakkamati muccati, anāpatti” ti (pārā. 262) vuttavacanavirodho. Tathā “sañcetanikāya sukkavissatṭhiyā aññātra supinantā saṅghādiseso” ti bhumme niddiṭṭhepi so eva virodho hetvatthaniyamassiddhito. Tasmā tadubhayampi vacanakkamam avatvā “sañcetanikā sukkavissatṭhi aññātra supinantā saṅghādiseso” ti vuttam. Tattha nimittatthe bhumnavacanābhāvato hetvatthaniyamo na kato hoti. Tasmim akate sañcetanikā sukkavissatṭhi aññātra supinantā saṅghādisesoti, upakkame asati anāpattīti ayamattho dīpito hotīti veditabbam.

Imasmim sikkhāpade dve āpattisahasāni honti. Katham? Attano hatthādiḍḍhe ajjhatarūpe rūgūpatthambhanavasena aṅgāte kammaniyaṇṇe ārogyatthāya nīlam mocentassa ekā āpatti, ajjhatarūpe eva rūgūpatthambhe pītakādīnam mocanavasena navatī dasa. Evam “sukhatthāyā” tiādinam navannaṃ vasesāti rūgūpatthambhe ajjhatarūpavasena satam. Evamevaṃ vacappassāvātauccālingapaṇakadaṭṭhipatthambhesu ca satam satam katvā sabbam pañcasatam. Yathā ajjhatarūpe pañcasatam, evam bahiddhārūpe vā ajjhatabhahiddhārūpe vā ākāse vā kaṭim kampentoti dve saḥassāni āpattīyo honṭīti.

Sukkavissatṭhisikkhāpadavaṇṇanā nīṭṭhitā.

2. Kāyasamsaggasikkhāpadavaṇṇanā

“**Otiṇṇo**” ti imināse sevānādhippāyatā dassitā. Teneva “kāyasamsaggarāgasamaṅgissetam adhivacana” nti vuttam. “**Vipariṇatena...pe... saddhi**” nti imināse vāyāmo dassito. “**Saddhi**” nti hi padam samyogam dīpeti, so ca samyogo samāgamo. Kena cittaṇa? Vipariṇatena cittaṇa, na pattappaṭiggahaṇādhippāyādināti adhippāyo. “**Kāyasamsaggam samāpajjeyyā**” ti imināse vāyamato phassappaṭivijānāto dassitā hoti. Vāyamitvā phassam paṭivijānanto hi samāpajjati nāma. Evamassa tivangasampatti dassitā hoti. Atha vā **otiṇṇo vipariṇatena cittaṇa** yakkhādinā satto viya. Upayogathe vā etam karanāvacaṇam, **otiṇṇo** vipariṇatam cittaṃ kūpādim viya satto. Atha vā “rāgato uttiṇṇo bhavissāmi” ti bhikkhubhāvam upagatopi yo pana bhikkhu tato uttiṇṇādhippāyato vipariṇatena cittaṇa hetubhūtena tameva rāgam otiṇṇo. Mātugāmena attano samīpam vā āgatena, attanā upagatena vā. Etena mātugāmassa sārattatā vā hotu, virattatā vā, sā idha appamāṇam.

Hatthaggaṃham vāti ettha hatthena sabbopi upādinnako kāyo saṅgahito, na bhinnasantāno tappaṭṭibaddho vatthālaṅkāradī. **Veṇiggahaṇena** anupādinnako abhinnasantāno kesalomanakhaggadantaggādiko kammappaccayautasamuṭṭhāno gahitoti veditabbam. Tenevāha “**antamaso lomena lomam phusantassāpi**” ti. Tena **aññatarassa vā...pe... parāmanasanti** ettha anupādinnakānampi sesalomādīnam aṅgabhāvo veditabbo. Evam sante “phassam paṭijānantassa saṅghādiseso” ti iminā virujjhatti ce? Na, tadatthajānanato. Phuṭṭhabhāvam paṭivijānantopi phassam paṭijānāti nāma, na kāyaviññānuppattiyā eva. Anekantikañhettha kāyaviññānam. Tasmā eva idha phassappaṭivijānam aṅgantveva na vuttam. Tasmimhi vutte thānametam vijjati “na ca me lomaghaṭṭanena kāyaviññānam uppannam, tasmim ‘na phassam paṭijānāmi’ ti anāpannasāññī siyā” ti. “**Veṇī** nāma kahāpaṇamālādisampayuttam, tattha ‘veṇim gaṇhissāmi’ ti kahāpaṇamālādim eva gaṇhāti, na lomam, natthi saṅghādiseso” ti vadanti. Vīmaṃsitabbam.

Kāyasamsaggasikkhāpadavaṇṇanā nīṭṭhitā.

3. Duṭṭhullavācāsikkhāpadavaṇṇanā

“Kadā te mātā pasīdissati” ti āyacaṇam **duṭṭhullavācāya sikkhāpattalakkhaṇadassanattam** vuttam, na methunupasaṃhiteyeva duṭṭhullavācāti dassanattam. “**Ubbhatobyājanakāsi**” ti vacanam pana purisanimitteṇa asaṅghādisesavatthunā missavacaṇam, purisaubhatobyājanakassa ca itthinimittam paṭicchannam, itaram pākāṭam. Yadi tampi janeti, katham ‘animitāsī’ tiādinā padāni na saṅghādisesam janenti” ti eke, tam na yuttam purisassāpi nimitādhivacaṇattā. “**Methunupasaṃhitāhi saṅghādiseso**” ti (pārā. 248) mātikāyam lakkhaṇassa vuttattā ca methunupasaṃhitāhi obhāsane paṭivijānantiyā saṅghādiseso, appaṭivijānantiyā thullaccayam, itarehi obhāsane paṭivijānantiyā thullaccayam, appaṭivijānantiyā dukkaṭanti eke, vicāretvā gahetabbam. Etthāha – “**sikharāṇi**” tiādinā akkosantassa paṭigahcittam uppajjati, kasmā “**tivedana**” nti avatvā “**dvivedana**” nti vuttanti? Rāgasena ayam āpatti, na paṭigahvasena. Tasmā rāgaseneva pavatto akkosito idha adhippeto. Tasmā “**dvivedana**” nti vacanam suvuttameva.

Duṭṭhullavācāsikkhāpadavaṇṇanā nīṭṭhitā.

4. Attakāmasikkhāpadavaṇṇanā

Duṭṭhullobhāsane vuttappakārāyāti duṭṭhullāduṭṭhullajānanasamatthāya. Parassa bhikkhuno attakāmapāricariyāya vaṇṇabhaṇane dukkaṭam, “yo te vihāre vasati, tassa aggadānam methunam dhammam dehi” ti pariyaṇavacaṇepi dukkaṭam, “attakāmapāricariyāya vaṇṇam bhāseyya, yā mādisam sīlavanta” nti ca vuttattāti eke. Pañcasu aṅgesu

sabbhāvā saṅghādisesovāti eke, vicāretvā gahetabbam. “Imasmim sikkhāpadavaye kāyasamsagge viya yakkhipetīsupi duṭṭhullattakāamavacane thullaccayanti vadanti. Aṭṭhakathāsu pana nāgata”nti (vajira. ṭi. pārājika 295) likhitam. Ubhatobyañjanako pana paṇḍakagatikova.

Attakāmasikkhāpadavaṇṇanā niṭṭhitā.

5. Sañcarittasikkhāpadavaṇṇanā

Alamvacanīyāti na vacanīyā, nivāraṇe **alam**-saddo, na alamvacanīyā **nālamvacanīyā**. “Paṭiggaṇhāti vīmaṃsati paccāharati, āpatti saṅghādisesassā”ti (pārā. 305) vuttattā yassa ekantena saṅghādiseso hoti, tassa paṭiggaṇhanavīmaṃsanapayogā ete dukkaṭathullaccayā natthīti vadantīti likhitam. Kiñcāpi ettha “itthī nāma manussitthī, na yakkhī na peṭī na tiracchānagatā. Puriso nāma manussapuriso, na yakkho na peto na tiracchānagato”ti pāli natthi, tathāpi kāyasamsaggādīsu “mātugāmo nāma manussitthī”ti (pārā. 285) itthivavathānassa katattā idhāpi manussitthī evāti paññāyati. Methunapubbabhāgasamaññato itthivavathānena purisavavathānā katameva hoti. Tenevāha “yesu sañcarittam samāpajjati, tesam manussajātikatā”ti (kaṅkhā. aṭṭha. sañcarittasikkhāpadavaṇṇanā). Kāyasamsaggādīsu ca paṇḍakayakkhipetiyo thullaccayavathukāva vuttā, tathā idhāpi, paṇḍakasabhāvattā manussaubhatobyañjanako ca thullaccayavathukova hoti. Sesā manussapurisamaanussapaṇḍakauubhatobyañjanakaratiracchānagatapurisādāyo dukkaṭavathukāva micchācārassanasabhāvato veditabbam.

Sañcarittasikkhāpadavaṇṇanā niṭṭhitā.

6. Kuṭikārasikkhāpadavaṇṇanā

Kim bhanteti ettakepi vutte. Pucchito yadattāya pavīṭṭho, tam kathetum labhati pucchitapaññattā bhikkhācāravatteti likhitam. Hatthakammam yācīto “upakaraṇam, mūlam vā dassatī”ti yācīti, vaṭṭati, na vaṭṭatīti? Vaṭṭati senāsane obhāsaparikathāññam laddhattāti eke. **Tihatthā vāti** ettha vaḍḍhakihatthena tihatthā. “**Pamāṇayutto māñcōti** pakatīvidattīyā navavidattīppamāṇamañcō, so tattha ito ca na sañcarati, tasmā catuhatthavithārā na hotī”tiādi likhitam. Akuṭiyā pana vathudesanākkiccam natthi ullittavallittam kātum vuttattā. “Ullittādibhāvo...pe... ‘chadanameva sandhāya vutto’ti vuttamidaṃ. Kasmāti ce? Yasmā mattikāmayabhittim uṭṭhāpetvā upari ullittam vā avalittam vā ubhayam vā bhittiyā ghaṭitam karontassa āpatti eva vināpi bhittilepenā”ti likhitam. Evametha thambhatulāpīṭṭhasaṅghāṭādi nīratthakam siyā. Tasmā vicāretvāya gahetabbam. “Uposathāgārampi bhavissati, ahampi vasissāmī”ti vā “bhikkhūhi vā sāmanerehi vā ekato vasissāmī”ti vā karontassa vaṭṭati eva. Kasmā? “Attudesa”nti vuttattāti likhitam.

Idam pana sikkhāpadam catutthapārājikam viya nidānāpekkham. Na hi vaggumudāṭīriyā bhikkhū sayameva attano asantam uttarimanussadhammam musāvādalakkhamam pāpetvā bhāsimu. Aññamaññāñhi te uttarimanussadhammavaṇṇam bhāsimu. Na ca tāvatā pārājikavattu hoti, tattakena pana lesena bhagavā tam vatthum nidānam katvā pārājikam paññāpesi, tathā idhāpi. Na hi nidāne “adesitavathukāyo sārāmbhāyo aparikkamanāyo”ti vuttam. “Appamāṇikāyo”ti pana vuttattā pamānamatikkamantassa saṅghādisesova nidānāpekkho. Tattha sārāmbhe aparikkamane saṅghādisesappasāngam viya dissamānam “vibhaṅgo tamñiyamako”ti vuttattā vibhaṅge na nivāreti. Tathā mahallake.

Ethāha – kimattham mātīkāyam dukkaṭavattu vuttam, nanu vibhaṅge eva vattabbam siyāti? Evametaṃ. Kim nu bhikkhū abhinetaḍḍā vathudesanāya, tehi bhikkhūhi vattu desetabbam, kīdisam? Anārambham saporikkamananti. Itarāñhi “sārāmbhe ce bhikkhū vatthusmim aparikkamane”ti evam anuppasāngavasena āgatattā vuttam. Yasmā vattu nāma atthi sārāmbham aparikkamanam, atthi anārambham saporikkamanam, atthi sārāmbham saporikkamanam, atthi anārambham saporikkamananti bahuvīdham, tasmā bahuvīdhattā vattu desetabbam anārambham saporikkamanam, netaranti vuttam hoti. Kimatthikā panetha vathudesanāti ce? Garukāpattipaññāpanahetuparivajjanupāyattā. Vathudesanā hi garukāpattipaññāpanahetubhūtā. Garukāpattipaññāpanam akatavīññatti gihīpīlājananam, attadukkhaparadukkhahetubhūto ca sārāmbhāvato eke vathudesanāpadesena upāyena parivajjitā honti. Na hi bhikkhū akappiyakuṭikaraṇattham gihīnam vā pīlānimittam, sārāmbhavatthukuṭikaraṇattham vā vatthum desentīti. Honti cettha –

“Dukkatassa hi vatthūnam, mātīkāya pakāsānā;
Garukāpattihetūnam, tesam evam pakāsītā.

“Vatthussa desanupāyena, garukāpattihetuyo;
Vajjitā honti yaṃ tasmā, sārāmbhādi jahāpita”nti.

Kuṭikārasikkhāpadavaṇṇanā niṭṭhitā.

7. Vihārakārasikkhāpadavaṇṇanā

Kiriyāmatto samuṭṭhānabhāvato akiriyamevetam. Tam desanākarānavasena. **Bhikkhū vā anabhineyyāti** ettha vā-saddo avadhāraṇattho veditabbo. “Āyasmā channo cetīyaruḍḍham chedāpesi”ti (pārā. 365) āgatattā idampi nidānāpekkhanti veditabbam.

Vihārakārasikkhāpadavaṇṇanā niṭṭhitā.

8. Duṭṭhadosasikkhāpadavaṇṇanā

“Kasmā mama vandanādīni...pe... ‘ghaṭīteyeva sīsam eṭṭ’ti vuttattā antimavattuajjhāpannakam vanditum na vaṭṭatī”ti vadanti, tam na gahetabbam. Parivārāvāsāne upālipaṇcake “kati nu kho, bhante, avandiyā”tiādinā (pari. 467) vuttapāliyam avuttattā, “pacchā upasampanna pure upasampanno vandīyo”ti (pari. 468) vuttattā ca, tasmā eva imissam kaṅkhāvitariyam “upasampannoti saṅkhyupagamana”nti vuttam. Suttādhīppāyo pana evam gahetabbo – avandanto sāmīcīpaṭṭikkhepasāṅkhātāya codanāya codetī nāmāti dassanattam vuttanti. Tasmā eva “ettāvatā ca codanā nāma hotī”ti vuttam. Idha adhippetam āpattīpajjanākāram dassetum “kasmā mama vandanādīni na karoṣī”tiādi vutta”nti likhitam.

Katūpasampadanti yassa upasampadā ruhati, tam, paṇḍakādāyo. **Ṭhapanakkhattanti** ettha sabbasaṅghāhikam, puggalikañcātī duvidham pavāraṇāṭhapanam. Tattha sabbasaṅghāhike “suṇātu me, bhante, saṅgho...pe... tevācīkam pavāre”ti **su**-kāro yāva **re**-kāro. Puggalikaṭhapano pana “saṅgham, bhante, pavāremi...pe... passanto paṭī”ti **saṃ**-kāro yāva ayaṃ sabbapacchimo **ṭi**-kāro, etthantare ekapadepi thapentena ṭhapatī hoti. Uposathe pana iminānusārena viseso veditabbo “kareyyā”ti **re**-kāre anatikkamante.

Duṭṭhadosasikkhāpadavaṇṇanā niṭṭhitā.

9. Aññabhāgiyasikkhāpadavaṇṇanā

Aññabhāgo vā assa atthīti yathā suvannasaddam sovannamīyatra suvannavā anena suvanṇo ityuccate. Tam paṭimāya sarīram, silāputtakassa sarīranti ca nidassanam. Chagalakassa “dabbo”ti dinnam nāmam “deso”ti vuccatī. Kasmā? Theram anuddhamsetum therassāpi apadisitabbattā. **Aññampi vatthum** na theramyeva. **Lissati silissati vohāramatteneva** atthato. **Isakam alliyatīti** lesoti adhippāyo. Lisaselachakolaallībhāve. Tena vuttam “isakam alliyatīti lesō”ti. Yasmā desalesā atthato ninnānākaranam, tasmā “kiñcidesam lesamattam upādāyā”ti padam udharitvā “dasa lesā jātileso”tiādi (pārā. 394) padabhājane vuttam.

Aṭṭhuppattivaseneva āvibhūṭanti ettha kiñca bhīyo aniyamattā. Na hi mettīyabhūmajānā viya aññesaṃ sabbesampi “chagalakamevettha aññabhāgiyam adhikaraṇam hoti, aññam gomahiṃsādikampi hoti, na ca mettīyabhūmajā viya sabbepi nāmalesamattameva upādiyanti, aññampi jātilēsādīm upādiyanti, tasmā aniyamattā na vibhattam. Kiñca bhīyo tathāvutte chagalakasseva aññabhāgiyatā sambhavatī, na aññassa, yena sova dassito. Leso ca nāma lesova, na jātiādi, yena sova dassitoti evam micchāgāhappasāngatoti veditabbam. **Idha ca...pe... saññīnopīti** imasmim sikkhāpade ca amūlakasikkhāpade cāti attho.

Aññabhāgiyasikkham yo, neva sikkhati yuttito;

Gacche vinayaviññūhi, aññabhāgīyatamva so. (vajira. fī. pārājika 408);

Aññabhāgīyasikkhāpadavaññanā niṭṭhitā.

11. Bhedānuvattakassikkhāpadavaññanā

Tiṇṇaṃ uddhaṃ kammārahā...pe... karoffī ettha “ime cattāro” ti vā “imañca imañcā” ti vā vatvā kātum na vaṭṭatīti likhitam.

Bhedānuvattakassikkhāpadavaññanā niṭṭhitā.

12. Dubbacassikkhāpadavaññanā

Dukkheṇa vattabbo **dubbaco. Vuccamāno** na sahati.

Dubbacassikkhāpadavaññanā niṭṭhitā.

Nigamanavaññanā

“**Nāmamattavasenā**” ti pāṭho. “Nāmagottavasenā” ti likhitam. Idam vuttam hoti – “ayam kiriyā bhikkhūnam kātum na vaṭṭatī” ti jānitvā sace chādeti, channāva hotīti attho. **Sabhāgamattamevāti** averisabhāgamattamevāti adhippāyo.

Vatthu ceva gottāncāti ettha **vatthūti** vīṭikkamanam asucimuccanam. Gottanti gaṃ tāyatīti gottam, sajāṭito aññattha gantum adatvā gaṃ buddhim, vacanañca tāyatīti attho. Vatthu ca sajāṭimeva gacchati. **Sajāti** nāmettha aññehi viṣiṭṭhāviṣiṭṭhabhūtā kiriyā, na kāyasamsaggādi. **Nāmañceva āpatti cāti** ettha **āpattīti** vīṭikkamenāpannāpattiyā nānam.

Puna āgatāgatānam bhikkhūnam ārocenenti ettha dvinnam ārocenena “āyasmantā dhārentu” tiṇṇam vā atirekānam vā ārocenena “āyasmanto dhārentū” ti evam ārocanaividhānam veditabbam. **Vattabhedāñca ratticchedāñca akatvāti** ettha ṭhapetvā navakataram pārivāsikam avasesānam antamaso mūlāyapaṭikkassanārahādīnampi abhivādānādisādiyane, paṭipāṭiyā nisīdane, ovdane, kammikānam garahaṇe cātiādisu vattabhedo hoti. Dassanasavanavisayesu anārocane ca bhikkhūhi ekacchanne vasane ca ajānantasseva vihāre bhikkhūnam āgantvā gamane cātiādisu ratticchedo hoti. Nānāsamvāsakehi vinayakammābhāvato tesam anārocane ratticchedo na hoti. “Dve leddupāte atikkamitvā” ti vacanato anto na vaṭṭati. Nikkhittavatteneva hutvā vicarantena yassa santike pubbe samādiyitvā ārocitam, tassāpi santike pacchā nikkhipanakāle ārocetvā nikkhipitabbam. Tasmā puna samādānakālepi so ce tato gacchati, tam divasam āgantvā divā ārocetvāpi yadi evam atīṭadivasam hoti, “aruṇe utṭhite tassa santike ārocetvā vattam nikkhipitvā vihāram gantabbanti tassa santike ārocetvā vattam nikkhipitabba” nti vuttam. Apica “vihāram gantvā yam sabbapaṭhamam bhikkhum passati, tassa ārocetvā nikkhipitabba” nti vuttam. Sace ratticchedo hoti, vihārasīmāpariyāpannānam sabbesam ārocetabbam siyā. “Tassa ārocetvā” ti idam pana pubbe anārocitam sandhāya vattabhedarakkhanattham vuttam. Tasmā eva **samantapāsādikāyam** (cūlava. aṭṭha. 97) evam vuttam “aññam vihāro nikkhantam vā āgantukam vā” ti.

Suddhantaparivāse pana sace “māsamattam asuddhomhī” ti aggahe, parivasanto puna ūnam vā adhikam vā sannitṭhānam karoti, tattakampi parivasitabbameva, parivāsādānakiccam natthi. Ayañhi suddhantaparivāso nāma uddhampi ārohati, heṭṭhāpi orohati. Idamassa lakkhaṇam.

Samodahitvāti mūlapaṭṭiṭṭhāne ṭhapetvā, pakkipitvāti attho. Appaṭicchannā ce antarāpatti, mūlāya paṭikkassanam akatvā pubbe gahitaparivāseva parivasitabbam. Yo pana āpattim āpajjitvā vibbhāmitvā puna upasampanno hutvāpi paṭicchādeti, yo ca pubbe paṭicchādetvā pacchā na paṭicchādeti, yo ca ubhayattha paṭicchādeti, sabbesam paṭicchannādivasavasena parivāso dātabbo. “Purimasim āpattikkhandhe vā” ti ca “pacchimasim āpattikkhandhe vā” ti (cūlava. 166 ādayo) ca pāliyam vuttatā dve bhikkhū viṣuddhikam āpannā honti, te suddhikaditṭhino honti. Eko chādeti, eko na chādeti. Yo chādeti, so dukkaṭam desāpetabbo. “Ubhopi yathādhammam kārepetabbā” ti (cūlava. 181) vacanato yam kañci āpattim chādetvā dukkaṭam āpajjitīti veditabbo.

Tesu gatesu vā agatesu vā purīmanayeneva paṭipajjitabbanti ettha ūne gaṇe caraṇam, anuṭṭhānam ekarattampi gaṇena vippavāsam, sace rattiyā ekakkaṇena saṅho vasati, sace so pure arunameva kenaci karaṇiyena gatoti etthapi mānattepi evam jāte. “Ayañca yasmā gaṇassa ārocetvā, bhikkhūnañca atthibhāvam sallakkhetvā vasi, tenassa ūne gaṇe caranadoso vā vippavāso vā na hotī” ti (cūlava. aṭṭha. 97) **samantapāsādikāyam** vuttam. Tasmā tena ārocite mūhuttampi nisīditvā gatepi vippavāso natthi. Pārivāsikassa, ukkhittakassa ca pakatattena tasmim vasaṇam udakapātena vāritam, tasmā nānūpacārepi ekacchanne na vaṭṭati.

Idāni pāthavicāranā veditabbā – “**nava paṭhamāpattikā cattāro yāvatiyāka**” ti idam sabhāvaniyamavacanam. Tena vuṭṭhānam aniyamanti dasseti. Ekaccāpattivutṭhānañhi kammatoṇi hoti akammatoṇi, na evam āpajjananti vuttam hoti. **Aññataram vā aññataram vāti** tesam dvidhā bhinnānampi vuṭṭhānakammābhedaḍḍhāvādīpakavacanam. **Yāvatiṇam, tāvatiṇanti** ettha aḥaparicchedo aruṇavasena. “**Jāna**” nti iminā jānanappaṭicchannassa akāmā parivattabbanti dasseti. **Tena bhikkhūnā akāmā parivattabbanti** tena bhikkhūnā vasatā akāmā parivattabbam, na parivattitālīṅgenāti dassanantam vuttam. **Parivutthaparivāsenāti** ādimhi parivutthaparivāseva parivāsato uttari itivārena ādito bhikkhūnāva chāratam, parivattitālīṅgena uddhampi bhikkhumānattāya paṭipajjitabbam, na parivāse viya tappaccayā aciṇṇamānatto. Ciṇṇamānattova abhettabbo, na itaro, na parivāse viya mānattārahe, pakhamānattañca carantiyā bhikkhunīyā līṅgam parivattitikkame sati ciṇṇamānatto bhikkhu hoti, puna bhikkhumānattam gaheṭvā ciṇṇamānattova bhikkhu abhettabboti dasseti.

Yattha siyāti yassam samānasamvāsakasīmāyampi vīsatiṅgaṇo bhikkhusaṅho atthi. **Ekenapi ce ūno vīsatiṅgaṇo** ti na yujjati, ūno ce. Na hi vīsatiṅgaṇo, saṅho ce ūno. Tasmā “ekenapi ce ūno saṅho” ti ettakameva vattabbanti ce? Na, catuvaggaṇācavaggadasavaggaṇāpasāṅganivāranappayojanato. Tasmā vīsatiṅgaṇo bhikkhusaṅho ce bhikkhūnā ekenapi ūno, natṭho dāṭṭhabbo. Keci pana vinaye appakataññuno “yathā atirekacatuvaggopi saṅho catuvaggakarāṇīye kamme ‘catuvaggo’ ti vuccati, tathā pañcavaggadasavaggakarāṇīye kamme atirekapañcavaggadasavaggopi ‘pañcavaggadasavaggo’ ti vuccati. Tasmā ūnopi catuvaggaṇācavaggadasavaggavīsatiṅgaṇovā” ti maññeyyūm, tesam maññānānivāranattham “**ekenapi ce ūno**” tiādi vuttam. Atha vā vīsati bhikkhusaṅho ce, ṭhapetvā ekenapi ce ūno appakattato, tam ṭhapetvā ekenapi ceti evametha attho dāṭṭhabbo. **Ayam tattha sāmīcīti** vacanam yam vuttam sabbattha “tassa āpattiyā parivāsam deti, mūlāya paṭikkassati, mānattam deti, abhett” ti, tassa āvibhāvakarānattham vuttanti veditabbam. Tena tesu ayam yathāvuttā sāmīcīti niyatā icchitabbā, na rājasikkhāpadādisu viya aniyatā. Tattha hi kenaci antarāyena tam sāmīcimakaronteṇi anāpattīti dīpitam hoti.

Saṅghādisesavannāni niṭṭhitā.

Aniyatakaṇḍam

1. Paṭhamāniyatassikkhāpadavaññanā

Aniyate āditova idam pakinnakam. Seyyathidam – idam aniyatakaṇḍam nippayojanam tattha apubbābhāvato ce? Na, garukalahukabhedabhinnāpattiropanāropanakkamalakkhaṇadīpanappayojanato. Ettha hi “sā ce evam vadeyya ‘ayyo mayā...pe... so ca tam paṭijānāti, āpattiyā kāretabbo” tiādinā (pārā. 446) āpattiyā garukāya, lahukāya ca ropanakkamalakkhaṇam, “na kāretabbo” ti iminā anāropanakkamalakkhaṇaṇca dassitam. Lakkhaṇadīpanato ādimhi, ante vā uddisitabbanti ce? Na, asambhavato. Katham na tāva ādimhi sambhavati, yesamidam lakkhaṇam, tesam sikkhāpadānam adassitattā. Na ante garukamissakattā. Tasmā garukalahukānam majje eva uddisitabbatam arahati ubhayamissakattā. Yā tattha pācītiyasāṅkhātā lahukāpatti dassitā, sāpi garukāti kadhītā. Tenevāha “methunadhammasannissitakilesasaṅkhātēna rahassādenā” tiādi. Tasmā garukānam eva anantarām uddiṭṭhanti eke. Evam sati paṭhamāniyatamevālam tāvatā lakkhaṇadīpanasiddhito, kiṃ dutiyēnāti ce? Na, okāsaniyamapaccayamicchāgāhanivāranappayojanato. “Paṭicchanne āsane alamkammaniye” ti okāsaniyamato hi tabbiparīte okāse idam lakkhaṇam na vikappanti micchāgāho hoti. Tamnivāranato dutiyāniyatampi sātthakamevāti adhippāyo. Kasmā? Okāsābhedo, rahobhedadīpanato, rahonisajjāsādhadadīpanato. Okāsaniyamabhāve ca rahonisajjāsikkhāpadānam nānāttajānanañca siyā tathā kāyasamsaggabhedadīpanato. Nālam kammaniyeṇi hi okāse appaṭicchanne, paṭicchannepi vā nisinnāya vātapānakavāṭacchiddādīhi nikkhantakesādiggaṇena kāyasamsaggo labbhāṭīti evamādayopi nayā vitthāro veditabbā.

Tatridam mukhamattanidassanam – **okāsabhedatoti** alamkammaniyanālamkammaniyaabhedato. Paticchannampi hi ekaccaṃ nālamkammaniyaṃ vātapānādinā antaritattā, ubhayappaticchannampi ekaccaṃ nālamkammaniyaṃ vijānataṃ ajjhokāsattā. **Rahobhedadīpanatoti** ettha rahabhāvasāmaññepi raho dvidhā paṭicchannāpaticchannabhedatoti adhippāyo. **Rahonisajjassādābhedaḍḍipānatoti** methunassādavasena nisajjā, duṭṭhullassādavasena nisajjāti tādisassa bhedassa dīpanatoti attho. “Idha āgatanavattā bhikkhunipātimokkhe idam kaṇḍam pariñānanti veditabba” nti vadanti. “Aṭṭhuppattiyā tathā anuppannattā” ti eke, taṃ anekantabhāvadīpanato ayuttam. Sabbabuddhakāle hi bhikkhūnaṃ pañca, bhikkhūnaṃ cattāro ca uddesā santi. Pātimokkhuddesapaññattiyā asādhāraṇattā tathā niddiṭṭhasaṅghādisesapācittiyānanti eke. Tāsañhi bhikkhūnaṃ ubbhajānumaṇḍalika (pāci. 658) -atthavattuka (pāci. 675) -vasena kāyasamsaggaviseso pārājikavattu, “hatthaggaṇaṃ vā sādiyeyya, kāyaṃ vā tadatthāya upasamhareyyā” ti (pāci. 675) vacanato sādiyanampi, “santiṭṭheyya vā” ti (pāci. 675) vacanato thānampi, “saṅketam vā gaccheyyā” ti (pāci. 675) vacanato gamanampi, “channaṃ vā anupaviseyyā” ti (pāci. 675) vacanato paṭicchannatthānappavesopi hoti, tathā “rattandhakāre appadīpe, paticchanne okāse ajjhokāse ekenekā santiṭṭheyya vā sallapeyya vā” ti (pāci. 839) vacanato duṭṭhullavācāpi pācittiyavattukanti katvā tāsam aññathā aniyatakaṇḍassa avattabbatāpattito na vuttanti tesam adhippāyo. Pakinnakam.

“Desanāvuttāhānāgāminīnaṃ āpattīnaṃ vasena alajjīdayo lajjīnaṃ codessantī” ti āgatattā lajjipaggahattāya patirūpāyapi upāsikāya vacanena akatvā bhikkhusseva paṭiññāya kātabbanti āpattīyo pana lakkhaṇadassanattam paññattaṃ viṭṭhāranayameva gahetvā vuttam yuttam “ime kho paṇāyasmanto dve aniyatā dhammā” ti (pārā. 443) uddesadassanattāi likhitam. **Sotassa rahoti** ettha **rahoti** vacanasāmaññato vuttam. Duṭṭhullasāmaññato duṭṭhullārocanappaṭicchādanasikkhāpadesu pārājikavacanaṃ viya. Tasmā “**cakkhusseva pana raho ‘raho’ ti idha adhippeto**” ti vuttam. Katham paññāyati ce? “Mātugāmo nāma... pe... antamaso tadahujātāpi dārikā” ti (pārā. 445) vuttattā duṭṭhullobhāsanaṃ idha nādhīpetanti dīpītamevāti. **Antodvādasahatthepī pi**-saddena aphiṭṭakavāṭassa gabbhassa dvāre nisinnopīti attho. Acelakavagge rahopācicchannāsanasikkhāpade (pāci. 288) “yo koci viññū puriso dutiyo hotī” ti imassa anurūpato “**itthīnaṃ pana satampi anāpattīṃ na karotiye vā**” ti vuttam. “Alamkammaniye ti sakkā hoti methunaṃ dhammam paṭisevitu” nti (pārā. 445) vibhaṅge vacanato rahonisajjassādo cettha methunadhammasannissitakilesa, na dutiye viya duṭṭhullavācassādakilesa. Tasmā ca paññāyati sotassa raho nādhīpetoti.

Tiṇṇaṃ dhammānaṃ aññatarena vadeyyāti rahonisajjasikkhāpadavasena nisinnassa tassānusāreṇa pācittiyameva avatvā pārājikasāṅghādisesāyapi āpattiyā bhedaḍḍassanattam vuttam. Puna āpattipattijānaṃ avatvā kasmā “nisajjam bhikkhu paṭijānamāno” ti vatthupattijānaṃ vuttanti? Vuccate – āpattiyā codite vinayadharena “kismiṃ vatthusmi” nti pucchite cuditakena “imasmiṃ vatthusmi” nti vutte vinayadharena “idissam nāma akāsī” ti pucchite so vatthum paṭijānamāno vā kāretabboti dassanattam “**nisajjam bhikkhu paṭijānamāno**” ti vuttam. Yadi evaṃ nisajjam paṭijānamānopi āpattiyā vā kāretabboti? Anurūpameva. Evaṃ pana gahetabbam – tiṇṇampi āpattīnaṃ vatthūni aggahetvā idha sikkhāpadavasena nisajjameva vuttam. Tasmim gahitepi hi āpatti gahitāva hotīti. **Yena vā sāti** ettha **vā**-saddo “tena so bhikkhu kāretabbo vā” ti vojetabbo. So ca vikappattho. Tasmā “kāretabbo vā paṭijānamāno, na vā kāretabbo appaṭijānamāno” ti attho. Tena vuttam “**paṭijānamāno vā**” ti vuttam. Rahonisajjasikkhāpadavasena nisajjapaccayā āpattiyā vuttattā sesesupi sesasikkhāpadavasena āpatti gahetabbā. “**Samuṭṭhānādīni paṭhamapārājikasādisānevā**” ti vuttattā idha duṭṭhullobhāsanaṃ anadhīpetabhāvo veditabbo.

Paṭhamāniyatāsikkhāpadavaṇṇanā niṭṭhitā.

2. Dutiyāniyatāsikkhāpadavaṇṇanā

Saṅghādisesena vāti kāyasamsaggaduṭṭhullobhāsana. Tasmā evaṃ kāyasamsaggavāro pāliyaṃ vutto. **Anandho abadhīro**ti anandho kāyasamsaggam passati, abadhīro duṭṭhullam sunāti, tasmā eva adinnādānasādisānevāti vutta” nti likhitam. Ettha ca kāyavācācittato samuṭṭhānaṃ kathanti ce? Kāyasamsaggañhi samāpajjanto duṭṭhullampi bhanati, duṭṭhullam bhananto nisīdati cāti sambhavati, duṭṭhullameva vā sandhāya vuttam. Tañhi adinnādānasamuṭṭhānanti.

Yo desanaṃ sabbavidūpamova;
Nānāyākāravacittabhedam;
Nātuṃ upāyāna mano satimā;
Taṃ lābhahetuṃ na karoti puññanti.

Dutiyāniyatāsikkhāpadavaṇṇanā niṭṭhitā.

Aniyatavaṇṇanā niṭṭhitā.

Nissaggiyakaṇḍam

1. Civaravaggo

1. Kathinasikkhāpadavaṇṇanā

Nissaggiyakāṇḍe tiṇṇaṃ kathinasikkhāpadānaṃ, vassikasāṭhikaaccacivarasānsānsikkhāpadānaṃ ekadesanāya tathākiṇṇāpattikkhandhāva veditabbā –

Kathinaṃ yassa cattāro, saḥajā samayadvayaṃ;
Channaṃ sikkhāpadānaṃ, ekadesavinicchayo.

Tattha **kathinanti** “saṅghassa anumodanāya, gaṇassa anumodanāya, puggalassa atthārā saṅghassa atthataṃ hoti kathina” nti (pari. 414) vacanato tesameva anumodanādīdhammānaṃ saṅgho **kathinaṃ** nāma. Yathāha “kathinaṃ jānitabbanti tesāññeva dhammānaṃ saṅgho samavāyo nāmaṃ nāmakamma” nti (pari. 412). Tasmā **kathinanti** idam bahūsu dhammesu nāmatam, na paramattho eko dhammo. Ko panassa atthārō? Tadekadesova khīrasa dhārā viya. Yathā cāha “atthārō ekena dhammena saṅghahito vacībhedenā” ti. **Sahajā** nāma attha mātikā, dve palibodhā, pañcānisamsāti ime pannarasa dhammā. **Samayadvayaṃ** nāma kathinatthārasamayo, cīvarasamayo cāti. Tattha **kathinatthārasamayo** vassānassa pacchimo māso. **Cīvarasamayo** nāma anattate kathine ayaṃ kattikamāso, atthate cattāro hemantikā cāti pañca māsā.

Tattha **attha mātikā** nāma pakkamanantikādayo. Tā sabbāpi atthāreṇa ekato uppajanti nāma. Tabbhāvabhāvitāya atthāre sati uddhāro sambhavati. Tattha kathinatthāreṇa ekuppādā ekanirodhā antarubbhāro sahubbhāro, avasesā kathinubbhārā ekuppādā, nānānirodhā ca. Tattha **ekanirodhā**ti atthāreṇa saha nirodhā, antarubbhārasahubbhārānaṃ uddhārābhāvo ekakkhaṇe hotīti attho. Sesā nānā nirujjhanti nāma. Tesu hi uddhārābhāvaṃ pattesupi atthāro tiṭṭhati evāti atthakathāyaṃ atthavibhāvanā. Sace atthate kathine bhikkhusmiṃ sāpekkhe tamhā āvāsā pakkamante saṅgho **antarubbhāram** karoti, tassa bhikkhuno paṭhamameva mūlāvāse niṭṭhitacivarapalibodhābhāvepi sati antarubbhāre palibodho chijjati satipi sāpekkhatāya saussāhattā. Iminā pariyaṇena **pakkamanantiko kathinuddhāro** atthāreṇa ekuppādo nānānirodho hoti. Tathā antarubbhāre sati sunantassāpi yāva cīvaranīṭṭhānaṃ na gacchati, tāva pariḥārasambhavato **niṭṭhānantiko**. Yāva sannīṭṭhānaṃ na gacchati, tāva pariḥārasambhavato **sannīṭṭhānantiko**. Yāva na nassati, tāva pariḥārasambhavato **nāsanantiko**. Yāva na sunāti, tāva pariḥārasambhavato **savanantiko**. Yāva cīvarāsā na chijjati, tāva pariḥārasambhavato **āsāvachediko**. Yāva sīmaṃ nāttikkamati, tāva pariḥārasambhavato **sīmāttikkantiko**. Atthāreṇa ekuppādo nānānirodho hotīti veditabbo.

Tattha antarubbhārasahubbhārā dve antosīmāyaṃ eva sambhavanti, na bahisīmāyaṃ. Pakkamanasavanasīmāttikkantikā bahisīmāyameva sambhavanti, na antosīmāyaṃ. Niṭṭhānasāatthānāsāvachedikā antosīmāyaṃ eva bahisīmāyaṃ. Antarubbhāro saṅghāyatto, pakkamananīṭṭhānasannīṭṭhānasīmāttikkantikā puggalādhīnā, sesā tadubhayaviparītā.

Tattha “**niṭṭhitacivarasmi**” nti iminā cīvarapalibodhābhāveva dīpeti. Na āvāsapalibodhābhāvaṃ. “**Ubbhatasmiṃ kathine**” ti iminā ubhayapalibodhābhāvaṃ dīpeti, tasmā ubhayapalibodhābhāvadīpanattam tadeva vattabbanti ce? Na, visesattā. Katham? Kāmañcetam tasmā “**ubhatasmiṃ kathine**” ti kesāñci kathinuddhārānaṃ nānānirodhattā, saṅghapuggalādhīnādhīnattā ca antobahiubhayaśimāsu niyamāniyamato ca ubbhatasmiṃ kathine saṅghassa, na puggalassa ubbhatam hoti, tathāpi “**ubhatasmiṃ kathine**” ti idam sāmaññavacanaṃ. Tasmā “**niṭṭhitacivarasmi**” nti iminā niyameti.

Kim vuttam hoti – saṅghassa antarubbhāreṇa ubbhatasmiṃ kathine acchinna cīvarapalibodho bahisīmāgato pacchā gantvā attano sīmāgato niṭṭhitacīvaro ānisamsam labhati evāti katvā “**niṭṭhitacivarasmi**” nti vuttanti veditabbam. Tattha **āvāsapalibodho** nāma vasati vā tasmim āvāse, sāpekkho vā pakkamati. **Cīvarapalibodho** nāma cīvaraṃ akataṃ vipakataṃ, cīvarāsānupacchinā, tabbiparītena apalibodho veditabbo. Tattha anattakathinānaṃ cīvarakālasamaye niyamato cattāro ānisamsā labbhanti,

asamādānacāro aniyamato. Tena sāsaṅkasikkhāpadam vuttam. Katham cattāro niyātaī ce? “Cīvarakālasamayo nāma anattathe kathine vassānassa pacchimo māso” ti (pārā. 649) vacanato anattathakathinānam tasmim māse yāvadatthacīvaram siddham, tathā tatiyakathinasikkhāpade (pārā. 497 ādayo) akālacīvaram nāma piṭṭhisamayato paṭṭhāya tam paṭṭigahetvā saṅghato labhittabbam ce, yāva cīvarakālasamayam nikkhipitvā bhājetvā gahetabbam. Puggalikam ce, vassānassa chaṭṭhapakkhassa pañcamito paṭṭhāya yāva cīvarakālasamayam anadhiṭṭham avikappitam vaṭṭati accekaśīvarasikkhāpadena anuññātattā, na tato param. Tadā uppannacīvarassa paṭisiddhattā paṭhamakathinena. Tattha aṭṭhakathāyam vuttanayo saṅghikam sandhāya, tathā **porāṇagaṇṭhipade** cāti vedittabbam.

Pathamakathine (pārā. 459 ādayo) paṭhamapaññattiyā, avisesena vā ekādasame divase āpatti. Vassānassa hi antonivāraṇattham aṭṭhakathāya “niṭṭhitacīvarasmim bhikkhunū ubbhatasmim kathine” ti (pārā. 462 ādayo) vuttam. Eseva nayo dutiye, tatiye ca. Tena cīvarakālo pure vā anto vā uppannam cīvarakālo uddham ekadivasampi pariḥāram na labhati. Yadi labheyya, accekaśīvarasikkhāpadavirodho. “Yāva cīvarakālasamayam nikkhipittabbam, tato ce uttari nikkhippeyya, nissaggiya” nti (pārā. 648) hi tattha vuttam. Vassāvāsikabhāvena saṅghato laddham vuttavassattā atano santakabhūtam accekaśīvaram cīvarakālasamayam atikkāmayato eva āpatti, na accekaśīvarakālam atikkāmayato āpattī. “Anattathe kathine ekādasamāse uppanna” nti (pārā. 500) vacanato yo ca tattha cīvaruppādo, so ca nesam bhavissatī siddham, anāmantacāraṇabhōjanasikkhāpade “aññatra samayā” ti (pāci. 222 ādayo) vuttattā sesadvayam siddhameva. Tasmā “kālepi ādissa dinnam, etam akālacīvara” nti (pārā. 500) vacanato ādissa dinnacāraṇam pariḥāram na labhati.

Aparakattikāyameva vā ubbhatasmim kathine labhati, evam “ubbhatasmim kathine” ti vuttattāti ce? Na vattabbam. Cha ṭhānāni hi sāpekhatāya vuttāni. Duṭṭhadosaḍvaye adhikarānacatuttham, paṭhamāniyate sotassa raho, tatiyakathine ādissa dinnam cīvaram, accekaśīvarasikkhāpade “saññānam katvā nikkhipitabba” nti padam, duṭṭhullārocanappacchādanadvaye adhikarānam, pārājīkavacanañca, tisu kathinasikkhāpadesu “aṭṭhannam mātikānam aññatarāyā” ti vacananti. Tattha **ādissa dinnam cīvaram** saṅghikam bhājitabbacīvaram sandhāya vuttam, na puggalikam. **Saññānam katvā nikkhipitabbanti** vassāvāsikācīvaram sandhāya vuttam. Avuttavassena pacchā dātābhāttā saññānam kātabbam, na nāṭṭipavāritato laddham puggalikam sandhāya. Tasmā duvidham accekaśīvaram cīvarakālasamayam atikkāmayato eva āpatti, na accekaśīvarakālam atikkāmayato āpattī. “Anattathe kathine ekādasamāse uppanna” nti (pārā. 500) vacanato yo ca tattha cīvaruppādo, so ca nesam bhavissatī siddham, anāmantacāraṇabhōjanasikkhāpade “aññatra samayā” ti (pāci. 222 ādayo) vuttattā sesadvayam siddhameva. Tasmā “kālepi ādissa dinnam, etam akālacīvara” nti (pārā. 500) vacanato ādissa dinnacāraṇam pariḥāram na labhati.

“Anaccekaśīvare anaccekaśīvarasaññi cīvarakālasamayam atikkāmeti, anāpattī” ti vacanato accekaśīvarakasseva so aparādhō. Yena “virodho” ti vacanam dasseyyāti na vināye visesahetu pariyesitabbo. Buddhavisayattā pamānanti ce? Na, yadi evam ettha atano santakabhūtam accekaśīvaram saññānam katvā nikkhipitabbeva, na adhiṭṭhāyama na vikappitabbam na vissajjetabbam. Tato “anāpatti, antosamāye adhiṭṭheti vikappeti vissajjeti” ti divacanavirodho (pārā. 651) adhiṭṭhetabbo siyā. Tatthā “vassānassa pacchime māse kathinuddhāre kate tasmim māse atthate kathine kathinuddhādivasam atikkāmeti, nissaggiyam hoti” ti vacanato nissaggiyam hotīti ayampi atthavirodho adhiṭṭhetabbo siyā. Tasmīna “anaccekaśīvare anāpattī” ti vuttam, tañca anadhiṭṭham avikappitamevāti ettako visesahetu. Atirekaśīvarācetaṃ paṭhamasikkhāpadena āpatti, itarām ce anāpattiyevāti imassa atthassa ayam bhagavato visesahetu. Tathā atirekadāsāhānāgatāyeva kattikapunnamāya saṅghassa vassāvāsikattham accekaśīvaram viya dadamānam na gahetabbam, dasāhānāgatāya eva gahetabbanti ettako visesahetu. Tato aṭṭhakathānavirodho ca adhiṭṭhetabbo siyā. Tattha “adhiṭṭhitato paṭṭhāya uppannam accekaśīvaram na hoti” ti vatvā aññathā nayo dassito. **Porāṇagaṇṭhipade** so ca nayo saṅghikam upādāya vuttattā na virujjhatī neva so ca patikkhito. Yathā anaccekaśīvaram chaṭṭhito paṭṭhāya uppannam atirekadāsāhānāgatāyapi paṭṭigahetabbam, paṭṭigahetvā cīvarakālasamayam atikkāmayato anāpattīti ayampi nayo adhiṭṭhetabbo siyā. Tato paṭhamakathinavirodho. Dasāhānāgatāya eva paṭṭigahetabbam, paṭṭigahetvā cīvarakālasamayam atikkāmayato anāpattīti ce, tam dve dasāhe labhattīti ettako visesahetu.

Antarā anāpattikkhettaśīvarakālapavāṇṭhāttā adhiṭṭhāyama vā tam punapi dasāhe labhattīti ce? Na, kālapaveso adhiṭṭhānam viya hotīti ce? Na, “vassikasāṭikam vassānam cātumāsam adhiṭṭhātum, tato param vikappetu” nti vacanavirodham katvā, tato param dasāham avikappentassāpi anāpattī siyā. Apica yam vuttam aṭṭhakathāyam “vassikasāṭikā antovasse laddhā ceva niṭṭhāti ca, antodāsāhe adhiṭṭhātabbā, dasāhātikame niṭṭhāti, tadaheva adhiṭṭhātabbā, dasāhe appahonte cīvarakālam nātikāmetabbā” ti (pārā. aṭṭha. 2.630). Tena āpattito na mucceyya. Kālapaveso hi adhiṭṭhānapariyāyo na jāto. Ettāvātā yathāvutto atthavikappo pālinayeneva paṭiṭṭhāpito hoti.

Apicettha yam vuttam aṭṭhakathāyam “dasāhe appahonte cīvarakālam nātikāmetabbā” ti, tatthapi cīvarakāle uppannam, dasāhe appahonte cassa karānam natthi, tam accekaśīvaram akālacīvarameva cīvarakālam nātikāmetabbanti siddhametaṃ. Pāliṭo ca tañce antokāle uppajjati, dasāhe appahontepi uppajjati, evam uppannam accekaśīvaram accekaśīvarameva na hoti. Na hi tam kālavisesavasena accekaśīvarasāṅgham gacchati. Vuttāñhetam “accekaśīvaram nāma senāya vā gantukāmo hoti, pavāsam vā gantukāmo hoti, gilāno vā hoti, gabbhinī vā hoti, assaddhassa vā saddhā uppannā hoti... pe...” vassāvāsikam dassāmi” ti evam ārocitam, etam accekaśīvaram nāmā” ti (pārā. 649). Tasmā yathā tam cīvaram nātikāmetabbam, tathā anaccekaśīvarampīti siddham hoti. Tena vuttam aṭṭhakathāyam “dasāhe appahonte cīvarakālam nātikāmetabbā” ti. Apica yadi evam tam accekaśīvarasikkhāpadameva accekaśīvaram cīvarakālam nātikāmetabbanti imassa pana atthavisesassa dassanattam bhagavatā paññattam.

Mahāaṭṭhakathāyam pana tam evam vuttam – kāmañcedam “dasāharamam atirekaśīvaram dhāretabba” nti iminā siddham, aṭṭhuppattivasena pana apubbam viya attham dassetvā sikkhāpadam ṭhapitanti atthavisesadīpanapayojanato. Tasmā tam tassa atthavisesadassanattam vuttanti siddhameva. Tasmāpi vedittabbeva yam kiñci cīvaram cīvarakālasamayam nātikāmetabbanti. Apica yam vuttam aṭṭhakathāyam “chaṭṭhito paṭṭhāya pana uppannam anaccekaśīvarampīti paccuddhāretvā ṭhapitacīvarampīti etam pariḥāram labhattī” ti (pārā. aṭṭha. 2.646-649). Tena “anaccekaśīvare anaccekaśīvarasaññi cīvarakālasamayam atikkāmeti, anāpattī” ti (pārā. 650) imināpi anaccekaśīvarasāpi accekaśīvarapariḥāralābhām dīpetīti.

Ettāvātā yathāvutto dutiyo atthavikappo pālinayena, aṭṭhakathāyena ca paṭiṭṭhāpito hoti. Evam tāva pakinnakāya adhiṭṭhāyama parato pāthato vitthāritā hotīti apakinnakam.

Cīvarapalibodho, āvāsapalibodho cāti dve palibodhā. Tesu ekapalibodhepi sati anāmantacārādānisamsam labhati, tam idha natthūti dassetum “**niṭṭhitacīvarasmim bhikkhunū ubbhatasmim kathine**” ti vuttam. Tasmā eva “**atthatakathinassa hi bhikkhuno**” tiādi vuttam. **Kathinatthārārahassāti** ettha “aṭṭhāni āṅghi samannāgato puggalo bhābho kathinam attharitam – pubbakarānam jānāti, paccuddhāram jānāti, adhiṭṭhānam jānāti, atthāram jānāti, mātikam jānāti, palibodham jānāti, uddhāram jānāti, ānisamsam jānāti” ti (pari. 409) vacanato imehi aṭṭhāni āṅghi samannāgato puggalo kathinatthārāro nāma. **Pubbakarānam** nāma dhovanavīcāraṇacchedanasibbanarājānakappakarānam.

“**Cīvaram nāma khoma**” ntiādinā pālvāsena jātiñca pamāñañca dassetvā idāni atirekaśīvaram dassetum “**yam pana vuttam adhiṭṭhitavikappitesu**” tiādi vuttam. **Ṭhapitāṭṭhānam salkkhetvā**” ti vuttēpi yasmim ṭhāne yam ṭhapitam, tasmim tam pacchā hotu vā, mā vā, adhiṭṭhānam ruhateva. Pure pacchā ṭhapanatthānam na pamānam.

Antimavattum ajjhāpanassa bhikkhubhāvapariccāgavasena setavattanivāsanaṃ vā kāsāvacaṇam vā **hīnāyāvattanam**.

Ekādasame aruṇuggamaneti antimam ṭhapetvā tato purimatarasminti attho vedittabbo. Tattha **antimam** nāma aparakattikāya paṭhamāruṇuggamanam. Tañhi kālāttā nissaggiyam na karoti. Idha “niṭṭhitacīvarasmim bhikkhunū” ti karānavacaṇam nidānapekkham nidāne karānabhāvato. Tasmā eva “dasāharamam” nti ayamettha anupaññattīti vuttam. “Anujānāmi, bhikkhave, ti cīvaram adhiṭṭhātum na vikappetu” ntiādi (mahāvā. 358) vacanato ca idha “vikappeti” ti avisesassa vuttavacaṇam viruddham viya dissati, na ca viruddham tathāgatā bhāsanti, tasmā evamassa attho vedittabbo – ti cīvaram ti cīvarasāṅkhepena pariḥāro adhiṭṭhātumeva anujānāmi, na vikappetum. Vassikasāṭikam pana cātumāsato param vikappetumeva, na adhiṭṭhātūti. Evañca pana sati yo ti cīvare ekena cīvarena vipavasiṭukāmo hoti, tassa ti cīvarādhiṭṭhānam paccuddharitvā vipavāsasukhattam vikappānāya okāso dinno hoti, dasāhātikame ca anāpattīti. Etena upāyena sabbattha vikappānāya apaṭisiddhabhāvo vedittaboti likhitam.

Imassa pana sikkhāpadassa ayam saṅkhepavinicchayo – anattathe kathine hemantānam paṭhamadivasato paṭṭhāya, atthate kathine giṃhānam paṭhamadivasato paṭṭhāya uppannacīvaram sandhāya “**niṭṭhitacīvarasmim**” ntiādi vuttam. Etthāha – “rajakelhi dhovāpetvā setakam kārāpentassāpi adhiṭṭhānam adhiṭṭhānamevā” ti (pārā. aṭṭha. 2.465) vacanato arajitepi adhiṭṭhānam ruhattīti. Tena sūcikkammam katvā rajitvā kappabindum datvā adhiṭṭhātabbanti niyamo kātabbo, na kātabboti? Kattabboti? Kattabboti. Patto viya adhiṭṭhito yathā pana setabhāvam vā tambabhāvam vā patto adhiṭṭhānam na vijahati, na ca pana tādiso yam adhiṭṭhānam upagacchati, evametam dāṭṭhabbanti. “Sve kathinam uddharissatī” ti laddhacīvaram sace ajeva na adhiṭṭhāti, aruṇuggamane eva nissaggiyam hoti. Kasmā? “Niṭṭhitacīvarasmim” ntiādinā (pārā. 462-463) sikkhāpadassa vuttattā. Kathinabbhantare dasāho uttaripi pariḥāram labhati, kathinato pana pacchā ekadivasampi na labhati. Yathā kiṃ – yathā atthatakathino saṅgho ti cīvaram atthadivasato paṭṭhāya yāva ubbhārā ānisamsam labhati, na tato param, evam atthadivasato paṭṭhāya yāva ubbhārā labhati, uddhate pana kathine ekadivasampi na labhati. Etthāha – ubbhatadivasato paṭṭhāya pana dasāham labhattīti? Na, kasmā? “Anujānāmi, bhikkhave, dasāharamam atirekaśīvaram dhāretu” nti vacanato. Kathinabbhantarepi ekādase aruṇuggamane nissaggiyanti āpannam. Tam pana atippasaṅgam nivāretum “niṭṭhitacīvarasmim” ntiādi vuttam, na kathinadivasāni adivasāni dīpanattham. Ayamatto tattha tattha āvibhāvissati. Atha vā vassikasāṭikā anarittappamānā nāmam gahetvā vuttanayeneva cattāro vassike māse adhiṭṭhātabbā, tato param paccuddharitvā vikappetabbāti

vuttam. Ettha “paccuddharitvā”ti vacane uposathadivase eva paccuddharitvā vikappetvā t̥apitam hoti, tato param hemantassa paṭhamadivaso paṭṭhāya paccuddharāṇabhāvā. Evaṃ kathinabbhantare uppannacivarampi veditabbanti likhitam.

Kathinasikkhāpadavaṇṇanā niṭṭhitā.

2. Udositasikkhāpadavaṇṇanā

“Atthakathinassa pañca māse baddhasīmāyā yattha katthaci cīvarāṃ nikkhipitvā pakkamantassa anāpatti”ti aṭṭhakathāyāṃ vuttam. “Abaddhasīmāyāpi vaṭṭati”ti idaṃ abaddhasīmāyāṃ kathinathārañca āraññakasikkhāpadañca sādheṭṭi likhitam. Idāni –

“Chinnam dhutaṅgam sāsānka-sammato santaruttaram;
Acīvarassānāpatti, paccuddhārādisiddhito”ti. (vajira. ṭ. pārājika 479) –

Idam pakinnakam veditabbam.

Tatrāyāṃ codanāpubbaṅgamavinicchayo – keci “diguṇaṃ saṅghāti”nti (mahāva. 348) vacanato “ekaccikā saṅghāti nādhīṭṭhātabbā. Sace adhiṭṭhāti, na ruhati”ti vatvā upasampadāpekkhānampi diguṇāyeva saṅghātim datvā upasampādentī, te iminā suttalesena saññāpetabbā. Bhagavatā hi “chinnakam saṅghātim, chinnakam uttarāsaṅgam, chinnakam antaravāsaka”nti paṭhamam anuññātam. Tato “aññatarassa bhikkhuno ticīvare kariyamāne sabbam chinnakam nappahoti. Dve chinnakāni ekam achinnakam nappahoti, dve achinnakāni ekam chinnakam nappahoti”ti imasmim vatthusmim “anujānāmi, bhikkhave, anvādhikampi āropetu”nti (mahāva. 360) anuññātam, tasmā ekaccikāpi saṅghāti vaṭṭati siddham. Yā chijjānāpi nappahoti, tassā kuto diguṇatāti? Aṭṭhakathāyāmpissa vuttam “anvādhikampi āropetunti āgantukapattampi dātum, idaṃ pana appahonake āropetabbam. Sace pahoti, āgantukapattam na vaṭṭati, chinditabbamevā”ti (mahāva. aṭṭha. 360). Kathinam pana **chinnakameva** vaṭṭati, āvenikalakkhaṇatā, “chinnakam diguṇam nappahoti”ti vacanābhāvato cāti saññīṭṭhāmettha gantabbanti.

Dhutaṅgānti anupasaṃpannānaṃ tecīvarikadhutaṅgābhāvato dhutaṅgareneva tecīvarikoti, tesam adhiṭṭhānābhāvato “**adhiṭṭhitenevā**”ti vattabbam hotūti ce? Na, dhutaṅgabhedena virodhappasaṅgato. Catutthacīvarasādiyanena hi dhutaṅgabhedo, na ticīvaravippavāsena, nāpi atirekacīvarasādiyanena, nāpi atirekacīvaradhāraṇena. Yasmā pana bhikkhūnaṃ eva bhagavatā adhiṭṭhānavasena nava cīvarāni anuññānti, jātivāsena ca vuttāni, na evam anupasaṃpannānaṃ, tasmā nesam cīvarānyamābhāvā na tam dhutaṅgam anuññātam gahaṭṭhānaṃ vīya. Tasmā tassa samādānavidhāne avacanato ca saññīṭṭhāmettha gantabbanti.

Sāsānkasammattoti kankhāvitaraṇiyam (kankhā. aṭṭha. sāsānkasikkhāpadavaṇṇanā) sāsānkasikkhāpade visum āṅgāni na vuttāni, “sesametha cīvaravagassa dutiyasikkhāpade vuttanāyeva veditabbā”nti vuttam, na ca panetaṃ vuttam. Tattha rattivippavāso catutthamaṅgam, idha chārattavippavāso, ayametha visesotī. Tasmā āṅgasaṃmaññato ca sammutisāmaññato ca sāsānkasikkhāpadamevanti idaṃ nippadesam, tam sappadesam māsaparamattā. Tattha bahigāmepe gāmasīmam okkamitvā vasitvā pakkamantassa anāpatti, idha na tathā. Idha anantare anantare aruṅgamaṇe nissaggiyam, tattha sattameti ayaṃ imesaṃ dvinnam viseso. āṅgāni pana cīvaranikkhepanāṅgasampattito vipariyāyena, idha vuttanāyena ca siddhatā na vuttāni. Tāni kāmāṃ na vuttāni, tathāpi catutthamaṅgam visesitabbam, na pana visesitam. Kim kāraṇam? Idha vuttanissajjanakkameṇa nissajjitvā āpattidesanato, tatthāpannāpattivimokkhadīpanattham. Saṃvaccharavippavutthampi rattivippavutthameva, pageva chārattavippavuttham. Evaṃ santepi tattha yathāvuttāṅgasampattiyā sati tattha vuttanāyeva nissajjitabbam. Hemante, gimhe vā nissajjati ce? Idha vuttanāyenaṇi nissajjitum vaṭṭati nāpanattham catutthamaṅgam na visesitanti no takkoti ācariyo. Māsātikantam, dasāhātikantampi cīvaram “dasāhātikanta”nti vatvā nissatthameva, na inamāsāṃ hutvā “dasāhātikanta”nti vatvā, māsātikanta”nti vatvāti eke. Tathāpi sace paccāsācīvaram hoti, nissaggiyam. “Dasāhātikanta”nti vatvā mūlacīvaram pana “māsātikanta”nti vatvā nissajjitabbam.

“**Santaruttara**”nti vā “saṅghāti”nti vā “cīvara”nti vā kim ticīvaram, udāhu aññāpīti? Kiñcettha – yadi ticīvareneva patisiddham, pariyaṇnavasena acchinnacīvaraachandanadhovāpanavānīṭṭhādivirodho. Atha aññāpīti “niṭṭhitacīvarasmi”nti evamādinā virodhoti? Vuccate – na niyamato veditabbam yathāsambhavam gahetabbato. Tathā hi “cīvaram nikkhipitvā santaruttarena janapadacīvaram pakkamanti”ti (pārā. 471) evamādisu ticīvareneva, “na, bhikkhave, santaruttarena gāmo pavasitabbo (mahāva. 362), santaruttaraparamam tato cīvaram sādītābba”nti (pārā. 523-524) evamādisu yaṃ kiñci, tathā “saguṇam katvā saṅghātiyo dātābba, nivāsanaṃ dātābbaṃ, saṅghāti dātābba, handa te, āvuso, saṅghāti, dehi me paṭa”nti evamādisu. Vuttañhetam “sabbāñhi cīvaram saṅghatīṭṭhena ‘saṅghāti’ti vuccati”ti (pāci. aṭṭha. 898). Tathā “niṭṭhitacīvarasmi”nti etthāpīti eke. Antosamaye yāvadattham cīvaram anuññātam, tam sabbam kariyamānaṃ kadā niṭṭhānaṃ gacchissati, tasmā ticīvarenevāti eke.

Acīvarassānāpatti paccuddhārādisiddhitoti kim vuttam hoti – udositasikkhāpadassa nippayojanabhāvappasaṅgato ticīvaravippavāse tecīvarassa āpattīti eke. Tatthetam vuccati na hoti āpatti paccuddhārādisiddhito. “Anāpatti antoaruṇe paccuddharāti vissajjati”ti (pārā. 496) hi vuttam. Aññathā paccuddharantassa, antoaruṇe vissajjantassa ca yāva añño nādhīṭṭhāti, tāva āpattim āpajjati yathāvuttanāyeneva. Aññathā sattabbhantare vippavāsasāti vippavāsato yathārutamyeva sati vippavāse vippavāsato, avippavāse sati avippavāsato.

Udositasikkhāpadavaṇṇanā niṭṭhitā.

3. Akālacīvarasikkhāpadavaṇṇanā

Aparikkhittassa parikkhepāraṭṭhānaṃ dubbijānattā tam dassetuṃ “**apīca bhikkhūna**”ntiādi vuttam. Vihārapariyante niṭṭhādhuvasannipātāṭṭhānato vā pariyaṇte t̥itabhojanasālo vā nibaddhavasanaakāvāsato vāti evam gahetabbam. Sace vihāre sannipatitabhikkhūhi saddhim ekābaddhā hutvā yojanasatampi pūretvā nisīdanti, yojanasatampi upacārasīmā hoti attho. “Samānasamvāsakasīmāyā”ti vutte khaṇḍasīmādisu t̥itānaṃ na pāpuṇāti, tāsam visum samānasamvāsakasīmattāti ca samānasamvāsakaavippavāsasīmānaṃ idaṃ nānattam. “Avippavāsasīmāyā dammī”ti dinnaṃ pana gāme t̥itānaṃ na pāpuṇāti. Kasmā? “Thapetvā gāmañca gāmūpacārañcā”ti (mahāva. 144) vacanato. “Samānasamvāsakasīmāyā”ti dinnaṃ pana yasmim thāne avippavāsasīmā atthi, tattha t̥itānampi. “**Tatra t̥itānañca pāpuṇāti**”ti ca, “khaṇḍasīmāyāṃ thatvā ‘sīmatthakasaṅgho ganhātū’ti vutte upacārasīmāyā eva paricchinditvā dātābba”nti ca, “tesam bahisīmatthānampi pāpuṇāti yāva kathinassubbhārāti attho”ti ca, “anattathā pana kathine antohemante sace vihāram pavasitvā ‘vassamvutthasaṅghassa dammī’ti vadati, ye tattha vassacchedam akatvā pacchimavassamvutthā, tesam bahisīmatthānampi pāpuṇāti”ti vinayadharā paricchindanti, aṭṭhakathāyāṃ pana anāgatam. Tasmā **samantapāsādikāyāṃ** “lakkhanaññū vadanti”ti (mahāva. aṭṭha. 379) vuttanti ca, “cīvaramāsato paṭṭhāya yāva hemantassa pacchimo divaso, tāva vassāvāsikam demā”ti vutte kathinam atthataṃ vā hotu, anattatham vāti yaṃ samantapāsādikāvacanam (mahāva. aṭṭha. 379), etthāpi yadi atthataṃ, purimavassamvutthā pañca māse. Yadi anattatham, pacchimavassamvutthā cattāro māse labhanti vinicchayo”ti ca likhitam.

“**Yehi mayham yāgu pītāti** yehi nimantitehi mayham yāgu pītāti adhippāyo. Tasmā yehi nimantitehi yāgu pītā, tesameva pāpuṇātīti vuttam. Aññathā ‘yehi mayham yāgu pītā’ti vutte nimantitā vā hontu, animantitā vā, yehi pītā, tesam pāpuṇitābānī”ti vadanti. Ettha “niṭṭhitacīvarasim bhikkhūna ubbhatasmim kathine”ti vadanto nāpeti etthantare tinnaṃpi akālacīvarānaṃ upattābhāvanti. Kasmā pana padabhājane vitthāritānti? Vuccate – idaṃ pana sikkhāpadam adhiṭṭhānaṃ sandhāya na vuttam kintu paṭhamasikkhāpade dasāhaparamam anujānitvā tasmim appahonte sace paccāsā atthi, tameva vaḍḍhetvā māsamanujānanto imampi atthavisesam dīpeti. Akālacīvaram nāma sammukhībhūtena bhājetabbam. Tam pana “ākānkhamānena bhikkhūna paṭigghetabbā”nti iminā sikkhāpadena vaḍḍhetvā vuttanti. Tasmā t̥iṇiṇi padabhājane vitthāritānti.

“**Khippameva kāretabbanti sīgham antodasāheveva kāretabbā**”nti idaṃ pana pahonakabhāve purimasikkhāpadalakkhaṇenāti dīpetum vuttam. Tasmā evam “sīgha”nti vā “lahu”nti vā ādinā avatvāpi “dasāhā”ti vuttanti. Atthakathinassa evam hotu, anattathā pana kathine kathanti vutte anattathassa paṭikkhepatam dassetīti vutto apassanto vighātam āpajjati (vajira. ṭ. pārājika 499-500) likhitam.

Akālacīvarasikkhāpadavaṇṇanā niṭṭhitā.

4. Purānacīvarasikkhāpadavaṇṇanā

“**Sākiyāniyo vīya suddhabhikkhusaṅghe vā**”ti idaṃ “bhikkhunī nāma ubbhatosaṅghe upasampannā”ti (pārā. 505) iminā virujjhatīti ce? Na, adhippāyājānanato. Bhikkhūnaṃ santike upasampadāya paṭikkhittatā tadanupasaṅgabhayā evam vuttanti veditabbam.

Ekena vatthunūti yena kenaci pathamena. **Avuttā vā dhovāṭi** avuttā dhovati, rajati ākoṭeṭi attho. “‘Avuttā’ ti vacanato avāḍepetvā dhovanāḍisu anāpatti’ ti likhitam. Idha cīvaram nāma nivāsanaṭṭhāpanūpagameva. Yadi evam “nivāsanaṭṭhāpanūpagameva vattabba’ nti ce? Tam na vattabham “purānacīvara’ nti imināva siddhattā. Vuttañhetam “purānacīvaram nāma sakim nivatthampi sakim pārutampī’ ti (pārā. 505).

Purānacīvarasikkhāpadavaṇṇanā niṭṭhitā.

5. Cīvarappaṭṭiggaṇasikkhāpadavaṇṇanā

Upacāro dvādasahatto. Acittakattā katham paṃsukūlam vaṭṭatīti ce? Tāya tassa bhikkhuno adinnattā, bhikkhunā ca tato bhikkhunito aggahitattā ca.

Cīvarappaṭṭiggaṇasikkhāpadavaṇṇanā niṭṭhitā.

6. Aññātakaviññāṭṭisikkhāpadavaṇṇanā

Ñātakappavārite vā viññāpentassāti ettha ca saṅghavasena pavāritesu pamāṇameva vaṭṭati. Puggalikappavāraṇāya yaṃ yaṃ pavāreti, taṃ tamyeva viññāpetabbanti likhitam.

Aññātakaviññāṭṭisikkhāpadavaṇṇanā niṭṭhitā.

7. Tatuttarisikkhāpadavaṇṇanā

Pakatiyā santaruttarena carati kathinapalibodhavasena vā sāsaṅkasikkhāpadavasena vā. Ettha siyā – “na mattam jānitvā bahum cīvaram viññāpessanti, dussavānījjaṃ vā’ tiādīnā (pārā. 522) ujjhāyantānaṃ sutvā bhagavāpi chabbaggiye bhikkhū “kathañhi nāma tumhe moghapurisā na mattam jānitvā bahum cīvaram viññāpessathā’ ti (pārā. 522) vatvā sikkhāpadassa paññattattā ca imissam kaṅkhāvitāranīyam “bahucīvaraviññāpanavattusumim paññatta’ nti vuttattā, **samantapāsādikāyaṃ** “na hi anacchinnacīvarā attano atthāya sākāpālasam bhañjītuṃ labhanti, acchinnacīvarānaṃ pana atthāya labhanti’ ti vuttattā ca aññassathāya pamāṇam viññāpetum vaṭṭatīti ce? Na, kasmā? Aññātakaviññāṭṭisikkhāpadassa atṭhuppattiyā eva aññātakaviññāṭṭi vāritā. Tassa sikkhāpadassa anāpatti. Pāliyam (pārā. 521) “aññassathāya’ ti imissā anāpattipāliyā aññassathāya viññāpentō tassa ñātakappavārite eva viññāpeti, na aññeti vacanato ca vāritā. Tasmā bhagavāpi “bahum cīvaram viññāpessathā’ ti (pārā. 522) vigarahitvā sikkhāpadam paññāpentō “abhihaṭṭhūṃ pavāreyyā’ ti vuttanayeneva pamāṇato gahaṇam anujāni, na aññassathāya pamāṇato viññāpanam. Yasmā panīyam sikkhāpadam aññassathāya viññāpanavattusumīyeva paññattam, tasmā idha “aññassathāya’ ti na vuttam, na na labbhatīti katvā.

Atṭhakathāsu “aññātakappavāritatṭhāne pakatiyā bahumpi vaṭṭati, acchinnakāraṇā pamāṇameva vaṭṭatīti vuttam. Tam “anāpatti ñātakānaṃ pavāritāna’ nti (pārā. 526) vuttaanāpattipāliyā na sametīti samantapāsādikāyaṃ (pārā. atṭha. 2.526) vuttattā idhāpi vuttanayeneva ñātakappavārite viññāpentassa attano dhanena gaṇhantassa anāpattīti likhitam. “Aññassathāya’ ti nidānavirodhato na vuttam, tathāpi anantare vuttanayeneva labbhati evāti vadanti.

Tatuttarisikkhāpadavaṇṇanā niṭṭhitā.

8. Upakkhaṭṭasikkhāpadavaṇṇanā

Paṭhamaupakkhaṭṭe “**pubbe appavārito**’ ti (pārā. 528) vacanato tasmim khāṇe pavāritopi appavāritova hotīti veditabbam.

Upakkhaṭṭasikkhāpadavaṇṇanā niṭṭhitā.

9. Dutīyaupakkhaṭṭasikkhāpadavaṇṇanā

Dutīyaupakkhaṭṭena kiṃ payojananti ce? Natthi payojanam, kevalam atṭhuppattivasena pana paññattam bhikkhuniyā rāhonisajjasikkhāpadam viya. Evam sante saṅgītikāraheki saṅgītuṃ anāropetabbam bhavēya vināpi tena tadatthasiddhito, anissarattā, anāropetum anuññāṭṭattā ca. Vuttañhetam “ākaṅkhamāno, ānanda, saṅgho... pe... samūhanēyyā’ ti (dī. ni. 2.216; cūlava. 441). Idam sabbamakāraṇam. Na hi buddhā appayojanam vacanam nicchārenti, pageva sikkhāpadam. Tenevāha atṭhakathāyaṃ “imināva nayena attho veditabbo. Idāñhi purimassa anupaññāṭṭisadisa’ ntiādī. Anupaññāṭṭi ca nippayojanam natthi. Tāmsadisāñcetam, na nippayojananti dassitam hoti. Evam sante ko panettha atthavisesoti? Tato āha “**kevalam tattha ekassa piḷā katā, idha dvinnam, ayamettha viseso**’ ti. Iminā atthavisesena ko panañño atirekattho dassitoti? **Porāṇagaṇṭhipade** tāva vuttam “ekasmimpi vatthusumim ubhinnampi piḷā kātum na vaṭṭatīti ayamatirekattho dassito’ ti. Tenetam dīpeti “na kevalam paṭiladdhacīvaragaṇānāya eva āpattigaṇānā, piḷitapuggalasāṅkhātāvattuhāṇānāyapi’ ti.

Hontī cettha –

“Vattho gaṇānāyapi, siyā āpatti nekatā;
Iti sandassanattathāca, dutīyupakkhaṭṭam idha.

“Kāyasamaggasikkhāya, vibhaṅge viya kintetam;
Ekitthiyāpi nekatā, āpattīnam payogato’ ti. (vajira. fī. pārājika 532);

Apicetam sikkhāpadam tamjātikesu sikkhāpadesu sabbesupi gahetabbavinichayassa dassanappayojananti veditabbam. Āha ca –

“Aññātikāya bahutāya vimissatāya;
Āpattiyāpi bahutā ca vimissatā ca;
Iccevamādividhisambhavaddassanattam;
Sattā upakkhaṭṭamidam dutīyam avocā’ ti. (vajira. fī. pārājika 532);

Tassāyam saṅkhepato adhippāyapubbaṅgamā vicāraṇā – purānacīvaram ekameva bhikkhu bhikkhunīhi dvīhi, bahūhi vā dhovāpeti, bhikkhunigaṇānāya pācittiyagaṇānā. Tathā dvinnam, bahūnaṃ vā sādāraṇam ekameva cīvaram aññātra pārivattakā paṭṭiggaṇhāti, idhāpi tathā dvinnam, bahūnaṃ vā sādāraṇamekaṃ viññāpeti, viññāṭṭapuggalagaṇānāya āpattigaṇānā. Tathā aññesupi evarūpesu sikkhāpadesu nayo netabbo. Ayam tāva **bahutāya** nayo.

Vimissatāya pana ñātikāya, aññātikāya ca ekam dhovāpeti, ekato niṭṭhāpane ekam pācittiyam. Atha ñātikā paṭhamaṃ thokaṃ dhovitvā ṭhitā, puna aññātikā sudhotam karoti, nissaggiyam pācittiyam. Atha aññātikā paṭhamaṃ dhovati, pacchā ñātikā sudhotam karoti, aññātikāya payogavasena bhikkhuno dukkatameva. Aññātikāya, ñātikāya ca aññātikasaññā, vematiko, ñātikasaññā vā dhovāpeti, yathāvuttanayena nissaggiyadukkaṭṭādiāpattibhedagaṇānā veditabbā. Tathā aññātikāya, ñātikāya ca santakaṃ cīvaram ubho hi ekato diyyamānaṃ paṭṭiggaṇhāti, nissaggiyameva. Atha aññātikāya eva hatthato paṭṭiggaṇhāti, nissaggiyameva. Atha ñātikāya hatthato paṭṭiggaṇhāti, anāpatti. Atha ubhosu aññātikādisaññā, vuttanayeneva nissaggiyadukkaṭṭādiāpattibhedagaṇānā veditabbā. Tathā aññātikaviññāṭṭīdisupi yathāsambhavam nayo netabbo. Ayam vimissatāya nayo.

Ādisaddena pana aneke aññātikā viññāṭṭā, viññāṭṭapuggalagaṇānāya dukkaṭṭam. Eko deti, eko na deti, nissaggiyam. Atha aviññāṭṭo deti, na nissaggiyam. Atha viññāṭṭaviññāṭṭānaṃ sādāraṇam viññāṭṭo deti, nissaggiyam. Ubho deti, nissaggiyameva. Aviññāṭṭo deti, nissaggiyena anāpatti. Viññāṭṭassa vacanena aviññāṭṭo deti, anāpatti eva. Tathā upakkhaṭṭādisupi yathāsambhavam nayo netabbo.

Ettavatā saṅkhepato aññātikāyādigāthā vuttādhippāyā hoti. Yam panettha bhikkhuniyā rāhonisajjasikkhāpadam nippayojanatāya nidassanam vuttam, tassa payojanaviseso tasmimyeva āvibhavissatīti. Evameva aññāṭṭhapi vacanena, visesaatṭhuppattivasena ca sikkhāpadesu ñātabbam visesappayojananti.

Dutiyaupakkhaṭasikkhāpadavaṇṇanā niṭṭhitā.

10. Rājasikkhāpadavaṇṇanā

“**Thānaṃ bhañjati, āgatakāraṇaṃ vināseti**”ti vuttatā puna codanaṃ na labhatī eke. Āgamanassa sātthakaṃ na hoti, cīvaraṃ na labhissati paṭisanthārassa katattāti eke. Codanālakkaṇaṃ na hoṭīti katvā vuttanti eke. “Dhammadesanādhippāyādīnā na paṭisanthāro kātabbo”ti **upatissatthero** “āgatakāraṇaṃ vināseti”ti codanāthānāni bhañjati, codetukāmo akattabbamakāsi, tappaccayā vattabhede dukkaṭa”nti ca vadati. **Dhammasirīththero** pana “āsane ce nisīdati, ekāya nisajjāya dve thānāni bhañjati. Āmisam ce paṭigganāhi, ekena paṭiggahanena dve thānāni bhañjati. Dhammaṃ ce bhāsati, dhammadesanāsikkhāpade vuttaparicchedāya ekāya vācāya dve thānāni bhañjati. Taṃ sandhāya ‘āgatakāraṇaṃ vināseti’ti vutta”nti vadati. “Eso kho”ti vuttena saññatto eko, “ayam veyyāvaccakaroti... pe... avuttepi codetum vaṭṭati”ti vutto dutiyo, sace pana dūto gacchantova “aham tassa hatthe dassāmi”tiādīnā vutto tatiyo, “aññaṃ vā pesetvā ārocāpeti”ti vutto catutthoti yathā bhikkhunā niddiṭṭhā cattāro, tatheva dūtena niddiṭṭhā cattāro. **Mukhavevaṭṭakappiyakārako, parammukhakappiyakārako ceti** etesu aññātakappaṇāritesu viya paṭipajjitabanti likhitam.

Rājasikkhāpadavaṇṇanā niṭṭhitā.

Cīvaravaggo paṭhamo.

2. Eḷakalomavaggo

1. Kosiyasikkhāpadavaṇṇanā

Kārepeyyāti attano ca parassa ca ubhinnaṃ kosiyaṃ ekato gaṇhitvā vuttam, ubho vā ekato karonṭīti atthato vedittabbaṃ. Tattha attanā kataṃ ce, “nissajjanakāle sayam kataṃ nissaggiya”nti vattabbaṃ. Ubhoṃ ce kataṃ, yathāpālimeva.

Kosiyasikkhāpadavaṇṇanā niṭṭhitā.

2. Suddhakālakasikkhāpadavaṇṇanā

Yathā paṭhame “ekenapi kosiyamsunā”ti (kankhā. atṭha. kosiyasikkhāpadavaṇṇanā) vuttam, tathā idha “ekenapi añña amissitāna”nti vacanābhāvato añña missabhāve satipi apaññāyamānarūpakam ce, “suddhakāḷaka”micceva vuccatīti vadanti.

Suddhakālakasikkhāpadavaṇṇanā niṭṭhitā.

3. Dvebhāgasikkhāpadavaṇṇanā

“Tulayitvā”ti vacanato yathā tulādhāraṇāya kālakādhikā na honti, tathā kālakānaṃ dve bhāgā gahetabbā ukkaṭṭhaparicchedena. “**Ekassāpi kālakalomassa atirekabhāve nissaggiyanti** vacanaṃ tulādhāraṇāya kiñcāpi na sameti, acittakattā pana sikkhāpadassa pubbe tulāya dhārayitvā ṭhapitesu ekampi lomam tattha pateyya, nissaggiyanti ayamadhippāyoti no takko”ti ācariyo. Vuttaparicchedena aggahaṇaṃ **akiriya**, santhatakaranaṃ **kiriya**.

Dvebhāgasikkhāpadavaṇṇanā niṭṭhitā.

4. Chabbassasikkhāpadavaṇṇanā

“**Orena ce channaṃ vassāna**”nti vuttatā chabbasse paṭipunne kātum vaṭṭatīti niṭṭhānādivasato paṭṭhāya channaṃ vassānaṃ paricchedo vedittabbo. Yāni panettha atirekachabbassavasena vā sammutivasena vā katāni, sabbāni tāni ekato paṭibhuñjitum vaṭṭantīti. Gilānassa ca ekam nappahotīti anekampi vaṭṭati. Yato paṭṭhāya rogassa mandatāya santhataṃ ādāya gantum sakkoti, tato paṭṭhāya sammuti vā rogo vā na rakkhatīti eke. Apica chavassabuddhanimlalaṃ sikkhāpadam vicāretum gambhīratā. Tasmā chavasse kammaṃ katanti.

Chabbassasikkhāpadavaṇṇanā niṭṭhitā.

5. Nisīdanasikkhāpadavaṇṇanā

Kasmā panettha “santhataṃ pana bhikkhunā”ti sikkhāpadam apaññāpetvā “nisīdanasanthata”nti paññattam, nanu ettha kāranena bhavitabbanti? Atthi kāraṇam, cīvarasaññitāya santhataṃ ujjhitattā tesam acīvarabhāvadassanatham tathā paññattam bhagavatāti vuttam hoti. Tasmā te bhikkhū te cīvarikadutaṅgabhedabhāyā santhate catutthacīvarasaññitāya santhataṃ ujjhitvā terasa dhutaṅgāni samādayimsu, bhagavā ca tesam santhataṃ anujāni. Tato tesam bhikkhūnaṃ evam hoti “nisīdanacīvarasanthānapetam nisīdanasanthataṃ no bhagavatā anuññattam catutthacīvarabhāvena, pageva katasanthataṃ vā”ti. Tato “santhate tesam cīvarasaññitā na bhavissatī”ti tadattham bhagavatā “santhata”nti apaññāpetvā “nisīdanasanthata”nti paññattanti adhippāyo. Imesu pana pañcasu santhatesu purimāni tīṇi vinayakammaṃ katvā paṭilabhitvāpi paṭibhuñjitum na vaṭṭanti akappiyattā, pacchimāni dve vaṭṭantīti (vajira. tī. pārājika 566-567) likhitam. Kathaṃ paññāyatīti ce? “Anāpatti aññaena kataṃ paṭilabhitvā paṭibhuñjati”ti (pārā. 570) vacanato vedittabbaṃ.

Nisīdanasikkhāpadavaṇṇanā niṭṭhitā.

6. Eḷakalomasikkhāpadavaṇṇanā

“**Addhānamaggappaṭipannassā**”ti iminā pakatiyā dīghamaggam paṭipannassa uppannānīpi tiyojanaparamameva haritabbāni, pageva appaṭipannassāti dasseti. Paṭipannassa ce, addhānaṃ nāma paṭipannassa akāmā vassamvutṭhabhikkhuniyā maggappaṭipatti viyāti dasseti. Addhānamaggappaṭipannassa nissaggiyanti vā sambandho. Teneva vāsādhippāyassa paṭippassaddhagamanussāhatā “appaṭipanno”ti sankhaṃ gatassa anāpattīti siddham. Imasmiṃ pana atthavikappe “bhikkhuno paneva eḷakalomāni uppajjeyyū... pe... asantepi hārake addhānamaggappaṭipannassa nissaggiyam pācittiya”nti vōjanā vedittabbā. Yasmā vā eḷakalomānam uppattitṭhānato paṭṭhāya tiyojanaparamatā adhippetā, maggam appaṭipannassa ca tiyojanaparamatā natthi, tasmā “**addhānamaggappaṭipannassa uppajjeyyū**”nti vuttam. Tena acchinnaṃ paṭilabhitvā harato ca anāpattīti siddham. Paṭilābho hi tesam uppatti nāmāti.

“**Ākaṅkhamānena bhikkhunā paṭiggahetabbā**”ti iminā attanā paṭiggahitāmyeva tiyojanātikame āpattīti dasseti. Tena anākaṅkhamānena parasantakāni paṭiggahitāni harantassa anāpattīti siddham.

Āgesu “attano santakatā”ti natthi, ayamatto “bhikkhuno uppajjeyyū”nti iminā, “acchinnaṃ paṭilabhitvā”ti iminā ca dīpito hoṭīti vedittabbo. **Porānagaṇṭhipade** ca “aññaṃ bhikkhūṃ harāpento gacchati ce, dvinnampi anāpattī”ti vuttam. Tasmā dve bhikkhū tiyojanaparamam patvā aññaṃaññaṃ bhaṇḍam parivattetvā ce haranti, anāpattīti siddham.

Tiyojanaparamam sahatthā haritabbāni tiyojanaparamameva attanā haritabbāni, taṃ kimatthanti? Sīmāya etaparamato. Vuttañhetam “anujānāmi, bhikkhave, tiyojanaparamam sīmam sammannitu”nti (mahāva. 140). Vāsādhippāyena, paccāgamanādhippāyena vā gacchato etaparamatā ca. Vuttañhetam “chabbaggiyā bhikkhū atimahiyo sīmāyo sammannanti... pe... bhikkhū uposathaṃ āgacchantā uddissamānepi pātimokkhe āgacchanti, uddiṭṭhamattepi āgacchanti, antarāpi parivasanti”ti (mahāva. 140).

Asante hāraketi ānattiyā hārake asati. Kambalassa upari nisīditvā gacchantassa sace ekampi lomam cīvare laggam hoti, tiyojanātikame āpatti eva kambalato vijaṭṭattāti likhitam. Taṃ kambalassa paṭiggahitattā attano atthāya paṭiggahitameva hoṭīti vuttam.

Elakalomasikkhāpadavaṇṇanā niṭṭhitā.

8. Jātarūpasikkhāpadavaṇṇanā

“Nibbatarukkhacchāyāpi rukkhaparicchedaṃ anatikkaṅkā”ti likhitaṃ.

Jātarūpasikkhāpadavaṇṇanā niṭṭhitā.

9. Rūpiyaṣaṃvohārasikkhāpadavaṇṇanā

Jātarūparajataparivattananti ukkaṭṭhaparicchedena vuttam.

Rūpiyaṣaṃvohārasikkhāpadavaṇṇanā niṭṭhitā.

10. Kayavikkayasikkhāpadavaṇṇanā

Asante pācittiyam desetabbavevāti ettha kiṃ suddhikaṃ pācittiyam, udāhu nissaggiyanti? Nissaggiyam pācittiyameva.

Kayavikkayasikkhāpadavaṇṇanā niṭṭhitā.

Tatridaṃ pakiṇṇakaṃ

Aṭṭhamasikkhāpadaṃ parena attano atthāya diyyamānassa vā pārivattakabhāvena diyyamānassa vā paṃsukūlassa vā rūpiyassa ugghanhanaugghanhāpanasādiyanāni paṭikkhipati.

Navamaṃ parassa vā attano vā rūpiyaparivattanaṃ paṭikkhipati.

Dasamaṃ arūpiyaparivattanaṃ. “Arūpiye arūpiyasāññī pañcannaṃ saha anāpatti”ti (pārā. 591; vi. vi. 1.591; vajira. 1. pārājika 587) ca vacanaṃ itarehi saha āpattī dīpeti. Arūpiyaṅca dukkaṭavattu. Tasmā tassa parivattane sati nissaggiyanti ekantena vuttam. Pañcannaṃ saha dukkaṭavattūnaṃ parivattane anāpattippasaṅgato anāpatti evāti porānāti ce? Na, kappiyavattūnaṃyeva tattha āgatattā. Yadi kappiyavattu nissaggiyam, pageva dukkaṭavattūti ce? Na, āpattigarukalahukabhāvena vattuharukalahukaniyamābhāvato.

Nissaggiyavattūto hi muttāmaṇiveḷuriyādi mahagghappahonakampi dukkaṭavattūti katvā nissaggiyavattūto muttādi lahukam hoti. Lahukepi vatthusmiṃ yatheva dukkaṭavattūto paṭiggaṇe dukkaṭam, tatheva tassa vā tena vā cetāpanepi dukkaṭam yuttanti (pārā. aṭṭha. 2.589) aṭṭhakathācariyā.

Atha vā yaṃ vuttam “kappiyavattūnaṃyeva tattha āgatattā”ti, tattha kiñcāpi dukkaṭavattūni adhippetāni, na pana pāliyaṃ vuttāni anāpattivārappasāṅgabhāyāti vuttam hoti. Muttādīsūpi vuttessa anāpattiyam kappiyakāraṅka ācikkhati, “idaṃ muttādi amhākaṃ atthi, amhākaṅca iminā ca iminā ca veḷuriyādinaṃ attho”ti bhaṇati, dasamena āpattipatti adhippāyo siyā. Yasmā ca idaṃ kappiyakāraṅka ācikkhanādisamvohāro ca, tasmā taṃ navamena vuttanti vedittabbaṃ. Kiñcāpi kayavikkayeva hoti kappiyavattūni anuññātaṃ, imināva nayena kiñcāpi dukkaṭavattūpi dasame adhippetam āpajjati, aṭṭhakathāvirodhato pana nādhippetamicceva gahetabbo.

Kā panettha kāraṇacchāyāti, pañcannaṃ saha tattha anāpattippasaṅgato anāpatti evāti ce? Na, tattha anāgatattā. Anāgatakāraṇā vuttanti ce? Na, pañcannaṃ saha āpattivattūkaṃ anāpattivāralābhe visesakāraṇābhāvā, akappiyattā pañcannaṃ sahāpi āpattiyā bhavitabbanti siddho aṭṭhakathāvadō.

Aparo nayo – yadi dukkaṭavattūnaṃ kayavikkaye nissaggiyam, kappiyavattūnaṃ vuttapariyāyo tattha labbheyya, na pana labbhatīti navame eva tāni vattabbāni. Tasmā saṃvohāro nāma kayavikkayopi aññāthā parivattanaṃ pariyaḍiyitvā pavatto, kayavikkayaṅca mocetvā “iminā imaṃ dehi”ti cetāpeti, vaṭṭati”ti avatvā dasamassa anāpattivāre vuttanayeneva tesam parivattane nissaggiyānumativirodhato aṭṭhakathāyaṃ vuttanayeneva dukkaṭavattūnaṃ cetāpane dukkaṭameva. Nesam kayavikkayena nissaggiyanti ce? Na, sabbassapi kayavikkayattā. Teneva vuttam “**andhakatṭhakathāyaṃ** pana ‘sace kayavikkayaṃ samāpajjeyya, nissaggiyam pācittiya’nti bhāsitaṃ, taṃ dubbhāsitaṃ. Kasmā? Na hi dānaggaṇato añño kayavikkayo nāma atthi”ti (pārā. aṭṭha. 2.589), attano matiyaṃ kayavikkayalakkhaṇasammate dasamassa anāpattivāre vuttanayeneva tesam parivattane nissaggiyānumativirodhato ca. Bhavatu vā attano paṭisiddhamidaṃ kāraṇam, dasame avassameva jānitabbānti tāni kayavikkayānevāti tesam nissaggiyabhāvaṅca gaṇānti evampi siddho aṭṭhakathāvadō.

Ethāhu porānā – “attano santakaṃ rūpiyaṃ parahatthagataṃ karoti ajjhācarati, dukkaṭam. Parassa rūpiyaṃ attano hatthagataṃ karoti, aṭṭhamena nissaggiyam. Uggahitavattūparivattane katham jātam? Abbohārikaṃ jātam. Atha parassa rūpiyaṃ attano hatthagataṃ paṭhamam karoti, rūpiyappaṭiggaṇassa katattā aṭṭhamena nissaggiyam. Attano santakaṃ rūpiyaṃ parassa hatthagataṃ pacchā karoti, saṃvohārena nissaggiya”nti. “Rūpiyassa gahaṇamattena aṭṭhamena āpatti, pacchā parivattane navamena”ti hi tattha vuttam, taṃ pana yuttam. “Ajjhācarati, dukkaṭa”nti duvuttam. Dukkaṭassa aniyampasāṅgato nissajjanavidhānesu dassitova. Kiṃ vuttam hoti – yadi dvīhi nissaggiyehi bhavitabbaṃ, nissajjanavidhāne “aham, bhante, rūpiyaṃ paṭiggaṇesim, nānāppakāraṅkaṅca rūpiyaṣaṃvohāraṃ samāpajji”nti vattabbaṃ bhavēyya “rūpiyaṃ cetāpeti”ti sabbattha pāliyaṃ rūpiyappaṭiggaṇassa vuttattā.

Ettāvataṃ yaṃ **porāṇagaṇṭhipade** vuttam “dukkāṭavattūnaṃ kayavikkayaṃ pariharantena catūsu nissaggiyavattūsu ekekasmim gahite aṭṭhamena nissaggiyam hoti. **Dukkaṭavattūnaṃ dukkaṭavattūnaṃ** “iminā idaṃ dehi”ti gahite teneva nissaggiyam hoti. “Kayavikkayampi nīharitvā gahite dukkaṭam, cetāpitarūpiyaggahaṇe aṭṭhamena, parivattane navamenādiadinā attanā anuggahetvā kappiyavasena nīharitvā pañcahi sahadhammekihi saddhim parivattetaṃ vaṭṭati”ti, taṃ visodhitam hoti. Aparampi tattha vuttam “nissajjitabbe asati katham pācittiyam, dunnissatṭharūpiyampi ‘na chaddeti’ti vadantassa vissatṭho upāsako taṃ gahetvā aññam ce bhikkhuno deti, kappati”ti, taṅca duvuttam. Na hi gahitattā tato aññam vattu hoti. Puna aparāṅca tattha vuttam “imaṃ ‘gaṇhāhi’ti vadantassa saddhādeyyavinipādatukkaṭam, ‘etaṃ dehi’ti vadantassa viññattidukkaṭa”nti, taṅca duvuttam. Tattha hi payogadukkaṭam yuttam viya paññāyati.

Pakiṇṇakaṃ niṭṭhitam.

Elakalomavaggo dutiyo.

3. Pattavaggo

1. Pattasikkhāpadavaṇṇanā

Dve apattā, tasmā ete bhājanaparibhogena paribhuñjitabbā, naadhīṭṭhānūpagānavikappanūpagatāti atthoti ca. **Samaṇasārūppena pakkanti** ayopatto pañcahi pākehi pakko hoti, mattikāpato dvīhi. “Bhikkhuniyā pattasannicceyassa vāritattā (vajira. 1. pārājika 602) bhikkhussapi taṃ ‘ananurūpa’nti katvā ‘purāṇapattam paccuddharitvā’ti vutta”nti ca likhitaṃ, taṃ na yuttam pāliyaṃ “sannicceyam kareyyāti anadhīṭṭhito avikappito”ti (pāci. 735) vuttattā. So hi kathinakkhandhake (mahāva. 306 ādayo) nicceyasannidhi viya ekopi punadvise “sannicceyo”ti vuccati. Anantarasikkhāpade pana “dutiyo vārito”ti adhiṭṭhānam niyatam. Tasmā dve patte adhiṭṭhānam na labhati. Sace ekato adhiṭṭhāti, dvepi anadhīṭṭhāti honti. Visuṃ visuṃ adhiṭṭhāti, dutiyo anadhīṭṭhito. Vikappetaṃ pana bahūpi labhati. **Kākaṇikamattampī** ettha pi-kāro “ekapākampi janeti”ti pākam sampiṇdeti. Atha vā sace ekapākeneva sārūppo, vaṭṭati pākaparimānam na vuttanti gahetabbaṃ. Apattattā **adhiṭṭhānūpago na hoti. Apaccuddharantena vikappetabboti** purāṇapattam apaccuddharantena so patto vikappetabboti atthoti likhitaṃ.

Pattasikkhāpadavaṇṇanā niṭṭhitā.

2. Ūnañcābandhanasikkhāpadavaṇṇanā

Pavāriteti ettha saṅghavasena pavāritatṭhāne pañcabandhaneneva vaṭṭati, puggalikavasena pavāritatṭhāne ūnapañcabandhanenāpi vaṭṭatīti likhitam.

Yo ūnapañcabandhanattham, vuttampi cetam karo so;
Ūnapañcabandhanattham, patvāna santike.

Ūnapañcabandhanasikkhāpadavaṇṇanā niṭṭhitā.

3. Bhesajjasikkhāpadavaṇṇanā

“**Paṭisāyanīyāni paṭiggahetvā**”ti vadantena pādamakkhanādīnam atthāya paṭiggahetvā thapetum vaṭṭatīti dīpanti likhitam. “**Yesam mamsam kappati**”ti vacanena yesam mamsam na kappati, tesam sappīdī na kappatīti vadantā ajānitvā vadanti. Yesāhi mamsam kappati, tesam sappīdīti sattāhakālikanissaggiyavathuparicchedadassanattham vuttam. Tathā pañṭabhojanasikkhāpade yesam mamsam kappati, tesameva khūrādī pañṭabhojanam, netaranti dassetum vuttanti. **Madhu nāma** madhukaribhamaramakkhikānām āsayesu niyyāsasadisam **mahāmadhu** hoti, tam yāvajīvikanti ca likhitam.

Bhesajjasikkhāpadavaṇṇanā niṭṭhitā.

Pattavaggo tatiyo.

Nissaggiyapācittiyavaṇṇanā niṭṭhitā.

Pācittiyakaṇḍam

4. Bhojanavaggo

2. Gaṇabhojanasikkhāpadavaṇṇanā

Devadatto kāle viññāpetvā bhuñjati, tappaccayā bhagavatā “gaṇabhojane pācittiyā”nti (pāci. 209) sikkhāpadam paññattam. Padabhājane pana “nimantitā bhuñjanti”ti (pāci. 218) nimantanameva gahetvā vibhattam. **Andhakaṭṭhakathāyam** pana vatthuvaseṇa viññātiyā yācanampi vuttanti likhitam. Kasmā? Parivāre eva “gaṇabhojanam dvīhākārehi pasavatī viññātitto vā nimantanato vā”ti (pari. 322) vuttatā. Tasmā aṭṭhupattiyāmeva pākatatā padabhājane na vuttanti vedittabham. “‘Ekato gaṇhanti’ti ca gahitabhattāpi aññe yāva gaṇhanti, tāva ce tiṭṭhanti, ekato gaṇhanti eva nāmā”ti ca, “**yo koci pabbajjito** sahadhammikesu, tiṭṭhiyē vāti attho”ti ca, “**samayābhāvoti** sattannaṃ anāpattisamayānam abhāvō”ti ca, “samayaladdhakena saha cattāro honti”ti ca, “samayaladdhako sayameva muccati, sesānam ganapūrakattā āpattikaro hoti”ti ca likhitam.

Etthāha – “paṭiggahanameva hettha pamāna”nti vuttam, atha kasmā pāliyam “gaṇabhojanam nāma yathā cattāro... pe... bhuñjanti”ti (pāci. 218) vuttanti? Vuccate – tathā “bhuñjanti”ti paṭiggahananiyamavacanam. Na hi appaṭiggahitakam bhikkhū bhuñjanti.

Gaṇabhojanasikkhāpadavaṇṇanā niṭṭhitā.

3. Paramparabhojanasikkhāpadavaṇṇanā

Aññatra samayāti pana nimantanato pasavanato bhojanāpekkham pācittiyanti eke. Eko bhikkhu piṇḍāya caranto bhattam labhati, tamañño cūpāsako nimantevā ghare nisīdāpēsi, na ca tāva bhattam sampajjati. Sace so bhikkhu piṇḍāya caritvā laddhabhattam bhuñjati, āpatti. Kasmāti ce? “Paramparabhojanam nāma pañcannaṃ bhojanānam aññatarena bhojanena nimantito tam thapetvā aññam pañcannaṃ bhojanānam aññataram bhojanam bhuñjati, etam paramparabhojanam nāmā”ti (pāci. 227) vuttatā. **Paṭhamakathinasadisāni, idaṃ pana kiriyākiriya**”nti pātho.

Paramparabhojanasikkhāpadavaṇṇanā niṭṭhitā.

4. Kānamāṭāsikkhāpadavaṇṇanā

Dvattipattapūrā paṭiggahetabbāti tathānītapūvehi atthikena ukkatthapattappamānavaseṇa gahetabbā. “Mā kho tvam ettha paṭigganhi”ti apātheyyādiatthāya sajjitasāññāya atirekappaṭiggahaṇena ārocane, asaṃvibhāge ca na muccati acittakattā sikkhāpadassa. Atha uggahitakam gaṇhāti, na muccati eva. Asaṃvibhāge pana anāpatti akappiyatā. Acittakattā paññattijānanābhāveṇeva, na vatthujānanābhāvenāti eke. “Na pātheyyādiatthāya sajjitabhāvājānana”nti āngesu avuttatā sace sañcicca na vadati, pācittiyanti porānā vadanti. **Atirekappaṭiggahaṇanti** tathā pañcamaṃva āngam vuttam, tasmā appaṭiggahitattā na pācittiyam, kattabbākaraṇato pana dukkaṭam. Aññāthā kiriyākiriyaṃ idaṃ āpajjati. Anivāraṇam, anārocanaṃ vā chaṭṭhamāṅgam vattabham siyā.

Kānamāṭāsikkhāpadavaṇṇanā niṭṭhitā.

5. Paṭhamapavāraṇāsikkhāpadavaṇṇanā

Bhuttāvī pavāraṇam nāma pañcaṅgikam. Tesu “asanaṃ paññāyati”ti eteneva “bhuttāvī”ti etassa siddhattā visum atthasiddhi na dissati. Dissati ce, āṅganaṃ chakkattadassananti (vajira. ṭi. pācittiya 238-239) likhitam. “**Bhojanam paññāyati**”ti abhihaṭṭam sandhāya vuttam.

Koṭṭevā katacunṇampīti pi-kārena kuṇḍakam sampiṇḍeti. Samapākabhajjitānam pana ātapasukkhānam vā kuṇḍakam vā ye keci taṇḍulā vāti ettakameva vuttatā samapākabhajjitānam vīhīnam, vīhīpalāsānam vā taṇḍulacunṇam pavāreti. Tathā kharapākabhajjitānam kuṇḍakampi pavāreti. Bhajjitasattuyo piṇḍetvā kato apakkasattumodakopi pavāreṭīti likhitam. Sace avasiṭṭham natthi, na pavāreti. Kasmā? Asanasākhātassa vipakatabhojanassa abhāvato.

Ākappiyamamsam pana kiñcāpi paṭikkhipitabbatṭhāne thitam, khādiyamānam pana maṃsabhāvam na jahāti, tasmā pavāreti. Bhojanasālāya bhuñjanto ce attano apāpūnanakoṭṭhāsam abhihaṭṭam paṭikkhipati, na pavāreti. Kāmaṃ paṭikkhipati, patte pana āramikā ākīranti, tam bhuñjitum na vaṭṭati. Idañhi buddhappaṭikūṭṭhāya anesanāya uppanneyeva saṅkham gacchati. Yathā hi saṅghato laddham piṇḍam dussīlo deti, tañce paṭikkhipati, na pavāreti, evaṃsampadamidanti ca, vibhāgo lajji ce deti, tam so na ajjhoharitutkāmatāya paṭikkhipati, pavāreṭīti ca, “samaṃsarasaṃ samaccharasa”nti āpajjanato “maṃsarasa”nti vutte pana paṭikkhipato hoti, “maṃsassa rasaṃ **maṃsarasa**”nti ayaṃ viggaho nādhīpetoti ca vuttam. Bhattamissakam yāgum āharitvā “yāgum gaṇhathā”ti vadati, na pavāreti. “Bhattam gaṇhathā”ti vutte pavāreti. Kasmā? Yenāpucchito, tassa atthitāya. Ettha pana “yāgumissakam gaṇhathā”ti vadati, tatra ce yāgu bahutarā vā hoti, samasamā vā. Bhattam maṇḍam, na pavāreti. Yāgu ce maṇḍā, bhattam bahutarā, pavāreti. Idañca sabbaaṭṭhakathāsu vuttatā na sakkā paṭikkhipitum. Kāraṇam panettha duddasam. “Bhattamissakam gaṇhathā”ti vadati. Tatra bhattam bahutarā vā samakam vā appatarā vā hoti, pavāreti eva. Bhattam vā yāgum vā anāmasitvā “missakam gaṇhathā”ti vadati. Tatra ce bhattam bahutarā, samakam vā hoti, pavāreti. Appatarā na pavāreti. Tam sabbam vimamsitabbanti.

Phalam vā kandaṃulādi vā pañcahi samaṇakappehi kappiyam akatanti ettha kappiyam akārāpītehi kadaliphalādīhi saddhiṃ atirittam kārāpetvāpi tam kadaliphalādīm thapetvā avasesam bhuñjitum vaṭṭati. Amissakarassatā puna tāni kappiyam kārāpetvā aññasmīm bhājane thapetvā kārētvā bhuñjitum vaṭṭati. Kasmā? Pubbe tesu vinayakammassa anāruḷḷhattāti vadanti.

Patte rajam patitam appaṭiggahitameva hoti. Tasmā paṭiggahetvā bhikkhā gaṇhitabbā. “Apatiggahetvā gaṇhato vinayadukkaṭṭa”nti (pāci. aṭṭha. 265) vuttatā etamaññesampi na vaṭṭatīti vadanti. “Tam pana puna paṭiggahetvā bhuñjantassa anāpatti”ti etthāpi evameva. Imasmīm pana “atirittam kataṃ anatirittakataṃ hoti”ti etthāpi evameva. Imasmīm pana “atirittam kataṃ, anatirittam kataṃ hoti”ti dīdhi upaparikkhitvā vinicchayo vedittabboti dīpitaṃ. **Alametaṃ sabbanti** idampi te adhikam, ito aññam na lacchasīti attho.

Āhāratthāyāti vikāle evāti eke. “**Paṭhamakathinasadisāni. Idam pana kiriyākiriya**”nti pāṭho. **Kāyakammaṃ** ajjhoharaṇato. **Vacikammaṃ** vācāya “atirittam karotha, bhante”ti akārāpanatoti vedittabbam.

Paṭhamapavāraṇāsikkhāpadavaṇṇanā niṭṭhitā.

6. Dutiyapavāraṇāsikkhāpadavaṇṇanā

“Bhuttasmim pācittiya”nti (pāci. 243) mātikāyaṃ vuttatā “**bhojanapariyosāne pācittiya**”nti vuttam, na ajjhohāre ajjhohāre.

Dutiyapavāraṇāsikkhāpadavaṇṇanā niṭṭhitā.

7. Vikālabhojanasikkhāpadavaṇṇanā

Jambudīpassa kālena paricchedoti evaṃ kira.

Vikālabhojanasikkhāpadavaṇṇanā niṭṭhitā.

8. Sannidhikāraśikkhāpadavaṇṇanā

“**Duddhoto hoti**”tiādinaṃ nayena idha vuttatā, “duddhotam pattam dhovivā puna

Tattha acchodakam vā āsiñcivā, aṅguliyaṃ vā ghaṃsitvā nisnehabhāvo jānītabbo”ti (pāci. aṭṭha. 253) samantapāsādikāyaṃ vuttatā ca mattikāpattassa kapālena pīto sneho sannidhim karotīti siddhanti likhitam. **Sayam paṭiggahetvā apariccattamevāti** ettha **apariccattam** nāma anupasampannānaṃ nirapekkhaapariccattam avijahitam. “**Paṭiggahaṇanti** ettha paṭiggahitabhāvamavijahitameva sannidhim janeti”ti **dhammasirithero**, tam “paṭiggahāti, āpatti dukkaṭassā”ti (pāci. 255) pāliyaṃ virujjhati. Tassa pana puna paṭiggahaṇanakkiccbhāvato vīmaṃsitabbam.

Sannidhikāraśikkhāpadavaṇṇanā niṭṭhitā.

9. Paṇṭabhojanasikkhāpadavaṇṇanā

“**Tesam māsaṅca khīradadhīni ca idha adhippetāni**”ti idam pācittiyavattuparicchedo, na pana kappiyakhīradīparicchedo, tasmā yassa kassaci khīradīni vaṭṭantīti ca, “**mahānāmasikkhāpadena kāretabbo**”ti saṅghavasena pavārite bhesajjathāya sappiādibhesajjapañcakam viññāpeti ce, tattha “na bhesajjakaṇṭhena bhesajjam viññāpeti”ti ettha saṅgham gacchati, tasmā “tena pācittiya”nti (vajira. ii. pācittiya 261) ca likhitam.

Paṇṭabhojanasikkhāpadavaṇṇanā niṭṭhitā.

10. Dantaponasikkhāpadavaṇṇanā

“**Sarīravayavena**”ti vuttatā mukhena paṭiggahaṇam anuññātam. “Ciñcāpattesu bhūmiyaṃ atthatesu na vaṭṭati, kallakhette tattha vaṭṭati”ti ca, “**sāmaṃ gahetvā**”ti iminā na kevalam sappadaṭṭhaṃyeva, aññampi daṭṭham viśeṭeti. Sāmaṃ gahetvā paribhuñjītuṃ vaṭṭati”ti ca likhitam.

Dantaponasikkhāpadavaṇṇanā niṭṭhitā.

Bhojanavaggo catuttho.

5. Acelakavaggo

1. Acelakasikkhāpadavaṇṇanā

Acelakādayo yasmā, titthiyāva matā idha;
Tasmā titthiyānāmena, tikacchedo kato tato.

Atitthiyassa naggassa, tathā titthiyālingino;
Gahaṭṭhassāpi bhikkhussa, kappatīti vinicchayo.

Atitthiyassa cittena, titthiyassa ca līngino;
Sotāpannādino dātum, kappatītidha no mati.

Acelakasikkhāpadavaṇṇanā niṭṭhitā.

3. Sabhojanasikkhāpadavaṇṇanā

Anupavisitvā nisīdanacittena **sacittakatāti** vedittabā.

Sabhojanasikkhāpadavaṇṇanā niṭṭhitā.

4-5. Rahopācicchannarahonisajjasikkhāpadavaṇṇanā

Catuttham paṭhamāniyate, **pañcamam** dutiyāniyate vuttanayameva. Idha pañcamam upanandassa catuttham hoti.

Rahopācicchannarahonisajjasikkhāpadavaṇṇanā niṭṭhitā.

6. Cārittasikkhāpadavaṇṇanā

Sabhatto samānoti nimantanabhattoti porāṇā. Santam bhikkhum, anūpucchā, purebhattam pacchābhattam, aññatra samayāti ayamettha catubbidhā anupaññāti. Tattha **samayā** dve samayā. **Bhattiyagharanti** nimanitassa gharam vā salākābhattādīdayakānam vā gharam. “**Samuṭṭhānādīni paṭhamakathinasadisāni, idam pana kiriyākiriya**”nti pāṭho, “idha nimanānā akappiyanimantānā”ti eke.

Purebhattaṅca piṇḍāya, caritvā yadi bhūñjati;
Siyā paramparāpattī, pacchābhattam na sā siyā.

Pacchābhattaṅca gamiko, pubbageham yadi gacche;
Eke āpattiyevāti, anāpattī ekacce.

Kulantarassokkamane, āpattimatayo hi te;
Samānabhatappaccāsā, iti āhu idhāpare.

Matā ganikabhattena, samenti nam nimantane;
Vissajjanam samānanti, eke sammukhatāpare.

Sanniṭṭhānatthikeheva, vicārettabbhedato;
Viññū cārittamicceva, sikkhāpadamidam vidū. (vajira. ṭī. pācittiya 294);

Cārittāsikkhāpadavaṇṇanā niṭṭhitā.

7. Mahānāmasikkhāpadavaṇṇanā

Pañītabhojanasikkhāpade “mahānāmasikkhāpadena kāretabbo”ti (kaṅkhā. aṭṭha. pañītabhojanasikkhāpadavaṇṇanā) yaṃ vuttam, tassattho saṅghavasena pavārite bhesajjathāya sappiādibhesajjapañicakam viññāpeti ce, “nabhesajjena karaṇīyena bhesajjam viññāpeti”ti (pāci. 309) vacanena pācittiyanti (vajira. ṭī. pācittiya 310) likhitam. “Tayā imināva pavāritamhā, amhākaṇca iminā ca iminā ca attho”ti yathābhūtam ācikkhitvā viññāpetum gilānova labhati, na itaroti ca, “aññassa atthāya”ti assa nātakappavārite, attano vā nātakappavāriteti atthoti ca, “apariyantappavāraṇāya pavārite”ti saṅghavasena, puggalavasena ca pavāretvā dāyaka. Tasmā “saṅghappavāraṇatā”ti vatvā “puggalappavāraṇatā”ti na vuttanti ca, “pariyantātikamo”ti vacanena gilāno gahito, tasmā “gilānāgilānatā”ti na vuttam. Evaṃ santepi “saṅghappavāraṇāya pavāraṇatā”ti pāṭhoti ca likhitam, vīmaṃsittabbam.

Mahānāmasikkhāpadavaṇṇanā niṭṭhitā.

8. Uyyuttasenāsikkhāpadavaṇṇanā

Hatthiādīsu ekamekanti antamaso ekapurisāruḷhahatthimpi, ekaṃ sarahattham purisampi. **Samuṭṭhānādīni eḷakalomasadisāni, idaṃ pana lokavajjam, akusalacittam tivedana**”nti pātho.

Uyyuttasenāsikkhāpadavaṇṇanā niṭṭhitā.

9. Senāvāsāsikkhāpadavaṇṇanā

Kenaci palibuddhassāti verikena vā issarena vā kenaci ruddhassa. Senāparikkhepena vā parikkhepārahatthānena vā sañcaraṇaṭṭhānapariyantena vā paricchinditabbā.

Senāvāsāsikkhāpadavaṇṇanā niṭṭhitā.

Acelakavaggo pañcamo.

6. Surāpānavaggo

1. Surāpānasikkhāpadavaṇṇanā

“Surā”ti vā “na vaṭṭati”ti vā jānitvā pivane akusalamevāti likhitam. **Akusalacittanti** yebhuyyena taṃ sandhāya kira vuttam. Atha kasmā vinayaṭṭhakathāyaṃ “akusaleneva pātabbatāyā”ti (pāci. aṭṭha. 329) vuttanti ce? Sacittakapakkhe akusaleneva pātabbatāyāti.

Surāpānasikkhāpadavaṇṇanā niṭṭhitā.

2. Aṅgulipatodakasikkhāpadavaṇṇanā

Kāyasamsaggasaṅghādisesāpattibhāve samānepi **bhikkhuniyāpi anupasampannepi** dukkaṭam, upasampanne eva pācittiyanti evaṃ puggalāpekkham dassetum “**aṅgulipatodake pācittiya**”nti vuttam. **Sati karaṇīyeti** ettha purisaṃ sati karaṇīye āmasatoti adhippāyo, na itthim.

Aṅgulipatodakasikkhāpadavaṇṇanā niṭṭhitā.

3. Hasadhammasikkhāpadavaṇṇanā

“**Cikkhallaṃ vā**”ti vacanato sakkharampi khipanaktīlāya kīlato dukkaṭameva. Uparigopphake pācittiyam, aññattha dukkaṭanti pācittiyavattuathavasena “**udake hasadhamme pācittiya**”nti vuttam.

Idam saññāvimokkham ce, tikapācittiyam katham;
Kīlītamva akīlāti, micchāgāhena taṃ siyā.

Ettāvatā katham kīlā, iti kīlīyam evāyam;
Akīlāsaññī hotettha, vinayaṭṭham samādaye.

Ekantākusalo yasmā, kīlāyābhiratamano;
Tasmā akusalam cittaṃ, ekamevettha labbhātī. (vajira. ṭī. pācittiya 336);

Hasadhammasikkhāpadavaṇṇanā niṭṭhitā.

4. Anādariyasikkhāpadavaṇṇanā

Tassa vacananti “ayaṃ ukkhittako vā vambhito vā garahito vā imassa vacanam akatam bhavissati”ti anādariyam karoti. **Dhammanti** kathāyaṃ dhammo nasseyya vā vinasseyya vā antaradhāyeyya vā, taṃ vā asikkhitukāmo anādariyam karoti. “Lokavajjam atikkamitvā ‘idaṃ amhākam ācariyuggaho’ti vadantassa na vaṭṭati”ti (vajira. ṭī. pācittiya 344) likhitam.

Anādariyasikkhāpadavaṇṇanā niṭṭhitā.

6. Jotisikkhāpadavaṇṇanā

“**Visibbanāpekkho**”ti vuttattā aññassa vaṭṭati, aññesaṇca.

Jotinekamaneke vā, jālentī munayo saha;
Eko sopeṭi nāneko, adhippāyavisesato.

Jotisikkhāpadavaṇṇanā niṭṭhitā.

8. Dubbaṇṇakaraṇasikkhāpadavaṇṇanā

Morakkhimaṇḍalamaṅgulaṭṭhānanti na ekantato, adhiḱaṃ, oraṇcāti vadanti. Ekakoṇepi vaṭṭati, evaṃ yattha katthaci ekabinduṃ vaṭṭatīti.

Dubbaṇṇakaraṇasikkhāpadavaṇṇanā niṭṭhitā.

9. Vikappanasikkhāpadavaṇṇanā

“**Samuṭṭhānādīni paṭhamakathinasadisāni, idaṃ pana kiriyākiriya**”nti pāṭho. Ettha paribhogena **kāyakammaṃ**. Apaccuddharaṇena **vaccikammaṃ**.

Vikappanasikkhāpadavaṇṇanā niṭṭhitā.

10. Apanidhānasikkhāpadavaṇṇanā

Sasūcike sūcighare sūcigaṇanāya āpattiyoti porāṇā.

Apanidhānasikkhāpadavaṇṇanā niṭṭhitā.

Surāpānavaggo chaṭṭho.

7. Sappānakavaggo

1. Sañcicasikkhāpadavaṇṇanā

Vatthuganaṇāya kammabandhagaṇanācetanāmāraṇānaṃ, na kammabandhagaṇanāya cetanāmāraṇā. Ettha ekacetanāya bahupāṇakā marantīti ayaṃ vibhāgo veditabbo.

Sañcicasikkhāpadavaṇṇanā niṭṭhitā.

2. Sappānakasikkhāpadavaṇṇanā

Sappānakanti pānakānaṃ maraṇavasena pācittiyam, na sappānakaudakaparibhogavasena pācittiyam, tasmā eva “**paṇṇattivajja**”nti vuttaṃ. Asuddhacittatā pācittiyam, suddhacitte anāpatti. Paḍipujjalane viya paṇṇattivajjatā vuttāti likhitam.

Jale pakkhipanaṃ pubbam, jalappavesanaṃ idam;
Evaṃ ubhinnaṃ nānāṭṭam, ñeyyaṃ ñāṇavatā sadāti. (vajira. ṭī. pācittiya 387)

Sappānakasikkhāpadavaṇṇanā niṭṭhitā.

5. Ūnavīsativassasikkhāpadavaṇṇanā

Aññam upasampādetīti –

Upajjhāyo sace sāmaṃ, kammavācaṇca sāveti;
Kammaṃ ruhati icceke, neti vinayakovido.

Dukkaṭam vihitam yasmā, ācariyassa gaṇassa ca;
Tasmā bhinnāva ācariya-upajjhāyā visum idhāti.

Ūnavīsativassasikkhāpadavaṇṇanā niṭṭhitā.

7. Saṃvidhānasikkhāpadavaṇṇanā

Idha ekatoupasampannā, sikkhamāṇā, sāmaṇerīti imā tissopi saṅghaṃ gacchanti, imāsaṃ pana tissannaṃ samayo rakkhati, ayamimāsaṃ, mātugāmassa ca visesoti veditabbam.

Samvidhānasikkhāpadavaṇṇanā niṭṭhitā.

9. Ukkhittasambhogasikkhāpadavaṇṇanā

“**Taṃ dīṭṭhiṃ appaṇissatṭhenāti** laddhinānāsamvāsakaṃ sandhāyā”ti likhitam. **Ticcittanti** ettha vipākābyākatacittena saḥaseyyaṃ kappeyyāti evamattho daṭṭhabbo. Aññathā sacittakattā sikkhāpadassa kiriyābyākatam sandhāya na yujjati.

Ukkhittasambhogasikkhāpadavaṇṇanā niṭṭhitā.

10. Kaṇṭakasikkhāpadavaṇṇanā

“Ayaṃ samaṇuddeso pārājiko hoti. Sace taṃ dīṭṭhiṃ paṇissajjati, saṅghassa ārocetvā saṅghānumatiyā pabbājetabbo”ti **porāṇagaṇṭhipade** vuttaṃ, taṃ na vuttaṃ. Daṇḍakammaṇāsanā hi idhādhippetā. Yadi so pārājiko hoti, liṅganāsanā nāma siyā. “**Te paṭisevato nālaṃ antarāyāyā**”ti ca dīṭṭhi satthari asatthādīṭṭhi na hoti. Sace sā yassa uppajjati, so pārājiko hoti, tasmimpi evameva paṭipajjitabbam, saṃvare atīṭṭhanto liṅganāsanāya nāsetabboti (vajira. ṭī. pācittiya 428) ācariyassa takko.

Kaṇṭakasikkhāpadavaṇṇanā niṭṭhitā.

Sappānakavaggo sattamo.

8. Sahadhammikavaggo

4. Pahārasikkhāpadavaṇṇanā

Aṅgesu na mokkhādhippāyatā viya amaraṇādhippāyatā vattabbāti ce? Na vattabbā. Kasmā? Yo bhikkhu sayam pahāraṃ dātukāmo, so adhippāyena tassa maraṇe payogavirahovāti katvā amaraṇādhikāratā kevalaṃ amaraṇādhippāyo eva soti tā viya tā na vuttā. Mokkhādhippāyassa pana kopo natthi, tasmā anāpattīti vuttaṃ.

Pahārasikkhāpadavaṇṇanā niṭṭhitā.

5. Talasattikasikkhāpadavaṇṇanā

Talameva **talasattikaṃ**. “Pothonasamatthaṭṭhena **sattika**”nti eke. Yasmā paharitukāmatāya paharato purimena pācittiyam, kevalam uccāretukāmatāya uggirānamatte kate iminā pācittiyam. Iminā pana virajjhivā pahāro dinno, tasmā napaharitukāmatāya dinnattā dukkaṭam. Kimidaṃ dukkaṭam pahārapaccayā, udāhu uggirānapaccayāti? Pahārapaccayā eva dukkaṭam, purimam uggirānapaccayā pācittiyanti sadukkaṭam pācittiyam vuyjati. Purimañhi uggirānam, pacchā pahāro. Na ca pacchimam pahāram nissāya purimam uggirānam anāpattivatthukam bhavitumarahaṭṭi no takkoti (vajira. ṭi. pācittiya 456) ācariyo.

Talasattikasikkhāpadavaṇṇanā niṭṭhitā.

7. Sañcicasikkhāpadavaṇṇanā

Paro kukkucam uppādetu vā, mā vā, tam appamāṇam. “**Kukkucupādana**”nti tatiyamaṅgam tassa adhippāyavasena vuttanti vedittabham.

Sañcicasikkhāpadavaṇṇanā niṭṭhitā.

8. Upassutisikkhāpadavaṇṇanā

Upassutinti yathā upakujjham “samīpakujjha”nti vuccati, tathā upassuti “samīpassuti”nti vedittabbā. Yattha thito suṇāti, tam **ṭhānanti** attho. **Sutiti** panetha paresam vacanasaddo ca. So hi suyyatīti **suti** nāma. Upasuyyati vā ethāti **upassuti**. Okāso hi **suti** nāma. **Imesaṃ sutvāti** etha “vacana”nti pāṭhaseso.

Samuṭṭhānādīni atītatvayasadisānti na gahetabbāni. **Theyyasatthasamuṭṭhānam**. **Siyā kiriyam** gantvā savane. **Siyā akiriyam** ṭhitaṭṭhānam āgantvā vadantānam ajānāpanavasena samuṭṭhānato. “**Saññāvimokkham**, **sacittakam**, **lokavajjam**, **kāyakammaṃ**, **vacikkammaṃ**, **akusalacittam**, **dukkhavedana**”nti likhitam.

Upassutisikkhāpadavaṇṇanā niṭṭhitā.

9. Kammappaṭibāhanasikkhāpadavaṇṇanā

Appamattakavissajjanakena pana cīvaram karontassa senāsanaakkhandhakavaṇṇanāyam (cūlava. 328) vuttappabhedāni sūciādīni anapaloketvāpi dātābāni. Tato atirekam dentena apalokanakammaṃ kātābham. Evaṃ katam pana apalokanam kammalakkhaṇamevāti adhippāyo. Evaṃ sabbattha **kammalakkhaṇam** vedittabham. Gāmasmāvihāresu osāranādīni saṅghakammāniyeva na vaṭṭanti. Vissajjiyavebhaṅgiyāni pana vaṭṭanti. “Saṅghassa santaka”nti sāmāññato avatvā “imasmim vihāre saṅghassa santaka”nti apaloketābanti ca, “**samuṭṭhānādīni adinnādānasadisāni**, **idaṃ pana dukkhavedana**”nti pāṭhoti ca likhitam.

Kammappaṭibāhanasikkhāpadavaṇṇanā niṭṭhitā.

10. Chandamadatvāgamanasikkhāpadavaṇṇanā

Sannipātam anāgantvā ce chandaṃ na deti, anāpattīti eke. Dukkaṭanti eke dhammakammantarāyākaraṇādhippāyattā.

Chandamadatvāgamanasikkhāpadavaṇṇanā niṭṭhitā.

11. Dubbalasikkhāpadavaṇṇanā

Akappiyena vāti suvaṇṇarajatamayamañcādīnā. **Kappiyamañco sampaticchitabboti** “saṅghassa demā”ti dinnam sandhāya vuttam, tehi pana “vihāressa demā”ti vutte suvaṇṇarajatamayādiakappiyamañcāpi sampaticchitabbāti ca, “arañjaro bahuudakaganhanako”ti ca, “**saṅghikapaabhogena vāti** sace āramikādāyo paṭisāmetvā paṭidentī, paribhuñjitum vaṭṭati”ti ca, “kamsalohādibhājanam saṅghassa dinnampi pārihāriyam na vaṭṭati”ti (cūlava. aṭṭha. 321) **samantapāsādikāyam** vuttattā attano hatthena gahetvā paṭisāmitum na labhatīti ca, “vedhako kāyabandhanassāti vadantī”ti ca, “hiṅgu hiṅguliharitālanosilā añjanānī”ti pāṭhoti ca, “dārumayo vā...pe... apādakopi samuggo”ti pāṭhoti ca, “**dārumayo tumboti** dārumayo udakatumbo”ti ca, “**thambhatulāsopānaphalakādīsū**”ti ca likhitam.

Dubbalasikkhāpadavaṇṇanā niṭṭhitā.

12. Pariṇāmanasikkhāpadavaṇṇanā

Eko bhikkhu ukkhittakassa dātukāmo hoti, tassa dānam nivāretvā aññassa dāpeti, anāpattīti. Tathā saddhādeyyavinipātanam karontassa dāpeti, attano nissitakā itthannāmassa pattam dātukāma āpucchanti, “visabhāgo eso, sabhāgassa dehī”ti vadati. Anāpattīti attano bhārabbhūtā. Tassa pana dātukāmam aññassa dāpeti, āpattīti eva. Sabbattha āpucchitvā dātukāmam yathāsukham vicāretum labhati.

Pariṇāmanasikkhāpadavaṇṇanā niṭṭhitā.

Sahadhammikavaggo aṭṭhamo.

9. Ratanavaggo

1. Antepurasikkhāpadavaṇṇanā

Asayanighareti parikkhittassa bahibhūtesu rukkhamaṭṭādīsū. “Sace khattiyova hoti, nābhisitto, abhisittova hoti, na khattiyō, rakkhattī”ti ācariyo “khattiyatā, abhisittatā”ti āpattiyā āngabhāvena vuttattā. **Samuṭṭhānādīni paṭhamakathinasadisāni**, **idaṃ pana kiriyākiriya**”nti pāṭho.

Antepurasikkhāpadavaṇṇanā niṭṭhitā.

2. Ratanasikkhāpadavaṇṇanā

Sabbopi kathāmaggo **bhaṇḍāgārikasīna** nikkhipanam, gopanaica patikkhipitvā pavatto.

Ratanasikkhāpadavaṇṇanā niṭṭhitā.

3. Vikālagāmapavesanasikkhāpadavaṇṇanā

“**Santam bhikkhu**”nti ca “**anāpucchā**”nti ca “**tathārūpā accāyikāti ca imāti etha tisso**”nti pāṭho. “**Samuṭṭhānādīni kathinasadisāni**, **idaṃ pana kiriyākiriya**”nti pāṭho.

Vikālagāmapavesanasikkhāpadavaṇṇanā niṭṭhitā.

4. Sūcigharasikkhāpadavaṇṇanā

Taṃ assāti taṃ bhedanakaṃ assa pācittiyassa atthi paṭhamam bhedanam katvā pacchā desetabbattā. Esa nayo itaresupī. **Vāsijaṭeti** vāsidaṇḍake.

Sūcigharasikkhāpadavaṇṇanā niṭṭhitā.

5. Mañcapīṭhasikkhāpadavaṇṇanā

Aṭṭhaṅgulapādakanti bhāvanapumsakaṃ. Tulāsaṅghāte thapanameva aṭṭakaranaṃ.

Mañcapīṭhasikkhāpadavaṇṇanā niṭṭhitā.

6. Tūlonaddhasikkhāpadavaṇṇanā

Kiñcāpi paṭilābheyyeva pācittiyam viya dissati, paribhoge eva pana āpatti daṭṭhabbā. “Aññena kataṃ paṭilabhitvā paribhuñjati, āpatti dukkaṭassā”ti (pāci. 529) vacanam ettha sādhakam.

Tūlonaddhasikkhāpadavaṇṇanā niṭṭhitā.

7. Nisīdanasikkhāpadavaṇṇanā

Kiñcāpi nisīdanassa jāti na dissati ettha, tathāpi cīvarakkhandhake anuññatattā, “nava cīvarāni adhiṭṭhātabbānī”ti ettha ca pariyāpannattā cīvarajāti evassa jāṭṭi veditabbam. “Lābhe sadasam, alābhe adasampi vaṭṭatī”ti eke, taṃ na yuttam “nisīdanam nāma sadasam vuccatī”ti (pāci. 531-532) tassa saṅghānaniyamanato.

Nisīdanasikkhāpadavaṇṇanā niṭṭhitā.

Ratanavaggo navamo.

Suddhapācittiyavaṇṇanā niṭṭhitā.

Pāṭidesanīyakaṇḍam

1. Paṭhamapāṭidesanīyasikkhāpadavaṇṇanā

Yāmakālikādīsu āhāratthāya eva dukkaṭam. Tampi āmisena asambhinnarase, sambhinne pana ekarase pāṭidesanīyameva.

Paṭhamapāṭidesanīyasikkhāpadavaṇṇanā niṭṭhitā.

2. Dutiyapāṭidesanīyasikkhāpadavaṇṇanā

“**Samuṭṭhānādīni kathinasadisāni, idaṃ pana kiriyākiriya**”nti pātho.

Dutiyapāṭidesanīyasikkhāpadavaṇṇanā niṭṭhitā.

4. Catutthapāṭidesanīyasikkhāpadavaṇṇanā

Ārāme vā ārāmūpacāre vā paṭiggahetvā ajjhoharantassāti ārāme vā ārāmūpacāre vā paṭiggahetvā ārāme vā ārāmūpacāre vā ajjhoharantassāti attho.

Bahārāme paṭiggahitam ajjhārāme bhūñjantassa anāpatti. Aṅgesu ca “ajjhārāme vā ārāmūpacāre vā paṭiggahana”nti gahetabbam. Ajjhārāme hi dassite ārāmūpacāram dassitamevāti. “**Samuṭṭhānādīni kathinasadisāni, idaṃ pana kiriyākiriya**”nti pātho.

Catutthapāṭidesanīyasikkhāpadavaṇṇanā niṭṭhitā.

Pāṭidesanīyavaṇṇanā niṭṭhitā.

Sekhiyakaṇḍam

Sekhiyesu satipi vīṭikkame anādariyāpekkhasseva āpattīti dassanattam kārako na vutto. Ayañhi vinayadhammā, yadidaṃ sāpekkhe kāraṇaniddeso, so vuttaniyame vidhi, bhummakaraṇaṇca. Aṭṭhaṅgulādhikampi oṭāretvā nivāsetuṃ vaṭṭatī. Tato param oṭārentassa dukkaṭānti **mahāaṭṭhakathāyaṃ** vuttam. **Ārāme vāti** buddhupaṭṭhānādīkāle. **Pārupitabbanti** uttarāsaṅgakiccavasena vuttam.

Ṭhatvāti ettha gacchantopi parissayābhāvam oloketuṃ labhatiyevāti (vajira. ṭi. pācittiya 582) likhitam. Yathā vāsūpagatassa antaraghare kāyam vivarivā nisīdituṃ vaṭṭatī, tathā tassa santike gantukāmassapi kāyabandhanam abandhitvā saṅghāṭim apārupitvā gāmapavesanamanārocetvā yathākāmam gantuṃ vaṭṭatī. Tasmā addhānamaggagamanakāle eko bhikkhu gāmapavesanavattam pūretvā gāmam pavisitvā ekaṃ āvasatham puratova ṭhitam patvā parikkhāram ṭhapetvā vāsūpagato ce hoti, itarehi tassa santikam yathāsukham gantuṃ vaṭṭatī. Ko pana vādo catūhapañcāham vāsamadhiṭṭhāya vasitabhikkhūnam santikam gantuṃ vāsūpagatānam santikam gantuṃ vaṭṭatī. Buddhapūjampi yathāsukham gantuṃ vaṭṭatī. Vuttampi cetaṃ aṭṭhakathāyaṃ “anāpatti kāraṇam paṭicca tahaṃ tahaṃ oloketī”ti. Tattha **kāraṇam** nāma āmisapūjāti veditabbāti likhitam.

Chabbīsatisāruppavaṇṇanā niṭṭhitā.

Yasmā “samattitiko piṇḍapāto paṭiggahetabbo”ti (pāci. 602-603) vacanam piṇḍapāto samapuno paṭiggahetabboti dīpeti, tasmā attano hatthagate patte piṇḍapāto diyyamāno thūpikato ce hoti, vaṭṭatīti dīpito hoti. Sūpodanaviññattiyam mukhe pakkhipitvā vippatīsāre uppanne puna uggritukāmassapi sahasā ce pavisati, ettha **asañcicca bhūñjati** nāma. Viññattikataṇca akataṇca ekasmiṃ thāne ṭhitam sahasā anupadhāretvā gahetvā bhūñjati, **assatiyā bhūñjati** nāma.

Sayam yānagato hutvā, yathā **yānagatassa** ce;
Alam vatthuṃ tathā nālam, sachatto **chattapāṇino**.

“Sūpodanaviññattisikkhāpadam theyyasatthasamuṭṭhānam, kiriyam, saññāvimokkham, sacittakam, lokavajjam, kāyakammaṃ, vacikammaṃ, akusalacittam, dukkhavedana”nti pātho.

Sekhiyavaṇṇanā niṭṭhitā.

Bhikkhupātimokkhavaṇṇanā niṭṭhitā.

Namo tassa bhagavato arahato sammāsambuddhassa

Bhikkhunīpātimokkhavaṇṇanā

Pārājikakaṇḍamaṃ

Abhīlāpamattamevāti ettha daharavasena “bhante”ti ca vuddhavasena “āvuso”ti ca tattha duvidho abhīlāpo, idha pana vuddhadaharānaṃ “ayyā”ti ekameva.

Kāyasamsagge vuttanayenāti ettha tabbahulanayena kiriyasamuṭṭhānatā vuttā. “Kāyasamsaggaṃ samāpajjeyyā”ti avatvā pana “sādiyyeyyā”ti vuttatā akiriyatopi samuṭṭhānti vedittabbaṃ. Yathā cettha, evaṃ heṭṭhā “manussithiyā tayo magge methunaṃ dhammaṃ paṭisevantaṃ āpatti pārājikassa”ti ādinā (pārā. 56) nayena kiriyasamuṭṭhānatā vatvā tadanantaram “bhikkhupaccatthikā manussithim bhikkhussa santikaṃ ānetvā vaccamaggena aṅgajātaṃ abhinisīdenti, so ce pavesanaṃ sādiyati”ti ādinā (pārā. 58) nayena akiriyasamuṭṭhānassapi vuttatā paṭhamapārājīkayāpi tabbahulanayeneva kiriyasamuṭṭhānatā vedittabā. Na hi pavesanasādiyanādimhi kiriyasamuṭṭhānatā dissati.

Aṅgajātalanāñcetta na sārato daṭṭhabbaṃ “so ce pavesanaṃ na sādiyati, pavitṭhaṃ na sādiyati, thitaṃ na sādiyati, uddharanaṃ sādiyati, āpatti pārājikassa”ti (pārā. 58) ettha thitanasādiyane pakatiyāpi paripunnacalanatā. Sādiyanapaccayā paṭisevanacalanāñcetta na dissatevāti tabbahulanayeneva kiriyasamuṭṭhānatā gahetabbā.

Apica bhikkhuniyāpi pathamapārājīke tassa sādiyanassa sarūpena vuttatā tadanurūpavasena vibhaṅganayamanoloketvā “kiriyasamuṭṭhāna”micceva vuttam. Yathā cetesu tabbahulanayena kiriyasamuṭṭhānatā vuttā, tathā surādināṃ akusaleneva pātabbatā. Itarathā “yaṃ akusaleneva āpajjati, yaṃ lokavajjā, sesā paṇṇattivajjā”ti vutte lokavajjapaṇṇattivajjānaṃ niyamalakkhanasiddhi hoti, tathā taṃ avatvā “yassā sacittakapakkhe cittaṃ akusalameva hoti, yaṃ lokavajjā, sesā paṇṇattivajjā”ti (kaṅkhā. aṭṭha. pathamapārājīkavaṇṇanā) vutte lokavajjavacanāṃ niratthakaṃ siyā vatthuajānanapakkhepi akusaleneva pātabbatā. Yasmā tattha surāpānavīttikamassa akusalacittuppādo natthi, tasmā **khandhakatṭhakathāyaṃ** “majjapāne pana bhikkhuno ajānitvāpi bṛjato paṭṭhāya majjāṃ pivantaṃ pācittiyāṃ. Sāmanero jānitvāva pivanto sīlabhedāṃ āpajjati, na ajānitvā”ti (mahāva. aṭṭha. 108) vuttam, na vuttam “vatthuajānanapakkhe pānātipātādināṃ siddhikarākusulacittuppādasadise cittuppāde satipi sāmanero sīlabhedāṃ nāpajjati”ti. Abhinivesavacanāṃ pānātipātādīhi samānagatikatā sāmanerānaṃ surāpānassa. “Surāmerayime”ti vatthum jānitvā pātabbatādivasena vīttikamantaṃ akusalassa asambhavo natthi. Tena vuttam “yassā sacittakapakkhe”ti ādi.

Kiñcetta – yuttivacanena arahantānaṃ appavisanato sacittakācittakapakkhesu akusalaniyamoti ce? Na, dhammātvāsena sekkhānampi appavisanato. Acittakapakkhe akusalaniyamābhāvadassanantam supantassa mukhe pakkhittajalabindumiva surābinduādayo udāharitabbā. Tabbahulanayena hi atthe gahite pubbenāparaṃ aṭṭhakathāya sameti saddhim pāliyā cāti. Ācariyāpi surāpāne akusalaniyamābhāvameva vadanti. Ekacce pana kiriyasamuṭṭhānatā panassa tabbahulanayameva, na pathamapārājīke. Kathaṃ? Kāyasamsaggasikkhāpadam pathamapārājīkasamuṭṭhānam. Ettha bhikkhussa ca bhikkhuniyā ca kāyasamsaggabhāve sati bhikkhunī kāyaṅgaṃ acopayamānāpi citteneva adhvāseti, āpajjati, na evaṃ bhikkhu. Bhikkhu pana copayamānava āpajjati, evameva pathamapārājīkepi copane sati eva āpajjati, nāsati. **Pavesanaṃ sādiyati**ti ettha pavesanasādiyanāṃ nāma sevanacittuppādanam, maggena vā maggapatipannampi icchanti. Tassāpi kāyacalanam ekantaṃ atthi eva. Evaṃ santepi vimamsitvā gahetabbanti vadanti likhitam

Pārājīkavaṇṇanā niṭṭhitā.

Saṅghādisesakaṇḍamaṃ

1. Ussayavādīkāsikkhāpadavaṇṇanā

Bhikkhuniṃ saṅghādisesaṃ patvā vuttānavidhāyo sandassanantam “**ayaṃ bhikkhuni...pe... āpannā**”ti puggalaniyamam katvā pārājīkato adhippāyanti “**nissāraṇiyam saṅghādisesa**”nti āpattināmaggaṇaṇaṃ kataṃ. “**Samuṭṭhānādīni paṭhamakathinasadisāni, idaṃ pana kiriyamevā**”ti pātho.

Ussayavādīkāsikkhāpadavaṇṇanā niṭṭhitā.

2. Corivuttāpīkāsikkhāpadavaṇṇanā

Katthaci agantvā nisinnatṭhāne eva nisīdītvā karontiyā **vācācittato**, khaṇḍasīmādigatāya **kāyavācācittato**.

Corivuttāpīkāsikkhāpadavaṇṇanā niṭṭhitā.

3. Ekagāmantaragamanasikkhāpadavaṇṇanā

“**Ābhogaṃ vinā**”ti vuttatā ābhoge sati anāpatti, imasmim pana sikkhāpade **samantapāsādikāyaṃ** upacārātikame āpatti vuttā, idha okkame. Dvīsipi vuttam atthato ekameva gāmantaragamanasāṅghādisesaṃ upacārassa sandhāya vuttatā. Ganamhā ohīyanassa virodho. “**Arañhe**”ti idaṃ atthavasena vuttam, gāmantarepi hoti eva.

Sikkhāpadā buddhavarena vaṇṇitāti gāthāya vasena, aṭṭhakathāyampi gāmantarapariyāpannam nadipāranti vuttam.

Ekagāmantaragamanasikkhāpadavaṇṇanā niṭṭhitā.

“**Chādanapaccayā pana dukkaṭam āpajjati**”ti idaṃ –

“Āpajjati garukaṃ sāvasesam;
Chādeti anādariyam paṭicca;
Na bhikkhunī no ca phuseyya vajjam;
Pañhāmesā kusalehi cintitā”ti. (pari. 481) –

Imāya virujjhati. Tasmā pamādalekhā viya dissatīti gavesitabbo ettha attho. Bhikkhūnaṃ mānattakathāyaṃ “parikkhittassa vihārassa parikkhepato, aparikkhittassa parikkhepārahātṭhānato dve leḍḍupāte atikkamitvā”ti (kaṅkhā. aṭṭha. nigamanavaṇṇanā) vuttam, idha pana “**gāmūpacārato ca bhikkhūnaṃ vihārūpacārato ca dve leḍḍupāte**”ti ādi vuttam. Tatra bhikkhūnaṃ vuttapakārapadesam atikkamitvā gāmepe taṃ kammaṃ kātum vaṭṭati, bhikkhūnaṃ pana gāme na vaṭṭati. Tasmā evaṃ vuttanti eke. Aparaṃ pana bhikkhūnampi gāme na vaṭṭati. Bhikkhuvihāro nāma pubbe eva gāmūpacāram atikkamitvā thito, tasmā gāmaṃ avatvā vihārūpacārameva heṭṭhā vuttam. Bhikkhūnaṃ vihāro gāme eva vaṭṭati, na bahi, tasmā gāmūpacāraṇa vihārūpacāraṇa ubhayamevettha dassitam. Tasmā ubhayatthāpi atthato nānāttam natthīti vadanti. Yaṃ yujjati, taṃ gahetabbam.

Saṅghādisesavaṇṇanā niṭṭhitā.

Nissaggiyakaṇḍamaṃ

Dutiye idha bhājāpitāya laddhacīvaram nissaggiyam hoti, taṃ vinayakammaṃ katvāpi attanā na labbhati.

Tatiye “**samuṭṭhānādīni adinnādānasadisāni, idaṃ pana dukkhavedana**”nti pātho.

Catutthe paṭhamam viññattam alabhitvā aññaṃ tato unatarampi labheyya, nissaggiyameva aṅgasampattito.

Nissaggiyavaṇṇanā niṭṭhitā.

Pācittiyakaṇḍam

1. Paṭhamavaggavaṇṇanā

Paṭhame haritapattavaṇṇo **haritako**. **Cāpalasuṇaṃ** amiñjako. Aṅkuramattameva hi tassa hoti. **Paḷaṇḍukādayo** sabhāveneva vaṭṭanti. **Sūpasampākādī** vināpi antamaso yāgubhattepi pakkhipitum vaṭṭatīti likhitam, “bhikkhunīyāpi gilānāya purebhattameva lasuṇaṃ kappati, na agilānāyā”ti abhayagirīnaṃ uggahoti.

Dutiye ābādhapaccayā bhikkhunisaṅghaṃ āpucchitvā saṃharāpetum vaṭṭati, bhikkhussa ettha ca lasuṇe ca dukkaṭam.

Sattame “**samuṭṭhānādīni addhānamaggasikkhāpadasadisāni**”ti pātho.

Navame **kuṭṭo** nāma gharakuṭṭo. **Pākāro** nāma parikkhepapākāro.

Chaḍḍitakhatteti purānakhette. Saṅghasantake bhikkhussa chaḍḍetum vaṭṭati saṅghapariyāpannattā. Bhikkhunīnampi saṅghasantake bhikkhusaṅghasantake vuttanayeneva vaṭṭati. Evaṃ santepi sārūppavasena kātābanti likhitam.

Dasame “**sayam tāni vatthūni karontiyā**”tiādi idha sikkhāpade natthi. Kasmā? Eḷakalomasamuṭṭhānattā. Yadi evaṃ kasmā vuttanti ce? Suttānulomamahāpadesato. Yadi naccādīni passitum vā sunitum vā na labhati, pageva attanā kātunti nayato labbhānattā vuttam. Itarathā mahāpadesā niratthakā siyum. “Evaṃ aññatthapi nayo netabbo. Samuṭṭhānampi idha vuttameva aggahetvā chasamuṭṭhānavasena gahetabba”nti ācariyā. Idha vuttam samuṭṭhānam nāma mūlabhūtasā antarā vuttāpattiyā, tasmā eḷakalomasamuṭṭhānamevāti apare. **Ārāme ṭhatvā**ti na kevalam ṭhatvā, tato gantvā pana sabbiriyāpathehi labhati. **Ārāme ṭhitā**ti pana ārāmapariyāpannāti attho. Itarathā nisinnāpi na labheyyāti.

Pathamavaggavaṇṇanā niṭṭhitā.

2. Dutiavaggavaṇṇanā

Pañcame **upacāro** dvādasahattho. “**Samuṭṭhānādīni kathinasadisāni, idaṃ pana kiriyākiriya**”nti pātho.

Sattame **dhuvaṇṇatteti** bhikkhunīnaṃ atthāya. **Kulānī**ti kulagharāni.

Dutiavaggavaṇṇanā niṭṭhitā.

3. Tatiavaggavaṇṇanā

Catutthe saṅghātiādivasena adhiṭṭhitānaṃ **saṅghāṭīcāraṃ**.

Pañcame “**idaṃ pana kiriyākiriya**”nti pātho.

Chaṭṭhe **aññasmim parikkhāre dukkaṭanti** thālakādīnaṃ vā sappitelādīnaṃ vā aññatarasmim.

Tatiavaggavaṇṇanā niṭṭhitā.

4. Catutthavaggavaṇṇanā

Chaṭṭhe samsaṭṭhavihārasikkhāpade “**sesametha paṭhamaariṭṭhasikkhāpade vuttavinicchayasadisamevā**”ti pātho.

Catutthavaggavaṇṇanā niṭṭhitā.

5. Pañcamavaggavaṇṇanā

“Cittāgāraṃ nāma yattha katthaci manussānaṃ kīlītuṃ ramitum katam hoti”tiādinā (pāci. 979) pāliyaṃ vuttattā cittāgārādīni sabbesaṃ atthāya katāni, na rañño eva.

Sattame etena nissajjitum kappiyaṃ vuttam. “Nissajjitvā paribhuṅgati”ti (pāci. 1007) pāli ca atthi. “**Samuṭṭhānādīni kathinasadisāni, idaṃ pana kiriyākiriya**”nti pātho. Atṭhamepi esova pātho.

Pañcamavaggavaṇṇanā niṭṭhitā.

6. Chaṭṭhavaggavaṇṇanā

Dasame “**samuṭṭhānādīni kathinasadisāni, idaṃ pana kiriyākiriya**”nti pātho.

Chaṭṭhavaggavaṇṇanā niṭṭhitā.

8. Atṭhamavaggavaṇṇanā

Paṭhamadutiyaṭṭiyesu “**gihigatā**”ti vā “**kumārībhūtā**”ti vā **na vattabbā**. Vadanti ce, kammaṃ kuppatti.

Ekādasame **chandaṃ avissajjetvā**ti “yathāsukha”nti avatvā. Ettha pana ayam vinicchayo – “pārivāsikachandadānenā”ti idaṃ uddharitvā “vuttāṭṭiyā parisāyā”ti (pāci. 1168) padabhājanam vuttam. Etassa pana **samantapāsādikāyaṃ** “vuttāṭṭiyā parisāyāti chandaṃ avissajjetvā kāyena vā vācāya vā chandavissajjanamattena vā vuttāṭṭiyā”ti (pāci. atṭha. 1167) vuttam. Idha chandassa pana avissaṭṭhattā kammaṃ kātum vaṭṭatīti vuttam. Tasmā chandaṃ avissajjetvā dvādasahatthapāse viharitvā puna sannipātakaraṇaṇca vaṭṭatīti likhitam.

Atṭhamavaggavaṇṇanā niṭṭhitā.

9. Navamavaggavaṇṇanā

Tatiye “**sesam vuttanayena veditabbaṃ, idaṃ pana akusalacitta**”nti pātho.

Catutthe **vuttanayenā**ti tatiye vuttanayena.

Ekādasame “**samuṭṭhānādīni kathinasadisāni, idaṃ pana kiriyākiriya**”nti pātho.

Dvādasame “**samuṭṭhānādīni padasodhammasadisāni, idaṃ pana kiriyākiriya**”nti pātho.

Terasame “saṃkaccikaṃ nāma adhakkhakaṃ ubbhanābhi, tassā paticchādanatthāyā”ti (pāci. 1226) pāliyaṃ vuttatā idhāpi “**adhakkhakaubbanābhisaṅkhātassa sarīrassa paṭicchadanattha**”nti pātho. Aparikkhepe āpattiparicchedaṃ samantapāsādikavasena aggahetvā idha vuttanayena gahetabbanti likhitaṃ.

Navamavaggavaṇṇanā niṭṭhitā.

Suddhapācittiyavaṇṇanā niṭṭhitā.

Samuṭṭhānavinichchayaṇṇanā

Samuṭṭhānaṃ vinichchaye pana giraggasamajjādīni “acittakāni lokavajjāni”ti vuttatā “nacca”nti vā “gandha”nti vā ajānitvāpi dassanena, vilimpanena vā āpajjanato vatthujānanacittena **acittakāni**. “Nacca”nti vā “gandha”nti vā jānitvā passantiyā, vilimpantiyā vā akusalatā eva **lokavajjāni**. Corivuṭṭhāpanādīni “**cori**”tiādīnā vatthum jānitvā karaṇeyeva āpajjanatā **sacittakāni**. Upasampadādīnaṃ ekantākusalacitteneva akattabbatā **paññattivajjāni**. “Idha sacittakācittakatā paññattijānanājananatāya aggahetvā vatthujānanājananatāya gahetabba”nti likhitaṃ. Adhippetatā saṅkhepato dassanābhāvā –

Acittakattaṃ dvidhā matāṃ, vatthupaṇṇattiaññānā;
Vuttaṃ ṇānaṃ dvidhā idha, sakanāmena aññātaṃ.

Paranāmañca jānanāṃ, vatthussekāṃ balakkāre;
Ekadhā samacārike, tasmīṃ tappaṭibandhoti.

Paranāmena jānanāṃ, dvidhā muttādike ekāṃ;
Ekāṃ lomādike matanti, ayaṃ bhedo veditabbo.

Sesamettha uttānaṃ, anuttānatthe vuttavinichchayattā na uddhaṭanti;
Samuṭṭhānavinichchayaṇṇanā niṭṭhitā.

Bhikkhunīpātimokkhavaṇṇanā niṭṭhitā.

Kaṅkhāvitarāṇīpurāṇaṭṭikā niṭṭhitā.

Namo tassa bhagavato arahato sammāsambuddhassa

Kaṅkhāvitarāṇī-abhinavaṭṭikā

Ganthārambhakathā

Tīlokatilakaṃ buddhaṃ, vande suddhaguṇākaraṃ;
Karuṇāsītālībhūta-hodayaṃ mahitodayaṃ.

Tenāpi dhammarājena, lokekācariyena yo;
Pūjito tañca saddhammaṃ, vande gambhīramuttamaṃ.

Munindacandasaddhamma-ramsīhi vimalehi yo;
Bodhitoḥaṃ sadā vande, taṃ saṅghaṃ kumudākaraṃ.

Vinaye nayagambhīre, sabbathā pāradasinā;
Vādinā duttarāgādha-sabbasatthamahaṇṇave.

Yā katā **buddhaghosena**, therena thiracetasā;
Kaṅkhāvitarāṇī nāma, mātikatthakathā subhā.

Thirānekaguṇoghena, therena vinayaññunā;
Kalyānācārayuttana, dhīmatā munisūnūnā;
Vinayaṭṭhitikāmena, **sumedhenā**bhīyācīto.

Tamaḥaṃ vaṇṇayissāmi, suvisuddhamaṇākulaṃ;
Sādhavo taṃ nisāmetha, sakkaccaṃ mama bhāsato.

Ganthārambhakathāvaṇṇanā

Sabbakusaladharmappamukhassa vipulojāraguṇavisesāvahassa paramagambhīrassa pātimokkhassa atthasaṃvaṇṇanaṃ kattukāmoymācariyo paṭhamaṃ tāva “**buddhaṃ dhamma**”ntiādīnā ratanattayappaṇāmakaraṇena attano cittasantānaṃ punāti. Visuddhacittasantānanissayā hi paññā tikkhavisadabhāvappattiyā yathādhīppetasamvaṇṇanāya pariyośānagamanaśamatthā hoṭīti. Apica ratanattayappaṇāmena vidhutasabbakibbise cittasantāne bhavantarūpacitāni antarāyikakammāni paṭṭhāyevakallato yathādhīppetāya atthasaṃvaṇṇanāya nālamantarāyakaṇāyātipi ācariyassa ratanattayavandanā.

Tattha **buddhasaddassa** tāva “bujjhitaṃ saccānīti buddho, bodhetā pajjāyati buddho”tiādīnā (mahāni. 192; cūlani. pārāyanatthutīgāthānidhesa 97; paṭi. ma. 1.162) niddesanaṃ attho veditabbo. Atha vā savāsānāya aññānaniddhāya accantavigamato, buddhiyā vā vikaśitabhāvato buddhavāti **buddho** jāgarānavikasanatthavasena. Atha vā kassaci pi ṇeyyadharmassa anavabuddhassa abhāvena, ṇeyyavisesassa ca kammabhāvena aggahaṇato kammavacanicchāya abhāvena avagamanatthavaseneva kattuniddeso labbhatīti buddhavāti **buddho** yathā “dikkhito na dadātī”ti. Atthato pana pārāmitāparibhāvitena sayambhuññāna sahasānāya vīgataviddhastaniravasesupakkilesa mahākaruṇāsabbāññūtaññādiaparimeyyagunaṅgādhārova khandhasantāno buddho. Yathāha –

“Buddhoti yo so bhagavā sayambhū anācariyako pubbe ananussutesu dhammesu sāmaṃ saccāni abhisambujjhi, tattha ca sabbaññutaṃ patto, balesu ca vasībhāva”nti (mahāni. 192; cūlani. pārāyanatthutīgāthānidhesa 97; paṭi. ma. 1.161),

Taṃ buddhaṃ.

Dhāretīti **dharmo**. Ayañhi yathānusiṭṭhaṃ paṭipajjamāne apāyadukkhe, saṃsāradukkhe ca apatamāne dhāretīti, tannibbattakilesavidhamaṇācettā dhāraṇaṃ.

Evañca katvā ariyamaggo, tassa tadatthasiddhihetutāya nibbānañcāti ubhayameva nippariyāyato dhāreti. Ariyaphalañca pana tamsamucchinnakilesapatippassambhanena tadanukūlatāya, pariyyatidhammo ca tadadhigamahetutāyāti ubhayampi pariyyāyato dhāretīti veditabbam, taṃ dhammam. Ca-saddo samuccayatto. Tena yathāvuttam buddham, imañca dhammam vanditvāti buddharatanena saha vandanakiriyyāya dhammaratanam samuccinoti.

Na kevalam idaṃ dvayamevāti āha “**saṅghaṅcā**”ti. Ariyena dīṭṭhisīlasāmaññena samhato ghaṭitoti **saṅgho**, aṭṭhaariyapuggalasamūho. Tehi tehi vā maggaphalehi kilesadarathānam samucchadepatippassambhanavasena sammadeva ghaṭitattā **saṅgho**, pothujjanikasāṅghassaṃpi pubbhāgappaṭipadāya thitattā purimacetanāya viya dāne ettheva saṅgho daṭṭhabbo. Sopi hi kiñcāpi ariyena dīṭṭhisīlasāmaññena asamhato, niyyānikapakkihiyena pana pothujjanikena samhatattā dakkhiṇeyyapanipātāroho **saṅgho**evāti, taṃ saṅgham. Ca-saddassatto ethāpi vuttanayeneva veditabbo.

Kimviṣiṭṭham buddham, dhammam, saṅghaṅcāti āha “**vandanāmānapūjāsakkārahājāna**”nti. Idañca visesanam paccekam yojetabbam “vandanāmānapūjāsakkārahājānam. Buddham... pe... vandanāmānapūjāsakkārahājānam saṅghaṅcā”ti. Tattha sadevakena lokena arahatādīhi gūnehi seṭṭhabhāvena kariyamāno paṇāmo **vandanā**, sammāno **māno**, gandhapuppādīhi upahāro **pūjā**, abhisankhatapaccayadānam **sakkāro**, vandanā ca māno ca pūjā ca sakkāro ca **vandanāmānapūjāsakkārā**, tesam mahapphalabhāvakarāna bhājanattā ādhāratā **vandanāmānapūjāsakkārahājānam**. Iminā ratanattayassa arahatādīhi gūnehi asamabhāvam dasseti. Tandassanampi takkatassa nipaccakārassa sasantānapavanādivasena yathādhippetāya atthasamvaṇṇanāya nipphādanasamathabhāvadīpanatthanti veditabbam.

Vippasannena cetasā vanditvāti arahatādiānekappakāraguṇavisesānussaranavasena vividhena, visesena vā pasannena manasā saddhim kāyavācāhi karanabhūṭāhi abhivandiyāti attho, tīhi dvārehi namassitvāti vuttam hoti. Tividhā cāyam vandanā kāyavācīmanovandanānam vasena. Tattha buddhādiḡuṇarammaṇā kāmāvacarakusalakiriyaṇam aññataracetanā kāyavācīviññattīyo samuṭṭhāpetvā kāyavācīvārasena uppannā **kāyavācīvandanā**ti vuccati, ubhayaviññattīyo pana asamuṭṭhāpetvā manodvārasena uppannā **manovandanā**ti. Imassa padassa “vaṇṇanam vaṇṇayissāmi”ti iminā sambandho.

Evam ratanattayassa paṇāmam dassetvā idāni attano nissayabhūṭānam aṭṭhakathācariyānañca paṇāmam dassento “**theravaṃsappadīpāna**”ntiādimāha. Tattha katañjali pubbcariyasīhānam namo katvāti sambandho. Kato añjali karapuṭo etenāti **katañjali**. Chandānurakkhanatthāhettha dīgho, katañjali hutvāti vuttam hoti. **Pubbcariyā** porāṇaṭṭhakathākārā tambapanniyā mahātherā, te eva parissayasahanato, paṭipakkhabhūṭakilesahananato, paravādimigehi apadhamsariyato ca sīhasadisattā **sīhāti pubbcariyasīhā**, tesam pubbcariyasīhānam. Kīdisā te pubbcariyasīhā, yesam tayā namo kariyattī āha “**theravaṃsappadīpāna**”ntiādi. Tattha **theravaṃsappadīpāna**nti thirehi silakkhandhādīhi samannāgatāti **therā**, mahākassapādayo, tesam anyo anvayoti **theravaṃso**. Etena bhinnaladdhikānam sattarasabhedānam mahāsaṅghikādinam vaṃsam paṭikkhipati, theravaṃsapariyāpannā hutvā pana āgamādhigamasampannattā paññāpajjotena tassa theravaṃsassa dīpanato **theravaṃsappadīpā**, pubbcariyasīhā, tesam theravaṃsappadīpānam. Asaṃhīratā **thirānam**. **Vinayakkameti** ārambhānurūpavacanametam, te pana suttābhīdhammesupi thirā eva.

Evam aṭṭhakathācariyānam paṇāmam dassetvā idāni samvaṇṇetabbadhammavisesassa abhidhānānisamsam, desakasampattiyo ca dassento “**pāmoḅkha**”ntiādimāha. Tattha mahesinā yam pātimokkham pakāsanti sambandho. Tattha **mahesinā** mahante sīlādike pañca dhammakhandhe eṣi gavesīti **mahesi**. Mahantehi esitoti vā puthujjanasekhāsekhaṣiṭhi viṣiṭṭhattā mahanto isitī vā **mahesi**, sammāsambuddho, tena mahesinā. **Pātimokkham**ti sattāpatikkhandhasamvārabhūtam sikkhāpadasīlam, taddīpanato ubhatovibhaṅgasuttasankhātānam ganthapātimokkhameva vā. Kimbhūṭanti āha “**pāmoḅkha**”ntiādi. Pamukhe sādhiṭi pamokkham, pamokkhaveva **pāmoḅkham**, vajjapaṭipakkhattā anavajjānam samādhīpaññāsankhātānam parittamahagatālokuttarānam kusalanānam dhammānam ādi paṭiṭṭhābhūṭanti attho. “Sīle paṭiṭṭhāya naro sapañño, cittaṃ paññāna bhāvaya”nti (sam. ni. 1.23, 192; peṭako. 22; mi. pa. 2.1.9) hi vuttam. Mukhamivāti **mukham**, dvāram. Yathā hi sattānam khajjabhojjaleyyapeyyavasena catubbidhopi āhāro mukhena pavisitvā āngapaccāṅgāni pharati, evam yoginopi cātubhūmakakusalam sīlamukhena pavisitvā atthasiddhim sampādeti. Tena vuttam “mukhamivāti mukha”nti. Atha vā **mukham** dvāram **mokkhapavesāya** nibbānasacchikiriyyāti attho. Vuttañhi –

“Avipparisāratthāni kho, ānanda, kusalanā sīlāni”ti (a. ni. 11.1).

Tathā –

“Avipparisāro pāmojjatthāya, pāmojjam pīratthāya, pīti passaddhatthāya, passaddhi sukhatthāya, sukham samādhattāya, samādhī yathābhūṭānānadassanattāya, yathābhūṭānānadassanam nibbidatthāya, nibbidā virāgatthāya, virāgo vimuttatthāya, vimutti vimuttiānadassanattāya, vimuttiānadassanam anupādāparinibbānatthāya”ti (pari. 366) ca.

Evam samvaṇṇetabbadhammassa abhidhānādim dassetvā idāni samvaṇṇanāya nimittam dassetum “**sūratenā**”tiādinā catutthagāthamāha. Tattha **sūratenā**ti sobhane ratoti sūrato u-kārassa dīgham katvā, tena sūratena, sobhane kāyikavācasikakamme ratenāti attho, vinītenāti vuttam hoti. **Nivātenāti** nīcavuttinā. **Sucisallekhavuttināti** sucibhūṭā kilesasallikhanasamatthā vutti paṭipatti etassāti sucisallekhavutti, tena sucisallekhavuttinā, parisuddhāya appicchavuttiyā samannāgatenāti attho. **Vinayācārayuttanāti** vārittacārittasīlasampannena. Atha vā **vinayoti** cetha pātimokkhasamvāradībhedo samvaravinayo. **Ācāroti** ācāragocaraniddese āgatasamaṇasārūppācāro. **Soṇattherenāti** etha **soṇoti** tassa nāmam. Thirehi sīlakkhandhādīhi samannāgatattā **thero**. **Yācitoti** abhiyācīto. Thero hi pātimokkhasa gambhīratāya duravagāhataṃ, ācariyassa ca taṃsamvaṇṇanāya sāmattiyaṃ ṇātvā “pātimokkhasa tayā atthasamvaṇṇanā kātabbā. Evañhi sāsanaṃ suciraṭṭhitikatā hoti”ti sānisamsāgaravena yācanam akāsi. Tadassa yācanam attano samvaṇṇanāya nidānabhūṭam dassento “**yācīto**”ti āha.

Ettha ca “sūratenā”ti imināsa soraccam vuccati. “Nivātenā”ti iminā nīcamanatī nivātavuttitī, yāya nivātavuttitīya samannāgato puggalo nihitamāno, nihitadappo, pādapuñchanaccolakassamo, bhinnavisānūbhāssamo, uddhaṭṭāthasappasamo ca hutvā saṅho sakhilo sukhasambhāso hoti. “Sucisallekhavuttinā”ti iminā indriyasamvarapaccayasannissitājīvapārisuddhisīlam. “Vinayācārayuttanā”ti iminā pātimokkhasamvarasīlam vuttanti veditabbam. Evamanekagūnehi tassa abhithavanam yathāvuttagūnasamannāgatassa sabbrahmacāriyo ajjhesanam na sakkā paṭiṭṭhāritanti paramagambhīrassāpi pātimokkhasa atthasamvaṇṇanāyam pavattāti dassanattam. Kiñca – tādissassa ajjhesanam nissāya kariyamānā atthasamvaṇṇanā tassa ajjhesanādhīpaccena, mamañca ussāhasampattiya vā na cirena pariyoṣanā gacchati katanti veditabbam.

Evam samvaṇṇanāya nimittam dassetvā idāni tassavane sotujanassādamam janetum tappayojanākarāṇapakāranissayābhīdhanādim dassento “**tatthā**”tiādigāthādvayamāha. Tattha **tatthāti** “yam mahesinā pātimokkham pakāsita”nti vuttam, tasmim pātimokkhe. **Sañjātakānkhāna**nti padapadattavānicchayavasena sañjātakānkhānam, samuppannasamsayānti attho. **Kānkhāvitaraṇatthāyāti** yathāvuttasamsayassa atikkamanatthāya. **Tassāti** pātimokkhasa. Vaṇṇiyati attho kathiyati etāyāti **vaṇṇanā**, aṭṭhakathā, taṃ vaṇṇanam. Imassa ca “vaṇṇayissāmi”ti iminā sambandho. Kimbhūṭanti āha “**paripuṇṇavinicchaya**”ntiādi. **Paripuṇṇavinicchayanti** khandhakaparivārapadabhājanādivasena asādhāranavinicchayassa ca nidānādivasena sattarasappabhedassa ca sabbasikkhāpadasādhāranavinicchayassa pakāsanaṃ sampuṇṇavinicchayam.

Mahāvihāravāsīnanti mahāmeghavanuyānabhūmibhāge paṭiṭṭhito vihāro **mahāvihāro**, yo satthuno mahābodhinā vibhūṣito, tattha vasanti sīlenāti **mahāvihāravāsīno**, tesam mahāvihāravāsīnam. **Vācanāmagganissanti** kathāmagganissitam, aṭṭhakathānissitanti attho, mahāvihāravāsīnam sīlaṭṭhakathānam idha nissāyāti vuttam hoti. **Vaṇṇayissāmi**ti pavattayissāmi. **Nāmenāti** attano guṇanāmena. Kānkhāvitaranti etāyāti **kānkhāvitarāṇi**, taṃ kānkhāvitarāṇi. **Subhanti** atthayaññanasampannattā sundaram, saddalakkhaṇasubhato, vinicchayasubhato, viññeyyasubhato ca subham parissuddham. Ettha ca “kānkhāvitarāṇatthāyā”ti iminā pāyojanam dasseti, puripuṇṇavinicchaya”nti iminā samvaṇṇanāppakāram, “mahāvihāravāsīnam vācanāmagganissitā”nti iminā samvaṇṇanāya nissayavisuddhim nikāyantaraladdhisānkharadosavivajjanato, “vaṇṇayissāmi”ti iminā attano ajjhasāyam dassetīti daṭṭhabbam. “**Vattayissāmi**”tipi pātho.

Ganthārambhakathāvaṇṇanā niṭṭhitā.

Nidānavaṇṇanā

Evam ratanattayapaṇāmadisāhitam saññādikam dassetvā idāni “pātimokkhasa vaṇṇanam vaṇṇayissāmi”ti vuttattā pātimokkham tāva vacanattato, sarūpabhedato, ganthabhedato, uddesavibhāgato, uddesaparicchedato ca vavattāpetvā taduddesakkamenāyam vaṇṇanā bhavissatīti dassetum “**tatthā pātimokkha**”ntiādi āradham.

Tattha **tatthāti** tasmim gāthāpade. **Paatimokkham**ti pakāro ativiya sīlesu mukhabhūṭam. **Atipamokkham**ti taveva paḍam upasaggabyattayena vadati. Atha vā **pa ati mokkham**ti padacchedo, tassa upasaggabyattayenattamāha “**atipamokkha**”nti. Evam pabhedato padavaṇṇanam katvā saddatthato vadati “**atiseṭṭham atuttamanti attho**”ti. Ettha ca sīlapātimokkham sabbagūṇānam mūlabhāvato seṭṭham, ganthapātimokkham pana seṭṭhagūṇasahacaranato seṭṭhanti veditabbam. **Uttamanti** ethāpi eseva nayo. **Itti** evam. Iminā yathāvuttavacanattam nidasseti. Nidassanatto hi ayaṃ **iti**-saddo “sabbamatthīti kho, kaccāna, ayameko anto, sabbam natthīti kho, kaccāna, ayaṃ

dutiyo anto” tiādīsu (sam. ni. 2.15; 3.90) viya. **Imināti** āsanappaccakkhāvacaṇam itī-saddena anantaranidassitassa, paṭiggāhakehi ca sotaviññānāvīṭhiyā paṭipannassa vacanattassa vacanato. Atha vā **imināti** āsanappaccakkhābhāvakarāṇavacaṇam yathāvuttassa vacanattassa abhimukhīkarāṇato. **Vacanattathēni** “atiseṭṭha”nti saddatthēna. **Ekavidhampi** ekakoṭṭhāsampi. **Sīlaganthabhedato duvidham hotīti** puna sīlaganthasāṅkhātena pabhēdena duvidham hoti, sīlapātimokkham, ganthapātimokkhañcāti duvidham hotīti attho.

Idāni tadubhayaṣāpi sutte āgatabhāvaṃ dassetum “**tathā hi**”tiādi vuttam. Tattha pāti rakkhatīti **pāti**, tam mokkheti moceti āpāyikādīhi dukkhehīti **pātimokkham**, samvraṇam **saṃvaro**, kāyavācāhi avūṭṭikamo, pātimokkhamēva saṃvaro **pātimokkhasaṃvaro**, pātimokkhasaṃvarena saṃvuto sammānāgato **pātimokkhasaṃvarasaṃvuto**. **Viharatīti** vattati.

Ādimetanti etam sikkhāpadasīlam pubbupattiatthēna ādi. Vuttampi cetam –

“Tasmātiha tvam, uttiya, ādīmeva visodhehi kusalesu dhammesu. Ko cādi kusalānam dhammānam? Sīlañca suvisuddham, diṭṭhi ca ujukā”ti (sam. ni. 5.382).

Yathā hi nagaravaddhakī nagaram māpetukāmo pathamam nagaraṭṭhānam soḍheti, tato aparabhāge vīthicatukkasiṅghāṭakādīparicchedena vibhajitvā nagaram māpeti, yathā vā pana rajako paṭhamam tārīhi khārehi vattham dhovitvā parisuddhe vatthe yadicchakam raṅgajātam upaneti, yathā vā pana cheko cittakāro rūpam likhitukāmo āditova bhittiparikammam karoti, tato aparabhāge rūpam samuṭṭhāpeti, evameva yogāvacaṇo āditova sīlam visodhetvā aparabhāge samathavipassanādayo dhamme sacchikaroti. Tasmā sīlam “**ādi**”ti vuttam. “**Mukhameta**”ntiādiṇi vuttatthāveva. **Ādisaddena** “pātimokkhe ca saṃvaro”tiādiṇi pāli (dī. ni. 2.90; dha. pa. 185) saṅganhāti.

Sīlanti cārittavārittasena duvidham vinayaṭṭakapariyāpannam sikkhāpadasīlam, dhammato pana sīlam nāma pānātipātādīhi vā viramantassa, vattapaṭipattim vā pūrentassa cetanādayo dhammā veditabbā. Vuttañhetam **paṭisambhīdayam** “kim sīlanti cetanā sīlam cetasiṅgam sīlam saṃvaro sīlam avīṭṭikamo sīla”nti (paṭi. ma. 1.39) “**ubhayāni kho panassa pātimokkhāni**”ti bhikkhubhikkhunīpātimokkhasena ubhayāni pātimokkhāni, dve mātīkāti attho. **Assāti** bhikkhunovādakassa. **Vitthārenāti** ubhatovibhaṅgena saddhim. **Svāgatāni** suṭṭhu āgatāni. **Ādisaddena** “pātimokkham uddiseyyā”tiādiṇi pāli (mahāva. 134) saṅganhāti. **Tatthāti** tesu sīlaganthapātimokkhesu. **Yoti** aniyamaniddeso, yo koci puggalo. **Nanti** vinayaṭṭakapariyāpannam. **Rakkhatīti** samādiyitvā avikopento pāleti. **Tam** “pāti”ti laddhanānam pātimokkhasīlaṃ ṭhitam. **Mocetīti** sahakārikāraṇabhāvato mokkheti. **Āpāye jātam āpāyikam**, dukkham, tam ādi yesam tāni **āpāyikādīni**. **Ādisaddena** tadanānam sabbam samsāradukkham saṅganhāti. **Attānuvādādīhi** attānam anuvādo **attānuvādo**, so ādi yesam tāni **attānuvādādīni**, tehi attānuvādādīhi. **Ādisaddena** parānuvādadaṇḍaduggatibhayāni saṅganhāti. **Tassa pātimokkhasa jotakattāti** tassa sīlapātimokkhasa dīpanattā. **Ādimhi pana vutto vacanattoti** “atiseṭṭha”ntiādiṇi ādimhi vutto vacanattoti. **Ubhinnaṃpi sādharāṇo hoti** sīlapātimokkham sabbaṅgānam mūlabhāvato seṭṭham, ganthapātimokkham seṭṭhagunasahacārāṇato seṭṭhanti.

Tatthāti tesu sīlapātimokkhanthapātimokkhesu. “**Ayam vaṇṇanā**”ti vakkhamānavāṇṇanamāha. Ganthapātimokkhasa tāva yujjatu, katham sīlapātimokkhasa yujjattī āha “**ganthe hi**”tiādi. **Hīti** kāraṇatthe nipāto. **Tassāti** ganthassa. **Atthoti** sīlam. **Vaṇṇitova hotīti** ganthavaṇṇanamūkhena atthasseva vaṇṇanato. Idam vuttam hoti – yasmā ganthe vaṇṇite tadavinābhāvato tassattho vaṇṇito hoti, tasmā sīlapātimokkhasapi yujjattī.

Evam sarūpabhedato vavathapetvā idāni ganthabhedato vavathapetum “**tam paneta**”ntiādimāha. **Tatthāti** tesu bhikkhupātimokkhabhikkhunīpātimokkhesu dvīsu. Uddesā paricchijanti yehi vakkhamānavacaṇappabandhehi, te **uddesaparicchedā**, tehi. **Vavathitanti** asankarato ṭhitam.

Evam ganthabhedato vavathapetvā idāni uddesavibhāgato vavathapetum “**tatthā**”tiādimāha. Uddisiyāti sarūpena kathiyati ettha, etenāti vā **uddeso**, nidānassa uddesoti **nidānuddeso**. Evam sesesupi. Vitthārova uddeso **vitthāruddeso**.

Idāni nidānuddesādīnam paricchedadassanattam “**tattha nidānuddeso**”tiādi āradḍham. Tattha **tatthāti** tesu pañcasu uddesesu. Nidānuddeso uddiṭṭho hotīti sambandho. Yam panetha nidānuddesaparicchedam dassentena “suṇātu me, bhante, saṅgho... pe... āvikatā hissa pḥāsu hotī”ti idhāganānāpāliṃ dassetvā tadanantaram uddesakāle vattabassāpi “uddiṭṭham kho āyasmanto nidāna”nti imassa pāthassa yojanam akatvā “tathāyasmante pucchām”tiādiṇā anusāvanādikameva yojetvā dassitam, tam pana aparipunnānāpāliḍassanapubbakanidānuddesaparicchedadassanattam, khuddakapeyyālavasena vā pakatattā tassa ayojanam katanti veditabbam, uddesakāle pana yojetvā vattabham. Vakkhati hi “tam panetam pārājikādīnam avasāne dīssati, na nidānavasāne. Kiñcāpi na dīssati, atha kho uddesakāle ‘āvikatā hissa pḥāsu hotī’ti vatvā ‘uddiṭṭham kho āyasmanto nidānam, tathāyasmante pucchām’tiādiṇā nayena vattabamevā”tiādi. **Avasese sutena sāvetīti** avasiṭṭham pārājikuddesādicattukam “sutā kho paṇāyasmantehi cattāro pārājikā dhammā... pe... avivadamānehi sikkhitabba”nti evam sutavasena sāvite.

Eteneva nayena sesā tayo pātimokkhuddesaparicchedā veditabbāti dassetum “**pārājikuddesādīna**”ntiādimāha. Pārājikuddesādīnam paricchedā yojetabbāti sambandho. **Nidānassa ādito paṭṭhāya pārājikādīni osāpetvāti** nidānam, pārājikañca, tadubhayaṃ saṅghādisesañca, tamtikam aniyatācāti evam yathākkamam uddisitivā pārājikādīni pariyoṣāpetvā. **Yojetabbāti** “avasese sutena sāvite uddiṭṭho hoti pārājikuddeso”tiādiṇā yojetabbā. **Avasesam sutena sāvetabbanti vacanatotī** uposathakkhandhake –

“Pañcīme, bhikkhave, pātimokkhuddesā nidānam uddisitivā avasesam sutena sāvetabbam, ayam paṭhamo pātimokkhuddeso. Nidānam uddisitivā cattāri pārājikāni uddisitivā avasesam sutena sāvetabbam, ayam dutiyo pātimokkhuddeso”tiādiṇi (mahāva. 150) –

Evam vuttattā. **Yasmim vippakateti** yasmim uddese apariyosite. **Antarāyo uppajjattī** dasasu antarāyesu yo koci antarāyo uppajjati. Dasa antarāyā nāma – rājanārāyo, coranārāyo, ayyanārāyo, udakanārāyo, manussanārāyo, amanussanārāyo, vālanārāyo, sarīsapanārāyo, jīvitanārāyo, brahmacariyanārāyoti. Tattha sace bhikkhūsu “**uposatham karissāmā**”ti (mahāva. aṭṭha. 150) nisīnesu rājā āgacchati, ayam **rājanārāyo**. Corā āgacchanti, ayam **coranārāyo**. Davadāho vā āgacchati, āvase vā aggi uṭṭhahati, ayam **ayyanārāyo**. Megho vā uṭṭhahati, ogho vā āgacchati, ayam **udakanārāyo**. Bahū manussā āgacchanti, ayam **manussanārāyo**. Bhikkhum yakkho gaṇhāti, ayam **amanussanārāyo**. Byagghādayo caṇḍamigā āgacchanti, ayam **vālanārāyo**. Bhikkhum sappādayo ḍamsanti, ayam **sarīsapanārāyo**. Bhikkhu gilāno vā hoti, kālam vā karoti, verino vā tam māretukāmā gaṇhanti, ayam **jīvitanārāyo**. Manussā **ekam** vā bahū vā bhikkhū brahmacariyā cāvetukāmā gaṇhanti, ayam **brahmacariyanārāyo**. Iti yam vuttam “antarāyo uppajjattī dasasu antarāyesu yo koci antarāyo uppajjati”ti, tassattho pakāsito hotīti.

Tena saddhīti vippakatuddesena saddhim. **Avasesam sutena sāvetabbam** uddiṭṭhauddesāpekkhattā avasesavacaṇassa. Yathāha “nidānam uddisitivā”tiādi (mahāva. 150). Tenāha “**nidānuddese panā**”tiādi. **Sutena sāvetabbam nāma natthi** uposathassa antarāyova hotīti adhippāyo. **Aniyatuddeso parihāyattī** bhikkhunīnam niyatasikkhāpadaṇṇatīyā bhāvato. Tadabhāvo ca “idameva lakkhaṇam tatthāpi anugata”nti katvāti veditabbam. **Sesanti** avasesuddesaparicchedadassanam. Etesam dvīnam pātimokkhānanti sambandho. **Tāvāti** pathamam. **Idanti** idāni vattabbam buddhiyam viparivattamānam sāmāñhena dasseti, idam akkharapadaniyamitaganthitam vacanam **vuccati** kathiyattīti attho. Kim tanti āha, “**suṇātu metiādīna**”ntiādi.

Tattha **suṇātu metiādīnanti** “suṇātu me, bhante, saṅgho aṅguposatho”tiādiṇam bhikkhupātimokkhe āgāṇam suttapadānam. **Atthanicchayanti** abhidheyatthassa ceva adhippāyathassa ca nicchayanam, vavathāpananti attho. Imāya hi aṭṭhakathāya tesam abhidheyattho ceva adhippāyatho ca anekadhā vavathāpiyati. Atha vā nicchinnoti **nicchayo**. Gaṇṭhiṭṭhānesu khīlamaddanākāreṇa pavattā vimaticchedakathā, attho ca nicchayo ca **atthanicchayo**, tam atthanicchayam, mayā vuccamānam atthañca nicchayañcāti vuttam hoti. **Sīlasampannāti** samantato pannaṃ pattam puṇṇanti **sampannaṃ**, sīlam sampannametesanti **sīlasampannā**, paripuṇṇasīlāti attho. Atha vā sammadeva pannaṃ gatā upāgatīti **sampannā**, sīlena sampannā **sīlasampannā**, pātimokkhasaṃvarena upetāti attho. Adhisīlaadhicittādhīpañāsāṅkhāṭā tissopi sikkhitabbaṭṭhena **sikkhā**, tam kāmenīti **sikkhākāmā**. **Suṇantu meti** te sabbepi bhikkhavo mama santikā nisāmentu. Iminā attano saṃvaṇṇanāya sakkaccam savane niyojēti. Sakkaccasavanapaṭibaddhā hi sabbāpi sāsanasampattīti. Ettha ca sīlasampannānam sikkhākāmānyeva bhikkhūnam gahaṇam tadanānesam imissā saṃvaṇṇanāya abhājanabhāvato. Na hi te vinayam sotabbam, paṭipajjitabbañca maññissanti.

Ettāti etasmim gāthāpade, etesam vā gāthāya saṅgahitānam “suṇātu me”tiādiṇam padānamantare. Savane ānattivacaṇam **savanāṇattivacaṇam**. Kiñcāpi savanāṇattivacaṇam, tathāpi pātimokkhuddesakena evam vattabbanti bhagavatā vuttattā bhagavato ānatti, na uddesakassāti navakatarenāpi idam vuttam vaṭṭati saṅghagāravena, saṅghababhumānena ca sahitattā **sagāravasappattissavacaṇam**. Saṅgho hi suppaṭipannatādiguṇavisesayuttattā uttamam gāravappattissavattāṇam. Idañca sabbam kena kathā kadā vuttanti āha “**sabbameva ceta**”ntiādi. **Pātimokkhuddesam anujānantenāti** –

“Anujānāmi, bhikkhave, pātimokkham uddisittum, evaṇca pana, bhikkhave, uddisittabbam, byattena bhikkhunā paṭibalena saṅgho nāpetabbo ‘suṇātu me, bhante, saṅgho’”ti (mahāva. 133-134) –

Evamādinā anujānanta. **Rājagaheti** evamāmake nagare. Tañhi mandhātumahāgovindādhi pariggahitā “rājagaha”nti vuccati. Tam panetaṃ buddhakāle, cakkavattikāle ca nagaram hoti, sesakāle suññaṃ hoti yakkhapariggahitaṃ, tesam vasaṇṇānaṃ hutvā tīṭṭhāti. **Tasmāti** yasmā idaṃ pātīmokkhuddesakena vattabbavacanāṃ, tasmā. Kim te ubhopi pātīmokkhaṃ uddisanti, yenevaṃ vattabbanti āha “**saṅghatthero vā hi**”tiādi. **Therādhiṅkanti** therādhiṅgaṃ, therāyatam bhavitunti attho. “**Therādheyya**”nti vā pātho, soyevattho. **Tatthāti** tissam paṇḍitā. **Byattoti** paññāveyyatthena samannāgato, paguṇamātikoti attho. **Paṭibalo**ti vuttam samattho, abhīṭoti vuttam hoti. Ettha ca kiñcāpi daharassāpi byattassa pātīmokkhaṃ anuññāto, atha kho etthāyaṃ adhippāyo – sace therassa pañca vā cattāro vā tayo vā pātīmokkhuddesā nāgacchanti, dve pana akkhaṇḍā suvisadā vācuggaṭā honti, therāyatto vā pātīmokkhaṃ. Sace pana ettakampi visadaṃ kāmum na sakkoti, byattassa bhikkhuno āyattoti.

Idāni “saṅgho”ti avisesena vuttatā idhādhippetasāṅghaṃ visesetvā dassetum “**saṅghoti iminā pana padenā**”tiādimāha **kiñcāpi** anuggahatthe nipāto, tassa yadi nāmāti attho veditabbo. Dakkhanti etāya sattā yathādhippetaḥi sampattīhi vadḍhanṭī **dakkhiṇā**, paralokaṃ saddahitvā dātabbam dānam, taṃ dakkhiṇam arahati, dakkhiṇāya vā hito, yasmā nam mahapphalakāriyāya visodheṭṭī **dakkhiṇeyyo**, diṭṭhisīlasāṅghātena samhatoti **saṅgho**, dakkhiṇeyyo ca so saṅgho cāti **dakkhiṇeyyasāṅgho**. Sammutiyā catuvaggādivinayaṇṇāntiāyā siddho saṅgho **sammutisaṅgho**. **Avisesenāti** “ariyā”ti vā “puṭhujānā”ti vā avisesetvā sāmāñña. **Soti** sammutisaṅgho. **Idhāti** imissam uposathāntiāyā. **Adhippeto** uposathāntiāyā avisesatā. Nanu ca sopi pañcavidho hoti, tattha katamo idhādhippetoti anuyogaṃ sandhāyāha “**so pana**”tiādi. **Kammavasenāti** vinayakammavasena. Pañca vidhā pakārā assa sammutisaṅghasāti **pañcavidho**. Tathā hi vidhayuttatagatappakārasadde samānatthe vaṇṇayanti. Catunnaṃ vago samūhōti **catuvaggo**, catuparimāṇayutto vā vago **catuvaggo**. Evaṃ **pañcavaggādi**.

Idāni yesam kammānaṃ vasaṇṇāya pañcavidho hoti, taṃ visesetvā dassetum “**fatthā**”tiādimāha. Tattha **tatthāti** pañcavidhe saṅghe. Majjhimesu janapadesu upasampadakkammaṃ dasavaggakarāṇiyatā vuttam “**thapetvā...pe... upasampadañcā**”ti. “**Tathā**”ti iminā “na kiñci saṅghakammam kāmum na vaṭṭati”ti imamattham atidāsati. Yadi evaṃ kimattham atirekavāsivavago vuttoti āha “**so panā**”tiādi. **Atirekatārenāti** catuvaggādikarāṇiyam pañcavaggādinā atirekatārena, dasavaggakarāṇiyāna ekādasavaggādinā atirekatārena. **Dassanattanti** nāpanattham. Idameva cāna kattaḃbam kammanti “kammavasena pañcavidho”ti vuttam. Kammasāniyame kathametam yujjeyyāti idisī codanā anavakāsāti dāṭṭhabbam. **Imasmim panattheti** uposathe.

Uposathasaddo pañāyā pātīmokkhuddesālaupavāsapaññāntiādivasesu vattati. Tathā hesa “āyāmāvo kappina, uposatham gamissāmā”tiādisu (dī. ni. atṭha. 1.150; ma. ni. atṭha. 3.85) timokkhuddese āgato, “evaṃ atṭhaṅgasamannāgato kho, visāke, uposatho upavuttho”tiādisu (a. ni. 8.43) sīle, “suddhassa ve sadā phaggu, suddhassuposatho sadā”tiādisu (ma. ni. 1.79) upavāse, “uposatho nāma nāgarājā”tiādisu (dī. ni. 2.246) paññāntiāyā. “na, bhikkhave, taduposathe sabhikkhukā āvāsā”tiādisu (mahāva. 181) divase, idhāpi divaseyeva vattamāno adhippetoti āha “**ajja uposathadivaso**”tiādi. Upavasanti etthāti **uposatho**. **Upavasanti** sīlena vā sabbaso āhāressa abhūjanasankhātena anasana vā khīrapānamadhupānādimattena vā upetā hutvā vasaṇṇanti attho.

Sabbesampi vākyānaṃ eva-kāratthasahatitā “uposatho”ti etassa “uposatho evā”ti ayamattho labbhatī āha “**etena anuposathadivasam paṭikkhipati**”ti. Iminā avadhāraṇena nirākatam dasseti, atha vā saddantarathāpohanavasena saddo attham vadatīti “uposatho”ti etassa “anuposatho na hotī”ti ayamattho vuttam “**etena anuposathadivasam paṭikkhipati**”ti. “**Esa nayo pannaraso**”ti iminā **aññaṃ uposathadivasam paṭikkhipati** etthāpi. **Etenāti** “uposatho”ti etena saddena. Pañcadasannam tithiṇāṃ pūraṇavasena **pannaraso**. Pannarasoti iminā aññaṃ uposathadivasam paṭikkhipati”ti samkhittena vuttamattam vitthāro dassetum “**divasavasena hi**”tiādimāha. Catuddasiyaṃ niyutto **cātuddasiko**. Evaṃ **pannarasiko**. **Sāmaggiuposatho** nāma saṅghasāmaggikatadivase kātappauposatho. **Hemantagimhavassānānaṃ tiṇṇam uttānanti** ettha **hemanta**utū nāma aparakattikassa kālapakkhapātipadato paṭṭhāyā phaggunapunnamapariyosānā cattāro māsā. **gimhautu** nāma phaggunassa kālapakkhapātipadato paṭṭhāyā āsālhapunnamapariyosānā cattāro māsā, **vassānautu** nāma āsālhasa kālapakkhapātipadato paṭṭhāyā aparakattikapunnamapariyosānā cattāro māsā. **Tatayasattamapakkesu dve dve katvā cha cātuddasikā**ti hemantassa uttano tatiye ca sattame ca pakkhe dve cātuddasikā, evamitaresam uttānanti cha cātuddasikā. **Sesa pannarasikā**ti sesā atṭhārasa pannarasikā. Honti cettha –

“Kattikassa ca kālamhā, yāva phaggunapunnamā,
Hemantakālo”ti viññeyyo, atṭha honti uposathā.

“Phaggunassa ca kālamhā, yāva āsālhapunnamā,
Gimhakālo”ti viññeyyo, atṭha honti uposathā.

“Āsālhasa ca kālamhā, yāva kattikapunnamā,
Vassakālo”ti viññeyyo, atṭha honti uposathā.

“Uttānaṃ pana tiṇṇam, pakkhe tatiyasattame;
Cātuddaso”ti pātīmokkham, uddisanti nayaññūno”ti.

Pakatiyā nabahutarāvāsikādivasesu kātappaṃ **pakaticārittam**. Bahutarāvāsikādivasesu pana sati aññasmim cātuddasepi kāmum vaṭṭati. Tenāha “**saki**”ntiādi. **Sakinti** ekasmim vāre. **Āvāsikānaṃ anuvattitabbanti** āvāsikehi “ajjuposatho cātuddaso”ti pubbakice kariyamāne anuvattitabbam, na paṭikkosittabbam. **Ādisaddena** “āvāsikehi āgantukānaṃ anuvattitabbā”nti (mahāva. 178) vacanam, “anujānāmi, bhikkhave, tehi bhikkhūhi dve tayo uposathe cātuddasike kāmum, katham mayam tehi bhikkhūhi paṭhamatarāṃ pavāreyyāma”ti (mahāva. 240) vacanañca saṅganhāti. Ettha ca paṭhamasuttassa ekekassa uttano tatiyasattamapakkesu cātuddase vā avasesassa pannarase vā sakim pātīmokkham uddisittabanti pakaticārittavasenāpi atthasambhavato “āgantukehī”tiādinī suttāni dassitānti veditabbam. **Tathārūpapaccaye satthi** aññasmimpi cātuddasike uposatham kāmum anurūpe “āvāsikā bahutarā honti”ti evamādi paccaye sati. **Aññasmimpi cātuddaseti** tiṇṇam uttānaṃ tatiyasattamapakkesucātuddasato aññasmim cātuddase.

Na kevalam uposathadivasāya hontīti āha “**purimavassamvuttānaṃ panā**”tiādi. **Mā** iti cando vuccati tassa gatiyā divasassa minitabbato, so ettha sabbakālāpāripiyūriyā punnōti **puṇṇamā**, pubbakattikāya puṇṇamā **pubbakattikapuṇṇamā**, assayujapunnamā. Sā hi pacchimakkattikam nivattetum evaṃ vuttā. **Tesamyevevāti** purimavassamvuttānaṃyeva. **Bhaṇḍanakārakehi** kalahakārakehi. **Paccukkaḍḍhanṭī** ukkaḍḍhanti. Bhaṇḍanakārakehi anuvādasena assayujapunnamādim pariccajantā pavāraṇam kālapakkham, juṇhapakkhanti uddham kaḍḍhanṭī attho. “Sunantu me āyasmanto āvāsikā, yadāyasmantānaṃ pattakallaṃ, idāni uposatham kareyyāma, pātīmokkham uddiseyyāma, āgame kāle pavāreyyāma”ti (mahāva. 240) “sunantu me āyasmanto āvāsikā, yadāyasmantānaṃ pattakallaṃ, idāni uposatham kareyyāma, pātīmokkham uddiseyyāma, āgame juṇhe pavāreyyāma”ti ca evaṃ ṇattiyā pavāraṇam ukkaḍḍhanṭī vuttam hoti.

Athāti anantarathē nipāto. Catuddasannam pūraṇo **cātuddaso**, divaso. Yaṃ sandhāya “āgame juṇhe pavāreyyāma”ti ṇattim thapayimsu, tasmim pana āgame juṇhe komudiyā cātumāsiniyā avassam pavāretabbam. Na hi taṃ atikkamitvā pavāretum labbhati. Vuttañhetam –

“Te ce, bhikkhave, bhikkhū bhaṇḍanakārakā kalahakārakā vivādakarakā bhassakarakā saṅghe adhikaranakarakā tampi juṇham anuvaseyyum, tehi, bhikkhave, bhikkhūhi sabbeva āgame juṇhe komudiyā cātumāsiniyā akāmā pavāretabbā”nti (mahāva. 240).

Tenevāha “**pacchimavassamvuttānañca pacchimakkattikapuṇṇamā evā**”ti. Yadi hi taṃ atikkamitvā pavāreyya, dukkaṭāpattim āpajjeyya. Vuttañhetam “na ca, bhikkhave, pavāraṇāya pavāretabbam aññatra saṅghasāmaggiyā”ti (mahāva. 233). Visuddhipavāraṇāyogato **pavāraṇādivasā**. **Pisaddena** na kevalam pavāraṇādivasāyeva, atha kho uposathadivasāpi hontīti dasseti. Idāni yo so sāmaggiuposathadivaso vutto, tañca tappasāṅgena sāmaggiupavāraṇādivasāna dassento “**yadā panā**”tiādimāha. **Osārite tasmim bhikkhusimti** ukkhittake bhikkhusim osārite, taṃ gahetvā sīmaṃ gantvā āpattim desāpetvā kammavācāya kammappaṭtipassaddhivasena pavaseti vuttam hoti. **Tassa vatthussāti** tassa adhikāraṇassa. Tadā thapetvā...pe... uposathadivaso nāma hotīti sambandho. Kim kāraṇanti āha “**tāvadevā**”tiādi. Tattha **tāvadevāti** taṃ divasameva. **Vacanatoti kosambakakkhandhake** (mahāva. 475) vuttatā. Yattha pana pattacivarādinam atthāya appamattakena kāraṇena vivadantā uposatham vā pavāraṇam vā thapenti, tattha tasmim adhikāraṇe vinicchite “**samaggā jātamaḥ**”ti antarā sāmaggiuposatham kāmum na labhanti. Karontehi anuposathe uposatho kato nāma hoti. **Kattikamāsabbhantareti** ettha **kattikamāso** nāma pubbakattikamāsassa kālapakkhapātipadato paṭṭhāyā yāva aparakattikapunnamā, tāva ekūntiṃsarattidivo, tassabbhantare, tato pacchā vā pana pure vā na vaṭṭati. **Ayameva** yo koci divaseyeva. Idhāpi **kosambakakkhandhake** sāmaggiyā sadisāva sāmaggi veditabbā. Ye pana kismiñciveva appamattake pavāraṇam thapetvā samaggā honti, tehi pavāraṇāyeva pavāraṇā kātabbā, tāvadeva na kātabbā. Karontehi appavāraṇāya pavāraṇā katā hoti. **Na kātabbo**vevāti niyāmena yadi karoti, dukkaṭanti dasseti. Tattha hi uposathakarāṇe dukkaṭam. Vuttañhetam “na, bhikkhave, anuposathe uposatho kātabbo aññatra saṅghasāmaggiyā”ti (mahāva. 183).

“**Pattakālema pattakalla**”nti iminā sakatthe bhāvappaccayoti dasseti. **Nāsati** anvayato vuttameva byatirekato dalham karoti.

Anurūpāti arahā anucchavikā, sāminoti vuttam hoti. **Sabbantimēnāti** sabbahēthimena catāro, na tehi vinā tam uposathakammaṃ karīyati, na tesam chando vā parisuddhi vā eti. Avasesā pana sacepi sahasamattā honti, sace samānasamvāsakā, sabbe chandārahāva honti, chandapārisuddhim datvā āgacchantu vā, mā vā, kammaṃ na kuppāti. **Pakatattāti** anukkhitā, pārājikam anajjhāpanā ca. **Hatthapāso** nāma diyaddhahatthappamaṇo.

Sīmā ca nāmesā katamā, yattha hatthapāsam avijahitvā thītā kammappattā nāma honitūti anuyogam sandhāya sīmaṃ dassento vibhāgavantaṇam sabhāvavibhāvanam vibhāgassanamukheneva hotīti **“sīmā ca nāmesā”**tiādimāha. **Sambhīndantenāti** missikarontena. **Ajjhottharantenāti** maddantena, anto karontenāti vuttam hoti. Imā vipattisīmāyo nāmāti sambandho. Kasmā vipattisīmāyo nāmāti āha **“ekādasahī”**tiādi. **Ākārehi** kāraṇehi. **Vacanatoti** kammavagge (pari. 482 ādayo) kathitattā. Saṅghakammaṃ nāmetam vīsativaggakarāṇīyaparamanti āha **“yattha ekavīsati bhikkhū nisīditum na sakkonti”**ti. Yassam sīmāyaṃ hēthimaparicchena kammārahena saddhim ekavīsati bhikkhū parimaṇḍalākāreṇa nisīditum na sakkonti, ayaṃ **atikhuddakā nāmāti** attho. Evarūpā ca sīmā sammatāpi asammattā, gāmakhettasadisāva hoti, tattha katamā kammaṃ kuppāti. Esa nayo sesasīmāsūpi.

Sammatāti baddhā, vācītakammavācīti attho. Kammavācāya vācanameva hi bandhanam nāma. Nimittam na upagacchatīti **animittipago**, tam animittipagam, animittārahanti vuttam hoti. **Tacasārurukko** nāma tālanālikērādīkā. **Pamsupuñjavālūkūpuñjānanti** pamsurāsivālūkārāsīnam majjhe. Niddhāre cetam sāmivacanam. Potthakesu pana katthaci **“pamsupuñjam vā vālūkūpuñjam vā aññātara”**nti pātho dissati, so pana apātho. Na hi so **“aññātara”**nti iminā yujjati. **Antarāti** nimittipaganimittanāntarā. Ettha ca vā tīhi nimittehi bajjhamaṇā animittipagesu tacaārurukkhādīsu aññātaram antarā ekam nimittam katvā sammatā, sā **khaṇḍanimitā** nāma hoti. Yā pana catupañcanimittdāhi bajjhamaṇā imesu tacaārurukkhādīsu aññātaram antarā ekam nimittam katvā sammatā, sā **khaṇḍanimitā** nāma na hotīti viññāyati nimittipagānam nimittanam tinṇam sabbhāvato. Aṭṭhakathāsu pana avisesena vuttam, tasmā upaparikkhitvā gahetabbam. **Sabbena sabbanti** sabbappakāreṇa. **Nimittanam bahi thitena sammatāti** tesam bahi thitena vācītakammavācā. Nimittāni pana anto ca bahi ca thātvā kittetum vaṭṭanti.

Evam sammatāpīti nimittāni kittetvā kammavācāya sammatāpi. Imassa **“asammattāva hoti”**ti iminā sambandho. **Sabbā, bhikkhave, nadī asīmāti** yā kāci nadīlakkaṇappattā nadī nimittāni kittetvā **“etaṃ baddhasīmaṃ karomā”**ti katāpi asīmā, baddhasīmā na hotīti attho. Attano sabhāvena pana sā baddhasīmāsadisā. Sabbattha saṅghakammaṃ kātum vaṭṭati. **Samuddajātsaresūpi** ese va nayo. **“Samsaṭṭhaviṭṭā”**ti iminā aññamaññassa āsannatam dīpeti. **Baddhā hotīti** pacchimadisābhāge sīmaṃ sandhāya vuttam. **Tassā padesanti** tassā ekadesam. Yattha thātvā bhikkhūhi kammaṃ kātum sakkā hoti, tādīsam ekadesanti vuttam hoti. Yattha pana thītehi kammaṃ kātum na sakkā, tādīsam padesam anto karitvā bandhantā sīmāya sīmaṃ sambhīndanti nāma, na tu ajjhottharanti nāmāti gahetabbam. **Gaṇṭhipadesu** pana **“sambhīndanam** paresam sīmāya ekam vā dve vā nimitte kittetvā lekhamattam gahetvā bandhanam. **Ajjhottharānam** nāma paresam sīmāya nimitte kittetvā tam sakalam vā tassekadesam vā anto karontena tassā bahi ekissam dvīsu vā disāsu nimitte kittetvā bandhana”nti vuttam.

Pabbatādīnam nimittanam sampadā **nimittasampattī**. Pabbatova nimittam **pabbatanimittam**. Evam sesesūpi. **Evam vuttēsūti uposathakkhandhake** (mahāva. 138 ādayo) sīmāsammutiyaṃ vuttēsū. Imehi ca pana aṭṭhahi nimittehi asammissēhipi aññamaññamissēhipi sīmaṃ sammannitum vaṭṭati. Tenāha **“tasmīn tasmīn disābhāge yathāladhāni nimittipagāni nimittāni”**ti. Ekena, pana dvīhi vā nimittehi sammannitum na vaṭṭati, tīni pana ādīm katvā vuttappakarāṇam nimittanam satenāpi vaṭṭati. **“Purathimāya disāya kiṃ nimitā”**nti vinayadharena pucchitabbam, **“pabbato, bhante”**ti vutte puna vinayadharena **“eso pabbato nimitā”**nti evam nimittam kittetabbam. **“Etaṃ pabbatam nimittam karoma, nimittam karissāma, nimittam kato, nimittam hotu, hoti bhavissati”**ti evam pana kittetum na vaṭṭati. **Pāsāpādīsūpi** ese va nayo. Tenāha **“purathimāya disāya kiṃ nimitā”**ntiādi. **“Pabbato, bhante, udakam, bhante”**ti evam pana upasampanno vā ācikkhatu, anupasampanno vā, vaṭṭatiyeva. **Ādisaddena** **“purathimāya anudīsāya kiṃ nimitā”**ntiādi. **“Pabbato, bhante, eso pāsāno nimittam. Dakkhīnāya disāya, dakkhīnāya anudīsāya, pacchimāya disāya, pacchimāya anudīsāya, uttarāya disāya, uttarāya anudīsāya kiṃ nimittam? Udakam, bhante, etaṃ udakam nimitā”**nti idam saṅghanhāti. Ettha pana aṭṭhatvā puna **“purathimāya disāya kiṃ nimittam?”** Pabbato, bhante, eso pabbato nimitā”nti evam pathamaṃ kittitānimittam kittetvā thāpetabbam. Evañhi nimittena nimittam ghaṭṭam hoti. **Sammā kittetvāti** aññamaññānavipariyāyena, animittanam nāmena ca akittetvā yathāvutteneva nayena kittetvā. **Sammatāti** **“suñātu me, bhante”**tiādinā nayena **uposathakkhandhake** (mahāva. 139 ādayo) vuttāya parisuddhāya ṇāttidutiyaṃkammavācāya baddhā. Tattha nimittāni sakīm kittitāni kittitāneva honti. **Andhakathakathāyaṃ** pana tikkhattum sīmaṇḍalam sambandhantena nimittam kittetabbā”nti (mahāva. aṭṭha. 138) vuttam.

Tatrāti tesu aṭṭhasu nimittesu. **Nimittipagatāti** nimittayogyatā. **“Hatthippamaṇato paṭṭhāya”**ti vacanato hatthippamaṇopi nimittipagoyeva. Hatthī pana sattaratano vā adḍhattharatano (sārattha. 11. mahāvagga 3.138) vā. **Tato omakataroti** tato hatthippamaṇato khuddakataro. Sace catūsū disāsu cattāro vā tīsu vā tayo pabbatā honti, catūhi, tīhi vā pabbatanimitteva sammannitumpi vaṭṭati, dvīhi pana nimittehi, ekena vā sammannitum na vaṭṭati. Ito paresu pāsānanimittdīsūpi ese va nayo. Tasmā pabbatanimittam karontena pucchitabbam **“ekābaddho, na ekābaddho”**ti. Sace ekābaddho hoti, na katabbo. Tañhi catūsū vā aṭṭhasu vā disāsu kittentēpi ekameva nimittam kittitām hoti. Tasmā yo evam cakkasāṅghānena vihāram parikkhipitvā thito pabbato, tam ekadīsāya kittetvā aññāsu disāsu tam bahiddhā katvā anto aññāni nimittāni kittetabbāni. Sace pabbatassa tatiyabhāgam vā upaddham vā antosīmāya kattukāmā honti, pabbatam akittetvā yattakam padesam anto kattukāmā, tassa parato tasmīmyeva pabbate jātarukkhavammikādīsu aññātaram nimittam kittetabbam. Sace yojanadvīyojanappamānam sabbam pabbatam anto kattukāmā honti, pabbatassa parato bhūmiyaṃ jātarukkhavammikādīni nimittāni kittetabbāni (mahāva. aṭṭha. 138; vi. saṅga. aṭṭha. 158).

Saṅkham gacchatīti gananam vohāram gacchatīti attho. **Dvatimsapalagūlapinḍaparimāṇoti** thūlatāya, na tulaganāyā. Tattha **“ekapalam** nāma dasakalañja”nti vadanti. Itthakā mahantāpi na vaṭṭati. Tatthā animittipagapāsānānam rāsi, pageva pamsuvālūkārāsī. Bhūmisamo khalamaṇḍaladasido piṭṭhipāsāno vā bhūmito khānuko viya utṭhitapāsāno vā hoti, sopi pamānūpago ce, vaṭṭati. **“Piṭṭhipāsāno** pana atimahanātopi pāsānasānkhameva gacchatīti āha **“piṭṭhipāsāno** panā”tiādi. Tasmā sace mahato piṭṭhipāsānassa ekam padesam antosīmāyaṃ kattukāmā honti, tam akittetvā tassupari añño pāsāno kittetabbo. Sace piṭṭhipāsānupari vihāram karonti, vihāramajjhena ca piṭṭhipāsāno vinivijjhītvā gacchati, evarūpo piṭṭhipāsāno na vaṭṭati. Sace hi tam kittenti, nimittasupari vihāro hoti, nimittañca nāma bahisīmāyaṃ hoti, vihāropi bahisīmāyaṃ āpajjati. Vihāram parikkhipitvā thitapiṭṭhipāsāno pana ekattha kittetvā aññattha na kittetabbo.

Vananimitte tināvanam vā tacaārurukkhavanam vā na vaṭṭatīti āha **“antosārehi”**tiādi. **Antosārā** nāma ambajambupanasādayo. **Antosāramissakēhi** anto sāro yesam te antosārā, tehi missakā antosāramissakā, tehi. **Catupañcarukkhamaṭṭampīti** hēthimaparicchedanāha. Ukkamsato pana yojanasatikampi vanam vaṭṭati. Ettha pana caturukkhamaṭṭaṇce, tayo sārato, eko asārato. Pañcarukkhamaṭṭaṇce, tayo sārato, dve asārato gahetabbam. Sace pana vanamajjhe vihāram karonti, tam vanam na kittetabbam. Ekadesam antosīmāyaṃ kattukāmehipi vanam akittetvā tattha rukkhapāsānādayo kittetabbā, vihāram parikkhipitvā thitavanam ekattha kittetvā aññattha na kittetabbam (mahāva. aṭṭha. 138).

Rukkhanimittepi tacaārurukko na vaṭṭatīti āha **“antosāro”**ti. **“Bhūmiyaṃ patiṭṭhito”**ti iminā kuṭasarāvādīsu thitam paṭṭikkhipati. Tato anapetvā pana tankhaṇampi bhūmiyaṃ ropetvā koṭṭhakam katvā udakam āsiñcītvā kittetum vaṭṭati, navamūlasākhāniggamanam akāraṇam. Khandham chinditvā ropīte pana etam yujjati. **Sūcidandaḍakappamaṇoti** **“sīhaladīpe lekhanandaḍappamaṇo”**ti vadanti (sārattha. 11. mahāvagga 3.138), so ca kaniṭṭhaṅguliparimāṇoti dāṭṭhabbo. Idam pana rukkhanimittam kittentena **“rukko”**tipi, **“sākarukko, sālarukko”**tipi vattum vaṭṭati. Ekābaddham pana supattīṭṭhanigrodhasadisam rukkhām ekattha kittetvā aññattha kittetum na vaṭṭati.

Magganimitte araññakhettanādītālākamaggādayo na vaṭṭantīti āha **“jaṅghamaggo vā hoti”**tiādi. Yo pana jaṅghamaggo sakaṭamaggato okkamitvā puna sakaṭamaggameva otarati, ye vā jaṅghamaggasakaṭamaggā avalañjīti, te na vaṭṭanti. Tenāha **“jaṅghasatthasakaṭasatthehi”**tiādi. Ettha ca sace sakaṭamaggassa antimacakkamaggam nimittam karonti, maggo bahisīmāya hoti. Sace bhāhiracakkamaggam nimittam karonti, bhāhiracakkamaggova bahisīmāya hoti, sesam antosīmam bhajjati veditabbam. Sacepi dve maggā nikkhamitvā pacchā sakaṭadhuramiva ekibhavanti, dvidhā bhinnatthāne vā sambandhatthāne vā sakīm kittetvā puna na kittetabbā. Ekābaddhanimittanhetam hoti.

Sace vihāram parikkhipitvā cattāro maggā catūsū disāsu gacchanti, majjhe ekam kittetvā aparam kittetum na vaṭṭati. Ekābaddhanimittanhetam. Konam vinivijjhītvā gatam pana parabhāge kittetum vaṭṭati. Vihāramajjhena vinivijjhītvā gatamaggo pana na kittetabbo. Kittite pana nimittassa upari vihāro hoti. Imañca maggam kittentena **“mago pajjo patho”**tiādinā (cūlani. pārāyanatthutīgāthāniddesa 101) vuttēsū dasasu nāmesu yena kenaci nāmena kittetum vaṭṭati. Parikkhāsaṅghānena vihāram parikkhipitvā gatamaggo ekattha kittetvā aññattha kittetum na vaṭṭati.

Yaṃ pana abaddhasīmālakkaṇe nadiṃ vakkhāmāti **“yassā dhammikanam rājūnam kāle”**tiādinā (kaṅkhā. aṭṭha. nidānavannaṇā) udakukkhepasīmāyaṃ nadiyā vakkhamānattā vuttam. Yā pana nadī maggo viya sakaṭadhurasaṅghānena vā parikkhāsaṅghānena vā vihāram parikkhipitvā gatā, nam ekattha kittetvā aññattha kittetum na vaṭṭati. Vihāressa catūsū disāsu aññamaññam vinivijjhītvā gate nadīcatukkepi ese va nayo. Asammissanadiyo pana catassopi kittetum vaṭṭati. Sace vatim karonto viya rukkhapāde nīkhanitvā vallipālādīhi nadīsotam rumbhanti, udakampi ajjhottharitvā āvaranam pavattatiyeva, nimittam kātum vaṭṭati. Yathā pana udakam nappavattati, evam setumhi kate appavattamānā nadī nimittam kātum na vaṭṭati. Pavattanathāne nadīnimittam, appavattanathāne udakanimittam kātum vaṭṭati.

Yā pana dubbuṭṭhikāle vā gimhe vā nirudakabhāvena nappavattati, sā vaṭṭati. Mahānadito udakamātikam nīharanti, sā kunnadisadisā hutvā tīni sassāni sampādentī

niccama pavattati. Kiñcāpi pavattati, nimittam kātum na vaṭṭati. Yā pana mūle mahānadito niggaṭāpi kālantarena teneva niggaṭamaggena naḍim bhinditvā sayameva gacchati, gacchanti ca parato susumārādisamākiṇṇā nāvādhī sañcaritabbā naḍi hoti, tam nimittam kātum vaṭṭati.

Asandamānanti appavattamānam. Sandamānam nāma oghanadūdakavāhakamātikāsu udakam. **Vuttaparicchedakālam atīṭhantanti** “yāva kammavācāpariyosānā saṅghamānaka” nti vuttaparicchedakālam atīṭhantam. **Bhājanagatanti** nāvācāḍisū bhājanesu gatam. Yam pana **andhakatṭhakathāyam** “gambhīresu āvāṭḍisū ukkhepimam udakam nimittam na kātabbā” nti (mahāva. aṭṭha. 138; vi. sānga. aṭṭha. 158) vuttam, tam duvuttam, attano matimattameva. Thītam pana antamaso sūkarakhatāyapi gāmadārakānam kīlanāvāpiyampi sace yāva kammavācāpariyosānam tīṭṭhati, appam vā hotu, bahu vā, vaṭṭatiyeva. Tasmim pana thāne nimittasāñhākarantam pāsānavālikāpamsuādirāsi vā pāsānathambho vā dārutthambho vā kātabbo.

Evam nimittasampattiyuttatam dassetvā idāni yehi ākārehi baddhā parisāsampattiyuttā nāma hoti, tam dassetum “**parisāsampattiyā yuttā nāmā**” tiādimāha. Imassa pana kammassa catuvaggakaraniyattā “**catūhi bhikkhūhi**” ti vuttam. Imañca sīmam bandhitukāmehi sāmantavihāresu bhikkhū tassa tassa vihārassa sīmāparicchedam pucchitvā baddhasīmavihārānam sīmāya sīmantarikam, abaddhasīmavihārānam sīmāya upacāram thapetvā disācārikabhikkhūnam nissañcārasamaye sace ekasmim gāmakhette sīmam bandhitukāmā, ye tattha baddhasīmavihārā, tesu bhikkhūnam “mayam aṭṭha sīmam bandhissāma, tumhe sakasakāsimāparicchedato mā nikkhamitthā” ti pesetabbam. Ye abaddhasīmavihārā, tesu bhikkhū ekajjam sannipāṭapetabbā, chandārāhanam chando āharāpetabbo. Tena vuttam “**yāvaticā tasmim gāmakhette**” tiādi. **Tasmim gāmakhette**ti yasmim gāmakhette thāvā kammavācam vācenti, tasmim gāmakhette. “Sace aññāni pi gāmakhettāni anto kattukāmā, tesu gāmesu ye bhikkhū vasanti, thepi āgantānam, anāgacchantānam chando āharitabbo” ti **mahāsumatthero** āha. **Mahāpadumatthero** panāha “nānāgāmakhettāni nāma pāṭiyekkam baddhasīmāsādisāni, na tato chandapārisuddhi āgacchati. Antonimittagātehi pana bhikkhūhi āgantabba” nti vatvā puna āha “samānasamvāsakasīmāsammannanākalē āgamanampi anāgamanampi vaṭṭati, avippavāsasīmāsammannanākalē pana antonimittagātehi āgantabbam. Anāgacchantānam chando āharitabbo” ti (mahāva. aṭṭha. 138).

Idāni yehi ākārehi sammatā kammavācāsampattiyuttā nāma hoti, tam dassetum “**kammavācāsampattiyā yuttā nāmā**” tiādimāha. **Ādisaddena**. “Yadi saṅghassa pattakallam, saṅgho etehi nimittēhi sīmam sammanneyya samānasamvāsamo ekūposatham, eṣā ñāti. Suṇātu me, bhante, saṅgho, yāvata samantā nimittā kittitā, saṅgho etehi nimittēhi sīmam sammannati samānasamvāsamo ekūposatham, yassāyasmato khamaṭi etehi nimittēhi sīmāya sammuti samānasamvāsāya ekūposathā, so tunhassa. Yassa nakkhamati, so bhāseyya. Sammatā sīmā saṅghena etehi nimittēhi samānasamvāsā ekūposathā, khamaṭi saṅghassa, tasmā tuṇhī, evametam dhārayamī” ti (mahāva. 139) imam pāliesam saṅghanāti. **Vuttāyati** uposathakkhandhake vuttāya. Nāttidosanusāvanadosehi virahitattā **parisuddhāya**.

Khaṇḍasīmā (mahāva. aṭṭha. 138; sārathā. ṭi. mahāvagga 3.138; vajira. ṭi. mahāvagga 138) nāma khuddakasīmā. Samānasamvāsakattham sammatā sīmā **samānasamvāsakasīmā**. Avippavāsattam sammatā sīmā **avippavāsasīmā**. Imāsu pana tīsu sīmam sammannantehi pabbajjupasampadādinam saṅghakammānam sukhakarantam pathamam khaṇḍasīmā bandhitabbā. Tam pana bandhantehi vattam jānitabbam. Sace hi bodhicetiyabhattasālādīni sabbavattūni patitthāpetvā katavihāre bandhanti, vihāramajjhe bahūnam samosaraṇaṭṭhāne abandhitvā vihārapaccante vivittokāse bandhitabbā. Akatavihāre bandhantehi bodhicetiyādinam sabbavattūnam thānam sallakhetvā yathā patitthitesu vattūsu vihārapaccante vivittokāse hoti, evam bandhitabbā. Sā hetthimāparicchedena sace ekavīsati bhikkhū gaṇhāti, vaṭṭati. Tato oram na vaṭṭati. Param bhikkhusaṅghassa gaṇhanti vaṭṭati. Tam bandhantehi sīmāmālakassa samantā nimittupagā pāsānā thapetabbā, na khaṇḍasīmāya thītehi mahāsīmā bandhitabbā, na mahāsīmāya thītehi khaṇḍasīmā. Khaṇḍasīmāyameva pana thāvā khaṇḍasīmā bandhitabbā, mahāsīmāyameva thāvā mahāsīmā.

Tatrāyam bandhanavādhī – samantā “eso pāsāno nimittā” nti evam nimittāni kittitvā kammavācāya sīmā sammannitabbā. Atha tassā eva dalhīkammattham avippavāsakammavācā kātabbā. Evañhi “sīmam samūhanissāmā” ti āgatā samūhanitum na sakkhissanti. Sīmam sammannitvā bahi sīmantarikapāsānā thapetabbā, sīmantarikā pacchimakotiya caturangulappamānāpi (mahāva. aṭṭha. 138; vi. sānga. aṭṭha. 163) vaṭṭati. Sace pana vihāro mahā hoti, dvepi tissopi tatuttaripi khaṇḍasīmāyo bandhitabbā.

Evam khaṇḍasīmā sammannitvā mahāsīmāsammutikāle khaṇḍasīmāto nikkhamitvā mahāsīmāyam thāvā samantā anupariyāyantehi sīmantarikapāsānā kittetabbā. Tato avasesanimitte kittitvā hatthapāsam avijahantehi kammavācāya samānasamvāsakasīmā sammannitvā tassā dalhīkammattham avippavāsakammavācāpi kātabbā. Evañhi “sīmam samūhanissāmā” ti āgatā samūhanitum na sakkhissanti. Sace pana khaṇḍasīmāya nimittāni kittitvā tato sīmantarikāya nimittāni kittitvā mahāsīmāya nimittāni kittenti, evam tīsu thānesu nimittāni kittitvā yam sīmam icchanti, tam pathamam bandhitum vaṭṭati. Evam santēpi yathāvuttanayena khaṇḍasīmāto vaṭṭhāya bandhitabbā. Evam baddhāsu pana sīmāsu khaṇḍasīmāyam thīthā bhikkhū mahāsīmāyam kammam karontānam na kopenti, mahāsīmāyam vā thīthā khaṇḍasīmāyam karontānam. Sīmantarikāya pana thīthā ubhinampī na kopanti. Gāmakhette thāvā kammam karontānam pana sīmantarikāya thīthā kopenti. Sīmantarikā hi gāmakhetta bhajati. Avippavāsasīmāsammannane kate satī sā ca **avippavāsasīmā** nāma hoti. Tenāha “**tassāyeva pabhedo**” ti. **Tassāyevāti** baddhasīmāya eva.

Ayam pana viseso – “thapetvā gāmañca gāmūpacārañca” ti (mahāva. 144) vacanato avippavāsasīmā gāmañca gāmūpacārañca na otarati, samānasamvāsakasīmā pana tatthāpi otarati. Samānasamvāsakasīmā cettha attano dhammatāya gacchati, avippavāsasīmā pana yattha samānasamvāsakasīmā, tattheva gacchati. Na hi tassā visum nimittakittānam atthi. Tattha sace avippavāsāya sammutikāle gāmo atthi, tam sā na otarati. Sace pana sammatāya sīmāya pacchā gāmo nivisati, sopi sīmāsankhameva gacchati. Yathā ca pacchā nivittho, evam pathamam nivitthassa pacchā vaddhitappadesopi sīmāsankhameva gacchati. Sacepi sīmāsammutikāle gehāni kaṇhi, “pavisissāmā” ti ālayopi atthi, manussā pana appavitthā, porānagāmam vā sagehameva chaddetvā aññattha gatā, agāmo yeva esa, sīmā otarati. Sace pana ekampi kulam pavittham vā agatam vā atthi, gāmo yeva, sīmā na otarati.

Evam baddhasīmā dassetvā idāni abaddhasīmā dassento “**abaddhasīmā panā**” tiādimāha. Gāmo eva sīmā **gāmasīmā**. Gāmaggaṇena cettha nigamanagarānampi saṅgho veditabbo. Yattake padese tassa gāmasā gāmagghojakā balim labhanti, so padeso appo vā hotu, mahanto vā, ekam gāmakhetta nāma. Yampi ekasmim yeva gāmakhette ekam padesam “ayam visum gāmo hotū” ti paricchinditvā rājā kassaci deti, sopi **visumgāmasīmā** hotiyeva. Tasmā sā ca itarā ca pakatīgāmasīmā baddhasīmāsādisāva hoti. Kevalam pana ticīvaravippavāsaparīhāram na labhatīti (mahāva. aṭṭha. 147).

Agāmake araṇṇēti viñjāṭavāsade araṇṇē. Tenāha “**agāmakaṃ nāmā**” tiādi. Ayam pana sīmā ticīvaravippavāsaparīhārampi labhanti. **Macchabandhānanti** kevattānam. **Agamanapathesūti** gantum asakkuneyyapathesu. Yattha tadaheva gantvā tadaheva paccāgantum na sakkā hoti, tādisesūti vuttam hoti. Tesam gamanāpariyantassa orato pana gāmasīmāsankham gacchati. Tattha gāmasīmā asodhetvā kammam kātum na vaṭṭati. **Majjhe thītanam sabbadāsū sabbabhantarāti** majjhe thītanam bhikkhūnam thītokāsato sabbadāsū sabbabhantarā. **Tatthāti** tesu abbhantaresu. **Tasmāti** yasmā parisavasena vaddhāti, tasmā. **Upacārathāyāti** sīmopacārathāya. **Sīmābhāvam paṭikkhipitvāti** baddhasīmābhāvam paṭikkhipitvā. Samāno samvāso ethhāti **samānasamvāsā**. Eko uposatho ethhāti **ekūposathā**. Ethha ca uposathassa visum gahittā avasesakammavāsena samānasamvāsātā veditabbā. **Vuttāti** abaddhasīmāparicchedam dassetum **uposathakkhandhake** (mahāva. 149) vuttā. Anu anu aḍḍhamāsam **anvaḍḍhamāsam**, aḍḍhamāse aḍḍhamāseti attho. Evam “**anudasāha**” ntiādisūpi. **Deveti** meghe. **Valāhakesu vigatamattesūti** bhāvenabhāvalakkhāne bhummam. **Sotanti** udakappavāho vuccati. Tithena vā atithena vā otarivāti pāthaseso. **Timaṇḍalam paṭicchādetvāti** yathā timaṇḍalapāṭicchādanam hoti, evam nivāsetvā. **Uttarantiyāti** yattha katthaci uttarantiyā. **Bhikkhunivibhaṅge** (pāci. 692) bhikkhunīyā vasena naḍilakkhaṇassa pāliyam āgatattā “**bhikkhunīyā**” ti vuttam, na pana visesasabbhāvato.

Kenaci khaṇitvā akatoti antamaso tiracchānenāpi khaṇitvā akato. **Nadim vā samuddam vā bhinditvā** nadikūlam vā samuddavelam vā bhinditvā. **Etam lakkhaṇanti** “yathā nadiyam vuttappakāre vassakāle udakam santīṭhāti” ti (kañkhā. aṭṭha. nidānavāṇanā) vuttappakāralakkhaṇam. Loṇīpi jātassarasankhameva gacchati. Yattha pana vuttappakāre vassakāle vasse pacchinmatte pivitum vā hatthapāde dhovitum vā udakam na hoti sukkhāti, ayam jātassaro gāmakhettasankhameva gacchati.

Udakukkhepāti karantāni nissakkavācananti āha “**udakukkhepenā**” ti. Katham pana udakam khipitabbanti āha “**tatthā**” tiādi. **Majjihimena purisenāti** thāmamajjihimena purisena. **Ayam udakukkhepo nāmāti** ayam udakukkhepena paricchinā sīmā nāmāti attho. Yāva parisā vaddhāti, tāva ayam sīmāpi vaddhāti, parisāpariyantato udakukkhepoyeva pamāṇam. Sace pana naḍi nātidīgā hoti, pabhavato paṭṭhāya yāva mukhadvāram sabbattha saṅgho nisīdati. **Udakukkhepasīmā** kammam natthi. Sakalāpi naḍi etesamyeva bhikkhūnam pahoti.

Pakativassakāletī pubbe vuttappakāre pakativassakāle. **Catūsu māsesūti** vassānassa catūsu māsesu. Ativuttikāle oghena otthatokāso na gahetabbo. So hi gāmasīmāsankhameva gacchati. Antonadiyam jātassare jātapiṭṭhāpāsānādikapesupi ayameva vinichayo veditabbo. Sace pana naḍi paripunnā hoti samatitthikā, udakasītikam nivāsetvāpi antonadiyam yeva kammam kātabbam. Sace na sakkonti, nāvāyapi thāvā kātabbam. Gacchantiyā pana nāvāya kātum na vaṭṭati. Kasmā? **Udakukkhepamattameva** hi sīmā, tam nāvā sīghameva atikkāmeti. Evam satī aññissā sīmāya ñāti, aññissā anussāvanā hoti, tasmā nāvam arittena vā thapetvā, pāsāne vā lambitvā, antonadiyam jātārukkhe vā bandhitvā kammam kātabbam. Antonadiyam baddhaatṭakepi antonadiyam jātārukkhepi thītehi kammam kātum vaṭṭati.

Sace pana rukkhassa sākāhā vā tato nikkhantapāroho vā bahinādītīre vihārasīmāya vā gāmasīmāya vā patitthito, sīmam vā sodhetvā, sākham vā chinditvā kammam kātabbam. Bahinādītīre jātārukkhassa antonadiyam pavitthasākāhāya vā pārohe vā nāvam bandhitvā kammam kātum na vaṭṭati. Karontehi sīmā vā sodhetabbā, sākham

chinditvā vā tassa bahipatitthitabhāgo nāsetabbo. Nadīṭire pana khānukaṃ koṭṭevā tattha bandhanāvāya na vaṭṭatiyeva.

Nadiyaṃ setuṃ karonti, sace antonadiyaṃyeva setu vā setupādā vā, setumhi thitehi kammaṃ kātuṃ vaṭṭati. Sace pana setu vā setupādā vā bahiṭṭire patitthitā, kammaṃ kātuṃ na vaṭṭati, sīmaṃ sodhetvā kammaṃ kātabbama. Atha setupādā anto, setu pana ubhinnaṃpi ṭīraṇaṃ upariākāse thito, vaṭṭati. Jāṭassarepi eseva nayo.

“**Yasmiṃ padese pakativīciyo ottharitvā saṅghahantī**”ti etena yaṃ padesaṃ uddham vaddhanakaudakaṃ vā pakativīciyo vā vegena āyantaṃ uttharanti, tattha kammaṃ kātuṃ na vaṭṭati (mahāva. aṭṭha. 147) dasseti. Sace ūmivego bādhati, nāvāya vā aṭṭake vā thatvā kātabbama. Tesu vinicchayo nadiyaṃ vuttanāyeneva veditabbo. Sace pana samuddo gāmasīmaṃ vā nigamasīmaṃ vā ottharivā tiṭṭhati, samuddova hoti. Tattha kammaṃ kātuṃ vaṭṭati. **Tato paṭṭhāya kappiyabhūmī** ottharivā saṅghitaukantaṃ paṭṭhāya anto nadijāṭassarasamuddo nāmāti attho. **Dubbhūthikāletī** vassānahemante sandhāya vuttam. **Sukkesupitī** nirudakesupi. Yathā ca vāpikkhanane, evaṃ āvāṭapokkharanādināṃ khananepi gāmakhettaṃ hotiyevāti daṭṭhabbama. **Vappaṃ vā karontī** lābutipusakādivappaṃ vā karonti. **Ṭaṃ thānanti** yathā vāpiādikaṃ katam, ṭaṃ thānaṃ. Aññaṃ pana kappiyabhūmī. Sace pana jāṭassaraṃ pūretvā thalaṃ karonti, ekasmiṃ disabhāge pāliṃ bandhitvā sabbameva naṃ mahātalākaṃ vā karonti, sabbopi jāṭassaro hoti. Gāmasīmāsankhameva gacchati.

Sace nadimpi vināsetvā talākaṃ karonti, heṭṭhā pāli baddhā, udakaṃ āgantvā talākaṃ pūretvā tiṭṭhati, ettha kammaṃ kātuṃ na vaṭṭati. Upari pavattanaṭṭhāne chaḍḍitam udakaṃ nadim ottharivā sandanaṭṭhānato paṭṭhāya vaṭṭati. Kāci nadī kālantarena uppativā gāmanigamasīmaṃ ottharivā pavattati, nadiyeva hoti, kammaṃ kātuṃ vaṭṭati. Sace viharasīmaṃ ottharivā “vihārasīmā”tveva sankham gacchati. **Tasmāti** yasmā anto gacchati, tasmā. **Samantā udakukkheparicchedo kātabbotī** pahonakāṭṭhānaṃ sandhāya vuttam. Yathā pana kunnadāḍisu nappahoti, tattha pahonakāṭṭhānato udakukkheparicchedo kātabbo. **Upacārattṭhāyā**ti sīmapacārattṭhāya.

Kasmā pana aññaṃkamaṃ sattabbhantaram, añño eko udakukkhepo ca upacārattṭhāya thapetabbotī āha “**ayaṃ hi**”tiādi. Idaṃ vuttam hoti (sārattha. ṭī. mahāvagga 3.147; vi. vi. ṭī. mahāvagga 2.147) – yasmā ayaṃ sattabbhantarasīmā ca udakukkhepasīmā ca bhikkhūnaṃ thitokāso paṭṭhāya labbhati, te ca bhikkhū na sabbadā ekasadisā, kādāci vaddhanti, kādāci parihāyanti. Yādā ca vaddhanti, tadā sīmāsankaro hoti. Tasmā aññaṃkamaṃ sattabbhantaram, añño eko udakukkhepo ca upacārattṭhāya thapetabbotī. Yaṃ pana **mahāaṭṭhakathāyaṃ** “tato adhikam vaṭṭatiyeva, ūnakam pana na vaṭṭati”ti (mahāva. aṭṭha. 147) vuttam, tampi etadattṭhameva, na pana tattha katassa kammaṃ kuppattāti gahetabbama. **Paricchedato bahi aññaṃ tattakamyeva paricchedam anattikkamitvā thitopitī** attano sattabbhantarena, udakukkhepena vā yo tesam sattabbhantarasā, udakukkhepassa vā paricchedo, tato bahi aññaṃ tattakamyeva paricchedam anattikkamitvā thitopitī attho. Kathametaṃ viññāyati āha “**idam sabbāaṭṭhakathāsu sanniṭṭhāna**”nti, idaṃ “kammaṃ kopetī”ti mahāaṭṭhakathāḍisu vavattṭhānanti attho. “**Iti ima**”ntiādi yathāvuttassa nigamaṇaṃ. Hoti cettha –

“Baddhābaddhavasenedha, sīmā nāma dvividhā tahim;
Tisampattiyuttā vaji-tekādasa vipattikā;
Baddhasīmā tidhā khaṇḍā-dito gāmādito parā”ti.

Sabhāgāpattī ca nāmesā duvidhā vatthusabhāgā, āpattisabhāgāti. Tattha idha vatthusabhāgā adhippetā, netaṛāti dassetuṃ “**yaṃ sabbo saṅgho vikālabhojanādina**”tiādimāha. **Lahukāpattinti** lahukena vinayakammaṃ visujjanato lahukā thullaccayapācittiyapāṭidesanīyadukkaṭadubbhāsitasankhātā pañcāpattīyo. Vatthusabhāgāya saṅghādisesāpattiyāpi sati uposathakammaṃ pattakallaṃ na hotiyeva. Yathāha “sabhāgasāṅghādisesam āpannassa pana santike āvi kātuṃ na vaṭṭati. Sace āvi karoti, āpatti āvikatā hoti, dukkaṭā pana na muccati”ti (cūlava. aṭṭha. 102). Tassā pana adesaṇāgāminīto evaṃ vuttam. **Vatthusabhāgāti** vatthusasena samānabhāgā, ekakoṭṭhāsāti vuttam hoti. Imameva vatthusabhāgāṃ desetuṃ na vaṭṭati “na, bhikkhave, sabhāgā āpatti desetabbā, yo deseyya, āpatti dukkaṭassā”ti (mahāva. 169) vuttatā, na pana āpattisabhāgāṃ. Tenāha “**vikālabhojanapaccayā āpannaṃ panā**”tiādi. **Āpattisabhāgānti** āpattiyā samānabhāgāṃ.

Sāmantā āvāsāti sāmantāvāsam, samīpavihāraṇti attho. **Sajjukanti** tadahevāgamanattṭhāya. **Pāhetabbotī** pesetabbo. **Iccetam kusalaniti** iti etaṃ sundaram bhaddakam, laddhakappanti vuttam hoti. **No ce labhethāti** viharānaṃ dūrātāya vā magge paripanthādina vā yadi na labhetha. “Tassa santike paṭikarissati”ti iminā vacanena sabhāgāpattī āvi kātumpi na labbhātiṭi dīpitaṃ hoti. Yadi labheyya, āvi katvāpi uposatham kareyya. Yadi pana sabbo saṅgho sabhāgāṃ saṅghādisesam āpanno hoti, ṇattim thapetvā uposatham kātuṃ na vaṭṭati, uposathassa antarāyova hoti. Ubhopi dukkaṭam āpajjanti “na, bhikkhave, sabhāgā āpatti desetabbā, yo deseyya, āpatti dukkaṭassa. Na, bhikkhave, sabhāgā āpatti paṭigahetabbā, yo paṭigānheyya, āpatti dukkaṭassā”ti (mahāva. 169) vuttatā. **Vimati** samsayo, tattha niyutto **vematiko**. “Puna nibbematiko hutvā desetabbamevā”ti neva pāliyam, na ca aṭṭhakathāyaṃ atthi, desite pana doṣo natthi. **Vuttanāyevāti** “pārisuddhim āyasmanto ārocthā”tiādinā nayena sāpattikkassa uposathakaraṇe paññattam dukkaṭam āpajjantiṭi vuttanāyeneva. Kasmā sabhāgāpattiyeva vuttāti āha “**etasu hi**”tiādi. **Visabhāgāpattisu vijjamānāsupi pattakallaṃ hotiyevāti** visabhāgāsu pana vijjamānāsu tesamyeva puggalānaṃ āpatti, na saṅghassāti saṅghassa pattakallaṃ hotiyeva.

Antimavattuhajjāpannako nāma catunnaṃ pārājikānaṃ aññataram ajjhāpannako. Paṇḍakādinaṃ vinicchayo parato pārājikuddese āvi bhavissati. **Tiracchānagatoti** antamaso sakkam devarājānaṃ upādāya yo koci nāgamānavakādiko amanussajātiko veditabbo, na assaṅgādayo. Tenāha “**ettha ca**”tiādi. Tattha **etthāti** etissam vajjanīyapuggalakathāyaṃ. **Yassa upasampadā paṭikkhittāti** “tiracchānagato, bhikkhave, anupasampanno, na upasampādetabbo”ti (mahāva. 111) yassa nāgasupannādinno tiracchānagatassa upasampadā paṭikkhittā, so idhāpi tiracchānagato nāmāti attho. Tattha hi antamaso deve upādāya nāgamānavakādiko yo koci amanussajātiko “tiracchānagato”ti adhippeto. Vuttāni **samantapāsādikāyaṃ** “tiracchānagato, bhikkhave, ettha nāgo vā hotu supannaṃnāvakādinaṃ vā aññataro, antamaso sakkam devarājānaṃ upādāya yo koci amanussajātiko, so sabbova imasmim atthe ‘tiracchānagato’ti veditabbo”ti (mahāva. aṭṭha. 111). **Tittham** vuccati laddhi, ṭaṃ etesaṃ atthitī **titthikā**, titthikā eva **titthiyā**, ito aññaladdhikāti attho.

Suttassa uddeso **suttuddeso**. Pārisuddhi eva uposatho **pārisuddhiuposatho**. Eseva nayo **adhīṭṭhānuposathoti** etthāpi. **Soti** pātimokkhuddeso. Ovādova pātimokkham, tassa uddeso sarūpena kathanam **ovādapatimokkhuddeso**. “Imasmim vitikkame ayaṃ nāma āpatti”ti evaṃ āpattivasena ānāpanam paññāpanam **āpā**, sesam anantarasadisameva.

Khantī paramaṃ tapo titikkhā...pe... vuttā tisso gāthāyo nāma –

“Khantī paramaṃ tapo titikkhā;
Nibbānaṃ paramaṃ vadanti buddhā;
Na hi pabbajito parūpaghātī;
Na samaṇo hoti param vihetṭhayanto.

“Sabbapāpassa akaraṇam, kusalassa upasampadā;
Sacittapariyodapanam, etaṃ buddhāna sāsanam.

“Anūpavādo anūpaghāto, pātimokkhe ca samvaro;
Mattaññutā ca bhattasmim, pantañca sayanāsanam;
Adhicitte ca āyogo, etaṃ buddhāna sāsana”nti. (dī. ni. 2.90; dha. pa. 183-185) –

Imā tisso gāthāyo.

Tattha **khantī paramaṃ tapoti** (dī. ni. aṭṭha. 2.90; dha. pa. aṭṭha. 2.185) adhivāsanaṃkhantī nāma paramaṃ tapo. **Titikkhātī** khantiyā eva vevacanam, titikkhāsankhātā adhivāsanaṃkhantī uttamaṃ tapoti attho. **Nibbānaṃ paramaṃ vadanti** sabbākārena pana nibbānaṃ “parama”nti vadanti buddhā. **Na hi pabbajito parūpaghātī** yo adhivāsanaṃkhantivirahitattā param upagḥetati bādhati vihiṃsati, so pabbajito nāma na hoti. Catutthapādo pana tasseva vevacanam. “Na hi pabbajito”ti etassa hi “**nasamaṇo hotī**”ti vevacanam. “Parūpaghātī”ti etassa “**param vihetṭhayanto**”ti vevacanam. Atha vā **parūpaghātī**ti silūpaghātī. Silāni uttamaṭṭhena “para”nti vuccati. Yo ca samaṇo param yaṃ kāci sattaṃ vihetṭhayanto parūpaghātī hoti, attano silāvināsako, so pabbajito nāma na hotī attho. Atha vā yo adhivāsanaṃkhantiyā abhāvā parūpaghātī hoti, param antamaso dāmsamakasampi sañcicca jīvītā voropeti, so na hi pabbajito. Kim kāraṇā? Malassa apabbajitattā. “Pabbājayamattano malaṃ, tasmā ‘pabbajito’ti vuccati”ti (dha. pa. 388) idaṃhi pabbajitallakkaṇam. Yopi na heva kho upagḥeteti na māreti, apica daṇḍādīhi vihetṭheti, so param vihetṭhayanto samaṇo na hoti. Kim kāraṇā? Vihesāya asamitattā. “Samitattā hi pāpanam, ‘samaṇo’ti pavuccati”ti (dha. pa. 265) idaṃhi samanallakkaṇam.

Dutiyaḡāthāya **sabbapāpassati** sabbākusalassa. **Akaraṇanti** anuppādanam. **Kusalassati** catubhūmakakusalassa. **Upasampadāti** upasampādanam paṭilābho. **Sacittapariyodapananti** attano cīṭṭassa vodāpanam pabhassaraḡhāvākaraṇam sabbaso parisodhanam, ṭaṃ pana arahattena hoti. Iti silāsamvarena sabbapāpam pahāya

lokialokuttarāhi samathavipassanāhi kusalam sampādetvā arahattaphalena cittaṃ pariyoḍpetabanti etaṃ buddhānaṃ sāsanaṃ ovādo anusīṭṭhi.

Tatiyagāthāya **anūpavādoti** vācāya kassaci anupavadanaṃ. **Anupaghātoti** kāyena kassaci upaghātassa akaraṇaṃ. **Pātimokkheti** yaṃ taṃ pātimokkhaṃ paatimokkhaṃ atipamokkhaṃ uttamaṃ sīlam, pāti vā agatvisehesi, mokkheti duggatibhaye. Yo vā nam pāti, taṃ mokkhetīti “pātimokkha”nti vuccati, tasmīṃ pātimokkhe ca. **Samvaroti** sattannaṃ āpatikkhandhānaṃ avitikkamalakkhaṇo samvaro. **Mattaññutūti** patiggahaṇaparibhogavasena pamāññutūti. **Pantañca sayanāsanaṃ** janasaṅghaṭṭanavirahitaṃ nijanasambādham vivittaṃ, senāsanañca. Etha ca dvīhiyeva paccayehi catupaccayasanto dīpīto veditabbo paccayasantasamaññena itarodayayassāpi lakkhaṇāraṇayena jōtitaṃ. **Adhicce** ca āyogoti vipassanāpādakaṃ aṭṭhasamāpatticcittā, tatopi magghalacittameva adhiccittaṃ, tasmīṃ yathāvutte adhicce itarō ca anuyogo cāti attho. **Etam buddhāna sāsanaṃ** eti parassa anupavadanaṃ, anupaghātaṃ, pātimokkhe samvaro, patiggahaṇaparibhogesu mattaññutūti, aṭṭhasamāpattivasibhāvāya vivittasenāsanaśeṣaṇaṃ buddhānaṃ sāsanaṃ ovādo anusīṭṭhīti. Imā pana tisso gāthā sabbabuddhānaṃ pātimokkhuddesagāthāyo honṭīti veditabbā. Taṃ buddhā eva uddisanti, na sāvakā.

“Suṇātu me, bhante, saṅho”tiādinā (mahāva. 134) nayena vuttaṃ **ānāpātimokkhaṃ** nāma. Taṃ sāvakā eva uddisanti, na buddhā saṅghakammaṃ karonti, na ca tattha pariyaṇṇānti āha “**taṃ sāvakā eva uddisanti, na buddhā**”ti. **Imasmīṃ attheti** “pātimokkhaṃ uddiseyyā”ti etasmīṃ atthe.

Anupagato nāma tattheva upasampanno, asatiyā purimikāya anupagato vā. **Cātumāsiniyanti** cātumāsīyam. Sā hi catunnaṃ māsānaṃ pāripūribhūṭīti cātumāsī, sā eva “cātumāsīnī”ti vuccati, tassaṃ cātumāsīniyam. Pacchimakkattikapunnamāsiniyanti attho. **Kāyasāmagginti** kāyena samaggabhāvaṃ, hatthapāsūpagamananti vuttaṃ hoti.

Ayam panetha vinicchayo – sace purimikāya pañca bhikkhū vassam upagatā, pacchimikāyā pañca, purimehi ṇattim ṭhapetvā pavārite pacchimehi tesam santike pārisuddhiuposatho kātabbo, na ekasmīṃ uposathagge dve ṇattīyo ṭhapetabbā. Sacepi pacchimikāya upagatā cattāro, tayo, dve, eko vā, eseva nayo. Atha purimikāya tayo, dve vā, eseva nayo. Idānhettha lakkhaṇa – sace purimikāya upagatehi pacchimikāya upagatā thokatarā ceva honti samasamā ca, saṅghapavāraṇāya ca gaṇaṃ pūrenti, saṅghapavāraṇāvasena ṇattim ṭhapetvā purimehi pavāretabbā. Sace pana purimikāya tayo, pacchimikāya eko hoti, tena saddhīm te cattāro honti, catunnaṃ saṅghañattim ṭhapetvā pavāretum na vaṭṭati. Gaṇañattiyā pana so gaṇapūroko hoti, tasmā gaṇavasena ṇattim ṭhapetvā purimehi pavāretabbam, itarena tesam santike pārisuddhiuposatho kātabbo. Sace purimikāya dve, pacchimikāya dve vā eko vā, etthāpi eseva nayo. Sace purimikāya eko, pacchimikāyāpi eko, ekena ekassa santike pavāretabbam, ekena pārisuddhiuposatho kātabbo. Sace purimavassūpagatehi pacchimavassūpagatā ekenāpi adhikatarā hontī, paṭhamam pātimokkhaṃ uddisitvā pacchā thokatarēhi tesam santike pavāretabbam. Kattikacātumāsīnīpavāraṇāya pana sace paṭhamam vassūpagatehi mahāpavāraṇāya pavāritehi pacchā upagatā adhikatarā vā samasamā vā hontī, pavāraṇāñattim ṭhapetvā pavāretabbam. Tehi pavārite pacchā itarehi pārisuddhiuposatho kātabbo. Atha mahāpavāraṇāya pavāritā bahū hontī, pacchā vassūpagatā thokā vā eko vā, pātimokkhe uddiṭṭhe pacchā tesam santike tena pavāretabbanti.

Ekasam uttarāsāṅgaṃ karitvāti ekasmīṃ amṣe sādhukaṃ uttarāsāṅgaṃ karitvāti attho. **Añjalim paggaḥetvā**ti dasanakhasamodhānasamujalam añjalim ukkhipitvā. Sace pana tattha pārivāsīkopi atthi, saṅghanavakāṭṭhāne nisīditvā tattheva nisinnena attano pāliya pārisuddhiuposatho kātabbo. Pātimokkhe uddisiyamāne pana pāliya anisīditvā pāliṃ viḥāya hatthapāsam amuñcanta nisīditabbam. Pavāraṇāyāpi eseva nayo.

Sabbaṃ pubbakaraṇiyanī sammajjanādim navavidham pubbakiccaṃ. Yathā ca sabbo saṅho sabhāgāpattim āpajjitvā “suṇātu me, bhante, saṅho...pe... paṭikarissati”ti (mahāva. 171) ṇattim ṭhapetvā uposatham kātum labhati, evametthāpi tīhi “suṇantu me āyasantā ime bhikkhū sabhāgāpattim āpannā, yadā aññam bhikkhūṃ suddham anāpattikam passissanti, tadā tassa santike taṃ āpattim paṭikarissanti”ti gaṇañattim ṭhapetvā, dvīhi “aṇñam suddham passitvā paṭikarissām”ti vatvā uposatham kātum vaṭṭati. Ekenāpi “parisuddham labhitvā paṭikarissām”ti ābhogaṃ katvā kātum vaṭṭati. **Tadahūti** tasmīṃ ahu, tasmīṃ divaseti attho. **Nānāsampvāsakehi** laddhinānāsampvāsakehi. **Anāvāso** nāma navakammāsālādiko yo koci padeso. **Aññatra saṅghenāti** saṅghapahonakehi bhikkhūhi vinā. **Aññatra antarāyānti** pubbe vuttaṃ dasavidhamantarāyam vinā. Sabbantimena pana paricchena attacattutthena antarāye vā sati gantum vaṭṭati. Yathā ca āvāsādayo na gantabbā, evam sace viḥāre uposatham karonti, uposathādhīṭṭhanattham sīmāpi nadīpi na gantabbā. Sace panetha koci bhikkhu hoti, tassa santikam gantum vaṭṭati. Viṣṭāṭṭhauposathāpi āvāsā gantum vaṭṭati. Evam gato adhiṭṭhātumpi labhati. Araññakenāpi bhikkhunā uposathadivase gāme piṇḍāya caritvā attano viḥārameva āgantabbam. Sace aññam viḥāram okkamati, tattha uposatham katvā vā āgantabbam, akatvā āgantum na vaṭṭati. Yam jaññā “ajjeva tattha gantum sakkomī”ti (mahāva. aṭṭha. 181) evarūpo pana āvāso gantabbo. Tattha bhikkhūhi saddhīm uposatham karontenāpi hi iminā neva uposathantarāyo kato bhavissati.

Udakaṃ āsanena cāti āsanena saha pānyaparibhojanīyam udakañcāti attho. Saṅghasannipātato paṭhamam kattabbam **pubbakaraṇam**. Pubbakaraṇato pacchā kattabbampi uposathakammato paṭhamam kattabbatā **pubbakiccaṃ**. Ubhayampi cetam uposathakammato paṭhamam kattabbatā “pubbakicca”micceva ettha vuttanti āha “**evam dvīhi nāmehi navavidham pubbakiccaṃ dassita**”nti. Kiṃ taṃ katanti pucchati āha “**na hi**”tiādi. **Tam akatvā uposatham kātum na vaṭṭati** “na, bhikkhave, therena ānattena agilānena na sammajjitabbam, yo na sammajjeyya, āpatti dukkaṭassā”tiādi (mahāva. 159) vacanato. Tenevāha “**tasmā therena ānattena**”tiādi.

Sace pana ānatto sammajjanim tāvakālikampi na labhati, sākhābhāṅgaṃ kappiyam kāretvā sammajjitabbam. Tampi alabhattassa laddhakappiyam hoti. **Pāniyam paribhojanīyam upaṭṭhāpetabanti** āgantukānaṃ atthāya pānyaparibhojanīyam upaṭṭhāpetabbam. **Āsanam paññāpetabanti** pīṭhaphalakādiāsanam paññāpetabbam. Sace uposathāgāre āsanāni natthi, samghikāvasatopi āharitvā paññāpetvā puna haritabbāni. Āsanesu asati kaṭasārakepi taṭṭikāyopi paññāpetum vaṭṭati. Taṭṭikāsupi asati sākhābhāṅgaṃ kappiyam kāretvā paññāpetabbāni. Kappiyakāraṇam alabhattassa laddhakappiyam hoti. **Padīpo kātabboti** padīpetabbo, padīpujjanam kātabbanti vuttaṃ hoti. Ānāpentena pana “asukasmīṃ nāma okāse telam vā vaṭṭi vā kapallikā vā atthi, tam gahetvā karohī”ti vattabbo. Sace telādiṇi natthi, pariyesitabbāni. Pariyesitvā alabhattassa laddhakappiyam hoti. Apica kapāle aggipi jāletabbo. Ānāpentena ca kiñci kammaṃ karonto vā sadākalameva eko vā bhāranittharaṇako vā sarabhāṇakadhammakathikādiṣu aññataro vā na ānāpetabbo, avasesā pana vārena ānāpetabbā. Tenāha “**therenāpi patirūpaṃ ṇātvā ānāpetabba**”nti.

Bahi uposatham katvā āgatenāti nadiyā vā sīmāya vā yattha katthaci uposatham katvā āgatenā chando dātabbo, “kato mayā uposatho”ti acchitum na labhatīti adhipāyō. **Kiccappasuto** vāti gilānupaṭṭhādhādikiccappasuto vā. Sace gilāno chandapārisuddhim dātum na sakkoti, mañcena vā pīṭhena vā saṅghamijjam ānetvā uposatho kātabbo. Sace gilānupaṭṭhākanam bhikkhūnam evam hoti “sace kho mayam imam gilānam thānā cāvessāma, ābādo vā abhivaḍḍhissati, kālakiriyā vā bhavissati”ti, na tveva so gilāno thānā cāvetabbo, saṅghena tattha gantvā uposatho kātabbo, na tveva vaggena saṅghena uposatho kātabbo. Kareyya ce, āpatti dukkaṭassa. Sace bahū tādisā gilānā hontī, saṅghena paṭipāyā thāvā vā sabbe hatthapāse kātabbā. Sace dūre dūre hontī, saṅho nappahoti, taṃ divasam uposatho na kātabbo, na tveva vaggena saṅghena uposatho kātabbo. “Anujānāmi, bhikkhave, tadahuposathe pārisuddhim dentena chandampi dātum, santi saṅghassa karaṇiyyā”nti (mahāva. 165) vuttatā bhagavato ānam karontena “chandam **dammī**”ti vuttaṃ. “Chandahāraṇo ce, bhikkhave, dinne chande tattheva pakkammaṃ, aññassa dātabbo chando”tiādivacanato (mahāva. 165) puna attano chandānāparissamavinodanattam “**chandam me harā**”ti vuttaṃ. “Chandahāraṇo ce, bhikkhave, dinne chande saṅghapatto sañcicca na āroceti, āhaṭo hoti chando, chandahāraṇassa āpatti dukkaṭassā”ti (mahāva. 165) vuttatā dukkaṭato taṃ mocetum “**chandam me ārocehi**”ti vuttaṃ.

Kāyena vā vācāya vā ubhayena vā viññāpetabboti manasā cintetvā kāyappayogaṃ karontena yena kenaci āṅgapaccāṅgena vā, vācam pana nicchāretum sakkontena tattheva vācāya vā, ubhayathāpi sakkontena kāyavācāhi vā viññāpetabbo, jānāpetabboti attho. “**Ayam attho**”ti vacanato pana yāya kāyācāpi bhāsāya viññāpetum vaṭṭati, pārisuddhidānepi chandādāne vuttasādisova vinicchayo. Tam pana dentena paṭhamam santī āpatti desetabbā. Na hi sāpattiko samāno “pārisuddhim dammi, pārisuddhim me hara, pārisuddhim me ārocehi”ti (mahāva. 164) vuttum labhati. “Santi saṅghassa karaṇiyyānti”ti vattabbe vacanavipallāsena “**santi saṅghassa karaṇiyyānti**”ti vuttaṃ. **Tesañca attano ca chandapārisuddhim detīti** ettha chando ca chandapārisuddhi ca **chandapārisuddhi**, taṃ detīti sarūpekasesanayena attho dāṭṭhabbo. **Itarāti aññesaṃ** chandapārisuddhi. **Biḷālasāṅkhalikā chandapārisuddhi**ti ettha **biḷālasāṅkhalikā** nāma biḷālabandhanaṃ. Tattha hi saṅkhalikāya paṭhamavalayam dutiyavalayaṃyeva pāpūṇāti, na tatiyam, evamayampi chandapārisuddhi dāyakena yassa dinnā, tato aññattha na gacchati (sāratta. 164; vi. 1. fī. mahāvagga 2.164). Tasmā sā biḷālasāṅkhalikasādisatā “biḷālasāṅkhalikā”ti vuttā. Biḷālasāṅkhalikagahañcettha yāsam kāsāñci saṅkhalikānaṃ upalakkhaṇamattanti dāṭṭhabbam.

Utukkhānanti tam tam kiriyam arati vatteti **utu**, tassa akkhānaṃ utukkhānaṃ, utuācikkhananti attho. Yathā ca tassa ācikkhanam, tam sarūpato dassetum “**hemantādiṇa**”ntiādi vuttaṃ. **Gaṇanāti** kalanā. Bhikkhūnaṃ aṭṭhagarudhammehi ovaḍanaṃ **bhikkhunovādo**. **Sve uposathoti āgantvā**ti “sve uposatho hoti”ti vutte ajjeva āgantvā panarasike uposathe pakkhassa cātuddasiyam, cātuddasike terasiyam āgantvāti vuttaṃ hoti. **Mahāpaccariyam** pana “pakkhassa terasiyamāyeva āgantvā ‘ayam uposatho cātuddasiko vā panarasiko vā’ti pucchitabba”nti (pāci. aṭṭha. 149) vuttaṃ. Evam pucchitena ca bhikkhunā sace cātuddasiyam uposatham karonti, “cātuddasiko bhagini”ti vattabbam. Sace panarasiyam karonti, “panarasiko bhagini”ti vattabbam. “Anujānāmi, bhikkhave, ṭhapetvā bālam, ṭhapetvā gilānam, ṭhapetvā gamikam avasesehi ovādam gahetū”nti (cūlava. 414) vuttatā “**taṃ ṭhapetvā**”tiādimāha. Tattha ārocanaividhānaṃ ajānanto **bālo**. Cātuddasikapannarasikesu uposathesu vā paṭipade vā gantukāmo **gamiyo**, dutiyapakkhadivasato pana paṭṭhāya tato uddham gacchanto idha gamiyo nāma na hoti. Araññe nivāso assāti **āraññiko**. Sopi “āham araññāvāsī, sve uposatho, viḥāre na vasāmi”ti appatiggahitum na labhati. Yadi na ganheyya, dukkaṭam āpajjeyya. Vuttañhetam “na, bhikkhave, ovādo na gahetabbo, yo na ganheyya, āpatti dukkaṭassā”ti (cūlava. 414). Tena pana paccāharaṇatthāya sanketo kātabbo. Vuttañhetam “anujānāmi, bhikkhave, āraññikena bhikkhunā ovādam gahetum, sanketañca kātum atra paṭiharissāmi”ti (cūlava. 415). Tasmā āraññikena bhikkhunā sace bhikkhūnaṃ vasaṇagāme bhikkhā labhati, tattheva caritvā bhikkhuniyo disvā

Anālapanto manujena kenaci vācāti kenaci manujena vācāya anālapanto. **Giraṃ no ca pare bhaṇeyyāti** “iti ime sossanti”ti parapuggale sandhāya saddampi na nicchāreyya. **Āpajjeyya vācasikanti** vācato samuṭṭhitam āpattim āpajjeyya. **Pañhāmesā kusalehi cintitāti** ettha **pañhāmesāti** līngabyattayena vuttam, eso paṇho kusalehi cintitoti attho. Ayaṃ paṇho imameva musāvādam sandhāya vutto.

Tamtaṃsampattiyā vibandhanavasena sattasantānassa antare vemajjhe eti āgacchatīti **antarāyo**, diṭṭhadhammikāḍḍianattho, atikkamanatṭhena tasmim antarāye nuyutto, antarāyam vā phalaṃ arahati, antarāyassa vā karanasīloti **antarāyiko**. Tenāha “**vippaṭṭisāravatthutāyā**”tiādi. Tattha **vippaṭṭisāravatthutāyāti vippaṭṭisāro** nāma pacchānutāpavasena cittavippaṭṭisāro, tassa kāranatāyāti attho. Paṭhamajjhānādiṭṭhāpaccayabhūtaappatisāraviruddhassa vippaṭṭisārasa paccayattāti vuttam hoti. **Pāmojjādisambhavantī** dubbalatarunā pīti pāmojjam, tam ādi yesam te **pāmojjādayo**, tesam sambhavo paṭilābho **pāmojjādisambhavo**, tam. **Ādisaddena** pītippassaddhāḍḍinam gahaṇam. **Paṭhamajjhānādinanti** etthādisaddena pana “dutiyaṃ jhānassa adhiḡamāya antarāyiko, tatiyaṃ jhānassa adhiḡamāya antarāyiko, catutthassa jhānassa adhiḡamāya antarāyiko, jhānānam, vimokkhānam, samādhānam, samāpattinam, nekkhammānam, nissaraṇānam, pavivekānam, kusalānam dhammānam adhiḡamāya antarāyiko”ti (mahāva. 135) vuttadutiyaḡajjhānāḍḍinam saṅgho daṭṭhabbo. “Tasmā”ti vutte **yaṃtaṃsaddānam** abyabhicāritasambandhatāya “yasmā”ti ayamattho upaṭṭhitoyeva hotīti āha “**tasmāti yasmā**”tiādi. **Jānantenāti** jānamānena. Imināssa sampajānamusāvāḍḍassa sacittakataṃ dasseti. Visuddhīm apekkhatīti **visuddhāpekkho**, tena visuddhāpekkhena. Sā ca visuddhi idha vuttānāḍḍīti āha “**vuttātukāmena visujjhutukāmena**”ti. Vuttānāḡaminīto saṅghādisesato vuttātukāmena, desanāḡaminīto visujjhutukāmenāti attho. **Saṅghamajjhe vā gaṇamajjhe vā ekapuggale vāti** uposathagge saṅghassa ārocanavasena saṅghamajjhe vā tattheva ubhato nisinnānam ārocanavasena gaṇamajjhe vā anantarassa ārocanavasena ekapuggale vā pakāsetabbā. **Iti vuttāhavitāti** ito uposathaggato vuttāhāya. Ettha pana sabhāḡoyeva vattabbo. Visabhāḡassa hi vuccamāne bhaṇḡanakaḡalahaṅghabhedāḍḍinīpi honti. Tasmā tassa avatvā “**ito vuttāhavitā paṭikarissāmī**”ti ābhogaṃ katvā uposatho kātābboti **andhakatṭhakathāyam** (mahāva. aṭṭha. 170) vuttam.

Karaṇatṭheti tatiyāvibhattiatthe. Kattari hetam paccattavacanam hoti phāsusaddāpekkhāya. **Paccattavacananti** paṭhamāvacanam. **Paṭhamajjhānādinam adhiḡamāya phāsu hotīti** adhiḡamattham tassa bhikkhuno phāsu hoti sukham hoti samvarassa avippaṭṭisārahettutā. Tenāha “**avippaṭṭisāramūlakāna**”ntiādi. Pāpapunānam katākatavāsena cittavippaṭṭisārahāvo **avippaṭṭisāro**, so mūlam kāraṇam yesam te avippaṭṭisāramūlā, avippaṭṭisāramūlāyeva **avippaṭṭisāramūlakā**, tesam avippaṭṭisāramūlakānam. **Sukhappaṭipadā sampajjattīti** sukhā paṭipadā samijjhati, paṭhamajjhānāḍḍinam sukkena adhiḡamo hotīti adhiḡpāyo. Hoti cetha –

“Nidāne ṇāttitṭhapanam, pubbakiccassa pucchanam;
Nidānuddesasavane, visuddhārocane vidhi;
Anārocane cāpatti, ṇeyyam piṇḍatthapaṇcaka”nti.

Iti kankhāvitarāṇiyā pātīmokkhavaṇṇanāya

Vinayatthamaṅḡūsāyam līnatthappakāsaniyam

Nidānavanṇanā niṭṭhitā.

Pārājikakaṇḍam

Idāni nidānuddesānantaram vuttassa pārājikuddesassa attham samvaṇṇetum “**idāni**”tiādi āradḍham. **Nidānānantaranti** bhāvanapumsakaniddeso, nidānam anantaram katvāti vuttam hoti. **Tatṭhāti** pārājikakaṇḍe. **Pātīmokkheti** bhikkhupātīmokkhe. **Cattāroti** ganānaparicchedo ṇātīrekbhāvanivattanato. **Pārājikāti** sajātīnānam. **Āpattiyoti** sabbasādhāraṇānam. Uddisīyattīti **uddeso**. Bhāvappadhānoyam niddeso. Tenāha “**uddisitabba**”nti.

1. Paṭhamapārājikavaṇṇanā

Yo panāti (pārā. aṭṭha. 1.45) bhikkhupadabhājanīyavaṇṇanā) ettha yasmā **panāti** nipātamattam, **yoti** atthapadam, tāṃca aniyamena puggalam dīpeti. Tasmā tassa attham dassento “**yo kocī**”ti āha. Yasmā pana yo yokoci nāma, so avassam līngayuttajātīnāmagottasīlavihāragocaravayesu ekenākāreṇa pañṇāyati, tasmā tam tathā ṇāpetum “**rassadīghāḍḍinā**”tiādimāha. **Ādisaddena** navakammāḍḍinam gahaṇam. **Līngādīghedhenāti** līngiyatīṇāyati etenāti **līngam**, tam ādi yesam teti **līngādayo**, tesam bhedo **līngādīghedo**, tena līngādīghedhena. Etthādisaddena pana yuttāḍḍinam gahaṇam. Idam vuttam hoti – **līngavasena** yādiso vā tādiso vā hotu, dīgho vā rasso vā kālo vā odāto vā maṅguraḡcchavi vā kiso vā thīlo vā. **Yogavasena** yena vā tena vā yutto hotu, navakammayutto vā uddesayutto vā vāsadhurayutto vā. **Jātivāsena** yamjacco vā tamjacco vā hotu, khattiyō vā brāhmaṇo vā vesso vā suddho vā. **Nāmavasena** yathānāmo vā tathānāmo vā hotu, buddharakkhito vā dhammarakkhito vā saṅgharakkhito vā. **Gottavasena** yathāḡotto vā tathāḡotto vā hotu, kaccāyano vā vāsīṭṭho vā vāsīṭṭho vā kosiyo vā. **Sīlesu** yathāsīlo vā tathāsīlo vā hotu, navakammāsīlo vā uddesāsīlo vā vāsadhurasīlo vā. **Vihāresupi** yathāvīhārī vā tathāvīhārī vā hotu, navakammavīhārī vā uddesavīhārī vā vāsadhuravīhārī vā. **Gocaresupi** yathāḡocaro vā tathāḡocaro vā hotu, navakammagocaro vā uddesagocaro vā vāsadhuragocaro vā. **Vayesupi** yo vā so vā hotu thero vā navo vā majjhimō vā, atha kho sabbova imasmim atthe “yo”ti vuccatīti.

Idāni “**bhikkhū**”ti padam samvaṇṇetum “**ehibhikkhūpasampadā**”tiādimāha. Tattha “ehi bhikkhū”ti bhagavato vacanamattena bhikkhubhāvo **ehibhikkhūpasampadā**. “Buddham saraṇam gacchāmī”tiādinā (mahāva. 105) nayena tikḡhattum vācam bhinditvā vuttehi tīhi saraṇagamanehi upasampadā **saraṇagamanūpasampadā**. **Ovādappaṭṭiggaṇāḡpasampadā** (pārā. aṭṭha. 1.45) nāma –

“Tasmātiha te, kassapa, evam sikkhitabbam ‘tibbam me hirottappam paccupatṭitam bhavissati theresu navesu majjhimesū’ti, evaṇhi te kassapa sikkhitabbam. Tasmātiha te, kassapa, evam sikkhitabbam ‘yam kiṇcī dhammam sunissāmī kusalūpasamhitam, sabbam tam eṭṭhim katvā manasi karitvā sabbacetasā samannāharitvā ohitasato dhammam sunissāmī’ti, evaṇhi te, kassapa, sikkhitabbam. Tasmātiha te, kassapa, evam sikkhitabbam ‘sātasahagatā ca me kāyagatāsati na vijahissatī’ti, evaṇhi te, kassapa, sikkhitabba”nti (sam. nī. 2.154) –

Iminā ovādappaṭṭiggaṇāna mahākassapattherassa anuṇṇātaupasampadā.

Pañhābyākaraṇūpasampadā nāma sopākassa anuṇṇātaupasampadā. Bhagavā kira pubbārāme anucaṅkamantam sopākāsāmaṇeram “uddhumātākasaṇṇā”ti vā sopāka ‘rūpasāṇā’ti vā ime dhammā nānatthā nānābyañjanā, udāhu ekatthā byañjanameva nāna”nti (pārā. aṭṭha. 1.45) dasa asubhanissite pañhe pucchi. So te byākāsī. Bhagavā tassa sādḡukāram datvā “kativasso tvam, sopākā”ti pucchi. Sattavassoham bhagavāti. “Sopāka, tvam mama sabbāṇṇūtaṇṇāna saddhīm samsanditvā pañhe byākāsī”ti āradḍhacitto upasampadam anujāni, ayaṃ pañhābyākaraṇūpasampadā.

Aṭṭhagarudhammapaṭṭiggaṇāḡpasampadā nāma mahāpajāpatiyā aṭṭhagarudhammapaṭṭiggaṇāna anuṇṇātaupasampadā.

Dūtenūpasampadā nāma aḍḍhakāsīyā gaṇikāya anuṇṇātaupasampadā.

Aṭṭhavācīkūpasampadā nāma bhikkhunīyā bhikkhunisaṅghato ṇatticatutthena, bhikkhusaṅghato ṇatticatutthenāti imehi dvīhi kammehi upasampadā.

Ṇatticatutthakammūpasampadā nāma bhikkhūnam etarahi upasampadā. **Ṇatticatutthenāti** tīhi anussāvanāhi, ekāya ca ṇattiyāti evam ṇatticatutthena. Kiṅcāpi hi ṇattī sabbapathamam vuccati, tissannam pana anussāvanānam atthabyañjanabhedābhāvato atthabyañjanabhinnam ṇattim tāsam catutthanti katvā “ṇatticatuttha”nti vuccati. **Akuppenti** akopetabbatam, appaṭṭikkositabbatāna upagatena. **Ṭhānārahēnāti** kāraṇārahena sattuḡ sāsānārahena. **Upasampanno** nāma uparibhāvam samāpanno, pattoti attho. Bhikkhubhāvo hi uparibhāvo, tāṅcesā yathāvuttana kammena samāpannatā “upasampanno”ti vuccati. Kasmā panetha imināva upasampanno idha gahito, nāñṇehīti? Vuccate – ehibhikkhūpasampadā antimabhavikānameva, saraṇagamanūpasampadā parisuddhānam, ovādappaṭṭiggaṇāḡpasampadā mahākassapasopākānam, na ca te bhābbā pārājikāḍḍilokavajjam āpajjitum, aṭṭhagarudhammapaṭṭiggaṇāḍḍayo ca bhikkhunīnamyeva anuṇṇātā. Ayaṅca bhikkhu, tasmā ṇatticatuttheneva upasampadākammena upasampanno idha gahito, nāñṇehīti veditabbo. Paṇṇattivajjesu pana sikkhāpadesu añṇepi ehibhikkhūpasampadāya upasampannādayo saṅgayhanti (sārattha. ṭī. 2.45) bhikkhupadabhājanīyavaṇṇanā). Vakkhati hi “paṇṇattivajjesu pana añṇepi saṅgham gacchantī”ti. Idāni “akuppēna ṭhānārahena upasampanno”ti samkhittena vuttamattham vitthāretvā dassetum “**tassa panā**”tiādimāha.

Tatṭhāti tesu paṅcasu. Vasati etthāti **vattuho**, ādhāro patiṭṭhā. Tenāha “**upasampadāpekkho puggalo**”ti. Ūnāni aparipunnāni vīsati vassāni assātī **ūnavīsativasso**. Ettha

yam vattabbam, tam upari sappānakavagge ūnavīsatisikkhāpade (kaṅkhā. aṭṭha. ūnavīsativassasikkhāpadavannā) vāṇṇayissāma. **Tesūti** paṇḍakādīsu ekādasasu abhābapuggalesu. **Paṇḍako** (mahāva. aṭṭha. 109) pañettha pañcavidho hoti āsittapaṇḍako, usūyapaṇḍako, opakkamikapaṇḍako, napuṃsakapaṇḍako, pakkhapaṇḍakoti. Tesu āsittapaṇḍakassa ca usūyapaṇḍakassa ca pabbajjā na vāritā, itaresam tiṇṇam vāritā. Tesupi pakkhapaṇḍakassa yasmim pakkhe paṇḍako hoti, tasmimyevasa pakkhe pabbajjā vāritāti. **Tayo** cetha pabbajjūpasampadānam abhābātāya avatthi. Tenāha **“āsittapaṇḍakāñcā”**tiādi. Tattha yassa paresam āṅgajātam mukhena gahetvā asucinā āsittassa pariḷāho vūpasammati, ayaṃ **āsittapaṇḍako**. Yassa paresam ajjhācāram passato usūyāya uppannāya pariḷāho vūpasammati, ayaṃ **usūyapaṇḍako**. Yassa upakkamaṇa bījāni apañitāni, ayaṃ **opakkamikapaṇḍako** (vi. sāṅga. aṭṭha. 135; vi. vi. fī. mahāvagga 2.109). Yo pana paṭisandhiyaṃveva abhāvako uppanno, ayaṃ **napuṃsakapaṇḍako**. Ekacco pana akusalavipākānubhāvena kālapakkhe paṇḍako hoti, juṇhapakkhe paṇḍako pariḷāho vūpasammati, ayaṃ **pakkhapaṇḍakoti** veditabbo.

Theyyena samvāso etassāti **theyyasamvāsako**. So ca na samvāsamattasseva thenako idhādhippeto, atha kho līṅgassa, tadubhayassa ca thenakopīti āha **“theyyasamvāsako pana tividho”**tiādi. **Na bhikkhuvassāni gaṇetīti** (mahāva. aṭṭha. 110) **“ahaṃ dasavasso vā vīsativasso vā”**ti musā vatvā bhikkhuvassāni na gaṇetī. **Na yathāvuddhaṃ bhikkhūnaṃ vā sāmaṇeraṇaṃ vā vandanaṃ sādiyatīti** attanā musāvādam katvā dassitavassānurūpena yathāvuddhaṃ vandanaṃ nādhivāseti. **Na āsanena paṭibhāhatīti** **“apehi, me etam pāpuṇṇī”**ti āsanena nappaṭibhāhati. **Na uposathādīsu sandissatīti** uposathappavāraṇādīsu na sandissati. **Līṅgamattassevāti** evasaddena samvāsam nivatteti. **Samānoti** santo. **Līṅgānurūpassa samvāsassāti** sāmaṇeralīṅgānurūpassa sāmaṇerasamvāsassa. Sace pana kāśāye dhuram nikkhipitvā naggo vā odātavattathanivattho vā methunasevanādīhi assamaṇo hutvā kāśāyāni nivāseti, **līṅgathenako** hoti. Sace gihibhāvaṃ pathayamāno kāśāyaṃ ovaṭṭikaṃ katvā, aññena vā ākārena gihinivāsanaṇa nivāseti **“sobhati nu kho me gihilīṅgaṃ, na sobhati”**ti vīmamsanattamaṃ, rakkhati tāva, **“sobhati”**ti sampaṭicchitvā puna līṅgaṃ sādiyatī, **līṅgathenako** hoti. Odātamaṃ nivāsetvā vīmamsanasampaṭicchanesupi evesa nayo. Sacepi nivatthakāśāvassa upari odātamaṃ nivāsetvā vīmamsati vā sampaṭicchati vā, rakkhati eva.

Antimavattuhajjhāpannakepi evesa nayoti pārājikaṃ āpannake bhikkhumhipi evesa nayoti attho. Idaṃ vuttam hoti – sace koci bhikkhu kāśāye saussāhova odātamaṃ nivāsetvā methunaṃ paṭisevitvā puna kāśāyāni nivāsetvā vassagaṇanādībhedamaṃ sabbaṃ vidhim āpajjati, ayaṃ bhikkhūhi dinnalīṅgassa apariccattatā na līṅgathenako, līṅgānurūpassa samvāsassa sāditattā nāpi samvāsathenakoti. **Videsanti** paradesam. Idañca vañcetuṃ sakkūneyyaṭṭhānaṃ dassetuṃ vuttam. Yo pana sadesepe evam karoti, sopi samvāsathenakova. **“Samvāsamattassevā”**ti iminā līṅgaṃ paṭikkhipati. Sace koci vuddhapabbajito (mahāva. aṭṭha. 110) bhikkhuvassāni gaṇetvā mahāpeḷādīsu diyyamānabhāttamaṃ gaṇhāti, sopi theyyasamvāsako hoti. Sayamaṃ sāmaṇerova sāmaṇerappaṭipāṭiyā kūtavassāni gaṇetvā gaṇhanto theyyasamvāsako na hoti. Bhikkhu pana bhikkhupaṭipāṭiyā kūtavassāni gaṇetvā gaṇhanto bhaṇḍagghena kāretabbo.

Nanu samvāso nāma ekakammaṃ ekuddeso samasikkhatīti āha **“bhikkhuvassagaṇanādīko hī”**tiādi. Iminā na kevalaṃ ekakammādikova kiriyabhedo samvāsoti idhādhippeto, atha kho tadañño bhikkhuvassagaṇanādīkopīti dasseti. **Imasmim attheti** theyyasamvāsakādīhikāre. **Sikkhamaṃ paccakkhāyāti** sikkhamaṃ pariccajītvā. Idaṃ vuttam hoti – sace koci bhikkhu sikkhamaṃ paccakkhāya līṅgaṃ anapanetvā dussīlakammaṃ katvā vā akatvā vā **“na maṃ koci jānāti”**ti puna sabbaṃ pubbe vuttamaṃ vassagaṇanādībhedamaṃ vidhim paṭipajjati, so theyyasamvāsako hotīti.

Sace pana kassaci **rājā** kuddho hoti, so **“evamaṃ me sotthi bhavissati”**ti sayameva līṅgaṃ gahetvā palāyati. Tam disvā rañño āroceti. Rājā **“sace pabbajito, na tam labbhā kiñci kātu”**nti tasmim kodhamaṃ paṭivineti. So **“vūpasantaṃ me rājabhaya”**nti saṅghamaññaṃ anosaritvāya gihilīṅgaṃ gahetvā āgato pabbājetabbo. Athāpi **“sāsanamaṃ nissāya mayā jīvitaṃ laddhaṃ, handa dāni ahaṃ pabbajāmi”**ti upannasamvego teneva līṅgena āgantvā āgantukavattamaṃ na sādiyatī, bhikkhūhi puṭṭho vā apuṭṭho vā yathābhūtamattānaṃ āvikatvāya pabbajjamaṃ yācāti, līṅgaṃ anapanetvā pabbājetabbo. Sace pana vattamaṃ sādiyatī, pabbajjītalāyamaṃ dasseti, sabbaṃ pubbe vuttamaṃ vassagaṇanādībhedamaṃ paṭipajjati, ayaṃ pana na pabbājetabbo.

Idha panekacco dubbhikkhe jīvitaṃ asakkonto sayameva līṅgaṃ gahetvā sabbaṃ paṇḍāsaṇḍiyabhāttāni bhūñjanto dubbhikkhe vīṭivatte saṅghamaññaṃ anosaritvāya gihilīṅgaṃ gahetvā āgatoti sabbaṃ purimasadisameva.

Aparo **mahākantāraṃ** nittharitikāmo hoti, sathavāho ca pabbajite gahetvā gacchati. So **“evamaṃ maṃ sathavāho gahetvā gamissati”**ti sayameva līṅgaṃ gahetvā sathavāhena saddhim kantāraṃ nittharitvā khemantaṃ patvā saṅghamaññaṃ anosaritvāya gihilīṅgaṃ gahetvā āgatoti sabbaṃ purimasadisameva.

Aparo **rogabhaye** (mahāva. aṭṭha. 110; vi. sāṅga. aṭṭha. 138) uppane jīvitaṃ asakkonto sayameva līṅgaṃ gahetvā sabbaṃ paṇḍāsaṇḍiyabhāttāni bhūñjanto rogabhaye vūpasante saṅghamaññaṃ anosaritvāya gihilīṅgaṃ gahetvā āgatoti sabbaṃ purimasadisameva.

Aparassa eko **veriko** kuddho hoti, ghātetukāmo naṃ varacari. So **“evamaṃ me sotthi bhavissati”**ti sayameva līṅgaṃ gahetvā palāyati. Veriko **“kuhim so”**ti pariyesanto **“pabbajitvā palāto”**ti sutvā **“sace pabbajito, na tam labbhā kiñci kātu”**nti tasmim kodhamaṃ paṭivineti. So **“vūpasantaṃ me veribhaya”**nti saṅghamaññaṃ anosaritvāya gihilīṅgaṃ gahetvā āgatoti sabbaṃ purimasadisameva.

Aparo nātikulaṃ gantvā sikkhamaṃ paccakkhāya gihī hutvā **“imāni cīvarāni idha vinassissanti, sacepi imāni gahetvā vihāraṃ gamissāmi, antarāmagge maṃ ‘coro’**ti gahessanti, yamnūnāhamaṃ kāyaparihāriyāni katvā gaccheyya”nti **cīvarāraṇatthamaṃ** nivāsetvā ca pārupitvā ca vihāraṃ gacchati. Tam dūratova āgacchantaṃ disvā sāmaṇerā ca daharā ca abhuggacchantaṃ, vattamaṃ dassenti. So na sādiyatī, yathābhūtamattānaṃ āvikaroti. Sace bhikkhū **“na dāni mayamaṃ tam muñcissāmi”**ti balakkārena pabbājetukāmā honti, kāśāyāni anapanetvā puna pabbājetabbo. Sace pana **“na ime mama hināyavattabhāvaṃ jānanti”**ti tamyeva bhikkhubhāvaṃ paṭijānitvā sabbaṃ pubbe vuttavassagaṇanādībhedamaṃ vidhim paṭipajjati, ayaṃ na pabbājetabbo. Tenāha **“rājadubbhikkhakatāra-rogaveribhayaṇa vā”**tiādi. **Bhaya**saddo cetha paccekamaṃ yojetabbo **“rājabhayaṇa, dubbhikkhabhayaṇa”**tiādinā. **Līṅgaṃ ādiyatīti** vesamaṃ gaṇhāti. **Idhāti** imasmim sāse. **Samvāsamaṃ nādhivāseti, yāva so suddhamānasoti** bhikkhūnaṃ vañcetuṃkāmatāya abhāvato yo suddhamānaso yāva samvāsamaṃ nādhivāseti, tāva esa **“gihī maṃ ‘samaṇo’**ti jānanti”ti vañcaneccite satipi bhikkhūnaṃ vañcetuṃkāmatāya abhāvato doso natthīti theyyasamvāsako nāmāti na vuccatīti attho.

Titthiyesu pakkantako pavīṭṭhoti **titthiyapakkantako**. So ca na kevalaṃ tattha pavīṭṭhamatteneva titthiyapakkantako hoti, atha kho tesamaṃ laddhiggahaṇena. Tenāha **“yo pana”**tiādi. **“Upasampanno”**ti iminā anupasampanno titthiyapakkantako na hotīti dasseti. Vuttāñhetamaṃ **kurundiṭṭhakathāyaṃ** **“ayañca titthiyapakkantako nāma upasampannabhikkhūnā kathito, tasmā sāmaṇero salīṅgena titthāyatamaṃ gatopi puna pabbajjaṇca upasampadañca labhati”**ti (mahāva. aṭṭha. 110). **Kusacīrādīkanti** etthādīsaddena phalakkhaṇḍajāṭādinā gahaṇamaṃ. Sacepi **“ayaṃ pabbajjī seṭṭhā”**ti seṭṭhabhāvaṃ vā upagacchati, na muccati, titthiyapakkantakova hoti. **Vatānīti** ukkuṭṭikappadhānādīni vatāni. Sace pana **“sobhati nu kho me titthiyapabbajjā, nanu kho sobhati”**ti vīmamsanattamaṃ kusacīrādīni nivāseti, jaṭamaṃ vā bandhanti, khārikājamaṃ vā ādiyatī, yāva na sampaticchati tam laddhim, tāva rakkhati, sampaticchitamatte titthiyapakkantako hoti. Acchinnaṇṇavaro pana kusacīrādīni nivāseto, rājabhayaṇādīhi vā titthiyalīṅgaṃ gaṇhanto laddhiyā abhāvena neva titthiyapakkantako hoti.

Avaseso sabbopīti nāgasupannaṃyakkhagandhabbādiko. Yañhettha vattabbamaṃ, tam heṭṭhā vuttameva.

Yathā samānājātikassa (sārattha. fī. mahāvagga 3.112) vikopane kammaṃ garutaraṃ, na tathā vijātikassāti āha **“manussajātikā”**ti. Puttasambandhena māṭāpitusamaññā, dattakittimādivasenaṃ puttavohāro loke dissati, so ca kho pariyaṭotī nippariyāyasiddhataṃ dassetuṃ **“janettīti”**ti vuttamaṃ. **Janettīti** janikā, māṭāti attho. Yathā manussattabhāve thitasseva kusaladharmānaṃ tikkhavisadasūrabhāvāpatti, yathā tam tiṇṇampi bodhisattānaṃ bodhittayaniṃpphattiyaṃ, evamaṃ manussattabhāve thitasseva akusaladharmānaṃ tikkhavisadasūrabhāvāpatti āha **“manussabhūtenevā”**ti. **Saṅciccāti** **“pāno”**ti saññāya saddhim vadhakacetanāya cetetvā. **Ayaṃ māṭughātako nāmāti** ayaṃ ānantariyena māṭughātakakammaṇa māṭughātako nāma. Yena pana manussitthibhūṭāpi ajanikā posāvānikamātā vā mahāmātā vā cūlamātā vā janikāpi vā amanussitthibhūṭā mātā ghātītā, tassa pabbajjā na vāritā, na ca ānantariko hoti. Yena sayamaṃ tiracchānabhūtena manussitthibhūṭā mātā ghātītā, sopi ānantariko na hoti. Tiracchānagatatā paṇassa pabbajjī paṭikkhitā, kammaṃ paṇassa bhāriyamaṃ hoti, ānantariyamaṃ āhacceva tiṭṭhati.

Yena manussabhūto janako piṭā sayampi manussajātikeneva satā sañcicca jīvitaṃ voropito, ayaṃ ānantariyena piṭughātakakammaṇa piṭughātako nāmāti imamatthamaṃ atdisanto **“piṭughātakapi evesa nayo”**ti āha. Sacepi hi vesiyā putto hoti, **“ayaṃ me piṭā”**ti na jānāti, yassa sambhavana nibbatta, so ca tena ghātito, **“piṭughātako”** tveva saṅkamaṃ gacchati, ānantariyañca phusati (mahāva. aṭṭha. 114).

Elakacattukkaṃ (ma. nī. aṭṭha. 3.128; a. nī. aṭṭha. 1.1.275; vibha. aṭṭha. 809; sārattha. fī. mahāvagga 3.112), saṅgāmacattukkaṃ, coracattukkañcetha kathetabbamaṃ. **“Elaṅkamaṃ māremi”**ti abhisandhināpi hi elakattāhāne thītaṃ manussabhūtaṃ māraṃ vā pitarāṃ vā mārento ānantariyamaṃ phusati māraṇadhippāyeneva ānantariyavatthuno vikopitattā. Elakābhisandhinā, pana māṭāpitābhisandhinā vā elakamaṃ mārento ānantariyamaṃ phusati ānantariyavatthubhāvato. Mātāpitābhisandhinā māṭāpitāro mārento phusateva. Evesa nayo itarasmimpi catukkadvaye. Sabbattha hi purimaṃ abhisandhicittamaṃ appamaṇamaṃ, vadhakacittamaṃ, pana tadārammanajīvitindriyañca ānantariyānantariyabhāve pamāṇamaṃ.

Arahantagātakopi manussaarahantavaseneva veditabboti āha “**yaena antamaso gihilōge thitopi**”tiādi. Amanussajātikam pana arahantam, manussajātikam vā avasesam ariyapuggalam ghātetvā ānantariko na hoti, pabbajjāpissa na vāritā, kammam pana balavam hoti. Tiracchāno manussaarahantampi ghātetvā ānantariko na hoti, kammam pana bhāriyanti ayametha vinicchayo. Yathā mātāpitūsu, evam arahantepi elakacatukkādmi veditabbāni.

Pakatattam bhikkhuninti parisuddhasīlam ubhatosāṅge upasampannaṃ bhikkhuniṃ. Yo (mahāva. aṭṭha. 115) pana kāyasamsaggena sīlavināsam pāpeti, tassa pabbajjā ca upasampadā ca na vāritā. Balakkārena odāvatthavasanaṃ katvā anicchamānāyeva dūsetenti bhikkhunidūsakoyeva, balakkārena pana odāvatthavasanaṃ katvā icchamānā dūseto bhikkhunidūsako na hoti. Kasmā? Yasmā gihbhāve sampatichitamattevā sā bhikkhuni hoti. Sakim sīlavipannaṃ pana pacchā dūseto sikkhamānasāmaṇerisu ca vipattipajjanto neva bhikkhunidūsako hoti, pabbajjam, upasampadañca labhatīti.

Dhammato uggataṃ apagataṃ **uddhammam**. **Ubbinayanti** ethhāpi eseve nayo. **Catunnam kammānanti** apalokanañāṭṭittidutiyañāṭṭituttasāṅkhātānam catunnam kammānam. Imesañhi aññataram saṅghakammaṃ ekasīmāyam viṣum viṣum karontena **saṅgho bhinno** nāma hoti. Tena vuttam “**catunnam kammānam aññataravasena saṅgham bhindati**”ti.

“Duṭṭhacittena”ti vuttamevattham vibhāvetum “**vadhakacittena**”ti vuttam. Vadhakacetāyā hi dūsitam cittam idha **duṭṭhacittam** nāma. **Lohitam uppādetīti** antosarīreyeva lohitaṃ uppādeti, sañcītam karotīti adhippāyo. Na hi tathāgatassa abhejjakāyatāya parūpakkamena dhammam bhinditvā lohitaṃ paggharati, sarīrassa pana antoyeva ekasim thāne lohitaṃ samosarati, āghātena pakuppamānam sañcītam hoti, tam sandhāvetam vuttam. Yo pana rogavūpasamanattham jīvako viya sathena phāletvā pūtimāsañca lohitañca nīharitvā pāsukam karoti, ayam lohittuppādako na hoti, bahum pana so puññam pasavati (mahāva. aṭṭha. 115).

Duvidhampi byañjananti yathāvuttakammadvayato samuṭṭhitam itthinimittam, purisanimittāñcāti duvidhampi byañjanam. Iminā ca viggahena “**ubhatobyāñjanako**”ti asamānādhikaranavīsayo bāhiratthasamāsoyam, purimāpade ca vibhātiālopoti dasseti. So duvidho hoti itthiubhatobyāñjanako, purisaubhatobyāñjanako cāti. Tattha itthiubhatobyāñjanakassa itthinimittam pākaṭam hoti, purisanimittam paṭicchannaṃ. Purisaubhatobyāñjanakassa purisanimittam pākaṭam, itthinimittam paṭicchannaṃ. Itthiubhatobyāñjanakassa itthiṣu purisattham karontassa itthinimittam paṭicchannaṃ hoti, purisanimittam pākaṭam hoti. Purisaubhatobyāñjanakassa purisānam itthibhāvam upagacchantassa purisanimittam paṭicchannaṃ hoti, itthinimittam pākaṭam hoti. Itthiubhatobyāñjanako sayañca gabbham gañhāti, parañca gañhāpeti. Purisaubhatobyāñjanako pana sayam na gañhāti, param gañhāpetīti idametesam nānākaranaṃ.

Aparāmasanānti aggahañāni avacanāni. “**Ayam itthannāmo**”ti **upasampadāpekkhassa akittananti** yassa upasampadā karīyati, tassa akittanam, “suñātu me, bhante, saṅgho, ayam dhammarakkhito āyasmato buddharakkhitassa upasampadāpekkho”ti vattabbe “ayam dhammarakkhito”ti (pari. aṭṭha. 484) avacananti vuttam hoti. “**Itthannāmassa upasampadāpekkho**”ti **upajjhāyassa akittananti** “suñātu me, bhante, saṅgho, ayam dhammarakkhito āyasmato buddharakkhitassa upasampadāpekkho”ti vattabbe “suñātu me, bhante, saṅgho, ayam dhammarakkhito upasampadāpekkho”ti vatvā “āyasmato buddharakkhitassa”ti avacanam. **Sabbena sabbam nīattiyā anuccaraṇanti** nīattim atthāpetvā catukkhattam kammavācāya eva anussāvanakkamma karaṇam. **Sampannanti** upetaṃ.

Hāpanam pariccājanam. Yopi ekam nīattim thāpetvā sakimyeva vā dvikkhattam vā anussāvanam karoti, ayampi sāvanam hāpetiyeva. **Duruccaraṇam** nāma aññasimim akkhare vattabbe aññassa vacanam. Tasmā kammavācam karontena bhikkhunā yvāyam –

“Sīhilam dhanitañca dīgharassam;
Garukam lahukañceva niggahitam;
Sambandhavatthitam vimuttam;
Dasadhā byañjanabuddhiyā pabhedo”ti. (dī. ni. aṭṭha. 1.190; ma. ni. aṭṭha. 1.291; a. ni. aṭṭha. 2.3.64, pari. aṭṭha. 485; vi. saṅga. aṭṭha. 252) –

Vutto, ayam suṭṭhu upalakkhetabbo. Ettha hi **sīhilam** nāma pañcasu vagesu paṭhamatāyiam. **Dhanitam** nāma tesveva dutiyacatuttham. **Dīghanti** dīghena kālena vattabbam ā-kārādi. **Rassanti** tato upaḍḍhakālena vattabbam ā-kārādi. **Garukanti** dīghameva, yaṃ vā “āyasmato buddharakkhitattherassa yassa nakkhamati”ti evam samyogaparam katvā vuccati. **Lahukanti** rassameva, yaṃ vā “āyasmato buddharakkhitattherassa yassa na khamati”ti evam samyogaparam katvā vuccati. **Niggahitanti** yaṃ karaṇāni niggahetvā avissajjetvā avivatena mukhena sānūsikam katvā vattabbam. **Sambandhanti** yaṃ parapadena sambandhitvā “tūñhissā”ti vā “tūñhassā”ti vā vuccati. **Vavatthanti** yaṃ parapadena sambandham akatvā vicchinditvā “tūñhi assā”ti vā “tūñha assā”ti vā vuccati. **Vimuttanti** yaṃ karaṇāni aniggaṭhetvā vissajjetvā vivatena mukhena anūsikam akatvā vuccati.

Tattha “suñātu me”ti vattabbe **ta-kārassa tha-kāram** katvā “suñātu me”ti vacanam **sīhilassa dhanitakaraṇam** nāma, tathā “pattakallaṃ esā nīattī”ti vattabbe “pattakallaṃ esā nīattī”tiādivacanāñca. “Bhante, saṅgho”ti vattabbe **bha-kāra gha-kāraṇam ba-kāra ga-kāre** katvā “bante saṅgho”ti vacanam **dhanitassa sīhilakaraṇam** nāma. “Suñātu me”ti vivatena mukhena vattabbe “suñātu me”ti vā “esā nīattī”ti vattabbe “esam nīattī”ti vā avivatena mukhena anūsikam katvā vacanam **vimuttassa niggahitavacanam** nāma. “Pattakalla”nti avivatena mukhena anūsikam katvā vattabbe “pattakalla”ti vivatena mukhena anūsikam akatvā vacanam **niggahitassa vimuttavacanam** nāma. Iti sīhile kattabbe dhanitam, dhanite kattabbe sīhilam, vimutte kattabbe niggahitam, niggahite kattabbe vimuttanti imāni cattāri byañjanāni antokammavācāya kammam dūseti. Evam vadanto hi aññasimim akkhare vattabbe aññam vadati, duruttam karotīti vuccati.

Itaresu pana dīgharassādīsū chasu byañjanesu dīghaṭṭhāne dīghameva. Rassaṭṭhāne ca rassamevāti evam yathāṭṭhāne tam tadeva akkharam bhāsantena anukkamāgataṃ pavēnim avināsentena kammavācā kātabbā. Sace pana evam akatvā dīge vattabbe rassam, rasse vā vattabbe dīgham vadati, tathā garuke vattabbe lahukam, lahuke vā vattabbe garukam vadati, sambandhe vā pana vattabbe vavatthitam, vavatthite vā vattabbe sambandham vadati, evam vuttepi kammavācā na kuppati. Imāni hi cha byañjanāni kammam na kōpeti.

Yaṃ pana suttantikatherā “**da-kāro ta-kāramāpajjati, ta-kāro da-kāramāpajjati, ca-kāro ja-kāramāpajjati, ja-kāro ca-kāramāpajjati, ya-kāro ka-kāramāpajjati, ka-kāro ya-kāramāpajjati**, tasmā **da-kārādīsū** vattabbesu **ta-kārādīnam** vacanam na virujjhati”ti vadanti, tam kammavācam patvā na vaṭṭati. Tasmā vinayadharena neva **da-kāro ta-kāro** kātabbo...pe... na **ka-kāro ya-kāro**. Yathāpālīyā niruttim sodhetvā dasavidhāya byañjananiruttīyā vuttadose pariharantena kammavācā kātabbā. Itarathā hi sāvanam hāpeti nāma. Nīattim atthāpetvā paṭhamam anussāvanakaraṇanti sambandho.

Yāvaticā bhikkhū kammappattāti yattakā bhikkhū tassa upasampadākkamma pattā yuttā anurūpā. Te ca kho sabbantimena pariyañena hatthapāsam avijahitvā ekasīmatthā pañca pakatattā bhikkhū. Na hi tehi vinā tam kammam karīyati, na tesam chando eti. Avasesā pana sacepī sahasamattā honti, sace ekasīmatthā ekasim thāne samānasamvāsakā, sabbe chandārahāva honti, chandaṃ datvā āgacchantu vā, mā vā, kammam na kuppati. **Paṭikkosananti** nivāraṇam. Tīṭṭhati ettha phalaṃ tadāyattavuttitāyāti **thānam**, karaṇam. Idha pana upasampadākkammakaraṇassa karaṇattā upasampadākkammavācāsāṅkhātānam bhāgavato vacanam vuccati. Tenāha “**kāraṇarahattā pana sattu sāsanārahattā**”ti. Yathā ca “tam kattabba”nti bhāgavatā anuṣīṭṭham, tathākaraṇam upasampadākkammassa karaṇam hotīti **thānaraham** nāma. Keci (sārathā. 1. 2.45) pana “**thānārahānāti** ettha ‘na, bhikkhave, hatthacchinno pabbājetabbo’tiādi (mahāva. 119) satthūsānaṃ thāna”nti vadanti. **Idhāti** imasimim pārājike. Yathā ca idha, evam sabbatthāpi lokavajjasikkhāpadesu ayameva adhippetoti veditabbam. Tenāha “**paṇṇattivajjesu panā**”tiādi. **Aññepīti** ehibhikkhūpasampannādayopi. Kathameyam viññāyati paṇṇattivajjesu sikkhāpadesu aññepi saṅgaham gacchantīti? Atthato āpannattā. Tathā hi “dve puggalā abhabbā āpattim āpajjitum buddhā ca paccakabuddhā ca, dve puggalā bhābbā āpattim āpajjitum bhikkhū ca bhikkhuniyo cā”ti (pari. 322) sāmāññato vuttattā. Ehibhikkhūpasampannādayopi asañcecca assatiyā acittakam sahasēyāpattīdībhedaṃ paṇṇattivajjam āpajjanīti (sārathā. 1. 2.45) atthato āpannam.

Idāni “bhikkhūna”nti imam padam viṣesatthābhāvato viṣum avanṇetvāya yaṃ sikkhañca sājivañca samāpannatā bhikkhūnam sikkhāsājivasamāpanno hoti, tam dassento “**bhikkhūnam sikkhāsājivasamāpanno**”tiādimāha. Sikkhitabbāti **sikkhā**, pātimokkhasamvarasīlam, saha jīvanti ethhāti **sājivam**, mātīkādībhedaṃ pañnanti, sikkhā ca sājivañca **sikkhāsājivam**, tadubhayam samāpanno upagatoti **sikkhāsājivasamāpanno**. Tenāha “**ya bhikkhūna**”ntiādi. Ettha ca “sikkhā”ti sājivasahacariyato adhisīlasikkhāva adhippetāti āha “**adhisīlasāṅkhātā**”ti. Adhikam uttamam sīlanti **adhisīlam**, “adhisīla”nti saṅkhātā **adhisīlasāṅkhātā**.

Katamam panettha sīlam, katamam adhisīlanti? Vuccate – pañcaṅgadasaṅgasīlam tāva sīlameva, na tam adhisīlam. Pātimokkhasamvarasīlam pana adhisīla”nti vuccati. Tāñhi sūriyo viya pajjotānam, sīneru viya ca pabbatānam sabbalokiyasīlānam adhikañceva uttamañca, buddhuppādeyeva ca pavattati, na vinā buddhuppādā. Na hi tam paññattim udharitvā añño satto paññāpetum sakkoti, buddhāyeva panassa sabbaso kāyavacīdvārājīhācārasotaṃ chinditvā tassa tassa vītikamassa anucchavikam tam tam sīlasamvaram paññāpentī. Pātimokkhasamvarasīlotopi ca maggaphalasampayuttameva sīlam adhisīlam, tam pana idha na adhippetam. Na hi tam samāpanno methunadhammam paṭisevati.

Eteti nānādesajātigottāḍibhedabhinnā bhikkhū. **Saha jīvan**ti ekuddesādivasena saha pavattanti. Tenāha “**ekajīvikā sabhāgavuttino**”ti. **Sikkhāpadasaṅkhātanti** pannaṭṭisāṅkhātā. Sāpi hi viratīdānaṃ dīpanato “sikkhāpada”nti vuccati. Vuttampi cetam “sikkhāpadanti yo tattha nāmakāyo padakāyo niruttikāyo byañjanakāyo”ti. **Tatthāti** tesu. **Sikkhāṃ pariṭṭento**ti akattabbaparivajjanakattabbakaraṇavasena virattacārittasāṅkhātāṃ duvidham sīlam pariṭṭentoṭi attho, virattasīlavasena viratisampayuttacetanaṃ, cārittasīlavasena viratīvippayuttacetanaṃ attho pavattentoṭi vuttam hoti. **Sājjīvaṇa avitikkamanto**ti sikkhāpadaṇa amaddanto, sīlasamvaraṇaṃ, sājjīvanatikkamanaṇācīti idameva dvayam idha samāpajjanam nāmāti adhippāyo. Tattha sājjīvanatikkamo sikkhāpāripūriyā paccayo. Tassānatikkamanato hi yāva maggā sikkhā pariṭṭurati. Apicettha “sikkhāṃ pariṭṭento”ti iminā viratitcetanāsaṅkhātassa sīlasamvarassa visesato santāne pavattanakālova gahito, “avitikkamanto”ti iminā pana appavattanakālopi. Sikkhāhi pariṭṭurāvasena atthāni pavattentoṭi niddādivasena appavattentoṭi vīttikkamābhāvā sikkhanavasena samāpanno vuccati.

Yasmā sikkhāpaccakkhāna ekaccaṃ dubbalyāvikkammaṃ attho hoti, tasmā tam sandhāya “sikkhāṃ paccakkhāyā”ti padassa attham vivaranto “dubbalyam anāvikatvā”ti āhāti dassettu “**sikkhāṃ paccakkhāya dubbalyam anāvikatvā**”ti tiādimāha. Tattha siyā (pārā. aṭṭha. 1.45) sikkhāpaccakkhānavibhāgavaṇṇanā, yasmā na sabbam dubbalyāvikkammaṃ sikkhāpaccakkhānaṃ, tasmā “dubbalyam anāvikatvā”ti paṭhamam vatvā tassa atthaniyamanattham “sikkhāṃ paccakkhāyā”ti vattabanti? Tam na, kasmā? Atthānukkamābhāvato. “Sikkhāsājjīvasamāpanno”ti hi vuttatā yaṃ sikkhāṃ samāpanno, tam apaccakkhāya, yaṅca sājjīvam samāpanno, tattha dubbalyam anāvikatvāti vuccamāne anukkameveva attho vutto hoti, na aññatā. Tasmā idameva paṭhamam vuttanti.

Idāni tadubhayaeva pākāṭam katvā dassettu “**tatthā**”tiādimāha. **Tadabhāvenāti** tesam cīttādinam abhāvena. **Cavitukāmatācītenāti** apagantukāmatācītena. **Davāti** sahasā. Yo hi aññam bhānītukāmo sahasā “buddham paccakkhām”ti bhānāti, ayam **dvā vadati** nāma. **Ravāti** virājhitvā. Yo hi aññam bhānītukāmo virūjhitvā “buddham paccakkhām”ti bhānāti, ayam **ravā bhānāti** nāma. Purimena ko viseso ti ce? Purimam paṇḍitassāpi sahasāvasena aññabhaṇaṇam, idam pana mandatā momūhātā pakkhalantassa “aññam bhānissām”ti aññabhaṇaṇam. “Akharasamayānābhīnātāyā va karaṇasampattiyā abhāvato va kathetabbam kathetumasakkonto hutvā aññam kathento **ravā bhānāti** nāmā”ti (sāratta. ṭi. 2.54) eke.

Vajjāvajjam upanijjhāyatīti **upajjhāyo**, tam upajjhāyam. “**Evam** sajjhāyitabbam, evam abhikkamitabbā”ntiādinā ācārasikkhāpanako **ācariyo**. Ante samīpe vasati sīlenāti **antevasī**, vibhāttialopena yathā “vanekasērūkā”ti. Samāno upajjhāyo assāti **samānupajjhāyako**. **Evam samānācariyako**. **Sabrahmacāri**nti bhikkhum. So hi “ekakammaṃ, ekuddeso, samasikkhatā”ti imam brahman samānam carati, tasmā “sabhāmacārī”ti vuccati. **Evam vuttānanti** evam padabhājanīye vuttānam. Yathā hi loke sassānam viruḥanaṭṭhānam “khetta”nti vuccati, evamimānīpi buddhādīni padāni sikkhāpaccakkhānaṃ viruḥanaṭṭhānatthā “**khetta**”nti vuccanti āha “**imesam dvāvīyatīyā khettopadāna**”nti. Yasmā panetesam vevacanehi sikkhāpaccakkhānam hoti, tasmā “**savevacanassa**”ti vuttam. Vividham ekasimīyeva atthe vacanam vivacanam, vivacanameva **vevacanam**, pariāyanānam, saha vevacanehīti **savevacanam**, tassa savevacanassa. Ettha ca **vaṇṇapaṭṭhāne** (sāratta. ṭi. 2.52; vi. vi. ṭi. 1.53; vajira. ṭi. 53) āgataṃ nāmasahassam, **upalīgāthāsu** (ma. ni. 2.76) nāmasatam, aññāni ca guṇato labbhānāni nāmāni “buddhavevacanāni”ti veditabbāni. Sabbānīpi dhammassa nāmāni “dhammavevacanāni”ti veditabbāni. Esa nayo sabbattha.

Tesu yaṃ kiñci vattukāmassa yaṃ kiñci vadato sikkhāpaccakkhānam hotīti tesu dvāvīyatīyā khettopadesu yaṃ kiñci ekam padaṃ vattukāmassa tato aññam yaṃ kiñci padaṃ vacibhedam katvā vadato khettopadantogadhattā sikkhāpaccakkhānam hotīti attho. Idam vuttam hoti – sace paṇāyam “buddham paccakkhām”ti vattukāmo padapaccābhāṭṭam katvā “paccakkhāmi buddha”nti vā vadeyya, milakkhabhāsādisū vā aññatarabhāsāya tamattham vadeyya, “buddham paccakkhām”ti vattukāmo uppaṭṭipāyīyā “dhammam paccakkhām”ti vā “sabhāmacāriṃ paccakkhām”ti vā vadeyya, seyyathāpi uttarimanussadhammavibhāge “paṭhamam jhānam samāpajjām”ti vattukāmo “dutiyaṃ jhāna”nti vadati. Sace “yassa vadati, so ayam bhikkhubhāvam cajitukāmo etamattam vadatī”ti ettakamattampi jānāti, viraddham nāma natthi, khetameva oṭṭṇam, paccakkhātāva hoti sikkhā. Sakkattā vā brahmattā vā cutasatto viya cutova hoti sāsanāti.

Alanti (pārā. aṭṭha. 1.52) hotu, pariāyanti attho. **Kim nu meti** kim mayham kiccam, kim karaṇīyam, kim sādhetabbanti attho. **Na mamatthoti** natthi mama attho. **Sumuttāhanti** suṭṭhu mutto aham. **Purimehi cuddasahi padehīti** buddhādīhi sabrahmacāripariyantehi purimehi cuddasahi padehi. **Yannūnāham paccakkheyyanti** ettha “**yannūnā**”ti parivattakkadassane nipāto. Idam vuttam hoti – “sacāham buddham paccakkheyyam, sādhu vata me siyā”ti. **Ādisaddena** “paccakkhi”nti vā “paccakkhissām”ti vā “bhavissām”ti vā “hom”ti vā “jātomhī”ti vā “amhī”ti vā evambhūṭānam gahaṇam. Sace pana “ajja paṭṭhāya ‘gihī’ti mam dhārehi”ti vā “jānāhi”ti vā “sājjanāhi”ti vā “manasi karohī”ti vā vadati, ariyakena vā vadati, milakkhakena vā. Evametasmim atthe vutte yassa vadati, sace so jānāti, paccakkhātā hoti sikkhā. Esa nayo sesesupi “upāsako”tiādisu sattsu padesu. Ettha ca **ariyakam** nāma māgadavahāro. **Milakkhakam** nāma anariyako andhadamīlādī.

Akkharalikhananti “buddham paccakkhām”tiādinā aññesaṃ dassanatham akkharalikhanam. Adhippāyaviññāpako āngulisaṅkocanādikō hatthavikāro **hatthamuddā**, **hatthasaddo** cettha tadekadesesu āngulisu daṭṭhabbo “na bhūjāmāno sabbam hattham mukhe pakkhipissām”tiādisu (pāci. 618) viya. Tasmā adhippāyaviññāpakassa āngulisaṅkocanādinō hatthavikāraṇassa dassanam **hatthamuddāidassananti** (sāratta. ṭi. 2.51) evamettha attho daṭṭhabbo. **Ādisaddena** sīsakampanadassanādiṃ saṅganhāti.

Ummattakakhittacittavedanāṭṭhānanti ettha **ummattakoti** pittumattako. **Khittacittoti** yakkhehi katacittavikkhepo, yakkhumattakoti vuttam hoti. Ubhinnaṃ pana viseso anāpattivāre āvibhavāsati. **Vedanāṭṭoti** balavatiyā dukkhavedanāya puṭṭho mucchāpareto, tena vipalapanena paccakkhātāpi apaccakkhātāva hoti. **Manussajātiko hotīti** sabhāgo vā visabhāgo vā gahaṭṭho vā pabbajito vā viññū yokoci manusso hoti. **Ummattakādīnanti** etthādisaddena khittacittavedanāṭṭadevatīracchānagatānam gahaṇam. Tatra ummattakakhittacittavedanāṭṭatīracchānagatānam santike paccakkhātāpi ajānaṇabhāvena apaccakkhātāva hoti. Devatāya pana santike atthippam jānaṇabhāvena. Devatā nāma mahāpaññā tihetukappatisandhikā atikhippam jānanti, cittaṅca nāmetam lahuṇarivattam, tasmā “cittalahukassa puggalassa cittavaseneva mā atikhippam vināso aho”ti devatāya santike sikkhāpaccakkhānam paṭikkhipi. Tena vuttam “**na ca ummattakādīnam aññataro**”ti. **Dūtena vāti** “mama sikkhāpaccakkhānabhāvam kathehi”ti mukhasāsanavasena dūtena vā. **Paṇṇena vāti** paṇṇe likhitvā paṇṇavasena paṇṇena vā.

Sace te sikkhāpaccakkhānabhāvam jānantīti sambandho. **Āvajjanasamāyete** atthābhogasaṃyāyā. Iminā tam khaṇāmyeva pana apubbam acarimam dujjānanti dasseti. **Vacanānantaramavevati** vacanassa anantarameva, āvajjanasamāyevāti attho. **Eva-saddena** pana cirena jānaṇam paṭikkhipati. **Ukkañṭhito**ti anabhiratīyā imasmim sāsaṇe kicchajīvikam patto. Etha vā “ajja yāmi, sve yāmi, ito yāmi, ettha yāmi”ti uddham kaṇṭham katvā viharamāno vikkhito, anekaggo vuttam hoti. Idaṅca “anabhirato sāmāññā cavitukāmo”tiādinam (pārā. 45) upalakkhaṇam. **Yena kenaci...pe... jānantīti** sace te “ukkañṭhito”ti vā “gihībhāvam pattheti”ti vā “anabhirato”ti vā “sāmāññā cavitukāmo”ti vā yena kenaci ākāreṇa sikkhāpaccakkhānabhāvam jānanti. Idañhi sikkhāpaccakkhānaṇaṇa upari abhūtārocanaḍṭhullavācāntakāmaduṭṭhadosabhūtārocanaṇasikkhāpadāni ca ekaparicchedāni, āvajjanasamāyete nāte eva sīsam enti. “Kim ayam bhāṇati”ti kaṅkhatā cirena nāte sīsam na enti. Tenāha “**atha aparabhāge**”tiādi. Etha dvinnam thitāṭṭhāne dvinnampi niyametvā “etesam āroce”ti vadati, tesu ekasmim jānantepi dvīsu jānantesupi paccakkhātāva hoti sikkhā. **Evam** sambahulesupi veditabbam. **Vuttanāyenti** “tassa vacanānantara”ntiādinā vuttene nayena. **Yo koci manussajātiko**ti antamaso navakammikam upādāya yo koci manusso. Vuttañhetam **samantapāsādikāyam** –

“Sace pana anabhiratīyā pīlito sabhāge bhikkhū parisāṅkamāno ‘yo koci jānāti’ti uccāsaddam karonto ‘buddham paccakkhām’ti vadati, taṅca avidūre thito navakammiko vā añño vā samāyāññū puriso sutvā ‘ukkañṭhito ayam samaṇo gihībhāvam pattheti, sāsanato cuto’ti jānāti, paccakkhātāva hoti sikkhā”ti (pārā. aṭṭha. 1.51).

Sace vacanatham nātāvāpi “ayam ukkañṭhito”ti vā “gihībhāvam pattheti”ti vā na jānāti, apaccakkhātāva hoti sikkhā. Sace pana vacanatham ajānīvāpi “ukkañṭhito”ti vā “gihībhāvam pattheti”ti vā jānāti, paccakkhātāva hoti sikkhā. **Davāyapīti** kilādhīppāyeni. **Cīttādinam vā vasenāti** cīttādinam vā chalaṅgānam vasena. Hoti cettha –

“Cittam khettaṅca kālo ca, payogo pugalō tathā,
Vijānananti sikkhāya, paccakkhānam chalaṅgika”nti.

Sabbaso vā pana apaccakkhānenāti “buddham paccakkhām”tiādisu yena yena pariāyena sikkhāpaccakkhānam hoti, tato ekasāpi paccakkhānaṃ abhāvena. Iminā pana “idam padaṃ sāveṣṣāmi, sikkhāṃ paccakkhām”ti evam pavattacittuppādasā abhāvam dasseti. Yassa hi evarūpo cittuppādo natthi, so sabbaso na paccakkhāti nāmāti. **Sikkhāpaccakkhānasāti** “buddham paccakkhām”tiādisikkhāpaccakkhānaṃ. **Atthabhūtam ekaccaṃ dubbalyanti** “buddham paccakkhām”ti vadati viññāpeti, evampi, bhikkhave, dubbalyāvikammaṇeṇa hoti, sikkhā ca paccakkhātā”tiādinā (pārā. 53) vuttehi yehi vacanehi sikkhāpaccakkhānaṇeṇa hoti dubbalyāvikkammaṇa, tam “buddham paccakkhām”tiādikam atthabhūtam dubbalyam anāvikatvā. “Buddham paccakkhām”tiādimhi pana vutte sikkhāpāripūreṇa dubbalabhāvassāpi gamyamanāntā sikkhāpaccakkhānaṃ idam dubbalyāvikkammaṇam atthoti daṭṭhabbam. Ettha ca “atthabhūta”nti iminā “yannūnāham buddham paccakkheyya”ntiādikam dubbalyāvikkammaṇam paṭikkhipati. Yena hi sikkhāpaccakkhānaṇeṇa hoti dubbalyāvikkammaṇa, tadeva sikkhāpaccakkhānaṃ atthabhūtam. Yena pana dubbalyāvikkammaṇeṇa hoti, na sikkhāpaccakkhānam, na tam tassa atthabhūtantī.

Rāgapariyutthānaṇa sadisabhāvāpattiyā mīthunānam ayanti “**methuno**”ti dhammova vuccatīti āha “**rāgapariyutthānenā**”tiādi. Tattha **rāgapariyutthānenāti** rāgassa

pariyuṭṭhānena, methunarāgassa pavattiyā pariyanaddhacittatāyāti attho. **Dhammoti** ajjhācāro. “Palambate vilambate” tiādīsu viya upasaggassa koci atthaviseso natthīti āha “**seveyyā**”ti. **Ajjhāpajjeyyā**ti abbhuyya pajjeyya. **Sabbantīmenāti** paranimmitavasavattī...pe... cātumhārājikamanussitthīnāgagaruḷamānavikādināṃ sabbāsaṃ antīmena. **Tīracchānagatāyāti** tīracchānesu uppannāya. Tenāha “**paṭisandhivasenā**”ti. Pārājikāya vatthubhūṭā eva cetha tīracchānagatīti “tīracchānagatā”ti gahetabbā, na sabbā. Tatrāyaṃ paricchedo –

“Apadānaṃ ahimacchā, dvīpadānaṃ kukkuṭi,
Catuppadānaṃ majjārī, vatthu pārājikassimā”ti. (pārā. aṭṭha. 1.55)

Tattha **ahiggāhanena** sabbāpi ajagaragonasādībheda dīghajāti saṅgahitā. Tasmā dīghajātīsu yattha tinnaṃ maggāna aññatarasmim sakkā tilaphalamattampi pavesetum, sā pārājikavatthu, avasēṣā dukkaṭavattūti vedittabbā. **Macchaggāhanena** sabbāpi macchakacchapamaṇḍūkādībheda odakajāti saṅgahitā. Tatrāpi dīghajātīyaṃ vuttanayeneva pārājikavatthu ca dukkaṭavatthu ca vedittabbam. Ayaṃ pana viseso – pataṅgamukhamaṇḍūkā nāma honti, tesam mukhasaṅghānaṃ mahantaṃ, chiddaṃ appakaṃ, tattha pavesanaṃ nappahoti, mukhasaṅghānaṃ pana vaṇasaṅkhepaṃ gacchati, tasmā taṃ thullaccayavatthūti vedittabbam. **Kukkuṭiggāhanena** sabbāpi kākakapotādībheda pakkhijāti saṅgahitā. Tatrāpi vuttanayeneva pārājikavatthu ca dukkaṭavatthu ca vedittabbam. **Majjāriggāhanena** sabbāpi rukkhāsanakhamāṅgusagodhādībheda catuppadajāti saṅgahitā. Tatrāpi vuttanayeneva pārājikavatthu ca dukkaṭavatthu ca vedittabbam.

Pārājiko hotīti (pārā. aṭṭha. 1.55) parājito hoti parājayaṃ appanno. Ayañhi **pārājikasaddo** sikkhāpadāpattipuggalesu vattati. Tattha “atthānāmetam, ānanda, anavakāso, yaṃ tathāgato vajjīnaṃ vā vajjiputtakānaṃ vā kāraṇā sāvakānaṃ pārājikaṃ sikkhāpadaṃ paññattaṃ samūhaneyyā”ti (pārā. 43) evaṃ sikkhāpade vattamāno vedittabbo. “Āpattim tvam bhikkhu āpanno pārājika”nti (pārā. 67) evaṃ āpattiyam. “Na mayaṃ pārājikā, yo avahaṭo, so pārājiko”ti (pārā. 155) evaṃ puggale vattamāno vedittabbo. “Pārājikena dhammena anuddhamseyyā”tiādīsu (pārā. 384) pana dhamme vattatīti vadanti. Yasmā pana tattha “dhammo”ti katthaci āpatti, katthaci sikkhāpadameva adhippetam, tasmā so visum na vattabbo. Tattha sikkhāpadaṃ yo taṃ atikkamati, taṃ parājeti, tasmā “**pārājika**”nti vuccati. Āpatti pana yo naṃ ajjhāpajjati, taṃ parājeti, tasmā “**pārājika**”ti vuccati. Puggalo yasmā parājito parājayaṃ appanno, tasmā “**pārājiko**”ti vuccati. Idha pana puggalo vedittabboti āha “**pārājiko hoti**”tiādi. Imināpi idaṃ dasseti – “parājitasadde upasaggassa vuddhiṃ katvā, ta-kārassa ca ka-kāraṃ katvā **pārājiko** hotīti niddiṭṭho”ti.

Apalokaṇādi catubbidhampi saṅghakammaṃ sīmāparicchinnehi pakatattehi bhikkhūhi ekato kattabbatā **ekakammaṃ** nāma. **Ādisaddena** ekuddesamasikkhatānaṃ gahaṇam. Tattha pañcavidhopi pātimokkhuddeso ekato uddisitabbatā **ekuddeso** nāma. Nahāpitapubbakādināṃ viya odissa anuññātaṃ thapetvā avasesaṃ sabbampi sikkhāpadaṃ sabbehi lajjipuggalehi samaṃ sikkhitabbabhāvato **samasikkhatā** nāma. Yasmā sabbehi lajjino etesu ekakammādīsu saha vasanti, na ekopi tato bahiddhā sandissati, tasmā tāni sabbāni gahetvā ekakammādiko tividhopi **saṃvāso** nāmāti āha “so ca vuttappakāro saṃvāso tena puggalena saddhiṃ natthi, tena kāraṇena so pārājiko puggalo ‘asaṃvāso’ti vuccatī”ti (pārā. aṭṭha. 1.55).

Idāni yasmā na kevalaṃ manussitthiyā eva nimittaṃ pārājikavatthu, aha kho amanussitthīracchānagatīthīnampi. Na ca itthiyā eva. Aha kho ubhatobyañjanakapandakapurīsānampi, tasmā te satte, tesañca yaṃ yaṃ nimittaṃ vatthu hoti, taṃ taṃ nimittaṃ, tattha ca yathā paṭisevanto pārājiko hoti, tañca sabbam vitthāretvā dassetum “**ayaṃ panettha vinicchayo**”tiādimāha. **Etthāti** imasmim sikkhāpade. **Tesūti** ye timsamaggā vuttā, tesu. **Attano vāti** lambimudupitṭhike sandhāya vuttam. **Santhata** vāti yena kenaci vatthena vā pañna vā vākapattena vā cammena vā tipusīsādīnaṃ paṭṭena vā paliveṭhētvā, anto vā pavesetvā paṭicchannassa. **Akkhāyitassa vāti** soṇasingālādīhi akkhādītassa. **Yebhuyyena akkhāyitassāti** yāva upadhdakkhāyito nāma na hoti, evaṃ akkhāyitassa. **Allokāseti** tintokāse. **Santhanti** tesameva vatthādīnaṃ yena kenaci paṭicchannaṃ. Ayañhettha saṅkhepattho – na hettha anupādinnaṃ anupādinnaṃ chupati, mutti atthi, aha kho upādinnaṃ vā anupādinnaṃ ghaṭṭiyatu, anupādinnaṃ vā upādinnaṃ, anupādinnaṃ vā anupādinnaṃ, upādinnaṃ vā upādinnaṃ. Sace yattake pavitṭhe pārājikaṃ hotīti vuttam, tattakaṃ sevācittena paveseti, sabbatthāyaṃ pārājikāpattim āpanno nāma hotīti.

Evaṃ sevācitteneva pavesentassa āpattim dassetvā idāni yasmā taṃ pavesanaṃ nāma na kevalaṃ attūpakkamevā, parūpakkamevāpi hoti. Tatrāpi sādiyantasseva āpatti paṭisevācittasamañhassa, na itarassāti dassetum “**parena vā**”tiādimāha. Tattha **parenāti** bhikkhupaccatthikādinā yena kenaci aññena. **Pavesanapavitṭhāttāuddharaṇesūti** ettha aggato (sārattha. ṭī. 2.58) yāva mūlā pavesanaṃ **pavesanaṃ** nāma. Āngajātassa yattakaṃ thānaṃ pavesanārahaṃ, tattakaṃ anavesasato pavitṭhaṃ **pavitṭhaṃ** nāma. Evaṃ pavitṭhassa uddharaṇārambhato antarā thitakālo **thitama** nāma. **Samantapāsādikāyaṃ** pana mātagūmaṃsa sukkavisaṭṭhim patvā sabbathā vāyāmato oramitvā thitakālaṃ sandhāya “sukkavisaṭṭhisamaye”ti vuttam. **Uddharaṇam** nāma yāva aggā nīharaṇakālo. **Sādiyaṭṭi** sevācittam upatṭhāpeti. **Asādhāraṇavinicchayoti** adinnādānādīhi sabbehi sikkhāpadehi asādhāraṇo vinicchayo.

Sādhāraṇavinicchayatthanti parivārasena sādhāraṇavinicchayattham. **Mātikāti** mātā, janetīti attho. Nidādāti desanaṃ desavasena aviditāṃ viditāṃ katvā nidassetīti **nidānaṃ**. Paññāpiyatīti **paññanti**, tassā pakāro **paññantīvidhi** angeti gameti nāpetīti **āṅgaṃ**, kāraṇaṃ. Samuṭṭhahanti āpattīyo etenāti **samuṭṭhānaṃ**, uppattikāraṇaṃ, tassa vidhi **samuṭṭhānavidhi**. **Vajjakammappabhedācīti** ettha **pabhedasaddo** paccēkaṃ yojetabbo “vajjappabhedam, kammappabhedācī”ti. **Tattha tatthāti** tasmim tasmim sikkhāpade.

Paññattīthānanti paññattīthāpanassa thānaṃ, sikkhāpadānaṃ paññattīdesoti attho. **Puggaloti** ettha ādikammikoyeva adhippetoti āha “**puggalo nāma yaṃ yaṃ ārabha taṃ taṃ sikkhāpadaṃ paññatta**”nti, so so puggaloti adhippāyo. Honti cetha –

“Sudīno dhāniyo sambahulā vaggumudantikā,
Seyyasako udāyi cā-lavakā channamettiyā.

“Devadattassajipunabasu-chabbaggiyopānandaññataropī ca;
Hatthako cānuruddho ca, sattarasa cūlapanthako.

“Belatthasīso cānando, sāgatoritṭhanāmako;
Nandatherena tevīsa, bhikkhūnaṃ ādikammikā.

“Sundarīnandā thullanandā, chabbaggiyaññatarāpi ca;
Caṇḍakālī sambahulā, dve ca bhikkhuniyo parā,
Bhikkhūnaṃ tu satteva, hontī tā ādikammikā”ti.

Tassa tassa puggalassāti yaṃ yaṃ sudinnākaṃ puggalaṃ ārabha sikkhāpadaṃ paññattaṃ, tassa tassa puggalassa. **Paññattīti** paṭhamapaññanti. Paṭhamapaññantiyā pacchā thapitā paññanti **anupaññanti**. Anuppanne dose thapitā paññanti **anupannapaññanti**. Sabbattha majjhīmadese ceva paccantimesu janapadesu cāti sabbesu padessesu thapitā paññanti **sabbatthapaññanti**. Majjhīmadesevā thapitā paññanti **padesapaññanti**. Bhikkhūnañceva bhikkhūnañca sādhāraṇabhūṭā paññanti **sādhāraṇapaññanti**. Suddhabhikkhūnameva, suddhabhikkhūnaṃ vā paññattaṃ sikkhāpadaṃ **asādhāraṇapaññanti**. Ubhinnaṃ paññanti **ubhatopaññanti**. **Vinayadharapaññanti** nāma nīcānānappaṭiseḍhanameva. Ettha ca **mattasaddena** aññāni ṭīpi sikkhāpadāni paṭikkhipati. Tāni hi “anujānāmi, bhikkhave, sabbapaccantimesu janapadesu vinayadharapaññanena ganena upasampada”ntītiādinā (mahāva. 259) **cammakkhandhake** āgatāni. Tenevāha “**tato aññā padesapaññanti nāma natthi**”ti. **Sabbāni** tato avasesāni sabbāni sikkhāpadāni. **Tasmāti** yasmā anupannapaññanti aṭṭhagarudhamavasena bhikkhūnaṃ yaṃ āgatā, yasmā ca dhuvanānaṃ paṭikkhepamattam thapetvā pātimokkhe sabbāni sikkhāpadāni sabbatthapaññantiyeva honti, yasmā ca sādhāraṇapaññatidukañca ekatopaññatidukañca byañjanamattam nāma, atthato ekaṃ, tasmā. **Sabbatthāti** sabbesu sikkhāpadesu. Āpattībhedo hettha uttarapadalopena “āpattī”ti vuttoti āha “**āpattīti pubbappayogādivasena āpattībhedo**”ti. **Sīlācārādīthījīvavipattinanti** ettha paṭhamā dve āpattikkhandhā sīlavipatti nāma, avasēṣā pañca ācāravipatti nāma, micchādīthi ca antaggāhikādīthi ca dīthīvipatti nāma, ājīvaṇetu paññattāni cha sikkhāpadāni ājīvavipatti nāma, itī imāsaṃ sīlācārādīthījīvavipattīnaṃ aññatarāti attho.

Na kevalaṃ yathāvuttanayeneva vuccantīti āha “**yāni sikkhāpadasamuṭṭhānānītipi vuccantīti**”ti. Etāni hi kiñcāpi āpattiyā samuṭṭhānāni, na sikkhāpadassa, vohārasukhattham panevaṃ vuccantīti. **Tatthāti** tesu chasu samuṭṭhānesu. **Tesūti** sacittakācittakesu. Ekaṃ samuṭṭhānaṃ uppattikāraṇaṃ etissāti **ekasamuṭṭhānā**, ekena vā samuṭṭhānaṃ etissāti **ekasamuṭṭhānā**. “**Dvisamuṭṭhānā**”tiādisupī eevaṃ nayo.

Samuṭṭhānavasenaṅti samuṭṭhānasāvāsena. Paṭhamapārājikam samuṭṭhānam etiṣṣāti **paṭhamapārājikasamuṭṭhānā**. Tathā **adinnādānasamuṭṭhānā**ṅtiādisūpi.

Sayam pathavikhāṇane kāyena, pare ānāpetvā khāṇāpane vācāya ca āpattisambhavato **“pathavikhāṇānādisu viyā”**ti vuttam. Ādisaddena adinnādānānām pariggaho. Paṭhamakathināpatti kāyāvācāto kattabham adhiṭṭhānam vā vikappanam vā akaronassa hoti, no karontassāti āha **“paṭhamakathināpatti viyā”**ti. Āññatikāya bhikkhuniyā hatthato cīvarappatiggahaṇāpatti tassā hatthato cīvaram paṭiggaṇhantassa, parivattakam adentassa ca hoti **kiriyākiriyato samuṭṭhāti**. **“Siyā karontassā”**tiādisū siyāti **“siyā kḥo pana te brāhmaṇa evamassā”**tiādisū viyā **“kadāci”**ti iminā samānattho nipāto. Rūpiyappaṭiggahaṇāpatti siyā kiriyā gahaṇena āpajanato, siyā akiriyā paṭikkhepassa akaranatoti āha **“rūpiyappaṭiggahaṇāpatti viyā”**ti. Kuṭikārāpatti vatthum desāpetvā pamāñātikantakarāṇe karontassa siyā, adesāpetvā pana pamāñātikantakarāṇe pamāñayuttam vā karontassa ca akaronassa ca siyāti āha **“kuṭikārāpatti viyā”**ti.

Saññāya abhāvena vimokkḥo assāti **saññāvimokkḥoti** majjhepadalopasamāso daṭṭhabboti āha **“yato vitikkamasāññāyā”**tiādi. **Itarā** nāma yato vitikkamasāññāya abhāvena na muccati, sā itarasaddassa vuttappāyogivisayattā. **Yā acittakena vā sacittakamissakena vā samuṭṭhātīti** yā āpatti kadāci acittakena vā kadāci sacittakamissakena vā samuṭṭhānena samuṭṭhāti. Ettha ca saññādūkam anāpattimukhena vuttam, sacittakadūkam āpattimukhenāti daṭṭhabbam.

Yassā sacittakapakkhe cittaṃ akusalameva hoti yassā sacittakāya āpattiyā cittaṃ akusalameva hoti, yassā ca sacittakācittakasaññāyā surāpānādiacittakāya āpattiyā vatthuvijānanacittena sacittakapakkhe cittaṃ akusalameva hoti, ayam **lokavajjā**. **“Sacittakapakkhe”**ti hi idam vacanam sacittakācittakam sandhāya vuttam. Na hi ekamsato sacittakassa **“sacittakapakkhe”**ti visesena payojanam atthīti. Yam **panetha gaṇṭhipade** **“surāpānāsmiñhi ‘surā’**ti vā **‘na vatṭa’**ti vā jānitvā pivane akusalamevā”ti vuttam. Tathā **“na vatṭaṭṭi vā jānitvā”**ti vuttavacanam na yujjati pañnattivajjassāpi lokavajjabhāvappasāngato. Yassā pana **“sacittakapakkhe cittaṃ akusalamevā”**ti niyamo natthi, sā pañnattivajjati imamattham dassento āha **“sesā pañnattivajjā”**ti. Tathā hi tassā vatthuvijānanacittena sacittakapakkhe cittaṃ siyā kusalam, siyā akusalam, siyā abyākatanti **“akusalamevā”**ti niyamo natthi. **Ubhayattha āpajjitabbāti** kāyadvāre, vacīdvāre cāti ubhayattha āpajjitabbā āpatti, tā pana adinnādānādayo. **“Manodvāre āpatti nāma natthi”**ti idam yebhuyyavasena vuttam upanikkhittasādiyanādisū āpattisambhavatoti daṭṭhabbam.

Akusalacitto vā āpajjati pārājikasukavisaṭṭhikāyasamsaggaduttḥullaatākāmapāricariyaduttḥadosasaṅghabheddappahāradānātalasattikādibhedam āpattim akusalacitto āpajjati. Anupasampannam padasodhammam vācento, mātuḡāmassa dhammam desentoti evarūpaṃ āpattim **kusalacitto āpajjati**. Asaññācīcasahaseyyādim **abyākatacitto āpajjati**. Yam arahā āpajjati, sabbam abyākatacittova āpajjati. Tenāha **“kusalābyākatacitto vā”**ti.

Dukkhavedanāsamaṅgī vāti dutṭhadosaḍibhedam āpattim āpajjanto dukkhavedanāsamaṅgī āpajjati. Methunadhammāḍibhedam pana **sukhavedanāsamaṅgī āpajjati**. Yam sukhavedanāsamaṅgī āpajjati, taṃyeva majjhatto hutvā āpajjanto **adukkhamasukhavedanāsamaṅgī āpajjati**. Tenāha **“itaravedanāvayasamaṅgī vā”**ti. Idampi ca tikadvayam yebhuyyavasene vuttam. Nipajjivā nirodhasamāpanno hi acittako avedano sahaseyyāpattim āpajjati. Kiñcāpi evaṃ aniyamana vuttam, viseso panetha atthīti dassetum **“evaṃ santepi”**tiādi vuttam. Evaṃ santepi hi visesābhidhānamimittābhūṭṭapageva yujjati. **Sabbesam vasena tiṇi cittānti** kusalākusalābyākataṇam vasena padasodhammādisū tiṇi cittānti.

Idāni taṃ yathāvuttanidānādivedanāntikaparīyosānam sattarasappakāraṃ imasmim sikkhāpade yojetum **“idha panā”**tiādimāha. **Idhāti** imasmim paṭhamapārājikasikkhāpade. **Vesāliyanti** evamānāme itthilingavasena pavattavohāre nagare. Tañhi nagaram tikkhattum pākāraparikkhepavaddhanena visālībḥuttattā **“vesāli”**ti vuccati. Idampi ca nagaram sabbaññutam sampatṭeyeva sammāsambuddhe sabbākāravepullattam pattanti vedittabam. **“Sikkhāṃ apaccakkhāyā”**ti ca **“antamaso tiracchānagatāyapī”**ti ca **dve anupaññatiyoti** makkatāvajjiputtakavattūnam vasena vuttā. **“Antamaso tiracchānagatāyā”**ti ca **“sikkhāṃ apaccakkhāyā”**ti ca imā dve anupaññatiyoti. **Āpattikarā ca hoti**ti paṭhamapāññatitoti visumeyvāpattikarā ca hoti. **Āññāvādakasikkhāpadādisu viyāti** āññāvādakasikkhāpadādisu **“vīhesake”**tiādikā (pāci. 98) viyāti attho. **Ādisaddena** ujjhāpanakassa pariggaho. Ettha hi āññāvādakādito visumeyva vīhesakādīsūpi pācittiyam hoti. Yathāha **“ropite vīhesake saṅghamajjhe vatthusmim vā āpattiyā vā anayunijyamāno taṃ nakathetukāmo taṃ naugghāretukāmo tuñhībḥūto saṅgham vīhesati, āpatti pācittiyassā”**tiādi (pārā. 100). Supinante vijjāmanāpi mocanāssādetanā abbohārikatā anāpattikarāti āha **“āññātra supinantātiādikā viyā”**ti. Tathā hi thinamiddhena abbhūḥuttattā supine cittaṃ abbohārikam, cittassa abbohārikatā oppakamanakiriyāpavattanikāpi cetanā abbohārikā. Vuttañhetam **“atthesā, bhikkhave, cetanā, sā ca kḥo abbohārikā”**ti (pārā. 235), tasmā **“āññātra supinantā”**ti ayam anupaññanti anāpattikarā jātā. **Ādisaddena** **“āññātra adhimānā”**tiādikam (pārā. 197) sāggañhāti. **Adinnādānādisu viyāti** adinnādānādisu **“araññā vā”**tiādikā (pārā. 91) viyāti attho. Ettha pana **ādisaddena** paṭhamapārājikādinam saṅgaho. Ettha hi **“tañca kḥo gāme, no araññe”**tiādinā (pārā. 90) nayena lesam oḍḍentānam lesapidahanattham **“araññā vā”**tiādikā anupaññanti vuttāti upatthambhakarāva hoti. Teneva hi **“nanu, āvuso, tathevetam hoti”**ti (pārā. 90) bhikkhūhi vuttam.

Vuttappakāre maggeti **“manussāmanussatiracchānagatavasenā”**tiādinā (kañkhā. aṭṭha. paṭhamapārājikavajjanā) vuttappakāre tiṃsamagge. Imassa pana **“chinne”**ti iminā sambandho. **Tacādiṇi anavasesetvāti** nimittappadeso bahi ṭṭhāni chavicammāni anavasesetvā. **Nimittasatṭhānamattam paññāyati**ti nimittamaṃsassa pana abhantare chavicammassa ca vijjāmanānti vuttam. **Cammakhalanti** cammakkhādam. **“Unñigaṇḍo”**tipi (sārattha. fī. 2.55; vi. vi. fī. 1.55) vadanti. Tañhi nimitte jātattā nimittameva. Tenāha **“sevanacitte sati pārājika”**nti. **Sevanacitteti** methunasevanacitte. Kāyasamsaggasevanacitte pana sati saṅghādisesova. Naṭṭho kāyappasādo etthāti **naṭṭhakāyappasādāṃ**, sukkhapīlakam vā matacammam vāti attho. Mate akkhāyite, yebhuyyena akkhāyite ca pārājikāpattivacanato (pārā. 61) pana naṭṭhākāyappasādepi itthinimitte pavasesentā pārājikāpattiyeva. **Nimittasatṭhānamattampi anavasesetvāti** nimittākāreṇa ṭṭhānam yathāvuttanimittamamsādimpi anavasesetvā. **Vaṇasaṅkhepavasenāti** vaṇasaṅghavasena. Vaṇe thullaccayaṇa **“amaggena amaggam paveseṭi, āpatti thullaccayassā”**ti (pārā. 66) imassa suttassa vasena vedittabam. Tasmīñhi suite dvīsū sambhinnavānesu ekena vaṇena paveseṭvā dutiyena niharantassa thullaccayaṃ vuttam. Vuttañhi **samantapāsādikāyāṃ** **“imassa suttassa anulomavasena sabbattha vaṇasaṅkhepe thullaccayaṃ vedittabba”**nti (pārā. aṭṭha. 1.66). Manussānam pana akkhādayopi vanasaṅgham gacchanṭi vaṇena ekaparicchedam katvā dassento **“tathā”**tiādimāha. Tesam vaṇasaṅgho **“navadvāro mahāvaṇo”**ti (mi. pa. 2.6.1) evamādisūtānusāreṇa vedittabbo. Tathā **manussānanti** itthipurisapaṇḍakabhātobyāñjanakavasena catubbhānam manussānam. **Vatthikosesūti** vatthipurisena purisānam āngāṭakoseso. **Hatthiassādimāṇca tiracchānānanti** hatthiassagogaḍrabhaotṭhamahiṃsādinam tiracchānagatānam. **Tiracchānānaṃ panāti** sabbesampi tiracchānagatānam. **Sabbesanti** yathāvuttamanussādinam sabbesam.

Evaṃ jīvamānakaṣarīre labbhānam āpattivisesam dassetvā idāni matasarīre labbhānam āpattivisesam dassetum **“matasarīre”**tiādimāha. **Vaccamagga**pasāvāmaggamukhamaggānam catūsū koṭṭhāsesu dve koṭṭhāse thapetvā yadā apare dve koṭṭhāsā khādītā, tadā **upaḍḍhakkhāyitaṃ** nāma hoti. **Na kuthitaṃ hoti**ti uddhumātakādibhāvena kuthitām na hoti, allanti attho. Yadā pana sarīram uddhumātakam hoti kuthitam nīlamakkhikasamākiṇṇam kimikulasamākāṇam navahi vaṇamukhehi paggaḷitapubbakunapabhāvena upagantumpi asakkuneyyam (pārā. aṭṭha. 1.59-60), tadā pārājikavatthūca thullaccayaṭṭhūca vijahāti, dukkaṭavattḥumeva hoti āha **“kuthite dukkaṭa”**nti. **Kuthite**ti uddhumātakabhāvappatte. Idise hi sarīre yattha kathāci upakkamato dukkaṭam. **Tathā vatṭakate mukhe acchupantam āngāṭam paveseṭtassāti** (pārā. aṭṭha. 1.73) vivaṭṭe mukhe cattāri passāni, tālukaṇca apphusantam āngāṭam paveseṭtassa dukkaṭanti attho. Sace pana heṭṭhā vā upari vā ubhayapassehi vā chupantam paveseṭi, pārājikam. Catūhi passehi acchupantam paveseṭvā abhantare tālukaṇca chupati, pārājikameva. Bahi nikkhantajivhāya vā dantesu vā āngāṭam paveseṭtassa thullaccayanti sambandho. Jīvamānakaṣarīrepi bahi nikkhantajivhāya thullaccayameva. Yadi pana bahi jivhāya palivethetvā antomukham paveseṭi, pārājikameva. Yadi pana dantā suphusitā, antomukhe okāso natthi, dantā ca bahi oṭṭhamamsena paṭicchanā, tathā vātena asamphuṭṭham allokāsam tilaphalamattampi paveseṭtassa pārājikameva. Uppāṭite pana oṭṭhamamse dantesuyeva upakkamantassa thullaccayaṃ. Yopi danto bahi nikkhamanto tiṭṭhāti, na sakkā oṭṭhehi pidahitum, tatthāpi eseva nayo.

Vedanāya aṭṭo pīḷito **vedanāṭṭo**. **Ummattakoti** cettha pittummattako adhippetoti āha **“yo pittavasena”**tiādi. **Pittavasena**ṅti baddhapittavasena. Tasmīñhi baddhapitte pittakosato calivā bahi nikkhamante sattā ummattakā honti, vipallatthasāññā hirottappam chaḍḍetvā asarūppacariyam caranti, lahukagarukāni sikkhāpadāni maddantāpi na jānanti, bhesajjakiriyāyapi atecicchā honti, evarūpassa ummattakassa anāpatti. Abaddhapittam pana lohitam viya sabbaṅgagatam, tamhi kupite sattānam kaṇḍukacchusarīrakampādīni honti, tāni bhesajjakiriyāya vūpasamanti. Tena vuttam **“baddhapittavasena”**ti. **Khittacitto** nāma viṣatṭhacitto yakkhumattako vuccatīti āha **“yakkhehi katacittavikkhepo khittacitto”**ti. Yakkhā kira bheravāni ārammaṇāni dassetvā mukhena hattham paveseṭvā, hadayarūpaṃ vā maddantā satte vikkhittacitte vipallatthasāññe karonti, evarūpassa khittacittassa anāpatti. Tesam pana ubhinnam ayam viseso – pittummattako niccameva ummattakoti hoti, pakatisāññam na labhati. Yakkhumattako antarantārā pakatisāññam paṭilabhati. Idha pana pittummattako vā hotu, yakkhumattako vā, yo sabbaso muṭṭhassati kiñci na jānāti, aggimpī suvaṇṇampi gūthampi candanampi ekasadisam maddantova vicarati, evarūpassa anāpatti. Antarantārā pakatisāññam paṭilabhitvā ṇatvā karontassa pana āpattiyeva. Tenāha **“dvinnampi ca etesa”**ntiādi.

Adhimattavedanāyati adhikappamāñāya dukkhavedanāya. Ādikamme niyutto **ādikammiko**, yo ca ādikamme niyutto, so tasmim kamme ādibḥūto hoti āha **“yo”**tiādi. Idha pana sudinnattho ādikammiko, tassa anāpatti. Avasesānam makkatīsamavajjiputtakādinam āpattiyeva. **Paṭipādanam** sampādanam. Karontoyeva hi tam āpajjati **kiriyam**. Idam (sārattha. fī. 2.66) pana yebhuyyavasena vuttam methunadhamme parūpakkame sati sādīyantassa akiriyasamuṭṭhānabhāvato. Methunappaṭisamyuttāya hi kāmasāññāya abhāvena muccanato **saññāvimokkham**. **“Anāpatti ajānantassa, asādīyantassā”**ti (pārā. 66) hi vuttam. Methunacitteneva nam āpajjati, na vinā cittenāti **sacittakam**. Rāgavaseneva āpajjitabbato **lokavajjam**. Kāyadvāreneva samuṭṭhānato **kāyakammaṃ**. Cittaṃ panetha āngamattam hoti, na tassa vasena kammabhāvo labbhāti. Lobhacitteneva āpajjitabbato **akusalacittam**. Sukhasamaṅgī vā upekkhāsamaṅgī vā āpajjati **dvivedanam**. Nanu samuṭṭhānādiṇi āpattiyā honti, na sikkhāpadassa, atha kasmā

sikkhāpadassa samuṭṭhānādīni vuttāntī āha “**imāni ca samuṭṭhānādīni nāma**”tiādi. **Āpattiya hontī** ajjhācārassa hontī.

Munanato anumunanato **muti**, nānam, tam etassa atthīti **mutimā**, nānavāti attho.

Paṭhamapārājikavannanā niṭṭhitā.

2. Dutiyapārājikavannanā

Ettāti etesu dvīsu. Ekakuṭṭikādibhedo sabbopi gāmoti vedittabboti sambandho. Tattha **ekakuṭṭikādibhedo**ti yasmim gāme ekā eva kuṭi ekam geham seyyathāpi malayajanapade, ayam **ekakuṭṭiko** gāmo nāma. **Ādisaddena** “dvikuṭṭikopi gāmo, tikuṭṭikopi gāmo, catukkuṭṭikopi gāmo”ti (pārā. 92) vuttappabhedam saṅganhāti. Abhinavanivīṭṭho ekakuṭṭikādīgāmo pana yāva manussā pavisitvā vāsam na kappenti, tāva gāmasaṅkham na gacchati. Kimbhūto āha “**parikkhitto vā**”tiādi. Tattha **parikkhitto** nāma iṭṭhakapākāram ādim katvā antamaso kaṇṭakasākhāhipi parikkhitto. Tabbiparīto **aparikkhitto**. **Amanusso** nāma yo sabbaso va manussānam abbhāvena yakkhapariggahabhūto, yato vā manussā kenaci karaṇiyena punapi āgantukāmi eva apakkantā, yato pana nirapekkhā hutvā pakkamanti, so gāmasaṅkham na gacchati. Na kevalam ekakuṭṭikādibhedovāti āha “**antamaso**”tiādi. **Yo koci sathtopi** jānghasatthasakatasatthādisu yo koci sathtopi. Imasmim sikkhāpade nigamanagarāni viya gāmaggaṇeṇeva gāmūpacāropi saṅghatitoti āha “**ṭhapetvā gāmaṇca gāmūpacāraṇca**”ti. Aññathā pana mātikāya anavasesato avahārattāṭṭhānapariggaho kato nāma na hoti, na ca buddhā sāvasesam pārājikam paññāpenti.

Tatthāti tesu gāmāgāmūpacāresu. **Dvāreti** nibbakosassa udakapatanatṭhānato abbhantare. **Antogeheti** pamukhassa abbhantare. **Kataparikkhepoti** pākāravatiādiṭṭhi kataparikkhepo. Suppapatānādiṭṭhāro panetha aparikkhittagharām sandhāya vutto. Na kevalam gharassa purato, atha kho samantato tattakova paricchedo gharūpacāro nāmāti gahetabbam. “**Purato**”tiādikam pana lokiyehi tathākarano vuttam. **Thāmamajjhimassāti** majjhimathāmassa, neva appathāmassa, na mahāthāmassāti vuttam hoti. “**Yathā tarūpamanusso**”tiādinā yathā mātugāmo kāke uddāpento ujukameva hattham ukkhipitvā leddum khipati, yathā ca udakukkhepe udakam khipanti, evam khittassa leddussa patitattāṅham paṭikkhipati. **Pavattitvāti** luṭhitvā, parivattitvāti vuttam hoti. **Tassa sace dve indakhilā hontīti** (pārā. aṭṭha. 1.92) tassa parikkhittassa gāmassa sace anurādhapurasseva dve ummārā hontī. Yassa pana eko, tassa gāmadvārabāhānam vemajjhe thitassa leddupāṭṭhāntaram **gāmūpacāro** nāma. Yatra pana indakhilo natthi, tatra gāmadvārabāhānam vemajjham. Yatra dvārabāhāpi natthi, tattha ubhosu passesu vatīyā vā pākārassa vā koṭivemajjhamva indakhilattāṅhāniyattā indakhilōti gahetabbam. Yo pana gāmo pubbe mahā hutvā pacchā kulesu natthesu appako hoti, so gharūpacāro leddupāṭṭhāna pariccheditabbo. Purimaparicchedo panassa parikkhittasāpi aparikkhittasāpi appamāṇamevāti. Nanu cetam aparikkhittassa upacāradassanam padabhājanena viruddhamāya dissati. Tattha hi “gāmūpacāro nāma parikkhittassa gāmassa indakhilē thitassa majjhimassa purisassa leddupāṭṭhā”ti (pārā. 92) vatvā “aparikkhittassa gāmassa gharūpacāre thitassa majjhimassa purisassa leddupāṭṭhā”ti (pārā. 92) ettakameva vuttam, na pana tam leddupāṭṭham gāmasaṅkhepam katvā tato param gāmūpacāroti vuttoti āha “**padabhājanepi hi imināva nayena attho vedittabbo**”ti.

Ayametha adhippāyo – idha gāmo nāma duvidho hoti parikkhitto ca aparikkhitto ca (pārā. aṭṭha. 1.92). Tatra parikkhittassa parikkhepoyeva paricchedo. Tasmā tassa visum paricchadam avatvā “gāmūpacāro nāma parikkhittassa gāmassa indakhilē thitassa majjhimassa purisassa leddupāṭṭhā”ti pāliyam vuttam. Aparikkhittassa pana gāmassa gāmaparicchedo vattabbo. Tasmā tassa gāmassa gāmaparicchadamassanatham “aparikkhittassa gāmassa gharūpacāre thitassa majjhimassa purisassa leddupāṭṭhā”ti (pārā. 92) vuttam. Gāmaparicchede ca dassite gāmūpacāralakkhaṇam pubbe vuttanayeneva sakkā nātunti puna “tattha thitassa majjhimassa purisassa leddupāṭṭhā”ti na vuttam, attho pana tatthāpi ayameva yathāvuttoti. Yo pana gharūpacāre thitassa leddupāṭṭhānyeva “gāmūpacāro”ti vadati, tassa gharūpacāro “gāmo”ti āpajjati. Tato gharām gharūpacāro, gāmo gāmūpacāroti esa vibhāgo sankariyati. Asamkarato cettha vinicchayo vedittabbo. Tasmā pāliṇca aṭṭhakathāsa samsanditvā vuttanayenevettha gāmo, gāmūpacāro ca vedittabboti.

Tatthāti tesu dvīsu upacāresu. Yvāyam upacāro dassitoti sambandho. **Vikāle gāmapavesanādisūti** ettha ādisaddena asamkaccikāgāmapavesanam (pāci. 1225) saṅganhāti. Yo pana parikkhittassa gāmassa upacāro vutto, so na katthaci vinayapīṭake upayogam kato. Kevalam aparikkhittassa parikkhepokāsato aparō eko leddupāṭṭhā gāmūpacāro nāmāti nāpanattham vutto. Evam vutte hi nāyati “parikkhittasāpi ce gāmassa eko leddupāṭṭhā kappiyabhūmi samāno upacāroti vutto, pageva aparikkhittassa parikkhepokāsato eko”ti. **Imesam paricchadassanathanti** imesam gāmāraññanam paricchadassanatham **vuttā** aṭṭhakathāyam. **Pārājikavattuntī** pādagghanakam. **Avaharantassāti** ganthantassa.

Adinnanti (pārā. aṭṭha. 92) dantaponasikkhāpade attano santakampi appaṭṭigghatitakam kappiyam ajjhoharanīyam vuccati, idha pana yam kiñci parapariggahitam sasāmikam bhaṇḍam, tadetam tehi sāmikehi kāyena vā vācāya vā na dinnanti adinnam. Avahārappahonakameva pana dassetum “**aññassa manussajātikassa santaka**”nti vuttam. Saṅkhāsaddasseva ta-kārena vadhetvā vuttatā “**saṅkhā saṅkhātanti atthato eka**”nti vuttam. Tattha **atthato ekanti** padatthato ekam, ananthantaranti vuttam hoti. **Koṭṭhasasetam nāmap** bhāgo sankhāyati upaṭṭhātīti katvā. **Papañcasāṅkhāti** sattānam samsāre papañceti cirāyantīti **papañca**, tanhāmānādiṭṭhiyo, yassa vā uppānā, tam “ratto”ti vā “matto”ti vā “micchādiṭṭhinivīṭṭho”ti vā papañceti byañjenti **papañca**, **saṅkhā** vuccati koṭṭhāso, papañcāva saṅkhā **papañcasāṅkhā**, papañcakoṭṭhāsāti attho, tanhāmānādiṭṭhiyoti vuttam hoti. **Theyyacittasāṅkhātīti** “theyyacitto”ti kathito. **Eko cittakoṭṭhāsoti** vissāsātāvakkālikādiggāhavasappavattattheyyacittakoṭṭhāsato añño cittakoṭṭhāso. **Theyyasāṅkhātenāti** theyyabhūtacittakoṭṭhāsena. Yadi evam atha kasmā etassa vibhāge “theyyacitto avaharanacitto”ti (pārā. 92) vuttanti āha “**yo ca**”tiādi. **Byañjanam anādiyivāti** byañjane ādaram akatvāti attho, saddatthamanapekkhivāti vuttam hoti. **Atthamevāti** bhāvattameva.

Te pana avahārāti te pañcāvīsati avahārā. Savinñānakāvinñānakavasena nānāvīdho bhaṇḍo etassa pañcakassāti **nānābhaṇḍam**, pañcannam avahārānam samūho **pañcakam**, pañcaparimāṇamassāti vā **pañcakam**, nānābhaṇḍameva pañcakam **nānābhaṇḍapañcakam**. Savinñānakavasena eko bhaṇḍo etassāti **ekabhaṇḍam**. Sesam vuttanayameva. Sāhatthikova pañcakam **sāhatthikapañcakam**. Ādipadavasena cetam nāmap kusalāditikassa kusalattikavohāro viya. Tasmā sāhatthikādipañcakanti atthato dāṭṭhabbam. Esa nayo sesesa pañcakadvayesu. **Etassevāti** “ādiyeyyā”ti etasseva mātikāpadassa. **Imesam padānam vāsenti** imesam pañcannam padānam vasena. Ettha ca pathamapadam abhiyogavasena vuttam, dutiyapadam aññesam bhaṇḍam harantassa gacchato vasena, tatiyapadam upanikkhittabhaṇḍavasena, catuttam savinñānakavasena, pañcannam thale nikkhittādivasena vuttanti vedittabam.

Idāni nesam atthayojanam dassetum “**tatthā**”tiādimāha. Tattha **tatthāti** tesu dvīsu pañcakesu. **Itaranti** ekabhaṇḍapañcakam. **Ārāmantī** pupphārāmaphalārāmanā. **Abhiyūñjati** (pārā. aṭṭha. 1.102) parasantakam “mama santakova aya”nti mesu bhānitvā abhiyūñjati codeti, aṭṭam karōṭīti attho. Sampajānamusāvādepi adinnādānassa pubbapayogattā dukkatanti āha “**āpatti dukkaṭassā**”ti, dukkaṭasāṅkhātā āpatti bhāveyyāti attho. Atha vā dukkaṭasāññitassa vīttikkamassa āpajjananti attho. Esa nayo “āpatti thullaccayassā”tiādisu. **Sāmikassa vimatiṃ uppādetīti** vinicchayakusalatāya, balavanissitādibbhāvena vā ārāmasāmikassa saṃsayam janeti. Katham? Tañhi tathā vinicchayappasutthā disvā sāmiko cinteti “sakkhissāmi nu kho aham imam ārāmam attano kāmam, na sakkhissāmi nu kho”ti. Evam tassa vimati uppajjāmānā tena uppāditā hoti. **Dhuram nikkhipati** yadā pana sāmiko “ayam thaddho kakkhalo jivitabrahmacariyantarāyampi me kareyya, alaṃ dāni mayham iminā ārāmena”ti dhuram nikkhipati, ussāham ṭhapeti, attano santakaraṇe nirussāho hotīti attho. **Āpatti pārājikassa** sace sayampi katadhuranikkhepo cāti adhippāyo. Atha pana sāmikena dhure nikkhittēpi abhiyūñjako dhuram nikkhipitvā “imam suṭṭhu pīletvā mama ānapavattim dassetvā kinkārapaṭṭisāvibhāve ṭhapetvā dassāmi”ti dātābbabhāve saussāho, rakkhati tāva. Athāpi abhiyūñjako acchinditvā “na dāni imam imassa dassāmi”ti dhuram nikkhipati, sāmiko pana dhuram na nikkhipati, pakkham pariyesati, kāmam āgāmeti, “lajjiparisam tāva labhāmi, pacchā jānissāmi”ti gahaṇeyeva saussāho hoti, rakkhatiyeva. Yadā pana “sopi na dassāmi”ti, “sāmikopi na lacchāmi”ti evam ubho dhuram nikkhipanti, tadā abhiyūñjakassa pārājikam.

Aññassa bhaṇḍam harantoti vetanena vā mittabhāvena vā aññassa bhaṇḍam haranto. **Sise bhāranti** sise ṭhitabhāram. Sīsassa tāva purimāgale galavātako, piṭṭhigale keśāni kesante āvaṭṭo hoti, galasseva ubhosu passesu keśāni keśā oruyha jāyanti, ye “kannacūlikā”ti vuccanti, tesam adbhōhāgo cāti ayam heṭṭhimako paricchedo, tato upari **siam**, ethantare ṭhitabhāranti vuttam hoti. **Khandham oropeti** ubhosu passesu kannacūlikāhi paṭṭhāya heṭṭhā, kapparehi paṭṭhāya upari, piṭṭhigalavattato ca galavātakato ca paṭṭhāya heṭṭhā, piṭṭhivemajjhāvattato ca uraparicchadamajjhe, hadayāvātakato ca paṭṭhāya upari **khandho**, tam oropeti.

Ayam panetha vinicchayo – yo bhikkhu “idam gahetvā ettha yāhi”ti (pārā. aṭṭha. 1.101) sāmikehi anānto sayameva “mayham idam nāma detha, aham vo bhaṇḍam vahāmi”ti tesam bhaṇḍam sīsena ādāya gacchanto theyyacitena tam bhaṇḍam āmasati, dukkaṭam. Yathāvuttasīsaparicchadam anatikkamantova ito cito ca ghaṃsanto sārētipi paccāsārētipi, thullaccayam. Khandham oropitamante kiñcāpi sāmikānam “vahaṭū”ti cittaṃ atthi, tehi pana anāntattā pārājikam. Khandham pana anoropetvāpi sīsato kesaggamattampi cāventassa pārājikam. Yamakabhārassa pana eko bhāgo sise patiṭṭhāti, eko piṭṭhiyam, tattha dvinnam thānānam vasena vinicchayo vedittabbo. Ayam pana suddhasābhārasseva vasena vutto. Yo cāyam sisabhāre vutto, khandhabhārādisupi ayameva vinicchayo vedittabbo.

Upanikkhittam bhaṇḍanti saṅgopanatthāya attano hatthe parehi ṭhapitabhaṇḍam. Aham na gañhāmiti sambandho. Afittatthe cetam vattamānavacanam, nāham gahesinti attho. **Dukkaṭam** (pārā. aṭṭha. 1.111) sampajānamusāvādepi adinnādānassa pubbapayogattā. “Kim tumhe bhānatha, nevidaṃ mayham anurūpam, na tumhāka”ntiādinī vadantassāpi dukkaṭameva. **Sāmikassa vimatiṃ uppādetīti** “raho mayā etassa hatthe ṭhapitam, na añño koci jānāti, dassati nu kho me, no”ti sāmikassa vimatiṃ uppādeti.

Dhuram nikkhipatī tassa pharusādhivāvam disvā ussāham thapeti. Tatra sacāyam bhikkhu “kilamētvā nam dassāmī”ti dāne saussāho, rakkhati tāva. Sace so dāne nirussāho, bhaṇḍasāmiko pana gahaṇe saussāho, rakkhateva. Yadi pana so tasmim dāne nirussāho, bhaṇḍasāmikopi “na mayham dassati”ti dhuram nikkhipati, evam ubhinnaṃ dhuranikkhepena bhikkhuno pārājikam. Yadi mukhena “dassāmī”ti vadati, cittaṇa pana adātukāmo, evampi sāmikassa dhuranikkhepena bhikkhuno pārājikam.

Sahabhaṇḍahārakaṃ nēssāmī “sahabhaṇḍahārakaṃ bhaṇḍam nēssāmī”ti cintevā. **Paṭhamam pādam atikkāmetī** bhaṇḍahārakaṃ tajjētvā tassa gamanapatham vāretvā attanā rucitamaggam ekapādam atikkāmeti. **Thalaṭṭhanti** (pārā. aṭṭha. 1.95) thale nikkhittam, bhūmitale vā pāsānapabbatatalādisu vā yathā katthaci paṭicchanne vā appaṭicchanne vā ṭhapitanti attho. **Phandāpeti, thullaccayanti** yo phandāpeti, tassa payoge payoge thullaccayam, āmasane dukkatam, phandāpane thullaccayaṇca viṣum viṣum theyyacittaṇa āmasanaphandāpanapayoge karontasseva hoti. “Ekapayogena gaṇhantassa pana uddhāre pārājikameva, na dukkaṭṭhullaccayāmi”ti vadanti. **Thānāti** thitāṭṭhānato. Sace tam thalaṭṭham rāsikatam hoti, antokumbhiyam bhājanagatakaranaṃmuṭṭhicchedanavinicchayena vinicchinitabbam. Sace ekābaddham silesaniyyāsādi, pakkamadhuphānavinicchayena vinicchinitabbam. Sace garukaṃ hoti bhārabaddham lohāpinditelamadhughaṭādi vā, kumbhiyam thānācāvānavinicchayena vinicchinitabbam. Saṅkhalikābaddhassa ca thānabhedo sallakkhetabbo. Paṭharitvā thapitam pana pāvārattharaṇakāṭasarakādim ujukam gahetvā ākaḍḍhāti, pārimante orimantena phuṭṭhokāsam atikkante pārājikam. Tathēva gahetvā parato pelli, pārimante phuṭṭhokāsam orimante atikkante pārājikam. Vāmato vā dakkhiṇato vā apanāntassa vāmantena vā dakkhiṇantena vā phuṭṭhokāsam dakkhiṇante vā vāmato vā atikkante pārājikam. Vēthetvā uddharati, kesaggamattam ākasagatam karontassa pārājikam.

Sako hattho **sahattho**, tena nibbatto, tassa vā sambandhīti **sāhatthiko**, avahāro. Ānāpanam **āpatti**, tāya ānattiyā nibbatto avahāro **āpattiko**. Nissajjanam **nissaggo**, sunkaghāṭaṭṭhāne, parikkappitokāse ca thātvā bhaṇḍassa bahi nipātanam, nissaggo **nissaggiyo**. Kiriyāsiddhito puretārameva pārājikāpattisāṅkhātām attham sādhetīti **atthasādhako**. Dhurassa ālayasāṅkhātassa bhārasa nikkhipanam pariccājanam nirussābhāvāpajjanam **dhuranikkhepo**. Idāni byañjane ādaram akatvā tesam atthamattameva dassento “**tattha sāhatthiko nāmā**”ti dāimāha. **Sahatthī**ti sahatthena. Karaṇatthē hi idam nissakkavacanam. “**Asukassa bhaṇḍam avaharā**”ti **ānāpam āpāpetī**ti etthāpi ānattikkhaṇe eva āpatti dāṭṭhabbā. Yadi evam imassa, atthasādhakassa ca ko visesoti? Tam khaṇam eva gahaṇe niyuñjanam ānattikapayogo, kālantarena gahaṇattham niyogo atthasādhakoti (sāraththa. ṭī. 2.92; vi. vi. ṭī. 1.92) ayametesam visesoti. Tenevāha “**asukassa bhaṇḍam yadā sakkosi, tadā tam avaharāti āpāpetī**”ti.

Suṅkaghāṭaparikkappitokāsānanti sunkaghāṭaṇca parikkappitokāso ca suṅkaghāṭaparikkappitokāsā, tesam. Tattha **suṅkaghātanti** (pārā. aṭṭha. 1.113) rukkhabbatādisāññānena niyamitassa suṅkaghāṇasattem adhvāvacanam. Tañhi yasmā tato rājadeyyabhāgam suṅkam adatvā nīharantā rañño suṅkam hananti vināsenti, tasmā “sunkaghāṭa”nti vuttam.

Koci paraparivēṇādīni pavīṭṭho kiñci lobhāneyyabhaṇḍam disvā dvārappamukhādivasena yaṃ thānam “sace maṃ etthantare passisanti, dāṭṭhukāmatāya gahetvā vicarānto viya dassāmī, no ce passisanti, harissāmī”ti parikkappeti, ayam **parikkappitokāso**. **Ānattikkhaṇe** **pārājikanti** (pārā. aṭṭha. 1.121) atthasādhakacetanākkhaṇe vā pārājikam. Sacepi avahāro saṭṭhivassātikkenāpi tam bhaṇḍam avaharāti, ānāpako ca antarāyeva kālam karoti, hīnāya vā āvattati, assamaṇova hutvā kālam vā karissati, hīnāya vā āvattissati, avahārakassa pana avahārakkhaṇe vā pārājikam. **Pādagghanakatelam** (pārā. aṭṭha. 1.94) ettha **pādo** nāma kāhāpanassa catutto bhāgo, tam agghaṭṭi **pādagghanakam**, pādagghanakāṇca tam telācāti **pādagghanakatelam**. Upāhanā ādi yesam vatthūnam tāni uphānādīni. **Ādisaddena** dukūlasāṭakacammakhaṇḍādimam gahaṇam. **Pakkhipatī**ti theyyacittaṇa pakkhipati. Tenāha “**hatthato muttamattēyeva pārājika**”nti sace pana attanopi kumbhiyam añño sappim vā telam vā ākirati, tatra cāyam theyyacittaṇa telāpivanakam bhaṇḍam pakkhipati, vuttanāyeneva pārājikam.

Kāyena vā vācāya vā payuñjanam ānāpanam **payogo**, ānattassa bhaṇḍagahaṇato pubbattā **pubbo**, iti pubbo ca so payogo cāti **pubbapayogo**. Payogena saha vattamāno avahāro **sahapayogo**. Samaṃ ekī hutvā vidāhitvā mantevā avahāraṇam **saṃvidāhāvahāro**, aññamaññam saññupattiyā katāvahāroti vuttam hoti. Pubbañhādikālaparicchēdena saññānam **saṅketo**, tassa kammam **saṅketakammam**. Nimitassa kammam **nimittakammam**, saññupādānattham kassaci nimitassa karaṇanti attho. **Tatthāti** yathāvuttēsu pubbapayogādīsū pañcasu. **Khilādīni saṅkāmētvā khetṭādiggaṇavāsēnāti** khilam, rajjūm, vatim, mariyādam vā pākāram vā saṅkāmētvā khettaggaṇavāsēna, khilam, rajjūm, vatim, mariyādam vā pākāram vā saṅkāmētvā vatthuggaṇavāsēna. Sace pana dvīhi khilehi gahetabbam hoti, paṭhame khile thullaccayam, dutiye pārājikam (pārā. aṭṭha. 1.104). Sace tīhi gahetabbam hoti, pathame dukkatam, dutiye thullaccayam, tatiye pārājikam. Evam bahukēsupi avasāne dve thapetvā purimehi dukkatam, avasāne dvinnam ekena thullaccayam, itarena pārājikam. Rajjupāsānādīsūpi ese vā nayo. Yam pana **samantapāsādikāyam** “tāṇca kho sāmikānam dhuranikkhepenā”ti (pārā. aṭṭha. 1.104) vuttam, tam “khetṭam abhiyūṇāti, āpatti dukkaṭṭassā”ti dādi (pārā. 104) -adhikāre vuttattā abhiyogavāsēna gahaṇam sandhāyāti dāṭṭhabbam. **Samvidāhitvāti** etasēva vevacanam. **Sammantapāsādikāyam** ekacchāndatāya ekajjhāsāyatāya bhaṇitvāti attho. Imasim avahāre asammohattham “**evam saṃvidāhitvā gātesu hī**”ti dāimāha. **Saññānakammanti** pubbañhādikālaparicchēdavasēna saññānakaraṇam. Tenāha “**sace hī**”ti dādi.

Ettha ca “purebhattam avaharā”ti vutte (pārā. aṭṭha. 1.119) aṭṭha vā purebhattam avaharatu, sve vā, anāgate vā saṃvacchare, natthi viṣāṅketo, ubhinnaṃ pārājikam. Sace pana “aṭṭha purebhattam avaharā”ti vutte sve avaharati. “Aṭṭha”ti niyamitam saṅketam atikkamma pacchā avahatam hoti. Sace “sve purebhattam avaharā”ti vutte aṭṭha purebhattam avaharati, “sve”ti niyamitam tam saṅketam apatvā pure avahatam hoti, evam avaharantassa avahārakasse vā pārājikam, mūlāṭṭhassa anāpatti. “Sveva purebhatta”nti vutte tadeva vā, sve pacchābhattam vā avaharantopi tamsaṅketato pure ca pacchā ca avaharati. Yo pana evamakatvā yathāparicchinnakālema avaharati, ayam **saṅketato apure apacchā tam avaharati**ti veditabbo. Esa nayo pacchābhattarattindivesūpi, purimāyamaṃjhimāyamaṃpacchimāyamaṃakāḷajūṇhamasautasamvachārādivāsēnāpi ettha saṅketavisāṅketatā veditabbā. Parabhaṇḍāvahārasaṅghāpādassa hetuttā akkhinikhaṇḍādivasēna nimitanti **akkhinikhaṇḍādivasēna**, tassa karaṇam **akkhinikhaṇḍādivasēnānimittakaraṇam**. **Ādisaddena** bhāmakukkhepasāsakampanahatthāṅghanapānippahāraṅguliphoṭānagivunnāmanaukkāsānādiānekappakāram saṅghāti. Sesamētha saṅketakamme vuttanāyameva.

Theno vuccati coro, tassa bhāvo **theyyam**, tena avahāraṇam **theyyāvahāro**. Pasayha abhivahitvā avahāraṇam **pasayhāvahāro**. Vatthasuttādikam paricchijja kappanam **parikkappo**, tena avahāraṇam **parikkappāvahāro**. Tinapaññādīhi paṭicchannassa avahāro **paṭicchannāvahāro**. Kusena avahāro **kusāvahāro**. **Kūṭamānakūṭakāhāpanādīhīti** ettha **kūṭamānam** (dī. ni. aṭṭha. 1.10; ma. ni. aṭṭha. 1.293; pu. pa. aṭṭha. 1.79) nāma hadayabhedasikkhābhedarajjubhedavasēna tividham mānakūṭam. Tattha **hadayanti** nālādīmanābhājanānam abhāntaram, tassa bhedo chiddakaraṇam **hadayabhedo**, so sappitelādīminakāle labbhāti. Tāni hi gaṇhanto heṭṭhāchiddena mānena “saṅkām āsiñcā”ti vatvā antobhājane bahum paggharāpetvā gaṇhāti, dadanto ca chiddam pidhāya sīgham pūretvā deti.

Sikhābhedo pana tilāntaḍḍādīminakāle labbhāti. Tāni hi gaṇhanto saṅkām sikhām ussāpetvā gaṇhāti, dadanto vegena pūretvā sikhā chindanto deti.

Rajjubhedo khetvatthūminakāle labbhāti. Khetṭādim minantā hi amahantampi mahantam katvā minanti, mahantampi amahantam.

Tambakamsādimayo kūṭo kāhāpano **kūṭakāhāpano**. **Ādisaddena** tulākūṭakamsakūṭavācānādim saṅghāti. Tattha **tulākūṭam** rūpakūṭam, āngakūṭam, gahaṇakūṭam, paṭicchannakūṭanti catubbidham hoti. Tattha **rūpakūṭam** nāma dve tulā samarūpā katvā gaṇhanto mahatiyā gaṇhāti, dadanto khuddikāya deti. **Āngakūṭam** nāma gaṇhanto pacchābhāge hatthena tulam akkamati. **Gahaṇakūṭam** nāma gaṇhanto mahānto mūle rajjūm gaṇhāti, dadanto agge. **Paṭicchannakūṭam** nāma tulam susīram katvā anto ayacunnam pakkhipitvā gaṇhanto tam pacchābhāge karoti, dadanto aggabhāge.

Kamso vuccati suvaṇṇapāṭi, tāya vācānam **kamsakūṭam**. Katham? Ekam suvaṇṇapāṭim katvā aññā dve tisso lohāpāṭiyo suvaṇṇavāṇṇā karonti. Tato janapadam gantvā kiñcīdeva aḍḍham kulam pavisitvā “suvaṇṇabhājanāni kiṇṭhā”ti vatvā agge pucchite samagghatarāṃ dātukāmā honti. Tato tehi “katham imesaṃ suvaṇṇabhāvo jānitabbo”ti vutte “vīmaṃsitvā gaṇhathā”ti suvaṇṇapāṭim pāsāne ghaṃsitvā sabbā pāṭiyo datvā gacchati.

Vācānam nāma tehi tehi upāyehi paresam vācānam. Tatridamekam vatthu – eko kira luddako migaṇca migapotakāṇca gahetvā āgacchati, tamedo dhutto “kiṃ bho migo agghati, kiṃ migapotako”ti āha. “Migo dve kāhāpane, migapotako eka”nti vutte ekam kāhāpanam datvā migapotakam gahetvā thoṅam gantvā nivattento “na me bho migapotakena attho, migam me dehi”ti āha. “Tena hi dve kāhāpane dehi”ti āha. So āha “namu bho mayā paṭhamam eko kāhāpano dinno”ti. Āma dinno, imam migapotakam gaṇha, evam so ca kāhāpano, ayaṇca kāhāpanagghānako migapotakoti dve kāhāpanā bhavissanti. So “kāraṇam vadati”ti sallakkhetvā migapotakam gahetvā migam adāsīti.

Pasayhāti (pārā. aṭṭha. 1.138) pare abhivhuyya. Gāmam ghātenīti **gāmaghātākā**, gāmam parahantā corā, te ādi yesam te **gāmaghātākādayo**. **Ādisaddena** cettha panthāghātākādimam gahaṇam. **Uddhāre** **pārājikanti** “sace sātako bhavissati, gaṇhissāmī”ti parikkappassa pavattattā, sātākassa ca tattha sabbhāvato. **Padavāreṇa kāretabboti** bhūmiyam anikkhipitvā vīmaṃsittatā vuttam. **Bhaṇḍadeyyanti** yaṃ parassa naṭṭham, tassa mūlam vā tadeva vā bhaṇḍam dātābanti attho.

Tassāti yo evam parikkappeti, tassa. Imassa “avahāro hoti”ti iminā sambandho.

Paresanti kiṅāntānam, pavisantānam vā paresam manussānam. “**Pacchā gaṇhissāmī**”ti **pamsunā vā paṇṇena vā paṭicchādetīti** “sace idāneva onamitvā gaṇhissāmī,

‘kim samaṇo ganhāti’ ti mam jānīvā viheṭṭheyyum pacchā ganhissāmi’ ti pamsunā vā panna vā paṭicchādeti. **Uddhāro natthīti** ṭhānācāvanam natthīti attho. **Sāmikāti** antāgāmaṃ pavisitukāmā bhāṇḍasāmikā manussā. **Uddhāreti** uddharane, ṭhānācāvaneti attho. ṭhānācāvanañcetta heṭṭhā vuttanayānusāreṇa veditabbaṃ. **Pavesettīti** ṭhānācāvanavasena paveseti, heṭṭhimantena phutṭhokāsaṃ kesaggamattampi uparimantena atikkāmento pavesettīti attho.

Samagghataranti appagghatarā. **Uddhaṭamatte avahāro**ti sakabhāvappayogassa niṭṭhāpitattā, na atthasādhakavasena. **Uddhāre rakkhati** attano koṭṭhāse pātetukāmāyā uddhatattā. Eseva nayo **pātanepi rakkhatīti** etthāpi. **“Uddhāreyyeva rakkhati”** ti imināva pātane na rakkhatīti atthe siddhepi atthasādhakavasena attham dassetum **“taṃ uddharivā”** tiādi vuttam. Sace pana dvīsupi koṭṭhāseṇa patitadanāke adassanaṃ gameti (pārā. aṭṭha. 1.138), tato avasesabhikkhūsu gatesu itaro ‘mayham, bhante, daṇḍako na paññāyati’ ti, ‘mayhampi, āvuso, na paññāyati’ ti, ‘katamo pana, bhante, mayham bhāgo’ ti. ‘Ayaṃ tuyham bhāgo’ ti attano bhāgam dasseti. Tasmim vivaditvā vā avivaditvā vā taṃ ganhitvā gate itaro tassa bhāgam uddharati, uddhāre pārājikam. Sacepi tena ‘ahaṃ mama bhāgam tuyham na demi, tvam pana attano bhāgam nātva ganhā’ ti vuttepi ‘nāyam mama’ ti jānantopi tasveva bhāgam ganhāti, uddhāre pārājikam. Sace pana itaro ‘ayam tuyham bhāgo, ayam mayham bhāgoti kim iminā vivādenā’ ti cintetvā ‘mayham vā patto hotu, tumhākam vā, yo varabhāgo, taṃ tumhe ganhathā’ ti vadati, dinnakam nāma gahitam hoti, natthettha avahāro. Sace so vivādabhīruko bhikkhu ‘yam tuyham rucatti, taṃ ganhā’ ti vutto attano pattam varabhāgam thapetvā lāmakameyyeva gahetvā gacchati, tato itarassa vicinitāvasesam ganhantassāpi avahāro nattheva. Evamimāni pañca pañcakāni samodhānetvā ime pañcavīsati avahārā veditabbā. Niṭṭhito ‘ādiyeyyā’ ti imassa padassa vinicchayo. Tenāha **“iti yam vuttam...pe... yassattho pakāsīto hoti”** ti.

Rājānoti kiñcāpi avisesena vuttam, aparādhānurūpaṃ pana chejjabhejjanūsāsako pamānabhūto va idhādhippetoti āha **“rājānoti idam bimbisāramyeva sandhāya vutta”** nti. So hi dhammikarājattā yathāpaveniyāva karoti. Aññe pana kākaṇikamattassāpi sīsam chindeyyum, bahukassāpi na vā kiñci kareyyum. Tenāha **“aññe panā”** tiādi. Hananam nāma pothanañceva chedanañcāti āha **“hatthādhi vā”** tiādi. **Ādisaddena** pādakasavettaadḍhadāṇḍakānaṃ gahaṇam. **Rajjubandhanādhi**ti ādisaddena andubandhanasānkhalikābandhananagarabandhanapurisaguttīnaṃ gahaṇam. **Nihāreyyanti** rājāto nikkhāmeyyum. **Corosi...pe... thenosīti** ettha **“paribhāseyyu”** nti padam ajjhāharitabbaṃ unattā padappayogassa. Tenāha **“imehi vacanehi paribhāseyyu”** nti. Yathārūpaṃ pana yasmā pādato paṭṭhāya hoti, tasmā **“pādassa vā pādārahassa vā”** ti āha. Porānakassa kahāpaṇassa catuttho bhāgo **pādo**, pādama arahaṭīti **pādāraho**, tassa pādassa vā pādārahassa vā. Ettha ca pādena kahāpaṇassa catutthabhāgam akappiyabhāṇḍameva dasseti, pādārahena pādaggahaṇakam kappiyabhāṇḍam. Ettāvātā heṭṭhimantadassanena sabbākāreṇa dutiyapārājikkappahonakavattu dassitam hotīti dāṭṭhabbaṃ. **Porānakassāti** (sāraththa. ṭī. 2.88; vi. vi. ṭī. 1.88) porānasatthānurūpaṃ uppāditassa lakkhaṇasampannassa nīlakahāpaṇasādisassa kahāpaṇassa. Etena rudrādāmakādīni paṭikkhīpati.

Evam asādhāranavinicchayaṃ dassetvā idāni sādāhanavinicchayaṃ dassetum **“rājagaha”** tiādimāha. **Raṇṇoti** bimbisāraṇāho. **Māsako** nāma porānakassa kahāpaṇassa vīsāto bhāgo. Yo loke **“mañjethī”** tīpi vuccati. Idāni imasmim adinnādāne vinicchayaṃ dassetum **“sabbatthā”** tiādi vuttam. **Sabbatthāti** unāmāsakātrekameṣakapañcamāsakesu. **Parihīnāparihīnavasenāti** agghassa parihīnāparihīnavasena. Ayamettha saṅkhepe, viṭṭhāro pana evam veditabbo – idāñhi adinnādānaṃ vinicchinantena oṭṭhē vatthussim sahasā avinicchinitvā pañca ṭhānāni oloketabbāni. Yāni sandhāya porānā āhu –

“Vatthum kālañca desañca, aggham paribhogapañcamam;
Tulayitvā pañcaṭṭhānāni, dhāreyyattham vicakkaṇo” ti. (pārā. aṭṭha. 1.92);

Tattha ca **vatthūti** bhāṇḍam. Avahārekena hi **“mayā idam nāma avahaṭā”** nti vuttepi āpattim anāropetvā va tam bhāṇḍam sasāmikam vā asāmikam vāti upaparikkhitabbaṃ. Sasāmikepi sāmikānaṃ sālayabhāvo vā nirālayabhāvo vā upaparikkhitabbo. Sace tesam sālayakāle avahaṭam, bhāṇḍam agghāpetvā āpatti kāretabbā. Sace nirālayakāle, na pārājikena kāretabbo. Bhāṇḍasāmikesu pana bhāṇḍam āharāpentesu bhāṇḍam dātābbaṃ. Ayamettha sāmīci. Evam vatthu oloketabbaṃ.

Kāloti avahārakālo. Tadeva hi bhāṇḍam kadāci samaggham hoti, kadāci mahaggham. Tasmā taṃ bhāṇḍam yasmim kāle avahaṭam, tasmimeyya kāle yo tassa aggho, tena agghena āpatti kāretabbā. Evam kālo oloketabbo.

Desoti avahāradeso. Tañhi bhāṇḍam yasmim dese avahaṭam, tasmimeyya dese yo tassa aggho, tena agghena āpatti kāretabbā. Bhaṇḍuṭṭhānadeso hi bhāṇḍam samaggham hoti, aññattha mahaggham. Evam deso oloketabbo.

Agghoti (pārā. aṭṭha. 1.92) bhāṇḍaggho. Navabhāṇḍassa hi yo aggho, so pacchā parihāyati. Yathā navadhoto patto aṭṭha vā dasa vā agghati, so pacchā bhinnō vā chiddo vā āniṅgaṭṭhikāhato vā appaggho hoti, tasmā na sabbadā bhāṇḍam pakatiaggheneva kātabbanti. Evam aggho oloketabbo.

Paribhogoti bhāṇḍassa paribhogo. Paribhogenāpi hi vāsīdibhāṇḍassa aggho parihāyati, tasmā evam upaparikkhitabbaṃ – sace koci kassaci pādaggahaṇakam vāsim harati, tatra vāsīsāmiko pucchitabbo **“tayā ayaṃ vāsī kittakena kitā”** ti. **“Pādēna, bhante”** ti. **“Kim pana te kiñitvāva thapitā, udāhu taṃ valañjesī”** ti? Sace vadati **“ekadivasam me dantakāṭṭham vā rajanachalli vā pattapacanādāru vā chinnaṃ, ghaṃsitvā vā nisitā”** ti. Athassa porāno aggho bhaṭṭhoti veditabbo. Yathā ca vāsīyā, evam aññaniyā vā aññanisalākāyā vā kuñcīkāyā vā palālena vā thusehi vā iṭṭhakacunnena vā ekavāram ghaṃsitvā dhovanamattenāpi aggho bhassati. Tipumaṇḍalassa makaradantacchedanēpi parimaddanamattenāpi, udakasāṭṭikāyā sakim nivāsanaṇāpūpanēpi, paribhogasīseṇa amse vā sīse vā thapanamattenāpi, taṇḍulādīnaṃ papphoṭṭanēpi tato ekam vā dve vā apānayanēpi, antamaso ekam pāsānasakkharam uddharitvā chaḍḍitamattenāpi, sappitelādīnaṃ bhājanantaraparivattanēpi, antamaso tato makkhikam vā kipillikam vā uddharitvā chaḍḍitamattenāpi, gulapiṇḍakassa madhurabhāvajānanattham nakhena vijjhītvā anumattam gahitamattenāpi aggho bhassati. Tasmā yam kiñci pādaggahaṇakam vuttanayeneva sāmikena paribhogena unām kataṃ hoti, na taṃ avahārako bhikkhu pārājikena kāretabboti. Evam paribhogo oloketabbo.

Evam imāni **tulayitvā pañca ṭhānāni dhāreyya attham vicakkaṇo** āpattim vā anāpattim vā garukam vā lahukam vā āpattim yathāṭṭhāne thapeyyāti.

Evam tattha vinicchayaṃ dassetvā idāni anāpattim dassento **“sakasaññissā”** tiādimāha. Tattha **sakasaññissāti** **“mayham santakam idam bhāṇḍa”** nti evam sakasaññissa parabhāṇḍampi ganhato gahaṇe anāpatti, gahitam pana puna dātābbaṃ. Sace sāmikehi **“dehī”** ti vutto na deti, tesam dhuranikkhepe pārājikam. **Vissāggāhēti** (pārā. aṭṭha. 1.131) vissāggāhaneṇāpi anāpatti. Vissāggāhālakkaṇam pana iminā suttēna jānitabbaṃ –

“Anujānāmi, bhikkhave, pañcahaṅgehi samannāgatassa vissāsam gahetum, sandiṭṭho ca hoti, sambhatto ca ālapito ca jīvati ca jānāti ca ‘gahite me attamano’” ti (mahāva. 356).

Tattha **sandiṭṭhoti** diṭṭhamattakamitto. **Sambhattoti** dalhamitto. **Ālapitoti** **“mama santakam yam icchasi, taṃ ganheyyāsi, āpucchitvā gahaṇe kāraṇam natthī”** ti vutto. **Jīvati** anuṭṭhānaseyyāya sayitopi yāva jīvītiṇḍriyupacchedam na pāpuṇāti. **Gahite ca attamanoti** gahite tuṭṭhacitto. Evarūpassa santakam **“gahite me attamano bhavissati”** ti jānantena gahetum vaṭṭati. Anavasesaparīyādānavasena cetāni pañcaṅgāni vuttāni. Vissāggāhō pana tīhi aṅgehi ruhati. Katham? Sandiṭṭho, jīvati, gahite attamano, sambhatto, jīvati, gahite attamano, ālapito, jīvati, gahite attamano ti evam.

Yo pana jīvati, na ca gahite attamano hoti, tassa santakam vissāsbabhāvena gahitampi puna dātābbaṃ. Dadantena ca matakadhaṇam tāva ye tassa dhane issarā gahaṭṭhā vā pabbajitā vā, tesam dātābbaṃ. Anattamanassa santakam tasveva dātābbaṃ. Yo pana pathamameyya **“suṭṭhu kataṃ tayā mama santakam ganhantēnā”** ti vacchhedena vā cittuppādamattena vā anumoditvā pacchā kenaci kāraṇena kupito, so paccāharāpetum na labhati. Yo ca adātukāmo, cittena pana adhivāseti, na kiñci vadati, sopi puna paccāharāpetum na labhati. Yo pana **“mayā tumhākam santakam gahita”** nti vā **“paribhutta”** nti vā vutto gahitam vā hotu, paribhuttam vā, **“mayā pana taṃ kenacideva karaṇīyena thapitam, pākatiṃ kātum vaṭṭati”** ti vadati, vā paccāharāpetum labhati.

Tāvakāliketi **“paṭidassāmi paṭikarissāmi”** ti evam ganhantassa tāvakālikepi gahaṇe anāpatti. Gahitam pana sace bhāṇḍasāmiko puggalo vā gaṇo vā **“tuyvetam hoti”** ti anujānāti, iccetam kusalam. No ce anujānāti, āharāpente dātābbaṃ. Sanghasantakam pana paṭidātumeva vaṭṭati.

Petapariggaheti ettha pana pettivisāye upāpanāpi, kālam katvā tasmimeyya attabhāve nibbattāpi, cātumahārājikādayo devāpi sabbe **“petā”** tveva saṅkhyam gatā, tesam pariṅgahe anāpatti. Devatāya pana uddissa balikammaṃ karontehi rukkhādīsu laggitasātake vattabbeva natthi. Tañca kho ārakkhakehi apariggahite, pariggahitam pana gahetum na vaṭṭati (sāraththa. ṭī. 2.131).

Tiracchānagatapariggaheti nāgasupannādinam tiracchānagatānaṃ pariggāhe. Sacepi hi devo vā nāgasupanno vā manussarūpeṇa āpanam pasāreti, tato cassa santakam koci dibbacakkhuko bhikkhu taṃ nātva gahetvā gacchati, vaṭṭati.

Pamsukūlasānñissāti “asāmikam idaṃ pamsukūla”nti evasaññissāpi gahane anāpatti. Sace pana tam sasāmikam hoti, āharāpente dāttabbā. **Ummattakādīni** pubbe vuttappakārāneva. **Ādikammiko** panettha dhaniyo. Avasesānaṃ pana rajakabhaṅḍikādicōraṇaṃ chabbaggiyādīnaṃ āpattiyeva.

Sacittakehi tīhi samuṭṭhānehi idaṃ samuṭṭhātī āha “**adinnādānasamuṭṭhāna**”nti. Tathā hi **sāhatthikam** kāyacittato samuṭṭhātī. **Ānattikam** vācācittato samuṭṭhātī. **Sāhatthikānattikam** kāyavācācittato samuṭṭhātī, tañca kho “bhāriyamidaṃ, tvaṃ ekapassaṃ ganha, ahaṃ ekapassa”nti samvidhāya ubhayesaṃ payogena ekassa vatthuno thānacāveṇa labbhati. “Kāyavācācikkamma”nti avacaṇaṃ pana kāyavācācānaṃ tīse thāne āngamattatā. Yāya pana cetanāya samuṭṭhāpito payogo sāhatthiko vā ānattiko vā padhānabhāveṇa thānacāveṇa sādheti, tassā vasena āpatti karetabbā. Aññathā sāhatthikam vā ānattikassa āngam na hoti, ānattikam vā sāhatthikassāti idaṃ virujjhati. “Adinnaṃ ādiyāmi”ti saññāya abhāveṇa mucchanato **saññāvimokkham**. Kāyena kataṃ kammaṃ **kāyakammaṃ**, kāyadvāreṇa katanti attho. **Vacikammanti** ethāpi eseve nayo. Tuṭṭho vā bhūto vā majjhato vā naṃ āpajjati **tivedanaṃ**. Sesam pathamasikkhāpade vuttanayeneva vedittabbaṃ.

Dutiyaṃpārājikavaṇṇanā niṭṭhita.

3. Tatiyaṃpārājikavaṇṇanā

Santi sahatthe upasaggo. Tena saddhim ussukkavacaṇametam “sañcicca”ti āha “**sañcetetvā**”tiādi. **Ussukkavacaṇanti** etha ussukkavacaṇaṃ (sārattha. tī. 2.172) nāma pubbakālakiriyaṇaṃ. Ayañhi samānakattukesu pubbāparakālakiriyaṇavacaṇesu pubbakālakiriyaṇavacaṇassa niruttivohāro. Idāni “saddhim cetevā”ti iminā sañkhepeṇa vuttamevattham pākāṭam katvā dassetum “**pāṇo**”tiādimāha. Tathā “**pāṇo**”ti **saññāya saddhimvevāti** “pāṇo”ti saññāya avijahitvā eva, “pāṇo”ti saññāyappattiyā anantaranti vuttam hoti. Evañca katvā katham ekakkhane ekassa cittassa ubhayārammaṇabhāvōti edisī codanā anavakāsāti dātṭhabbā. Keci pana “nātapariññāya dīṭṭhasabhāveṇa dhammesu tīrapariññāya tilakkhaṇaṃ āropetvā (sārattha. tī. 2.172) rūpaṃ anicca”ntiādinā sabhāveṇa saddhim ekakkhane aniccādīlakkhaṇajānaṇaṃ viya “pāṇo”ti saññāya saddhimvevā “vadhāmi na”nti jānāti”ti vadanti. Apare pana ācariyā tathāpi evaṃ na kathenti. Etha ca manussaviggaho”ti avatvā “pāṇo”ti vacanaṃ “manusso aya”nti ajānitvā kevalaṃ sattaṣaṇṇāya ghātentassāpi pārājikabhāvadassanatham vuttam. **Cetevāti** cintevā. **Pakappetvāti** abhivācāretvā, saññiṭṭhānaṃ karitvāti attho.

Idāni manussaattabhāvaṃ ādito paṭṭhāya dassetum “**manussaviggaha**”ntiādimāha. Tathā **kalalato paṭṭhāyati** paṭisandhiṇṇāneṇa saddhim uppannakalalarūpato paṭṭhāya. **Kalalarūpam** nāma itthipurisānaṃ kāyavattubhāvadāsakavasena samatiṣsa rūpāni, napuṃsakānaṃ kāyavattubhāvadāsakavasena vīsati. Tathā itthipurisānaṃ kalalarūpam jātiṇṇāya ekena aṃsunā uddhatelabindumattam hoti acchaṃ vippasanaṃ. Vuttañhetam aṭṭhakathāyaṃ –

“Tilatelassa yathā bindu, sappiṃṇaṇḍo anāvilo;

Evamvaṇṇappaṭibhāgam, ‘kalala’nti pavuccati”ti. (sam. ni. aṭṭha. 1.1.235; vibha. aṭṭha. 26; pārā. aṭṭha. 2.172);

Evam parittakam vatthum ādim katvā yāva maraṇakālā ethantare anupubbaṇa vuḍḍhippatto attabhāvo manussaviggaho nāmāti vuttam hoti. Idañca yebhuyavaseneva vuttam. Opatātikasamsedāpi hi manussā pārājikavattuhueva. **Kalalakālepi**ti pathamasattāhepi. Tathā hi santativasena pavattamānaṃ kalalāsankhātam attabhāvaṃ jīvita voropetum sakkā, na pana sabbapathamaṃ kalalarūpam. Paṭisandhicittena hi saddhim tiṃsa kammajarūpāni nibbantanti. Tesu pana thitesuyeva solasa bhavaṅgacittāni uppajjivā nirujjhanti. Etasmiṃ antare gahitapaṭisandhikassa dārakassa vā mātuṃyā vā panassa antarāyo natthi. Ayañhi maraṇassa anokāso nāma. **Bhesajjasampadānenāti** gabbhapātanabhesajjādāneṇa. **Tato vā uddhampīti** abbudapesikālādīsūpi. **Jivita viyojeyyati** santativikopanasena jivitindriyato apaneyya.

Imassa panatthassāti “sañcicca manussaviggahaṃ jivita voropeyyā”ti (pārā. 171) imassa atthassa. **Āvibhāvattanti** pakāsanaṃ. Pānassa atipāto **pānātipāto**, pānāvadhō pānāghātōti vuttam hoti. **Sattoti** khandhasantāno. Tathā hi sattaṃpānāti. **Jivitindriyanti** rūpārūpajivitindriyam. Rūpajivitindriye hi vikopite itarampi taṃsambandhatāya vinassatīti. **Yāya cetanāyati** tasmim pāṇe pānasaññāno kāyavācācāraṇaṃ aṇṇataradvārappavattāya yāya cetanāya. Manodvāre pana pavattāya vadhakacetanāya pānātipātābhāvo natthi. **Sā cetanāti** sā jivitindriyapucchadakaupakkamasamuṭṭhāpikā kāyavācācāraṇaṃ aṇṇataradvārappavattā vadhakacetanā. Idam vuttam hoti – yāya cetanāya pavattamānassa jivitindriyassa nissayabhūtesu mahābhūtesu upakkamakāraṇaṇaṃ tamahābhūtapaccayā uppajjanakamahābhūtaṃ nuppajjanti (sārattha. tī. 2.172), sā tādīsapayogasamuṭṭhāpikā cetanā pānātipāto. Laddhūpakkamāni hi mahābhūtaṃ itarabhūtaṃ viya na visadānīti samānājātikānaṃ kāraṇaṃ na hoṃnti.

Pānātipāto assa atthi **pānātipāti**. Samsagge ayamikāro. Tenāha “**vuttacetanāya samaṅgipuggalo**”ti. Sako hattho **sahatto**, tena nibbatto payogo **sāhatthiko**. Nissajjanaṃ **nissaggo**, sova **nissaggiyo**. Evam **ānattiko**. **Vijjāmayo** mantaparijappanayo. **Iddhimayo** kammavipākajiddhimayo.

Idāni yathāvuttiyeva cha payoge vibhajitvā dassetum “**tatthā**”tiādi vuttam. Tathā **tatthāti** tesu chasu payogesu. **Sāhatthikoti** etha hattho upalakkhaṇabhāveṇa gahitoti āha “**kāyena vā**”tiādi. Tathā **kāyenti**ti hatthena vā pādena vā muṭṭhā vā jānuṇā vā yena kenaci āṅgapaccāneṇa. Kāyekadeso hettha hatthādikāyo avayave samudāyopaccāro yathā “**gāmo daddho**”ti. **Kāyappaṭibaddhenāti** kāyato amocitena asiādinā paharaṇeṇa. **Paharaṇanti** kāyaviññattisahiṭāya vadhakacetanāya adhippetatthasādhanaṃ. Kāyena vā sattiādinā, kāyappaṭibaddhena vā usuyantapāsānādināṃ nissajjananti yathāsambhavaṃ yojetabbaṃ. **Tatthāti** tesu sāhatthikanissaggiyesu. **Uddissānuddissabhedatōti** uddisitvā ca anuddisitvā ca pavattibhedena. Uddisanaṃ **uddiso**, so etassa atthi **uddisako**, payogo, tasmim. Bajjhanti etenāti **baddho**, kammameva baddho **kammabaddho**, pānātipātōti attho. Atha vā bandhanaṃ **baddho**, kammunā baddho **kammabaddho**, so assa hoti, pānātipātakammamassa siddhanti vuttam hoti. **Ubhayattāpīti** uddisake, anuddisake cāti dvīsūpi. Pacchā vā teneva rogena maratīti yojanā. **Paharittakhaṇeyevāti** maraṇāya pahonakappahāraṇaṃ laddhakkhaṇeyeva kammabaddho. Yadi avassaṃ tena maratīti adhippāyo. Sace pana maraṇādhippāyena pahāraṃ datvā tena amatassa puna aññena cittena pahāre dinne pacchāpi pathamappahāreṇa marati, tadāva kammabaddho. Atha dutiyapahāreṇa marati, natthi pānātipāto. Ubhayehi matepi pathamappahāreṇa kammabaddho, ubhayehi amate nevati pānātipāto. Esa nayo bahūhihi ekassa pahāre dinne. Tatṭrāpi hi yassa pahāreṇa marati, tasseva kammabaddhoti. **Āṇāpanam** nāma vacīviññattisahiṭāya vadhakacetanāya adhippetatthasādhanaṃ.

Idāni imasmim ānattikapayoge saṅketavisanketabhāvajānanatham chabbidham niyamaṃ dassento “**tatthā**”tiādimāha. Tathā **tatthāti** tasmim ānattikapayoge. **Ānattiniyāmakāti** ānattikapayogasādhikā. Etesu hi avirajjhitesuyeva ānattikapayogo hoti, na aññathāti.

Puggaloti māretabbo puggalo. Tenāha “**yaṃ hi**”tiādi. **Āṇāpakassa āpattīti** āṇāpakassa ānattikkhane āpatti, ānattassa māraṇakkhane. **Āṇāpako muccatīti** ānattasseva kammabaddho, vatthuviseṇa panettha kammaviseṇo ca āpattiviseṇo ca hoṃnti. “**Purebhattam mārehi**”ti āṇatto **purebhattameva māreṭīti** “ājja sve”ti aniyametvā “**purebhattam mārehi**”ti āṇatto yadā kadāci purebhattam māreṭi. Yo pana “ājja pubbaṇhe”ti vutto majjhanhe vā sāyanhe vā sve vā pubbaṇhe māreṭi, visanketo hoti, āṇāpakassa natthi kammabaddho. Pubbaṇhe māretum vāyamantassa majjhanhe jātepi eseve nayo. Etena nayena sabbakālapphabhedesu saṅketavisanketā veditabbā.

Evam vatthukāleṇa saṅketavisanketataṃ dassetvā idāni okāsādīsū saṅketavisanketataṃ atidāsanto “**iminā nāyena**”tiādimāha. Tathā **okāsoti** (pārā. aṭṭha. 2.174) gāmo vā vanaṃ vā gehadvāraṃ vāti evamādikō. **Āvudhanti** asi vā usu vā satti vāti evamādi. **Iriyāpathoti** māretabbassa gamanaṃ vā nisajjā vāti evamādi. **Kiriyaṇviseṇoti** vijjhanam vā chedanaṃ vā bhedanaṃ vā saṅkhamuṇḍakaṃ vāti evamādi. Imesu yathā yathā vadhako ānatto, tathā tathā kate āṇāpakassa āpatti, aññathā kate visanketo hoti. Tenāha “**iminā nāyena**”tiādi. Tathā **sabbatthāti** okāsādīsū catūsū. Hoti cettha –

“Yathānattivaseneva, ānattena kate sati;

Āṇāpakassa āpatti, visanketoññathā kate”ti.

Ānattiyam pana ayam viseso – **adhiṭṭhāyati** adhiṭṭhahitvā ānāpeti “evam vijjha, evam pahara, evam ghāteh”ti (pārā. 174) vuttāya pāliyaṃ labbhatīti nātabbo.

Opatanti ethāti **opāto**, āvāto, tassa khaṇaṃ **opātakhaṇaṇam**. **Apassenasamvidhānanti** (pārā. aṭṭha. 2.177) apassenassa samvidhānaṃ. Niccaparibhogo mañco vā pīṭhaṃ vā apassenaphalakaṃ vā divāṭṭhāne nisīdantassa apassenakattambho vā tatthajātakarukko vā cañkame apassāya tiṭṭhantassa ālambanarukko vā ālambanaphalakaṃ vā, sabbampetaṃ apassanīyatthēna **apassenam** nāma, tasmim apasene yathā apassayantaṃ vijjhati vā chindati vā, tathā katvā vāsiṃpharasuttīrakaṇṭakādīsū aññatarassa sathassa ṭhapananti attho.

Upanikkhipanaṃ nāma samīpe nikkhipanaṃ. Manāpassa vā amānāpassa vā rūpassa upaharaṇaṃ samīpe ṭhapanam **rūpūpahāro**, attanā vā yakkhapetādivesaṃ gahetvā tiṭṭhanaṃ. **Ādisaddena** saddhūpahārādīnaṃ gahaṇaṃ. **Ettāpīti** thāvarapayogepi. Uddissānuddissabhedo veditabbo, yato tathāpi pubbe vuttanayeneva kammabaddho hoti. Ayam pana viseso – mūlāṭṭhena opātādīsū paresam mūlena vā mudhā vā dinnesupī yadi tappaccayā koci marati, mūlāṭṭhasseva kammabaddho. Yadiṭṭhā tena, aññena vā tatra opāte vināsetvā bhūmisame katepi paṃsum gāṇhātā, mūlakhaṇakā vā mūlāni khaṇantā āvāṭam karonti, deve vā vassante kaddamo jāyati, tathā ca koci oṭarivā vā laggitvā vā marati, mūlāṭṭhasseva kammabaddho. Yadi pana yena laddham, so vā añño vā vitthataram vā gambhīratam vā karoti, tappaccayā ca koci marati, ubhayesampi kammabaddho. Yathā tu mūlāni mūlehi saṃsandanti, tathā tathā thale kate muccati. Evam apassenasamvidhānādīsūpi yāva tesam pavatti, tāva yathāsambhavaṃ

kammabaddho veditabbo.

Vijjaparijappananti āthabbanikehi, vijjadharehi ca mantaparijappanam. **Kammavipākajāya iddhiyāti** sātisayakammanibhattāya kammavipākena sahaḥajāya iddhiyā, kammassa vā vipākabhāvena jātāya iddhiyā. **Payojananti** pavattanam, karaṇanti attho, dāthāvudhādnam dāthākoṭanādnamiva māraṇattham kammavipākajiddhivikāraṇananti vuttam hoti.

Kammāsādhano vāyam hāraḥasaddo bahulamvīdhānena tatthāpi **ṇvupaccayassa** sījhanatoti āha “**atha vā**”tiādi. Jīvitaharaṇakam, upanikkhipitabbam vā satthameva hāraḥanti (sārattha. fī. 2.172) vikappadvayena vuttanti āha “**satthaṇca tam hāraḥakācāti satthahāraḥa**”nti. “Hāraḥasattha”nti vattabbe visesanassa paranipātam katvā evam vuttanti dāṭṭhabbam. **Pariyeseyyāti** gaveseyya. “**Yathā labhati, tathā kareyyā**”ti iminā pana adhippāyatthamāha, “**upanikkhipēyyā**”ti iminā sikkhāpattamattham. Itarathā hi “pariyeseyyā”ti imassa “upanikkhipēyyā”ti ayamattho adhippeto na siyā. **Pariyīḥhamattevāti** pariyesitamatteveva. Yadi evam atha kasmā pāḷiyam “satthahāraḥam vāssa pariyeseyyāti asim vā sattim vā bheṇḍim vā laḷaḷam vā pāsānam vā sattham vā visam vā rajjum vā”ti (pārā. 172) vuttanti āha “**padabhājane panā**”tiādi. **Assāti** “satthahāraḥam vāssa pariyeseyyā”ti imassa padassa. Byañjanānurūpato paripunnam katvā atthassa avuttatā “**byañjanam anādiyivā**”ti vuttam. Sasati himsaṭṭi **sattham**, sasanti himsanti etenāti vā **sattham**. **Ādisaddena** “sattim vā”tiādi pāḷisesam saṅgaṇhāti. Tattha **laḷaḷanti** muggaro. **Satthanti** vuttāvesesam yaṃ kiñci samukham veditabbam.

Yo evam maraṭṭi yo sattham vā āharitvā, visam vā khādītva, rajjuvā vā ubbandhitvā, sobbhādisu vā patitvā, aññehi vā aggipavesanaudakapavesanādīhi upāyehi marati. “**So dhanam vā labhati**”tiādinā **nayenāti** so dhanam vā labhati, yasam vā labhati, saggam vā gacchati, dhammo vāssa hoti iminā nayena. Kimanena veditabbanti āha “**etenā**”tiādi. Tattha **etenāti** “maraṇavannam vā samvaṇṇeyyā”ti etena vacanena. **Nayidha evanti** idha manussaviggahapārājike na evam, na pariyaḥakathāya mucceṭṭi attho. Tenāha “**samvaṇṇeyyā**”tiādi.

“**Sattham vā āhara**”tiādināti ettha **ādisaddena** “visam vā khāda, rajjuvā vā ubbandhitvā kālam karohi, sobbhe vā narake vā papāte vā papatā”tiādim (pārā. 172) sabbam maraṇūpāyam saṅgaṇhāti. Ettha ca **narako** (pārā. aṭṭha. 2.172) nāma tattha tattha phalantiyā bhūmiyā sayameva nibbattā mahādārī, yattha hatthīpi patanti, corāpi nilīyitvā tiṭṭhanti. **Papāto**ti pabbatantare vā thalantare vā ekato chinno. **Pāpakenāti** lāmakena. **Dujjivitenāti** dukkhabahulattā dukkhena jīvitena. **Matam te jīvita seyyāti** tava maraṇam jīvita sundarataram. Cīttamassa atthīti **citto**. Tathā **mano**. **Iti**-saddo “sabbamatthīti kho, kaccāna, ayameko anto, sabbam natthīti kho, kaccāna, ayam dutiyo anto”tiādisu (sam. ni. 2.15; 3.90) viya nidassane dāṭṭhabbo yathāvuttassa buddhiyam viparivattamānassa maraṇassa nidassanato. Tenevāha “matam te jīvita seyyo”tiādi.

Nanu cettha “mano”ti idampi atthato cittameva, atha kasmā vuttanti āha “ettha cā”tiādi. **Cīttassa atthadīpanattham vuttanti** nāyam cīttasaddo “cīttasaṅkappo”tiādisu (pārā. 171) viya vicitādiattho, atha kho viññānavacanoti tassa atthadīpanattham vuttam. Iminā punaruttidosābhāvam dasseti. Kathametam viññāyatīti āha “**tenevassā**”tiādi. Cītto nānāppakāro saṅkappo assāti **cīttasaṅkappo**. Vicitāto ettha cīttasaddo “nāham, bhikkhave, aññam ekanikāyampi samanupassāmi evam cīttam, yathayidam, bhikkhave, tiracchānagatā”tiādisu (sam. ni. 3.100) viya. Tenāha “**vicitasaṅkappo**”ti. **Etthāpi itisaddo āharitabboti** “cīttasaṅkappo”ti imasmim padepi adhikāravasena itisaddo āharitabbo. Idāñhi “iti cīttasaṅkappo”ti evam avuttampi adhikāro vuttameva hotīti. **Saṅkappoti** cettha “takko vitakko saṅkappo”tiādisu (dha. sa. 7) viya na vitakkasve nāmam, atha kho tassa ca aññesaṅcāti dassetum “**saṅkappoti cā**”tiādi āraddham. **Samvīdahanamattassāti** saññācetanāvītakasāṅkhātaṭṭassa sabbassa samvīdahanassa. Sāmaññattho ettha mattasaddo “brāhmanamattham bhojeṭi”tiādisu viya. Tenāha “**taṅca samvīdahanā**”ntiādi. Iminā samvīdahanam nāmettha na vīdhananti dasseti. **Adhippāyo** nāma vitakko.

Uccāvacena kāraṇenāti (pārā. aṭṭha. 2.172) mahantāmahantena upāyena. Tattha maraṇavannasamvaṇṇane tāva jīvite ādinavassanavasena avacākāratā, maraṇe vaṇṇabhānavasena uccākāratā veditabbā. Samādāpane pana muṭṭhijāṇunipothanādīhi maraṇasamādāpanavasena uccākāratā, ekato bhūñjantassa nakhe visam pakkhipitvā maraṇādisamādāpanavasena avacākāratā veditabbā.

Evam asādhāranavinicchayam vatvā idāni sādharānavinicchayam dassetum “**vesāliya**”ntiādimāha. **Opātakkhāṇanādisu dukkaṇanti** ettha saṅgāḥa jātāpathavim khaṇati, pānātipāssa pubbaḥpayogattā payoge payoge dukkaṇam. Manussaviggahā nāgasupannādisadiso tiracchānagato **tiracchānagatamanussaviggahā**, yakkho ca peto ca tiracchānagatamanussaviggahā ca **yakkhapetatiracchānagatamanussaviggahā**, tesam. “**Tathā**”ti iminā thullaccayam atidisati. Idāni “**iminā nayenā**”tiādinā apassenasamvīdhanādisu yathāvuttāpattibhedam atidisati. **Sabbatthāti** apassenasamvīdhanādisu sabbesu payogesu.

Idāni anāpattim dassetum “**asañcicā**”tiādimāha. Ettha ca “**asañcicā**”ti (sārattha. fī. 2.179) idam maraṇasamvattanikaupakkamassa asallakkhaṇam sandhāya vuttam, “**ajānantassā**”ti idam pana maraṇasamvattanikaupakaraṇassa ajānam sandhāya, “**namaraṇādhīppāyassā**”ti idam upakkamam jānantassāpi maraṇādhīppāyassa abhāvam. Tenāha “**asañcicā**”tiādi. **Acetevāti** asallakkhetvā, virajjhivāti vuttam hoti.

Musalussāpanavattusmim viyāti “tena kho pana samayena aññataro bhikkhu bhattage antaragare āsanam paññapento musale ussīte ekam musalam aggaḥesi. Dutiyo musalo paripatitvā aññatarassa dāraḥassa matthake avatthāsi. So kālamakāsi. Tassa kukkucam ahoṣi...pe... kiṃcitto tvam bhikkhūti. Asañcicca aham bhagavāti. Anāpatti bhikkhu asañcicā”ti (pārā. 180) imasmim vatthusmim viya.

Visagatapiṇḍapātavattusmim viyāti “tena kho pana samayena aññataro piṇḍacāriko bhikkhu visagatam piṇḍapātam labhitvā paṭikkamanam haritvā bhikkhūnam aggākārikam adāsi. Te bhikkhū kalamakamsu. Tassa kukkucam ahoṣi...pe... kiṃcitto tvam bhikkhūti. Nāham bhagavā jānāmīti. Anāpatti bhikkhu ajānantassā”ti (pārā. 181) imasmim vatthusmim viya.

Bhesajjavattusmim viyāti “tena kho pana samayena aññatarā vañjhā itthi kulūpakam bhikkhum etadavoca “iñghāyya bhesajjam jānāmi, yenāham vijjāyeyya”nti. ‘Suṭṭho bhaginī’ti tassā bhesajjam adāsi. Sā kālamakāsi. Tassa kukkucam ahoṣi...pe... anāpatti bhikkhu pārājikassa, āpatti dukkaṭassā”ti (pārā. 187) imasmim vatthusmim viya. Idha **ādīkammikā** aññamaññam jīvita voropitabhikkhū, tesam anāpatti. Avasesānam maraṇavannasamvaṇṇanākaḍḍinam āpattiyeva.

Atha katham dukkhavedananti, nanu rājāno coram disvā hasamānāpi “gacchatha, nam ghāthethā”ti vadanīti? Saccam hasamānā vadanti, so pana hāso tesam aññavisayo, saññīthāpakacetanā dukkhasampayuttava. Vuttāñhetam **samantapasādikāyam** “sacepi hi sīrisayanam ārūḷho rajjasampattisukhamanubhavanto rājā ‘coro deva ānīto’ti vutte ‘gacchatha nam mārethā’ti hasamāno bhānati, domanassacitteneva bhānāti veditabbo. Sukhavokīṇattā, pana anuppabandhābhāvā ca dujjānametam puthujjanehi”ti (pārā. aṭṭha. 2.179).

Tatiyapārājīkavaṇṇanā niṭṭhita.

4. Catutthapārājīkavaṇṇanā

Anabhijānanti na abhijānam. Yena hi yo dhammo adhigato, so tassa pākāto hotīti āha “**sakasantāne**”tiādi. **Uttarimanussānanti** pakatimanussehi uttaritarānam manussānam, ukkaṭṭhamanussānanti attho. **Dhammanti** mahaggatalokuttarabhūtam adhigatadhammam. Atha vā uttarimanussadharmāti **uttarimanussadhhammo**. **Manussadhhammo** nāma vinā bhāvanāmanasikārena pakatiyā manussesu nibbattetabbo dasakusalakammāpathadhhammo. So hi manussānam cīttādhiṭṭhānamattena ijjhanato tesam so bhāvitadhhammo viya ṭhitoti tathā vutto, manussaggahānaṅcetha tesu bahulam pavattanato. Jhānādikam pana tabbidhuranti tatuttari, iti uttari manussadharmāti **uttarimanussadhhammo**, tam uttarimanussadharmanti evampettha attho dāṭṭhabbo. **Samudācarantoti** ārocanto.

Kiñcāpi lokiyalokuttarā sabbāva paññā “ñāṇa”nti vuccati, idha pana mahaggatalokuttarāva veditabbāti āha “**mahaggatalokuttarapaññā jānanaṭṭhena nāṇa**”nti. Kīlesehi ārakattā parisuddhatthena ariyanti āha “**ariyam visuddham uttama**”nti. Ariyasaddo cettha visuddhapariyāyo, na lokuttarapariyāyo. **Jhānādibhedeti** ādisaddena “vimokkho, samādhi, samāpatti, ānādasassana, maggabhāvanā, phalasaṅgīkariyā, kīlesappahānam, vinīvaranā cīttassa, suññāgāre abhiratī”ti (pārā. 198) ime saṅgaṇhāti. **Viññussa manussajātīkassāti** ārocetabbapuggalanidassanam. Etassa hi ārocite ārocitam hoti, na devabrahmānam, nāpi petayakkhatiracchānagatānanti. **Āroceyyāti** vadeyya, viññāpeyyāti vuttam hoti. **Vinā aññāpadesenāti** “yo te vihāre vasati, so bhikkhu paṭhamassa jhānassa lābhī”tiādinā (pārā. 220) nayena aññāpadesam vināti attho. **Idhevāti** “iti jānāmi, iti passāmi”ti imasmimveva pade. “**Tena vutta**”ntiādi nigamanam.

Samanuggāhīyamānoti codiyamāno, yaṃ vattho ārocitam hoti, tasmim vatthusmim “kiṃ te adhigatam, kinti te adhigatam, kadā te adhigatam, kattha te adhigatam, katame te kīlesā pahinā, katamesam tvam dhammānam lābhī”ti kenaci vuccamāno”ti vuttam hoti. **Asamanuggāhīyamānoti** na kenaci vuccamāno.

“**Bhikkhubhāve** **ṭhatvā abhabbo jhānādini adhigantu**”nti sikkhāpadātikamassa antarāyakarattā vuttam. Bhikkhubhāvo hissa saggantarāyo ceva hoti maggantarāyo ca (pārā. aṭṭha. 2.198). Vuttāhetam “sāmaññaṃ duppārāmaṭṭham, nīrayāyupakaḍḍhatī”ti (sam. ni. 1.89; dha. pa. 311). Aparampi vuttam “sithilo hi paribbājo, bhīyo ākirate raja”nti (sam. ni. 1.89; dha. pa. 313). **Bhikkhubhāvoti** pārājikam āpajjivā “samaṇo aha”nti paṭijānanato vohāramattasiddho bhikkhubhāvo. **Dānādīṭhi** dānasaraṇasīlasaṃvarādīhi.

Ajānamevāti ettha evāti avadhāranatthe nipāto. “**Ajānameva**”ntipi paṭhanti. Tattha pana “evam jānāmi, evam passāmi”ti avacanti yojetabbaṃ. **Vacanattavirahato** “paṭhamam jhānam samāpajji”nti ādivacanassa (pārā. 209) atthabhūtena jhānādinaṃ vajjitattā tuccham udakādisuññaṃ bhājanam viya. **Musāti** viṣaṃvādanapurekkhāraṣa paraviṣaṃvādako vacāpayogo, kāyapayogo vā. Tenāha “**vañcanādhippāyo musā**”ti. Musā ca vañcanādhippāyo ca pubbhāgakkhaṇe, taṅkhane ca. Vuttāhi “pubbe vāssa hoti ‘musā bhañissa’nti, bhañantassa hoti ‘musā bhañāmi’”ti (pārā. 200). Etañhi dvayam āngabhūtam, itaram pana hotu vā, mā vā, akāraṇametaṃ. **Abhañinti** viññāpanam akāsim.

Aññatra adhimānāti adhigato māno, adhiko vā māno **adhimāno**, thaddhamānōti attho, taṃ vināti attho. Kassa paṇāyam adhimāno uppajjati, kassa nuppajjati? Ariyasāvakaṣa tāva nuppajjati (pārā. aṭṭha. 2.196). So hi maggaphalanibbānapahīnakilesāvasiṭṭhakilēsapaccavekkhanena sañjātasomanasso ariyagunappativedhe nikkāṅkho, tasmā sotāpannādīnaṃ “aham sakadāgāmi”tiādivasena māno nuppajjati. Dussīlassa nuppajjati. So hi ariyagunādhipigame nirāsova. Sīlavatopi pariccattakammaṭṭhānassa niddārāmatādiṃmanuyuttassa nuppajjati, supariśuddhastīlassa pana kammaṭṭhāne appamattassa nāmarūpaṃ vavathapetvā paccayapariggahena vitīṇakāṅkhassa tilakkhaṇam āropetvā saṅkhāre sammasantassa āradhāvippassakassa uppajjati. Tenāha “**yvāya**”ntiādi. Tattha **tilakkhaṇam āropetvāti** (sārattha. ṭī. 2.196) kalāpasammasanavaseṇa aniccādīlakkhanaṭṭayam āropetvā. **Sammasantassāti** vipassantassa. **Āradhāvippassakassāti** udayabbayānupassanāya āradhāvippassakassa. **Apatteti** attano santāne uppattivasena apatte, anadhigateti vuttam hoti. **Pattasaññitāsāṅkhātōti** “patto mayā uttarimanussadhammo”ti evamsaññitāsāṅkhātō adhimāno uppajjati. Uppanno ca suddhasamathalābhīm vā suddhāvippassanālābhīm vā antarā ṭhāpeti. So hi dasapi vīsaṃpi tīsaṃpi vassāni kilēsasamudācāram appasanto “aham sotāpanno”ti vā “sakadāgāmi”ti vā “anāgāmi”ti vā maññati. Samathāvippassanālābhīm pana arahatṭeyeva ṭhāpeti. Tassa hi samādhibalena kilēsaṃ vikkhambhīti, vipassanābalena saṅkhāre supariśuddhā, tasmā saṭṭhimpī vassāni, asīṭimpī vassāni, vassasatampī kilēsaṃ na samudācaranti, khīṇāsavasveva cīttācāro hoti. So evam dīgharattam kilēsasamudācāram appasanto antarā aṭṭhatvāva “arahā aha”nti maññati. “**Tam adhimānam ṭhāpetvā**”ti iminā “aññatrā”ti paḍaṃ apekkhivā “adhimānā”ti upayogatthe nissakkavacananti dasseti.

Pāpicchatāyāti pāpā icchā etassāti **pāpiccho**, tassa bhāvo **pāpicchatā**, tāya, pāpikāya icchāyāti attho. Yā sā “idhekacco dussīlova samāno ‘sīlavā’ti mam jāno jānātū”tiādinā (vibha. 851) nayena vuttā, tāya asantaṅgasambhāvanicchāyāti vuttam hoti. Iminā pana mandattā momūhattā samudācarantassa anāpatṭi dasseti. **Ayampī pi** sādgena na kevalam purimā tayovāti dasseti.

Asantanti abhūtam. **Jhānādīdhammanti** jhānam, vimokkho, samādhi, samāpatti, nānadassanam, maggabhāvanā, phalacchikiriyā, kilēsapahānam, vinīvaranāta cīttassa, suññāgāre abhiratī”ti (pārā. 198) evam vuttam uttarimanussadhammam. **Yassa āroceṭti** (pārā. aṭṭha. 2.215) vācāya vā hatthavikārādīhi vā āngapaccāṅgacōpanehi viññātipathe ṭhitassa yassa puggalassa āroceṭti. Viññātipatham pana atikkamitvā thito koci ce dibbena cakkhunā (sārattha. ṭī. 2.215), dibbāya ca sotadhātuyā disvā ca sutvā ca jānāti, na pārājikam. Yopi “kim ayaṃ bhaṇatī”ti saṃsayam vā āpajjati, ciram vīmaṃsitvā vā pacchā jānāti, “avijānanto”iceva saṅkhyam gacchati. Yo pana jhānādīni attano adhigamavasena vā uggahaparipucchādivasena vā na jānāti, kevalam “jhāna”nti vā “vimokkho”ti vā vacanamattameva sutam hoti, sopi tena vutte “jhānam kira samāpajji”ti esa vadatīti yadi ettakamattampi jānāti, “jānāti”ceva saṅkhyam gacchati, tassa vutte pārājikameva. Seso pana ekassa vā dvinnam vā bahūnam vā niyamitāniyamitavasena viṣeso sabbo sikkhāpaccakkhānakathāyam vuttanayeneva vedītabbo. Pariyāyabhāseṇa pana “aha”nti avuttattā paṭivijānantassa vuttepi thullaccayam. Viṣaṃvādanādhippāyena musāvādapayogassa katattā appaṭivijānantassāpi dukkatanti āha “**yo te vihāre vasati...pe... dukkaṭa**”nti. **Anullapanādhippāyassāti** ullapanādhippāyavirahitassa, abhūtārocānādhippāyavirahitassāti attho. Ummattakādayo pubbe vuttanāyā eva. Idha pana **ādīkammikā** vaggumudātīriyabhikkhū, tesam ānāpatti.

Catutthapārājīkavāṇṇanā niṭṭhīti.

Pārājīkanigamanavaṇṇanā

Idhāti imasmiṃ bhikkhupātimokkhe. **Uddīṭṭhapārājīkaparīdīpanamevāti** uddīṭṭhānam catunnam pārājīkānam parīdīpanavacanameva. Avadhāraṇam pana na aññesampīti dassanattam. Tenāha “**samodhānetvā panā**”tiādi. Tattha **samodhānetvāti** tattha tattha āgatāni etheva samodahitvā, pakkhipitvā rāsīm katvāti attho. **Pāijyam āgatānīti** uddesapāijyam āgatāni. **Bhikkhunīnam asādhāraṇāni cattārīti** ubbhajānūmanḍalīkā, vajjappatīchādīkā, ukkhittānūvattīkā, atthavattukāti imāni bhikkhunīnam bhikkhūhi asādhāraṇāni cattārī. Paṇḍakādīnañhi ekādasannam abhabbhāvo pārājīkappattisadisattā pārājīkōti āha “**ekādasanna**”ntiādi. **Abhabbhāvasaṅkhāteṭhi** vatthuvipannatādīnā pabbajjūpasampadāya naarahabhāvasaṅkhāteṭhi. Paṇḍakātiracchānagatubhatoyañjanakā (pārā. aṭṭha. 2.233) hi tayo vatthuvipannā ahetukappatisandhīkā, tesam saggio avārito, maggo pana vārito. Abhabbā hi te maggapatīlābhāya vatthuvipannattā. Pabbajjāpi nesam patikkhittā, tasmā tepi pārājīkāva. Theyyasamvāsako, tīthiyapakkantako, mātughātako, pitughātako, arahantaghatāko, bhikkhunīdūsako, lohituppādako, saṅghabhedakoti ime aṭṭha attano kiriyāya vipannattā abhabbāṭṭhānam pattāti pārājīkāva. Tesu theyyasamvāsako, tīthiyapakkantako, bhikkhunīdūsakoti imesaṃ tīnnaṃ saggio avārito, maggo pana vāritova. Itaresam pañcannam ubhayampi vāritam. Te hi anantarāya narakē nibbattanakasattā. Yadā bhikkhunī vibhāmitukāmā hutvā kāsāvameva vā gīhinivāsānākāreṇa nivāseti, tadā pārājīkamāpannā nāma hotīti āha “**gīhibhāvam patthayamānāyā**”tiādi. Sā hi ajjhācāravatīkkamaṃ akatvāpi ettāvātā assamañī nāma hoti.

Dīghatāya lambamānam āṅgajāmetassāti **lambī** (sārattha. ṭī. 2.233). Na so ettāvātā pārājīko, aṭṭha kho yadā anabhiratīyā pīlīto attano āṅgajātam mukhe vā vaccamagge vā paveseṭti, tadā pārājīko hoti. Mudukatā piṭṭhi etassāti **mudupīṭṭhiko**, kataparīkammāya mudukāya piṭṭhiyā samannāgato. Sopi yadā anabhiratīyā pīlīto attano āṅgajātam attano mukhamaggavaccamaggesu aññataram paveseṭti, tadā pārājīko hoti. **Parassa āṅgajātam mukhena gaṇḍhātīti** yo anabhiratīyā pīlīto parassa suttaṣa vā pamattassa vā āṅgajātam mukhena gaṇḍhīti. **Parassa āṅgajāte abhinisidatīti** yo anabhiratīyā pīlīto parassa āṅgajātam kammaniyaṃ disvā attano vaccamaggena tassūpari nisīdati, tam attano vaccamaggam paveseṭti attho. Etāni hi cattārī yasmā ubhinnaṃ rāgasena sadisabhāvūpagaṇānam dhammo “methunadhammo”ti vuccati, tasmā ekena pariāyena methunadhammam appatīsevītvāyeva kevalam maggena maggapavesanavasena āpajjītabbattā methunadhammapārājīkassa anulomentīti “**anulomapārājīkāni**”ti vuccanti.

Etthāha – mātughātakapitughātakarahantaghatātakā tatiyapārājīkam āpannā, bhikkhunīdūsako, lambīdayo cattāro ca paṭhamapārājīkam āpannā evāti katvā kuto catuvīsātīti (sārattha. ṭī. 2.233)? Vuccate – mātughātakādayo hi cattāro idha anupasampannā eva adhippetā, lambīdayo cattāro kiñcāpi paṭhamapārājīkena saṅgahitā, yasmā pana ekena pariāyena methunadhammam appatīsevīno hontī, tasmā viṣum vuttāti. Dutiyavikkappe **kaccīthāti** ettha kacci atthāti padacchedo kātabbo.

Iti kankhāvitāriyā pātimokkhavaṇṇanāya

Vinayathamañjūsāyam līnatthappakāsaniyam

Pārājīkavāṇṇanā niṭṭhīti.

Saṅghādisesakaṇḍam

Piyavacanena ālapananti piyāyitabbavacanena ālapanam, sādhanūnam samālananti vuttam hoti. Sādhavo hi pare “bhonto”ti vā “devānampiyā”ti vā “bhadrabhava”nti vā “āyasmanto”ti vā samālananti.

1. Sukkavissatṭhisikkhāpadavaṇṇanā

Sam-saddo vijjānāntthoti āha “**samvījati**”ti. **Cetanāti** vītikamavasappavattā pubbhāgacetanā, mocanassādācetanāti attho. **Assāti** sukkavissatṭhiyā. Aññapadattasamāseṇeva sukkavissatṭhiyā vuttattā ika-saddassa viṣum attho natthīti āha “**sañcetanāya sañcetanikā**”ti. Idāni ika-saddova atthiattam pakāseṭti dassento “**sañcetanā vā**”tiādimāha. Samvījānānā cetanā **sañcetanā**. **Sukkassāti** sambhavassa. **Vissatṭhi**ti viṣaggo.

Idāni tam yasmīṃ kāle moceti, yenādhippāyena moceti, yena copāyena moceti, yañca tassa adhippāyassa vatthu, tam sabbam saṅkhepatō vibhāvetvā sarūpatō tam viṣatṭhiṃ dassetuṃ “**rāgūpatthambhādisū**”tiādimāha. Tattha rāgassa balavabhāvo, rāgena vā āṅgajātasūpatthambho thaddhabhāvo **rāgūpatthambho**, so ādi yesaṃ te

rāgūpatthambhādayo, tesu rāgūpatthambhādisu. **Ādisaddena** (pārā. 238) vaccūpatthambhapassāvūpatthambhavātūpatthambhaucālīngapānakadaṭṭhūpatthambhānam gahaṇam. **Kammaññatam patteti** mocanakammakkhamatāya kammaniyatam patte, ajjhatarūpādīsu upakkamārahabhāvam patteti attho. Arogassa bhāvo **ārogyam**, tam ādi yesam te **ārogyādayo**, tesu ārogyādisu. **Ādisaddena** sukhabhesajadānapuññañāyāsaggaḍḍāvīmaṃsadāvāṇam gahaṇam. **Ajjhattarūpam** ajjhattam upādinnarūpam, tam ādi yesam te **ajjhatarūpādayo**, tesu. **Ādisaddena** bahiddhārūpajjhatabhiddhārūpaākāsekatikampanānam gahaṇam. Mocane assādo sukhavevanā **mocanassādo**, mocanattam pubbhāge pavattarāgo, sampayuttaassādasīsenā cetthā rāgo vutto, tena sampayuttā cetanā **mocanassādacetanā**, tāya. Iminā mucanassādo (pārā. aṭṭha. 2.240) muttassādo methunassādo phassassādo kaṇḍuvanassādo dassanassādo nisajjassādo vācassādo gēhasitapemam vānabhāngiyanti imehi sampayuttā cetanāyo paṭikkhipati, tāhi nimitte upakkamantassa muttepi anāpatti. **“Nimitte upakkamantassa”** ti iminā pana ūrumaddāpanādīni paṭikkhipati. Tena hi satipi mocanassāde nimitte upakkamābhāvato muttepi anāpatti. Vuttañhetam **samantapāsādikāyam** “sā ca kho nimitte upakkamantasseva, hatthaparikkammapādaparikkammagattaparikkammakaraṇena sacepi asuci muccati, anāpatti” ti.

Āsayadhātunānāttato pīttasemhapubbalohitāsāyānaṅgeva pathavīdhātūādīnaṅca catunnam dhātūnam, rasasonitādīnam vā sattannam dhātūnam nānāttato. **Thānā cāvanā** ti sukkassa yaṃ thānam, tato cuti. Sukkassa hi vatthisīsam kaṭi kāyoti (pārā. aṭṭha. 2.237) tidhā thānam pakappenti. **Eko** kirācariyo “vatthisīsam sukkassa thāna” nti āha, eko “kaṭi” ti, eko “sakalo kāyo” ti. Tesu tatiyassa bhāsitam subhāsitam. Kesalomānakhadantānaṅhi mamsavinimuttatthānam, uccārapassāvakhelasiṅghānikā, thaddhasukkhacammāni ca vajjetvā avaseso chavimamsalohitānugato sabbopi kāyo kāyappasādhāvajjivindriyābaddhapittānam, sambhavassa ca thānameva. Tathā hi rāgariyuttānānābhībhūtānam hatthīnam ubhoḥi kaṇṇacūlikāhi sambhavo nikkhamati.

Ettha ca **“rāgūpatthambhādisū”** tiādīnā (pārā. aṭṭha. 2.237) kālo dassito. Rāgūpatthambhādikālesu hi āngajātā kammaniyam hoti. Yassa kammaniyatte sati moceti, ito param āṅho kālo natthi. Na hi vinā rāgūpatthambhādiṅhi pubbanhādayo kālabhedā mocane nimittam honti. **“Ārogyādisū”** tiādīnā pana adhippāyo dassito. Evarūpena hi adhippāyabhedena moceti, na aññathā. **“Ajjhattarūpādīsū”** tiādīnā upāyo dassito. Ajjhatarūpe vā hi moceyya, bahiddhārūpe vā, ubhayatthā vā, ākāse vā kaṭim kampento, ito param āṅho upāyo natthi. **Nīlādivasenā** tiādīhi pana dasahi navamassa adhippāyassa vatthu dassitam. Vīmaṃsanto hi nīlādīsū aññataravasena vīmaṃsati, na tehi vinimuttanti. **“Thānā cāvanā”** ti iminā pana atthato vissatthi dassitā. Yathāha “vissatthīti thānato cāvanā vuccati” ti (pārā. 237). Sā cāyam tassa sukkassa thānā cāvanā rāgavasena. Vuttañhetam **kathāvattuathakathāyam** “sukkavissatthīti nāma rāgasamuttānā hoti” ti (kathā. aṭṭha. 307). **Aññatra supinantā** ti supino eva supinanto, tam thapetvā vuttam hoti. Tenāha “yā supine” tiādi. **Saṅghādisesoti** imassa āpattinikāyassa nāmam. Tenāha **“yā aññatra supinantā”** tiādi. **Āpattinikāyoti** āpattissamūho. Kiñcāpi ayam ekāva āpatti, rulhisaddena, pana avayave samūhāvoharena vā “nikāyo” ti vutto “eko vedanākkhandho, eko viññānākkhandho” tiādīsū viya.

Assāti (sārattha. ṭi. 2.16 samghādisesakaṇḍa) āpattinikāyassa. Nanu ca ayuttoyam niddeso “saṅho ādimhi ceva sese ca icchitabbo assā” ti. Na hi āpattinikāyassa ādimhi ceva sese ca saṅho icchito, kiñcarahi vuttānassāti imam codanam manasi nidhāya yathā na virujjhati, tathā adhippāyam vivaritam **“kiṃ vuttam hoti”** tiādimāha. Āpattito vuttānassa ādimhi ceva sese ca icchito saṅho āpattiyāva icchito nāma hotīti ayamettha adhippāyo. **Āpattivuttānanti** āpattito vuttānānam, anāpattikabhāvūpagamananti attho.

Dakasotanti passāvamaggam, āngajātappadesanti vuttam hoti. Yadi evam atha kasmā aṭṭhakathāyam “dakasotam otinnamte” ti vuttanti āha **“thānato pana cuta”** ntiādi. **Avassameva dakasotam otarati** adhvāsetvā antarā nivāretum asakkuṇeyyattā. Dakasotorohanato (sārattha. ṭi. 2.236-237) paṭṭhāya pana upādinnato vinimuttattā sambhavarūpam utusamuttānāmeva avassissati, sesam tīsamuttānānam natthīti vedittabam. **Tasmāti** yasmā thānato cutam dakasotam otarati, tasmā.

Amocanādhippāyassāti bhesajjena nimittam ālimpantassa uccārādīni vā karontassa. **Supinam passantassāti** (pārā. aṭṭha. 2.237) dhātukkabhato vā anubhūtapubbato vā devatopasamhāro vā pubbanimittato vāti imehi catūhi kāraṇehi supinam passantassa. Kiṃ panetam passanto sutto passati, paṭibuddho, udāhu neva sutto, na paṭibuddhoti? Kiñcetha – yadi tāva sutto passati, abhidhammavirodho āpajjati. Bhavāṅgacittena hi supati, tam rūpanimittādiārammanam vā rāgādisampayuttam vā na hoti. Supinam passantassa ca tīdisāni cīttāni uppajjanti. Atha paṭibuddho passati, vinayavirodho āpajjati. Yaṅhi paṭibuddho passati, tam sabbohārikacittena passati. Sabbohārikacittena ca kate vītikkame anāpatti nāma natthi. Supinam passantena pana katepi vītikkame ekantam anāpatti eva. Atha neva sutto na paṭibuddho passati, ko nāma passati, evaṅca satī supinassa abhāvova āpajjati? Na abhāvo, kasmā? Yasmā kapimiddhapareto passati. Vuttañhetam “kapimiddhapareto kho mahārāja supinam passati” ti (mi. pa. 5.3.5). **Kapimiddhapareto** ti makkaṇṇāniddāya yutto. Yathā hi makkaṇṇassa niddā lahuparivattā hoti, evam yā niddā punappunam kusālādicittavokinnattā lahuparivattā, yassā pavattiyam punappunam bhavāṅgo uttaranam hoti, tāya yutto supinam passati. Yassa ca evam passantassa supine methunam dhammam paṭisevantassa viya, kāyasamsaggādīni āpajjantassa viya ca supinanteneva kāraṇena asuci muccati, tassapi anāpatti. Supine (pārā. aṭṭha. 2.262) pana uppannāya assādacetanāya sacassa visayo hoti, nīccalena bhavitabam, na hatthena nimittam kīlāpetabam. Kāsāvapaccattharaṇarakkhanattham pana hatthapūṇena gahetvā jagganattāya udakattānānam gantum vaṭṭati.

Sukkavissatthīsiikkhāpadavaṇṇanā niṭṭhīti.

2. Kāyasamsaggasikkhāpadavaṇṇanā

“Otiṅṇo” ti (sārattha. ṭi. 2.270) idam kammāsādhanaṃ, kattusādhanaṃ vā hotīti tadubhayavasena attham dassento **“yakkhādīhi viya satta”** tiādimāha. **Asamapekkhītvā** yathāsābhāvam anupaparikkhītvā, yathā te ratijjanakā rūpādayo visayā aniccadukkāsubhānattākāreṇa avatthitā, tathā apassītvāti vuttam hoti. **Parīṇatenā** parivattena. Tenāha **“yathā parivattamāna”** ntiādi. **Vuttarāgavasenā** ti kāyasamsaggarāgavasena. **Tadahujātāyapīti** tasmim ahani jātam jananam etissāti **tadahujātā**, tasmim ahani jātā vā **tadahujātā**, tāya, tam divasam jātāyapīti attho, jātamatāya allamārasapavesināyapīti vuttam hoti.

Assāti “kāyasamsaggam samāpajjeyyā” ti padassa. Idāni hatthādīnam vibhāgadassanattam **“tathā hattho nāma kapparato paṭṭhāyā”** tiādimāha. **Kapparato paṭṭhāyāti** dutyamahāsandhīm upādāya. Aññattha pana manibandhato paṭṭhāya yāva agganakkā hattho. Vinandhītvā vā avinandhītvā vā katakesakalāpasetam adhvāvacananti sambandho. Tathā **vinandhītvā** tihi kesavattīhi ganthītvā. **Suvanṇacīrakanti** suvanṇapāḷim. Hatthāṅca venīca thapetvā avasesasarīram ānganti āha **“avasesassa sarīrassa”** tiādi.

Yo hi sevanādhippāyopi nīccalena kāyena kevalam phassam paṭivijānāti sādīyati anubhoti, tassa cittupādāmatte āpattiyā bhāvato anāpattīti āha **“kāyena avāyāmitvā”** tiādi. **Mokkhādhippāyēnāti** itthito mucchitukāmatādhippāyena. **Asāñceccāti** “iminā upāyena imam phussissāmī” ti acetevā. Evañhi acetevā pattappattiggahaṇādīsū mātugāmāssa āṅge phuttṭhepi anāpatti. **Asatīyāti** aññavihito hoti, “mātugāmam phussissāmī” ti sati natthi, evam asatīyā hatthapādāpasāraṇādikāle phusantassa anāpatti. **Ājanantassāti** dāravasesena thitam dārikam “itthī” ti ājananto kenacideva karāṇīyena phusati, evam “itthī” ti ājanantassa phusato anāpatti. **Asādīyantassāti** kāyasamsaggam asādīyantassa bāhāpāramparāya nītabhikkhussa viya anāpatti. Idha pana udāyitthero **ādikammiko**. Tassa anāpatti ādikammikassāti.

Kāyasamsaggasikkhāpadavaṇṇanā niṭṭhīti.

3. Duṭṭhullavācāsikkhāpadavaṇṇanā

Duṭṭhullavācassādarāgavasenāti duṭṭhullā vācā **duṭṭhullavācā**, tāya assādacetanā **duṭṭhullavācassādo**, tena sampayuttarāgavasena. Etthādhippetam mātugāmam dassetum **“mātugāma”** ntiādimāha. **Duṭṭhullāduṭṭhullasamakkhāpasamatthanti** asaddhammasaddhammapaṭisamyuttam katham jānitum samattham. Yā pana mahallīkāpi bālā eḷamūgā, ayam idhānadhīpettā. **Vaṅṇo** nāma dve magge uddissa “itthilakkhaṇena subhalakkhaṇena samannāgatāsī” tiādīnā (pārā. aṭṭha. 2.285) thomanā. **Avāṅṇo** nāma dve magge uddissa vuttavipariyāyena garahanā, “itthilakkhaṇena subhalakkhaṇena samannāgatāsī” tiādīhi khumsanāti vuttam hoti. **Yācanā** nāma “dehi me, arahasi me dātu” nti (pārā. 285) vacanam. **Āyacanā** nāma “kadā te mātā pasidissati, kadā te pitā pasidissati, kadā te devatāyo pasidissanti, kadā te devatāyo sulayo sumuhutto bhavissati, kadā te methunam dhammam labhissāmī” ti (pārā. 285) vacanam. **Pucchanaṃ** nāma “katham tvam sāmikassa desi, katham jārasa desi” ti (pārā. 285) vacanam. **Paṭipucchanaṃ** nāma “evam kira tvam sāmikassa deti, evam jārasa desi” ti (pārā. 285) vacanam. **Ācikkhanaṃ** nāma puṭṭhassa “evam dehi, evam dentā sāmikassa piyā bhavissasi, manāpā cā” ti (pārā. 285) bhāvanam. **Anusāsanaṃ** nāma apuṭṭhassa “evam dehi, evam dentā sāmikassa piyā bhavissasi, manāpā cā” ti (pārā. 285) bhāvanam. **Akkosanaṃ** (pārā. 285) nāma “animittāsī, nimittamattāsī, alohitāsī, dhuvalohitāsī, dhuvalolāsī, paggharantīsī, sikharaṇīsī, itthipandakāsī, vepurīkāsī, sambhinnāsī, ubhatobyāñjanakāsī” ti (pārā. 285) vacanam. Yasmā methunupāsamhitāya vācāya adhikam duṭṭhullam nāma natthi, tasmā “methunupāsamhitā” ti idam duṭṭhullavācāya sikkhāpattalakkhaṇadassananti vuttam, na pana methunupāsamhitāya duṭṭhullavācattā. **Sikharaṇīsī** (pārā. aṭṭha. 2.285) bahinikkhantaññimamsā. **Sambhinnāsī** sambhinnavaccamagapassāvamaggā. **Ubhatobyāñjanakāsī** purisanimittena, itthinimittena cāti ubhatobyāñjanehi samannāgatā.

Ettha ca vaṅṇabhaṅane tāva “itthilakkhaṇena subhalakkhaṇena samannāgatāsī” ti vadati, na tāva sīsam eti. “Tava vaccamaggo ca passāvamaggo ca subho subhasanṭhāno dassanīyo, idīsena nāma itthilakkhaṇena subhalakkhaṇena samannāgatāsī” ti vadati, sīsam eti, saṅghādiseso hotīti attho.

Avannabhanane pana “animittasī” tiādīhi ekādasahi padehi avanne aghaṭṭe sīsaṃ na eti, ghaṭṭe tesu “sikharaṇīsī sambhinnāsī ubhatobyañjanakāsī” ti imehi līhi ghaṭṭeveya saṅghādiseso.

Yācanāyapi “dehi me” ti ettakeneva sīsaṃ na eti, “methunaṃ dhammaṃ dehi” ti evaṃ methunadharmena ghaṭṭe eva saṅghādiseso.

“Kadā te mātā pasīdissatī” tiādīsū āyācanavācānesupī ettakeneva sīsaṃ na eti, “kadā te mātā pasīdissatī, kadā te methunaṃ dhammaṃ labhissāmī” ti vā “tava mātari pasannāya vā methunaṃ dhammaṃ labhissāmī” tiādīnā pana nayena methunadharmena ghaṭṭeveya saṅghādiseso.

“Kathaṃ tvam sāmikassa deṣī” tiādīsū (pārā. 285) pucchāvācānesupī “methunaṃ dhamma” nti vuttēveya saṅghādiseso. “Evaṃ kira tvam sāmikassa deṣī” ti (pārā. 285) paṭipucchāvācānesupī eveda nayo.

Ācikkhanāya ca “evaṃ dehi” ti, “evaṃ dadamānā” ti vuttē sīsaṃ na eti, “methunaṃ dhammaṃ evaṃ dehi, evaṃ upanehi, evaṃ methunaṃ dhammaṃ dadamānā upanayamānā sāmikassa piyā hotī” tiādīnā pana nayena methunadharmena ghaṭṭeveya saṅghādiseso. Anusāsanivācānesupī eveda nayo.

Akkosavācānesu pana ekādasasū “sikharaṇīsī sambhinnāsī ubhatobyañjanakāsī” ti imāni tīṇeyeva padāni suddhāni sīsaṃ enti, iti imāni ca tīṇi, purimāni ca vaccamaggapassāmaggamethunadharmapadāni tīṇi cha padāni suddhāni āpattikarāni, seṣāni “animittasī” tiādīni animitte “methunaṃ dhammaṃ me dehi” ti vā “animittasī, methunaṃ dhammaṃ me dehi” ti vā ādinā nayena methunadharmena ghaṭṭeveya āpattikarāni hotīti vedittabbāni.

Adhakkhantī akkhakato paṭṭhāya adho. **Ubbhājānumaṅgalantī** jānumaṅgalato paṭṭhāya uddham. **Ubbhakkhantī** akkhakato paṭṭhāya uddham. **Adhojānumaṅgalantī** jānumaṅgalato paṭṭhāya adho. Akkhakam, pana jānumaṅgalaṇca ettheva dukkaṭṭakhette saṅgaham gacchati bhikkhuniyā kāyasamsagge viya. Na hi buddhā garuṇāpattim sāvasesam paññāpentīti. **Kāyapaṭibaddhantī** vatthaṃ vā pupphaṃ vā ābharaṇaṃ vā.

Atthadhammaanusāsānipurekkhārānanti (pārā. aṭṭha. 2.287) ettha “animittasī” tiādīnam padānaṃ atthaṃ kathento, aṭṭhakathaṃ vā sajjhāyam karonto **atthapurekkhāro** nāma, pālīm vācento, sajjhāyam vā karonto **dhammapurekkhāro** nāma, “idānīpi animittasī, ubhatobyañjanakāsī, appamādam dāni kareyyāsī, yathā āyatimpī evarūpā mā hohī” ti bhananto **anusāsānipurekkhāro** nāma. Iti atthaṇca dhammaṇca anusāsāniṇca purakkhitvā bhaṇantānaṃ anāpattī. Yo pana bhikkhunīnam pālīm vācento pakatīvācānamaggam pahāya hasanto hasanto “sikharaṇīsī, sambhinnāsī, ubhatobyañjanakāsī” ti punappunaṃ bhaṇatī, tassa āpattīveva. Idha **ādikammiko** udāyitthero, tassa anāpattī ādikammikassa. **Nanu** “sikharaṇīsī” tiādīhi akkosantassa paṭighacittam upajjāntīti dukkhavedanāyapi bhavittabbam, atha kasmā **dvivedanantī**? Nāyam doso. Rāgavasena hi ayam āpattī, na paṭighavasena, tasmā rāgavaseneva pavatto akkoso idhāhippeto, na paṭighavasenāpīti.

Duṭṭhullavācāsikkhāpadavaṇṇanā niṭṭhitā.

4. Attakāmasikkhāpadavaṇṇanā

Attakāmapāricariyāvasenāntī attakāmapāricariyāya rāgavasena. Idhāpi duṭṭhulladuṭṭhullajānanasamattāva itthī adhippetāti āha “**duṭṭhullobhāsena vuttappakārāya itthiyā**” ti. **Samṭepi** savanūpacāre. “Thatvā” ti pāṭhaseso. **Attakāmapāricariyāntī** kāmiyāntī **kāmo**, methunadharmo, paricāraṇaṃ upaṭṭhānaṃ paricariyā, sāva **pāricariyā**, kāmena paricariyā **kāmapāricariyā**, attano kāmapāricariyā **attakāmapāricariyā**, attano atthāya methunadharmena upaṭṭhānanti attho. Atha vā kāmitāti **kāmā**, paricariyā, attano **kāmā attakāmā**, attakāmā ca sā paricariyā cāti **attakāmapāricariyā**, sayam methunarāgavasena paṭṭhitaupaṭṭhānanti attho. Tenāha “**methunadharmasāṅkhātēnā**” tiādī. Ettha ca paṭṭhamena atthavikappena kāmahetupāricariyāsāṅkhātāṃ atthattayaṃ dasseti, dutiyena adhippāyapāricariyāsāṅkhātāṃ atthadvayaṃ. Byañjane (pārā. aṭṭha. 2.291) pana ādaraṃ akatvā atthamattameva dassetuṃ “attano kāmāṃ attano hetum attano adhippāyāṃ attano paricariyā” nti (pārā. 292) padabhājanāṃ vuttam. “Attano kāmāṃ attano hetum attano paricariyā” nti hi vutte jānissanti paṇḍitā “ettāvātā attano atthāya kāmapāricariyā vuttā” ti, “attano adhippāyāṃ attano paricariyā” nti (pārā. 292) vuttēpi jānissanti “ettāvātā attanā icchitakāmitatṭhena attakāmapāricariyā vuttā” ti.

Kalyāṇena bhaddakena guṇena samannāgatattā **kalyāṇadhammaṃ**. Tenāha “**tadubhayenāpī**” tiādī. **Abhiraṃeyyāntī** toseyya. **Etadaggantī** eṣā aggā. **Pāricariyānanti** paricariyānaṃ majjhe, middhāraṇe cetam sāmivācānaṃ. Nanu duṭṭhullavācāsikkhāpade (pārā. 285) methunayācānaṃ āgatam, atha kasmā idam vuttam? Nāyam doso. Tattha (sārattha. 11. 2.291) hi duṭṭhullavācāsādarāgavasena vuttam, idha pana attano methunassādarāgavasenāntī.

Tasmīyeva khaṇeti bhaṇitakkhaṇe. Ubhatobyañjanako pana paṇḍakagatikattā visum na vutto. “Imasmim sikkhāpadavaye kāyasamsagge viya yakkhipetisupī duṭṭhullattakāmapavācāne thullaccaya” nti (vajira. 11. pārājika 295) vadanti. **Tasmīyevāntī** paṇḍakeyeva itthisaññino attakāmapāricariyāya vaṇṇabhaṇanepi dukkatam. “Yo te vihāre vasati, tassa aggadānaṃ methunaṃ dhammaṃ dehi” ti pariyaṇvācānēpi dukkatam. “Attakāmapāricariyāya vaṇṇaṃ bhāseyya yā mādisam ‘silavanta’ nti vuttattā” ti (vajira. 11. pārājika 295) eke. “Pañcasu āṅgesu sabbhāvā saṅghādisesovā” ti apare. “Methunupasamhēnā” ti vuttattā “**civarādīhi...pe... bhāsantassa anāpattī**” ti vuttam.

Attakāmasikkhāpadavaṇṇanā niṭṭhitā.

5. Sañcarittasikkhāpadavaṇṇanā

Sañcaraṇaṃ **sañcaro**, so etassa atthīti **sañcarī**, sañcaraṇasīloti vā **sañcarī**, tassa bhāvo **sañcarittam**, sañcaraṇanti attho. Tañca parato “itthiyā vā purisamatī” ntiādivācānato itthipurisānaṃ vemajjhetī āha “**itthipurisānaṃ antare sañcaraṇabhāva**” nti. **Paṭiggaṇhanavimamsanapaccāharaṇāntī** ettha **paṭiggaṇhanaṃ** nāma purisena vā itthiyā vā ubhinnaṃ mātādīhi vā “bhante, itthannāmaṃ itthim vā purisaṃ vā evaṃ bhaṇāntī” ti vutte tesam vacānaṃ “sādhu” ti vā “hotu” ti vā “bhaṇāntī” ti vā yena kenaci ākāreṇa vacibhedam katvā, sīsakampanādīhi vā sampācicchanaṃ. **Vimamsanaṃ** nāma vuttappakāreṇa sāsanam gaṇetvā tassā itthiyā vā purisassa vā tesam avassam ārocanakānaṃ mātāpitubhātābhaginiādīnaṃ vā santikam gantvā tassa sāsanassa ārocanam. **Paccāharaṇam** nāma tena gantvā ārocite sā itthī vā puriso vā “sādhu” ti sampācicchatu vā, mā vā, lajjāya vā tunhī hotu, puna āgantvā tassā itthiyā vā purisassa vā tassā pavattiyā ārocanam. **Āpajjeyyāntī** paṭipajjeyya.

Itthiyā vā purisamatim purisassa vā itthimatinti ettha “āroceyyā” ti pāṭhaseso datṭhabbo. Tenevāha “**tatthā**” tiādī. **Jāyābhāveti** bhariyābhāve. **Jārabhāveti** patibhāve, nimittatthe cetam bhummavācānaṃ. Tasmā bhariyābhāvānimittam patibhāvānimittam, bhariyābhāvahetu patibhāvahetu, bhariyābhāvāpaccayā patibhāvāpaccayā ārocetīti attho. Esa nayo “**jāyattane ārocetī**” tiādīsūpi. “Jāyattane vā jārattane vā” ti hi idam yadattam tam tesam matim ārocetī, tam dassanattam vuttam. Idāni pana padabhājanīyam (pārā. 302) vuttanayenāpi attham dassetuṃ “**apicā**” tiādīmāha. Kiñcāpi itthilingavasena padabhājanīyam vuttam, “jāyattane vā jārattane vā” ti pana middesassa ubhayaṅgāsādhāraṇāntī purisalingavasenāpi yojetvā vattabbanti āha “**eteneva upāyēnā**” tiādī. **Muhuttikāntī** gaṇikā. “Antamaso taṅkhaṇīkayāpī” ti idam nidassanamattanti āha “**eteneva upāyēnā**” tiādī.

Āññātra nālamvacaniyāyāntī (sārattha. 11. 2.339-340) desacārittavasena paṇḍānādīnā apariccattam ṭhapetvā. Sañcarittavasena bhikkhunā vacaniyā na hotīti **nālamvacaniyā**, tam ṭhapetvāntī keci. Appena vā bahunā vā dhanena kītā **dhanakkītā**. Yasmā pana sā na kītāmatṭhāya bhariyā, samvāsattāyeva bhariyā, samvāsattāyeva bhariyā, kītāttā bhariyā, tasmāssa midde “dhanena kiṇṭvā vāsetī” ti (pārā. 304) vuttam. **Chandavāsīntī** chandena attano ruciyaṃ vasatīti chandavāsīntī. Yasmā pana sā na attano chandamatteneva bhariyā hotī, purisena pana sampācicchitattā, tasmāssa midde “piyo piyaṃ vāsetī” ti (pārā. 304) vuttam. **Ādisaddena** “bhogavāsīntī, patavāsīntī, odappattakīntī, obhāṭacumbatā, dāsī ca bhariyā ca, kammakārī ca bhariyā ca, dhajjāhatā, muhuttikā” ti (pārā. 304) imesam aṭṭhannam ākarānaṃ gahaṇam. Yathā ca “chandavāsīntī” tiādīsū āññātaravasena vadato visanketo natthi, evaṃ pālīyam avuttēsupī “hohi kira itthannāmassa bhariyā, jāyā, pajjāpātī, puttamātā, gharāntī, gharasāminī, bhattarandhikā, sussūsikā, paricārikā” ti (pārā. aṭṭha. 2.305) evamādisu samvāsāpāridīpakesu vacānesu āññātaravasena vadantassāpi visanketo natthi, tivāṅgasampattiyā āpattīveva.

Māturakkhitam brūhīntī ettha **māturakkhitā** nāma mātarā rakkhitā, yathā purisena saha samvāsam na kappeti, evaṃ mātarā rakkhitāntī attho. Tenevassa padabhājanepi “mātā rakkhanti gopetī, issariyaṃ kāretī, vasam vattēti” ti (pārā. 304) vuttam. **Piturakkhitādisūti** “piturakkhitā, mātāpīturakkhitā, bhāturakkhitā, bhaginirakkhitā, nātirakkhitā, gottarakhitā, dhammarakkhitā, sārakkhā, saporandā” ti (pārā. 303) evaṃ vuttēsu piturakkhitādisū. Yathā ca ettha, evaṃ “piturakkhitam brūhī” tiādīsūpi nayo vedittabbo.

Saṅghassa vā cetiyassa vā gilānassa vā kiccena gacchantassatī (pārā. aṭṭha. 2.340) ettha bhikkhusaṅghassa uposathāgāram vā kiñci vā vipakatam hotī. Tattha kārūkaṇam bhattavetanatthāya upāsako vā upāsikāya santikam bhikkhum pahīneyya, upāsikā vā upāsakassa, evarūpena saṅghakiccena gacchantassa anāpattī. Cetiyaṃkamme

kariyamānepi eseva nayo. Gilānassa bhesajjathāyapi upāsakena vā upāsikāya santikam, upāsikāya vā upāsakassa santikam pahitassa gacchato anāpatti.

Kiñcāpi ettha “itthī nāma manussitthī, na yakkhī na peṭi na tiracchānagatā. Puriso nāma manussapuriso, na yakkho”tiādi (sārattha. f. 2.341) natthi, tathāpi manussajātikāya itthipurisā idha adhippetāti āha “tesam manussajātikatā”ti. **Nanālamvacanīyātāti** yathāvuttanayena pariccattā alamvacanīyā. Nivāraṇatto hi ettha **alam-**saddo. Na alamvacanīyā **nālamvacanīyā**, na nālamvacanīyā, tassā bhāvo nanālamvacanīyātā, “alamvacanīyātā” icceva vuttam hoti.

Paṇṇattinti, imam sikkhāpadam. **Kāyavikārenāti** sīsuikkhapanādikāyavikārena. **Tatheva vīmaṃsitvā tatheva paccāharantassāti** hatthamuddādīnā kāyavikārena vīmaṃsitvā puna āgantvā tatheva ārocantassa. **Āgamissatīti** tava santike dhammassavanādiattham āgamissati. **Kenaci vutteti** āsanāsālādisu nisinnassa kenaci purisena vutte. Sace hi khīnāsavassa mātāpitaro kujjhivā alamvacanīyā honti, tañca bhikkhum gharām upagatam piṭā vadati “mātā te, tāta, mam mahallakam chaddetvā nātikulam gatā, gaccha nam mam upaṭṭhātum pesehī”ti. So ce gantvā tam vatvā puna pituno tassā āgamanam vā anāgamanam vā āroceti, evam ārocantassa tassapi kāyavācato samuṭṭhāti. Tenāha “**paṇṇattim ajānantassa panā**”tiādi. **Khīnāsavassapīti** ettha pi-saddena sekkhaputhujanānam vattabbameva natthīti dīpeti. **Pituvacanenāti** attano pituvacanena. **Gantvāti** tassā samīpam gantvā. Paṇṇattim, alamvacanīyabhāvācāti ubhaya ajānantassapi kāyavācato samuṭṭhāti. **Tadubbhayanti** paṇṇattim, alamvacanīyabhāvāca. Yam pana paṇṇattim jānītvā etheva tīhi nayehi sañcarittam samāpajato kāyacittato, vācācittato, kāyavācācittato ca samuṭṭhāti. Imāni tīni paṇṇattijānanacittena “sacittakasamuṭṭhānānti”ti vuttam, tam ayuttam. Na hi paṇṇattim jānītvāpi “nālamvacanīyā”ti maññamānassa sacittakehi samuṭṭhānehi āpatti samuṭṭhānti vuttam yujjati vīttikamacetanāya asambhavato.

Sañcarittasikkhāpadavaṇṇanā niṭṭhīti.

6. Kuṭikārasikkhāpadavaṇṇanā

Saññācīkāya panāti ettha santi attavācato tatiyatthe nipāto, yācīkāti bhāvasādhanā, tesañca majjhēpadalopasamāso. **Panāti** nipātamattameva. Tenāha “**sayam pavattitayācanā vuccati**”ti. Yā hi attanā pavattitā, sā attano nāma hotīti āha “**tasmā**”tiādi. Nānu na sakkā yācanāyeva kuṭim kātūti anuyogam sandhāya tassādhippāyatham dassetum “**sayam yācītakehi**”tiādimāha. Tattha **sayam yācītakehi**ti “vāsīm detha, pharasanam dethā”tiādinā (pārā. 342) sayam yācītakehi. **Upakaranehi**ti vāsīyādīhi. Parena bhaṇḍasāmīkena “mama ida”nti apariccāgarakkhaṇagopanasena pariggahitam **parapariggahitakam**, parasantakanti vuttam hoti. **Mūlacchedavasenāti** mūlassa chindanasena, parasantakabhāvato mocetvā attano santakam katvāti vuttam hoti. Evañhi aññātaappavāritatthānato yācantassa aññātakavīññattiyā dukkaṭam. **Tāvākālikam pana vaṭṭatīti** tāvākālikam katvā yācītuṃ vaṭṭati. Sakakammam na yācītabbāti paṇṇātipātasikkhāpadarakkhanattham vuttam. “Hatthakammam dethā”ti aniyamētvāpi na yācītabbā. Evam yācīti hi te “sādhu, bhante”ti bhikkhum uyyojetvā migepe māretvā āhareyyum. Niyamētvā pana “vihāre kiñci kaṭṭabam atthi, tattha hatthakammam dethā”ti yācītabbā. “Kuṭi nāma ullittā vā hoti, avalittā vā ullittāvalittā vā”ti (pārā. 345) padabhājanē vuttatā “**kuṭīti ullittādisu aññātara**”nti vuttam. Tattha udham mukham littā **ullittā**. Anto limpantā hi evam limpanti. Adho mukham littā **avalittā**. Bahi limpantā hi evam limpanti. Tenāha “**tattha ullittā nāmā**”tiādi. **Piṭṭhasaṅghāto**ti dvārabhāhā. “**Sudhāya vā mattikāya vā**”ti etena ṭhapetvā ime dve lepe avaseso bhamāgomayādībhedo alepoti dasseti.

Yasmā pana saññācīkāya kuṭim karontenāpi idha vuttanayeneva paṭipajjitabbam, tasmā “**sayam vā karontena āpattiyā vā kārapentena**”ti vuttam. Ettha ca “**sayam vā karontena**”ti iminā sāmattiyato labbhamānamatthamāha, na tu padatthato. “**Āpattiyā vā kārapentena**”ti (pārā. atṭha. 2.348-349) pana padatthato. Evañca katvā yadi pana “karontena vā kārapentena vā”ti vadēyā, byañjanam vilomitam bhavēyā. Na hi kārapento karonto nāma hotīti codanā anavakāsāti dattabbam. Natthi samī pati etisāti **asāmīkā**, tam asāmīkam, anissaranti attho. Anissaratā cettha kārapanēnti āha “**kāretā dāyakena virahita**”nti. **Uddesoti** uddisitabbo.

Tatrāti sāmīmim bhumavacananti āha “**tassā kuṭiyā**”ti. **Dīghasoti** nissakkavacananti āha “**dīghato**”ti. **Bahikuṭṭeti** kuṭṭassa bahi, thusena missako piṇḍo **thusapiṇḍo**, tassa pariyaṇto **thusapiṇḍapariyaṇto**, tena, thusamissakamattikāpiṇḍapariyaṇtenāti vuttam hoti. Thusapiṇḍassūpari setakammam pana abboḥārikam. Abbhantare bhavo **abbhantarimo**, tena. **Yatthāti** yassam kuṭiyam. **Pamāṇayutto**ti pakatividatthiyā navavidatthipamāṇo. “Tiriyaṃ sattantarā”ti (pārā. 348) ukkaṃsato pamāṇassa vuttatā “**heṭṭhimakoṭiyā catuhatthavithārā na hoti**”ti vuttam.

Sodhetvāti samatalasīmamaṇḍalāsadisam katvā. **Padabhājanē vuttanayena saṅgham tikkhattum yācītvāti** “saṅgham upasaṅkamitvā ekamsam uttarāsaṅgam karitvā vuddhānam bhikkhūnam pāde vanditvā ukkuṭīkam nisīditvā añjalim paggahevā evamassa vacanīyo ‘aham, bhante, saññācīkāya kuṭim kattukāmo asāmīkam attuddesam, soham, bhante, saṅgham kuṭivattahuolokanam yācāmi”ti (pārā. 349) padabhājanē vuttanayena tikkhattum yācīti. **Saṅghena vā sammatāti** padabhājanīyam (pārā. 350) vuttana ṇāttidutiyakammena, apalokanakammavasena vā saṅghena sammatā. **Vatthūti** kuṭivattho. **Anārambhanti** anupaddavam. Parito kamati gacchati etthāti **parikkamanam**, tena saha vattatīti **saparikkamanam**, saupacāranti attho. Tenāha “**tehi bhikkhūhi**”tiādi.

Kipillikādīnanti ettha **kipillikā** (pārā. atṭha. 2.353) nāma rattakālapīṅgalādībheda yā kāci, tā ādi yesam tāni **kipillikādīni**, tesam. **Ādisaddena** upacikādīnam saṅghanam. **Āsayoti** nibaddhavasanaṭṭhānam, so ādi yesam te **āsayādayo**, tehi. **Ādisaddena** cettha nissitassa gahaṇam. **Soḷasahi upaddavehi**ti “kipillikānam vā āsayo hoti, upacikānam vā undūrānam vā ahīnam vā vicchikānam vā satapadīnam vā hatthīnam vā assānam vā sīhānam vā byagghānam vā dīpīnam vā acchānam vā taracchānam vā yesam kesañci tiracchānagatānam pānānam vā āsayo hoti, pubbannanissitam vā hoti, aparānaabbhāghātāghātanasusānyūnarājavatthuhatthisālāssasālābandhanāgarāpānāgarāsūnaracchāccarasabhāsamsarananissitam vā hoti”ti (pārā. 353) evam vuttehi soḷasahi upaddavehi. Tattha ca **abbhāghātam** (pārā. atṭha. 2.353) nāma kāraṇāgharam. **Āghātanam** nāma dhammagandhikā. **Susānanti** mahāsūsanam. **Saṃsaraṇam** nāma anibbijhagamānīyo gatapaccāgatamaggo.

Āvijjhītuṃ sakkuneyyatāyāti chinnaṭṭādīnamabhāvato anupariyāyitum sakkuneyyatāya. **Tena bhikkhunāti** kuṭikārakena bhikkhunā. **Yācītehi**ti “ekamsam uttarāsaṅgam karitvā vuddhānam bhikkhūnam pāde vanditvā ukkuṭīkam nisīditvā añjalim paggahevā evamassa vacanīyo ‘aham, bhante, saññācīkāya kuṭim kattukāmo asāmīkam attuddesam, soham, bhante, saṅgham kuṭivattuhadesanam yācāmi”ti (pārā. 351) tikkhattum yācītehi. **ṇāttidutiyena kammēnti** –

“Sunātu me, bhante, saṅgho, ayam itthannāmo bhikkhu saññācīkāya kuṭim kattukāmo asāmīkam attuddesam, so saṅgham kuṭivattuhadesanam yācāmi. Yadi saṅghassa pattakallam, saṅgho itthannāmassa bhikkhuno kuṭivatthum deseyya. Esā ṇāti. Sunātu me, bhante, saṅgho, ayam itthannāmo bhikkhu saññācīkāya kuṭim kattukāmo asāmīkam attuddesam, so saṅgham kuṭivattuhadesanam yācāmi. Saṅgho itthannāmassa bhikkhuno kuṭivatthum deseti, yussāyasmato khamati itthannāmassa bhikkhuno kuṭivatthussa desanā, so tunhassa. Yassa nakkhamati, so bhāseyya. Desitam saṅghena itthannāmassa bhikkhuno kuṭivattho, khamati saṅghassa, tasmā tunhī, evametam dhārayāmi”ti –

Evam padabhājanē vuttana ṇāttidutiyena kammēna. **Ājavikā** nāma ālaviratṭhe jātā dārakā, te pabbajitakālepi “ālavikā”tveva paññāyimsu. Te sandhāya vuttam **ājavike bhikkhū**”ti. **Lepe ghaṭṭeti** (pārā. atṭha. 2.353) antolepe vā antolepena saddhim bhittīca chadanañca ekābaddham katvā ghaṭṭe, bahilepe vā bahilepena saddhim ghaṭṭe. **Dve ca dukkaṭāni** sārambhaaparikkamanavasena. **Ubhayavipannāti** ubhaye hi desanāpamānehi vipannā virahitā ubhayavipannā, adesitavattukā pamāṇāttikkantāti attho. **Tasmiti** dvārabandhe vā vātapāne vā. **Lepo na ghaṭṭiyatīti** pubbe dinnalepo dvārabandhena vā vātapānena vā saddhim na ghaṭṭiyatī, ekābaddham hutvā na tiṭṭhatīti vuttam hoti. **Tanti** dvārabandham vā vātapānam vā parāmasati. **Paṭhamamevāti** lepakiccassa niṭṭhitatā dvārabandhavātapānānam ṭhapanato pubbeveva, lepessa niṭṭhitakkhaṇeyevāti adhippāyo. “Bhikkhu kuṭim karoti desitavattukam pamāṇīkam sārambham aparikkamanam, āpatti dukkatassa. Bhikkhu kuṭim karoti desitavattukam pamāṇīkam anārambhām aparikkamanam, āpatti dukkatassa”ti (pārā. 355) padabhājanīyam vuttatā “**kevalam sārambhāya**”tiādi vuttam. **Vippakatanti** anīṭhitam. **Aññassa dadato** cāti aññassa puggalassa vā saṅghassa vā dadato ca. **Guhā** nāma iṭṭhakaguhā vā silāguhā vā dāruguhā vā bhūmīguhā vā. **ṭīnakuṭi** nāma sattabhūmikopi pāsādo ṭīnacchadano “ṭīnakutikā”ti vuccati. **Aññassāti** ācariyassa vā upajjhāyassa vā saṅghassa vā. **Vāsāgāram ṭhapetvāti** (pārā. atṭha. 2.364) attano vasanattāya vāsāgāram ṭhapetvā. **Uposathāgārādisīti** ettha ādisaddena janāgharabhojanasālāggisālānam gahaṇam. **Heṭṭhimapamāṇasambhavoti** catuhatthavithīṇatā. **Adesāpetvā** karototi vatthum adesāpetvā pamāṇāttikkantam, pamāṇayuttam vā karoti. Ettha ca vatthuno adesāpanam **akiriya**. Kuṭikāraṇam **kiriya**.

Kuṭikārasikkhāpadavaṇṇanā niṭṭhīti.

7. Vihārakārasikkhāpadavaṇṇanā

Mahantam lāti gaṇhātīti **mahallako**, tam mahallakam. Yo ca ayam gaṇhāti, so tassa atthīti āha “**mahantabhāvo etassa atthīti mahallako**”ti. So ca mahantabhāvo kena, kuto cāti āha “**sasāmīkabhāvenā**”tiādi. Na kevalam sasāmīkabhāvenevāti āha “**yasmā vā**”tiādi. Yadi evam atha kasmā “mahallako nāma vihāro sasāmīko vuccati”ti (pārā. 367) ettakameva padabhājanē vuttanti āha “**yasmā panā**”tiādi. Viharanti etthāti **vihāro**, āvāso. Mātikāyam **bhikkhū vā anabhīneyyāti** ettha vā-saddo “ayam vā so mahānāgo”tiādisu viya avadhāranattho.

Kosambiyanti (sārattha, fī. 2.365) evamnāmake nagare. Tassa kira nagarassa āramapokkharanādiṣu tesu tesu thānesu kosambarukkhāva ussannā ahesum, tasmā tam “kosambī”ti saṅkham gacchati. “Kusumbassa nāma isino assamato avidūre māpitattā”ti eke. **Channattheram ārabbhāti** yo abhinikkhamanakāle saddhim nikkhanto, yassa ca sathārhā parinibbānakāle brahmaḍaṇḍo (cūlava. 445) ānatto, tam channattheram ārabhā. **Cetiyaarukkhanti** cittikatathena **cetiyaṃ**, pūjārahānam devatthānānametam adhivacanam, “cetiya”nti sammatta rukkhām **cetiyaarukkhām**. Vathūno adesānāya āpajjanato “**akiriyamattato samuṭṭhānabhāvo**”ti vuttam. **Matta**-saddena kiriyato samuṭṭhānatam paṭikkhipati. Keci pana “vathuadesānāya, kuṭikaraṇena ca samuṭṭhānato kiriyākiriyato samuṭṭhāti”ti vadanti. Pamāṇaniyamābhāvova viseso.

Vihārakārasikkhāpadavaṇṇanā niṭṭhitā.

8. Duṭṭhadosaikkhāpadavaṇṇanā

Dūsiyatīti **duṭṭho**, dūseti param vināsetīti **doso**. Tenāha “**dūsito ceva**”tiādi. Idāni “dūsito ceva dūso ca”ti iminā saṅkhepa vuttamevattham vitthāretvā dassetum “**uppane hi dose**”tiādimāha. **Pakatibhāvaṃ jahāpīto** (sārattha, fī. 2.385-386) sommahāvaṃ jahāpīto attho, vikāramāpādīto vuttam hoti. **Ākāranāntenāti** dūsitākāraṇa ceva dūsakākāraṇa cāti imesaṃ dvinnam ākāraṇam nānābhāvena. **Nappatīto** pītisukkhādīhi na abhigato anupagato, na upagato attho. Yo ca pītisukkhādīhi anupagato, so tehi vajjito nāma hotīti āha “**pītisukkhādīhi vivajjito**”ti. Yo ca tehi vajjito, na so tehi abhisāto nāma hotīti āha “**na abhisāto**”ti, pītisukkhādīhi na patthato attho. Nāssa mūlanti **amūlakam**. Tam pana amūlakattam yasmā codakavasena adhippetam, na cuditakavasena, tasmā tadattham dassetum “**yaṃ codakenā**”tiādi vuttam. Tattha **yanti** pārājikam. **Etanti** cuditakassa āpannānāpannattam. **Idhāti** imasmim sikkhāpade.

Idāni attanā vuttameva dīṭṭhādīm vivarītuṃ “**ettha cā**”tiādi vuttam. **Tathevāti** “pasādasotena vā dibbasotena vā”ti imamattham atdisati. **Parisaṅkītam** (pārā. atṭha. 2.385-386) pana tividham dīṭṭhapaṇisaṅkītam, sutapaṇisaṅkītam, mutapaṇisaṅkītam. Tattha bhikkhuca mātugāmaṇi ca tathārūpe thāne disvā “**addhā imehi kata**”nti vā “**karissanti**”ti vā parisaṅkītam, idam **dīṭṭhapaṇisaṅkītam** nāma. Andhakāre vā paṭicchannokāse vā bhikkhussa ca mātugāmassa ca vacanam sutvā dutiyassa atthibhāvaṃ ajānato pubbe vuttanayena parisaṅkītam, idam **sutapaṇisaṅkītam** nāma. Dhuttehi itthīhi saddhim paccantavihāre maṇḍape vā sālādīsu vā pupphagandhamasasurādīni anubhavitvā gatāṭṭhānam disvā “**kena nu kho idam kata**”nti vīmamsantena tatra kenaci bhikkhunā gandhādīhi pūjā katā hoti, bhesajjathāya arīṭṭham vā pītam, so tassa gandham ghāyitvā “**ayaṃ so bhavissati**”ti parisaṅkītam, idam **mutapaṇisaṅkītam** nāma. Evaṃ tividhassa parisaṅkītaṃ abhāvo **apaṇisaṅkītam**. Tenāha “**dīṭṭhasutamavavasena cetasā aparisaṅkīta**”nti. Tañca paṇetam dīṭṭhādīkam na kevalam attano vāti āha “**attano vā parassa vā**”ti. Yasmā “**tvam paṇḍako**”tiādivacanenāpi codayato āpattīyeva, tasmā “**bhikkhuno anurūpe ekūnavasiyāyā aññatārenā**”ti vuttam. Yadi evam aṭha kasmā padabhājane “**pārājikena dhammenāti catunnam aññatārenā**”ti (pārā. 386) vuttanti āha “**padabhājane panā**”tiādi. Upasagganipātānam vācakasaddasanniṭṭhāne tadatthajotānabhāvena pavattanato “**dhameyyā**”ti vuttam. **Dhamsānacettha** abhibhavanam. Tenāha “**abhibhaveyyā**”ti. “**Tvaṃ methunam dhammam paṭisevī**”tiādinā **nayena pavattati** “**tvam methunam dhammam paṭisevi**, adinnam ādiyi, manussam ghāyayittha, abhūtam ārocayitthā”ti evam pavattā. Ettha ca “**assamanosī**”ti avandanākāraṇassa avuttattā antimavatthum ajjhāpanno na vanditabbo”ti vadanti, tam na gahetabbam avandīyeso antimavatthum ajjhāpannassa avuttattā, “**pacchā upasampannena pure upasampanno vandiyo**”ti (pari. 468) vuttattā ca. Idam pana attanā vattabham dassetum vuttam.

Samīpeti dvādasahatthapamāṇe padese. Sikkhāpaccakkhānameva hi hatthamuddāya sīsam na eti, idam pana anuddhamsanam, abhūtarocanaṇa etiyeva. Tenāha “**hatthamuddāya eva vā**”ti. **Brahmacariyāti** brahmagam seṭṭham pasattham cāriyanti **brahmacariyam**, brahmūnam vā seṭṭhānam buddhapaccekaḍḍhaariyasāvakanam, brahmānaṇa cāriyanti **brahmacariyam**, tamhā brahmacariyā. Tenāha “**seṭṭhacariyā**”ti. **Sādhū vatassa** ekanta bhaddakam bhavyeva. “**Tajjanīyakammādisattavidhampi kammam karissamā**”ti āpattīyā codentassa adhippāyo **kammādhippāyo**. “**Āpattito vuttāpessamā**”ti adhippāyo **vuttānādhippāyo**. **Anuvijjānādhippāyo**ti vīmamsanādhippāyo, upaparikkhādhippāyo. **Anuvijjakenāti** saṅghamajje oṭṭam adhikāraṇam vimicchīnītuṃ nisinnena vinayadharena. **Kiṃ te dīṭṭhanti** tayā kiṃ dīṭṭham, pathamam pārājikam ajjhāpananto dīṭṭho, dutiyam tatiyam catuttham pārājikam āpajjanato dīṭṭho ti vuttam hoti. **Ādisaddena** “**kinti te dīṭṭham, kadā te dīṭṭham, kattha te dīṭṭha**”nti imam nayam saṅghāṇhāti.

Samanatthāya pavattamānehi samatthehi adhikātabbanti **adhikāraṇam**. Yathā hi samanavasena samatthānam vivādādiṣu adhikātabhāvo, evam vivādādiṣu tehi adhikātabbatīti. Tenāha “**samatthehi adhikāraṇābhāvena**”tiādi. Iminā hi adhikāraṇasaddassa kammāsādanatā vuttā. **Adhikāraṇanti** vivādādhikāraṇam anuvādādhikāraṇam āpattādhikāraṇam kiccādhikāraṇanti catubbīdham adhikāraṇam. Vivādādiṇi adhikāraṇāni samenti vūpasamentīti **samatthā**, sammukhāvīnāyādayo. Atha vā adhikāriyanti etthāti **adhikāraṇam**. Ke adhikāriyanti? Samatthā. Katham adhikāriyanti? Samanavasena. Adhikāraṇam samenti vūpasamentīti **samatthāti** evampettha attho dāṭṭhabbo. Āpattādhikāraṇam thapetvā sesādhikāraṇehi codānāya abhāvato “**idam pana pārājikasāṅkhātā āpattādhikāraṇameva adhippetā**”nti vuttam. Āpattīyeva adhikāraṇam **āpattādhikāraṇam**. **Anuddhamsitakhaṇeyeva saṅghādiseso**, so ce taṅkhaṇeyeva jānāntīti adhippāyo.

Mettīyabhūmajaketi mettīyāna bhūmajakāna. Chabbaggiyānam aggapurīsa ete. **Suddham vāti** pārājīkamanāpannam vā. “**Sace so taṅkhaṇeyeva jānāti**”ti iminā āvajjanasamayamāha. Taṅkhaṇeyeva jānanam nāma dukkaram, samayena āvajjivā nāte pana nātaveva hoti. Pacchā ce jānāti, sīsam na eti. Sikkhāpaccakkhānaabhūtarocanaduṭṭhullavācācāttakāmaduṭṭhadosaḍḍhūtarocanaikkhāpadāntīti sabbhāvena hi imāni ekaparicchedāni. Yasmā pana parammukhā sattaḥipi āpatikkhandhehi vadato dukkatameva, tasmā “**parammukhā codentassa pana sīsam na eṭṭī**”ti vuttam. **Vuttanayāpattīyoti** “**vācāya vācāyā**”tiādinā vuttanayā saṅghādisesadukkaṭṭapattīyo. **Tathevāti** vācāya vācāyeva. **Vadantassāti** sattaḥipi āpatikkhandhehi upasampannam sammukhā vadantassa. **Vuttanayenevāti** vācāya vācāyeva. Okāsam kāretvā upasampannam sammukhā vadantassa vācāya vācāya pācīttiyanti āha “**okāsam kāretvā vadantassa pācīttīyamevā**”ti. Evasaddena dukkatam nivattīyati. Asammukhā sattaḥipi āpatikkhandhehi vadantassa dukkatam. **Sattavidhampi kammanti** tajjanīyam, niyasam, pabbājānīyam, paṭisāraṇīyam, tividhaṇa ukkhepaniyanti sattaḥividhampi kammam.

Uposatham vā pavāraṇam vā thapentassa ca okāsakammam natthīti ettha uposatho pure vā pacchā vā thapitopi atthapito hoti. Khethe thapito pana thapito hoti, tasmā “**sunātu me, bhante, saṅgho, ajjuposatho pannaraso, yadi saṅghassa pattakallam, saṅgho uposatham kareyyā**”ti ettha yāva **re-kāram** bhanāti, tāva thapetabbo, idam khetam. **Yya-kāre** pana vutte thapentena pacchā thapito nāma hoti. “**Sunātu me**”ti anāradde thapentena pure thapito hoti. Pavāraṇāṭṭhapanam pana sabbasāṅghīkam, puggalīkanācīti divudham. Tattha sabbasāṅghīke “**sunātu me, bhante, saṅgho...pe...** saṅgho tevācīkam pavāreyyā”ti **su-kāro** yāva **re-kāro**, tāva aparīyosītāva hoti pavāraṇā, etthantare ekapadepi thapentena thapitā hoti pavāraṇā. **Yya-kāre** pana patte pariyoṣītāva hoti, tasmā tato paṭṭhāya thapentena atthapitā hoti. Puggalīkaṭṭhapanam pana “**saṅgham, bhante, pavāremi...pe...** tatiyampi bhante saṅgham pavāremi dīṭṭhena vā...pe... passanto paṭī”ti (mahāva. 210) **sam-kāro** yāva ayam sabbapaccchimo **ṭi-kāro**, tāva aparīyosītāva hoti pavāraṇā, etthantare ekapadepi thapentena thapitā hoti pavāraṇā. “**Karissāmi**”ti vutte pana pariyoṣītā hoti, tasmā “**karissāmi**”ti etasmim pade sampatte thapitāpi atthapitā hoti. Eseva nayo dvevācīkaekavācīkasamānavassīkāsu. Etāsūpi hi **ṭi-kāravāsānam** yeva thapanakkhetanti. Tenāha “**thapanakkhetam pana jānītābba**”nti. **Osāte vatthusminti** codakena attanā vattabbe saṅghamajje udāṭhe. **Idāna idāna karotīti** pānātipātam, adinnādanānaṇa karoti, jātarūparajataṇa paṭiggaṇhāti. **Asuko ca asuko ca assamaṇo, anupāsakoti** akkosādhīppāyena parammukhā vadantassa dukkatam, sammukhā vadantassa pana pācīttīyameva. Tenāha “**sace pana odissa niyametvā**”tiādi. **Saṅkhyupagamananti** vohārūpagamanam.

Duṭṭhadosaikkhāpadavaṇṇanā niṭṭhitā.

9. Aññabhāgiyasikkhāpadavaṇṇanā

Aññabhāgassāti aññakoṭṭhāsassa, yaṃ codetukāmo, tassa jātiāditto aññassa tiracchānājātiādikotthāsassāti vuttam hoti. **Idanti** napumsakanideseṇa chagalakādīm niddisati, ayaṃ chagalakādīkoti attho, adhikāraṇasaddāpekkhāya vā napumsakanidese, idam chagalakādīsāṅkhātā adhikāraṇanti vuttam hoti. **Aññabhāgo vāti** tiracchānājātiādiḍhedo añño koṭṭhāso vā. **Assāti** chagalakādīkassa. **Aññabhāgiyam** chagalakādi. Ettha ca “**aññabhāgasambandhi aññabhāgiya**”nti pathamaviggahassa attho, “**aññabhāgavantam aññabhāgiya**”nti dutiyaviggahassa. Thapetvā pana tiracchānājātiādikam paramatthato viṣuṃ chagalakādīke asatīpi “**patimāya sarīra**”ntiādiṣu viya abhedepi bhedakappānāya pavattalokavohāravasena “**aññabhāgassa idam, aññabhāgo vā assa atthi**”ti vuttanti dāṭṭhabbam. Adhikāriyati etthāti **adhikāraṇam**. Tenāha “**adhāro vedītābbo**”ti. Ādharīyati asminti **ādhāro**, paṭīṭṭhānam. Tenāha “**vattu adhiṭṭhānanti vuttam hoti**”ti.

Idāni “**aññabhāgassa ida**”ntiādinā saṅkhepa vuttamevattham kevalam nayadassanattam atṭhuppattiyam āgatameva gahetvā vibhajanto “**yo hi so**”tiādimāha. Tena nanu anāgate evam codentānam pāpabhikkhūnam lesokāsapīdahanattam idam sikkhāpadam paññattam, na pana mettīyabhūmajakānam. Tesāñhi ādikammikattā anāpatti, tasmā sāmaññena attho vibhajitabbo. Na pana “**yo hi so atṭhuppattiyam dabbo mallaputto**”tiādinā visesenāti edīsī codanā anavakāsāti dāṭṭhabbam. **Hti** kāranatthe nipāto, yasmāti vuttam hoti. **Atṭhuppattiyanti** atthassa uppatti atthuppatti, atthuppattīyeva **atṭhuppatti**, tassam atṭhuppattiyanti, sikkhāpadassa nidāneti vuttam hoti. **Chagalakoti** setachagalako. Soti chagalako. **Imassa** pana “**hoti**”ti iminā sambandho. **Aññassa...pe... chagalakabhāvassa cāti** “**tiracchānājātiyā**”tiādiṣu ceva chagalakabhāvassa cā”ti saṅkhātassa aññassa bhāgassa koṭṭhāsassa, pakkhassāti attho.

Kutoyamañño, yato “aññassa bhāgassā”ti vuttanti āha “**vyāyam...pe... tato**”ti. Tattha **manussajāti ceva bhikkhubhāvo cāti** yo ayam bhāgo koṭṭhāso pakkhoti sambandho, “manussajāti ceva bhikkhubhāvo cā”ti sañkhāto yo ayam bhāgo koṭṭhāso pakkhoti attho. **Tatoti** “manussajāti ceva bhikkhubhāvo cā”ti bhāgato. **So vā aññabhāgoti** yathāvuttatiracchānājatichagalakabhāvasaṅkhāto so aññabhāgo vā. **Assāti** chagalakassa. **Atthīti** upalabbhati. **Tasmāti** yasmā aññabhāgassa chagalako hoti, yasmā ca so vā aññabhāgo assa atthi, tasmā. **Aññabhāgiyasāṅkhyaṃ labhatīti** ettha “so yvāya”nti idha so-saddameva ānetvā so aññabhāgiyasāṅkhyaṃ labhatīti yojettabbam, “so”ti vā pāthaseso daṭṭhabbo. **Ca-saddo** samuccayatto. So pana adhikarāṇasaddato param daṭṭhabbo, “adhikarāṇa”nti ca vedittabboti. **Tesanti** mettiyabhūmajakānaṃ. **Imaṃ mayam dabbam mallaputtam nāma karomāti** chagalakam ajikāya vipattipajjantam disvā “mayam, āvuso, imaṃ chagalakam dabbam mallaputtam nāma karomā”ti vadantānaṃ. **Nāmakarāṇasaññāyāti** nāmakarāṇasaññāyā saññāya. Etthāpi “yo so”ti iddikam ānetvā tassā nāmakarāṇasaññāya yo so aṭṭhuppattiyam “dabbo mallaputto nāmā”ti chagalako vutto, so yasmā ādhāro vattu adhiṭṭhānanti yojettabbam.

Idāni kathametaṃ viññāyati “adhikarāṇa”nti cetha ādhāro vedittabho, na vivādādhikarāṇādīsu aññataranti anuyogam sandhāyāha “**tañhi sandhāyā**”tiādi. Tattha tanti tassā nāmakarāṇasaññāya adhiṭṭhānabhūtam chagalakam paccāmasati. Vivādādhikarāṇādīsu aññataram sandhāya na vuttanti sambandho. Tattha kāraṇam pucchati “**kasmā**”ti. Kāraṇamāha “**asambhavato**”ti. Idāni tameva asambhavam pakaṭam katvā dassetum “**na hi**”tiādi vuttam. Na hi upādiyimsūti sambandho. **Upādiyimsūti** gaṇhimsu. Kim catunnam adhikarāṇānampi leso atthi, yenevam vuttanti āha “**na ca catunnam adhikarāṇāna**”ntiādi. Idāni tameva samatthetum “**jātilēsādāyo hi**”tiādi vuttam. Tattha jātiyeva leso **jātilēso**. **Ādisaddena** nāmalesādinam gahaṇam. Hoti cetha –

“Lesā jātināmagotta-līngāpattivasāpi ca;
Pattacīvarupajjhāyā-cariyāvāsavasā dasā”ti.

Āpattileso nāma lahuṅkaṃ āpattim āpajjanto diṭṭho hoti. Tañce pārājikena codeti “assamaṇosi, asakyaputtīyosī”ti, āpatti vācāya vācāya saṅghādisesassāti (pārā. 396) evaṃ āpattilesampi puggalasmīmyeva āropetvā vuttatā “**puggalānamyeva lesā vuttā**”ti vuttam. **Tañca** “**dabbo mallaputto**”ti **nāmaṇti** mettiyabhūmajakehi chagalakassa kataṃ tam “dabbo mallaputto”ti nāmañca. Evaṃ asambhavam dassetvā idāni imināva pasāṅgena desalesasaddānaṃ attham samvaṇṇetum “**ettha cā**”tiādimāha. **Etthāti** etesu dvīsu desalesesu. **Deso** nāma jātiādiṭṭhede vohāro. Tenāha “**jātiādisū**”tiādi. **Aññānampi** vattuntī yasmim vattusmim patīṭṭhitam, tam muñcītvā aññānampi vattum. Kathaṃ silissatīti āha “**vohāramattenevā**”tiādi, vohāramatteneva, na tu atthato adhippāyo. “**īsakaṃ allyati**”ti iminā “leso”ti lisa allībhāveti imassa rūpanti dasseti. Kiñcāpi desalesānaṃ vuttanayena byañjanato nānakarāṇam atthi, atthato pana natthīti āha “**jātiādināmyeva aññatarakoṭṭhāsassetam adhivacana**”nti.

Yadi pana nāmakarāṇasaññāya ādhārābhūtam chagalakam sandhāya “aññabhāgiyassa adhikarāṇasā”ti vuttam, atha kasmā padabhājane tam avibhajitvā “aññabhāgiyassa adhikarāṇasāti āpattāññabhāgiyam vā” hoti adhikarāṇaññabhāgiyam vā”tiādi (pārā. 393) vuttanti āha “**padabhājane paṇā**”tiādi. **Tanti** ādhārasaṅkhātā adhikarāṇam. **Āvībhūtam** pakaṭam. **Atthuddhārasavenāti** tena vattabbaatthānaṃ udधारanavasena. Nānu ca “atthamattam pati saddā abhinivisanti”ti na ekena saddena anekathā abhidhāyanti? Saccametam saddaviseṣe apekkhite, tesam tesam pana atthānaṃ adhikarāṇasaddavacānīyatāsāmaññaṃ upādāya vuccamāno ayam vicāro adhikarāṇasaddassa atthuddhāroti vutto. Tenevāha “**adhikarāṇanti vacanasāmaññāto atthuddhārasavena pavattāni cattāri adhikarāṇāni**”ti. **Aññabhāgiyatīti** aññāpakkhiyatā. **Tabbhāgiyatīti** tappakkhiyatā. **Apakaṭā** padabhājanato aññātra dassiṭṭhānābhāvatō. **Avasāne āpattāññabhāgiyena codanañcāti** “bhikkhu saṅghādisesam ajjhāpajjanto diṭṭho hoti, saṅghādisese saṅghādisesadiṭṭhi hoti, tañce pārājikena codetī”tiādicodanam sandhāya vuttam “**adhikarāṇaññabhāgiyā**”nti. Ekamekañhi adhikarāṇam itaresam tinnaṃ tinnaṃ aññabhāgiyam aññāpakkhiyam aññākoṭṭhāsiyam hoti vattuvīsabhāgatā. **Ādisaddena** “kathaṃ adhikarāṇam adhikarāṇassa aññabhāgiyā”tiādikō padavibhāgo saṅghāto.

Kiñci desam lesamattam upādāyati ettha yaṃ vattabbam, tassāpi asambhavadassanappasāṅgena heṭṭhā vuttatā “**sesā vinichayakathā aṭṭhame vuttasādisāyevā**”ti vuttam. Tattha **sesā vinichayakathā** “pārājikenāti bhikkhuno anurūpesu ekūnavisatiyā aññatarēnā”tiādikā (kañkhā. aṭṭha. duṭṭhadosaṅkhāpadavaṇṇanā) vinichayakathā. **Vuttasādisāyevāti** ettha imasmim sikkhāpade yā vattabbā, tena sikkhāpadena sādharāṇabhūta vā vuttasādisāyevāti adhippetā, na asādharāṇabhūta apubbavaṇṇanāya adhippetatā. Tenevāha “**ayam paṇā**”tiādi. Purimasmim sikkhāpadepi tathāsañño anāpattikatā “**idha cā**”ti vuttam. **Tathāsaññīnopīti** “pārājikāmyeva ayam āpanno”ti evamsaññīnopi. **Itisaddo** ādiattho vā pakārattho vā. Tena kenaci bhikkhunā añño koci khattiyajātiko pārājikam dhammam ajjhāpajjanto diṭṭho hoti, aṭṭha so aññam attano verim khattiyajātikam bhikkhum passitvā tam khattiyajātilēsam gahetvā evaṃ codeti “khattiyō mayā diṭṭho pārājikam dhammam ajjhāpajjanto, tvam khattiyō pārājikam dhammam ajjhāpannōsi, aṭṭha vā tvam kho khattiyō, na añño, pārājikam dhammam ajjhāpannōsi, assamaṇosi, asakyaputtīyosī, natthi tayā saddhīm uposatho vā pavāraṇā vā saṅghakammam vā”ti, āpatti vācāya vācāya saṅghādisesassa. Ettha ca tesam khattiyānaṃ aññamaññaṃ asadisassa tassa tassa diṅghādinō vā diṭṭhādinō vā vasena aññabhāgiyatā, khattiyajātīpaññāyati ādhārārasena adhikarāṇatā ca vedittabbā. Esa nayo nāmalesādisūpi.

Āpattilese pana kenaci bhikkhunā koci bhikkhu lahuṅkaṃ āpattim āpajjanto diṭṭho hoti, so cetam bhikkhum pārājikena codeti, āpatti vācāya vācāya saṅghādisesassa. Yadi evaṃ kathaṃ aññabhāgiyam adhikarāṇam hotīti? Yañhi so lahuṅkaṃ āpattim āpanno, tam pārājikassa aññabhāgiyam adhikarāṇam, tassa pana aññabhāgiyassa adhikarāṇassa leso nāma. Yo so sabbakhattiyānaṃ sādharāṇo khattiyabhāvo viya sabbāpattīnaṃ sādharāṇo āpattibhāvo. Eteneva upāyena “kenaci bhikkhunā koci bhikkhu saṅghādisesam ajjhāpajjanto diṭṭho hoti”tiādikam viśesaṃ saṅganhāti.

Aññabhāgiyasikkham yo, neva sikkhati vuttito;
Gacche vinayaviññūhi, aññabhāgiyatamva so. (vajira. īi. pārājika 408);

Aññabhāgiyasikkhāpadavaṇṇanā niṭṭhitā.

10. Saṅghabhedasikkhāpadavaṇṇanā

Sahitassāti kāyacittēhi ekībhūṭassa. Tenāha “**cittena ca sarīreṇa ca aviyyuttassāti attho**”ti. **Assāti** “samaggassā”ti padassa. **Samānasamvāsakoti** samāno ekūposathādiṭṭhede samvāso assāti samānasamvāsako, laddhīnānasamvāsakena vā kammanānasamvāsakena vā virahito. **Kāyasāmaggiḍānato** kāyena, kāyassa vā sāmaggiyā sahitabhāvassa dānato, tesu tesu saṅghakammesu hatthapāsūpagamanatoti vuttam hoti. **Kathaṃ nāmāyam bhijjeyyāti** ayam saṅgho kena nu kho upāyena vaggio bhaveyya. **Vāyameyyāti** ussāham kareyya, pakkham pariyeseyya, gaṇam bandhēyyāti vuttam hoti. Attano phalam karotīti **karāṇam**, yaṃ kiñci kāraṇam, adhikam karāṇanti **adhikarāṇam**, viśesakarāṇam, viśesakarāṇaṇca saṅghabhedassāti vuttam “**bhedanassā**”tiādi. **Bhedakaravattuvāsena aṭṭhārasādhanti** –

“Idhupāli bhikkhū adhammam ‘dhammo’ti dīpenti, dhammam ‘adhammo’ti dīpenti. Avinayam ‘vinayo’ti dīpenti, vinayam ‘avinayo’ti dīpenti. Abhāsitam alapitam tathāgatena ‘bhāsitam lapitam tathāgatena’ti dīpenti, bhāsitam lapitam tathāgatena ‘abhāsitam alapitam tathāgatena’ti dīpenti. Anācīnnaṃ tathāgatena ‘ācīnnaṃ tathāgatena’ti dīpenti, ācīnnaṃ tathāgatena ‘anācīnnaṃ tathāgatena’ti dīpenti. Apaññattaṃ tathāgatena ‘paññattaṃ tathāgatena’ti dīpenti, paññattaṃ tathāgatena ‘apaññattaṃ tathāgatena’ti dīpenti. Anāpattim ‘āpatti’ti dīpenti, āpattim ‘anāpatti’ti dīpenti. Lahukam āpattim ‘garukā āpatti’ti dīpenti, garukam āpattim ‘lahukā āpatti’ti dīpenti. Sāvasesam āpattim ‘anavasesā āpatti’ti dīpenti, anavasesam āpattim ‘sāvasesā āpatti’ti dīpenti. Duṭṭhullam āpattim ‘aduṭṭhullā āpatti’ti dīpenti, aduṭṭhullam āpattim ‘duṭṭhullā āpatti’ti dīpenti’”ti (cūḷava. 352) –

Evaṃ **kammakkhandhake** vuttānaṃ aṭṭhārasannaṃ bhedakarāṇānaṃ vasena aṭṭhārasavidham. Kāraṇāñhi tadāyattavuttitāya phalam ettha vasatīti “**vattū**”ti vuccati. Honti cetha –

“Dhammavinayabhāsītā-cīnnapaññāntikā dukā;
Āpattīlahudūṭṭhulla-sāvasesadukāni ca.

“Etānaṭṭhārasa ‘bheda-karavattū’ti vuccare;
Vipallāsagahitāni, vādamūlūpanissayā”ti.

Paggayhāti paggahitam abhussitam pakaṭam katvā. **Tiṭṭheyāti** yathāsamādinnaṃ, yathāpaggahitameva ca katvā accheyya. Yasmā pana evaṃ pagganhatā, tiṭṭhatā ca tam dīpitañceva avinissatthāñca hoti, tasmā “**dīpeyya ceva nappatīnissajjeyya cā**”ti vuttam. Kīva dīre sutvā gantvā avadantānaṃ dukkaṭanti āha “**sabbantimena paricchedenā**”tiādi. **Pi-saddo** cetha aṭṭhānappayutto, tassa “**aḍḍhayaḍḍhaya**”nti iminā sambandho vedittabho. Tattha “**aḍḍhayaḍḍhaya**”nti iminā ekavīhāre vattabbameva natthīti dīpeti. “**Gantvā**”ti iminā dūtā vā paṇnam vā pesetvā vadatopi āpattimokkho natthi, sayameva pana gantvā “garuko kho, āvuso, saṅghabhedo, mā saṅghabhedāya parakkamī”ti (pārā. aṭṭha. 2.411) nivāretabboti dīpeti.

Samāgacchatūti ekībhavatu. Ekībhāvo ca samānaladdhivasena hotīti āha “**ekaladdhiko hotū**”ti. Ekā laddhi gahanam assāti **ekaladdhiko**, ekadiṭṭhikoti attho. **Aññamaññasampattiyāti** aññamaññassa samānadiṭṭhicittatāsānkhatāya sampattiyā. “Aññamaññassa guṇalābhādikāya sampattiyā”ti keci. Asamaggo hi visum pātimokkham uddisati, bahimimāyam vā anupariveniyam vāti na ekuddeso. Tenāha “**ekato pavattapātimokkhuddesoti attho**”ti. **Appaṇissajjato dukkaṭanti** visum visum vadantānam gaṇānāya dukkaṭam. **Samanubhāsanakammaṃ kātābbanti** yāvatiyam samanubhāsanakammaṃ kātābbam, “sunātu me, bhante, saṅgho, ayaṃ ithannāmo bhikkhu samaggassa saṅghassa bhedāya parakkamatī”tiādinā (pārā. 413) padabhājjane vuttāhi ṇatticatutthāhi tīhi samanubhāsanakammavācāhi kammaṃ kātābbanti vuttam hoti. “**Bhedāya parakkameyyā**”ti visum vuttattā bhedanasamvattanikassa adhikarāṇassa samādāya paggaṇhanato pubbepi pakkhāpariyesanādivasena saṅghabhedāya parakkamantassa samanubhāsanakammaṃ kātābbanti vedittābham. Paṇissajjantassa anāpattibhāvato “**sothibhāvo tassa bhikkhuno**”ti vuttam.

Kiñcāpi bhikkhunī saṅghamā na bhindati, apica kho bhedāya parakkamatī “**sādhāraṇapaññatti**”ti vuttam. Saṅghādisesam ajjhāpajantassa ṇattiyā dukkaṭam, dvīhi kammavācāhi thullaccayā ca paṭippassambhantī āha “**samanubhāsanakamme**”tiādi. **Taṇca dukkaṭam te ca thullaccayā paṭippassambhantī** yañca ṇattipariyosāne dukkaṭam āpanno, ye ca dvīhi kammavācāhi thullaccaye, tā tissopi āpattiyō liṅgaparivattena asādhāraṇāpattiyō viya paṭippassambhanti. Sace panassa ṇattipariyosāne lajjidhammo okkamati, samvaro uppajjati, tam paṇissajjati, ṇattiyā dukkaṭam desevā muccati. Atha tam na paṇissajjati, bhedāya parakkamatī ceva bhedanasamvattanikam adhikarāṇam samādāya paggayha tiṭṭhati ca, ṇattidukkaṭam paṭippassambhanti, paṭhamakammavācāya thullaccaye paṭiṭṭhāti. Esa nayo itarakammavācāyampi. Asamanubhāsiyamānassa appaṇissajjantassāpi saṅghādisesena anāpatti. Paṇissajjantassāpi ṇattito pubbe vā ṇattikkhaṇe vā ṇattipariyosāne vā paṭhamāya vā anussavanāya dutiyāya vā tatiyāya vā yāva **yya-kāram** na sampapūnāti, tāva paṇissajjantassa saṅghādisesena anāpatti. Tenāha “**asamanubhāsiyamānassa cā**”tiādi.

Ettha pana (pārā. aṭṭha. 2.416) “devadatto samaggassa saṅghassa bhedāya parakkami, tasmim vatthusmi”nti (pari. 17) parivāre āgatattā devadatto ādikammiko, so ca kho saṅghabhedāya parakkamanasseva, na appaṇissajjanassa. Na hi tassa tam kammaṃ katam. Kathamidam jānītabbanti ce? Suttato. Tathā hi “ariṭṭho bhikkhu gaddhabādhipubbo pāpikāya diṭṭhiyā yāvatiyam samanubhāsanāya na paṇissajjati, tasmim vatthusmi”nti parivāre āgatattā ariṭṭhassa kammaṃ katanti paññāyati, na tathā devadattassa. Athāpissa katena bhavittābanti koci attano rucimattena vadēyya, tathāpi appaṇissajjane ādikammikassa anāpatti nāma natthi. Na hi paññattam sikkhāpadam vītikkamantassa aññatra odissa anuññātato anāpatti nāma dissati. Yampi ariṭṭhasikkhāpadassa padabhājjane anāpattiyam “ādikammikassā”ti pothakesu likhitam, tam pamādālikhitam, pamādālikhitabhāvo ca tassa “paṭhamam ariṭṭho bhikkhu codetabbo, codetvā saretabbo, saretvā āpattim āropetabbo”ti (cūlava. 65) evam kammakhandhake āpattiropanato vedittābho.

Idha bhedāya parakkamane ādikammikassa devadattassa yasmā tam kammaṃ na katam (pārā. aṭṭha. 2.416), tasmāsa āpattiyeva na jātā. Sikkhāpadam pana tam ārabha paññantanti katvā “**ādikammiko**”ti vutto. Iti āpattiyā abhāvato yeva anāpatti vuttā. Sā panesā kiñcāpi “asamanubhāsiyamānassā”ti imināva siddhā. Yasmā pana asamanubhāsiyamāno nāma yassa kevalam samanubhāsanam na karonti, so vuccati, na ādikammiko. Ayañca devadatto ādikammikoyeva. Tasmā “ādikammikassā”ti (pārā. 416) vuttam. Eteveva upāyena ṭhapetvā ariṭṭhasikkhāpadam sabbasamanubhāsanāsu vinicchayo vedittābho. Kāyavācācittato samuṭṭhānato **samanubhāsanasamuṭṭhānam**. “Paṇissajjāmi”ti kāyavikāram vā vacibhedam vā akarontasseva pana āpajjanato **akiriyam**. “Nappaṇissajjāmi”ti saññāya abhāvena mucchanato **saññāvimokkham**. “Nappaṇissajjāmi”ti jānanacitteneva **sacittakam**.

Saṅghabhedasikkhāpadavaṇṇanā niṭṭhitā.

11. Bhedānuttakasikkhāpadavaṇṇanā

Tassevāti bhedāya parakkamantasseva. **Khoti** nipātamattam. **Panāti** visese nipāto. Yam vacanam samagepi vagge avayavabhūte karoti bhindati, tam kalahakāravacanam idha “vaggā”nti vuccatīti āha “**vaggam asāmaggipakkhiyavacanam vadanti**”ti. Asāmaggipakkhe bhavā **asāmaggipakkhiyā**, kalahakārakā, tesam vacanam **asāmaggipakkhiyavacanam**, asāmaggipakkhe vā bhavam vacanam **asāmaggipakkhiyavacanam**. “**Na hi saṅgho saṅghassa kammaṃ karoti**”ti idam nigghavāsena kattābham kammaṃ sandhāya vuttam, ubbāhikādikammaṃ pana bahūnampi kāmam vaṭṭatiyeva. **Dhammavādīti** bhūtavādī. **Vinayavādīti** vūpasamavādī. **Jānāti notī** etthāpi “chandañca rucīcā”ti idam ānetvā sambandhitābham. Tenāha “**amhākam chandāni jānāti**”ti. **Bhāsati** ettha “ho”ti idam vibhattiviparināmena yujjati. Tenāha “**evam karomāmi amhehi saddhim bhāsati**”ti. “**Eta**”nti iminā tassa kammaṃ paccāmatṭhanti āha “**yaṃ so karoti**”tiādi. Soti saṅghabhedāya parakkamanto. **Sametāyasantānanti** ettha “citta”nti ajjhāharitābanti āha “**āyasantānam citta**”nti. **Vuttasādisāyevāti** ettha yaṃ vattābham, tam heṭṭhā aññabhāgiyasikkhāpadatṭhāthāyā vaṇṇanāyam (kañkhā. aṭṭha. aññabhāgiyasikkhāpadavaṇṇanā) vuttameva.

Bhedānuttakasikkhāpadavaṇṇanā niṭṭhitā.

12. Dubbasasikkhāpadavaṇṇanā

Dukkheṇa vattābho anusāsītum asakkuneyyo sabhāvo assāti **dubbacajātiko**, vilomabhāvī. Tenāha “**dubbacasabhāvo**”tiādi. **Vattum asakkuneyyoti** kismiñci vuccamāne asahanato ovaditum asakkuneyyo. Uddisīyati **uddeso**, pātimokkko, tasmim pariyaṇṇā antogadhā **uddesapariyaṇṇā**, tesu uddesapariyaṇṇesu. Tenāha “**uddeso**”tiādi. Atha sabbāneva sikkhāpadāni katham pātimokkhuddesapariyaṇṇānti āha “**yassa siyā āpatti, so āvikareyyāti evam saṅghatattā**”ti. “**Yassa siyā āpatti**”ti iminā sabbāpi āpattiyō nidānuddese saṅghatā eva honti. **Sikkhāpadesūti** adhisīlasikkhāya adhiṅgamūpāyabhūtesu vinayapaññattisūti attho. So pana pākātoyevāti aṭṭhāthāyā na vutto. **Pañcahi sahadhammikehīti** bhikkhubhikkhunīsāmaṇerasāmanerisikkhamāñhi. **Sikkhitābattāti** labbhamaṇavasena sikkhitābattā. Tathā hi tehi yathāsakam sikkhā sikkhiyati, na sabbā. **Buddhapaññāntenti** buddhena ṭhapitena, vihitenti attho. Atha vā **sahadhammikenā** sakāraṇena vuccamānoti evamettha attho datṭhabbo. **Vacanāyāti** nissakke sampadānavacananti āha “**tato mama vacanato**”ti.

Dubbacasikkhāpadavaṇṇanā niṭṭhitā.

13. Kuladūsakasikkhāpadavaṇṇanā

Nagarassāpi gāmvasesattā idha gāmaggaṇeṇeva nagarampi gahitanti āha “**nagarampi gāme antogadhamevā**”ti, vā-saddena vā anuttavikappatthena gahaṇanti evam vuttam. Ettha ca apākāraparikkhepo sāpano **nigamo**, sapākārapāṇam **nagaram**, tamtaṃviparīto **gāmoti** imesam tūṇam viseso datṭhabbo. **Kulāni dūsetīti** khattiyabrāhmaṇavassasudavasena cattāri kulāni vikāram āpādeti. Dūsento ca na asucikaddamādīhi dūseti, atha kho attano duppaṭipattiyā tesam pasādam vināseti. Tenāha “**pupphadānādīhi**”tiādi. Tattha haritvā vā harāpetvā vā pakkosivā vā pakkosāpetvā vā sayam vā upagatānam (pārā. aṭṭha. 2.436-437) yassa kassaci attano santakassa pupphassa kulasāngahattāya dānam **pupphadānam**, tam ādi yesam te **pupphadānādayo**, tehi pupphadānādīhi. **Ādisaddena** (pārā. 437) phaladānacunnamattikāntakāṭṭhaveluvejīkāṅghapesanikānam gahaṇam. **Saddham vināsentoti** tathā akarontesu aññesu pesalesu bhikkhūsu appasādam adassanam gamento. Pupphadānādīhi ca tehi katasāngahehi aññe pesale tathā akaronte te manussā issanti na allīyanṭi so tesam pasādam vināseti nāmāti datṭhabbam. **Pāpaka samācārāti** buddhappaṭikūṭṭhattā lāmākā samācārā. Te pana yasmā kulasāngahattam mālāvaccaroṇādayo idha adhippetā, tasmā “**mālāvaccaroṇādayo**”ti vuttam. Ārāmādinamathāya pana kappiyavohārādīhi ropānādīkam vaṭṭati. Tattha **mālāvaccanti** tarunapuppharukkham. Tarunakā hi puppharukkāpi pupphagacchāpi “mālāvaccā”tveva vuccanti, tassa ropanam **mālāvaccaroṇam**, tam ādi yesam te **mālāvaccaroṇādayo**. **Ādisaddena** cetha ropānāsīncanāsīncāpanaocināocināpanaganthanaganthāpanānam gahaṇam.

Mātikāyam **dissantīti** ye paccakkhato passanti, tehi dissanti. **Suyantīti** ye parato suṇanti, tehi sotadvāreṇa sutvā upadhāriyanti. **Duṭṭhānti** dūsītāni. **Alam te idha vāsenāti** tava idha vāseṇa alam, mā idha tava vāso hotūti attho. Vuranattho hi idha **alam-saddo**. **Pabbājanīyakammakatoti** codetvā saretvā āpattim āropetvā “sunātu me, bhante, saṅgho, ime assajjipunabbasukā”tiādinā (pārā. 434) padabhājjane vuttāya ṇatticatutthakammavācāya katapabbājanīyakammo. **Yasmīñca vihāre vasatīti** gāmato bahivihāramāha. **Neva tasmim gāme...pe... caritum labhatīti** sacepi gāmo vā nigamo vā dvādasayojanaparamo hoti, tiyojanaparamo ca vihāro hoti, neva tasmim gāme vā nigame vā piṇḍāya caritum labhati, na vihāre vasitum. Tasmim vihāre vasantena sāmantaṅgāme piṇḍāya na caritābham, sāmantaṅgārepi vasantena tasmim gāme piṇḍāya na caritābham. Sāmantaṅgāre vasantena pana sāmantaṅgāme caritum vaṭṭati. **Āpajjītabbā āpattiyoti** kulasaṅghattham attano santakādāne dukkaṭam, issaravatāya saṅghasantakādāne thullaccayam, pasayha dāne pārājikanti imā āpattiyō. Mātikāyam “**pakkamatā yasmā**”ti pabbājanīyakammakatassa vattavasena vuttam. Ādimhi pana pabbājanīyakammavasena datṭhabbam. **Assajjipunabbasuketi** assajjīnceva punabbasukañca.

Kuladūsakasikkhāpadavaṇṇanā niṭṭhitā.

Saṅghādisesanigamanavaṇṇanā

Paṭhamāpattikāti avayavena viggaho samudāyo samāsathoti āha “**paṭhamam āpatti etesanti paṭhamāpattikā**”ti. **Vitikkamanakkhaṇeyevā**ti vatthuvitikkamanakkhaṇeyeva. **Eva-kārena samanubhāsanakammakkaṇam paṭikkhipati**. Ahassa yattako paricchedo **yāvatiḥam**. Tenāha “**yattakāni ahānti**”ti. **Ahānti** ca divasānti attho.

Vatthuvāsena vāti asucimocanādivitikkamamattavasena vā. **Idanti** idam vitikkamam. **Nāmamattavasena vā ayam itthannāmā āpattī**ti “ayam saṅghādiseso nāma āpattī”ti evam vinā vatthum nāmavasena vā. **Mattasaddena** cettha vatthum paṭikkhipati. Potthakesu pana katthaci “nāmagottavasena vā”ti likhanti, tam na sundaram “ayam itthannāmā āpattī”ti vuttatā. Idāni nam kassaci na ārocessāmīti sambandho. **Dhuram nikkhipitvāti** ārocane ussāham thapetvā. Na kevalam vatthunāmavaseneva āpattisaññīti hutvā chādentasseva, atha kho yopi evam ajānanto kevalam “āpattim chādemī”ti āpattisaññāya chādeti, tassapi channā hotīti veditabbam. Sace panettha anāpattisaññī vā hoti, aññāpattikkhandhasaññī vā vemati ko vā hutvā “na dāni nam kassaci ārocessāmī”ti evam chādetukāmova dhuram nikkhipitvā aruṇam uṭṭhāpeti, acchannāva hotīti ānetvā yojetabbam. Anāpattī pana āpattisaññāyopi anāpattisaññāyopi chādentena acchādītāva hoti. Lahukam vā “garukā”ti garukam vā “lahukā”ti chādeti, alajjipakkhe tiṭṭhati, āpattī pana acchannā hoti. Garukam “lahukā”ti maññamāno deseti, neva desitā hoti nacchannā.

Pakato sabhāvabhūto attā assāti **pakatatto**, na kammehi vikatattoti attho. Tenāha “**anukkhitto samānasamvāsako**”ti. **Vuttanayenevāti** “na dāni nam kassaci ārocessāmī”ti idāni vuttaneva nayena. Atha “mayham saṅghena kammam kata”nti (cūlava. aṭṭha. 102) apakatattasaññīti hutvā chādeti, acchannāva hoti. Apakatattena pana pakatattasaññīnā vā pakatattena apakatattasaññīnā vā chādītāpi acchannāva hoti. Vuttampi cetam –

“Āpajjati garukam sāvasesam;
Chādeti anādariyam paṭicca;
Na bhikkhunī no ca phuseyya vajjam;
Pañhāmesā kusalehi cintīti”ti. (pari. 481);

Ayañhi pañho ukkhittakena kathito.

Dasasu antarāyesu yam vattabbam, tam heṭṭhā vuttameva. Sace pana yo bhīrukajātikāyā andhakāre amanussacandamigabhayena antarāyikasaññīti hutvā chādeti, acchannāva hoti. Yassapi pabbatavihāre vasantassa kandaram vā nadim vā atikkamitvā ārocetabbam hoti, antarāyike ca caṇḍavālaamanussādibhavam atthi, magge āgarā nīpajjanti, naḍī pūrā hoti, etasmim satiyeva antarāye antarāyikasaññīti hutvā chādeti, acchannāva hoti. Antarāyikassa pana antarāyikasaññāya vā anantarāyikasaññāya vā chādayato acchannāva.

Bhikkhunoti sabhāgassa bhikkhuno. Sacassa mukhe appamattako gaṇḍo vā hoti, hanukavāto vā vijjhati, danto vā rujjati, bhikkhā vā mandā laddhā hoti, tāvatakena pana neva vatthum na sakkoti, na gantum. Apica kho “na sakkomī”ti saññīti hoti, ayam **pahu hutvā appahusaññī** nāma. Iminā chādītāpi acchādītā. Appahunā pana vatthum vā gantum vā asamattthena pahusaññīnā vā appahusaññīnā vā chādītāpi acchādītāva.

Idam uttānevāti idam āṅḍavayam uttānatthameva. Sace pana “chādessāmī”ti dhuranikkhepaṃ katvā purebhatte vā pacchābhatte vā paṭhamayāmādisu vā lajjidhammam okkamati, antoaruṇeyeva ārocetī, ayam **chādetukāmo na chādeti** nāma.

Yassa pana abhikkhuke thāne vasantassa āpattim āpajjitvā sabhāgassa bhikkhuno āgamanam āgementassa vā, sabhāgassa santikam vā gacchantassa aḍḍhamāsopi māsopi atikkamati, ayam **nacchādetukāmo chādeti** nāma. Ayampi acchannāva hoti.

Yo pana āpannamattova aggim akkantapuriso viya sahasā apakkamitvā sabhāgāṭṭhānam gantvā āvi karoti, ayam **nacchādetukāmova na chādeti** nāma. **Sabhāgamattameva pamāṇanti** averisabhāgamattameva pamāṇam. Averisabhāgassa hi santike ārocetabbam. Yo pana visabhāgo hoti sutvā pakāsetukāmo, evarūpassa upajjhāyassapi santike na ārocetabbā. Tattha purebhattam āpattim āpanno hotu, pacchābhattam vā divā vā rattim vā, yāva aruṇam na ugacchati, tāva ārocetabbam. Uddhaste aruṇe paṭicchannā hoti, paṭicchādanapaccayā ca dukkaṭam āpajjati. **Saṅkhepatoti** samāsato. Vitthāroto pana **samantapāsādikāyam** vuttoti adhippāyo.

Ākāma parivatthabbanti appaṭikkamakatāya āpattiyā saggamokkhāvaraṇabhāvato anicchantenāpi parivasitabbanti attho. Tenāha “**na kāmenā**”ti idāni. **Parivāsam samādāyāti** parivāsavattam saṅghamajje samādiyitvā. Yadi pi catubbidho parivāso appaṭicchannaparivāso, paṭicchannaparivāso, suddhantaparivāso, samodhānaparivāso, tathāpi appaṭicchannaparivāso idha na adhippetoti āha “**tattha paṭicchanna...pe... tividho parivāso**”ti. **Tatthāti** tasmim vākye. Paṭicchannāya āpattiyā sati dātabbo parivāso paṭicchannavisayātāya **paṭicchannaparivāso**. Suddhantato paṭṭhāya dātabbo parivāso **suddhantaparivāso**. Samodahitvā dātabbo parivāso **samodhānaparivāso**.

Idāni te tividheyyeva parivāse sarūpato dassetum “**tatthā**”ti idānimāha. **Hiti** yasmā. Ekāham paṭicchannā **ekāhappaṭicchannā**. **Vuttanayenāti** “āpatti ca hotī”ti idāni vuttana nayena. **Ekāhappaṭicchannanti** ettha **itisaddo** “iti vā, iti evarūpā visūkādassanā paṭivirato”ti idāni (dī. ni. 1.13, 197) viya ādiattho. Tena “soham, bhante, saṅgham ekissā āpattiyā sañcetanikāya sukkavissatthiyā ekāhappaṭicchannāya ekāhaparivāsam yācāmī”ti imam pālisesam (cūlava. 102) saṅghanhāti. **Evam parivāsam yācāpetvāti** evam yāvatiyam yācāpetvā. **Khandhake āgatanayenāti** samuccayakkhandhake (cūlava. 97 ādayo) āgatanayena. **Tatoti** pakkhato paṭṭhāya. **Atirekapakkhappaṭicchannanti** pakkhassa atireko **atirekapakkho**, tam paṭicchannanti attho. **Tatoti** timsatimadivasato paṭṭhāya. **Māsappaṭicchannanti** sattānam āyūṃ minanto viya siyati antam karotīti **māso**, timsarattindivo, tam paṭicchannanti attho. **Samvacchare puṇṇeti** tam tam sattam, dhammappavattīna saṅghamma vadanto viya sarati pavattatīti **samvacchare**, dvādasa māsā, tasmim paripuṇṇe.

Vatthukittanavasena vāti nāmena saha vatthukittanavasena vāti attho. Teneva hi uparī “nāmamattavasena vā”ti mattaggahaṇam katanti daṭṭhabbam. **Nāmamattavasenāti** vatthukittanam vinā kevalam nāmavasena vā. **Tasmāti** yasmā duvidhe nāme “āpattī”ti sabbasādhāraṇam nāmam, tasmā. **Sukkavissatthīti** sukkavissatthīti nāmāyam. **Itisaddo** hettha vacanīyatham nidasseti. Nidassanamattañcetam “sukkavissatthī”ti kāyasamsaggādīnampi vatthūādībhāvena icchitabbattā. **Vatthu ceva gottāñcēti** vitikkamattā vatthu ceva anaññasādhāranattā gottāñca. Gam tāyati **gottam**, sajāto aññattha kāyasamsaggādisu gantum adatvā buddhim, vacanañca rakkhatīti attho. **Saṅghādisesoti** saṅghādiseso nāmāyam. Ettha pana **itisaddo** vacanavacanīyasamudāyam nidasseti. Tenāha “**nāmañceva āpatti cā**”ti, sajātisādhāraṇanāmatā **nāmañceva** tena tena vitikkamenāpajjitabbattā **āpatti cāti** attho. Idampi nidassanamattameva “āpattiyoti”ti imassāpi nāmādhāraṇa icchitabbattā. **Itisaddo** vā ādiattho. Evañca katvā “**kāyasamsaggāntīdivacanenāpi**”ti idādikampi samatthitam hoti.

Tayidam kammavācāya kena vacanena gahitanti anuyogam sandhāya “**tatthā**”ti idānimāha. “**Āpattī**”ti sabbasādhāraṇanāmatā, vitikkamena āpajjitabbattā ca nāmañceva āpatti ca hotīti āha “**āpattiyoti vacanenāpi**”ti. **Tasmāti** yasmā idam parivāsādivinayakammam vatthuvāsena, gottavasena, nāmavasena, āpattivasena ca kātum vaṭṭatiyeva, tasmā. **Etesūti** vatthūdisu, sukkavissatthīdisu vā. **Vattam samādātābanti** yathāvuttasu dvīsū padesu ekenapi samādātābāntam. Dvīhi pana susamādinamāyeva. Teneva vakkhati “samādānepi eseva nayo”ti (kankhā. aṭṭha. nidānavāṇanā).

Ārocetvāti –

“Aham, bhante, ekam āpattim āpajjim sañcetanikam sukkavissatthim ekāhappaṭicchannam, soham saṅgham ekissā āpattiyā sañcetanikāya sukkavissatthiyā ekāhappaṭicchannāya ekāhaparivāsam yācim, tassa me saṅho ekissā āpattiyā sañcetanikāya sukkavissatthiyā ekāhappaṭicchannāya ekāhaparivāsam adāsi, soham parivasāmi, vedayāmāham, bhante, “vedayati”ti maṃ saṅho dhāretī”ti (cūlava. aṭṭha. 102) –

Evamādinā tam tam yojanānurūpam ārocetvā. Imañca panattham gahetvā yāya kāyaci bhāsāya ārocetum vaṭṭatiyeva (cūlava. aṭṭha. 102). “**Puna āgātāgānam bhikkhūnam ārocetena**”ti idam āgantukam bhikkhūm sandhāya vuttam. Ettha ca ekassa ārocenā avasāne “vedayati”ti maṃ āyasmā dhāretu”, dvinnam “āyasmantā dhāretu”, tinnam “āyasmanto dhārentī”ti vattabbam. **Vatthabhedāna ratticchedāna akatvāti** “na, bhikkhave, parivāsikena bhikkhūnā sādītābham pakatattānam bhikkhūnam abhivādanam paccupaṭṭhāna”nti idāni (cūlava. 75) parivāsikakkhandhake yāni catunavuti vattāni vuttāni, tesam bhedañca, yo ca “tayo kho, upālī, parivāsikassa bhikkhuno ratticchedā sahāvāso vipavāso anārocanā”ti (cūlava. 83) ratticchedo vutto, tañca akatvā.

Ayam hettha vinicchayo – sace (cūlava. aṭṭha. 76) āgantukā muhuttam vissamitvā vā avissamitvā eva vā vihāramajjhena gacchanti, tesampi ārocetabbam. Sace tassa ajānantasseva gacchanti, ayañca gatakāle jānāti, gantvā ārocetabbam. Sampāpunitum asakkontassa ratticchedova hoti, na vatthabhedadukkaṭam. Yepi antovihāram appavisitvā upacārasimam okkamitvā gacchanti, ayañca nesam chattasaddam vā ukkāsitasaddam vā khipitasaddam vā sutvāva āgantukabhāvam jānāti, gantvā ārocetabbam. Gatakāle jānantenāpi anubandhitvā ārocetabbameva. Sampāpunitum asakkontassa ratticchedova hoti, na vatthabhedadukkaṭam. Yopi rattimāyeva āgantvā rattimāyeva gacchati, sopissa

ratticchedam karoti. Aññatattā pana vattabhedadukkaṭaṃ natthi. Sace ajānītvā abbhāṇaṃ karoti, akatameva hotīti **kurundiyam** (cūlava. aṭṭha. 76) vuttam. Tasmā adhikā rattiyo gahetvā kātabbam. Ayaṃ apannaḥappatipadā.

Nadiādīsu nāvāya gacchantampi paratīre ṭhitampi ākāse gacchantampi pabbatatalaaraññādīsu dūre ṭhitampi bhikkhūṃ disvā sace “bhikkhū”ti vavattānaṃ atthi, nāvādīhi vā gantvā, mahāsaddam katvā vā vegena anubandhitvā vā ārocetabbam, anārocentassa ratticchedo ceva vattabhedadukkaṭaṇca. Sace vāyamantopi sampāpunitum vā sāvetum vā na sakkoti, ratticchedova hoti, na vattabhedadukkaṭaṃ.

Aññaṃ kañci vihāraṃ gatenapi bhikkhūnaṃ ārocetabbameva (cūlava. aṭṭha. 76). Sace sabbe ekaṭṭhāne ṭhite passati, ekaṭṭhāne ṭhiteneva ārocetabbam. Atha rukkhamulādīsu visum visum ṭhitā honti, tattha tattha gantvā ārocetabbam. Sañcicca anārocentassa ratticchedo ca hoti, vattabhedo ca dukkaṭaṃ. Atha vicinanto ekacce na passati, ratticchedova hoti, na ca vattabhedadukkaṭaṃ. Sañcicca anārocentassa pana ratticchedo ceva hoti, vattabhedo ca dukkaṭaṃ.

Tatthevāti mālakasīmāyameva. Mālakato pana bhikkhūsu nikkhantesu ekassapi santike nikkhipitum vaṭṭati (cūlava. aṭṭha. 97). Mālakato nikkhamitvā satim paṭilabhanta saha gacchantassa santike nikkhipitabbam. Tenāha “**ekapuggalassa vā santike**”ti. Sace sopi pakkanto, aññaṃ yassa mālake nārocentam, tassa ārocetvā nikkhipitabbam. **Pakatattatṭhāneti** saṅghakammānaṃ arahaṭṭhāne. **Dve leḍḍupāte atikkamitvāti** (sāratta. ṭi. cūlavagga 3.97) bhikkhūnaṃ sajjhāyanasaddasavanūpacāravijahanattham vuttam. **Mahāmaggato okkamāti** maggappaṭipannabhikkhūnaṃ upacāravijahanattham vuttam. **Gumbena vā vatīyā vā paṭicchannatṭhāneti** dassanīpacāravijahanattham vuttam. **Vattam samādiyitvā ārocetabbanti** vuttanayeneva vattam samādiyitvā parivāso ārocetabbo. “**Ārocetabba**”nti pana sāmāññena vuttam. Ārocentena ca sace navakataro hoti, “āvuso”ti vattabbam. Sace vuddhataro, “bhante”ti vattabbam. Sace añño koci bhikkhu kenacideva karaṇīyena tam ṭhānaṃ āgacchati. Sace esa naṃ passati, saddam vā tassa sunāti, ārocetabbam. Anārocentassa ratticchedo ceva vattabhedo ca. Tenāha “**yampi aññaṃ bhikkhūṃ passati, tassāpi ārocetabbamevā**”ti. Atha dvādasahattham upacāram okkamitvā ajānantasseva gacchati, ratticchedo hotiyeva, vattabhedo pana natthi. **Uṭṭhite**ti uggate. **Yam sabbapaṭhamam bhikkhūnti** vihāro nikkhamantaṃ vā āgantukaṃ vā sabbapaṭhamam yaṃ aññaṃ bhikkhūṃ passati. **Tassa ārocetvā nikkhipitabbanti** anārocentassa dukkaṭaṃ siyā, tam sandhāya vuttam, na tu ratticchedam sandhāya. Itarathā hi “vihārasīmāpariyāpannānaṃ sabbesaṃ ārocetvā”ti vadeyya. **Yāva rattiyo pūrenti**ti yattakā rattiyo āpatti paṭicchannā hoti, tattakā rattiyo yāva pūrenti, tāva parivattabbam. **Samantapāsādikāyaṃ** pana “evam yattakāni divasāni āpatti paṭicchannā hoti, tattakāni, tato adhikarāni vā kukkucavinodanattāya parivasitvā”ti vuttam. **Vitthāro**ti papañco.

Itaresu pana dvīsūti suddhantaparivāso, samodhānaparivāsoti dvinnaṃ majjhe. **Khandhake**ti samuccayakkhandhake (cūlava. 156 ādayo). **Cūlasuddhanto mahāsuddhantoti** ettha yo upasampadato (cūlava. aṭṭha. 102; vi. sānga. aṭṭha. 242) paṭṭhāya anulomakkamena vā ārocitadivasato paṭṭhāya paṭilomakkamena vā “asukañca asukañca divasaṃ vā pakkham vā māsaṃ vā samvaccharaṃ vā tava suddhabhāvaṃ jānāsi”ti pucchiyamāno “āma, bhante, jānāmi, ettakaṃ nāma kālaṃ ahaṃ suddho”ti vadati, tassa dinno suddhantaparivāso “**cūlasuddhanto**”ti vuccati.

Tam gahetvā parivasanta yattakam kālam attano suddhabhāvaṃ jānāti, tattakam apantevā avasesaṃ māsaṃ vā dvemāsaṃ vā parivasitabbam. Sace “māsamattam asuddhomhī”ti sallakkhetvā parivāsaṃ aggaheṣi, parivasanto ca puna aññaṃ māsaṃ sarati, tampi māsaṃ parivasitabbameva, puna parivāsādanakiccaṃ natthi. Atha “dvemāsaṃ asuddhomhī”ti sallakkhetvā aggaheṣi, parivasanto ca “māsamattamevāham asuddhomhī”ti sannīṭṭhānaṃ karoti, māsameva parivasitabbam, puna parivāsādanakiccaṃ natthi. Ayañhi suddhantaparivāso uddhampi ārohati, heṭṭhāpi orohati, idamassa lakkhaṇaṃ.

Yo pana yathāvuttana anulomappaṭilomavasena pucchiyamānopi rattipariyantaṃ (cūlava. aṭṭha. 102) na jānāti nassarati, rattipariyante vematiko vā hoti, tassa dinno suddhantaparivāso “**mahāsuddhanto**”ti vuccati. Tam gahetvā gahitadivasato yāva upasampadadivaso, tāva rattiyo ganetvā parivasitabbam. Ayaṃ uddham nārohati, heṭṭhā pana orohati. Tasmā sace parivasanto rattiparicchede sannīṭṭhānaṃ karoti “māso vā samvaccharo vā mayham āpannassā”ti, māsaṃ vā samvaccharaṃ vā parivasitabbam. Ettha ca kiñcāpi “ettakaṃ kālaṃ ahaṃ suddho”ti vadantaṃ cūlasuddhanto dīyati, tathāpi niyameneva jānanābhāvā “**duvidhopi cesa...pe... dātabbo**”ti vuttam. **Tassa dānavidhi khandhake āgato**ti tassa duvidhassāpi suddhantassa dānavidhi “tena, bhikkhave, bhikkhūnā saṅghaṃ upasaṅkamitvā...pe... evamassa vacanīyo”tiādīnā samuccayakkhandhake (cūlava. 156) āgato. Tasmā tattha vuttanayeneva vedittabboti adhippāyo. Esa nayo **vinicchayakathā pana vitthāro samantapāsādikāyaṃ vuttāti** etthāpi.

Odhunitvā avadhuya pahāya samodhāno **odhānasamodhāno**. Cirappaṭicchannānaṃ agghena samodhāno **agghasamodhāno**. Missakānaṃ samodhāno **missakasamodhāno**. Idāni tam tividhampi samodhānaparivāsaṃ saṅkhepatto dassetum “**tatthā**”tiādīmāha. **Antarāpattim āpajjivā paṭicchādentassāti** yo parivāsaṃ gahetvā anikkhittavatto hutvā parivasanto apariniṭṭhiteyeva parivāse antarā vemajjhe saṅghādisesāpattim āpajjivā paṭicchādeti, tassa. **Parivutthadivase**ti lakkhaṇavacanametam, tena “mānattacīṇadivase cā”tipi vuttameva hoti. **Makkhetvāti** ṇatticatutthena kammena mūlāya paṭikkassanavasena makkhetvā. **Samodahitvāti** mūlāpattitṭhāne thapetvā, pakkhipitvāti attho. **Dātabbaparivāsoti** “sunātu me, bhante, saṅgho”tiādīnā ṇatticatutthena kammena dātabbaparivāso. Idam vuttam hoti – yo paṭicchannāya āpattiyā parivāsaṃ gahetvā parivasanto (cūlava. aṭṭha. 102; vi. sānga. aṭṭha. 243) vā mānattāraho vā mānattam caranto vā abbhānāraho vā anikkhittavatto aññaṃ āpattim āpajjivā purimāpattiyā samā vā unarā vā rattiyo paṭicchādeti, tassa mūlāya paṭikkassanena te parivutthadivase ca mānattacīṇadivase ca sabbe odhunitvā divase katvā pacchā āpannāpattim mūlāpattiyā samodhāya parivāso dātabboti.

Sace pana antarāpatti mūlāpattito atirekappaṭicchannā hoti (cūlava. aṭṭha. 102), tam mūlāpattim katvā tattha itaraṃ samodhāya parivāso dātabbo. Sace pana antarāpatti appaṭicchannā hoti, mūlāya paṭikkassanaṃ akatvā pubbe gahitaparivāseva parivasitabbam.

Yā ekā vā...pe... sabbacirappaṭicchannāyoti yā ekā vā āpatti sabbacirappaṭicchannā, yā dve vā tisso vā sambahulā vā āpattiyō sabbacirappaṭicchannāyoti attho. **Tāsanti** sabbacirappaṭicchannānaṃ āpattinaṃ. Dānavidhi panassa khandhake vuttanayeneva vedittabbo.

Yassa pana satam āpattiyō dasāhapaṭicchannā, aparampi satam āpattiyō dasāhapaṭicchannā, aparampi satam āpattiyō dasāhapaṭicchannāti evam dasakkhattum katvā āpattisahasam divasasatappaṭicchannā hoti, tena kiṃ kātabbanti? Sabbam samodahitvā dasa divase parivasitabbam. Evam ekeneva dasāhena divasasatampi parivasitameva hoti. Vuttampi cetam –

“Dasasatam rattisatam, āpattiyō chādayitvāna;
Dasa rattiyo vasitvāna, mucceyya parivāsiko”ti. (pari. 477);

Ayaṃ **agghasamodhāno** nāma.

Idāni missakasamodhānaṃ niddisitum “**missakasamodhāno nāmā**”tiādīmāha. Tatrayam nayo –

“Aham, bhante, sambahulā saṅghādisesā āpattiyō āpajjim ekaṃ sukkavissatṭhim, ekaṃ kāyasamsaggaṃ, ekaṃ dutṭhullavācaṃ, ekaṃ attakāmaṃ, ekaṃ sañcaritṭam, ekaṃ kuṭīrakāmaṃ, ekaṃ vihārakāraṃ, ekaṃ dutṭhadosaṃ, ekaṃ aññabhāgiyaṃ, ekaṃ saṅghabhedam, ekaṃ bhedaṇuvattakaṃ, ekaṃ dubbacaṃ, ekaṃ kuladūsakaṃ, soham, bhante, saṅgham tāsam āpattinaṃ samodhānaparivāsaṃ yācāmi”ti –

Tikkhattum yācāpetvā tadanurūpāya kammavācāya parivāso dātabbo. Ettha ca “saṅghādisesā āpattiyō āpajjim nānavatthukāyo”tipi “saṅghādisesā āpattiyō āpajjī”ntipi evam pubbe vuttanayena vatthuvasenapi gottvasenapi nānavasenapi āpattivasenapi yojetvā kammavācaṃ kātum vaṭṭhatiyevāti. Ayaṃ **missakasamodhāno**. Sabbaparivāsakammavācāvasāne pana nikkhittānikkhittavattādikathā purimanayeneva vedittabā. Tividhepi samodhānaparivāse atthamattasseva vuttattā, vinicchayādīnaṃ vā anāmaṭṭhatā “**ayaṃ tividhepi samodhānaparivāse saṅkhepakathā**”ti vuttam. Mahāvisayattā samodhānavicāranāya sā niravasesā kuto laddhabbāti āha “**vitthāro**”tiādī.

Chārattanti rā saddo tīyati chijjati etthāti **rattī**, sattānaṃ saddassa vūpasamanakāloti attho, cha rattiyo samāhaṭā, channaṃ rattinaṃ vā samāhāro charattaṃ, charattameva **chārattam**, avayavabati rekkena samudāyassābhāvato cha rattiyoṭi attho vutto.

Parivāsaṃ adatvā mānattameva dātabbanti yasmā āpatti appaṭicchannā, yasmā ca āpannabhāveneva mānattāraho hoti, tasmā parivāsaṃ adatvā kevalam mānattameva dātabbam. Yam paṭicchannāya āpattiyā parivutthaparivāsaṃ dīyati, idam paṭicchannamānattam nāmāti āha “**yassa paṭicchannā hoti**”tiādī. **Idanti** paṭicchannamānattam. **Idhāti** imasmim vākye. Katham pana tesam dvinnaṃ mānattānaṃ dānavidhi ca vinicchayakathā ca vedittabāti āha “**ubhinnaṃ pi panā**”tiādī.

Ayanti vakkhamānam sandhāyāha. **Parivāse vuttappakāram padesanti** parikkhittassa vihārassa parikkhepato, aparikkhittassa parikkhepārahātthānato dve leḍḍupāte atikkamitvā mahāmaggaṭṭo okkamma gumbena vā vatīyā vā paṭicchannaṭṭhānam. **Samādiyivāti** antoaruṇeyeva samādiyivā. **Ārocetvāti** –

“Aham, bhante, ekam āpattim āpajjīm sañcetanikam sukkavissatṭhīm appaṭicchannam, soham, bhante, saṅgham ekissā āpattiyā sañcetanikāya sukkavissatṭhiyā appaṭicchannāya chārattam mānattam yācim, tassa me saṅgho ekissā āpattiyā sañcetanikāya sukkavissatṭhiyā appaṭicchannāya chārattam mānattam adāsi, soham mānattam carāmi, vedayāmaham, bhante, vedayati” ti mam saṅgho dhāretū” tiadinā (cūlava. aṭṭha. 97) –

Āpattidivasānūrūpaṃ ārocetvā. Imañca pana attham gahetvā (cūlava. aṭṭha. 97) yāya kāyaci bhāsāya ārocetum vaṭṭatiyeva. Ārocitakālo paṭṭhāya ca ekam bhikkhum ṭhapetvā sesehi satī karaṇīye gantumpi vaṭṭati. Arune utṭhite tassa bhikkhussa santike vattam nikkhipitabbam. Sace sopi kenaci kammena pure aruṇeyeva gacchati, aññaṃ vihāro nikkhantam vā āgantukam vā yaṃ paṭhamam passati, tassa santike ārocetvā nikkhipitabbam. Ayañca yasmā ganassa ārocetvā, bhikkhūnañca atthibhāvam sallakkhetvā vasi, tenassa ūne gane caraṇadoso vā vippavāso vā na hoti. Sace pana kañci na passati, vihāram gantvā yaṃ paṭhamam passati, tassa ārocetvā nikkhipitabbam. Tenāha “**tato tesu gatesu vā agatesu vā purimanayena paṭipajjitabba**”nti.

Yattha siyāti yassam samānasamvāsakasīmāyaṃ **vīsatiḡaṇo bhikkhusaṅgho** atthi. **Avhātābboti** abbhānakammavasena pakkositabbo. Abbhānakammam pana kathanti āha “**abbhānakammam panā**”tiādi. **Pālivasenāti** “sunātu me, bhante, saṅgho” tiadinā (cūlava. 101) pālivasena. **Vinicchayavasenaṭi** “abbhantehi ca paṭhamam abbhānāraho kātābbo. Ayañhi nikkhittavattatā pakatattatṭhāne ṭhito, pakatattassa ca abbhānam kāmum na vaṭṭati, tasmā vattam samādapetabbo. Vatte samādinne abbhānāraho hoti. Tenāpi vattam samādiyivā ārocetvā abbhānam yācitabbam. Anikkhittavattassa pana vattasamānakiccam natthi. So hi chārattātikkameneva abbhānāraho hoti” tiadinā (cūlava. aṭṭha. 97) vinicchayavasena. Tam panetaṃ sabbam parivāsādikammam pālivasena (cūlava. 75) ca aṭṭhakathāvasena (cūlava. aṭṭha. 75, 97) ca suviññeyyattā ativithārabhayena na vitthārayimha, atthikehi pana tatova gahetabbam. Imassa pana kammassa vīsativaggakarāṇiyattā tato ūnatarena kataṃ kuppāti. Tenāha “**ekenāpi ce... pe... anabbhito**”ti. **Ayanti** ayaṃ yathāvuttā. **Sāmiṇeti** vattam.

Iti kaṅkhāvitaraṇiyā pātimokkhaṇṇanāya

Vinayathamañjūsāyaṃ līnatthappakāsaniyaṃ

Saṅghādisesavaṇṇanā niṭṭhitā.

Aniyatakaṇḍam

1. Paṭhamaaniyatāsikkhāpadavaṇṇanā

“Mātugāmenā” ti vatvā puna “ekāyā” ti vuttatā “**mātugāmasaṅkhātāya ekāya itthiyā**” ti vuttam. **Rahoti** appakāsam. Appakāsata ca yo anāpattim karoti, tassa apaccakkhabhāvato āha “**cakkhussa raho**” ti. Nanu “raho nāma cakkhussa raho, sotassa raho. Cakkhussa raho nāma na sakkā hoti akkhim vā nikhaniyamāne, bhamukam vā ukkhipiyamāne, sīsam vā ukkhipiyamāne passitum. Sotassa raho nāma na sakkā hoti pakatikathā sotu”nti padabhājanapāliyaṃ sotassa rahoti āgatam, atha kasmā tam avatvā “cakkhussa raho” ti ettakameva vuttanti āha “**kiñcāpi**” tiādi. Iminā pāliyaṃ “sotassa raho” ti idaṃ atthuddhārasena vuttanti dasseti. Atha kathametaṃ viññāyati “cakkhusseva raho idha adhippeto” ti? “Paṭicchanne āsane” ti vacanato “sakkā hoti methunam dhammam paṭisevitu”nti (pārā. 445) ca vuttatā. Tenevāha “**sacepi**” tiādi. “**Pihitakavāṭassā**” ti (sāraththa. fī. 2.444-445) iminā paṭicchannabhāvato cakkhussa rahosabbhāvam dasseti. Apihitakavāṭassa (pārā. aṭṭha. 2.444-445) pana dvāre nisinnā anāpattim karoti, na kevalam apihitakavāṭassa gabbhassa dvāre nisinnā anāpattim karoti, antodvādasahatthe okāse nisinnopīti veditabbo. Tenāha “**yattha pana sakkā daṭṭhu**” tiādi. Yasmā nisīditvā niddāyānto kapimiddhapareto kañci kālam cakkhūni ummīleti, kañci kālam nimīleti, na ca mahāniddam okkamati, tasmā “**niddāyantopi anāpattim karoti**” ti vuttam. Nipajjivā niddāyānto pana tādiso na hotīti āha “**nipajjivā niddāyantopi na karoti**” ti, anāpattim na karotīti attho. Methunassa mātugāmo dutiyo na hoti. Itthiyo hi aññaṃaññissā vajjam paṭicchādeti. Teneva vesāliyaṃ (pārā. 76-77) mahāveṇa dvāram vivarivā nipanne bhikkhumhi sambahulā itthiyo yāvadattham katvā pakkamimsu. Tenāha “**itthīnam pana satampī na karoti**” ti. **Tam kammanti** ajjhācarakammam. Yasmā nisīditvāva nipajjati, tasmā nipajjanampi antokatvā “nisajjam kappeyyā” ti vuttanti dassetum “**ettha cā**” tiādimāha. **Ṭiṇṇam dhammānam aññātarena kāretābboti** nisajjam paṭijānamānassa tinnaṃ dhammānam aññātaramāyogo hotiyevāti vuttam. Pārājikena, pana saṅghādisesena ca pācittiyena ca tenākārena nisajjam paṭijānamānāna kāretābbo. **Na appaṭijānamānoti** nisajjam appaṭijānamāno tinnaṃ dhammānam aññātarena na kāretābbo. Alajjipi hi paṭijānamānāna āpattiyā kāretābbo. Yāva na paṭijānāti, tāva “neva suddho” ti vā “na asuddho” ti vā vattābbo, vattānusandhinā pana kāretābboti. Vuttañhetam –

“Patiññā lajjīsu katā, alajjīsu evam na vijjati;
Bahumpi alajjī bhāseyya, vattānusandhitena kāraye” ti. (pari. 359);

Na kevalam tinnaṃ dhammānam aññātarena codanāyameva evam paṭiññāya kāretābbo, atha kho nisajjādinā ākārena saddhim codanāyapīti dassetum “**yena vā sā saddheyyavacassā upāsikā vadeyya, tena so bhikkhu kāretābbo**” ti vuttam. Tenevāha “**nisajjādisu ākāresū**” tiādi. Ettha ca “paṭijānamāno” ti avutpeti adhikāratā “**paṭijānamānāna tena so bhikkhu kāretābbo**” ti vuttam. Tathārūpāya (sāraththa. fī. 2.444-445) upāsikāya vacane aññathattābhāvato **diṭṭham nāma tathāpi hoti, aññathāpi hotīti** dassane aññathattasambhavam dasseti. Anekamsikatāya na niyatoti **aniyato**. Tenāha “**ṭiṇṇam āpattina**” tiādi.

Rahonisajjassādena mātugāmassa santikam gantukāmo akkhim añjeti, dukkaṭam. Nivāsānam nivāseti, kāyabandhanam bandhati, cīvaram pārupati, sabbattha payoge payoge dukkatam. Gacchati, padavāre padavāre dukkatam. Gantvāna nisīdati, dukkathameva. Tenāha “**methunadhammasannissitakilesasaṅkhātenā**” tiādi. Ettha ca rahonisajjassādasassa asatīpi methunāragabhāve tappaṭibaddhakilesatā vuttam “**methunadhammasannissitakilesasaṅkhātenā**” ti. Teneva **sannissitaggaṇam** katam. **Rahassādenāti** “itthānāmāya saddhim raho nisīditvā hasitalapitādikam kareyya”nti uppannaassādhātu. **Nisajjāya pācittiyam** asati upacāragate nipajjivā aniddāyante anandhe viññapuriseti adhīpato. Sace sī itthi kenaci karaṇīyena utṭhāyutṭhāya punappunam nisīdati, nisajjāya nisajjāya pācittiyam. Yaṃ sandhāya gato, sā na diṭṭhā, aññā āgantvā nisīdati, assāde upanne pācittiyam. Sace sambahulā āgacchati, mātugāmaganāyā pācittiyam. Sace utṭhāyutṭhāya punappunam nisīdati, nisajjāganāyāpi pācittiyāni. Aniyamētvā “diṭṭhādīṭṭhāya saddhim rahassādam kappissāmi” ti gantvā nisinnassāpi āgatāgatānam vasena, punappunam nisajjāya vasena ca vuttanayeneva āpattiyō veditābbā. **Vuttappakāre puriseti** anandhe viññapurise. **Upacāragate satīti** dvādasahattābhantaragate sati. Sace suddhacittena gantvā nisinnassa santikam āgantvā nisinnāya itthiyā rahassādo uppajjati, evampi anāpatti.

Paṭhamaaniyatāsikkhāpadavaṇṇanā niṭṭhitā.

2. Dutīyaaniyatāsikkhāpadavaṇṇanā

Naheva kho pana paṭicchannanti ettha pana yampi bahi parikkhittam anto vivaṭṭam pariveṇaṅgaṇādi, tampi antogadhanti veditābham. “Evarūpāñhi ṭhānam appaṭicchanneveva gahita”nti **mahāpaccariyam** (pārā. aṭṭha. 2.453) vuttam. **Saṅghādisesena vāti** kāyasamsaggadutṭhullobhāsanasāṅkhātena saṅghādisesena vā. Teneva hi padabhājanā “sā ce evam vadeyya ‘ayo, mayā diṭṭho nisinnā mātugāmena saddhim kāyasamsaggam samāpajjanto” tiādi (pārā. 455) vuttam. Idaṃ sikkhāpadam dutṭhullavācāvasena āgatam. Dutṭhullavācāna sutvā tam mātugāmo pi na paṭicchādeti. Tathā hi dutṭhullavācāsikkhāpade (pārā. 283 ādayo) yā pana tā itthiyo hirimanā, tā nikkhamitvā bhikkhū ujjhapesum, tasmā idha itthipi anāpattim karotīti āha “**itthipi**” ti. Atha vā idha appaṭicchannatā itthipi anāpattim karoti, paṭhame pana paṭicchannatā itthiṣatampī anāpattim na karotīti evamētha attho daṭṭhabbo. **Anandho abadhīroti** ettha kāyasamsaggavasena anandho vutto, dutṭhullavācāvasena abadhīro.

Samuṭṭhānādisu idaṃ sikkhāpadam tisamuṭṭhānam – kāyacittato vācācittato kāyavācācittato samuṭṭhāti, kiriyam, saññāvimokkham, sacittakam, lokavajjam, kāyakammam, vacāikkammam, akusalacittam, sukhamajjhāttavedanāhi dvivedanam. Tenāha “**samuṭṭhānādisu panettha adinnādānasadisānevā**” ti. Ettha ca kāyasamsaggam samāpajjanto dutṭhullampi bhanati, dutṭhullam bhananto nisīdati cāti “**kāyavācācittato ca samuṭṭhāti**” ti vuttam, dutṭhullameva vā sandhāya vuttanti gahetābham.

Dutīyaaniyatāsikkhāpadavaṇṇanā niṭṭhitā.

“Aniyatuddeso cāyam diṭṭhādisamūlakacodanāya vatthum paṭijānamānāna āpattiyā kāretābbo, na itaroti āpattiropanāropanalakkhaṇadassanattam vutto” ti vadanti.

Iti kañkhāvitaraṇiyā pātīmokkhavaṇṇanāya

Vinayatthamañjūsāyaṃ līnatthappakāsaniyaṃ

Aniyatavaṇṇanā niṭṭhita.

Nissaggiyaṇḍaṃ

1. Civaravaggo

1. Kathinasikkhāpadavaṇṇanā

Niṭṭhitacivarasminti (pārā. aṭṭha. 2.462-463) niṭṭhitaṅca taṃ cīvaraṇcāti niṭṭhitacīvaraṃ, niṭṭhite ānisamsamūlake cīvare, paccāsācīvare cāti attho. Yasmā pana taṃ cīvaraṃ karaṇeṇa niṭṭhitam hoti nāsanādhipi, tasmā **“sūcikkammapariyosāna vā”**tiādi vuttam. Tattha yaṃ kiñci sūciyā kattabbaṃ pāsakapaṭṭaṅgathikapaṭṭapariyosānakammaṃ, taṃ sūcikkammapariyosānaṃ nāma, tena. **Naṭṭhanti** corādhipi haṭam. Etampi hi karaṇapalibodhassa niṭṭhitattā **“niṭṭhita”**nti vuccati. **Vinaṭṭhanti** upacikādhipi khāditaṃ. **Daḍḍhanti** agginā daḍḍham. **Civarāsā vā upacchinnti** **“asukasmim nāma kule cīvaraṃ labhissām”**ti yā cīvarāsā uppannā hoti, sā upacchinā. Etesampi karaṇapalibodhasseva niṭṭhitattā niṭṭhitabhāvo veditabbo. Tenāha **“imesu vā”**tiādi. Etena cīvarapalibodhābhāvo vutto. Tenāha **“civarassa karaṇapalibodhe upacchinneti attho”**ti. Kathametaṃ viññāyaṭī āha **“atthatakathinassa hi”**tiādi. Pañcānisamse aññattha gantūṃ adatvā saṅganhaṇatthena **kathinaṃ**, thiranti attho, atthataṃ kathinaṃ yena so **atthatakathino**, tassa atthatakathinassa. **Hīti** kāraṇatthe nipāto. **Tāva kathinānisamsam labhātī** ettha yo atthatakathino bhikkhūti ajjhāharitabbam, tāva so atthatakathino bhikkhūti veditabbo, anāmantacārādikam kathinānisamsam labhātī attho. **“Atthatakathinassa bhikkhuno”**ti idaṃ vā **“atthatakathino bhikkhū”**ti vibhattivipariṇāmaṃ katvā yojetabbam. Idaṃ vuttam hoti – cīvarapalibodho āvāsapalibodhoti dve palibodhā. Tesu ekapalibodhepi sati yasmā anāmantacārādikam ānisamsam labhati, nāsati. Kasmā? **“Niṭṭhitacivarasmi”**nti etassa cīvarassa karaṇapalibodhe upacchinneti ayamatto viññāyaṭī. **Saṅghassati** saṅghena. Kattari cetam sāmivacanam. **Ubbhateti** aṭṭhanam mātikānāmaññatarena, antarubbhārena vā uddhate.

Tatrāti tasmim kathine. **Ubbhāro** uddharanam. Purimavassamvuttṭhe timsamatte pāveyyake bhikkhū uddissa **“anujānāmi, bhikkhave, vassamvuttṭhānam bhikkhūnam kathinaṃ attharitu”**nti kathinakkhandhake (mahāva. 306) bhagavatā kathinassa anuññatattā **“ayañhi kathinatthāro nāma...pe... anuññāto”**ti vuttam. Tattha **purimavassamvuttṭhānam**ti vassacchedam akatvā purimavassamvuttṭhānamti attho. Etena vuttṭhavassavasena tāva purimikāya vassam upagatāyeva kathinatthāram labhanti, na pacchimikāya upagatāti dasseti. Vuttṭhavassavasena tāva evam hotu, ganavasena taṃ kiṭṭakā labhanti āha **“so”**tiādi. **Soti** kathinatthāro. **Sabbantimena paricchedenāti** ganavasena pacchimakotiya. **Pañcannam janānam vaṭṭatī** pacchimakotiya cattāro kathinadussassa dāyakā, eko paṭiggāhakoti pañcannam janānam vaṭṭati. Keci pana **“pañcavaggakaraṇiyattā”**pañcannam janānam vaṭṭatīti vutta”nti vadanti, taṃ tesam matimattam **“tatra, bhikkhave, yvāyaṃ catuvaggo bhikkhusaṅgho ṭhapetvā tñi kammāni upasampadam pavāraṇam abbhāna”**nti campeyyakkhandhake (mahāva. 388) vuttattā. **Tasmāti** yasmā vuttṭhavassavasena purimavassamvuttṭhānam anaññāto, yasmā ca sabbantimena paricchedena pañcannam janānam vaṭṭati, tasmā. **Yatthāti** yasmim vihāre. **Ānisamseti** anāmantacārādi ke kathinānisamsam. Atha pana cattāro bhikkhū vassam upagatā, eko paripunnavasso sāmaṇero sace pacchimikāya upasampajjati, ganapūroko ceva hoti, ānisamsaṅka labhati. Tayo bhikkhū, dve sāmaṇerā, dve bhikkhū, tayo sāmaṇerā, eko bhikkhū, cattāro sāmaṇerāti etthāpi ese va nayo.

Khandhake vuttāya ñattidutiyaṅgamavācāyāti –

“Suṇātu me, bhante, saṅgho, idaṃ saṅghassa kathinadussam uppannam. Yadi saṅghassa pattakallam, saṅgho imaṃ kathinadussam itthannāmassa bhikkhuno dadeyya kathinaṃ attharituṃ, eṣā ñatti. Suṇātu me, bhante, saṅgho, idaṃ saṅghassa kathinadussam uppannam, saṅgho imaṃ kathinadussam itthannāmassa bhikkhuno deti kathinaṃ attharituṃ. Yassāyasmato khamati imassa kathinadussassa itthannāmassa bhikkhuno dānam kathinaṃ attharituṃ, so tuṅhassa. Yassa nakkhamati, so bhāseyya. Dinnam idaṃ saṅghena kathinadussam itthannāmassa bhikkhuno kathinaṃ attharituṃ, khamati saṅghassa, tasmā tuñhi, evametaṃ dhārayāmi”ti (mahāva. 307) –

Evam kathinakkhandhake vuttāya ñattidutiyaṅgamavācāya. **Kathinatthārahassati** kathinaṃ attharituṃ bhābassa. So ca kho pubbakaraṇajānanādhipi aṭṭhahi aṅgehi samannāgoti veditabbo. Vuttañhetam **vinayavinicchaye** **“aṭṭhadhammakovido bhikkhu, kathinatthāramarahat”**ti. **Parivārepi** (pari. 409) vuttam –

“Aṭṭhahaṅgehi samannāgato puggalo bhābbo kathinaṃ attharituṃ. Katamehi aṭṭhahaṅgehi samannāgato puggalo bhābbo kathinaṃ attharituṃ? Pubbakaraṇam jānāti, paccuddhāram jānāti, adhiṭṭhānam jānāti, atthāram jānāti, mātikam jānāti, palibodham jānāti, uddhāram jānāti, ānisamsam jānāti, imehi aṭṭhahaṅgehi samannāgato puggalo bhābbo kathinaṃ attharitu”nti.

Ettha ca **pubbakaraṇam** nāma dhovanavicāraṇacchedanabandhanasibbanarajanakappakaraṇam. **Paccuddhāro** nāma purāṇasaṅghātiādinam paccuddhāraṇam. **Adhiṭṭhānam** nāma kathinacīvarādhiṭṭhānam. **Atthāro** nāma kathinatthāro. **Mātikā** nāma aṭṭha mātikā. **Palibodho nāma** āvāsapalibodho cīvarapalibodhoti dve palibodhā. **Uddhāro** nāma pakkamanantikādayo. **Ānisamsa** nāma pañcānisamsa.

Yaṃ pana **samantapāsādikāyaṃ** (mahāva. aṭṭha. 306) vuttam **“kathinaṃ pana kena attharitabbam? Yassa saṅgho kathinacīvaraṃ deti, saṅghena pana kassa dātābham? Yo jinñacīvaro hoti, sace bahū jinñacīvarā honti, vuddhassa dātābham. Vuddhesupi yo mahāpariso tadaheva cīvaraṃ katvā attharituṃ sakkoti, tassa dātābham. Sace vuddho na sakkoti, navakataro sakkoti, tassa dātābham. Apica saṅghena mahātherassa saṅgham kātūṃ vaṭṭati, tasmā ‘tumhe, bhante, gaṇhatha, mayam katvā dassāma’ti vattābba”**nti, tampi kathinatthārahāmyeva gahetvā dātābham. Dentena pana tisu cīvarasu yaṃ yaṃ jinñam hoti, taṃ tadatthāya dātābham. Pakatiyā dupaṭṭacīvarassa dupaṭṭatthāyeva dātābham. Sacepissa ekapaṭṭacīvaraṃ ghaṇam hoti, kathinasāṭako ca pelavo, sārūpatthāya dupaṭṭapphonakameva dātābham. **“Aham alabhanto ekapaṭṭam pārupāmi”**ti vadantassāpi dupaṭṭam dātūṃ vaṭṭati. Yo pana lobhapakatiko hoti, tassa na dātābham. Tenāpi kathinaṃ attharitvā pacchā sibbetvā **“dve cīvarāni karissāmi”**ti na gahetabbam.

Tenāti kathinatthārahakena bhikkhunā. **Tadahevāti** tasmimyeva divase. **Pañca vā atirekāni vā khaṇḍāni chinditvāti** yathā pañcakhāṇḍikādinam saṅghātiādinam tinṇam cīvarānam aññatarappahonakāni mahāmaṇḍalaadḍhamāṇḍalādivasena pañca khaṇḍāni vā atirekāni vā sattādikhaṇḍāni honti, evam chinditvā. Tasmīṅca kathinacīvare kariyamāne **“aham thero”**ti vā **“bahussuto”**ti vā ekenāpi akātūṃ na labbhati. Anādariyena akarontassa dukkaṭam. Tasmā sabbeheva sannipatitvā dhovanachedanasibbanarajanāni niṭṭhāpetābbāni. Tenāha **“sesabhikkhūhipi tassa sahāyehi bhavitābba”**nti. **Katacīvaramevāti** niṭṭhitaparikkammaeva kathinadussam. Sabbantimena paricchedena antaravāsakopi chinditvāya kātābbo aññatthā atthāravipattito. Yathāha –

“Kathaṅca pana, bhikkhave, anattatam hoti kathinaṃ? Na ullikhitamattena atthataṃ hoti kathinaṃ...pe... na aññatra pañcakena vā atirekapañcakena vā tadaheva sañchinnenā”ti (mahāva. 308).

Tenevāha **“acchinnāsibbitam pana na vaṭṭati”**ti. **Tena bhikkhunāti** atthārahakena bhikkhunā. **Attharitabbanti** attharaṇam kātābham. Taṅca kho tathāvacībhedakaraṇamevāti dātṭhabbam. Yathāha –

“Sace saṅghātiyā kathinaṃ attharitukāmo hoti, porāṇikā saṅghāti paccuddharitābbā, navā saṅghāti adhiṭṭhātābbā, ‘imāya saṅghātiyā kathinaṃ attharāmi’ti vācā bhinditābbā”ti (pari. 413) –

Vitthāro. **“Bhante, āvuso”**ti ca **“anumodatha, anumodāhi”**ti ca vacanabhedam sandhāya **“therānañcā”**tiādi vuttam.

Evam atthārahakena paṭipajjitabaviddhim dassetvā idāni anumodakehi paṭipajjitabaviddhim dassetum **“tehip”**tiādi vuttam. **“Anumodāma”**ti attanāva attani gāravavasena vuttam. Kiñcāpi evam vuttam, tathāpi ekakena **“anumodāma”**ti vuttam na vaṭṭati, **“anumodāmi”**ceva vattābanti vadanti, vīmaṃsitvā gahetabbam. Idāni kathinānisamsam dassetum bhūmim vicārayanto **“purimavassamvuttṭhesupī”**tiādimāha. Tattha **tesamyevāti** atthārahakaanumodakāmyeva. Vuttañhetam **parivāre** **“dvinnaṃ puggalānam atthataṃ hoti kathinaṃ atthārahassa ca anumodakassa cā”**ti (pari. 403). **Teti** atthārahakaanumodakā. **Tato paṭṭhāyāti** atthārahakaanumodanato paṭṭhāya. **Yāva kathinassubbhārāti** na kevalam cīvaramāseyyeva, atha kho aṭṭhanam mātikānam aññatarena vā antarubbhārena vā yāva kathinassubbhārā pañcānisamsam labhanti, uddhate

pana na labhantī attho.

Idāni te pañcānīsamse sarūpato dassetuṃ “**anāmantacāro**”tiādimāha. Tattha **anāmantacāro** nāma pañcannaṃ bhojanānaṃ aññātarena nīmantitassa santāṃ bhikkhūnaṃ anāpucchā kulesu cāritāpajānaṃ. **Asamādānacāro** nāma nāmenādhiṭṭhitassa cīvarassa asamādānacāraṇaṃ, nāmenādhiṭṭhitānaṃ tiṇṇaṃ cīvarānaṃaññātaṃ cīvaraṃ yattha katthaci nikkhipitvā aññattha aruṇuṭṭhāpananti attho, cīvaravippavāsoti vuttam hoti. **Yāvadatthacīvaranti** yāvata cīvarena attho hoti, tāvatakam anadhiṭṭhitam avikappitaṃ cīvaradhāraṇaṃ, dasāhamatikkaṃmitvā cīvarassa ṭhapananti attho. Gaṇassa bhojanaṃ **gaṇabhojanaṃ**. **Gaṇoti** cettha cattāro vā tatuttari vā bhikkhū. Tesam viññattito vā nīmantanato vā laddhassa odanādināṃ pañcannaṃ aññātarabhojanassa saha gahaṇanti attho. **Yo ca tattha cīvaruppādoti** tattha kathinatthasīmāya matakacīvaraṃ vā hotu, saṅghaṃ uddissa dinnam vā saṅghikena tatrūppādena ābhatam vā yena kenaci ākārena yaṃ saṅghikaṃ cīvaraṃ uppajjati, tam tesam bhavissatī attho. Tenāha “**tasmīṃ āvāse saṅghassa uppannacīvaraṇācā**”ti.

“Yaṃ pana tattha saṅghassa uppannaṃ pattādi vā aññam bhaṇḍam vā, tam sabbesam pāpuṇāti. Yaṃ pana tatrūppādena taṇḍulādinā vattham cetāpitaṃ, atthakathinānameva tāni vatthāni pāpuṇanti. Vatthehi pana taṇḍulādisu cetāpitesu sabbesam tāni pāpuṇanti”ti **gaṇṭhipade** vuttam, tampi cetāpitakālo patthāya cīvaruppādo na hoṭṭi svuttanti daṭṭhabbam. Anattakathinā pana imesu pañcasu ānīsamse cīvaramāse asamādānacāraṃ ṭhāpetvā sesānīsamse labhanti. Yadi asamādānacāropi labbheyya, pāveyyakā bhikkhū vassamvuṭṭhā okapuṇehi cīvarehi na bhagavantaṃ upasaṅkameyyum. Yasmā tam na labbhāti, tasmā cīvaramāsepi cīvaraṃ samādāya eva bhagavantaṃ upasaṅkamimsu.

Evam kathinatthāraṃ dassetvā idāni ubbhāraṃ dassento “**taṃ panetaṃ kathina**”tiādimāha. Tattha **mātikā**ti māro, janettiyoti attho. Kathinubbhāraṇi etā aṭṭha janenti. Tāsu pakkamaṇaṃ anto etissāti **pakkamanantikā**. Evam sesāpi veditabbā. Tattha yo bhikkhu atthakathino kathinacīvaraṃ ādāya tasmīṃ āvāse nirapekkho “na paccassa”nti pakkamati, tassevaṃ pakkamato kathinuddhāro atikkantamattāya sīmāya hoṭṭi **pakkamanantiko kathinuddhāro**ti veditabbo.

Yo pana ānīsamcīvaraṃ ādāya pakkamati, tassa bahisīmāgatassa evam hoti “idhevimaṃ karissāmi, na puna tam vihāraṃ gacchissāmi”ti tasmīṃ āvāse nirapekkho hutvā tam cīvaraṃ kāreti, tassa bhikkhuno **niṭṭhānantiko kathinuddhāro**.

Yadi pana ānīsamcīvaraṃ ādāya bahisīmāgato “nevimaṃ cīvaraṃ karissāmi, na ca tam āvāsam gacchissāmi”ti sannīṭṭhānaṃ karoti, tadā **sannīṭṭhānantiko kathinuddhāro**.

Tadeva ānīsamcīvaraṃ laddhā tam ādāya bahisīmāṃ gantvā “idhevimaṃ cīvaraṃ karissāmi, na gacchissāmi”ti karontassa sace tam cīvaraṃ nassati vinassati ḍayhati, **nāsanantiko kathinuddhāro** hoti.

Sace pana ānīsamcīvaraṃ laddhā tasmīṃ vihāre sāpekkhova bahisīmāgato “vihāre bhikkhūhi antarubbhāraṃ kata”nti suṇāti, tassa **savanantiko kathinuddhāro** hoti.

Āsāya avacchedo etissāti **āsāvachedikā**. Yo pana yena kenaci “tuyham cīvaraṃ dassāmi”ti vutto tasmīṃ cīvare āsāya vihāre apekkham pahāya bahisīmāgato puna tena “na sakkomi dātu”nti vutte āsaṃ chindati, tassa **āsāvachediko kathinuddhāro** hoti.

Yo pana vassamvuṭṭhavihāro aññam vihāraṃ sāpekkhova gantvā āgacchanta antarāmaggeyyeva kathinuddhāraṃ vītināmeti, tassa **simātikamanantiko kathinuddhāro**.

Saha ubbhārenāti **sahubbhāra**. Ānīsamcīvaraṃ ādāya sāpekkhova bahi gantvā kathinuddhāraṃ sambhuṇantaṃ **kathinuddhāro sahubbhāro**ti veditabbo.

“Etasmīṃ pana pakkamanantike kathinuddhāre paṭhamam cīvarapalibodho chijjati”tiādinā cīvarapalibodhupacchedādikassa vinicchayassa vitthāro **samantapāsādikāyaṃ** (mahāva. attha. 311) vuttatā 8 “**tattha vitthāravnicchayo**”tiādimāha. Atthārubbhāraṇāmyeva vā vitthāravnicchayassa tatthāgatattā evam vuttanti daṭṭhabbam. **Sesapalibodhābhāvanti** avasesassa palibodhassa abhāvaṃ, āvāsapalibodhābhāvanti attho.

Assāti kālassa. **Dasāhaparamanti** accantasamyoge upayogavacananti āha “**taṃ dasāhaparamaṃ kāla**”nti. **Atirekanti** adhikam, so ca adhikabhāvo adhiṭṭhitavikappitacīvaratoti āha “**adhiṭṭhitavikappitesu**”tiādi. **Khomanti** (pārā. attha. 2.636-638) khomasuttehi vāyitaṃ khomapaṭṭacīvaraṃ. Tathā sesāni. **Kambalaṃ** nāma manussalomalavāloṃ ṭhāpetvā sesalomehi vāyitvā katavattham. **Sāpaṃ** nāma sānavākehi katavattham. **Bhaṅgaṃ** nāma khomasuttādīhi pañcahi missetvā katavattham. “Pātekkam vākamayamevā”ti pi vadanti. **Tadanulomānaṃ** vāti dukūlam pattuṇṇam somārapaṭṭam cīnapaṭṭam iddhijam devadinnanti tesam khomādināmyeva anulomānaṃ channaṃ cīvarānaṃ vā, tattha **dukūlam** sānassa anulomāṃ vākamayattā. Pattuṇṇadesa pānakehi sañjāvattham **pattuṇṇam**. Somāradese jātam vattham **somārapaṭṭam**. Tathā **cīnapaṭṭam**. Imāni tīnīpi koseyyassa anulomāni pānakehi katasuttamayattā. **Iddhijam** ehibhikkhūnaṃ puññiddhiyā nibbattacīvaraṃ. Tam pana khomādināmaññātaṃ hoṭṭi tesamyeva anulomam. Devehi dinnam cīvaraṃ **devadinnam**, tam kapparukke nibbattam jāliniyā devakaññāya anuruddhattherassa dinnavatthasādisam, tampi khomādināmyeva anulomam hoti tesu aññātarabhāvato.

Dīghato vaddhakihatthappamānaṃ, vitthāro tato upaddhappamānaṃ **vikappanupagaṃ pacchimaṃ**. **Aṭṭhaṅgulaṃ sugataṅgulenā**ti ettha **sugataṅgulaṃ** nāma idāni majjihimassa purimassa tīni aṅgulāni, tena sugataṅgulaṃ aṭṭhaṅgulaṃ vaddhakihatthappamānanti attho. **Caturaṅgulavitthanti** etthāpi yathāvuttānusāreṇeva attho veditabbo. Yesam pana adhiṭṭhānavikappānaṃ abhāvato adhiṭṭhitavikappitesu apariyāpannattā idaṃ atirekacīvaraṃ nāma hoti.

Tam adhiṭṭhānavikappānaṃ kenākārena jānitabbanti anuyogaṃ sandhāya tam dassetuṃ “**yaṃ pana vutta**”tiādi āradham. Tattha **yaṃ pana vuttanti** atirekacīvaraṃ dassetuṃ “adhiṭṭhitavikappitesu apariyāpannattā”ti ambehi yaṃ vuttanti attho. **Ticīvaraṃ adhiṭṭhātunti** nāmam vatvā adhiṭṭhātum. **Na vikappetunti** saṅghāṭṭādināmena vikappetum na anujānānti attho. “Imam cīvaraṃ vikappemi”ti pana vikappetum vaṭṭatiyeva. Sāmaññavācānaṃ pana ticīvarassa kaṇḍupaṭṭicchādivassikasāṭṭikānaṃ vīya kālavasena visesābhāvā cassa vikappetabbatīti dassantam, na pana sabbathā vikappanapaṭṭisadhanatthanti daṭṭhabbam. Tathā hi purānacīvaraṃ paccuddharitvā navassa adhiṭṭhānavācānato, “anāpatti adhiṭṭheti vikappeti”tiādivācānato (pārā. 469) ca ticīvarassapi vikappānāya okāso dinno. Esa nayo sabbattha. Ticīvarādīni hi adhiṭṭhahantena “imam saṅghāṭṭim adhiṭṭhāmi”tiādinā tam tam nāmam vatvā adhiṭṭhātabbam. Vikappentena pana “imam saṅghāṭṭim”tiādinā tassa tassa cīvarassa nāmam agghetvā “imam cīvaraṃ tuyham vikappemi”ti vikappetabbam. Ticīvaraṃ vā hotu, aññam vā, yadi tam tam nāmam gahetvā vikappeti, avikappitaṃ hoti, atirekacīvaratthāneyyeva tiṭṭhati. **Tato paraṃ vikappetunti** catumāsato paraṃ “imam cīvaraṃ vikappemi”ti vikappetum. Idañca paribhuñjītuṃ anuññātam. Keci pana (sārattha. f. 2.469) “tato paraṃ vikappetvā yāva āgāmisamvacchare vassānaṃ catumāsam, tāva ṭhāpetum anuññātā”nti vadanti. **Tato paranti** ābādhatto paraṃ. “Imāsañca pana vassikasāṭṭikakaṇḍupaṭṭicchādīnaṃ tato paraṃ vikappetvā paribhogassa anuññātattā tathāvikappitaṃ aññānāmena adhiṭṭhahitvā paribhuñjītabbā”nti **gaṇṭhipadesu** vuttam. **Adhiṭṭhātabbavikappetabbā jānitabbā**ti adhiṭṭhātabbam vikappetabbanti evam adhiṭṭhānavikappānaṃ jānitabbāti attho.

Pañcaparimānaṃ assāti **pañcakam**, muṭṭhissa muṭṭhihatthassa sambandham pañcakam **muṭṭhipañcakam**. Esa na yo **muṭṭhittikanti** etthāpi. Pārupanepi sakkā nābhīm paṭṭicchedentūti āha “**dvihatthopi vaṭṭati**”ti. Na kevaḷam adḍhatteyyova vaṭṭati, aṭṭha kho dvihatthopi vaṭṭatīti pi-saddassa attho daṭṭhabbo. **Atirekañcā**ti sugatacīvarappamānampi tato adhikampi. **Paccuddharāmi**ti ṭhāpemi, pariccajāmi vā attho. “Imam cīvaraṃ saṅghāṭṭim adhiṭṭhāmi”ti (sārattha. f. 2.469) evampi vattum vaṭṭati. **Kāyavikāraṃ karontenā**ti hatthādinā cīvaraṃ parāmasantena, cālentena vā. Idañhi adhiṭṭhānaṃ yena kenaci sarīravāyavena aphasantassa na vaṭṭati. **Duvidhanti** sammukhāparammukhabhedena duvidham. **Vācā bhinditabbā**ti vacanaṃ nicchāretabbam. **Antogabbhādisūti** antogabbhauparipāsādesu. **Sāmantavīhā**reti yattha tadaheva gantvā nivattetum sakkā, evārupe samīpavīhāre. Idañca desanāsāmatam, tasmā dūre ṭhāpemi adhiṭṭhātabbanti vadanti. “**Ṭhāpitatthānaṃ sallaṅkhetvā**”ti iminā cīvarasamakkhaṇaṃ vuttam. Na hi ṭhāpitatthānamattasallakkhaṇena kiñci payojanaṃ atthi.

Adhiṭṭhahitvā ṭhāpitavatthēhīti paccattharaṇamukhapuñchanācōlāparikkhāraçolavasena adhiṭṭhahitvā ṭhāpitavatthēhi. Adhiṭṭhānato pubbe saṅghāṭṭivohāressa abhāvato “**imam paccuddharāmi**”ti paccattharaṇādināṃ visum paccuddharanavīdhiṃ dasseti. Paccattharaṇādināmena pana adhiṭṭhātabbatā “imam paccattharaṇam paccuddharāmi”tiādinā vuttepi nevattīti doṣo. **Puna adhiṭṭhātabbāni**ti saṅghāṭṭiadināmena adhiṭṭhātabbāni. Parikkhāraçolakassa pana parikkhāraçolavasena adhiṭṭhahitvā ṭhāpitavatthēhi saṅghāṭṭiadinā kate paccuddharitvā puna adhiṭṭhātabbanti natthi. Pubbe katādhīṭṭhānaṃeva adhiṭṭhānaṃ. Adhiṭṭhānaṃ pana tena sādhiṃ mahantatāraṃeva dutiyaṃ paṭṭam vā khaṇḍam vā saṃsibbantaṃ adhiṭṭhātabbam, same vā khuddake vā adhiṭṭhānakkiccam natthi. **Sukhaparibhogatthanti** vippavāsadosābhāvato yattha katthaci ṭhāpetvā dhammassavaṇādinā kiccena aññattha aruṇam uṭṭhāpetvā āgantvā nissajjanaṃ vināva paribhuñjītuṃ sakkuneyyatāya sukhaparibhogattham. **Parikkhāraçolaṃ adhiṭṭhātunti** parikkhāraçolaṃ katvā adhiṭṭhātum.

Anatirittapamānāti “dīghaso cha vidatthiyo sugatavidatthiyā, tiriyaṃ adhdhateyyā”ti (pāci. 543) vuttappamānato anadhikapamānā. **Paccuddharitvā vikappetabbāti** vassikasātikabhāvato apanetvā vikappetabbā, hemantassa paṭhamadivāsato paṭṭhāya antodasāhe vassikasātikāvassikasātikabhāvato apanetvā “imam cīvaram tuyham vikappemi”tiādinaṃ nayena vikappetabbāti vuttam hoti. Aññathā hi “vassikasātikā vassānamāsātikakamenāpi, kaṇḍupaṭicchādī ābādhavūpasamenāpi adhiṭṭhānam vjahaṭṭi”ti (kaṅkhā. aṭṭha. kathinasikkhāpadavaṇṇanā) vakkhamānattā vassānamāsato paraṃ asati adhiṭṭhāne kiṃ paccuddhareyyāti “paccuddharitvā”ti vacanameva nopapajjeyya.

Keci pana (sārattha. ṭi. 2.469) “yathā kathinamāsābhantare uppanna cīvaram kathinamāsātikakame nissaggiyaṃ hoti, evamayam vassikasātikāpi vassānamāsātikakame nissaggiyā hoti. Tasmā kattikapunnamadivase paccuddharitvā tato paraṃ hemantassa paṭhamadivase vikappetabbāti evamatho gahetabbo, paccuddharitvā tato paraṃ vikappetabbāti padayojanā veditabbā”ti ca vadanti, taṃ na yuttam. Kathinamāse uppannañhi cīvaram atirekacīvaratṭhāne ṭhitattā avasānadivase anadhiṭṭhitam kathinamāsātikakame nissaggiyaṃ hoti. Ayaṃ pana vassikasātikā adhiṭṭhahitvā ṭhapitattā na tena sadisāti vassānatikakame katham nissaggiyaṃ hoti anadhiṭṭhāavikkappitameva hi taṃ kālātikakame nissaggiyaṃ hoti, tasmā hemantepe vassikasātikā dasāhāparihāram labhati. Evam kaṇḍupaṭicchādipi adhiṭṭhānavijahanato paraṃ dasāhāparihāram labhati. Dasāham pana anatikāmetvā vikappetabbā. Nahānathāya anuññatattā **vaṇṇabhedamattarattāpi cesā vaṭṭatīti** vuttam. “**Dve pana na vaṭṭanti**”ti dvinnam adhiṭṭhānabhāvato vuttam. “Sace vassāne aparā vassikasātikā uppānā hoti, purimavassikasātikam paccuddharitvā, vikappetvā ca adhiṭṭhātābbā”ti vadanti.

Pamāṇayuttanti “dīghaso sugatavidatthiyā dve vidatthiyo, vitthāroto diyaḍḍham dasā vidatthi”ti (pāci. 531 ādayo) iminā pamāṇena yuttam. **Pamāṇikāti** “sugatavidatthiyā dīghaso catasso vidatthiyo, tiriyaṃ dve vidatthiyo”ti evam vuttappamāṇayuttā. **Paccuddharitvā vikappetabbāti** ettha yaṃ vattabbam, taṃ heṭṭhā vuttameva. Yasmā bhikkhūnaṃ ticīvare pariṇuṇṇe, atthe ca satī parissāvanādhi “anuññāmi, bhikkhave, parikkhāracolaka”nti (mahāva. 357) bahūnaṃ pattatthavikapariṣāvanādīnaṃ saṅghavāsena parikkhāracolādhiṭṭhānamanuññatam, tasmā “**parikkhāraṇe gāṇanā natthi**”tiādī vuttam. Bhagavatā hi yaṃ yaṃ bhikkhū labhanti, taṃ taṃ iminā vidhānena adhiṭṭhahitvā puna “yena yena parissāvanādinaṃ attho hoti, taṃ taṃ katvā gāṇantū”ti anukampāya anuññatam. Tenevāha “**thavikāpi**”tiādī. **Ādisaddena** “etāni cīvarāni parikkhāracolāni adhiṭṭhāmi”ti asammukhādhiṭṭhānam saṅgaṇhāti. “**Senāsanaparikkhāratthāya dinnapaccattharaṇe ca**”ti iminā attano santakam paṭikkhipati. Keci pana (sārattha. ṭi. 2.469) “anivāsetvā, apārupitvā ca kevalam pañcapīṭhesuyeva attharitvā paribhuñjijyamānam paccattharaṇam attano santakampi anadhiṭṭhitam vaṭṭati”ti vadanti, taṃ ayuttam senāsanaparikkhāratthāya dinna”nti paccattharaṇassa visesitattā. Bhisibbhoṇanapāvāraḷakavāṇampi senāsanaparikkhāratoyeva adhiṭṭhānikkiccam natthīti veditabbam.

Adhiṭṭhānaṃ panetaṃ cīvaram paribhuñjato katham adhiṭṭhānam vjahaṭṭi āha “**sabbañca paneta**”ntiādī. Tattha **acchinditvā gahaṇenāti** corādīhi acchinditvā gahaṇena. **Hināyāvattanenāti** gihbhāvāya āvattanena, vibbhānenāti attho, “silavanto va hutvā gihī bhavissāmi”ti setavathanivāsānenāti vuttam hoti. “Antimavatthum ajjhāpanassa setavathanivāso vā kāsāyavajjanam vā hināyāvattana”nti keci. “Hināyāvattanena”ti iminā bhikkhuniyā eva adhiṭṭhānavijahanam gahitam hoti. Sā hi yadā vibbhānati, tadā assamañi hoti. Bhikkhu pana vibbhānantopi yāva sikkham na paccakkhāti, tāva bhikkhuyevāti adhiṭṭhānam na vjahaṭṭi”ti apare. **Sikkhāpaccakkhānenāti** linge ṭhitasveva sikkhāya paccakkhānena. Yo hi bhikkhulinge ṭhitova sikkham paccakkhāti, tassa kāyalaggampi cīvaram adhiṭṭhānam vjahaṭṭi. **Kālānikiriyaṇāti** maraṇena. **Līngaparivattanenāti** purisalingassa, ithilingassa vā parivattanena, purisassa ithilingapātubhāvena, ithiyā vā purisalingapātubhāvenāti vuttam hoti.

Kaṇṭhāṅgulīnakhapīṭhippamāṇenāti heṭṭhimapariṇchedam dasseti. **Oratoti** abhantaratō. Yo pana dubbalaṭṭhāne paṭhamam aggalam datvā pacchā dubbalaṭṭhānam chinditvā apaneti, adhiṭṭhānam na bhijjati. Maṇḍalaparivattanepi eseva nayo. Dupaṭṭassa pana ekasmim paṭale chidde vā jāte, galite vā adhiṭṭhānam na bhijjati. Khuddakam cīvaram mahantaṃ karoti, mahantaṃ vā khuddakam karoti, adhiṭṭhānam na bhijjati. Ubo kotiyo majjhe karonto sace pana paṭhamam chinditvā pacchā ghateti, adhiṭṭhānam bhijjati. Aha ghaṭetvā chindati, na bhijjati. Rajakehi dhovāpetvā setam karontassāpi adhiṭṭhānam adhiṭṭhānameva. **Vassānamāsātikakamenāpi** ettha **pi-saddo** sampīdanattho. Tena na kevalam pubbe vuttana dānādinaṃ aṭṭhāvadheneva kāraṇena vassikasātikā adhiṭṭhānam vjahaṭṭi, atha kho vassānamāsātikakamenāpi evamettha attho datṭhabbo. Esa nayo **ābādhavūpasamenāpi** etthāpi. **Vikappanasikkhāpadeti** (pāci. 372 ādayo) pācītiye surāpānavagassā navamasikkhāpade.

Taṃ atikkāmayatoti ettha tanti cīvaram, kālam vā parāmasatīti āha “**taṃ yathāvuttajātipamāṇa**”ntiādī. **Assāti** bhikkhussa. **Tassa yo aruṇoti** tassa cīvaruppādādivasassa yo atikkanto aruṇo. **Cīvaruppādādivasena sādhdinti** cīvaruppādādivasassa aruṇena sādhdim. Divasādena cettha taṃdivasānisso aruṇo vutto. Idāni yassa ca nissajjitabbam, yathā ca nissajjitabbam, taṃ dassetuṃ “**taṃ gahetvā**”tiādī vuttam. **Tatrayam natoti** tasmim nissajjane ayaṃ vidhi. **Aññāthāpi** bhāsantarenāpi, yāya kāyaci bhāsāyapīti attho. **Paṭibalenāti** vattum samatthena. **Āyatim samvareyyāsīti** uparī samvaramāpajjeyyāsi, samvutakāyavacādvāro bhaveyyāsīti attho. Imāni ca “**passasi**”tiādini yathākkamam paṭiggāhadesakehi vattabbavacanāni. Tathā hi “**passasi**”ti paṭiggāhakena vattabbavacanam, “**āma passāmi**”ti tadanudesakena vattabbavacanam. “**Āyatim samvareyyāsīti**”ti tadanuppaṭiggāhakena vattabbavacanam, “**sādhu suttho samvarissāmi**”ti tadanudesakena vattabbavacanam. Iminā ca attano āyatim samvare patiṭṭhitabhāvam dasseti. **Dvīsu, pana sambahulāsu vāti** dvīsu vā sambahulāsu vā āpatṭisu purimanayeneva vacanabhedo kātabbo. Natthiyaṃ **āpatṭim saratī vīvaratṭi** ettha “dve āpatṭiyo”ti vā “sambahulā āpatṭiyo”ti vā vacanabhedo kātabbo. **Dvīsu, bahūsu vā vacanabhedo kātabboti** “saṅgho imāni cīvarāni”ti vatthivasena vacanabhedo kātabbo.

Evam saṅghassa nissajjanavidhim dassetvā gaṇassa nissajjanavidhim dassetuṃ “**gaṇassa pana nissajjantena**”tiādīmāha. Tattha **sesam purimasadisamevāti** nissajjanāpattipattigahaṇanissatṭhacīvaradānesu “**āyasmantāna**”ntiādinaṃ vuttavacanabhedaṃ vinā avasesam saṅghassa nissajjanādisū vuttasadisamevāti attho.

Idāni puggalassa nissajjanavidhim dassetuṃ “**puggalassa panā**”tiādī vuttam. Tattha **dvīsu, tīsu vāti** dvīsu, tīsu vā āpatṭisu ceva dātabbacīvaresu ca. Yathā ca gaṇassa nissajjane, evam dvinnam nissajjanepi pāli veditabbā. Yadi hi viseso bhaveyya, yatheva “anuññāmi, bhikkhave, tinnaṃ pārisuddhiuposatham kātum, evaṇca pana, bhikkhave, kātabbo – byattena bhikkhūnā paṭibalena te bhikkhū āpetabbā”tiādinaṃ (mahāva. 168) nayena tinnaṃ pārisuddhiuposatham vatvā “anuññāmi, bhikkhave, dvinnam pārisuddhiuposatham kātum, evaṇca pana, bhikkhave, kātabbo – therena bhikkhūnā ekamsam uttarāsāṅga”ntiādinaṃ nayena visumeyeva dvinnam pārisuddhiuposatho vutto, evam idhāpi visum pāliṃ vadeyya. Yasmā pana natthi, tasmā avatvāva gatoti gaṇassa vuttā pāliyeveṭṭhā pāli. Āpatṭipattigahaṇe pana ayaṃ viseso – yathā gaṇassa nissajjitvā āpatṭiyā desiyamānāya āpatṭipattigāhako bhikkhu ṇattim ṭhapeti, evam aṭṭhapetvā dvīsu aññātarena yathā ekapuggalo paṭiggāhāti, evam āpatṭi paṭiggāhetabbā. Dvinnāñhi ṇattīṭṭhapanam nāma natthi. Yadi siyā, dvinnam pārisuddhiuposatham visum na vadeyya. Nissatṭhacīvaradānepi yathā “imam cīvaram āyasmato dammi”ti eko vadati, evam “mayam imam cīvaram āyasmato dema”ti vuttam vaṭṭati. Ito garukatānīpi hi natṭidutiyakammāni apaloketvā kātabbānti vuttāni atthi, tesam etam anulomam. Tenevāha “**dvinnam panā**”tiādī. Nissatṭhacīvaram pana dātabbameva, adāṭum na labhāti. Vinayakammamattameva hetam. Na taṃ tena saṅghassa vā gaṇassa vā puggalassa vā dinnameva hoti. Tenāha “**nissatṭhavatthu**”ntiādī.

Anissajjitvā paribhuñjantassa dukkaṭanti sakim nivattham vā sakim pārutam vā kāyato amocetvā divasampi carati, ekameva dukkaṭam. Mocetvā nivāseti vā pārupati vā, payoge payoge dukkaṭam. Dunnivattham vā duppārutam vā saṅghāpentassa anāpāti. Aññassa taṃ paribhuñjatopī anāpāti. “Aññena katam paṭilābhivā paribhuñjati”tiādīvacanācettā (pār. 570) sādhakam. **Dasāham anatikāntepi atikkantasāññino, vematikassa ca dukkaṭanti** etthāpi “paribhuñjantassā”ti ānetvā sambandhitabbam. **Atikkante anatikantasāññinopīti** dasāham atikkante cīvare “anatikantaṃ ida”nti evam saññino, dasāhe vā atikkante “anatikantaṃ dasāho”ti evam saññino.

Idāni “anadhiṭṭhite adhiṭṭhitasāññino nissaggiya”ntiādīpattivāram saṅghetvā dassento “**tathā**”tiādīmāha. **Tathāti** yathā dasāham atikkante saññābhedenā tikapācītiyaṃ, tathā anadhiṭṭhitādisū sattuva vikappesu adhiṭṭhitādisāññābhedatoti attho. Tattha **avissajjite vissajjitasāññinoti** kassaci adinne apariccatte “dinnam pariccattam mayā”ti evam saññino. **Anatthe natṭhasāññinoti** attano cīvarena sādhdim bahūni aññesam cīvarāni ekato ṭhapitāni, tāni ce corā haranti, tatressa attano cīvare anatthe natṭhasāññi hoti, tassa natṭhasāññino. Esa nayo **avinatṭhādisūpi. Avilutteti** ettha pana gabbham bhinditvā pasayhāvāhārasena avilutteti veditabbam.

Vissajjiteti (pār. aṭṭha. 2.469) aññassa dinne. Katham pana dinnam hoti, katham gahitam? “Imam tuyham demi, dadāmi, dajjāmi, oṇojemi, paricajjāmi, vissajjāmi, nissajjāmi”ti vā vadati, “itthannāmassa demi...pe... nissajjāmi”ti vā vadati, sammukhāpi parammukhāpi dinnamyeva hoti. “Tuyham gaṇhāmi”ti vutte “mayham gaṇhāmi”ti vadati, sudinnam, suggahitaṇca. “Tava santakam karohi, tava santakam hotu, tava santakam karissasi”ti vutte “mama santakam karomi, mama santakam hotu, mama santakam karissāmi”ti vadati, duddinnam, duggahitaṇca. Neva dātā dāṭum jānāti, na itaro gahetum. Sace pana “tava santakam karohi”ti vutte “sādhu, bhante, mayham gaṇhāmi”ti gaṇhāti, suggahitam, sace pana eko “gaṇhāmi”ti vadati, itaro “na gaṇhāmi”ti vadati, puna so “dinnam mayā tuyham, gaṇhāmi”ti vadati, itaropi “na mayham iminā attho”ti vadati. Tato purimopi “mayā dinna”nti dasāham atikkāmeti, pacchimopi “mayā paṭikkhitta”nti, kassāpattīti? Na kassaci. Yassa pana ruccati, tena adhiṭṭhahitvā paribhuñjitabbam. Yo pana adhiṭṭhāne vematiko, tena kiṃ kattabbam? Vematikabhāvam ārocetvā “sace anadhiṭṭhitam bhavissati, evam me kappiyaṃ hoti”ti vatvā vuttanayeneva nissajjitabbam. Na hi evam jānāpetvā vinayakammam karontassa musāvādo hoti.

Yathā ca idam, evam ito parānīpīti yathā idam atirekacīvaradhārasikkhāpadam ācāravipattīti, evam ito parānīpi sikkhāpadāni ācāravipattīyevāti attho. Tenāha “**ubhatopātimokkhesū**”tiādī. **Ājīvavipattipaccayā pana ṭhapetvā dubbhāsitaṃ cha āpatṭikkhandhā paññattāti** –

“Ājīvahuṭi ājīvakāraṇā pāpiccho icchāpakato asantaṃ abhūtaṃ uttarimanussadhammam ullapati, āpatṭi pārājikassa. Ājīvahuṭi ājīvakāraṇā sañcaritṭam

samāpajati, āpatti saṅghādisesassa. Ājīvaheṭṭhā ājīvakāraṇā 'yo te vihāre vasati, so bhikkhu arahā' ti bhanati, paṭivijānantassa āpatti thullaccayassa. Ājīvaheṭṭhā ājīvakāraṇā bhikkhu paṇītabhojanāni agilāno attano atthāya viññāpetvā bhuñjati, āpatti pācittiyassa. Ājīvaheṭṭhā ājīvakāraṇā bhikkhunī paṇītabhojanāni agilānā attano atthāya viññāpetvā bhuñjati, āpatti paṭidesanīyassa. Ājīvaheṭṭhā ājīvakāraṇā bhikkhu sūpamā vā odanaṃ vā agilāno attano atthāya viññāpetvā bhuñjati, āpatti dukkaṭṭassā' ti (pari. 287) –

Evam pārajikādivasena ṭhapetvā dubbhāsitaṃ ājīvavipattipaccayā cha āpattikkhandhā paññattā. **Diṭṭhivipattipaccayā pācittiyadukkaṭṭavasena dve āpattikkhandhā paññattāti** samanubhāsānāya pāpikāya diṭṭhiyā appaṭṭinissajjane ṇattiyā dukkaṭṭam, kammavācāpariyosāne pācittiyanti evam diṭṭhivipattipaccayā pācittiyadukkaṭṭavasena dve āpattikkhandhā paññattā. **Etthāti** vipattikkathāsu.

Gaṇanupagatāti divasagaṇanam upagatabhāvo. Aññehi "imam cīvaram iṭṭhannāmassa demā" ti parahatthe dinnampi "na tāva tam gaṇanupagam, yāva na hattham gacchatī" ti (mahāva. 259) **cammakkhandhake** vuttattā yāva āharitvā vā na dinnam, "tumhākam, bhante, cīvaram uppanna" nti paṇiṇitvā vā anārocitam, tāva divasagaṇanam na upeti, anadhīṭṭhitam vaṭṭati. Yadā pana ānetvā dinnam hoti, "uppanna" nti vā sutam, tato paṭṭhāya gaṇanupagam hoti, antodasāhe adhiṭṭhātabbam. Kathinasāññitāṃ samuṭṭhānamassāti **kathinasamuṭṭhānam**, tatiyachattahasamuṭṭhānavasena dvisamuṭṭhānanti attho. Kāyavācāhi kattabbaadhiṭṭhānavikkappanānam akaraneṇa **kāyavācato**, cītte pana sati kāyavācācittato ca samuṭṭhānti vuttam hoti. Anadhīṭṭhānavikkappanavasena āpajjanato **akiriyaṃ**. Ajānantopi āpajjati **nosaññāvimokkham**. Kāyadvāre ca vacīdvāre ca kattabākāraṇato **kāyakammaṃ vacīkammaṃ**.

Kathinasikkhāpadavaṇṇanā niṭṭhitā.

2. Udositasikkhāpadavaṇṇanā

Bhikkhunāti bhikkhussāti attho, sāmīatthe cetam karaṇavacanāṃ. Tenāha "purimasikkhāpade viyā" tiādi. Atha kasmā karaṇavāseneva karaṇavacanassa attham aggahetvā sāmīvasena attho vedditabho āha "**karaṇavāsena hi**" tiādi. **Hīti** karaṇatthe nipāto. **Chinnapalibodhoti** chinnacīvarāvāsapalibodho. Ekāva ratti **ekarattam**, samāsantagatassa attham. Tiṇṇam cīvarānam samāhāroti **tićivaraṃ**. Tena tićivarena, tihi cīvarehīti attho. Ekena vippavutthopi (pārā. aṭṭha. 2.475-476) hi tićivarena vippavuttho nāma hoti paṭisiddhāriyāpannena vippavutthattā, avayavepi vā samudāyavohāro. Tenāha "**tićivaraḍḍhiṭṭhānanayena**" tiādi.

Idāni vippavāsalaṅkhaṇavavattāpanattham "**gāmo ekūpacāro**" tiādimāha. Tattha **nivesananti** udositādinam vasena akatāya patissayavikatiyā adhivacanāṃ. **Udositoti** (pārā. aṭṭha. 2.482-487) yānādinam bhaṇḍānam sālā. Yo "udavasito" tipi vuccati. **Aṭṭoti** paṭirājadīpaṭibāhanattham iṭṭhakāhi kato bahalabhittiko catupañcabhūmiko patissayaviseṇo. "**Aṭṭoti** bahalabhittikageham, yassa gopānāsiyo aggahetvā iṭṭhakāhi eva chadanam hotī" ti apare. "**Aṭṭakāreṇa** kariyatī" tipi vadanti. **Māloti** ekakūṭasāngahito caturassapāsādo, ekakūṭasāngahito vā anekakoṇavanto patissayaviseṇo. "**Māloti** vaṭṭākāreṇa katasenāsana" nti apare. **Pāsādoti** dīghapāsādo, aḍḍhayogāḍḍibhedo aṭṭamālaḥhammiyavajjito sabbo vā pāsādo. **Hammiyanti** muṇḍacchadanapāsādo. "Candiyāṅgaṇayutta" nti apare. **Nāvāti** thalaṭṭhaudakattṭhavasena dvidhā nāvā. **Satthoti** jaṅghasattho, sakatasattho vā. **Dhaññākaraṇanti** (pārā. aṭṭha. 2.491-494) khalam vuccati. **Āramoti** pupphāraṃ, phalārāmo vā. **Vihāroti** saparikkhitto vā aparikkhitto vā sakalo āvāso. "Gehampī" ti keci. Nivesanāḍḍini cettha gāmato bahi nivīṭṭhāni gahitāni. Antogāme ṭhitānam pana gāmaggaṇeṇeva gahitattā gāmaparihāroveyāti. "Nivesanāḍḍayo hammiyapariyosānā gāmaparikkhepatto bahi nivīṭṭhā" ti apare. **Hatthapāsātikkameti** ettha **hatthapāsā** nāma aḍḍhateyyaratanaṃpamāṇo padeso, tassa atikkamo **hatthapāsātikkaṃ**, tasmim hatthapāsātikkaṃ. Hatthapāsābhantare pana vatthum vaṭṭati. Tam pamāṇam atikkamitvā sacepi iddhiṃ bhikkhu ākāse aruṇam utṭhāpeti, nissaggiyameva hoti.

Ayam panettha vinicchayo – sace (pārā. aṭṭha. 2.477-478) gāmo ekassa rañño vā bhōjakassa vā vasena ekakulassa hoti, pākārāḍḍinā parikkhitattā ekūpacāro ca, evarūpe gāme cīvaram nikkhipitvā tasmim gāmapābhantare yathāruccitāṭṭhāne vasitabbam, sace aparikkhitto, yasmim ghare cīvaram nikkhitam hoti, tasmim ghare vasitabbam, tassa gharassa samantato hatthapāsā vā na vijahitabbam.

Sace gāmo vesālikusinārāḍḍayo viya nānārājūnam vā bhōjakānam vā hoti, vuttappakāreṇa parikkhitto ca, evarūpe gāme yasmim ghare cīvaram nikkhitam hoti, tasmim ghare vā vatthabbam, tassa gharassa hatthapāsā vā na vijahitabbam. Yassā vīthiyā gharam hoti, tassā vīthiyā tassa gharassa sammukhāṭṭhāne sabhāyam vā gharadvāre vā vatthabbam, tesam sabhādvārānam hatthapāsā vā na vijahitabbam.

Sace so gāmo aparikkhitto, yasmim ghare cīvaram nikkhitam, tattha vā tassa hatthapāsē vā vatthabbam. Nivesane pana sace ekakulassa nivesanam hoti, parikkhitāṇca, antonivesane cīvaram nikkhipitvā antonivesane vatthabbam. Aparikkhitam ce hoti, yasmim gabbhe cīvaram nikkhitam, tasmim vatthabbam, tassa gabbhassa hatthapāsā vā na vijahitabbam.

Sace nānākulassa nivesanam hoti, parikkhitāṇca, yasmim gabbhe cīvaram nikkhitam, tasmim gabbhe vatthabbam, sabbesam sādāhāranadvāramūle vā tesam gabbhadvāramūlānam hatthapāsā vā na vijahitabbam. Aparikkhitam ce, yasmim gabbhe cīvaram nikkhitam, tasmim gabbhe vatthabbam, tassa gabbhassa hatthapāsā vā na vijahitabbam. Esa nayo **udositādisūpi**.

Sattho pana jaṅghasattho vā hotu, sakatasattho vā. Sace ekakulassa sattho hoti, satthe cīvaram nikkhipitvā purato vā pacchato vā sattabbhantarā na vijahitabbā, passato abhantaram na vijahitabbam. Sace (pārā. aṭṭha. 2.489) sattho gacchanto gāmam vā nadim vā pariyaḍḍiyitvā tiṭṭhati, antopaviṭṭhena saddhim ekābaddho hutvā oraṇca pārāṇca pharivā ṭhito hoti, satthaparihārova labbhati. Atha gāme vā nadiyā vā pariyaḍḍipanno hoti antopaviṭṭho, gāmaparihāro ceva nadiparihāro ca labbhati. Sace vihārasāmam atikkamitvā tiṭṭhati, antosīmāya ca cīvaram hoti, vihāram gantvā vasitabbam. Sace bahisīmāya cīvaram hoti, satthasamīpeyeva vasitabbam. Sace gacchanto sakate vā bhagge, goṇe vā naṭṭhe antarā chijjati, yasmim koṭṭhāse cīvaram nikkhitam, tattha vasitabbam.

Khetepi (pārā. aṭṭha. 2.490) sace ekakulassa khetam hoti, parikkhitāṇca, antokhette cīvaram nikkhipitvā antokhette vatthabbam. Sace aparikkhitam, hatthapāsā cīvaram na vijahitabbam. Sace nānākulassa khetam hoti, parikkhitāṇca, antokhette cīvaram nikkhipitvā khetadvāramūle vā vatthabbam, tassa hatthapāsā vā na vijahitabbam. Sace aparikkhitam, cīvaram hatthapāsā na vijahitabbam. Esa nayo dhaññākaraṇārāmesu dvīsūpi. Vihāre pana nivesane vuttasādisova vinicchayo.

Rukkhamūle pana yam majjanhike kāle samantā chāyā pharati, tasmim ṭhāne avirale padese tassa chāyāya puṭṭhokāsassa antoyeva nikkhipitabbam. Sace viralāsākhassa rukkhassa ātapaṇa puṭṭhokāse ṭhapeti, arunuggamane ca so bhikkhu tassa hatthapāsē na hoti, aññasmim ṭhāne tassa chāyāyapi hoti, nissaggiyam hoti. Sace nānākulassa rukkho hoti, cīvarassa hatthapāsā na vijahitabbam.

Ajjhokāse pana viññhāṭṭhāvādisu araññesūpi samuddamajjhe macchabandhānam agamanapathāḍḍipakesūpi cīvaram ṭhapetvā tato samantā sattabbhantare padese yattha kattāci vasitabbam, ito aññattha vasanto vippavuttho nāma hoṭṭi datṭhabbam.

Imassa pana vitthārasa idha avuttattā, **samantapāsādikāyaṇca** vuttattā "**ayametta saṅkhepo**" tiādi vuttam. **Etthāti** "tićivarena vippavaseyyā" ti etasmim pade. **Saṅkhepoti** saṅkhepavaṇṇanā. Ettha pana pāliyam (pārā. 477) "gāmo ekūpacāro nānūpacāro" tiādinā aviseṇena mātikam nikkhipitvāpi gāmanivesanaudositakhettaḍḍhaññākaraṇārāmavihārānam ekūpacāranānūpacāratā "gāmo ekūpacāro nāma ekakulassa gāmo hoti parikkhitto ca aparikkhitto cā" tiādinā (pārā. 478) parikkhitāparikkhitavāsena vibhattā. Aṭṭamālapāsādahammiyanāvāsattarukkhamaḷlaajjhokāsānam pana evam avatvā "ekakulassa aṭṭo hoti, nānākulassa aṭṭo hoti" tiādinā (pārā. 484) nayena ekakulānānākulavāsena ca ante "ajjhokāso ekūpacāro nāma agāmake araññe samantā sattabbhantarā ekūpacāro, tato param nānūpacāroti (pārā. 494) ca evam ekūpacāranānūpacāratā vibhattā. Tasmā gāmādisu parikkhitam ekūpacāram, aparikkhitam nānūpacāraṇanti ca, aṭṭādisu yam ekakulassa, tam ekūpacāram, yam nānākulassa, tam nānūpacāraṇanti ca gahetabbam. Ajjhokāse vuttanayena gahetabbam. **Upacāroti** hi "gāmo ekūpacāro nānūpacāro" tiādisu dvāram, "ajjhokāso ekūpacāro" ti ettha samantā sattabbhantarāsānkhitam pamāṇanti apare.

Aññatra bhikkhusammutiyaṭi bhikkhuno saṅghena dinnā sammuti **bhikkhusammuti**, tam vināti attho. Tenāha "**yam saṅgho**" tiādi. **Avippavāsasammutiṃ detti** avippavāsā sammuti, avippavāsāya vā sammuti **avippavāsasammuti**, tam ṇattidutiyeṇa kammena detti attho.

Santaruttarenāti "antara" nti antaravāsako vuccati, "**uttara**" nti uttarāsaṅgo, saha antarena uttaram **santaruttaram**, tena santaruttarena, saha antaravāsakena uttarāsaṅgenāti attho. **Antaruṇe paccuddhaṭeti** nivattitvā sampāpunitumasakkontena tattheva ṭhatvā anto aruṇe paccuddhate. **Paccāgantabbanti** yathā rogo na kuppati, tathā puna cīvarassa ṭhapitāṭṭhānam āgantabbam. Yato paṭṭhāya hi sattham vā pariyesati, "gacchāmi" ti ābhogam vā karoti, tato paṭṭhāya vaṭṭati. "Na dāni gamissāmi" ti evam pana dhuranikkhepaṃ karontena paccuddharitabbam "atirekacīvaratṭhāne ṭhassatī" ti. Tenāha "**tattheva vā ṭhitena paccuddharitabba**" nti. **Soti** yassa sammuti dinnā, so rogo.

Laddhakappiyameva puna sammutidānakkiccam natthī adhippāyo.

Adhiṭṭhacivararātī ticivarādhiṭṭhānayanena adhiṭṭhacivararātī. **Vippavāso** nāma yadi baddhasīmāyā cīvaram hoti, tato bahi aruṇuṭṭhāpanam. Atha abaddhasīmāyā, yathāvuttagāmadīnam bahi hatthapāsāṭṭikame aruṇuṭṭhāpanam. Baddhasīmāyā pana yattha katthaci cīvaram ṭhapetvā antosīmāyameva yattha katthaci vasitum vaṭṭati. Idha apaccuddharaṇam akiriyaṭī sambandho.

Udositasikkhāpavaṇṇanā niṭṭhī.

3. Akālacīvarasikkhāpavaṇṇanā

Purimasikkhāpade viya etthāpi **bhikkhunā**ti sāmiatthe karaṇavacananti āha “**niṭṭhacivarasim bhikkhunā**”tiādi. “Akālacīvaram nāma anattate kathine ekādasamāse uppannam, atthate kathine sattamāse uppannam, kālepi ādissa dinnam, etaṃ akālacīvaram nāmā”ti (pārā. 500) padabhājanīyam vuttatā “**yvāyam anattate kathine**”tiādimāha. Yvāyam cīvarakālo vuttoti sambandho. **Vassanassā**ti vassānasaṅkhātassa utuno. **Pacchimo māso** nāma cīvaramāso. Tasmīñhi anattatepi kathine uppannam cīvaram anadhiṭṭham, avikappitam ṭhapetum vaṭṭati. **Pañca māsā**ti pacchimakkattikamāso, hemantikā cattāro cāti pañca māsā. **Āññadā**ti anattate kathine ekādasamāse, atthate kathine sattamāse. **Kālepi**ti “anattate kathine cīvaramāso, atthate kathine pañca māsā”ti yathāvuttacīvarakālepi. “**Ādinā nayanā**”ti iminā “**dadāmi dajjāmi**”tiādinam (pārā. aṭṭha. 2.469) saṅgaho. Kiñcāpi cetāni sabbāni “akālacīvara”nti vuttāni, tathāpi piṭṭhisamayeyeva uppannāni “akālacīvara”nti idhādhippetāni.

“**Kāle saṅghassa idaṃ akālacīvara**”nti dinnam pana akālacīvarasāmaññato atthuddhārasena vuttam. Yathā piṭṭhisamāyā uppannam cīvaram vuṭṭhavasēhi, sēsēhi ca sammukhībūṭhehi bhājetum labbhāṭī akālacīvaram nāma jātam, tathevidampīti tadidam akālacīvarasāmaññam. Yadi evaṃ “puggalassa vā idaṃ tuyham ‘dammi’tiādinā nayanā dinna”nti kasmā vuttam, na hi puggalassa ādissa dinnam kenaci bhājanīyam hotī? Nāyam virodho, ādissa dānasāmaññato labbhāmaṇamattam dassetum tathā vuttanti. **Attano vā dhanenā**ti attano kappāsasuttādinā dhanena. Imassa “**upparjeyyā**”ti iminā sambandho veditabbo. “**Sīmāya deti**”tiādi puggalādhīṭṭhānayanena vuttam. Ettha pana sīmāya dānam ekā mātīkā, katikāya dānam dutiyā...pe... puggalassa dānam aṭṭhamā.

“**Parikkheparahāṭṭhānā**”ti iminā aparikkhittassa viharassa dhuvasannipātāṭṭhānāto pathamaledḍupātassa anto upacārasīmāti dasseti. Idāni dutiyaledḍupātassapi anto upacārasīmāyevāti dassetum “**apicā**”tiādi āradham. Dhuvasannipātāṭṭhānampi sīmāpariyantagatameva veditabbam. **Āvāse vaḍḍhante vaḍḍhāṭī**ti sace upacāro abahibhūto hutvā āvāso vaḍḍhāṭīti adhippāyo. **Mahāpacariyam** pana “**bhikkhūsupi vaḍḍhantesu vaḍḍhāṭī**”ti vuttam. “**Sace viharē sannipatābhikkhūhi saddhim ekābaddhā hutvā yojanasatampi pūretvā nisīdanti, yojanasatampi upacārasīmāya hoti, sabbesam lābho pāpuṇāṭī**”ti (mahāva. aṭṭha. 379) **samantapāsādikāyam** vuttam. **Bhikkhunīnam āramāpavesanasenānāpucchanaṭī**ti āgantukagamikānam bhikkhunīnam āramāpavesanāpucchanaṃ, senānāpucchanaṇācīti attho. Tathā hi āgantukāya bhikkhuniyā āramāpavesanaṃ āpucchitabbam, gamikāya saṅghikam dasavidham senānaṃ. Ettha ca kiñcāpi “**bhikkhunīna**”nti vuttam, gamikassa pana bhikkhūsupi imissāyeva sīmāya vasena senānāpucchanaṃ veditabbam.

Parivāsamanāttarocananti parivāsikamānattacārīnam parivāsārocanam, mānāttarocanañca. **Vassacchedanissayasenasanaggāhādividhānanti** vassacchedavidhānam, nissayaggāhavidhānam, senānānaggāhavidhānanti attho. **Ādisaddena** nissayapatipassaddhi, lābhagāho āgantukavattam pūretvā āramāpavesananti evamādikam saṅghaṇhāti. **Imissāya sīmāya vasenā**ti upacārasīmāyevāti yathāsambhavam anto, bahi ca imassa sabbassa labbhanato vuttam.

Lābhathāya ṭhapitā sīmā **lābhasīmā** (mahāva. 379), sā ca kho neva sammāsambuddhena anuññatā, na dhammasaṅghakatherehi ṭhapitā, apica kho lābhādayakehi. Tenāha “**yaṃ rājarājamahāmatādayo**”tiādi. **Samantā**ti viharassa samantā. **Yanti** suikasassādi. “**Sīmam ṭhapenti**”ti pāthaseso. **Ekassa rañño ānāpavattīṭṭhānanti** colabhogo keraḷabhogoti evaṃ ekekassa rañño ānāpavattīṭṭhānam. Dvidhā āpo gato etthāti **dīpo**, oghena anajjhotthato bhūmibhāgo, eva sīmā **dīpasīmā**. Tenāha **samuddanta**”tiādi. Cakkavālasīmā cakkavālapabbateneva paricchinnatī āha “**ekacakkavālapabbataparikkhepabbhantaram cakkavālasīmā**”ti.

Sesāti khaṇḍasīmādayo. **Khaṇḍasīmāya demā**ti dinnanti khaṇḍasīmāya kenaci kammena sannipatitam saṅgham disvā “**khaṇḍasīmāyā saṅghassa demā**”ti dinnam. Khaṇḍasīmāya ṭhite rukkhe vā pabbate vā ṭhitopi heṭṭhā vā pathavivemajjagatopi khaṇḍasīmāyeva ṭhitoti veditabbo. **Samānasamvāsasīmāya dinnanti** “**samānasamvāsasīmāya dammi**”ti dinnam. Esa nayo sesesupi. **Khaṇḍasīmā simantarikaṭṭhānam na pāpuṇāti** tathā samānasamvāsasīmāya abhāvato adhippāyo. **Samānasamvāsasīmāyevāti dinnassa idaṃ nānāttam** – “**avippavāsasīmāya dammi**”ti dinnam gāmaṭṭhānam na pāpuṇāti. Kasmā? “**Ṭhapetvā gāmañca gāmūpacārañca**”ti (mahāva. 144) vuttatā. “**Samānasamvāsasīmāya dammi**”ti dinnam pana gāme ṭhitānampi pāpuṇāṭī. **Abbhantarasiṃmūdakukkhepasīmāsu dinnanti** tathā uposathādiatthāya sannipate disvā “**imissā abbhantarasiṃmūya demā**”tiādinā dinnam. Janapadarattharajadīpacakkavālasīmāsupi gāmasīmādisu vuttasādisova vinicchayoti āha “**janapadasīmādisu**”tiādi. **Ekopi gantvā sabbesam saṅghāhitum labhāṭīti** ekopi gantvā idha vassaggena bhājetvā gahetvā āgantum labhāṭīti attho. **Ekoti** sabhāgo eko bhikkhu, ayampi bhāgameva gahetum labhāti. Tenāha “**sabhāgānam bhāgam gahāṭīti**”ti.

Evaṃ tāva yo sīmam parāmasitvā deti, tassa dāne vinicchayam vatvā idāni yo “**asukasīmāyā**”ti vuttam na jānāti, kevalam “**sīmā**”ti vacanamattameva jānanto viharām āgantvā “**sīmāya dammi**”ti vā “**sīmattakasaṅghassa dammi**”ti vā bhāṇāti, tathā vinicchayam dassetum “**yo pana viharām pavisitvā**”tiādimāha. **Kataranti** katarasiṃmā. **Ahametaṃ bhedam na jānāmi**ti aham “**asukā sīmā**”ti etaṃ vibhāgam na jānāmi. **Upacārasimattāhehi bhājetabbam** lābhassa upacārasīmāya paricchinnatīti adhippāyo. **Sāti** samānalābhakatikā.

Yattha mayham dhuvakārā kariyaṭīti (mahāva. aṭṭha. 379) ettha yasmīñhi viharē tassa cīvarādayakassa santakam saṅghassa pākavattam vā vattati. Yasmīñhi viharē bhikkhū atthano bhāram katvā sadā gehe bhōjeti, yattha vā anena āvāso vā kārīto, salākabhattādiṃ vā nibaddhāni, ime **dhuvakārā** nāma. Yena pana sakalopi viharo patiṭṭhāpito, tathā vattabbameva natthi. Tenāha “**yattha tassa pākavattam vā vattati**”tiādi. Tathā **pākavattanti** dānavattam. **Vattati**ti pavattati. **Yatoti** yasmā viharā. **Yatthā**ti yasmīñhi viharē. **Sabbatthā**ti sabbesu viharēsu. **Mātikam āropetvā**ti ekasmīñhi viharē bhikkhū bahutarā, ekasmīñhi thokatarā, ekañca vattham, dhuvakārāṭṭhānañca bahukam, kattha demāti pucchitvā, yadi pana mañco vā pīṭham vā ekameva hoti, tam pucchitvā yassa vā viharassa, ekavīharepi vā yassa senāsanassa so vicāreti, tathā dātabbam. Sacepi “**asukābhikkhū gahatū**”ti vadati, vaṭṭati. Atha “**mayham dhuvakārē dethā**”ti vatvā avicāretvā gacchati, saṅghassapi vicāretum vaṭṭati. Evaṃ pana vicāretabbam – “**saṅghattherassa vasanaṭṭhāne dethā**”ti vattabbam. Sace tathā senānam paripunnam hoti, yattha nappahoti, tathā dātabbam. Sace eko bhikkhu “**mayham vasanaṭṭhāne senāsanaparibhogabhaṇḍam natthi**”ti vadati, tathā dātabbam.

Saṅghassa dammiti dinnanti “**imāni cīvarāni saṅghassa dammi**”ti evam dinnam. **Tato bahiddhāpi**ti upacārasīmāto bahiddhāpi. **Tehi saddhinti**ti upacārasīmāgatehi saddhim. **Ekābaddhānañca pāpuṇāti**ti parivāsasena vaḍḍhitā sīmā hotīti katvāti adhippāyo. **Tasmā**ti yasmā upacārasīmāgatānam pāpuṇāti, yasmā ca tato bahiddhāpi upacārasīmokkantehi ekābaddhānam pāpuṇāti, tasmā. **Tesanti**ti upacārasīmāgatānam, tato bahiddhā tehi saddhim ekābaddhānañca. **Gāhate satīti**ti antevāsikādikē gahante satī. **Asampattānampi**ti upacārasīmāyā ṭhitehi ghaṇṭim paharivā kālam ghesovā lābhābhājanāṭṭhānam asampattānampi upacārasīmāya pavīṭṭhānam, tehi vā saddhim ekābaddhānam hutvā attano viharādvā vā antovihāreyeva vā ṭhitānācīti attho. **Bhāgo dātābhoti**ti saṅghanavakassa dinnepi adhippāyo. **Dutiyabhāge**ti pana therāsanam āruḷhe āgatānam pathamabhāgo na pāpuṇāti. **Dutiyabhāgato**ti vassaggena dātabbam.

Sace pana “**bahupacārasīmāyā ṭhitānam dethā**”ti vadanti, na dātabbam. Yadi pana viharo mahā hoti, therāsanato paṭṭhāya vatthesu dīyamānesu alasaṭṭikā mahātherā pacchā āgacchanti, “**bhante, vīsativassānam dīyati, tumhākam ṭhitikā atikkantā**”ti na vattabbā. **Ṭhitikam ṭhapetvā tesam datvā pacchā ṭhitikāya** dātabbam.

“**Asukavīharē kira bahucīvaram uppanna**”nti sutvā yojanantarikavīharatopi bhikkhū āgacchanti, sampattasampattānam ṭhitāṭṭhānato paṭṭhāya dātabbam, ayamettha sankhepo. **Vitthāro**ti pana **samantapāsādikāya** cīvarakkhandhakaṇṇāyānam (mahāva. aṭṭha. 379) vuttanayena veditabbo.

Evaṃ viharām pavisitvā “**imāni cīvarāni saṅghassa dammi**”ti dinnesu vinicchayam vatvā idāni bahupacārasīmāyā bhikkhū disvā “**saṅghassa dammi**”ti dinnesu vinicchayam dassetum “**yaṃ panā**”tiādi vuttam. **Ekābaddhāparisāya pāpuṇāṭīti**ti sace yojanam pharivā parisā ṭhitā hoti, ekābaddhā ce, sabbesam pāpuṇāṭīti attho. **Ekābaddhā**ti cettha dvādasahatthāntarato paricchinditabbā. Tenāha “**ye panā**”tiādi.

Ubhatosaṅghassa dinnanti (mahāva. aṭṭha. 379) “**ubhatosaṅghassa dammi**”ti dinnam. “**Dvedhāsaṅghassa dammi, dvinnam saṅghānam dammi, bhikkhusaṅghassa ca bhikkhusaṅghassa ca dammi**”ti vuttepi ubhatosaṅghassa dinnameva hoti. **Upaḍḍham bhikkhunānam, upaḍḍham bhikkhunānam dātābanti**ti dve bhāge same katvā eko bhikkhu bhikkhunānam, eko bhāgo bhikkhunānam dātabbo. **Gahetum labhāti**ti ubhatosaṅghagahaṇena gahitattāti adhippāyo. **Cetiya**ti thūpādino. Tañhi dhātāyatānādhāvena citattā, lokassa cittikāraṭṭhānatāya ca “**cetiya**”nti vuccati. Na koci vīsēso āha “**idha pana cetiyā**”tiādi.

“Ubhatosaṅghassa ca tuyhaṅca cetiyyassa cā”ti vutte pana dvāvīsatiakoṭṭhāse katvā dasa bhikkhūnam, dasa bhikkhunīnam, eko puggalassa, eko cetiyyassa dātabbo. Tattha puggalo saṅghatopi attano vassaggena puna gahetum labhati, cetiyyassa ekoyeva. Ayam pana vāro yathāvutteneva nayena ñāyatīti katvā idha na vutto. **Samantapāsādikāyaṃ** (mahāva. aṭṭha. 379) pana vuttoyeva.

Na majjhe bhinditvā dātabbam “bhikkhūnā”nti puggalika vasena vuttatā. **Puggalo viṣuṃ na labhatīti** pubbe viya viṣuṃ puggalikoṭṭhāsam na labhati. **Pāpuṇaṇāṭṭhānato ekameva labhatīti** attano vassaggena pattabbhāṇato ekameva koṭṭhāsam labhati. Kasmā? Bhikkhusaṅghaggaṇa gahitā. “Bhikkhusaṅghassa ca bhikkhūnānaṅca tuyhaṅca cetiyyassa cā”ti vuttepi cetiyyassa ekapuggalapaṭivīso labbhati, puggalassa viṣuṃ na labbhati. Tasmā ekaṃ cetiyyassa datvā avasesaṃ bhikkhū ca bhikkhuniyo ca ganetvā bhājetabbam. Tenāha “cetiyyassa cāti vutte pana”tiādi.

Tehi saddhiṃ puggalacetiyaparāmasanaṃ anantaranayasadisamevāti tehi bhikkhūhi bhikkhūnīhi saddhiṃ puggalassa ca cetiyyassa ca gahaṇam anantaranayasadisamevāti attho. “Bhikkhūnaṅca bhikkhūnānaṅca tuyhaṅca, bhikkhūnaṅca bhikkhūnīnaṅca cetiyyassa ca, bhikkhūnaṅca bhikkhūnīnaṅca tuyhaṅca cetiyyassa cā”ti vuttepi cetiyyassa ekapaṭivīso labbhati, puggalassa viṣuṃ natthī, bhikkhū ca bhikkhuniyo ca ganetvā bhājetabbanti vuttaṃ hoti. **Puggalassa viṣuṃ na labbhātīti** puggalassa viṣuṃ paṭivīso na labbhati, vassaggena ekova labbhātīti attho. “Bhikkhusaṅghassa ca cetiyyassa cā”ti vutte pana cetiyyassa viṣuṃ paṭivīso labbhātīti āha “cetiyyassa pana labbhātīti”ti. “Bhikkhusaṅghassa ca tuyhaṅca cetiyyassa cā”ti vuttepi cetiyyassa viṣuṃ labbhati, na puggalassa. **Cetiyyassa pana labbhātievāti** “bhikkhūnaṅca cetiyyassa cā”ti vutte pana cetiyyassa viṣuṃ paṭivīso labbhātīti attho. “Bhikkhūnaṅca tuyhaṅca cetiyyassa cā”ti vuttepi cetiyyassa viṣuṃ labbhati, na puggalassa. Bhikkhunisāṅghaṃ ādim katvāpi evameva yojetabbam.

Ethāha – yaṃ panetarahi (mahāva. aṭṭha. 379) paṇḍitamanussā sadhātukaṃ paṭimaṃ vā cetiyaṃ vā ṭhāpetvā buddhappamukhassa ubhatosaṅghassa dānaṃ denti, paṭimāya vā cetiyyassa vā purato ādhārake pattaṃ ṭhāpetvā dakkhinodakam datvā “buddhānaṃ demā”ti, tattha yaṃ paṭhamam khādanīyaṃ bhojanīyaṃ denti, vihāraṃ vā āharitvā “idaṃ cetiyyassa demā”ti piṇḍapātaṅca mālāgandhādīni ca denti, tattha kathaṃ paṭipajjitabbanti? Vuccate – mālāgandhādīni tāva cetiye āropetabbāni, vatthehi paṭākā, telena paṭipā kātābā, piṇḍapātamadhuḥpānītādīni pana yo nibaddhacetiyyajaggako hoti pabbajito vā gahaṭṭho vā, tassa dātābāni. Nibaddhājaggake asati āhaṭṭhātaṃ ṭhāpetvā vattaṃ katvā paribhūjītuṃ vaṭṭati. Upakaṭṭhe kāle bhūjītvā pacchāpi vattaṃ kātuṃ vaṭṭatiyeva.

Mālāgandhādīsū ca yaṃ kiñci “idaṃ haritvā cetiyaṭṭjaṃ karothā”ti vutte dūrampi haritvā pūjetabbam. “Bhikkhusaṅghassa harā”ti vuttepi haritabbam. Sace pana “āhaṃ piṇḍāya carāmi, āsanāsālāyaṃ bhikkhū atthi, te harissantī”ti vutte “bhante, tuyhaṃyeva dammī”ti vadati, bhūjītuṃ vaṭṭati. Atha pana “bhikkhusaṅghassa dassāmī”ti harantassa gacchato antarāva kālo upakaṭṭho hoti, attano pāpetvā bhūjītuṃ vaṭṭati.

Vassaṃvuttasaṅghassa dammīti vadatīti (mahāva. aṭṭha. 379) “vassaṃvuttasaṅghassa imāni cīvarāni dammī”ti vadati. **Tesaṃ bahisimatthānampi pāpuṇāṭṭī** atthate kathine bahisimatthānampi yāva kathinassa ubbhārā pāpuṇāti, tasmā disāpakkantassāpi sati paṭiggāhake dātabbam. Anattathe pana kathine antohemante, evaṅca pana vatvā dinnam pacchimavassaṃvuttānampi pāpuṇāti. **Yattha katthacīti** yesu kesuci vihāresu. **Evaṃ vadatīti** “vassaṃvuttasaṅghassa dammī”ti vadati. Tatra sammukhībhūṭānaṃ sabbesaṃ pāpuṇāti piṭṭhisamaye uppannatā. Sace pana “vassaṃ vasantānaṃ dammī”ti vadati, antovasseyeva vassaṃ vasantāva labhanti, chinnavassā na labhanti. Cīvaramāse pana “vassaṃ vasantānaṃ dammī”ti vutte pacchimikāya vassūpagaṭānaṃyeva pāpuṇāti, purimikāya vassūpagaṭānaṅca chinnavassānaṅca na pāpuṇāti.

Cīvaramāso paṭṭhāya yāva hemantassa pacchimo divaso, tāva “vassāvāsikam demā”ti vutte kathinaṃ atthataṃ vā hotu, anattatam vā, aṭṭavassaṃvuttānāmyeva pāpuṇāti. Gimhānaṃ paṭhamadivaso paṭṭhāya vutte pana mātīkā āropetabbā “aṭṭavassāvāsassa paṅca māsā atikkantā, anāgato catumāsaccayena bhavissati, kataravassāvāsassa deṭ”ti. Sace “aṭṭavassaṃvuttānaṃ dammī”ti vadati, taṃantovassaṃvuttānameva pāpuṇāti, disā pakkantānampi sabhāgā ganhituṃ labhanti.

Sace “anāgate vassāvāsikam dammī”ti vadati, taṃ ṭhāpetvā vassūpanāyikadivase gahetabbam. Atha “agutto vihāro, corabhayaṃ atthi, na sakkā ṭhāpetuṃ, ganhitvā vā āhīṇḍitu”nti vutte “sampattānaṃ dammī”ti vadati, bhājetvā gahetabbam. Sace vadati “ito me, bhante, tatiye vasse vassāvāsikam na dinnam, taṃ dammī”ti, tasmim antovasse vuttābhikkhūnaṃ pāpuṇāti. Sace te disā pakkantā, añño vissāsiko ganhāti, dātabbam. Atha ekoyeva avasiṭṭho, sesā kālānkatā, sabbam ekasseva pāpuṇāti. Sace ekopi natthi, saṅghikaṃ hoti, sammukhībhūṭe bhājītabbam.

Yehi nimantītehi yāgu pitāti (mahāva. aṭṭha. 379) nimantītehi yehi bhikkhūhi yāgu pitā, yehi pana bhikkhācāravattena gharadvārena gacchantehi vā gharāṃ pavīṭṭhehi vā yāgu laddhā, yesaṃ vā āsanāsālato pattaṃ āharitvā manussehi nīṭā, yesaṃ vā therehi pesitā, tesaṃ na pāpuṇāti. Sace pana nimantītibhikkhūhi saddhiṃ aññe pi bahū āgantvā antogehaṅca bahigehaṅca pūretvā nisinnā, dāyako ca evaṃ vadati “nimantitā vā hontu, animantitā vā, yesaṃ mayā yāgu dinnā, sabbesaṃ imāni vatthāni hontū”ti, sabbesaṃ pāpuṇāti. Yehi pana therānaṃ hatthato yāgu laddhā, tesaṃ na pāpuṇāti. Atha so “yehi mayhaṃ yāgu pitā, sabbesaṃ hotū”ti vadati, sabbesaṃ pāpuṇāti. **Bhattakhajjakādīti** ettha ādisaddenapi cīvarasenāsanabhesajjānaṃ gahaṇam.

Puggalassāti (mahāva. aṭṭha. 379) sammukhāsammukhabhūṭassa puggalassa. Tenāha “**idaṃ cīvara**”ntiādi. Sace pana “idaṃ tumhākaṅceva tumhākaṃ antevāsikānaṅca dammī”ti evaṃ vadati, therassa ca antevāsikānaṅca pāpuṇāti. Uddesaṃ gahetum āgato, gahetvā gacchanto ca atthi, tassāpi pāpuṇāti. Tumhehi saddhiṃ nibaddhacārikabhikkhūnaṃ dammī”ti vutte uddesantevāsikānaṃ vattaṃ katvā uddesaparipucchādīni gahetvā vicarantānaṃ sabbesaṃ pāpuṇāti. **Etthāti** aṭṭhasu mātīkāsu. Yadi pana ayamettha saṅkhepakathā, viṭṭhāro pana kathaṃ ṇātābhoti āha “**samantapāsādikāyaṃ vutto**”ti. Samantapāsādikāyaṃ cīvarakkhandhakavaṇṇanāyaṃ (mahāva. aṭṭha. 379) vuttoti attho.

“Nātakehi vā me cīvaratthāya pesitaṃ, mittehi vā pesitaṃ, te ābhate cīvare dassanti”ti evaṃ nātito vā mittato vā paccāsā hotīti veditabbam. **Kappiyabhaṇḍenāti** kappāsasuttādīnā attano dhanena. **Saphanti** sukhamaṃ. **Aññaṃ paccāsācīvaraṃ labhitvā eva kālabbhantare kāretabbanti** aññaṃ mūlacīvarasadisam paccāsācīvaraṃ labhitvāyeva māsbhantare kāretabbam. Taṅca kho satiyāyeva paccāsāya, asatiyā pana paccāsāya mūlacīvaraṃ dasāhaṃ ce sampattaṃ, tadaeva adhiṭṭhātabbam. Tenāha “**sace na labhati**”tiādi. **Paccāsācīvarampi parikkhāraḷaṃ adhiṭṭhātabbanti** paṭhamataraṃ uppannaṃ thūlapaccāsācīvarampi sandhāya vuttaṃ. **Pi**-saddena na kevalam mūlacīvaramevāti dasseti.

Akālacīvarasikkhāpavaṇṇanā niṭṭhitā.

4. Purāṇacīvarasikkhāpavaṇṇanā

“Amhākameva nāti”ti nāyatīti **nāti**, sāva **nātikā**, na nātikā **aññātikā**, tāya aññātikāya. Tenāha “**na nātikāya**”ti. **Mātito vā pitito vāti** mātīpakkhato vā pitīpakkhato vā. **Yāva sattamaṃ yuganti** (pārā. aṭṭha. 2.503-505) yāva sattamassa purisassa, sattamāya vā itthiyā āyuppanānaṃ, yāva pitāmahaṃyugam pitāmahaṃyugam mātāmahaṃyugam mātāmahaṃyuganti vuttaṃ hoti. Atha vā **yāva sattamaṃ yuganti** yāva sattamadvantanti attho. **Yugasaddo** cettha ekasesanayena dāṭṭhabbo “yugo ca yugo ca yugā”ti. Evañhi tattha tattha dvandvaṃ gahitaṃ hoti. **Kenaci ākārena asambaddhāyāti** bhātubhaginībhāgineyaputtaṃpattādīsū yena kenaci ākārena asambaddhāya. **Pitā**, pitupitā, tassa pitā, tassāpi pitāti evaṃ yāva sattamā yugā, pitā, pitumātā, tassā pitā ca mātā ca bhātā ca bhaginī ca, puttā ca, dhītāro cāti evampi uddaṅca adho ca yāva sattamā yugā, pitā, pitubhātā, pitubhaginī, pituputtā, pitudhītāro, tesampi puttadhītuparamparāti evampi yāva sattamā yugā, mātā, mātumātā, tassā mātā, tassāpi mātāti evaṃ yāva sattamā yugā, mātā, mātupitā, tassa pitā ca mātā ca bhātā ca bhaginī ca puttā ca dhītāro cāti evampi uddaṅca adho ca yāva sattamā yugā, mātā, mātubhātā, mātubhaginī, mātuputtā, mātudhītāro, tesampi puttadhītuparamparāti evampi yāva sattamā yugā, tāva neva mātusambandhena, na pitusambandhena yā sambaddhā, sā “**aññātikā nāmā**”ti vuttaṃ hoti.

Sākiyāniyo viyāti pañcasatamattā sākiyāniyo viya. Nidassanamattañcetam, tasmā bhikkhubhāve ṭhatvā parivattalīṅgā bhikkhuniyopi idha suddhabhikkhusaṅghe “upasampannā” icceva veditabbā. **Ubhatosaṅghe vāti** bhikkhunisāṅghe ñatticatutthena, bhikkhusaṅghe ñatticatutthenāti evaṃ ubhatosaṅghe vā. **Purāṇacīvaranti** ettha **cīvaranti** nivāsanaparūpanupagameva adhippetanti āha “**rajitvā**”tiādi. **Kappaṃ katvāti** kappabindum datvā. “Iminā adinnakappaṃ pacittiyavattu na hotīti dasseti”ti (sārattha. ṭi. 2.505) vadanti. **Paribhogasīnāti** kāyena phusitvā paribhogasīna. **Aṃseti** jattumu. **Matthaketi** sīsamatthake. Sace pana paccattharaṇassa heṭṭhā katvā nipajjati, hatthehi vā ukkhipitvā ākāse vitānaṃ katvā sīsena asamphusanto gacchati, yaṃ paribhogo nāma na hoti.

Kāyavikāraṃ vā karotīti yathā sā “dhovāpetukāmo aya”nti jānāti, evaṃ kāyavikāraṃ karoti. “**Antodvādasahatthe okāse ṭhatvā upari vā khipatī**”ti iminā upacāram muñcitvā orato khipantassa anāpattīti dasseti. **Aññassa vā hatthe pesetīti** antodvādasahatthe okāse ṭhatvā sikkhamānasāmaṇerasāmaṇerupāsakaitthiyādīsū yassa kassaci aññassa hatthe vā peseti. **Soti** upāsako ca sāmaṇero ca. **Upasampajjitvā dhovātīti** ettha upāsako līṅge parivate bhikkhunisū pabbajitvā upasampajjitvā dhovati, sāmaṇero līṅge parivate bhikkhunisū upasampajjitvā dhovātīti yathāyogam attho gahetabbo. Sace pana bhikkhuniyā hatthe dinnam hoti, sace līṅge parivate dhovati, vaṭṭati.

Ettha ca ekassa tikkhattum nissajjanābhāvato tīnīpi kārentassa ekena nissaggiyaṃ, dvīhi dve dukkaṭāni. Dve kārentassa ekena nissaggiyaṃ, dutiyena dukkaṭam. Tenāha

“**dhovanādini tīpi**”tiādi. “**Ekena vatthunā**”ti pathamaṃ katvā niṭṭhāpitaṃ sandhāya vuttam. Sace pana “imam cīvaram rajitvā dhovivā ānehi”ti vutte sā bhikkhunī pathamaṃ dhovivā pacchā rajati, nissaggiyena dukkatameva, evaṃ sabbesu viparītavacanesu nayo netabbo. Sace pana “dhovivā ānehi”ti vuttā dhovati ceva rajati ca, dhovāpanapaccayā eva āpatti, rajane anāpatti. Evaṃ sabbattha. Tenāha “**sace pana dhovā’ti vuttā**”tiādi. Bhikkhūnaṃ vasena ekato upasampannāya dhovāpentassa yathāvatthukamevāti āha “**bhikkhunisāṅghavasenā**”tiādi.

Aññassa vā santakanti aññassa santakam purāṇacīvaram dhovāpentassāti attho. **Nisīdanapaccattharaṇanti** aññassa vā attano vā santakam nisīdanañceva paccattharaṇaṃ. Nivāsanaṃ purāṇapagasseva ca idha “purāṇacīvara”nti adhippetattā attano santakampi nisīdanapaccattharaṇam dhovāpentassa dukkaṭameva hoti, na nissaggiyam. **Avuttā vā dhovatīti** uddesāya vā ovādāya vā āgatā kiliṭṭhacīvaram disvā thapitaṭṭhānato vā gahetvā, “detha ayya, dhovissāmi”ti āharāpetvā vā dhovati ceva rajati ca ākoṭeti ca, ayaṃ **avuttā dhovati** nāma. Yāpi “imam cīvaram dhovā”ti daharam vā sāmaṇeram vā āṇāpentassa bhikkhuno vacanam sutvā “āharathayya, ahaṃ dhovissāmi”ti dhovati, tāvakālikam vā gahetvā dhovivā rajitvā deti, ayampi **avuttā dhovati** nāma.

Aññam vā parikkhāraṇanti upāhanatthavikappattatthavikaṃsabaddhakākāyabandhanamañcapīṭhatatṭikādiṃ yaṃ kiñci. “**Upacāre thavā**”ti vacanato pesitvā dhovaneṃ anāpatti. **Upacāreti** antodvādasahatthe okāse.

Purāṇacīvarasikkhāpadavaṇṇanā niṭṭhitā.

5. Cīvarappaṭiggahaṇasikkhāpadavaṇṇanā

Channanti khomādīnaṃ channaṃ cīvarānaṃ majjhe. **Upacāraṃ muñcivāti** dvādasahatthūpacāraṃ muñcivā. **Pi-saddena** dhammakatham kathentassa catasso parisā cīvarāni ca nānāvīragavattāni ca āharitvā pādāmūle thapenti, upacāre vā thavā upari khipanti, “**sace sādīyati, paṭiggahitamevā**”ti ettha vattabbameva natthīti dasseti. **Khipatīti** divā vā rattibhāge vā khipatu. **Paṭiggahitameva hotīti** kiñcāpi “idaṃ bhikkhuniyā, idaṃ aññesa”nti nātuṃ na sakkā, tathāpi acittakabhāvena gahitameva hoti. **Yassa kassaci pana anupasampannassāti** sikkhamānasāmaṇerasāmaṇerūpāsakaupāsīkādīsu yassa kassaci anupasampannassa. **Thapitanti** bhikkhuniyā thapitam. **Paṃsukūlam adhiṭṭhahitvāti** “assāmikam ida”nti saññaṃ uppādetvā. Assāmikañhi “paṃsukūla”nti vuccati. Iminā “amhākamathāya thapita”ntiādikāya saññāya gahetum na vaṭṭatīti dasseti. **Aññatra pārivattakāti** parivattetabbam **parivattam**, parivattameva **pārivattakam**, parivattetvā diyyamānaṃ, tam vināti attho. Tenāha “**yaṃ antamaso harīṭṭakakkaṇḍampī**”tiādi. **Abhogam katvāti** cittena samānāharitvā. Sace bhikkhunī vassāvāsīkampi deti, tampi yathāvuttavidhānaṃ akatvā gahetum na vaṭṭatīti veditabbam.

Paṭilābhenāti gahaṇena. **Tikapācittiyanti** tīni parimāṇāni assāti **tikam**, tikaṇca tam pācittiyācānti **tikapācittiyam**, aññātikāya nātikasaññivematikaññātikasaññīnaṃ vasena tīni pācittiyāni attho. **Ekatoupasampannāyāti** bhikkhuniṃsaṃ santeke upasampannāya. Tāya hi hatthato aññatra pārivattakā cīvaram paṭiggahaṇantassa dukkaṭam, bhikkhūnaṃ santeke upasampannāya pana pācittiyameva. “**Pattatthavikādiṃhi ca anadhiṭṭhātabbaparikkhāre**”ti iminā bhisicchavimpi saṅgaṇhāti. Sā hi mahantāpi senāsanaṅgaṇhitattā cīvarasaṅkham na gacchatīti neva adhiṭṭhānupagā, na vikappanupagā ca. Vuttañhi **samantapāsādikāyam** “sacepi mañcappamānā bhisicchavi hoti, vaṭṭatīyevā”ti (pārā. attha. 2.514). “Hatthato cīvaram paṭiggahaṇatī”ti vacanato pana aññātikāya bhikkhuniyā pesitaggahaṇeṃ anāpatti. Paṭiggahaṇato, parivattanākaraṇato ca **kiriyākiriyam**.

Cīvarappaṭiggahaṇasikkhāpadavaṇṇanā niṭṭhitā.

6. Aññātakaviññāttisikkhāpadavaṇṇanā

Gehassa pati jettḥoti **gahapati**, tam gahapatim, idha pana apabbajito yo koci manusso adhippeto. Tenāha “**bhikkhūsu apabbajitamanussa**”nti. Eseva nayo **gahapatīni**ti ethāpi. “**Viññāpeyyā**”ti idaṃ suddhakattuatthe ca hetukattuatthe ca vatṭatīti āha “**yāceyya vā yācāpeyya vā**”ti. **Yācāpana**ñcettha attano atthāyevāti daṭṭhabbam. Evañca pana katvā “anāntika”nti idaṃ samatthitam hoti. **Aññatra samayāti** sameti ettha, etena vā saṃgacchati satto, sabhāvadhammo vā saḥajātādīhi, uppādādīhi vāti **samayo**, kālo, dhammappavattimattatāya atthato abhūtopi hi kālo dhammappavattiyā adhikaraṇam, karamam viya ca kappanāmetasiddhena rūpena voharīyati, tam samayaṃ thapetvāti attho. Tenāha “**yo acchinnacīvaro vā hotī**”tiādi. Tattha rājādīsu yehi kehici acchinnam cīvaram etassāti **acchinnacīvaro**. Yathāha “acchinnacīvaro nāma bhikkhussa cīvaram acchinnam hoti, rājūhi vā corehi vā dhutthehi vā yehi kehici vā acchinnam hotī”ti. Aggīādīsu yena kenaci naṭṭham cīvarametassāti **naṭṭhacīvaro**. Yathāha “naṭṭhacīvaro nāma bhikkhussa cīvaram agginā vā daddham hoti, udakena vā vūlham hoti, undūrehi vā upacikāhi vā khāyitam hoti, paribhogajinnaṃ vā hotī”ti (pārā. 519). **Samayāti** aññātrasaddāpekkhāya upayogatthe nissakkavacananti āha “**taṃ samaya**”nti. **Aññasminti** aññasmim samaye.

Tikapācittiyanti aññātake aññātakasaññivematikaññātakasaññīnaṃ vasena tīni pācittiyāni. **Samayeti** yathāvutte acchinnacīvarakāle ca naṭṭhacīvarakāle ca. **Nātakappavārite vā viññāpentassāti** nātake, pavārite ca “tumhākam santhataṃ dethā”ti yācantassa. Ettha (pārā. attha. 2.521) ca saṅghavasena pavārite pamānameva yācītuṃ vaṭṭati, puggalikavasena pavārite pana yaṃ yaṃ pavārenti, tam tameva viññāpetabbam. Yo hi catūhi paccayehi pavāretvā sayameva sallakkhetvā kālanukālam cīvarādīni divase divase yāgubhattādīni deti, evaṃ yena yena attho, tam tam deti, tassa viññāpanakiccaṃ natthi. Yo pana pavāretvā bālātāya vā satisammosena vā na deti, so viññāpetabbo. Yo “mayham geḥam pavāremī”ti vadati, tassa geḥam gantvā yathāsukham nisīditabbam nipajjitabbam, na kiñci gahetabbam. Yo pana “yaṃ mayham geḥe atthi, tam pavāremī”ti vadati, yaṃ tattha kappiyam, tam viññāpetabbam. Geḥe pana nisīditum vā nipajjitum vā na labbhati. **Tassevatthāyāti** “aññassā”ti laddhavohāressa tasseva buddharakkhitassa vā dhammarakkhitassa vā atthāya. **Attano dhanena gaṇhantassāti** attano kappiyabhāḍena kappiyavohāreṇa gaṇhantassa cetāpentassa, parivattāpentassāti attho.

Aññātakaviññāttisikkhāpadavaṇṇanā niṭṭhitā.

7. Tatuttarisikkhāpadavaṇṇanā

Tam-saddo cettha pakatattavacano. Ceti nipātamattam. Ceti vā yadīti attho, tassa “pavāreyyā”ti iminā sambandho veditabbo. **Pavāreyya** ceti yadi pavāreyyāti attho. “**Abhīti upasaggo**”ti (sāratta. fī. 2.523-524) iminā tassa atthavisesābhāvaṃ dasseti. Tenāha “**haritūnti attho**”ti. **Pavārasaddassa** icchāyam vattamānattā “**icchāpeyyā**”ti vuttam. **Iccham uppādeyyāti** paccaye iccham uppādeyya. Upanimantanāyetaṃ adhivacanam. Tenāha “**yāvattaka**”ntiādi. **Nekkhamanti** pabbajjam. **Daṭṭhūti** daṭṭhum. Chandānurakkhaṇatthāñhettha anuñāsikalopo. **Khematoti** nibbhayato. Kāyena vā vācāya vā abhiharitvā nimanteyyāti sambandho. Yathā ca kāyena abhihareyya, vācāya ca, tam vidhim dassetum “**upanetvā**”tiādi vuttam **saantaranti** antaravāsakasahitam. **Uttaranti** uttarāsaṅgam. **Paramanti** avasānam. **Assa cīvarassāti** assa samudāyabhūtassa haritabbassa cīvarassa. Taggūnasamviññāno hi ayaṃ bhāhiratthasamāso yathā “lambakkaṇo”ti daṭṭhabbam. Tenāha “**nivāsana**”tiādi. Ukkaṭṭhaparicchedena hi sabbe tamparamayeva gahetum labhanti.

Yasmā acchinnaṃsabbacīvarena ticīvaramattakeneva bhikkhūnā evaṃ paṭipajjitabbam, aññena pana aññāthāpi, tasmā tam vibhāgam dassetum “**tatrāyam vinicchayo**”tiādi vuttam. **Adhiṭṭhitacīvarassāti** ticīvarādhiṭṭhānanayena vā parikkhāraacolavasena vā yena kenaci adhiṭṭhitacīvarassa, idaṇca yebhuyyena adhiṭṭhahitvā cīvaram paribhūjato vuttam, na pana anadhiṭṭhitacīvarassa cīvare acchinne ayaṃ vidhi na sambhavatīti. Yassa vā ticīvarato adhiṭṭhitacīvaram aññattha atthi, tattha natthi, tenāpi tadā tattha abhāvato dve sādītum vaṭṭati. **Pakatiyāva santaruttarena caratīti** (sāratta. fī. 2.523-524) atthakathinattā vā sāsaṅkasikkhāpadavasena vā avippavāsasammutivasena vā tatiyassa alābhena vā carati. “Dve naṭṭhāni”ti adhiṭṭhitā vuttam “**dve sādītabbāni**”ti. **Ekam sādīyanteneva samo bhavissatīti** tinnaṃ cīvarānaṃ dvīsu naṭṭhena ekam sādīyantena samo bhavissati ubhinnaṃpi santaruttaraparamatāya avatṭhānato. **Yassa ekamyeva hoti** aññena kenaci kāraṇena vinaṭṭhasesacīvarattā.

Pañcasu naṭṭhesatīti ticīvaram udakasāṭikā saṃkaccikāti imesu pañcasu cīvaresu naṭṭhesu. “Ekasmim vā naṭṭhe”ti vacanaviparināmaṃ katvā yojetabbam. **Tato uttarīti** santaruttaraparamato uttari.

Sesakam āharissāmīti dve cīvarāni katvā “sesakam puna āharissāmi”ti attho. **Sesakam tuyhamyeva hotīti vuttassāti** dānasamaye evaṃ vuttassa. Sace pana “sesakam āharissāmi”ti vatvā gahetvā gamanasamayepi “sesakam tuyhamyeva hotū”ti vadanti, laddhakappiyameva. **Na acchinnanaṭṭhākaraṇā dinnanti** bāhusaccādiḅḅavasena dinnam. **Vuttanayenāti** “nātakappavārite vā viññāpentassa, samaye ca aññassa vā nātakappavārite tassevatthāya viññāpentassa”ti vuttanayena.

Tatuttarisikkhāpadavaṇṇanā niṭṭhitā.

8. Pathamaupakkhaṭasikkhāpadavaṇṇanā

Bhikkhuṃ paneva uddisāti ettha **panāti** nipātamattam, tathā **eva-saddopi**. Tenāha “**itthannāmassā**”tiādi. **Apadisitvāti** kathetvā, ārabbhāti vā attho. **Aññātakassa gahapatissāti** aññātakagahapatināti attho. Karanatthe hi idam sāmivacanam. Atthakathāyāṃ pana idam suvīñṇeyyanti na vicāritam. Cīvaram cetāpenti parivattenti etenāti **cīvaracetāpannam** (sārattha. ƒ. 2.528-529), cīvaramūlam, **na-kāro** panettha āgamo, “cīvaracetāpana”ntipi paṭhanti. Tam pana yasmā hiraññādisu aññātarām hoti, tasmā “**hiraññādika**”nti vuttam. Tattha **hiraññanti** kahāpaṇo vuccati. **Ādisaddena** suvañṇādīnam gahaṇam. **Upakkhaṭanti** upaṭṭhāpitaṃ. Tam upakkharaṇam tesam tathā sajjitanti āha “**upakkhaṭam hotīti sajjitam hotīti**”. **Samharitvā ṭhapitanti** rāsim kavaṇṇaṃ. Parivattanañca akatassa kāraṇam, katassa kiṇananti āha “**kāretvā vā kiṇitvā vāti attho**”ti. **Acchādessāmīti** pārupessāmīti vuttam hoti. Tenāha “**vohāravacanameta**”nti. **Vohāravacananti** ca upacāravacananti attho.

“Tatra ce so bhikkhū”tiādisu ko padasambandhoti āha “**yatra so gahapati vā**”tiādi. **Pubbe appavāritoti** “dassāmi, kīdisena te, bhante, cīvarena attho, kīdisam te cīvaram cetāpemi”ti pubbe avutto. **Upasaṅkamitvā gantvā**. Padabhājanē pacuravohāravasena “gharaṃ gantvā”ti (pārā. 529) vuttam. Ettha ca **pacuravohāravasenāti** yebhuyavohāravasena. Yebhuyena hi gharasāmikam daṭṭhukāmā tassa gharāṃ gacchantīti theva bahulavohāro. **Vikappanti** visittho kappo **vikappo**, vi-saddo cettha visitthatho. Tenāha “**visitthakappa**”nti. Iminā vacanathamāha. “**Adhikavidhāna**”nti iminā pana adhippāyatham. **Yathā pana tamāpajjati** yenākārena tam vikappam āpajjati. **Tam dassetunti** tam ākāram dassetum.

“**Sādhū**”ti ayaṃ saddo sampaticchanasampahamsanasundarāyācanādisu dissati. Tathā hesa “sādhū, bhanteti kho so bhikkhu bhagavato bhāsitaṃ abhinanditvā anumoditvā”tiādisu (ma. ni. 3.86) sampaticchane dissati, “sādhū sādhū sāriputtā”tiādisu (dī. ni. 3.349; ma. ni. 1.340) sampahamsane.

“Sādhū dhammaruci rājā, sādhū paññānavā naro;
Sādhū mittānamaddubbho, pāpassākaraṇam sukha”ntiādisu. (jā. 2.18.101)–

Sundare, “sādhū me, bhante bhagavā, samkhittena dhammam desetū”tiādisu (saṃ. ni. 3.64-68) āyācane, idhāpi āyācaneveva daṭṭhabboti (dī. ni. atthā. 1.189; ma. ni. atthā. 1.1) mūlapariyāyasuttavaṇṇanā; su. ni. atthā. 1.115 aggikabhāradvājasuttavaṇṇanā; bu. vaṃ. atthā. 1.49) āha “**sādhūti āyācane nipāto**”ti. Tattha **āyācane** abhimukham yācane, abhipatthanāyanti attho. Parivattake nipāto sambandho. **Ālapitīti** āmanteti. **Āyatādisīti** ettha ādisaddena vitthataappitasañhānam gahaṇam. Yasmā pana na imassa āpajjanamatteneva āpatti sīsam eti, tasmā “**tassa vacanenā**”tiādi vuttam. **Payogeti** suttapariyesanādi payoge.

Mahaggaṃ cetāpetukāmaṃ appaggaṃhi vīsatiaggaṇakam cīvaram cetāpetukāmaṃ “alam mayham tena, dasaaggaṇakam vā atthaggaṇakam vā dehi”ti vadantassāti attho. **Evarūpanti** evaṃ samabhāgaṃ, iminā samakanti vuttam hoti. Tañca kho agghavaseneva, na pamānavasena. Agghavaḍḍhanakāñhi idam sikkhāpadam.

Pathamaupakkhaṭasikkhāpadavaṇṇanā niṭṭhitā.

9. Dutīyupakkhaṭasikkhāpadavaṇṇanā

Kasmā iminā nayena attho veditabboti āha “**idāñhi**”tiādi. **Hiti** kāraṇatthe nipāto. Na koci viśesoti āha “**kevala**”ntiādi.

Dutīyupakkhaṭasikkhāpadavaṇṇanā niṭṭhitā.

10. Rājasikkhāpadavaṇṇanā

Rājato bhogganti rājato laddhabhoggaṃ. **Rājabhoggoti** rājāmatto. **Rājato bhogoti** raññā dinnam issariyam. **Iminātiādi**ti “iminā cīvaracetāpanna cīvaram cetāpetvā itthannāmaṃ bhikkhuṃ cīvarena acchādehi”ti idam. **Āgamanasuddhīti** mūlasuddhiṃ. Yadi hi iminā kappiyāñhārena apesetvā “idam itthannāmassa bhikkhuno dehi”ti peseyya, sopi dūto tam bhikkhuṃ upasaṅkamitvā evam vadeyya “idam kho, bhante, āyasantam uddissa cīvaracetāpannam ābhatam, paṭiggaṇhātu āyasmā cīvaracetāpanna”nti (pārā. 538), tadā paṭikkhipitvāpi kappiyakārakam puṭṭhena tam niddisitum na vaṭṭati. Tenāha “**sace hi**”tiādi. **Ākappiyavattum ārabbhāti** hiraññādim ārabbhā. **Īdisena dūtavacanenāti** “paṭiggaṇhātu āyasmā cīvaracetāpanna”nti evarūpena dūtavacane. **Tasmāti** yasmā sampaticchitum akappiyam hoti, tasmā. **Suvaṇṇanti** jātarūpam. **Rajatanti** rūpiyam. **Kahāpaṇenāti** suvaṇṇamayo vā rūpiyamayo vā pākati vā kahāpaṇo. **Māsakoti** lohamāsako vā hotu, dārumāsako vā hotu, jatumāsako vā hotu, yo yo yattha yattha janapade yadā yadā vohāram gacchati, antamaso aṭṭhimayopi cammamayopi rukkhaphalābjāmayopi samuṭṭhāparitūpopi asamuṭṭhāparitūpopi sabbo idha māsakoti veditabbo. Ettha ca yaṃ vattabbaṃ, tam rūpiyasikkhāpade vakkhāma.

Muttāti hatthikumbhājādikā atthavādā muttā. Tathā hi hatthikumbham varāhadātham, bhujāṅgasīsam, valāhakam, veḷu, macchasiro, sankho, sippitī atthā muttāyoniyo. Tattha yā macchasiṅhasippijātā, sā **sāmuddikā**, bhujāṅgajāpi kāci sāmuddikā hoti. Itarā **asāmuddikā**. Yasmā pana bahulam sāmuddikāva muttā loke eṭṭanti, tattāpi sippijāva, itarā kadāci. Tasmā **sammohavinodaniyam** “muttāti sāmuddikamuttā”ti (vibha. atthā. 172) vuttam. **Mañṇitī** ṭhapetvā veḷuriyādikē antamaso jātiphalikam upādāya sabbopi nīlapītādivaṇṇabhedo mañṇitī veditabbo, pacitvā kato pana kācamaniyēveko paṭṭāḍibhaṇḍamūlattham sampaticchitum vaṭṭati. **Veḷuriyo** nāma vaṃsavāṇamaṇi. **Saṅkhōti** dhamanasankho dhotaviddho ratanamisso, pāñiyasankho pana ratanāmissakato, so ca aññāḍibhesajjathāya, bhaṇḍamūlatthāya ca sampaticchitum vaṭṭati. **Silāti** dhotaviddhā ratanasamyuttā muggavaṇṇā silā. Ratanena pana amissā sathakanisānādiatthāya paṭiggaṇhitum vaṭṭati. Ettha ca “**ratanasamyuttāti** suvaṇṇena saddhim yojetvā pacitvā katā”ti vadanti. **Pavāḷanti** dhotampi adhotampi sabbam pavāḷam. **Lohitaṅkoti** rattamaṇi. **Masāragallanti** kabaramaṇi. Yam “marakata”ntipi vuccati.

Satta dhaññantiti sānulomāni sāliādīni satta dhaññāni. Nivāradīupadhaññassa pana sāliādīmūladhaññāntogadhattā “satta dhaññānti”ti vuttam.

Dāsīdāsakhetavattupupphārāmaphalārāmādayoti ettha **dāsī** nāma antojāḍadhanakkītakaramaṇāntippabhedā. Tathā **dāso**. **Khettaṃ** nāma yasmim pubbaṇṇam ruhati. **Vattu** nāma yasmim aparāṇṇam ruhati. Yattha vā ubhayampi ruhati, tam **khettaṃ**. Tadatthāya akatabhūmibhāgo **vattu**. Khettavatthuisena cettha vāpītalākāḍṇipi saṅgahitāneva. Vassikādīnam pupphanako **pupphārāmo**. Ambaphalādīnam phalanako **phalārāmo**. Na kevalaṅca attanoyevattāya sampaticchitum na vaṭṭati, saccepi koci jātarūparajataṃ ānetvā “idam saṅghassa dammi, āraṃam vā karotha, cetiyam vā bhōjanasālādīnam vā aññātarā”nti vadati, idampi sampaticchitum na vaṭṭati. “Yassa kassaci hi aññassa atthāya sampaticchantassa dukkaṭam hotī”ti (pārā. atthā. 2.538-539) **mahāpaccariyam** vuttam. Tenāha “**cetiyaṅghagaṇapuggalānam vā atthāya sampaticchitum na vaṭṭanti**”ti.

Sace pana saṅgham vā gaṇam vā puggalam vā anāmasitvā “idam hiraññasuvannaṃ cetiyassa dema, vihāressa dema, navakammassa demā”ti vadanti, paṭikkhipitum na vaṭṭati. “Ime idam bhāṇanti”ti kappiyakārakānam ācikkhitabbam. “Cetiyaḍīnam atthāya tumhe gahetvā ṭhapethā”ti vutte pana “amhākam gahetum na vaṭṭati”ti paṭikkhipitabbam.

Veyyāvaccakaroti kiccakaro. Idha pana sabbo kiccakaro vā “veyyāvaccakaro”ti adhippetoti āha “**kappiyakārako**”ti. **Eso khōti** “asukavāṭhiyam asukaghare asukanāmo”ti parammukham vadati. **Itarampīti** parammukhānīdīṭṭhampi. “Attho me, āvuso, cīvarenā”ti etaṃ codanālakkhaṇanidassananti sambandho. Tattha **codanālakkhaṇanidassananti** vācāya codanālakkhaṇanidassanam. Tenāha “**sace hi**”tiādi. Idam vā vacanam vattabbanti sambandho. Etassa vā attho yāya kāyaci bhāsāya vattabboti sambandho. “Dehi me cīvaram, āhara me cīvaram, parivattēhi me cīvaram, cetāpehi me cīvara”nti etāni pana vacanāni etesaṃ vā attho yāya kāyaci bhāsāya na vattabbo. Tenāha “**dehi me**”tiādi. **Sādheyāti** nippādeyya. **Icetaṃ kusalaṃ**ti evam yāvatiyam codanena tassa cīvarassa yadetaṃ abhinipphādanam, etaṃ kusalaṃ sādhū sutthūti attho. Tenāha “**etaṃ sundara**”nti.

Chakkhattam paramo paricchedo assāti **chakkhattuparamam**. Idañhi “ṭhātabba”nti imissā kiriyāya viśesanaṃ, chakkhattuparamam thānam kātabbanti attho. Tenāha “**bhāvanapūmsakavacanameta**”nti, etaṃ bhāve ṭhātabbanti vuttadhātvaṭṭamatte sādhetabbe napūmsakalingavacananti attho. **Na nisīditabbanti** “idha, bhante, nisīdathā”ti vuttepi na nisīditabbam. **Na āmisam paṭiggaṇhetabbanti** yāgukhajjākāḍḍibhedam kiñci āmisam “gaṇhatha, bhante”ti yāciyamānenāpi na gaṇhitabbam. **Na dhammo bhāsītabboti** (pārā. atthā. 2.538-539) “maṅgalaṃ vā anumodanaṃ vā bhāsathā”ti yāciyamānenāpi na kiñci bhāsītabbam. **Thānam bhāñjati**ti thitim vināseti. Thātvā cīvaram gahetum āgatahi hi tam uddissa tuṇḍibhūtena ṭhātabbameva, na nisajjādikaṃ kātabbam. Iminā pana tam katanti thānam vināsitaṃ hoti. Tenāha “**āgatakarāṇam vināseti**”ti. “Āgatakarāṇam nāma thānameva, tasmā “na kātabba”nti vāritassa katattā nisajjādīsū katesu chasu thānesu ekam thānam bhāñjati”ti (sārattha. ƒ. 2.537-539) ayametta adhippāyo. Chakkhattuparamam tuṇḍibhūtena uddissa ṭhātabbam. “Na aññam kiñci kātabba”nti hi idam thānalakkhaṇam. Tenevāha “**ida**”ntiādi. Tattha **idanti** “catukkhattam pañcakkhattam, chakkhattuparamam tuṇḍibhūtena uddissa ṭhātabba”nti vacanam. Ettha ca “nisīdanādimhi kate puna cīvaram gahetum na labhati”ti keci. “**Deve thānāni pariḥāyanti**”ti aññe. “**Ekam thānam pariḥāyati**”ti apare. **Ubhayam karōti**ti codetipi tiṭṭhatipi.

“**Tatra tatra thāne tiṭṭhati**”ti idam codakassa thitattitattihānato apakkamma tatra tatra cīvaram uddissa thānamyeva sandhāya vuttam. **Etthāti** etesu dvīsu codanāṭṭhānesu.

Kim pana sabbakappiyakārakesu (pārā. aṭṭha. 2.538-539; vi. saṅga. aṭṭha. 65) evam paṭipajjitabbanti? Na paṭipajjitabbam. Ayañhi kappiyakārako nāma saṅkhepato duvidho niddiṭṭho ca aniddiṭṭho ca. Tattha ca niddiṭṭho duvidho bhikkhunā niddiṭṭho, dūtena niddiṭṭhoti. Aniddiṭṭhopi duvidho mukhavevaṭṭikakappiyakārako, parammukhakappiyakārakoti. Tesu bhikkhunā niddiṭṭho sammukhāsammukhavasena catubbidho hoti, tathā dūtena niddiṭṭhopi.

Katham? Idhekacco bhikkhussa cīvaratthāya dūtena akappiyavatthum pahināti, dūto ca tam bhikkhum upasaṅkamitvā “idam, bhante, itthannāmena tumhākam cīvaratthāya pahitam, ganhatha na”nti vadati. Bhikkhu “idam na kappati”ti paṭikkhipati. Dūto “atthi pana te, bhante, veyyāvaccakaro”ti pucchati, puññatthikehi ca upāsakehi “bhikkhūnam veyyāvaccam karothā”ti ānattā vā bhikkhūnam vā sandiṭṭhā sambhattā keci veyyāvaccakārā honti, tesam aññataro tasmim khane bhikkhussa santike nisinnō hoti, bhikkhu tam niddisati “ayam bhikkhūnam veyyāvaccakaro”ti. Dūto tassa hatthe akappiyavatthum datvā “therassa cīvaram kiṇitvā dehi”ti gacchati, ayam **bhikkhunā sammukhāniddiṭṭho**.

No ce bhikkhussa (pārā. aṭṭha. 2.537; vi. saṅga. aṭṭha. 65) santike nisinnō hoti, apica kho bhikkhu niddisati “asukasmim nāma gāme itthannāmo bhikkhūnam veyyāvaccakaro”ti. So gantvā tassa hatthe akappiyavatthum datvā “therassa cīvaram kiṇitvā dadeyyāsi”ti āgantvā bhikkhussa ārocetvā gacchati, ayameko **bhikkhunā asammukhāniddiṭṭho**.

Na heva kho so dūto attanā āgantvā āroceti, apica kho aññam pahināti “dinnam mayā, bhante, tassa hatthe cīvaracetāpannam, cīvaram ganheyāthā”ti, ayam dutiyo **bhikkhunā asammukhāniddiṭṭho**.

Na heva kho aññam pahināti, apica kho gacchantova bhikkhum vadati “aham tassa hatthe cīvaracetāpannam dassāmi, tumhe cīvaram ganheyāthā”ti, ayam tatiyo **bhikkhunā asammukhāniddiṭṭho** evam eko sammukhāniddiṭṭho tayo asammukhāniddiṭṭhāti ime cattāro **bhikkhunā niddiṭṭhaveyyāvaccakārā** nāma. Etesu imasmim rājasikkhāpade vuttanayeneva paṭipajjitabbam.

Aparo bhikkhu purimanayeneva dūtena pucchito natthitāya vā avicāretukāmatāya vā “natthamhākam kappiyakārako”ti vadati, tasmīna khane koci manusso āgacchati, dūto tassa hatthe akappiyavatthum datvā “imassa hatthato cīvaram ganheyāthā”ti vatvā gacchati, ayam **dūtena sammukhāniddiṭṭho**.

Aparo dūto gāmap pavisitvā attanā abhirucitassa kassaci hatthe akappiyavatthum datvā purimanayeneva āgantvā vā āroceti, aññam vā pahināti, “aham asukassa nāma hatthe cīvaracetāpannam dassāmi, tumhe cīvaram ganheyāthā”ti vatvā vā gacchati, ayam tatiyo **dūtena asammukhāniddiṭṭho** evam eko sammukhāniddiṭṭho, tayo asammukhāniddiṭṭhāti ime cattāro **dūtena niddiṭṭhaveyyāvaccakārā** nāma. Etesu meṇḍakasikkhāpade vuttanayeneva paṭipajjitabbam.

Vuttañhetam –

“Santi, bhikkhave, manussā saddhā pasannā, te kappiyakārakanam hatthe hiraññam upanikkhipanti ‘iminā ayyassa yam kappiyam, tam dethā’ti. Anujānāmi, bhikkhave, yam tato kappiyam, tam sādītum, na tvevāham, bhikkhave, kenaci pariyaṇa jātarūparajataṃ sādītabbam pariyesitabbanti vadāmi”ti (mahāva. 299).

Ettha ca codanāya parimānam natthi. Mūlam asādiyantena sahasakkhattumpi codanāya vā thānena vā kappiyabhaṇḍam sādītum vaṭṭati. No ce deti, aññam kappiyakārakam thapetvāpi āharapetabbam. Sace icchati, mūlasāmikānampi kathetabbam. No ce icchati, na kathetabbam.

Aparo bhikkhu purimanayeneva dūtena pucchito “natthamhākam kappiyakārako”ti vadati, tadañño samīpe thito sutvā “āhara, bho, aham ayyassa cīvaram cetāpetvā dassāmi”ti vadati. Dūto “handā, bho, dadeyyāsi”ti tassa hatthe datvā bhikkhussa anārocetvāya gacchati, ayam **mukhavevaṭṭikakappiyakārako**.

Aparo (pārā. aṭṭha. 2.538-539; vi. saṅga. aṭṭha. 65) bhikkhuno upatthākassa vā aññassa vā hatthe akappiyavatthum datvā “therassa cīvaram dadeyyāsi”ti ettova pakkamati, ayam **parammukhakappiyakārakoti** ime dve **aniddiṭṭhakappiyakārakā** nāma. Etesu aññatakaappavāritesu viya paṭipajjitabbam.

Sace sayameva cīvaram ānetvā denti, gahetabbam. No ce, na kiñci vattabbā. Tenāha “**sace**”tiādi. **Kappiyakāraketi** sammukhāsammukhavasena cattāro kappiyakāraketi attho. “**Dāyako sayamevā**”ti iminā bhikkhum paṭikkhipati, na dūtam. Tasmā dūtena niddiṭṭhopi yathāruci codetum vaṭṭati. Mukham vivaritvā sayameva kappiyakārakattam upagatoti **mukhavevaṭṭikakappiyakārako**. Evanti “eso kho”tiādinā yathāvuttena ākārena. **Dassitā honti** saṅkhepatoti adhippāyo.

Vuttacodanāṭṭhānaparimānatoti vuttacodanāparimānato ca vuttaṭṭhānaparimānato ca. **Santikanti** samīpam. **Tatthāti** ettha kathamayamattho labbhatī āha “**samīpatthe hi idam bhumavacana**”nti. Idam vuttam hoti – “gaṅgāyam goyūthāni caranti, kūpe gaggakūla”ntiādisu viya yasmā samīpādhāre idam sattamivibhattivacanānam, tasmā ayamatttho labbhatī. **Evam akarontoti** sāmam vā agacchanto, dūtam vā apāhento.

Ajjaṇho, bhante, āgamehīti, bhante, ajja ekadivasam amhākam tiṭṭha, adhivāsehīti attho. **Tikapācittiyanti** atirekesu codanāṭṭhānesu atirekasaññivematikaūnakasaññinam vasena tīṇi pācittiyāni. Tikkhattum codanāya chakkhattum thānena, ūnakatikkhattum codanāya ūnakachakkhattum thānena laddhepi anāpatti. **Appitātīti** paṭiṭṭhāpitātā, “saññatto so mayā”tiādinā (pārā. 538) kathitātīti vuttam hoti.

Rājasikkhāpadavaṇṇanā niṭṭhitā.

Cīvaravaggo paṭhamo.

2. Eḷakalomavaggo

1. Kosiyasikkhāpadavaṇṇanā

Kosiyamissakanti “kosakārakā”ti laddhavohārānam pānakānam kosato nibbattam amsu **kosiyam**, tena missam **kosiyamissakam**. Tena pana kosiyena appakenāpi missitām kosiyamissakameva, na idam abbohārikanti vattum labbhā. Tenāha “**ekenāpi**”tiādi. **Kosiyamsunāti** kimikosasambhavana amsunā. “**Antamaso**”tiādikam pana imassa sikkhāpadassa acittakattā vuttam. **Santhataṃ** nāma santharivā kataṃ avāyimam. Tenāha “**same bhūmibhāge**”tiādi. **Imasseva vacanassa anusārenāti** imasseva paṭhamasanthatassa nissajjanavidhānavacanānusārena. **Sabbasanthatanti** sabbasanthatanissajjanavidhānam.

Aññasattthāya kārapāne dukkaṭṭāttā attano atthāya kārapānavasena “**sāṇattika**”nti vuttam. **Attanā vippakatapariyosāpananayenāti** “attanā vippakatam attanā pariyoṣāpeti, nissaggiyam pācittiyam. Attanā vippakatam parehi pariyoṣāpeti, nissaggiyam pācittiyam. Parehi vippakatam attanā pariyoṣāpeti, nissaggiyam pācittiyam. Parehi vippakatam parehi pariyoṣāpeti, nissaggiyam pācittiyam”nti (pārā. 545) iminā nayena. **Vitānādikarāneti** vitānabhūmattharanasānipākārabhisibibbohanakarāne. Yathā ca vitānādikarāne, evam tenākārena paribhogepi anāpatti. “Avāyima”nti (pārā. 544) vuttatā vāyitvā karontassāpi anāpatti.

Kosiyasikkhāpadavaṇṇanā niṭṭhitā.

2. Suddhakāḷakasikkhāpadavaṇṇanā

Kālakānanti sabhāvena vā rajanena vā kālakānam. Yathāha “kālakam nāma dve kālakāni jātiyā kālakam vā rajanakālakam vā”ti. **Aññehi amissitānanti** aññehi amissitakālakānanti attho. “Yathā paṭhame ‘ekenāpi kosiyamsunā’ti (kankhā. aṭṭha. kosiyasikkhāpadavaṇṇanā) vuttam, tathā idhāpi ‘ekenāpi aññena amissetvā’ti avuttattā aññena pana missakabhogepi apaññāyamānarūpakam ce ‘suddhakāḷaka’micceva vuccati”ti (vajira. tī. pārājika 547) vadanti.

Ettha ca “idam me, bhante, suddhakāḷakānam eḷakalomānam santhata”ntiādinā (pārā. 549) nissajjanavidhānam veditabbam. **Sesanti**

pubbapayogadukkaṭacatukkapaṭṭicittiyādikam. Aṅgesu pana “**suddhakālakabhāvo**”ti ayam viseso.

Suddhakālakasikkhāpadavaṇṇanā niṭṭhitā.

3. Dvebhāgasikkhāpadavaṇṇanā

Gahetabbāti yathā kālakā adhikā na honti, tathā gahetabbā. Thapetvā cettha kālakaodāte avasesā gocarīyesuyeva saṅgaham gacchanṭīti (sārattha. ṭī. 2.552) daṭṭhabbam. Ettha ca **dve bhāgā**ti ukkaṭṭhaparicchedo kālakānaṃ adhikaggahaṇassa paṭikkhepavasena sikkhāpadassa paññattattā. Tasmā kālakānaṃ bhāgadavayato adhikam na vaṭṭati, ūnakam vaṭṭati. Tenāha “**ekassāpi**”tiādi. **Ekassāpi kālakalomassa atīrekabhāveti** tulāya dhārayitvā thapītesu antamaso vātaṅgenapi pahitassa ekassāpi kālakalomassa adhikabhāve saṭṭi attho. “**Tatiyaṃ odātānaṃ, catutthaṃ gocarīyāna**”nti idaṃ pana heṭṭhimaparicchedo tesam adhikaggahane paṭikkhepabhāvato. Tasmā tesam vuttappamāṇato adhikampi vaṭṭati.

Ettha ca “idaṃ me, bhante, santhataṃ anādiyitvā dve tule suddhakālakānaṃ eḷakalomānaṃ, tulaṃ odātānaṃ, tulaṃ gocarīyānaṃ santhataṃ kārāpitaṃ nissaggiya”nti (pārā. 554) iminā nayena nissajjanavidhānaṃ veditabbam. Āḍaya ca vuttaparicchedena anāḍaya ca karanato **kiriyaḷkiriyaṃ. Sesanti** pubbapayogadukkaṭacatukkapaṭṭicittiyādikam. Ayam pana viseso – tulaṃ odātānaṃ tulaṃ gocarīyānaṃ ādiyitvā karaṇe, bahutaraṃ odātānaṃ bahutaraṃ gocarīyānaṃ ādiyitvā karaṇe, suddham odātānaṃ suddham gocarīyānaṃ ādiyitvā karaṇe ca anāpattīti.

Aṅgesu pana paṭhamaṅgam kālakānaṃ dvebhāgato atīrekabhāvoti daṭṭhabbam. Imāni tīpi na kevalaṃ anissaṭṭhāneva pariḷhuñjitum na vaṭṭantīti āha “**imāni panā**”tiādi. “**Paribhuñjitum na vaṭṭanti**”ti iminā yadi pariḷhuñjati, dukkatanti dasseti.

Dvebhāgasikkhāpadavaṇṇanā niṭṭhitā.

4. Chabbassasikkhāpadavaṇṇanā

Yam santhatasammutiṃ detīti sambandho. **Gilānassa bhikkhuno**ti yassa vinā santhataṃ na phāsu hoti, na sakkoti ca santhataṃ āḍaya pakkamītum, evambhūtaṃ gilānassa bhikkhuno. **Santhatasammutiṃ detīti** “sunātu me, bhante, saṅgho, ayam itthaṇāmo bhikkhu gilāno na sakkoti santhataṃ āḍaya pakkamītu”ntiādinā (pārā. 560) padabhājane vuttāya ṇāttidutiyakammavācāya santhatasammutiṃ deti.

Sāti santhatasammuti. **Vūpasanto vā puna kuppātīti** vūpasanto vā so ābādho puna kuppātīti, anuvassampi kātūm vaṭṭati, puna sammudidānakkiccaṃ natthīti adhippāyo. Na kevalaṃ tasmīmyeva roge kuppate, atha kho aññasim roge kuppatepi gatagataṭṭhāne anuvassam kātūm labhati. Teneva hi **samantapāsādikāyaṃ** “sace arogo hutvā puna mūlabāyādhināva gilāno hoti, soyeva pariḷhāro, natthaññaṃ ‘sammutikkicca’nti **phussadevathero** āha. **Upatisatthero** pana so vā byādhi paṭikuppato, añño vā, sakim ‘gilāno’ti nāmaṃ laddhaṃ laddhameva, puna ‘sammutikkiccaṃ natthī’ti āhā”ti (pārā. aṭṭha. 2.557) upatisatttheravādo pacchā vutto.

Ettha ca “idaṃ me, bhante, santhataṃ ūnakachabbassāni kārāpitaṃ aññatra bhikkhusammutiya nissaggiya”nti (pārā. 562) iminā nayena nissajjanavidhānaṃ veditabbam. “**Sesam paṭhamasadisamevā**”ti iminā “attanā katam parehi pariyoṣāpeti”tiādikam atidiṭṭham. Ayam pana viseso – pariḷpuṇṇe chabbasse vā atīrekachabbasse vā anāpattīti. Aṅgesu ca chabbassānaṃ antobhāvo nānāttam.

Chabbassasikkhāpadavaṇṇanā niṭṭhitā.

5. Nisīdanasikkhāpadavaṇṇanā

Nisīdanasanthatanti “nisīdanaṃ nāma sadasaṃ vuccatī”ti ettha padabhājanīyam (pārā. 568) vuttattā sadasaṃ santhataṃ, ettha ca nisīdanaggahaṇam santhate cīvarasaññānivāranattham, yato te bhikkhū kambalacīvarasaññāya santhataṃ chaddetvā dhutaṅgāni samādiyimsu. Sayanāsanappayojanattā santhataṃ “**purāṇasanthataṃ nāmā**”tiādi vuttam. **Yathā**ti yasmim santhate. **Vidatthimantanti** sugatavidatthimattam. Ukkaṭṭhaparicchedo cāyam “anāpattī alabhanto thokatarā ādiyitvā karoti”ti (pārā. 570) padabhājane vuttattā. **Ekadeseti** idāni kattabbanavasanthatassa ekappadesa. **Vijaṭevā**ti viddhamsetvā. **Anādā**ti ya-kāralopenāyam niddesoti āha “**sati purāṇasanthate aggaḷevā**”ti.

Ettha ca “idaṃ me, bhante, nisīdanasanthataṃ anādiyitvā purāṇasanthatassa sāmantaṃ sugatavidatthim kārāpitaṃ nissaggiya”nti (pārā. 568) iminā nayena nissajjanavidhānaṃ veditabbam. **Santhataṃ vassajjanavathusmiṃ paññattanti** bhagavattā santhataṃ vippakīṇāni disvā “saddhādeyyavinipātane kāraṇam natthi, pariḷhogupāyaṃ nesam dassessāmi”ti (pārā. aṭṭha. 2.566) santhataṃ vassajjanavathusmiṃ paññattam. Kiriyaḷkiriyaṭṭā imassa sikkhāpadassa “**sesam tatiyasadisamevā**”ti vuttam, dvebhāgasikkhāpadadasisamevāti attho. Ayam pana viseso – purāṇasanthatassa sāmantaṃ sugatavidatthiya āḍaya karaṇe, alabhantassa thokatarā āḍaya karaṇe, sabbathā alabhantassa anāḍaya karaṇe ca anāpattīti. Aṅgesu panettha paṭhamaṅgapurāṇasanthatassa sāmantaṃ sugatavidatthianāḍiyānāti daṭṭhabbam.

Nisīdanasikkhāpadavaṇṇanā niṭṭhitā.

6. Eḷakalomasikkhāpadavaṇṇanā

Addhānamaggappaṭipannassāti addhānameva maggo **addhānamaggo**, tam paṭipannassāti attho. Tenāha “**addhānasāṅkhāta**”ntiādi. Addhānasaddena visesitāṭīti pana “**dīghamagga**”nti vuttam. Addhānamaganasamayassa vibhaṅge “addhayaṅgaṃ gacchissāmiṭī bhuñjitabba”ntiādivacanato (pāci. 218) addhayaṅganampi addhānamaggo hoti. Eḷakalomāni cetāni addhānamaggo aññattha uppannāni paṭiggahetum na vaṭṭanti, yato “addhānamaggappaṭipannassā”tiādikam vuttanti anuyogam sandhāyāha “**sabbañceta**”ntiādi. Tattha **sabbañceta**ni “bhikkhuno paneva addhānamaggappaṭipannassa eḷakalomāni uppajjeyyu”ntiādikam etaṃ sabbam. **Vatthumattadīpanamevā**ti “tena kho pana samayena aññatarassa bhikkhuno kosalesu janapade sāvathim gacchantassa antarāmagge eḷakalomāni uppajjimsi”tiādikassa (pārā. 571) vatthumattassa dīpanameva. **Yattha katthacīti** addhānato aññatthāpi yattha katthaci thānesu. **Sahatthā**ti karaṇatthe nissakkavacananti āha “**sahatthena**”ti. Lakkhaṇavacanānetam, tasmā yena kenaci sarīrāvayavenāti attho daṭṭhabbo. Tenāha “**attanā haritabbānti attho**”ti. **Asante hāra**keti ettha padānaṃ antogadhāvadhāraṇato avadhāraṇattho labhatthi āha “**asantevā**”tiādi.

Ettha ca “imāni me, bhante, eḷakalomāni tiyojanaṃ atikkāmitāni nissaggiyāni”tiādinā (pārā. 573) nissajjanavidhānaṃ veditabbam. **Tikapācittiyanti** atīrekatiyojane atīrekatiyojanasaññivematikaūnakasaññīnaṃ vasena tīpi pācittiyāni. **Vāsadhīppayena gantvā tato paraṃ haraṇeti** yattha gato, tattha uddesapariḷpuṇṇānaṃ vā paccayādīnaṃ vā alābhena tato paraṃ aññattha haraṇe, tatopi aññatthāti evam yojanasatampi haraṇe anāpattī. **Acchinnaṃ vā nissattham** vāti corehi acchinnaṃ vā vinayakammakatam vā. **Katabhaṇḍanti** katam bhaṇḍam kambalakoḷavasanthatādi yaṃ kiñci antamaso suttakena baddhamattampi. Tenāha “**antamaso**”tiādi. Yo pana tanukapattatthavikantare (pārā. aṭṭha. 2.575) vā āyogaṃsabaddhakakūyabandhanādīnaṃ antaresu vā pipphalīkādīnaṃ malarakkhanattham sipātikāyaṃ vā antamaso vāṭābādhiko kaṇṇacchindere lomāni pakkhipitvā gacchati, āpattiyeva. **Suttakena** pana bandhīti pakkhittam katabhaṇḍatthāne tīṭṭhāti, venim katvā harati, idaṃ nidhānamukhaṃ nāma, āpattiyeva.

Paṭhamappaṭilābhoti attano atthāya eḷakalomānaṃ paṭhamuppattī. Etena acchinnaṃnissatthappaṭiladdhānaṃ paṭikkhepo. **Aññassa aḷanantassa yāne pakkhipitvā**ti (pārā. aṭṭha. 2.572) gacchante rathādike vā hatthipiṭṭhādīsū vā sāmikassa aḷanantasseva “harissati”ti pakkhipitvā. Agacchantepi eseva nayo. Sace pana agacchante rathādīmhi vā hatthipiṭṭhādīsū vā thapetvā ārohitvā sāreti, heṭṭhā vā gacchanto codeti, pakkosanto vā anubandhāpeti, “aññaṃ harāpeti”ti (pārā. 575) vacanato anāpattī. Ettha ca “aḷanantassa yāne”ti iminā jānantassa ce yāne pakkhipatī, aññaṃ harāpeti nāmāti dasseti. **Aharaṇapaccāharaṇanti** haraṇapaccāharaṇānamabhāvo.

Eḷakalomasikkhāpadavaṇṇanā niṭṭhitā.

7. Eḷakalomadhovāpanasikkhāpadavaṇṇanā

Sakkesūti “sakyā vata, bho kumārā”ti (dī. ni. 1.267) udānaṃ paṭicca “sakyā”ti laddhanāmaṇam nivāso ekopi janapado rulhisaddena “**sakkā**”ti vuccatī, tasmim

sakkesu janapade. **Chabbaggiyā** nāma paṇḍukalohitakādayo chamūlakā, tesam sissā ca.

Elakalomadhovāpanasikkhāpadavaṇṇanā niṭṭhitā.

8. Jātarūpasikkhāpadavaṇṇanā

Rajatanti na kevaḷam rūpiyameva idhādhippetam, atha kho yaṃ kiñci vohāragamanīyaṃ kahāpaṇādi ca etaṃ adhippetanti āha **“apicā”**tiādi. Tattha **kahāpaṇoti** (pārā. aṭṭha. 2.583-584) suvaṇṇamayo vā rūpiyamayo vā pākātiko vā. **Lohamasako** nāma tambalohādhī katamāsako. **Dārumāsako** nāma sārādārunā vā velupesikāya vā antamaso tālapaṇṇenapī rūpaṃ chinditvā katamāsako. **Jatūmāsako** nāma lākhāya vā niyyāsena vā rūpaṃ samuttāpetvā katamāsako. **“Ye vohāraṃ gacchanti”**ti iminā pana padena yo yo yattha yattha janapade yadā yadā vohāraṃ gacchati, antamaso vāttimayopi cammamayopi rukkhaphalabījamayopi samuttāpitarūpopi asamuttāpitarūpopi sabbo saṅghahito. **Tadevāti** jātarūparajateva. **Hiraṇṇam** nāma kahāpano.

“Sādiyati”ti vuttamevattham vibhāveti **“gaṇhitukāmo hoti”**ti. Na kevaḷam kāyavācāhi paṭikkhittameva paṭikkhittam hoti, atha kho manasāpi paṭikkhittam paṭikkhittameva hoti āha **“kāyavācāhi”**tiādi. Sace pana kāyavācāhi appaṭikkhīpitvā cittena adhvāseti, kāyavācāhi kattabassa paṭikkhepassa akaranato akiriya samuttāhānam kāyavācādvāre āpattim āpajjati. Manodvāre pana āpatti nāma natthi.

Eko satam (pārā. aṭṭha. 2.583-584) vā sahaṣṣam vā pādāmule ṭhāpeti **“tuyhidam hoti”**ti, bhikkhu **“nayidam kappati”**ti paṭikkhīpati. Upāsako **“pariccattam mayā tumhāka”**nti gato, añño tattha āgantvā pucchati **“kiṃ, bhante, ida”**nti. Yaṃ tena ca attanā ca vuttam, taṃ ācikkhitabbam. So ce vadati **“gopessāmi, bhante, guttatthānam dassethā”**ti, sattabhūmikampi pāsādā abhiruhitvā **“idam guttatthāna”**nti ācikkhitabbam, **“idha nikkhīpāhi”**ti na vattabbam. Ettāvataṃ kappiyañca akappiyañca nissāya ṭhitam hoti, dvāraṃ pidahitvā rakkhantaṃ vasitabbam. Sace kiñci vikkāyikabhaṇḍam pattam vā civaram vā āgacchati, **“idam gahessatha, bhante”**ti vutte **“upāsaka, atthi amhākaṃ iminā attho, vatthu ca evarūpaṃ nāma samvijjati, kappiyakārako natthi”**ti vattabbam. Sace so vadati **“aham kappiyakārako bhavissāmi, dvāraṃ vivaritvā dethā”**ti, dvāraṃ vivaritvā **“imasmim okāse ṭhapita”**nti vattabbam, **“imam gaṇhā”**ti na vattabbam. Evañca kappiyañca akappiyañca nissāya ṭhitameva hoti. So cetam gahetvā tassa kappiyabhaṇḍam deti, vaṭṭati. Sace adhikaṃ gaṇhāti, **“na mayam tava bhaṇḍam gaṇhāma, nikkhamāhi”**ti vattabbo.

Saṅghamajjheveva nissajjittabbanti ettha yasmā rūpiyaṃ nāma akappiyaṃ, tasmā **“nissajjittabbam saṅghassa vā gaṇassa vā puggalassa vā”**ti na vuttam. Yasmā pana taṃ paṭiggahitamattameva, na tena kiñci kappiyabhaṇḍam cetāpitaṃ, tasmā upāyena paribhogadassanattam **“saṅghamajjheveva nissajjittabba”**nti vuttam. **Ādi**-saddena telādīnam gahaṇam. **Soti** yo gahaṭṭho **“sappi vā telam vā vaṭṭati upāsaka”**tiādinā nayena vutto, so. **Aññena labhivāti** bhikkhunā vā āramikena vā attano vassaggena labhitvā. **Tato nibbattarukkhaḥchāyāpī**ti nissaggiyavatthunā āhaṭṭabjato nibbattarukkhaḥparicchedena ṭhitacchāyāpi, paricchedātikantā pana āgantukattā vaṭṭati. **No ce chaḍḍeti** atha neva gahetvā gacchati, na chaḍḍeti, **“kiṃ mayham iminā byāpārenā”**ti yenakāmaṃ pakkamati. **Pañcaṅgasamannāgato** **“yo na chandāgatim gaccheyya, na dosāgatim gaccheyya, na mohāgatim gaccheyya, na bhayāgatim gaccheyya, chaḍḍitacchadditāñca jāneyyā”**ti (pārā. 584) evaṃ vuttapañcaṅgehi samannāgato. **Sammantibboti** **“suṇāto me, bhante, saṅgho, yadi saṅghassa pattakallam, saṅgho itthannāmaṃ bhikkhum rūpiyachaddakam sammanneyyā”**tiādinā padabhājane vuttāya ṇāttidutiyakammavācāya sammanitabbo.

Animittam katvā gūtham viya chaḍḍetabbanti patitattāhānam sallakkhanavasena nimittam akatvā gūtham viya chaḍḍetabbam, akkhīni nimīletvāya nadiyā vā papāte vā vanagahane vā gūtham viya anapekkhena patitokāsam asamannāharantena pātetabbanti vuttam hoti. Tenāha **“gūtham viya chaḍḍetabba”**nti. **Tikapacittiyanti** rūpiyasāññivematikaarūpiyasāññīnam vasena ṭipi pācittiyāni. **Arūpiye rūpiyasāññī**noti kharapattādisu suvaṇṇādisāññīno. **Ratanasikkhāpadanayenāti** **“ajjhārame vā ajjhāvasathe vā”**ti (pāci. 505) ettha vuttavidhinā.

Jātarūpasikkhāpadavaṇṇanā niṭṭhitā.

9. Rūpiyasamvohārasikkhāpadavaṇṇanā

Katādivasenāti katakatakākatavāsena. Suvaṇṇādicatubbidhampi nissaggiyavatthu idha rūpiyagahaṇena gahitanti āha **“jātarūparajataparivattana”**nti. Idañca ukkaṭṭhaparicchedena vuttanti daṭṭhabbam. Tenāha **“purimasikkhāpadena hi”**tiādi. **Parivattananti** sāditarūpiyassa parivattanaṃ. **Purimanayānusarenāti** **“aham, bhante, nānappakārakam rūpiyasamvohāraṃ samāpajjimi, idaṃ me nissaggiya”**ntiādinā (pārā. 589).

Rūpiyasamvohāravatthuminti paṭiggahaṇasessa paṭikkhittattā paṭiggahitaparivattane dosam adisvā rūpiyaparivattane. **Tassa vāti** parivattitassa vā. **Dhanassa vāti** attano mūladhanassa vā. Attano vā hi arūpiyena parassa rūpiyaṃ cetāpeyya, attano vā rūpiyena parassa arūpiyaṃ, ubhayathāpi rūpiyasamvohāro katova hoti.

Rūpiyasamvohārasikkhāpadavaṇṇanā niṭṭhitā.

10. Kayavikkayasikkhāpadavaṇṇanā

Rūpiyasamvohārasa pana heṭṭhāsikkhāpadena gahitattā kappiyabhaṇḍānamevtha gahaṇanti āha **“civārādīna”**ntiādi. Tattha **civārādīnaṃ kappiyabhaṇḍānanti** antamaso dasikasuttaṃ upādāya civārapaṇḍapātasesanāgilānapaccayānam yesaṃ kesañci kappiyabhaṇḍānaṃ. **Kayaṃ** nāma parabhaṇḍassa gahaṇam. **Vikkayaṃ** nāma attano bhaṇḍassa dānaṃ. Tenāha **“iminā imaṃ dehi”**tiādi. **Parassāti** ṭhāpetvā pañca sahadhammike aññassa. Ettha ca **“aham, bhante, nānappakārakam kayavikkayaṃ samāpajjimi, idaṃ me nissaggiyaṃ, imāham saṅghassa nissajjāmi”**tiādinā (pārā. 595) nayena nissajjittabbam. Tenāha **“vuttalakkhanavasena”**tiādi. Nanu cettha civāradhovane vā kesacchedane vā bhūmisodhanādinavakamme vā parabhaṇḍam attano hatthagatam nissajjittabbam nāma natthi, tattha kiṃ kātābanti āha **“asante pācittiyam desetabbamevā”**ti. Yathā nissaggiyavatthumhi paribhutte vā natṭhe vā pācittiyam deseti, evaṃ idhāpi desetabbamevāti adhippāyo.

Idam amhākaṃ atthiti idaṃ paṭiggahitam telam vā sappi vā amhākaṃ samvijjati. **Amhākañca iminā ca iminā ca attho**ti amhākañca tadaññena iminā ca iminā ca appaṭiggahitakena attho. **“Rūpiyasamvohāre vuttanayamevā”**ti iminā **“tikapācittiyam akayavikkaye kayavikkayasāññīno ca vematikassa ca dukkata”**nti imaṃ nayamatidisati.

Kayavikkayasikkhāpadavaṇṇanā niṭṭhitā.

Elakalomavaggo dutiyo.

3. Pattavaggo

1. Pattasikkhāpadavaṇṇanā

Avikappitoti **“imam pattam tuyham vikappemi”**tiādinā nayena avikappito. **Āḍḍhābhakodanam gaṇhāti**ti magadhanāliyā dvinnaṃ taṇḍulanālinam odanam gaṇhāti. **“Magadhanāli** nāma āḍḍhaterasapalā hoti”ti **andhakattakathāyaṃ** vuttam. **“Sṭhāḍḍipe pakatināli mahantā, damīlanāli khuddakā, magadhanāli pamānāyuttā, tāya magadhanāliyā diyaḍḍhanāli ekā sīhalanāli hoti”**ti (pārā. aṭṭha. 2.602) **mahāaṭṭhakathāyaṃ** vuttam. **Anuttaṇḍulanti** pākato ukkantam taṇḍulam **uttaṇḍulam**, na uttaṇḍulam **anuttaṇḍulam**. **Sabbasambhārasāññkatoti** jīrakādisabbasambhārehi saññkato. Ālopassa catutthabhāgappamaṇam byañjanam ālopassa anurūpabyañjanam.

Evaṃ ukkaṭṭhapattam dassetvā idāni majjhimomakāni dassetuṃ **“ukkaṭṭhato”**tiādimāha. Tatrāyaṃ nayo – sace nālikodanādi sabbampi pakkhittam vuttanayeneva heṭṭhimarājissamam tiṭṭhati, ayaṃ **majjhimomako** nāma patto. Sace taṃ rājim atikkamma thūpīkatam tiṭṭhati, ayaṃ **majjhimomako** nāma patto. Sace taṃ rājim na sampāpunāti, antogadhaveva hoti, ayaṃ **majjhimukkaṭṭho** nāma patto. Sace pattodanādi sabbampi pakkhittam heṭṭhimarājissamam tiṭṭhati, ayaṃ **omako** nāma patto. Sace taṃ rājim atikkamma thūpīkatam tiṭṭhati, ayaṃ **omakomako** nāma patto. Sace taṃ rājim na sampāpunāti, antogadhaveva hoti, ayaṃ **omakukkaṭṭho** nāma patto. Tenāha **“tesampi vuttanayeneva bhedo veditabbo”**ti.

Idāni tesu adhiṭṭhānavikappanādhīṭṭhānāvīkappanupage dassetuṃ **“iccesū”**tiādimāha. Tattha **ukkaṭṭhukkaṭṭho**ti ukkaṭṭhato ukkaṭṭho. Tato hi so **“apatto”**ti vutto.

Omakomakoti omakato omako. Tato hi so “apatto”ti vutto. Ete pana bhājanaparibhogena paribhuñjitabbā, na adhiṭṭhānupagā na vikappanupagā, itare pana satta adhiṭṭhahitvā vā vikappetvā vā paribhuñjitabbā. Tenāha “**sesā satta pattā pamāṇayuttā nāmā**”ti.

Tasmāti yasmā satta patā pamāṇayuttā, tasmā. **Samaṇasārūppena pakkanti** ettha ayopatto pañcahi pākehi (pārā. aṭṭha. 2.608) pakkō samaṇasārūppena pakkō hoti, mattikāpato dvīhi pākehi. Sace eko pāko ūno hoti, na adhiṭṭhānupago. Yathā ca samaṇasārūppena pakkoyeva adhiṭṭhānupago, tathā ubhopi yaṃ mūlaṃ dātābham, tasmim dinneyeva adhiṭṭhānupagā. Yadi pana apakampi adinnaṃ hoti, na adhiṭṭhānupagā. Tenāha “**sace paṇā**”tiādi. “**Kākaṇikamattāṃ** nāma diyaddhavihi”ti vadanti. Sacepi pattasāṃmiko vadati “yadā tumhākaṃ mūlaṃ bhavissati, tadā dassatha, adhiṭṭhahitvā paribhuñjitā”ti, neva adhiṭṭhānupago hoti. Pākassa hi ūnattā pattasāṃkhāṃ na gacchati. Mūlassa sakalassa vā ekadesassa vā adinnattā sakabhāvaṃ na upeti, aññasseva santako hoti. Tasmā pāke ca mūle ca niṭṭhiteyeva adhiṭṭhānupago hoti. Yo adhiṭṭhānupago, sveva vikappanupago ca. Tenāha “**apaccuddharantena**”tiādi. **Apaccuddharantena vikappetabboti** purānapattāṃ apaccuddharantena navo patto vikappetabboti attho, thapetabboti adhippāyo. **Kaṅgusitthanti** sattannaṃ dhaññānaṃ lāmakadhaññasitthanti āha “**kaṅgusitthanikkhamanamattena chiddenā**”ti.

Pattasikkhāpadavaṇṇanā niṭṭhitā.

2. Ūnaṇācābandhanasikkhāpadavaṇṇanā

Assāti imassa pattassa. **Tena ūnaṇācābandhanenāti** tena ūnaṇācābandhanena pattena upalakkhito hutvāti attho. Ūnaṇācābandhano hi patto ettha lakkhaṇabhāvena gahito. Tenevāha “**itthambhūṭassa lakkhaṇe karaṇavacana**”nti. Tattha **itthambhūṭassāti** kañci pakāraṃ pattassa. Lakkhiyate anenāti **lakkhaṇaṃ**, tasmim **karaṇavacanaṃ**, tatiyāvibhatti attho. “**Pakāro**”ti ca sāmāññassa bhedako viseso vuccati. Tathā hi **ūnaṇācābandhanena pattenāti** ettha bhikkhubhāvasāmāññassa ūnaṇācābandhanapattabhāvo pakāro, taṃ bhikkhu āpanno, tassa patto lakkhaṇa. Yadi aparipuṇṇapañcābandhano patto ūnaṇācābandhano nāma hoti, aṭṭha kasmā imassa **padabhājanīyaṃ** abandhanopi vuttoti āha “**tatthā**”tiādi. Tattha **tatthāti** vākyopaññāse. Bandhanokāse sati vā asati vā bandhanavirahito patto abandhano, pañcābandhanānaṃ okāso assāti **pañcābandhanokāso**. **Apattoti** patto nāma na hoti attho, pākātikam kātum asamattoti vuttaṃ hoti. Idañca aññassa viññāpane karaṇavacanaṃ. Tenāha “**tasmā aññaṃ viññāpetuṃ vaṭṭati**”ti.

Bandhanañca nāmetam yasmā bandhanokāse sati hoti, asati na hoti, tasmā tassa lakkhaṇaṃ, bandhanavidhiñca dassetuṃ “**yasim paṇā**”tiādi vuttaṃ. Mukhavaṭṭisamīpe pana pattavedhakena vijjhiyamāne kapālassa bahalattā bhijjati, tasmā heṭṭhā vijjhitabbo. Tenāha “**heṭṭhimapariyante**”tiādi. **Sukhumaṃ vā chiddam katvā bandhitabboti** sukhume chidde tipupattādīhi payojanam hoti, suttaṃ pakkhīpitvā adhiṭṭhābboti adhippāyo. Na kevalam tipusuttakādīnava bandhitabboti āha “**phāṇita**”ntiādi. **Phāṇitaṃ jhāpetvā pāsānacūppenāti** pāsānacūppena saddhim phāṇitaṃ pacitvā tathāpakkena pāsānacūppenāti attho. **Nissajjitabboti** “ayaṃ me, bhante, patto ūnaṇācābandhanena pattena cetāpīto nissaggiyo, imāhaṃ saṅghassa nissajjāmi”ti (pārā. 613) nissajjitabbo. Tenāha “**nissajjantena**”tiādi. **Sammatenāti** –

“Suṇātu me, bhante, saṅho, yadi saṅghassa pattakallaṃ, saṅho itthannāmaṃ bhikkhuṃ pattaggāhāpakam sammanneyya, eṣā ñāti. Suṇātu me, bhante, saṅho, saṅho itthannāmaṃ bhikkhuṃ pattaggāhāpakam sammannati, yassāyasmato khamati itthannāmassa bhikkhuno pattaggāhāpakassa sammuti, so tunhassa. Yassa nakkhamati, so bhāseyya. Sammato saṅghena itthannāmo bhikkhu pattaggāhāpakam, khamati saṅghassa, tasmā tuñhi, evametam dhārayāmi”ti (pārā. 614) –

Evam padabhājane vuttīya ñāttidutiyaṃkammavācāya sammatena. **Pattassa vijjānānugaṇaṃ vatvāti** “ayaṃ, bhante, patto pamāṇayutto sundaro therānurūpo”tiādinā (pārā. aṭṭha. 2.615) vijjānānāsaṃsaṃ vatvā. **Pattapariyantoti** pariyaṇte thitapatto. **Adeseti** mañcapitṭhacchattanāgadantakādīke adese. Pattassa hi nikkhapanadeso “**anujānāmi, bhikkhave, ādhāra**”ntiādinā nayena khandhake vuttōyeva. **Aparibhogenāti** yāgurandhanarajanapacānādinā ayuttaparibhogena. Antarāmagge pana byādhiṃhi uppanne aññasim bhājane asati mattikāya limpivā yāguṃ pacitum, udakaṃ vā tēpētum vaṭṭati. **Vissajjēti** aññassa deti. Sace pana saddhivihāriko vā antevāsiko vā aññaṃ varapattāṃ thapetvā “ayaṃ mayham sārūppo, ayaṃ therassa”ti gañhāti, vaṭṭati. Añño vā taṃ gahetvā attano pattam deti, vaṭṭati. “**Mayhameva pattam āharā**”ti vattabakiccāṃ natthi.

Ñātakappavāriteti ettha saṅghavasena pavāritatṭhāne pañcābandhaneneva vaṭṭati, puggalavasena pana pavāritatṭhāne ūnaṇācābandhanenāpi. **Akataviññāti** nāma “vada, bhante, paccayena”ti evaṃ akatattṭhāne viññāti.

Ūnaṇācābandhanasikkhāpadavaṇṇanā niṭṭhitā.

3. Bhesajjasikkhāpadavaṇṇanā

Uggahetvāti uggahitakam katvā, appatiggahitam sayameva gahetvāti attho. Sattāhātikamepi anāpattikatā cettha anajjoharaṇīyatam āpannattāti veditabham. Kasmā etena idaṃ dassitam hoti āha “**tāni hi**”tiādi. Bhisakkassa imāni tena anuññātattāti **bhesajjāni**, yesam kesañci sappāyānametaṃ adhivacanaṃ. Tenāha “**bhesajjakiccaṃ karontu vā, mā vā, evaṃ laddhāvohārāni**”ti. Idāni sattāhakālikam nissaggiyavattubhūtaṃ sappinavanitāṃ dassetuṃ “**sappi nāma gavādīna**”ntiādi vuttaṃ. **Ādisaddena** ajikādīnaṃ gahaṇam. “**Yesam mamsam kappati**”ti iminā pākatehi goajikādīhi aññāni migarohitādīni sangañhāti. Yesāhi khīraṃ atthi, sappipi tesam atthiyeva. Taṃ pana sulabham vā hotu, dullabham vā, asammohattham vuttaṃ. **Makkhikāmadhumevāti** khuddakabhāmaramadhukarīhi tīhi makkhikāhi kataṃ madhumeva. **Ucchurasanti** suddhodakasambhinnānaṃ vasena duvidhampi ucchurasam. “**Agilānassa gulodaka**”nti (mahāva. 284) pana uddissa anuññātattā udakasambhinno agilānassa vaṭṭati. “**Avatthukapakkā vā**”ti iminā savatthukapakkā na vaṭṭatīti dasseti. **Mahāpaccariyaṃ** pana “etaṃ savatthukapakkam vaṭṭati, no vaṭṭatīti puccham katvā ucchuphāṇitam pacchābhattam novattanakaṃ nāma natthi”ti vuttaṃ, taṃ yuttanti **samantapāsādikāyaṃ** (pārā. aṭṭha. 2.623) vuttaṃ. **Ucchuvikattīti** ucchumhā nibbattā rasalāsikādikā. Pakatattānaṃ paṇiniddesattā **taṃ**-saddassa tena pakatānaṃ bhesajjānaṃ eva gahaṇam, na tesam vattūnanti āha “**tāni bhesajjāni**”tiādi. **Na tesam vattūnīti** tesam sappiādīnaṃ kāraṇāni khīrādīni appatiggahetvāti attho.

Vasātelanti (pārā. aṭṭha. 2.623) “**anujānāmi, bhikkhave, vasāni bhesajjāni acchavasam macchavasam susukāvasam sūkaravasam gadrabhavasā**”nti (mahāva. 262) evaṃ anuññātavasānaṃ telam. **Yānūti** yāni bhesajjāni. “**Anujānāmi, bhikkhave, vasāni bhesajjāni acchavasam macchavasam susukāvasam sūkaravasam gadrabhavasam kāle paṭiggahitam kāle nippakkam kāle samsattham telaparibhogena paribhuñjitu**”nti evaṃ telattham vasāpaṭiggahaṇassa anuññātattā “**vasātelam paṇā**”tiādi vuttaṃ. **Kāleti** purebhattam. **Samsatthanti** parissāvītam. **Tasmāti** yasmā anuññātam, tasmā. “**Acchavasā**”nti vacanena thapetvā manussavasam sabbesaṃ akappiyamaṃsānaṃ vasāya anuññātattā “**thapetvā manussavasā**”nti vuttaṃ.

Sāmaṃ pacitvāti kāleyeva sāmaṃ pacitvā. **Nibbattitatelampīti** kāleyeva attanā vivēcitatelampī. Tividhampi cetam kāleyeva vaṭṭati. Vuttampi cetam “kāle ce, bhikkhave, paṭiggahitam kāle nippakkam kāle samsattham, taṃ ce paribhuñjeyya, anāpattī”ti. Pacchābhattam pana paṭiggahetum vā kātum vā na vaṭṭatīyeva. Vuttampi cetam “**vikāle ce, bhikkhave, paṭiggahitam vikāle nippakkam vikāle samsattham, taṃ ce paribhuñjeyya, āpatti tinnaṃ dukkaṭānaṃ. Kāle ce, bhikkhave, paṭiggahitam vikāle nippakkam vikāle samsattham, taṃ ce paribhuñjeyya, āpatti dvinnaṃ dukkaṭānaṃ. Kāle ce, bhikkhave, paṭiggahitam kāle nippakkam vikāle samsattham, taṃ ce paribhuñjeyya, āpatti dukkaṭāsa**”ti (mahāva. 262). “**Sattāhaṃ nirāmisaparibhogena vaṭṭati**”ti iminā pana “kāle paṭiggahitam kāle nippakkam kāle samsattham telaparibhogena paribhuñjitu”nti idaṃ nirāmisaparibhogam sandhāya vuttanti dasseti.

Yaṃ panettha (pārā. aṭṭha. 2.623) sukhumarajasadisam mamsam vā nhāru vā atṭhi vā lohitaṃ vā hoti, taṃ abbohārikam. Sace pana anupasampanno tāya paṭiggahitavasāya telam katvā deti, taṃ kathanti āha “**anupasampannenā**”tiādi. **Tadahūti** yasmim ahani paṭiggahitam, tadahu. Pacchābhattato paṭṭhāya pana sattāhaṃ nirāmisameva vaṭṭati. Tatrāpi abbohārikam abbohārikameva. Yāvākālikavattūnaṃ aññesaṃ vatthum pacitum na vaṭṭatīti sambandho. Tattha **yāvākālikavattūnanti** yāvākālikam vattho etesanti yāvākālikavattūni, tesam, yāvākālikavattumantānanti attho. **Aññesanti** vasātelato aññesaṃ sappiādīnaṃ. **Vatthunīti** khīrādīkam yāvākālikabhūtaṃ vatthum, pacitum na vaṭṭatīyeva, sāmāpakkattāti adhippāyo.

Nibbattitasappim vāti yāvākālikavattutho vivēcitasappim vā. Yathā tattha dadhigataṃ vā takkagataṃ vā khayam gamissati, evaṃ jhāpitam vāti attho. **Navanītam vāti** takkabindūnīpi dadhigulīkāyopi apānetvā sudhotanavanitāṃ pacitum vaṭṭati sāmāpakkābhāvato adhippāyo. Yadi sayampacitasattāhakālikena saddhim āmisam bhūñjati, taṃ āmisam sayampacitasattāhakālikena missitam attano yāvākālikabhāvaṃ sattāhakālikena gañhāpeti. Tathā ca yāvākālikam apakampi sayampakkabhāvaṃ upagacchattī “**taṃ pana tadahupurebhattampi sāmisaṃ paribhuñjitum na vaṭṭati**”ti vuttaṃ. Yathā sayampakkasattāhakālikam vasātelam, sayambhājjitasāpādiyāvajjivikavattūnaṃ telāna sāmisaṃ tadahupurebhattampi na vaṭṭati, tathā navanītasappīti veditabham. Vuttañca –

“Yāvākālikāādīni, samsatthāni sahattānā;
Gāhāpanti sabbhāva”nti ca;

“Teheva bhikkhunā pattam, kappate yāvajjivikam;
Nirāmisamva sattāham, sāmise sāmāpakatā” ti ca.

Khīradītōti ettha ādisaddena tilādīnam gahaṇam. **Sāmisānipīti** na kevalam nirāmisānevāti attho. Pacchābhattato pana paṭṭhāya na vaṭṭantiyeva. Sattāhātikamepi anāpatti savatthukānam paṭiggahattā. “Tāni paṭiggahetvā” ti (pārā. 622) hi vuttam. Tenāha “**pacchābhattato paṭṭhāyā**” tiādi. Pacchābhattam paṭiggahitakehi katam pana abbañjanādisu upanettabbam, purebhattampi ca uggahitakehi katam. Ubhayesampi sattāhātikamepi anāpatti. **Antosattāheti** sattāhabhantare. **Abbañjanādīnanti** ettha ādisaddena muddhanitelārumakkhanagharadhūpanādīnam gahaṇam. **Adhiṭṭhahitvāti** “idāni na mayham ajjoharanatthāya bhavissati, idaṃ sappi ca telāca vasā ca muddhanitelattham vā abbañjanattham vā bhavissati, madhu arumakkhanattham vā phānitam gharadhūpanattham vā bhavissati” ti evaṃ cittaṃ uppādetvā.

Ko panettha yāvakālikayāvajjivikavathūsu visesoti āha “**yāvajjivikāni**” tiādi. **Yāva aruṇassa uggamanā tiṭṭhatīti** sattamadivase katatelaṃ sace yāva aruṇuggamanā tiṭṭhatīti attho. **Pāliyam anāgatasappiādīnanti** ettha tāva migarohitādīnam sappi pāliyam anāgatasappi, tathā navaṇitām, nāḷikeranimbakosambakaramandasāspaādīnam telam pana pāliyam anāgatatelaṃ, tathā madhukapuppaphānītam pāliyam anāgataphānītanti vedittabbam. Na sabbam madhukapuppaphānītanti phānitagatikanti āha “**sītudakenā**” tiādi. **Sītudakena katanti** madhukapuppahāni sītudake pakkipitvā amadditvā puppharase udakagatē sati tam udakam gahetvā pacitvā katam. “**Phānitagatikamevā**” ti iminā sattāhālikanti dasseti, na pana nissaggiyavattūnti. Tasmā sattāham atikkāmayato dukkaṭanti vedittabbam. Vuttampi cetam **samantapāsādikāyam** sītudakena katam madhukapuppaphānītam purebhattam sāmisaṃ vaṭṭati, pacchābhattato paṭṭhāya sattāham nirāmisameva, sattāhātikame vattūgānāya dukkaṭā” nti. Sace pana khīram pakkipitvā katam, yāvakālikam. Khaṇḍasakkharam pana khīrajallikam apanetvā soḍhenti, tasmā vaṭṭati, ambajambupanasakadalikhajuriciṇcādīnam sabbesam yāvakālikaphānām phānitam yāvakālikamevāti āha “**ambaphānitādīni yāvakālikāni**” ti.

Kāyikaparibhogam vaṭṭatīti kāyassa vā kāye aruno vā makkhanam vaṭṭati, ajjoharītam pana na vaṭṭati. **Yanti** sattāhātikantam bhesajjam. **Nirapekkho pariccajjivāti** anapekkho sāmaṇessa datvā. **Tanti** evaṃ pariccajjivā puna laddhabhesajjam. Evañhi dinnam bhesajjam sace so sāmaṇero abhisankharitvā vā anabhisankharitvā vā tassa bhikkhuno dadeyya, gahetvā natthukammam vā kātābham, aññam vā kañci paribhogam. Tenāha “**ajjoharītam vaṭṭatīti**” ti. Sace so bālo hoti, dātum na jānāti, aññena bhikkhunā vattābbo “atthi te, sāmaṇera, bhesajja” nti, “āma, bhante, atthi” ti. “Āhara, therassa bhesajjam karissāma” ti, evampi vaṭṭati. **Vatthugānāyāti** sappiādīvatthugānāya ceva sappiṇḍādivatthugānāya ca. Missitesu pana ekam nissaggiyam pācittiyam. Ettha ca “idaṃ me, bhante, bhesajjam sattāhātikantam nissaggiyam, imāham sanghassa nissajjāmi” ti (pārā. 623) nissajjanavīdhānam vedittabbam.

Sādhārapañāṇanti. Sattāham anattikantepi atikkantasāñīno ceva vematikassa ca dukkaṭam. Atikkante anattikantasāñīnopi vematikassapi nissaggiyam pācittiyameva, tathā anadhiṭṭhāvissajjītanatthāvinatthāddadāhāvīlutesu adhiṭṭhādisāñīno. Antosattāham adhiṭṭhite, vissajjite, natthe, vinatthe, dadthe, acchinne, vissāsena gahite ummattakādīnaṇa anāpatti. Ācāravappatti. Sappiādīnam attano santakatā, gānaṇupagatā, gānaṇupagatā, sattāhātikamoti imānettha tīni āngāni. Kathinasamuṭṭhānam, akiriyaṃ, nosāññāvimokkham, acittakam, paṇṇavattijjam, kāyakammam, vacīkammam, ticcittam, tivedanam. Tenāha “**sesam cīvaravaggassa paṭhamasikkhāpade vuttanayeneva veditabba**” nti (kaṅkhā. attha. kathinasikkhāpadavaṇṇanā).

Bhesajjasikkhāpadavaṇṇanā niṭṭhitā.

4. Vassikasāṭīkasikkhāpadavaṇṇanā

Pacchimamāsassa paṭhamadivasato paṭṭhāyāti jeṭṭhamūlapuṇṇamāsīyā pacchimapatīpadadivasato paṭṭhāya. **Tāvāti** tāva parimāṇe kāle. Jeṭṭhamūlapuṇṇamāsīyā pacchimapatīpadadivasato paṭṭhāya yāva kattikapuṇṇamā, imasmim pañcamāseti attho. **Kālo vassikasāṭīkāyātiādīnāti** ettha ādisaddena “samayo vassikasāṭīkāya, aññepi manusā vassikasāṭīkacīvaram denti” ti (pārā. 628) imesam gahaṇam. **Detha me vassikasāṭīkacīvarantiādīkāyāti** ettha ādisaddena pana “āharatha me vassikasāṭīkacīvaram, parivattetha me vassikasāṭīkacīvaram, cetāpetha me vassikasāṭīkacīvara” nti imesam gahaṇam. Attano aññātakaappavāritesu tadubhayam karontassa kim hotīti āha “**aññātakaappavāritāṭṭhāne**” tiādi. “**Vatthabhedo dukkaṭā**” nti idaṃ vassikasāṭīkam pubbe adente sandhāya vuttam. Ye pana pupbe denti, tesu vatthabhedo natthi. Vuttañhi **samantapāsādikāyam** “ye manusā pupbe vassikasāṭīkacīvaram denti, ime pana sacepi attano aññātakaappavāritā honti, vatthabhedo natthi tesu satuppādakaraṇassa anuññātātā” ti (pārā. attha. 2.628). **Aññātakaviññattisikkhāpadena nissaggiyam pācittiyanti** “yo pana bhikkhu aññātakam gahapatim vā gahapatānim vā cīvaram viññāpeyya aññatra samayā, nissaggiyam pācittiyā” nti (pārā. 518) iminā sikkhāpadena nissaggiyam pācittiyam. Idaṃ pana pakatiyā vassikasāṭīkadāyakesupi hotīyeva.

Gimhānam pacchimaddhamāsassa paṭhamadivasato paṭṭhāyāti ettha jeṭṭhamūlakālapakkhūposathassa pacchimapatīpadadivasato paṭṭhāya yāva āsālhipuṇṇamā, ayamaddhamāso gimhānam pacchimaddhamāso nāma, tassa paṭhamadivasato paṭṭhāyāti attho, addhamāsassa paṭhamapatīpadadivasato paṭṭhāyāti vuttam hoti. **Kattikamāsassa pacchimadivaso** nāma pacchimakattikamāsassa puṇṇamā. **Ettāvātāti** “māso seso gimhānanti bhikkhunā vassikasāṭīkacīvaram pariyesitabbam, addhamāso seso gimhānanti katvā nivāsetabba” nti ettakena gāṇana. **Pariyesanakkhetanti** pariyesanassa khettam. Etasmīñhi māse vassikasāṭīkam aladdham pariyesitum vaṭṭati. **Karaṇanivāsanakkhetampīti** karaṇakkhettaṇceva nivāsanakkhettaṇca. **Pi**-saddena pariyesanakkhettam sampiṇḍeti. Etasmīñhi addhamāse pariyesitum, kātum, nivāsetuñca vaṭṭati, adhiṭṭhātuṃyeva na vaṭṭati. Yam pana **samantapāsādikāyam** kathaci potthake “jeṭṭhamūlapuṇṇamāsīyā pacchimapatīpadadivasato paṭṭhāya yāva kālāpakkhuposatho, ayameko addhamāso pariyesanakkhettaṇceva karaṇakkhettaṇca. Etasmīñhi antare vassikasāṭīkam aladdham pariyesitum, laddham kātūca vaṭṭati, nivāsetum, adhiṭṭhātuṃca na vaṭṭati” ti (pārā. attha. 2.628) vacanam dīssati, tam pamādālikhitam mātīkāya vīrodhatoti dāṭṭhabbam. “Addhamāso seso gimhānanti katvā nivāsetabba” nti (pārā. 627) hi pāli. **Sabbampīti** pariyesanam, karaṇam, nivāsanam, adhiṭṭhāṇācātī sabbampi. Iminā ime cattāro māsa pariyesanakaraṇanivāsanādhiṭṭhānānam catunnampi khetanti dasseti. Etesu hi catūsū māsesu aladdham pariyesitum, laddham kātum, nivāsetum, adhiṭṭhātuṃca vaṭṭati.

Vassam ukkaḍḍhiyātīti samvaccharam uddham kaḍḍhiyati vaḍḍhiyati, āruyhatīti attho, vassānassa pathamamāsam ukkaḍḍhitvā gimhānam pacchimamāsameva karontīti vuttam hoti. **Vassūpanāyikadivase adhiṭṭhātābātī** vassānato pubbeyya dasāhassa atikkantattā vassūpanāyikadivaseyyeva adhiṭṭhātābā. Tāñhi divasam atikkāmetum na vaṭṭati. Antovasse pana laddhā ceva niṭṭhitā ca tasmīyeva antovasse laddhadivasato paṭṭhāya dasāham nātikkaṃmetābā, dasāhātikame niṭṭhitā pana tadaeva adhiṭṭhātābā. Dasāhe appahonte cīvarakālam nātikkaṃmetābā. Ayam tāva katāya pariāro. Akatāya pana ko pariāroti āha “**sace**” tiādi. **Ekāhampi na labhati** ito aññassa pariāhārasābhāvato adhippāyo.

So kuto hotīti āha “**yāva hemantassa paṭhamadivaso**” ti, jeṭṭhamūlapuṇṇamāsīyā paṭṭhāya yāva kattikapuṇṇamāsīyā pacchimapatīpadadivaso, tāvāti attho. **Etesu sattasu piṭṭhisamayamāsesūti** paṭīlomakkamena vuttasu kattikapuṇṇamāsīyā pacchimapatīpadadīsu jeṭṭhamūlapuṇṇamāsāvāsānesu etesu sattasu piṭṭhisamayānamakesu māsesu. **Satuppādakarāṇāti** “kālo vassikasāṭīkāyā” tiādīnā nayena satuppādakarāṇa. **Viññāpentassāti** “detha me vassikasāṭīkacīvara” ntiādīnā (pārā. 628) nayena viññattim karontassa. **Tena sikkhāpadena anāpattīti** aññātakaviññattisikkhāpadena anāpatti, iminā pana sikkhāpadena āpattīyeva asamayattā. Vuttañhetam **bhadantabuddhadattācariyena** –

“Katvā pana satuppādāṃ, vassasāṭīkacīvaram;
Nippādentassa bhikkhussa, samaye piṭṭhisammate.

“Hoti nissaggiyāpattī, nātakāññātakādīno;
Tesuyeva ca viññattim, katvā nippādhane tathā” ti.

Ettha ca “idaṃ me, bhante, vassikasāṭīkacīvaram atirekamāse sese gimhāne pariyyiṭṭham atirekaddhamāse sese gimhāne katvā paridāhitam nissaggiyā” nti iminā (pārā. 628) nayena nissajjanavīdhānam vedittabbam.

Vassikasāṭīkapiyesanavattusminti paṭīkacceva vassikasāṭīkapiyesanavattusmim. **Tikapācittiyanti** atirekamāsaddhamāsesu atirekasāññivematikaūnakasāññīnam pariyesanānivāsanavasena tīni pācittiyāni, ekasesaniddeso cāyam, sāmaññaniddeso vā. **Ūnakamāsaddhamāsesūti** ūnakamāse ceva ūnakaddhamāse ca. **Atirekasāññīno, vematikassa vā dukkaṭanti** ettha “pariyesanānivāsanam karontassa” ti pāthaseso. Idaṃ vuttam hoti – “ūnakamāse sese gimhāne atirekasāññīno, vematikassa vā pariyesantassa dukkaṭam, ūnakaddhamāse sese gimhāne ca atirekasāññīno, vematikassa vā nivāsentassa dukkaṭā” nti. “**Tathā**” ti iminā dukkaṭam atidīssati, tāṇca dukkaṭam udakaphusitaganāyā akatvā nhānapariyosānavasena payoge payoge kāretabbam, tāṇca kho vivatāṅgaṇe ākāsato patitaudakeneva nhāyantassa, na nhānokṭṭhakavāpīdiṇḍisu ghaṭehi āsittīdakena nhāyantassa. Tenevāha “**satiyā vassikasāṭīkāyā**” tiādi. Pokkharaniyādisu pana naggassa nhāyantassa anāpattīti sambandho, pokkharaniyādisu pana satiyāpi vassikasāṭīkāya naggassa nhāyantassa natthi dukkaṭāpattīti attho.

Evam antarāpattiyā anāpattim dassetvā idāni nissaggiyena anāpattim dassetum “**acchinnacivarassa**”tiādi vuttam. Tattha **acchinnacivarassā** acchinnasesacivarassa. Tassāpi asamaye nivāsato anāpatti. Esa nayo **natthacivarassa vā**ti ethhāpi. Yathā cettha nivāsentaṇaṃ tesam anāpatti, evam tattha pariyesantānampitī dattḥabbam. Ethha pana mahagghavassikasāṭikam thapetvā nhāyantassa corūpaddavo āpadā nāmāti āha “**anivatta**”tiādi. **Āpadāsu vā nivāsayatoti** āpadāsu vijjamaṇāsu asamaye nivāsentaṇa. Yam pana **samantapāsādikāyam** “acchinnacivarassāti etam vassikasāṭikāyeva sandhāya vuttam. Tesāñhi naggānam kāyovassāpane anāpatti. Ethha ca mahagghavassikasāṭikam nivāsetvā nhāyantassa corūpaddavo āpadā nāmā”ti acchinnacivarādino nissaggiyena anāpattim adassetvā naggassa nhāyato dukkaṭeṇeva anāpattidassanam, tam yuttam viya na dīssati. Sabbasikkhāpadesu hi mūlāpattiyā eva āpattippasaṅge anāpattidassanatham anāpattivāro ārabhīyati, na antarāpattiyāti, tasmā upaparikkhitabbam. **Sacivaratā**ti antaravāsakauttarāsāṅgehi sacivaratā.

Vassikasāṭikasikkhāpadavaṇṇanā niṭṭhitā.

5. Cīvaraacchindanasikkhāpadavaṇṇanā

“**Datvā**”ti yam kiñci paccāsāmanasseva dānamiha adhippetam, na nissatṭhadānanti āha “**veyyāvaccādinī**”tiādi. **Sakasāññāyāti** “saka”nti saññāya. Iminā pārājikābhāvam dasseti. Cajitvā dinnampi hi sakasaññāya gaṇhato natthi pārājikam. **Acchindantassā**ti ekato abaddhāni, visum thapitāni ca bahūni acchindato, “saṅghāṭim āhara, uttarāsāṅgam āhara”ti evam āharāpayato ca. Tenāha “**vathugāṇāyā āpattiyō**”ti. “Mayā dinnāni sabbāni āhara”ti vadatopi ekavacaneneva sambahulā āpattiyō. Ekam cīvaram pana ekābaddhāni ca bahūni acchindato ekā āpatti. “**Acchinda**”ti āpattiyā dukkaṭanti “mayā dinnāni sabbāni gaṇhā”ti āpattiyā ekam dukkaṭam, acchinnesu pana ekavacaneneva sambahulā pācittiyō. Tenāha “acchinnesu vathugāṇāyā āpattiyō”ti. **Acchinnesu**ti tenāntena acchinnesu cīvaresu. Yattha pana potthakesu “**acchinnesu yattakāni āpattāni, tesam gaṇāyā āpattiyō**”ti pātho, tattha **yattakāni āpattāni** yattakāni cīvarāni gaṇhitum āpattāni attho. Yam pana **samantapāsādikāyam** “cīvaram ‘gaṇhā’ti ānāpeti, ekam dukkaṭam. Ānatto bahūni gaṇhāti, ekam pācittiyā”nti (pārā. atṭha. 2.633) vuttam, tam ekābaddham sandhāya. Evañca katvā samantapāsādikāya saddhim imāya aṭṭhakathāya na koci virodho. Sace pana “saṅghāṭim gaṇha, uttarāsāṅgam gaṇhā”ti ānāpeti, vācāya vācāya dukkaṭam. Acchinnesu vathugāṇāyā āpattiyō. Ethha ca “idam me, bhante, cīvaram bhikkhussa sāmam datvā acchinnaṃ nissaggiya”nti (pārā. 633) iminā nayena nissajjanavidhānam veditabbam.

Tikapācittiyanti upasampanne upasampannasāññivematikaanupasampannasāññīnam vasena tīni pācittiyāni. **Aññam parikkhāranti** pattādim aññam parikkhāram, antamaso sūcimpīti attho. Na kevalam anupasampannassa cīvarāyeva acchindato dukkaṭanti āha “**anupasampannassa cā**”tiādi. Tattha **yam kiñcīti** cīvaram vā hotu, pattādi, yam kiñci parikkhāram vā. **Tassa vissāsam gaṇhantassā**ti yassa dinnam, tassa vissāseṇa gaṇhantassa, tatiyatthe cetam upayogavacanam. **Upasampannatī** acchindanasamaye upasampannabhāvo. Kiñcāpi upasampannabhāvo **pālijyam**, mātikatṭhakatthāyāñca dānaggaṇhesu dīssati, tathāpi anupasampannakāle cīvaram datvā upasampannakāle acchindantassa āpattito acchindanakāleyeva upasampannatā ānganti veditabbam.

Cīvaraacchindanasikkhāpadavaṇṇanā niṭṭhitā.

6. Suttaviññattisikkhāpadavaṇṇanā

Chabbidham khomasuttānti “suttam nāma cha suttāni khomam kappāsikam koseyyam kambalam sāmam bhaṅga”nti (pārā. 638) evam vuttam chabbidham khomasuttādim. Tattha **khomanti** (pārā. atṭha. 2.636-38) khomavākehi katasuttam. **Kappāsikanti** kappāsato nibbattam. **Koseyyanti** kosiyaṃsūhi kantitvā katasuttam. **Kambalanti** elakalomasuttam. **Sāṇanti** sāṇavākena katasuttam. **Bhaṅganti** pāṭekkam vākasuttamevāti eke. Pañcahihi missetvā katasuttam pana “bhaṅga”nti veditabbam. **Tesam anulomanti** tesam khomādinam anulomam dukūlam pattunnam somārapattam cīnapattam iddhiyam devadinnanti chabbidham suttam.

Turīti vāyanūpakaraṇo eko daṇḍo, vītavatṭhānam yattha samharitvā thapenti. **Vemanti** vāyanūpakaraṇo eko daṇḍo, suttam pavesetvā yena ākoṭento ghanabhāvam sampādentī. **Tassa sabbappayogesu dukkaṭanti** tantavāyassa ye te turivemasajjanādikā payogā, tesu sabbesu payogesu bhikkhussa dukkaṭam, tassa tantavāyassa payoge payoge bhikkhussa dukkaṭanti vuttam hoti. Turīdinam abhāve tesam karanattham vāsispharasuādinam maggananiśānarukkhacchedanādisabbappayogepe eseva nayo. Tantūnam attano santakattā vītavatṭhānam paṭiladdhameva hotīti āha “**paṭilābhena nissaggiyam hotī**”ti, vikappanupagapacchimacīvarappamāne vīte nissaggiyam hotīti vuttam hoti. Teneva vakkhati “dīghato vidatthimatte, tiriyañca hathamatte vīte nissaggiyam pācittiyā”nti. Ethha ca “idam me, bhante, cīvaram sāmam suttam viññāpetvā tantavāyehi vāyāpitam nissaggiya”nti iminā nayena nissajjanavidhānam veditabbam.

Tenevāti viññāpitantavāyeneva. **Evam idha dukkaṭanti** idhāpi tantavāyeneva dīghato vidatthimatte, tiriyaṃ hathamatte vīte dukkaṭanti attho. **Akappiyasuttamaye**ti viññāpitasantamaye. **Itarasminti** avinñattisuttamaye paricchede. **Tato ce unatarāti** vuttappamānato ce unatarā, antamaso (pārā. atṭha. 2.636-638) acchimaṇḍalappamānāpīti adhippāyo. Kappiyatantavāyēnapi akappiyasuttam vāyāpentassa yathā pubbe nissaggiyam, evamidha dukkaṭam. Teneva kappiyañca akappiyañca suttam vāyāpentassa sace pacchimacīvarappamānā vā unākā vā akappiyasuttaparicchedā honti, tesu paricchedaganāyā dukkaṭam. Kappiyasuttaparicchedesu anāpatti. Atha ekantarikena vā suttana, dīghato vā kappiyam tiriyaṃ akappiyam katvā vītam hoti, pamānāyutte paricchede paricchede dukkaṭam.

Yadi pana (pārā. atṭha. 2.636-638) dve tantavāyā honti eko kappiyo eko akappiyo, suttāñca akappiyam, te ce vārena vinanti, akappiyatantavāyēna vīte pamānāyutte paricchede paricchede pācittiyam, unatara dukkaṭam. Itarena vīte ubhayattha dukkaṭam. Sace dvepi vemam gaṇetvā ekato vinanti, pamānāyutte paricchede paricchede pācittiyam. Atha suttam kappiyam, cīvarañca keḍārabaddhādīhi saparicchedam, akappiyatantavāyēna vīte paricchede paricchede dukkaṭam, itarena vīte anāpatti. Sace dvepi ekato vinanti, pamānāyutte paricchede paricchede dukkaṭam. Atha suttampi kappiyañca akappiyañca, te ce vārena vinanti, akappiyatantavāyēna akappiyasuttamaye pacchimacīvarappamānesu paricchedesu vītesu paricchedaganāyā pācittiyam, unataraṃ kappiyasuttamaye ca dukkaṭam. Kappiyatantavāyēna akappiyasuttamaye pamānāyuttesu vā unākesu vā dukkaṭameva, kappiyasuttamaye anāpatti.

Atha ekantarikena vā suttana, dīghato vā kappiyam tiriyaṃ akappiyam katvā vinanti, ubhopi vā te vemam gaṇetvā ekato vinanti, aparicchede cīvare pamānāyutte paricchede paricchede dukkaṭam, saparicchede paricchedavasena dukkaṭāni. Tenāha “**eteneva upāyēna**”tiādi.

Ethha ca tantavāyo tāva aññātaappavāritato viññattiyā laddho akappiyo, seso kappiyo. Suttampi sāmam viññāpitam akappiyam, sesam, nītakādivasena uppannañca kappiyanti veditabbam. **Tikapācittiyanti** vāyāpīte vāyāpitasaññivematikaavāyāpitasaññīnam vasena tīni pācittiyāni. **Cīvaratthāya viññāpitasuttanti** sāmam vā aññena vā cīvaratthāya viññāpitasuttam. Kiñcāpi pālijyam “sāmam suttam viññāpetvā”ti vuttam, tathāpi idha “cīvaratthāya sāmam viññāpitasutta”nti avatvā kevalam “cīvaratthāya viññāpitasutta”nti āngesu vuttatā aññena cīvaratthāya viññāpitasuttampi sāṅgham gacchati veditabbam. **Akappiyaviññattiyāti** “cīvaram me, āvuso, vāyathā”ti evambhūtiyā akappiyaviññattiyā.

Suttaviññattisikkhāpadavaṇṇanā niṭṭhitā.

7. Mahāpesakārasikkhāpadavaṇṇanā

Cīvarasāmikeyi pubbe appavārito hutvāti “kīdisena te, bhante, cīvarena attho, kīdisam te cīvaram vāyāpemi, vada, bhante, yadicchasi”ti cīvarasāmikeyi pubbe avutto hutvā. Ethha ca āyatādīhi tīhi suttavādḍhanākāreṇa saha vāyanākāram dasseti, suvītādīhi catūhi vāyanākārameva. “**Kiñcimattam anupadajjeyyāma**”tiādi tassa kattabākāramattadassanam, na pana āṅgadassanam suttavādḍhanavaseneva āpajjitabbattāti āha “**na bhikkhuno piṇḍapātādānamattenā**”tiādi. Ethha ca “idam me, bhante, cīvaram pubbe appavāritena aññātakassa gahapatikassa tantavāye upasañkamitvā cīvare vikappam āpannam nissaggiya”nti (pārā. 643) iminā nayena nissajjanavidhānam veditabbam. **Tikapācittiyanti** aññātake aññātakasaññivematikaññātakasaññīnam vasena tīni pācittiyāni.

Mahāpesakārasikkhāpadavaṇṇanā niṭṭhitā.

8. Acekacīvarasikkhāpadavaṇṇanā

Paṭhamapadassāti “dasāhānāgata”nti padassa. **Purīmanāyēnevāti** accantasāmyogavaseneva. **Tāni divasānti** tesu divasesu. **Accantamevāti** niranterameva, tesu dasāhesu yathā kathhaci divaseti vuttam hoti. **Pavāraṇāmāsassāti** pubbakattikamāsassa. So hi idha paṭhamapavāraṇāyogato “pavāraṇāmāso”ti vutto. **Juṇhapakkhapañcamito paṭṭhāyāti** sukkaṭhapañcamim ādim katvā. **Pavāraṇāmāsassa juṇhapakkhapañcamitoti** vā pavāraṇāmāsassa pakāsanato purimassa

junhapakkhassa pañcamito pañhāyāti attho. Yo panettha “kāmañcesa (sārattha. fī. 2.650) ‘dasāhaparamam atirekacīvaram dhāretabba’nti (pārā. 463) imināva siddho, aṭṭhupattivasena pana apubbam viya attham dassetvā sikkhāpadam thapita’nti paṭho dissati, so pamādapāṭho “dasāhānāgata’nti iminā virodhatoti daṭṭhabbam. Kiñca “junhapakkhapañcamito pañhāyā”ti vuttatā aṭṭhakathāyeva pubbāparavirodhōpi siyā.

Accekacīvaranti accēyikacīvaram vuccati, so ca accēyikabhāvo dāyakassa gamikādibhāvenāti dassetum “**gamikagilānagabbhiniabhinavuppannasaddhānam puggalāna**”ntiādi vuttam. Tattha **gamiko** nāma “senēya vā gantukāmo hoti, pavāsam vā gantukāmo hoti”ti (pārā. 649) vutto. **Aññātarena** “**vassāvāsikam dassāmi**”ti **evam ārocetvā dinnanti** gamikādīnam aññātarena gamanādīhi kāraṇehi dātukāmena dūtam vā pesetvā, sayam vā āgantvā “vassāvāsikam dassāmi”ti **evam ārocetvā dinnam** cīvaram. Ettha ca “idam me, bhante, accekacīvaram cīvarakālasamayam atikkāmitam nissaggiya’nti (pārā. 649) iminā nayena nissajjanavidhānam veditabbam.

Sesanti “sādhāranapaññāti”tiādikam. Ayaṃ pana viseso – tattha atirekacīvare atirekacīvarasaññādinō dasāhātikkamo, idha accekacīvare accekacīvarasaññādinō cīvarakālātikamo. Tathā anaccekacīvare accekacīvarasaññāno, vematikassa ca dukkaṭam. Jātippanāsampannassa accekacīvarassa attano santakatā, dasāhānāgatāya kattikatemāsikapunṇamāya uppannabhāvo, anadhiṭṭhitaavikappitatā, cīvarakālātikamoti caturāngabhāvova ettha viseso.

Accekacīvarasikkhāpadavaṇṇanā niṭṭhitā.

9. Sāsānkasikkhāpadavaṇṇanā

Upasampajjantiādisu viyāti “paṭhamam jhānam upasampajja viharati”ti (vibha. 508) imassa vibhaṅge “upasampajjā”ti uddharitabbe “upasampajja”nti uddhaṭam. Tadiha nidassanam katam. **Ādisaddena** pana “anūpuccham vā gaccheyyā”tiādinam (pāci. 111, 115) saṅgho daṭṭhabbo. **Upagantvāti** upasaddasatthamāha. **Vasitvāti** akkhaṇḍam vasitvā. “Yena yassa hi sambandho, dūratthampi ca tassa ta’nti vacanato “**imassa...pe... iminā sambandho**”ti vuttam. Tattha **imassāti** “upavassa”nti padassa. Vinayapariyāyena araṇṇalakkhaṇam adinnādanaparājike āgatam. Tattha hi “gāmā vā araṇṇā vā”ti avasesato avahāraṭṭhānāpariḅḅahena tadubhayam asaṅkarato dassetum “thapetvā gāmañcā”tiādi vuttam. Gāmūpacāro hi loke gāmasaṅkhameva gacchati. Idha pana suttantapariyāyena “pañcadhanusatikam pacchima”nti (pārā. 654) āgatam araṇṇakam bhikkhum sandhāya. Na hi so vinayapariyāyike araṇṇe vasanto “araṇṇiko panthasenāsano”ti (ma. ni. 1.61) sutte vutto, tasmā tattha āgatameva lakkhaṇam gaḥetabbanti dassento “sabbpacchimāni āropitena ācariyadhanunā”tiādimāha. Tattha “**ācariyadhanu** nāma pakatihatthena navavidatthipamānam. Jiyāya pana āropitāya catutthapamāna”nti vadanti. **Gāmassāti** parikkhittassa gāmassa. **Indakkhīlatoti** ummāro. **Parikkhēparahaṭṭhānatoti** pariante thitagarassa upacāre thitassa majjhimassa purisassa paṭhamaleddhupātato. Kittakena maggena minitabbanti āha “**sace**”tiādi. **Majjhimaṭṭhakathayam** pana “vihārassāpi gāmasseva upacāram niharitvā ubhinnaṃ leddhupātānam antarā minitabba”nti vuttam. **Corānam nivīṭṭhokāsādiddassanenāti** ārame, āramūpacāre ca corānam nivīṭṭhokāsādiddassanena kāraṇena. **Ādisaddena** bhuttokāsāṭṭhitokāsānisinnokāsānipannokāsānam gahaṇam. **Corehi manussānam hataviluttākoṭitabhāvadassanatoti** ārame, āramūpacāre ca hataviluttākoṭitabhāvadassanatoti.

Antaraghare nikkhipeyyāti antare antare gharāni ettha, etassāti vā **antaragharam**, gāmo, tasmim thapeyyāti attho. Tenāha “**āraṇṇakassā**”tiādi. **Taṅcāti** nikkhipanañca. “**Mahāvāraṇāya pavārito hoti**”ti idam vassacchedam akatvā vuṭṭhabhāvam dassetum vuttam, na pana pavāraṇāya āngabhāvam. Teneva hi byatirekam dassentena **samantapāsādikāyam** (pārā. aṭṭha. 2.653-654) vuttam “sace pacchimikāya vā upagato hoti chinnavasavo vā, nikkhipitum na labhati”ti. Kattikamāso nāma pubbakattikamāsassa kālapakkhapātipadato pañhāya yāva aparakattikapunṇamā, tāva ekūnatimsa rattindivā. **Eva**-saddena kattikamāsato param na labhati dasseti. Ūnappamāne tāva araṇṇalakkhaṇāyogato na labhatu, kasmā gāvutato atirekappamāne na labhati āha “**yatra hi**”tiādi. Nimantito pana addhayaohanampi yojanampi gantvā vasitum pacceti, idamappamānam. **Sāsānkasappaṭibhayaeva hoti** sāsānkañceva sappaṭibhayañca hoti. **Eva**-saddena anāsānkaappaṭibhayeḥi āngayuttepi senāsane vasanto nikkhipitum na labhati dasseti. **Ettāvata** purimikāya upagantvā akkhaṇḍam katvā vuṭṭhavaso yaṃ gāmam gocaragāmam katvā pañcadhanusatikapacchime araṇṇakasenāsane viharati, tasmim gāme cīvaram thapetvā sakalakatukamāsam tasmimyeva senāsane tena cīvarena vinā vattum anujānitvā idāni viharato aññattha vasantassa chāratam vipavāsam anujānanto “**siyā ca tassa bhikkhuṇo**”tiādimāha. Asamādanācāraṇi atthatakathinā eva labhanti, netareti ettha idampi kāraṇam daṭṭhabbam. Tattha **chāratapparamam tena bhikkhunā tena cīvarena vipavasitabbanti** yo bhikkhu vihāre vasanto tato aññattha gamanākiṅce sati antaraghare cīvaram nikkhipati, tena bhikkhunā tena cīvarena chāratapparamam vipavasitabbam, cha rattiyō tamhā vihārā aññattha vasitabbāti vuttam hoti. Vuttañhi bhadantena **buddhadattācariyena** –

“Yaṃ gāmam gocarāṃ katvā, bhikkhu araṇṇake vase;
Tasmim gāme thapetum tam, māsamekaṃ tu vaṭṭati.

“Aññattheva vasantassa, chāratapparamam matam;
Ayamassa adhippāyo, paṭicchanno pakāsito”ti.

Tenevāha “**tato ce uttari vipavaseyyāti chāratatto uttari tasmim senāsane sattamam aruṇam uṭṭhāpeyyā**”tiādi. **Tathā asakkontenāti** gataṭṭhānassa dūratāya senāsanaṃ āgantvā sattamam aruṇam uṭṭhāpetum asakkontena. Evampi asakkontena tatreva thitena paccuddharitabbam “atirekacīvarathāne thassati”ti. **Vasitvāti** aruṇam uṭṭhāpetvā. Bhikkhusammuti udositasikkhāpade vuttāva.

Sesanti “aññatra bhikkhusammutiādi ayamettha anupaññāti”tiādikam. Tattha hi āṅesu yaṃ rattivipavāso catutthamaṅgam, tam idha chāratatto uttari vipavāso hotti ayameva viseso.

Sāsānkasikkhāpadavaṇṇanā niṭṭhitā.

10. Pariṇatasikkhāpadavaṇṇanā

Nanu cāyam saṅghassa pariṇato, na pariccatto, atha katham saṅghasantako hoti āha “**so hi**”tiādi. Tattha soti lābho. **Ekena pariṇāyēnāti** pariṇatabhāvasaṅkhātena ekena pariṇāyena. “**Labhitabba**”nti iminā **lābhasaddassa** kammaśādanamāha. **Cīvarādivatthūnti** cīvarapīṇḍapātāsenaṅgilānapaccayabhesajjaparikkhāram antamaso cuṇṇapīṇḍampi dantakāṭṭhampi dasikasuttampi. **Pariṇatanti** saṅghassa ninnam saṅghassa poṇam saṅghassa pabbhāram hutvā thitanti attho. Yena pana kāraṇena so pariṇato hoti, tam dassetvā tassa attham dassetum “**dassāma karissāmā**”tiādi vuttam. **Attano pariṇāmentassāti** “idam mayham dehi”ti saṅghassa pariṇatabhāvam ṇatvā attano pariṇāmetvā gahaṇantassa. **Payogeti** pariṇāmanappayoge. Ettha ca “idam me, bhante, jānam saṅghikam lābham pariṇatam attano pariṇāmikam nissaggiya’nti iminā nayena nissajjanavidhānam veditabbam.

Saṅghacetiypuggalesūti ettha ca antamaso sunakham upādāya yo koci satto “puggalo”ti veditabbo. **Aññasaṅghādīnanti** aññasaṅghacetiypuggalānam. Idam vuttam hoti – “saṅghassa pariṇatam aññassa saṅghassa vā cetiyassa vā puggalassa vā, cetiyassa pariṇatam aññassa cetiyassa vā saṅghassa vā puggalassa vā, puggalassa pariṇatam aññassa puggalassa vā saṅghassa vā cetiyassa vā pariṇāmentassa dukkaṭa’nti.

Idāni anāpattim dassetum “**aparīṇatasaññāno**”tiādimāha. Pariṇate, aparīṇate ca aparīṇatasaññāno cāti sambandho, pariṇate, aparīṇate cāti ubhayatthāpi anāpattīti attho. Vuttañhetam “parīṇate aparīṇatasaññāno attano pariṇāmeti, anāpatti. Aparīṇate aparīṇatasaññāno anāpattī”ti (pārā. 660). **Deyyadharmoti** cattāro paccayā. **Ādisaddena** “paṭisaṅkhāram vā labheyya, ciraṭṭhitiko vā assa, yattha vā pana tumhākam cittaṃ pasīdati, tattha dethā”ti (pārā. 661) vacanānam gahaṇam. **Sace** pana dāyaka “mayam saṅghabhāttam kattukāmā, cetiyapūjam kattukāmā, ekassa bhikkhuṇo parikkhāram dātukāmā, tumhākam ruciyā dassāma. Bhanatha, kattha demā”ti (pārā. aṭṭha. 2.660) vadanti, evam vutte tena bhikkhunā “yattha icchatha, tattha dethā”ti vattabbā.

Pariṇatasikkhāpadavaṇṇanā niṭṭhitā.

Pattavaggo tatiyo.

Iti kankhāvitaraniyā pātimokkhaṇṇanāya

Vinayathamañjūsāyam līnatthappakāsaniyam

Nissaggiyavannā niṭṭhitā.

Pācittiyakaṇḍam

1. Musāvādvaggo

1. Musāvādasikkhāpadavaṇṇanā

Sampajānamusāvādeti ettha **musāti** abhūtam ataccham vatthu, **vādoti** tassa bhūtao tacchato viññāpanam, sampajānassa musāvādo **sampajānamusāvādo**, tasmim sampajānamusāvādeti attho. Tenāha “**pubbe**”tiādi. So ca pana musāvādo pubbhāgakkhaṇe, taṅkhaṇe ca vijānantassa hoti “pubbevassa hoti ‘musā bhaṇissa’ nti, bhanantassa hoti ‘musā bhaṇāmi’”ti (pāci. 4) vuttattāti āha “**pubbepi jānitvā vacanakkhaṇepi jānantassa**”ti. Etaṅhi dvayaṃ aṅgabhūtam, itaram pana hotu vā, mā vā, akāraṇametam. Nanu cetam bhaṇanameva ṅāyatīti āha “**bhaṇanaṇca nāma**”tiādi. **Abhūtassāti** atacchassa.

Hatthakam sakyaputtanti ettha **hatthakoti** tassa therassa nāmam. Sakyānam puttoti **sakyaputto**. Buddhakāle kira sakyakulato asīti purisasaḥassāni pabbajimsu, tesam so aññataro. **Avajānitvā paṭijānanādivatthusminti** ettha **avajānitvā paṭijānanam** nāma titthiyehi saddhim kathento attano vāde kañci dosam sallakkhento “nāyam mama vādo”ti avajānitvā puna kathento kathento niddosatam sallakkhetvā “mameva ayam vādo”ti paṭijānāti. **Ādisaddena paṭijānitvā avajānanam**, aññenaññam paṭicaranam, sampajānamusāvādasānam, sanketam katvā visamvādakaraṇaṇca saṅganhāti. Idāni āpattibhedadassanatham “**uttarimanussadhammārocanaṭṭha**”ntiādi vuttam.

Anupadhāretvā sahasā bhaṇantassāti avimamsitvā vegena diṭṭhampi “adittham me”tiādinā bhanantassa. “**Aññam bhaṇissāmi**”ti **aññam bhaṇantassāti** yo mandattā momūhattā pakkhalanto “cīvara”nti vattabbe “cīra”ntiādinā bhaṇāti, ayam “aññam bhaṇissāmi”ti aññam bhaṇāti nāma. Yo pana sāmaṇereṇa “api, bhante, mayham upajjhāyam passitthā”ti vutto keḷim kurumāno “tava upajjhāyo dārusakatam yojetvā gato bhavissati”ti vā siṅgālasaddam sutvā “kassāyam saddo”ti vutto “mātuyā te yānena gacchantiyā kaddame laggacakkam uddharantānam ayam saddo”ti vā evam neva davā, na ravā aññam bhaṇāti, so āpattim āpajjatiyeva. Aññā pūranakathā nāma hoti – eko gāme thoḅam telam labhitvā vihāram āgato sāmaṇeram bhaṇāti “tvam ajja kuḷim gato, gāmo ekatelo aho”ti vā, pacchikāya ṭhapitam pūvakhaṇḍam labhitvā “ajja gāme pacchikāhi pūve cāresu”nti vā, ayam musāvādo hoti. **Visamvādanapurekkhārātati** visam vādentī etenāti **visamvādanam**, vaṇcaṇādhippāyavasappavattam cittam, tassa purekkhārātā **visamvādanapurekkhārātā**, visamvādanacittassa purato karaṇanti attho.

Musāvādasikkhāpadavaṇṇanā niṭṭhitā.

2. Omasāvādasikkhāpadavaṇṇanā

Omasāvādeti khumsanagaraṇavacane. Yasmā pana tam neva kaṇṇasukham, na hadayasukham, tasmā tena kaṇṇaṇceva hadayaṇca vijjhatīti āha “**ovijjhanavacane**”ti, jātiādiṅhi ghatetvā vacaneti vuttam hoti. Tenāha “**jātināma**”tiādi. Tattha **jāti** nāma brāhmaṇādi ukkaṭṭhā ceva caṇḍālādi hīnā ca jāti. **Nāmam** nāma avakaṇṇakādi hīnaṇceva buddharakkhitādi ukkaṭṭhaṇca nāmam. **Gottam** nāma kosiyādi hīnaṇceva gotamādi ukkaṭṭhaṇca gottam. **Kammam** nāma pupphachaddakādi hīnaṇceva kasivaññādi ukkaṭṭhaṇca kammam. **Sippam** nāma nalakārādi hīnaṇceva muddāganaṇādi ukkaṭṭhaṇca sippam. **Ābādho** nāma sabbopi rogo hīnoyeva. Atha vā madhumeho ukkaṭṭho, seso hīnoti veditabbo. **Liṅgam** nāma atidighādi hīnaṇceva nātidighādi ukkaṭṭhaṇca liṅgam. **Kilesa** nāma rāgādiḷko sabbopi kilesa. **Āpatti** nāma sotāpattādiḷk ukkaṭṭhā ceva pārājikādi anukkaṭṭhā ca āpatti. **Akkosa** nāma “otthosī”tiādiḷko hīno ceva “paṇḍitosī”tiādiḷko (pāci. 15) ukkaṭṭho ca akkosa.

Yathā tathāti pālīgātānāgatapaḍānam yena kenaci ākāreṇa. Imasmim sikkhāpade ṭhapetvā bhikkhuṃ bhikkhuniādayo sabbe sattā anupasampannāṭṭhāne ṭhitāti āha “**idha cā**”tiādi. **Davakamyatā** nāma keḷihasādhippāyatā. **Sabbatthāti** upasampannānupasampannesu ceva pālīgātānāgatapadesu cāti sabbattha. **Atthadhammaanusāsānipurekkhārānanti** ettha “caṇḍālosī”tiādiḷkāya pālīyā attham vaṇṇento **atthapurekkhāro** nāma. Pālīm vācento **dhammapurekkhāro** nāma. Anusiṭṭhiyam thatvā “idānīpi caṇḍālosi, pāpam mā akāsi. Mā tamotamarāyano aho”tiādinā (pāci. atṭha. 35) nayena kathento **anusāsānipurekkhāro** nāmāti veditabbo.

Omasāvādasikkhāpadavaṇṇanā niṭṭhitā.

3. Pesuñāsikkhāpadavaṇṇanā

Bhikkhupesuñāceti pisafīti **pisuṇā**, yāya vācāya samagge satte avayavabhūte vagge bhinne karoti, sā vācā pisuṇā, pisuṇā eva **pesuñānam**, tāya vācāya samannāgato **pisuṇo**, tassa kammam **pesuñānam**, bhikkhussa pesuñānam **bhikkhupesuñānam**, tasmim bhikkhupesuñāne, bhikkhuto sutvā bhikkhunā, bhikkhussa vā upasamhaṭapesuñāceti attho. Tenāha “**jātiādiṅhi**”tiādi. Taṇca kho dvīhi kāraṇehi upasamharatīti āha “**bhikkhuno piyakamyatāya vā**”tiādi. Tattha **bhikkhuno piyakamyatāyāti** yassa tam bhāsati, tassa bhikkhuno “evamaḥam etassa piyo bhavissāmi”ti attano piyabhāvam pathayamānatāya. **Bhedādhippāyenāti** “evamayaṃ tena saddhim bhijjissati”ti parassa parena bhedam icchantena. Atha vā piyasuñākarāṇato **pesuñānam** (sāratta. ṭī. pācittiya 3.36) niruttinayena, yāya vācāya yassa tam bhāsati, tassa hadaye attano piyabhāvam, parassa ca suññabhāvam karoti, sā vācā, “bhikkhussa pesuñānam bhikkhupesuñā”ntiādinā evampettha attho diṭṭhabbo. “**Vuttanayenevāti** “jātiādiṅhi akkosavatthūhi”tiādinā vuttanayena.

Pālīmuttakaakkosūpasamhāreti “corosī”tiādinā akkosassa upasamhāre. “Anakkosavatthubhūtam pana pesuñākarām tassa kiriyam, vacanam vā piyakamyatāya upasamharantassa kiñcāpi iminā sikkhāpadena āpatti na dissati, tathāpi dukkaṭṭhena bhavitabba”nti (sāratta. ṭī. pācittiya 3.36) vadanti. **Pāpāgarahitāya vadantassāti** ekaṃ akkosantam, ekaṇca khamaṇtam disvā “aho nillajjo, idisampi nāma bhavantaṃ puna vattabbam maññissati”ti evam kevalam pāpāgarahitāya bhanantassa.

Pesuñāsikkhāpadavaṇṇanā niṭṭhitā.

4. Padasodhammasikkhāpadavaṇṇanā

Padaso dhammam vācēyāti ekato padaṃ padaṃ dhammam vācēyāya, koṭṭhāsam koṭṭhāsam vācēyāti attho. Yasmā na kevalam tisso saṅgītiyo āruḷhadhammayeva padaso vācentassa āpatti, tasmā “**saṅgīttitayam anāruḷhampi**”tiādi vuttam. **Ādi**-saddena (pāci. atṭha. 45) sīlūpadesa dhutaṅgapaññaḥārammaṇakathā buddhikadaṇḍakāññāvatthuasubhakkathādinam gahanam. Mendakamilindapañhesu therassa sakappaṭibhāne anāpatti. Yam rañño saññāpanattham āharitvā vuttam, tattha āpatti. Vannapīṭakaṇḍulimālapīṭakarathapālagajjitaālavakagajjitaḷgūḷhamaggagūḷhavessantaragūḷhavinayavedallapīṭakādiṅhi pana abuddhavacanañīyeva.

Yasmā pana tam padaṃ catubbidham hoti, tasmā tam dassetum “**padānupadaanavakkharānubyañjanesu**”ti vuttam. Tattha **padanti** eko gāthāpādo adhippeto. **Anupadanti** dutiyāpādo. **Anavakkharanti** ekekaṃ akkharam. **Anubyañjananti** purimabyañjanena sadisaṃ pacchābyañjanam. Yam kiñci vā ekaṃ akkharam **anavakkharam**. Akkharasamūho **anubyañjanam**. Akkharānubyañjanasamūho **padam**. Paṭhamam padaṃ padameva, dutiyam **anupadanti** evametta nānākarāṇam veditabbam. Etesu padādisu yam kañci koṭṭhāsam bhikkhuṇca bhikkhuniṇca ṭhapetvā avasesapuggalehi saddhim ekato bhaṇantassa padādiḷganañāya pācittiyanti sambandho.

Ettha gāthābandhesu (pāci. atṭha. 45) tāva “manopubbaṅgamā dhammā”ti (dha. pa. 1, 2) ekamekaṃ padaṃ sāmaṇereṇa saddhim ekato ārabhitvā ekatoyeva niṭṭhāpentassa **padagaṇanāya** pācittiyam. Therena “manopubbaṅgamā dhammā”ti vutte tam padaṃ apāpunitvā “manosetthā manomayā”ti vacanakāle pattena sāmaṇereṇa ekato bhaṇantassa **anupadagaṇanāya**. “Rūpaṃ anicca”ntiādi (ma. ni. 1.353, 356) vacanakāle tena saddhim “rū” kāramattameva vācentassa **anavakkharaṇanāya**. Esa nayo gāthābandhepi. “Rūpaṃ, bhikkhave, aniccaṃ, vedanā niccā”ti (ma. ni. 1.353, 356) imam suttam vācayamāno therena “rūpaṃ anicca”nti vuccamāne sāmaṇero sīghapaññatāya “vedanā niccā”ti imam aniccapaḍam therassa “rūpaṃ anicca”nti etena aniccapaḍena saddhim ekato bhaṇanto vācam nicchāreti, evam vācentassa **anubyañjanagaṇanāya** pācittiyanti veditabbam.

Tikapācittiyanti anupasampanne anupasampannasāññivematikaupasampannasāññīnam vasesa tīni pācittiyāni. Anupasampannena saddhim ekato uddesaggahane ekato bhaṇantassa anāpattīti sambandho. Esa nayo “**saṅghāyakaṇe, tassa santike uddesaggahane**”ti etthāpi. Tatrayam vinicchayo – upasampanno ca anupasampanno ca nisīditvā uddisāpenti. Ācariyo “nisinnānam bhaṇāmi”ti tehi saddhim ekato vadati, ācariyasessa āpatti. Anupasampannena saddhim ganhantassa anāpatti. Dvepi thitā ganhanti, esseva nayo. Daharabhikkhu nisinnō, sāmaṇero ṭhito, “nisinnassa bhaṇāmi”ti bhaṇato anāpatti. Sace daharo tiṭṭhati, itaro nisīdati, “thitassa bhaṇāmi”ti bhaṇatopi anāpatti. Sace bahūnam bhikkhūnam antare eko sāmaṇero nisinnō hoti, tasmim nisinne padaso dhammam vācentassa acittakā āpatti. Sace sāmaṇero upacāram muñcitvā ṭhito

vā nisinno vā hoti, yesaṃ vāceti, tesu apariyāpannattā ekena disābhāgena palāyanakagantham nāma ganhātīti saṅkham gacchati, tasmā anāpatti.

Sajjhāyakaṇṇeti anupasaṃpanna sādḍhim ekato sajjhāyakaṇṇe. **Tassa santike uddesaggahaṇeti** anupasaṃpanna santeke uddesaggahaṇe. **Yebhuyyena paguṇagantham bhaṇantassa** sace ekagāthāya eko pādo nāgacchati, avasesā āgacchanti, ayaṃ yebhuyyena paguṇagantho nāma. Etena nayena suttepi veditaḍḍo, taṃ bhaṇantassa. **Osārentassa cāti parisāmajjhe suttam uccārentassa ca.**

Padasodhammasikkhāpadavaṇṇanā niṭṭhitā.

5. Paṭhamasahaseyyasikkhāpadavaṇṇanā

Idha “bhikkhum thapetvā avaseso anupasaṃpanno nāmā” ti (pāci. 52) vacanato tiracchānagatopi anupasaṃpannoyeva, so ca kho na sabbo, methunadhāmmāpattiyā vatthubhūtovāti āha “**antamaso**” tiādi. Tassa ca paricchedo methunadhāmmāpattiyā vuttanayeneva veditaḍḍo. **Dirattatirattanti** ettha dirattavacanena na koci visesattho labbhati, kevalam lokavohāravasena byañjanasiliṭṭhatāya, mukhārulhatāya evam vuttanti veditaḍḍam. **Dvinnam vā tiṇṇam vā rattinanti** pana vacanathamattadassanatham vuttam, niranatarirattadassanatham vā dirattaggahaṇam katanti daṭṭhabbam. **Sahaseyyanti** ekato seyyam. **Seyyāti** ca kāyappasāraṇasāṅkhātāṃ sayanampi vuccati “sayanam seyyā” ti katvā, yasmim senāsane sayanti, tampi “sayanti etthāti seyyā” ti katvā. Tadubhayampi idha sāmāñhena, ekasesanayena vā gahitanti āha “**sabbacchannaparicchanne**” tiādi.

Tattha yaṃ senāsanam upari pañcahi chadanehi (pāci. aṭṭha. 51), aññena vā kenaci antamaso vatthenāpi sabbameva paricchannam, bhūmito paṭṭhāya yāva chadanam āhacca, anāhaccāpi vā sabbantimena pariyaṇena diyaddhahatthubbedhena pākārena vā aññena vā kenaci antamaso vatthenāpi parikkhittam, idam **sabbacchannasabbaparicchannam** nāma. Yassa pana upari bahutaram thānam channam, appam acchannam, samantato ca bahutaram parikkhittam, appam aparikkhittam, idam **yebhuyyena channam yebhuyyena paricchannam** nāma. Tasmim sabbacchannaparicchanne, yebhuyyena channaparicchanne vā.

Vidaheyāti kareyya, taṅca kho atthato sampādananti āha “**sampādeyyā**” ti. Ayañhettha saṅkhepattho “senāsanasāṅkhātāṃ seyyam pavisitvā kāyappasāraṇasāṅkhātāṃ seyyam kappeyya vidaheyya sampādeyyā” ti. **Diyaḍḍhahatthubbedho** vaddhahatthethena gahetaḍḍo. **Ekūpacāroti** valañjanadvārasa ekattam sandhāya vuttam. Satagabbham vā catusālam ekūpacāram hotīti sambandho. **Tattha vāti** purimapurimadvise yattha vuttam, tasmimyeva senāsane vā. **Aññattha vā tādiseti** yathāvuttalakkaṇena samannāgate aññasimim pubbe avuttasenasāne vā. **Tena vāti** yena saha purimapurimadvise vuttam, tena vā. **Aññena vāti** yena saha purimapurimasmim divise vuttam, tato aññena vā. **Saṅkhepoti** saṅkhepavaṇṇanā. Yadi evaṃ vitthāro katham veditaḍḍoti āha “**vitthāro panā**” tiādi.

Upaḍḍhacchannaparicchannādisūti ādisaddena “sabbacchanne cūlakaparicchanne dukkaṭam, yebhuyyena channe cūlakaparicchanne dukkaṭam, sabbaparicchanne cūlakacchanne dukkaṭam, yebhuyyena paricchanne cūlakacchanne dukkaṭam” nti (pāci. aṭṭha. 53) aṭṭhakathāyaṃ vuttanāṃ gahaṇam. **Tatiyāya rattiyā purāruṇā nikkhamitvā puna vasantassāti** tatiyāya rattiyā aruṇato puretameva nikkhamitvā aruṇam bahi utthāpetvā catutthadvise atthaṅgate sūriye puna vasantassa. **Sabbacchannasabbaparicchannādisūti** ettha pana ādisaddena “sabbaparicchanne sabbacchanne, yebhuyyena acchanne paricchanne” ti (pāci. 54) pāliyaṃ āgatānam, “upaḍḍhacchanne cūlakaparicchanne anāpatti, upaḍḍhaparicchanne cūlakacchanne anāpatti, cūlakacchanne cūlakaparicchanne anāpatti” ti (pāci. aṭṭha. 53) aṭṭhakathāyaṃ āgatānaṅca gahaṇam.

Paṭhamasahaseyyasikkhāpadavaṇṇanā niṭṭhitā.

6. Dutiyasahaseyyasikkhāpadavaṇṇanā

Manussithiyāti jīvamānakamanussithiyā. “Matithi pana kiñcāpi pārājikavatthubhūtā, anupādinnaḍḍakke pana thitattā sahaseyyāpattim na karoti” ti (vajira. ṭi. pācittiya 55) vadanti. Adissamānarūpāhi pana yakkhipēhi, methunassa avatthubhūtāya ca tiracchānagatithiyā anāpatti. **Paṭhamadviseṇeti** paṭhamasmim viya sikkhāpade na catuttheyeva divise, atha kho idha paṭhamadviseṇeti attho. Iminā idha divasaparicchedo natthīti dasseti. Aṅgesu pana pācittiyavatthukasenasanam, tattha mātugāmena saha nipajjanam, sūriyatthangamananti tīni aṅgānīti ayampi viseso daṭṭhabbo.

Dutiyasahaseyyasikkhāpadavaṇṇanā niṭṭhitā.

7. Dhammadesanāsikkhāpadavaṇṇanā

Chappañcavācāhīti chahi pañcahi vācāhi. Vācāparicchedo panettha katham veditaḍḍoti āha “**uttari chappañcavācāhi**” tiādi. **Sabbatthāti** sutte, aṭṭhakathāyaṅca. Sace aṭṭhakatham, dhammapadam, jātakādivatthum vā kathetukāmo hoti, chappadamattameva kathetum vaṭṭati. Pāliya sādḍhim kathentena ekaṃ padam pāḷito, pañca aṭṭhakathāto evaṃ cha padāni anattikkamitvāva kathetabbo. **Purisenāti** manussapurisena. Tenāha “**manussaviggaḥam gahetvā panā**” tiādi.

Tikapācittiyanti mātugāme mātugāmasaññivematikaamātugāmasaññinam vasena tīni pācittiyāni. **Aññassa vā mātugāmassāti** ekassa mātugāmassa desetvā nisinne puna āgatassa aññassa mātugāmassa, evaṃ pana ekāsane nisinnena mātugāmasatassāpi desetum vaṭṭati. “Viññumanussithiyā” ti vacanato aviññitthiyāpi desayato anāpatti. **Iriyāpathaparivattābhāvoti** atthano vā mātugāmassa vā iriyāpathaparivattābhāvo. **Kappiyākarakassābhāvoti** viññussa kappiyākarakassābhāvo, dutyāniyate vuttalakkaṇassa manussassa abhāvoti vuttam hoti. **Kiriyākiriyaṇti** ettha uttari chappañcavācāhi dhammadesanā **kiriya**, kappiyākarakassa aggaḥam **akiriyaṇti** daṭṭhabbam.

Dhammadesanāsikkhāpadavaṇṇanā niṭṭhitā.

8. Bhūtārocanasikkhāpadavaṇṇanā

Nippariyāyēnāti “paṭhamam jhānam samāpajji” tiādinā (pāci. 71) ujukameva. **Pariyāyena ārocanti** “yo te vihāre vasi, so bhikkhu paṭhamam jhānam samāpajji, samāpajjati, samāpanno” tiādinā (pāci. 75) aññāpadesena bhaṇitam. Parinibbānakāle (pāci. aṭṭha. 77), pana antarā vā atikāddhiyamānena upasaṃpanna bhūtam ārocetum vaṭṭati. Anatikāddhiyamānēnāpi (sārattha. ṭi. pācittiya 3.77) tathārūpe kāraṇe sati ārocetum vaṭṭatiyeva. Teneva aññātarena daharabhikkhunā upavādito aññātaro thero “āvuso, uparimaggatthāya vāyamaṃ mā akāsi, khīṇāsavo tayā upavādito” ti āha. Tharena ca “atthi te, āvuso, imasmim sāsane patiṭṭhā” ti puṭṭho daharabhikkhu “āma, bhante, sotāpanno āha” nti avoca. “Kārako aya” nti natvāpi paṭipattiyā amoghābhāvadassanena samuttejanāya, sampahaṃsanāya ca ariyā attānam pakāsentiyeva. Tenāha “**tathārūpe kāraṇe sati upasaṃpanna ārocayato**” ti. Sutapariyattisīlaguṇam pana anupasaṃpannassāpi ārocetum vaṭṭati. Kasmā na idha ummattakādayo gahitāti āha “**yasmā panā**” tiādi. **Ādisaddena** khittacittavedanāṭṭānam gahaṇam. **Tasmim satīti** ummattakādivāse sati. **Idha na gahitāti** imasmim sikkhāpade padabhājanīyam na gahitā. **Acittakanti** paṇṇattijānanacittābhāvena acittakam. **Kusalābyākatacittēhi dvicitta**” nti idam ukkaṭṭhaparicchedena ariyapuggaleya sandhāya vuttam. Na hi paṇṇattim ajānantā jhānalābhino puthujjanā vatthumhi lobhavasena akusalacittēnāpi na ārocetīti. Dukkavedanāya vā abhāvato “**dvivedana**” nti imassa anurūpam katvā evam vuttanti daṭṭhabbam.

Bhūtārocanasikkhāpadavaṇṇanā niṭṭhitā.

9. Duṭṭhullārocanasikkhāpadavaṇṇanā

Dvinnam āpattikkhandhānanti pārājikasaṅghādisesasaṅkhātānam dvinnam āpattikkhandhānam. **Āyatim samvaratthāyāti** “evamesa paresu hirotappenāpi āyatim samvaram āpajjissat” ti āyatim samvaratthāya. **Āpattinaṅca kulānaṅca pariyaṇtam katvā vā akatvā vāti** “ettakā āpattiyō ārocetabbā, ettakesu kulesu ārocetabbā” ti evam āpattinaṅca kulānaṅca pariyaṇtam katvā vā akatvā vā.

Aduṭṭhullāyāti pārājikasaṅghādisesam thapetvā avasesapañcāpattikkhandhasaṅkhātāya aduṭṭhullāya āpattiyā. **Avasese cha āpattikkhandheti** saṅghādisesavajjite sese cha āpattikkhandhe. **Purimapañcasikkhāpadavittikkamasāṅkhātāṃ duṭṭhullanti** pañātipāṭaveramañādikassa ādito pañcasikkhāpadassa vittikkamasāṅkhātāṃ duṭṭhullam. **Itaram aduṭṭhullam vā ajjhācāranti** tato aññam vikālabhojanādikapañcakam, sukkavisaṭṭhikāyasamsaggaduṭṭhullaattakāmañceti aduṭṭhullam vā ajjhācāram. **Vatthumattanti** “ayaṃ sukkavisaṭṭhim āpanno, duṭṭhullam, attakāmaṃ, kāyasamsaggam āpanno” ti evam vatthumattam vā ārocetassa. **Āpattimattanti** “ayaṃ pārājikam

āpanno, saṅghādisesam, thullaccayam, pācittiyam, pātidesanīyam, dukkaṭam, dubbhāsītam āpanno”ti evaṃ āpattimattam vā ārocantassa **Vuttalakkaṇassāti** “pārājikam anajjhāpanassā”ti kaṅkhā. aṭṭha. duṭṭhullārocanasikkhāpadavaṇṇanā) evaṃ vuttalakkaṇassa. **Savatthukoti** vatthunā saha ghaṭīto.

Duṭṭhullārocanasikkhāpadavaṇṇanā niṭṭhitā.

10. Pathavīkhaṇasikkhāpadavaṇṇanā

Pāsānasakkarakathalamarumbavālukādisūti ettha muṭṭhippamānato upari **pāsānāti** veditabbā. Muṭṭhippamānā **sakkarā**. **Kathalāti** kapālakhaṇḍāni. **Marumbāti** katasakkarā. **Vālukā** vālikāyeva. **Aññatarassa tatiyabhāgo hotīti** tatiyo bhāgo hoti. Idam vuttam hoti – yato pamsuṃ vā mattikam vā āharāpetvā visuṃ visuṃ kate dve koṭṭhāsā pamsu vā mattikā vā eko pāsānādisu aññataro hoti, ayam **missakapathavī** nāmāti. **Ovaṭṭho** nāma devena ovaṭṭho (pāci. 86). **Vuttanti** padabhājanīyam, sīhalaṭṭhakathāyameva vā vuttam. **Adhikatarapāsānādimissāti** adhikatarapāsānādhī missā, adaddhāpi vuttappamānato adhikatarapāsānādimissāti adhippāyo. **Vā**-saddo avuttavikappatho, tena ūnakacatumāsovaṭṭhaphathaviṃ saṅgaṇhāti. **Suddhapāsānādhībhedāyāti** suddhā pāsānā ethhāti **suddhapāsānā**, sā ādi yassa bhedassa so **suddhapāsānādi**. **Ādi**-saddena suddhasakkarādhīnam gahaṇam. Suddhapāsānādhībhedo yassā sā **suddhapāsānādhībheda**, tāya suddhapāsānādhībhedāya, suddhapāsānādhībhedāyati attho.

Sayam khaṇāṭṭi ettha yo antamaso pādānguṭṭhakenapi khaṇāti, udakampi chaḍḍento bhindati, pādānguṭṭhakenapi vilikhati, pattampi pacanto dahati, so sabbo khaṇāṭṭi veditabbo. Tenāha “**khaṇānabhedanavilekhanapacānādhī vikopetīti**. Pattam pacantena (pāci. aṭṭha. 87) hi pubbe pakkaṭṭhāneyeva pacitabbo. Adaddhāya pathaviyā aggim ṭhapetum na vaṭṭati. Pattapacānakapālassa pana upari aggim ṭhapetum vaṭṭati. Dārūnam upari ṭhapeti, so aggi tāni dahanto gantvā pathaviṃ dahati, na vaṭṭati. **Iṭṭhakapāsānādisūpi** eseva nayo. Tatrāpi hi iṭṭhakādhīnameva upari ṭhapetum vaṭṭati. Kasmā? Tesam anupādānā. Na hi tāni aggissa upādānasankham gacchanti. Sukkhakhaṇurukkhādisūpi aggim dātum na vaṭṭati. Sace pana “pathaviṃ apattameva nibbāpetvā gamissāmi”ti deti, vaṭṭati. Pacchā nibbāpetum na sakkoti, avisayattā anāpatti. **Vuttanayenevāti** “khaṇānabhedanavilekhanapacānādhī”ti vutteneva nayena. **Niyamtevāti** sannihāṇam katvā. **Itaroti** āṇāpako.

“Pokkharaniṃ khaṇā”ti (pāci. aṭṭha. 86) vadati, vaṭṭati. Khatāyeva pokkharaniṃ nāma hoti, tasmā ayam kappiyavohāro. Esa nayo “vāpiṃ, talākam, āvātam khaṇā”ti ādisūpi. “Imaṃ okāsam khaṇā, imasmim okāse pokkharaniṃ khaṇā”ti pana vattum na vaṭṭati. “Kandaṃ khaṇā mūlam khaṇā”ti aniyamtvā vattum vaṭṭati. “Imaṃ valliṃ khaṇā, imasmim okāse kandaṃ vā mūlam vā khaṇā”ti vattum na vaṭṭati. Tenāha “**okāsam aniyamtvā...pe... bhānantassā**”ti. Ātapaṇa sukkhakkaddamo ca phalati, tatra yo heṭṭhā pathaviyā asambaddho, tameva apānetum vaṭṭati. Esa nayo gokaṇṭakepi. Tenāha “**ātapena...pe... asambaddha**”nti. Tattha **gokaṇṭako** (pāci. aṭṭha. 86) nāma gāvīnam khuracchinakkaddamo vuccati. Sace pana heṭṭhimalatena bhūmisambandho, vikopetum na vaṭṭati. **Bhijjivā patitanaditānti** bhijjivā nadisāmantā patitam omakacātumāso ovaṭṭham naditāntam. Sace pana bhijjivā udakeyeva pakati, deve atirekacātumāso ovaṭṭhepi udakeyeva udakassa patitattā vaṭṭati. **Mahantampi naṅgalacchinnamattikāpiṇḍanti** mahantampi kasitaṭṭhāne heṭṭhā pathaviyā asambaddham naṅgalacchinnamattikāpiṇḍam. **Evamādisaddena** kūṭāsīcanayogatanukakaddamādhīnam gahaṇam. **Asaṅcicca rukkhādhīpavattānena bhindantassāti** pāsānarukkhādhīni vā pavaṭṭentassa, kattaradaṇḍena vā āhacca āhacca gacchantassa pathavī bhijjati, sā “tena bhindissāmi”ti evaṃ saṅcicca abhinnattā **asaṅcicca bhinnā** nāma hoti, iti asaṅcicca rukkhādhīpavattānena bhindantassa anāpatti. **Asatiyā pādānguṭṭhakādhī vilikhantassāti** yo aññavihito kenaci saddhim kiñci kathento pādānguṭṭhakena vā kattarayatṭhīyā vā pathaviṃ vilikhanto tiṭṭhati, tassa evaṃ asatiyā pādānguṭṭhakādhī vilikhantassa anāpatti.

Pathavīkhaṇasikkhāpadavaṇṇanā niṭṭhitā.

Musāvādavaggo pathamo.

2. Bhūtagāmaavaggo

1. Bhūtagāmasikkhāpadavaṇṇanā

“**Bhavanti**”ti (sārattha. ṭi. pācittiya 3.90) iminā virulhamūle nīlabhāvam āpajjivā vaḍḍhamānake tarunagacche dasseti. “**Ahesu**”nti iminā pana vaḍḍhitvā ṭhite mahante rukkhagacchādike dasseti. Tenāha “**jāyanti**”tiādi. Ettha ca “bhavanti”ti imassa vivaraṇam “**jāyanti vaḍḍhanti**”ti, “ahesu”nti imassa “**jātā vaḍḍhitā**”ti. **Gāmoti** samūho. **Patitṭhitaharitatiparukkhādhīnanti** bhūmiyam patitṭhitassa haritatipassa ceva haritarukkhādhīna. **Ādisaddena** osadhigacchalatādayo veditabbā. Nimittatthe ca bhummam. Yo attho sampajjati, tamāha “**bhūtagāmapātabyatāyā**”tiādinā.

Nanu ca rukkhādayo cittarahitatāya na jīvā, cittarahitā ca pariphandābhāvato, chinnepi viruhanato, visadisajātikabhāvato, catuyoniyam apariyāpannato ca veditabbā, vuḍḍhi pana pavālasilālavāṇanampi vijjattīti na tesam jīvabhāve kāraṇam, visayagahaṇāna nesaṃ parikkapaṇāmatam supaṇam viya cīncādinam, tathā dohaḷādayo, aṭṭha kasmā bhūtagāmasa pātabyatāya pācittiyam icchitanti? Samānaasārūppato, tannissitasattānurakkhaṇato ca. Tenevāha “jīvasaṅgīno hi moghapurisā manussā rukkhasmī”ntiādi (pāci. 89). **Sāsapabjījakasevālampīti** sāsapabjījakasankhātā sevālampi, sāsapasevālam, bījakasevālampīti attho. Tattha **sāsapasevālo** nāma sāsapamatto khuddakasevālo. **Bījakasevālo** nāma upari khuddakapatto heṭṭhā khuddakamūlo sevālo.

Mūlabjījakhandhabjījaphalubjījaggabjījābhījananti ettha mūlameva bījam **mūlabjījam**. Evam sesesūpi. Tattha **mūlabjījam** haliddiādikam. **Khandhabjījam** assatthādikam. **Phalubjījam** ucchuādikam. **Aggabjījam** hiriverādikam. **Bjījam** pubbaṇḍādikam. **Bhājanagatanti** sarāvādhījanagatam. **Nikkhantam** mūlamattam etasmāti **nikkhantamūlamattam**. **Matta** saddena cettha paṇṇassa nikkhamaṇam paṭikkhipati. Esa nayo **nikkhantaṅkuramattanti** ethhāpi. Sace pana mūlāna paṇṇāna niggatam, bhūtagāmasankham gacchati. **Vidatthimattā pattavaṭṭi niggaṇṇatīti** vidatthimattā anilavaṇṇā pattavaṭṭi nikkhamati. Tenāha “**nikkhante**”tiādi. **Harito na hotīti** nīlavaṇṇo na hoti. Muggādhīnam pana paṇṇesu utṭhitesu, vihādhīnam vā ankure harite bhūtagāmasaṅgaṇam gacchati. Esa nayo ambaṭṭhādisu.

Bhūtagāmaabjījagāmeti ettha bhūtagāmato viyojitam viruhanasamatthameva mūlabjījādikam bījagāmo nāmāti veditabbam. **Ubhayathāti** bhūtagāmaabjījagāmesu. **Atathāsānīssāti** abhūtagāmaabjījagāmasaṅgīssa. Ko pana vādo abhūtagāmaabjījagāmesu abhūtagāmaabjījagāmasaṅgīssa. **Asaṅciccāti** pāsānarukkhādhīni vā pavaṭṭentassa, sākham vā kaḍḍhantassa, kattaradaṇḍena vā bhūmim paharivā gacchantassa tiṇāni kuppanti. Tāni tena “vikopessāmi”ti evaṃ saṅcicca avikopitattā **asaṅcicca vikopitāni** nāma honti. Iti asaṅcicca vikopentassa anāpatti.

Asatiyāti aññavihito kenaci saddhim kiñci kathento pādānguṭṭhakena vā hatthena vā tiṇam vā latam vā vikopento tiṭṭhati, evaṃ asatiyā vikopentassa anāpatti.

Ajānītvāti ettha abbhantare “bījagāmo”ti vā “bhūtagāmo”ti vā na jānāti, “vikopemī”ti pana jānāti. Evam tīne vā palālapuṅge vā khaṇittim vā kudālam vā saṅgonanathāya ṭhapeti, ḍayhamānathatho vā aggim pāteṭi. Tatra ce tiṇāni chijjanti vā ḍayhanti vā, evam ajānītvā vikopentassa anāpatti.

Yena kenaci aggināti kaṭṭhaggiyomayaggiādisu yena kenaci agginā, antamaso lohakaṇḍenapi āditena. “**Kappiya**”nti vatvāyati yāya kāyaci bhāsāya “kappiya”nti vatvāva. **Eva**-saddena pathamam agginā phusitvā pacchā “kappiya”nti vattum na vaṭṭati”ti dasseti. “Pathamam aggim nikkhipitvā tam anuddharitvā “kappiya”nti vutte pana vaṭṭati”ti (sārattha. ṭi. pācittiya 3.93) vadanti. Esa nayo sesesūpi. **Tathevāti** “kappiya”nti vatvāva. Assamahimsasūkarāmagorūpānam pana khurā atikhinā, tasmā tehi na kātabbam, katampi akatam hotīti āha “**ṭhapetvā gomahimsādhānaṃ khure**”ti. Hatthinakāḥa pana khurā na honti, tasmā tehi vaṭṭati. **Tiracchānānanti** sīhabyagghadīpimakkatānaṃ, sakuntānaṃ. Tesāñhi nakhā tikhiṇā hoti, tasmā tehi kātabbam. **“Antamaso chinditvā āhaṇepi”**ti iminā yehi kātum vaṭṭati, tehi tatthajātakehi kātabbanti ettha vattabameva natthīti dasseti. **“Satthe vuttanayenevā”**ti iminā chedam vā vedham vā dassentena “kappiyanti vatvā”ti vuttamatidisati. Ettha ca kiñcāpi “kappiyanti vatvā kātabba”ntiādinā kappiyam karontena kattabākārameva dassitam, tathāpi bhikkhunā “kappiyam karohī”ti vuttayeveva anupasampannena “kappiya”nti vatvā aggiparijīṭhāti kātabbanti gahetabbam. Avacanaṃ pana “punapi kappiyam karohīti kāretvāva paribhuṅṅhitabba”nti pathamameva vuttattā.

Ekasmim...pe... kappiye kate sabbam katam hotīti ekamyeva “kappiyam karomī”ti adhippāyēnapi kappiye kate ekābaddhattā sabbam katam hoti. **Dārūkam vijjhatīti** jānītvā vā ajānītvā vā vijjhati vā vijjhāpeti vā, vaṭṭatiyeva. **Bhattasitthe vijjhatīti** ethhāpi eseveva nayo. **Tam vijjhati, na vaṭṭatīti** vallīdhīnam bhājanagatikattāti adhippāyo. **Bhindāpetvā kappiyam kāretabbanti** bījato muttassa kaṭṭhassa bhājanagatikattā vattam. **Abjānti** ankurajananasamatthabjījarahitarunambaphalādi. Tenāha “**yam pana phalam taruṇam hoti, abjā**”nti. Nibbattabjījam nāma bījam nibbattetvā visuṃ katvā paribhuṅṅjitum sakkuneyyam ambapanasādhīphalam. Tenāha “**bījam apantvā paribhuṅṅjitabba**”nti. Tattha kappiyakaraṇakiccam natthi, sayameva kappiyānti adhippāyo.

Bhūtagāmasikkhāpadavaṇṇanā niṭṭhitā.

2. Aññavādakasikkhāpadavaṇṇanā

Yamatthanti “tvam kira dukkaṭāpattim āpanno” tiādikaṃ yaṃ kiñci atthaṃ. **Tato aññanti** pucchitathato aññamatthaṃ. **Aññenaññam paṭicaraṇassati** vinayadharena yaṃ vacanaṃ dosapucchanatthaṃ vuttaṃ, tato aññena vacanena paṭicchādanassa. Paṭicchādanatthopi hi carasaddo hoti anekatthattā dhātūnaṃ. **Vuttanti** pāliyaṃ vuttaṃ.

Sāvasesam āpattim āpannoti ettha thapetvā pārājikam sesā sāvasesāpatti nāma, taṃ āpanno. **Anuyuñjijyamānoti** “kiṃ, āvuso, itthannāmaṃ āpattim āpannosī” ti pucchijyamāno. **Aññena vacanenāti** “ko āpanno? Kiṃ āpanno? Kismim āpanno? Kathaṃ āpanno? Kaṃ bhaṇatha? Kiṃ bhaṇathā” ti aññena vacanena. **Aññanti** “kiṃ tvam itthannāmaṃ āpattim āpannosī” tiādikaṃ anuyuñjakavacanam. **Tathā tathā vikkhipattī** tena tena pakārena vikkhipati. Kiṃ vuttam hoti? So (pāci. atṭha. 94) kiñci vīṭikkamam disvā “āvuso, āpattim āpannosī” ti saṅghamajjhe āpattiyā anuyuñjijyamāno “ko āpanno” ti vadati. Tato “tva” nti vutte “ahaṃ kiṃ āpanno” ti vadati. Atha “pācittiyam vā dukkaṭam vā” ti vutte “ahaṃ kismim āpanno” ti vadati. Tato “amukasmim nāma vatthusmi” nti vutte “ahaṃ kathaṃ āpanno, kiṃ karonto āpannomhī” ti pucchati. Atha “idaṃ nāma karonto āpanno” ti vutte “kaṃ bhaṇathā” ti vadati. Tato “taṃ bhaṇamā” ti vutte “kiṃ bhaṇathā” ti evamanekehi pakārehi vikkhipattī vuttam hoti.

Yo pana bhikkhu sāvasesam āpattim āpanno, taṃ na kathetukāmo tuñhībhāvena vihesetīti sambandho. **Vihesetīti** ciraṇisajjāciraḥāsanehi piṭṭhāgilāyanatālusosādivasena saṅgham viheseti, parissamam tesam karotīti attho. **Parissamo** hi vihesā nāma. **Aññavādakamanti** aññavādakassa bhikkhuno aññavādakaropanatthaṃ kātabbam ṇattidutiyakammam. **Vihasakamanti** etthāpi eseva nayo. **Tasmim saṅghena kateti** tasmim aññavādakamme ca vihasakamme ca saṅghena ṇattidutiyakammavācāya kate. **Tathā karontānanti** taṃ pakāram karontānaṃ, aññavādakaṇca vihasakaṇca karontānanti attho.

“Vihasaketi ayamettha anupaññatī” ti avacanañcettha “āpattikarā ca hoti aññavādakasikkhāpadādīsu viyā” ti (kañkhā. atṭha. paṭhamapārājikavaṇṇanā) vuttatāyeva paññāyatīti katvā. Esa nayo upari sikkhāpadesu. **Dhammakamme tikapācittiyanti** dhammakamme dhammakammasaññivematikaadharmakammāsāññinam vasena tīpi pācittiyāni. **Adhammakamme tikadukkaṭanti** etthāpi eseva nayo. **Anāropiteti** kammavācāya anāropite, appatīṭhāpiteti attho. **Gelaññenāti** yena kathetum na sakkoti, mukhe tādisena byādhiṇā. **Saṅghassa bhaṇḍanādīni bhavissantīti** saṅghamajjhe kathite tappaccayā saṅghassa bhaṇḍanam vā kalaho vā viggaho vā vivādo vā saṅghabhedo vā saṅgharājī vā bhavissantīti iminā vā adhippāyena na kathentassa. Ettha ca **adhammenāti** abhūtena vatthunā.

“**Samuṭṭhānādīni adinnādānasadisānī**” ti avisesam atidisiṭvā visesaṃ dassetum “**idaṃ panā**” tiādi vuttaṃ. **Siyā kiriyam** aññenaññam paṭicaranatassa. **Siyā akiriyam** tuñhībhāvena vihesentassa.

Aññavādakasikkhāpadavaṇṇanā niṭṭhitā.

3. Ujjhāpanakasikkhāpadavaṇṇanā

Yena vacanenāti “chandāya itthannāmo idaṃ nāma karotī” tiādikena yena vacanena. Tenāha “**chandāyā**” tiādi. Tattha **chandāyāti** chandena pakkhapātena. “**Akkharāya vāceti**” tiādīsu (pāci. 46) viya līngavipallāso esa. **Idam nāma karotīti** attano sandiṭṭhasambhātānaṃ pañitaṃ senāsanaṃ vā pañīnāpeti, bhattādikam vāti adhippāyo. **Senāsanaṃ pañīnāpakādībhedanti** ettha ādisaddena bhattuddesakayāgubhājakaphalabhājakādīnaṃ gahaṇam. Anekathattā dhātūnaṃ **jhe**-saddo olokanatthopi hotīti āha “**avaññāya olokāpentī**” ti. Cintanathoyeva vā gahetabboti āha “**lāmakato vā cintāpentī**” ti. **Tatheva vadantīti** “chandāya itthannāmo idaṃ nāma karotī” tiādīni vadantī. **Vuttanti** pāliyaṃ vuttaṃ. “**Khiyanake**” ti (pāci. atṭha. 105) ayamettha anupaññatī.

Asammatassāti saṅghena kammavācāya asammatassa. Kevalam “taveso bhāro” ti saṅghena āropitabhārasa, bhikkhūnaṃ vā pāsuvihārathāya sayameva bhāram vahantassa, yatra vā dve tayo bhikkhū viharanti, tatra tādisam kammam karontassāti adhippāyo. **Yassa kassacīti** upasampannassa vā anupāsampannassa vā yassa kassaci. **Anupāsampannassa pana sammatassa vā asammatassa vāti** ettha pana (pāci. atṭha. 106) kiñcāpi anupāsampannassa terasa sammatīyo dātum na vaṭṭanti, tathāpi yo upasampannakāle laddhasammutiko pacchā anupāsampannabhāve thīto, taṃ sandhāya “sammatassa vā” ti vuttaṃ. Yassa pana byattassa sāmañerassa kevalam saṅghena vā sammatena vā bhikkhūnā “tvam idaṃ kammam karohī” ti bhāro kato, taṃ sandhāya “asammatassa vā” ti vuttaṃ. Yasmā ujjhāpanaṇca khiyanaṇca musāvādasena pavattaṃ, tasmā ādikammikassa imināva anāpatti, musāvādena pana āpattiyevāti gahetabbam.

Ujjhāpanakasikkhāpadavaṇṇanā niṭṭhitā.

4. Paṭhamasenasasikkhāpadavaṇṇanā

Mañcam vāti masārako, bundikābaddho, kulīrapādako, āhacchāpādakoti imesu catūsu yaṃ kañci mañcam vā. **Piṭham** vāti etthāpi eseva nayo. **Bhisim** vāti unñabhisī, colābhisi, vākābhisi, tīnābhisi, paññabhisīti imāsu pañcasu bhisīsu yaṃ kañci bhisim vā. Tenāha “**mañcādisū**” tiādi. Tattha “**mañcāsāñkhepenā**” ti iminā piṭhasāñkhepenam patikkhipati. **Kappiyacammēti** migājelakacammēna. Ettha pana migacamme eṇimigo, vātānigo, pasadānigo, kurungānigo, migamātuko, rohitānigoti etesaṃyeva cammāni vaṭṭanti, aññesaṃ pana –

Makkaṭo kālasīho ca, sarabho kadalīmigo;
Ye ca vālamigā keci, tesam cammam na vaṭṭatīti. (mahāva. atṭha. 259);

Tattha **vālamigāti** sīhabyagghaachataracchā. Na kevalaṇca eteyeva, yesam pana cammam vaṭṭatīti vuttaṃ, te thapetvā avasesā antamaso gomahimsāsasābilārādayopi sabbe imasmim atthe “vālamigā” tveva veditabbā. Etesāñhi sabbesaṃ cammam na vaṭṭati. **Tālisapattanti** suddham tamālapattaṃ, aññena missam pana vaṭṭati. Tīnāvākālolesu akappiyam nāma natthi. Kiṃ panettha bibbōhane viya nisīdituṇca nipajjituṇca na vaṭṭatīti āha “**tatthā**” tiādi. Na kevalañcedamevāti āha “**pamānaparicchedopi cettha natthī**” ti, “**ettakameva kātabba**” nti bhisiyā pamānaniyamopi natthīti attho. Mañcābhisiṭṭhābhisiḥmūmattharañabhisīcānkamanābhisiṭṭhāpādapuñchanābhisiṭṭhā etāsam pana anurūpato sallakkhetvā attano rucivasena pamānaṃ kātabbam. **Anto samvellitvā baddhanti** yathā vemajjham saṃkhitam hoti, evam majjhe suttho veṭhetvā baddham.

Ye atṭha māsāti sambandho. “**Avassikasāñketā**” ti etasēva vivaraṇam “**vassānamāsāti evam apaññatā**” ti, appatitā appasiddhāti attho. “**Asaññitā**” ti pi pāṭho, tattha aviññatīti attho. **Atṭha māsāti** cattāro hemantikā, cattāro gimhikā māsāti atṭha māsā. **Ovassakamaṇḍapeti** sākhamāṇḍapapadaramāṇḍapānaṃ yathā kathaṇaci ovassake maṇḍape. **Yatthāti** yesu janapadesu. **Sabbatthāti** sabbesu janapadesu. **Kākādīnam nibaddhavāsarukkhamūleti** yathā dhuvanivāsena kākā vā kulālā vā aññe vā sakuntā kulāvake katvā vasanti, tādisassa kākādinam nibaddhavāsassa yassa kassaci rukkhassa heṭṭhā. Yattha pana gocarappaṭṭā sakuntā vissamitvā gacchanti, tassa rukkhassa mūle nikkhipitum vaṭṭati. “**Kadācīpi**” ti iminā na kevalam vassikasāñketeyevāti dasseti. **Yatthāti** yasmim padese. **Yadāti** yasmim kāle.

Soti yassatthāya santhato, so. **Pakatisanthateti** pakatiyāva santhate, yaṃ nevattanā santhataṃ, na parena santharāpitam, tasminti vuttaṃ hoti. **Lajji hotīti** lajjanasīlo hoti, parikkhāraṇāvāsane bhītoti attho. Tenāha “**attano palibodham viya maññatī**” ti, iminā alajjim āpucchitvā gantum na vaṭṭatīti dasseti. **Nirapekkhoti** “āgantvā uddharissāmi” ti apekkhārahito, iminā sāpekkho ce gacchati, anāpattīti dasseti. Teneva hi anāpattivāre “otāpento gacchati” ti (pāci. 113) vuttaṃ. **Aññattha gacchantoti** taṃ maggam atikkamitvā aññattha gacchanto. Leddupātūpacārato bahi thitattā “**pādudhārena karetabbo**” ti vuttaṃ, aññattha gacchantassa paṭhamapādudhāre dukkaṭam, dutiyapādudhāre pācittiyanti attho.

Tikapācittiyam saṅghike saṅghikasāññivematikapuggalikaṇcaññinam vasena. Imināva nayena **tikadukkaṭampi** veditabbam. **Cimilīkādinam** attho dutiyasikkhāpade dassitova. **Pādapuñchanī** (pāci. atṭha. 112) nāma rajjūkehi vā pilotikāhi vā pādapuñchanatthaṃ katā. **Phalakapīṭham** nāma phalakamayaṃ piṭham. Na kevalam cimilīkādinīyeva ajjhokāse thapetvā gacchantassa dukkaṭanti āha “**yaṃ vā panā**” tiādi. Yaṃ kiñci dārubhaṇḍam, yaṃ kiñci mattikābhaṇḍanti sambandho. “**Antamaso pātādhārakampī**” ti iminā tālavāṇṭabjanīpattāpanīyaulaunkapānīyasāñkhādisu vattabbameva natthīti dasseti.

Araññe (pāci. atṭha. 110) pañnakūfisu vasantānaṃ silāsampadetiya pasannacittā manussā mañcapīṭhādīni denti “saṅghikaparibhogena paribhuñjathā” ti, tattha kiṃ kātabbanti āha “**arāññakena panā**” tiādi. Tattha **asati anovassaketi** pasannacittānovassakāṭṭhāne asati. Idaṇca lakkhanavacanam “sabhāgānaṃ abhāve” ti ca icchitabbattā.

Āraññakena hi bhikkhunā tattha vasitvā aññattha gacchantena sāmāntavīhāre bhikkhūnaṃ pesetvā gantabbaṃ. Sabhāgānaṃ abhāve anovassake nikkhipitvā gantabbaṃ. Anovassake asati rukkhe laggetvā gantabbaṃ.

Na kevalaṃ idaṃyeva katvā gantūṃ vaṭṭatīti āha “**yathā vā**”tiādi. **Yathā vā upacikāhi na khajjati**ti yathā ṭhapite upacikāhi senāsanam na khajjati, evaṃ tathā pāsānānaṃ upari ṭhapanāṃ katvāti attho. Idaṃ vuttam hoti – catūsu (pāci. atṭha. 116) pāsānesu mañcaṃ ṭhapetvā mañce avasesamañcapīṭhāni āropetvā upari bhisīdikam rāsīm katvā dārubbhaṇḍaṃ mattikābhāṇḍaṃ paṭisāmetvā gamikavattaṃ pūretvā gantabanti.

Abbhokāsikenāpi “**ahaṃ ukkatṭhaabbhokāsiko**”ti cīvarakutimpi akatvā asamaye ajjhokāse paññāpetvā nisīditum vā nipajjitum vā na vaṭṭatīti dassento āha “**abbhokāsikenā**”tiādi. Sace pana catugguṇenapi cīvarena katakuṭi atementaṃ rakkhitum neva sakkoti, sattāhavadalīkāḍḍhi bhavanti, bhikkhuno kāyānugatikkattā vaṭṭati. Rukkhamūlikassāpi ese va nayo.

Yasmiṃ vissāsaggāho ruhati, tassa santakaṃ attano puggalīkamiva hotīti āha “**vissāsīkappuggalīke**”ti. Yasmiṃ pana vissāso na ruhati, tassa santake dukkaṭameva. **Amanusso**ti yakkho vā peto vā. **Palibuddhaṃ hotīti** upaddutaṃ hoti.

Paṭhamasenāsanāsikkhāpadavaṇṇanā niṭṭhitā.

5. Dutiyasenāsanāsikkhāpadavaṇṇanā

Yaṃ kiñci cammanti kappiyākkappiyaṃ yaṃ kiñci cammaṃ. Nana “na, bhikkhave, mahācammāni dhāretabbāni sīhacammaṃ byagghacammaṃ dīpacammaṃ, yo dhāreyya, āpatti dukkaṭassā”ti (mahāva. 255) khandhake sīhacammādiṃ paṭikkhepo katoti āha “**sīhacammādiṃ**”tiādi. **Pariharaṇeyeva paṭikkhepo**ti attano santakaṃ katvā taṃ taṃ vīhāraṃ haritvā mañcapīṭhādisu attharivā paribhogeyeva paṭikkhepo, senāsanasantakaṃ katvā bhūmattharaṇavasena pana paribhoge nevattīti doṣo. Tenāha “**senāsanaparibhoge pana akappiyacammaṃ nāma natthī**”ti. Pāvārenti sañchādentī sarīraṃ etenāti **pāvāro**. **Kojavoti** uddalomekantalomiādikojavattaraṇaṃ. **Sesanti** bhisī nisīdanam ṭiṇasanthāro pañnasanthāroti avasiṭṭhaṃ senāsanam. Tattha **bhisīti** mañcakabhisi vā pīṭhakabhisi vā. **Nisīdananti** sadasaṃ veditaṃ. **Ṭiṇasanthāro**ti yesaṃ kesañci ṭiṇānaṃ santhāro. Esa nayo **pañnasanthāre**. Ettha ca **bhisī** heṭṭhā vuttatā pākāṭā. **Nisīdanam** nisīdanāsikkhāpadeneva (pāci. 531 ādayo) pākāṭam. **Ṭiṇasanthārapañnasanthārāni** pana lokapasiddhāniyeva. Tenevāha “**pākāṭamevā**”ti.

Neva uddhareyya, na uddharaṇeyyāti attanā vā uddharitvā patirūpe ṭhāne na ṭhāpeyya, parena vā tathā na kāreyya. Tenāha “**yathā ṭhapita**”tiādi. Tam ṭhapenta ca “**catūsu pāsānesu**”tiādinā (pāci. atṭha. 116) pubbe vuttanayeneva antogehe anovassake nikkhipitabbaṃ. Sace pana senāsanam ovassati, chadanatthañca ṭiṇā vā iṭṭhā vā ānīṭā honti. Sace ussahati, chādetabbaṃ. No ce sakkoti, yo okāso anovassako, tattha nikkhipitabbaṃ. Sace sabbampi ovassati, ussahantena antogāme upāsakānaṃ ghare ṭhapetabbaṃ. Sace tepi “**saṅghikaṃ nāma, bhante, bhāriyaṃ, aggidāhādiṃ bhāyāma**”ti na sampañcchānti, ajjhokāse pāsānānaṃ upari mañcaṃ ṭhapetvā sesaṃ pubbe vuttanayeneva nikkhipitvā ṭiṇehi ca paññehi ca paṭicchādetabbaṃ. Yañhi tattha āṅgamattampi avassati, taṃ aññesaṃ tattha āgatānaṃ bhikkhūnaṃ upakāraṃ bhavissatīti. **Upacāraṇti** sabbapaccimasenāsanato dve leddupāṭā.

Ayametha āpucchitabbānāpucchitabbavinicchayo – (pāci. atṭha. 118) yā tāva bhūmiyaṃ dīghasālā vā pañnasālā vā hoti, yaṃ vā rukkhatthambhesu katageham upacikānaṃ uṭṭhānānaṃ hoti, tato pakkamantena āpucchitvā vā pakkamitabbaṃ. Tasmīñhi katipayāni divasāni ajaggiyamāne vammikāva santiṭṭhanti. Yaṃ pana pāsānapīṭhiyaṃ vā pāsānatthambhesu vā katasenānaṃ siluccayaleṇaṃ vā sudhālitāsenaṃ vā, yattha upacikāsānkā natthi, tato pakkamantassa āpucchitvāpi anāpucchitvāpi gantūṃ vaṭṭati. Tenāha “**yattha panā**”tiādi. Sace tādisepi senāse ekena passena upacikā ārohani, āpucchitvā vā gantabbaṃ. **Āpucchanaṃ pana vattanti** āpucchanaṃ gamikavattaṃ. Idañca itikattabbatādasanattam vuttam, na pana vattabhedadukkaṭanti (sārattha. ṭi. pācittiya 3.118) dassanattam. Keci pana “**dukkaṭanti dassanattam**”nti vadanti, taṃ na yujjati **vattakkhandhakaṭṭhakathāya** “**yaṃ pāsānapīṭhiyaṃ vā pāsānatthambhesu vā katasenānaṃ, yattha upacikānārohani, tam anāpucchantassāpi anāpattī**”ti (cūlava. atṭha. 360) vuttatā. Āpucchantena pana bhikkhumhi (pāci. atṭha. 116) sati bhikkhu āpucchitabbo, tasmīñ asati sāmanero, tasmīñ asati āramiko, tasmīñ asati yena vīhāro kārāpito, so vīhārasāmiko, tassa vā kule yo koci āpucchitabbo.

“**Upacāre**”ti etasveva vivaraṇaṃ “**bahi āsanne**”ti, vīhārassa bahi āsanatṭhāneti attho. **Upaṭṭhānasālāya** vāti bhojanasālāyaṃ vā. **Dukkaṭamevāti** vuttappakārañhi dasavidhaṃ seyyam antogabhādimhi guttatṭhāne paññāpetvā gacchantassa yasmā seyyāpi senāsanampi upacikāhi palujjati, vammikāsiyeva hoti, tasmā pācittiyaṃ vuttam. Bahi pana upaṭṭhānasālādisu paññāpetvā gacchantassa seyyāmatameva nasseyya ṭhānassa aguttatāya, na senāsanam, tasmā ettha dukkaṭam vuttam. Mañcapīṭham pana yasmā na sakkā sahasā upacikāhi khāyitum, tasmā taṃ vīhārepi santharivā gacchantassa dukkaṭam vuttam. Vīhārūpacāre pana taṃ vīhāracārikaṃ āhīṇḍantā disvā paṭisāmenti.

Uddharaṇāni katvāti ettha uddharitvā gacchantena mañcapīṭhakavānaṃ sabbam apanetvā (pāci. atṭha. 118) samharitvā cīvaravamse laggetvā gantabbaṃ. Pacchā āgantvā vasanakabhikkhunāpi puna mañcapīṭham vā paññāpetvā sayitvā gacchantena tatheva kātabbaṃ. Antokuttaṭto seyyam bahikutte paññāpetvā vasantena gamanakāle puna gahitaṭṭhāneyeva paṭisāmetabbaṃ. Uparipāsādato oropetvā heṭṭhāpāsāde vasantassāpi ese va nayo. Rattitṭhānādivāṭṭhānesu mañcapīṭham paññāpetvāpi gamanakāle puna gahitaṭṭhāneyeva ṭhapetabbaṃ. Uddhāretvā gamanepi ese va nayo. Āpucchitvā gacchantena pana “**bhikkhumhi sati bhikkhu āpucchitabbo**”tiādinā (pāci. atṭha. 116) heṭṭhā vuttanayeneva āpucchitvā gantabbaṃ.

Dutiyasenāsanāsikkhāpadavaṇṇanā niṭṭhitā.

6. Anupakhajjasikkhāpadavaṇṇanā

“**Jāna**”nti vutte “**anuṭṭhāpanīyo ‘aya’nti jānanto**”ti yaṃ viseso kuto labbhatīti āha “**tenevassā**”tiādi. Nana padabhājanepi vuddhabhāvādiṇānameva vuttam, na tu anuṭṭhāpanīyabhāvanti anuyogaṃ sandhāyāha “**vuḍḍho hi**”tiādi. **Bahūpakāratanti** “**bhaṇḍāgārikattādiḥuupakārabhāvaṃ**”. Na kevalaṃ idamevāti āha “**guṇavisitṭhātāncā**”tiādi, tena bahūpakārattepi guṇavisitṭhātābhāve, guṇavisitṭhāttepi bahūpakāratābhāve dātum na vaṭṭatīti dasseti. “**Bhaṇḍāgārikassa bahūpakāratam, dhammakathikādiṇaṃ guṇavisitṭhātāncā sallakkhetvā**”ti (sārattha. ṭi. pācittiya 3.119-121) keci. **Dhuvavāsathāyāti** niccavāsathāya. **Sammāntivāti** apalokanena kammena sammāntivā. Kāmañcettha gilānassāpi saṅghoyeva anucchavikaṃ senāsanam deti, gilāno pana apaloketvā saṅghena adinnasenāsanopi na pīletabbo anukampitabboti dassetuṃ visum vutto.

Samantā diyaḍḍho hatthoti majjhe paññātaṃ mañcapīṭham sandhāya vuttam. Ekapassena ce pahonakadisā dissati, tato gahetabbaṃ. **Pādadhovanapāsānoti** dvāre nikkhittapādadhovanapāsānato. **Nisīdantassa vā nipajjantassa vā pācittiyanti** ettha nisīdanamattena, nipajjanamatteneva vā pācittiyaṃ. **Punappunam karontassāti** uṭṭhāyūṭṭhāya nisīdato vā nipajjato vā.

Saṅghike saṅghikasāññivematikapuggalīkasāññīnaṃ vasena **tīkappācittiyam** veditabbaṃ. **Tīkadukkaṭam** pana puggalīke saṅghikasāññivematikaññāpuggalīkasāññīnaṃ vasena. **Vīhārassa upacāre**ti tassa bahi āsanappadeso.

Anupakhajjasikkhāpadavaṇṇanā niṭṭhitā.

7. Nikkaḍḍhanāsikkhāpadavaṇṇanā

Anekakotṭhakānīti anekavārakotṭhakāni. “**Nikkhamāti vacanaṃ sutvā attano ruciyā ce nikkhamati, anāpattī**”ti (sārattha. ṭi. pācittiya 126) vadanti.

Tassa parikkhāranīkkaḍḍhaneti tassa santakaṃ yaṃ kiñci pattacīvaraparissāvanadhammakaraṇamañcapīṭhabhisibbhoṇādiḥbedam antamaso rajanachallipi atthi, tassa parikkhārassa nikkāḍḍhane. **Tāncāti** dukkaṭam parāmasati. **Nikkaḍḍhāpanepi** ese va nayo. Gālham bandhitvā ṭhapitesu pana ekāva āpatti.

Bhaṇḍanakārakakalahākarakameva sakalasāṅghārāmato nikkāḍḍhitum labhati. So hi pakkham labhitvā saṅghampi bhindeyya. Alajjīdayo pana attano vasanaṭṭhānatoyeva nikkāḍḍhitabbā. Sakalasāṅghārāmato nikkāḍḍhitum na vaṭṭati. Tenāha “**sakalasāṅghārāmatopī**”tiādi.

Nikkaḍḍhanāsikkhāpadavaṇṇanā niṭṭhitā.

8. Vehāsakuṭisikkhāpadavaṇṇanā

Uparivehāsakuṭiyāti uparimatale asanthatapadarāya kuṭiyā. Tenāha “**upari acchannatalāyā**”tiādi. Yā hi kāci upari acchannatalā dvibhūmikakuṭikā vā tibhūmikādikukā vā, sā “**vehāsakuṭi**”ti vuccati. Idañhi vehāsakuṭilakkhaṇam. Yadi evam kasmā padabhājane “**majjhimassa purisassa asīṣaghaṭṭā**”ti (pāci. 131) vuttanti āha “**padabhājane panā**”tiādi. **Idha adhippetam kuṭim dassetunti** imasmim sikkhāpade adhippetam vehāsakuṭim dassetum. **Majjhimassa purisassāti** pamānamajjhimassa purisassa. Sabbahetthimāhi tulāhi sīsam na ghaṭṭeti **asīṣaghaṭṭā**. **Āṅge vijjhivāti** aṭaniyo vijjhivā. **Pavesitapādakanti** pavesitapādasikham. **Tasmāti** “**bhūmatthe vā**”tiādinā vuttamevattham kāraṇabhāvena paccāmasati. Yasmā āhaccapādakādīsu yathāvutto attho hoti, tasmāti vuttam hoti.

Sahasāti abbhavitvā ajjhotharivā. **Avehāsakuṭikāyāti** bhūmiyam katappannasālādīsu, tattha anāpatti. Na hi sakkā tattha parassa pīlā kātum. **Sisaghaṭṭāyāti** yā sīsam ghaṭṭā hoti, tatthāpi anāpatti. Na hi sakkā tattha hetthāpāsāde anonātena vicaritum, tasmā asaṅgaranatthānattā parapīlā na bhavissati. **Uparitalam vā padarasañcītanti** uparimatalam dāruṭhalakehi ghanasantham. **Kiñci gaṇhāti** vāti upari nāgadantakādīsu laggitam cīvarādīm yam kiñci gaṇhāti vā. **Laggati vāti** etthāpi eseve nayo. Paṭipakkhabhūṭā āni **paṭāṇi**. Yassā dinnāya nisīdantepi pādā na nipatanti, evambhūṭā āni mañcapīṭhānam pādasikhāsu dinnā hoṭīti attho. Tenāha “**pādasīsāna**”ntiādi.

Vehāsakuṭisikkhāpadavaṇṇanā niṭṭhitā.

9. Mahallakavīhārasikkhāpadavaṇṇanā

Piṭṭhasaṅghāṭṭassāti dvārabandhassa. **Sāmantā aḍḍhateyyahatto padesoti** yassa (pāci. attha. 135) vemajjhe dvāram hoti, uparibhāge ca uccā bhitti, tassa tīsu disāsu sāmāntā aḍḍhateyyahatto padeso. Khuddakassa pana vihārassa dvīsu disāsu. Tatrāpi yam bhittim vivariyamānam kavāṭam āhanati, sā aparipunnūpacārāpi hoti. Sace pana dvārassa adbhohāgepi lepokāso atthi, tampi limpītum vaṭṭati. **Aggaḷaṭṭhapanāyāti** ettha **aggaḷasaddena** taṃsambandhato dvārāphalakasahitam dvārabandhanam adhippetam. Tenāha “**sakavāṭakassā**”tiādi. “**Niccalabhāvattāyā**”ti iminā taṅca kho ṭhapanam idha niccalabhāvenāti dasseti. Ko panettha adhippāyoti āha “**kavāṭāṇhi**”tiādi. **Kampatīti** calati. **Yāva dvārakoṣā aggaḷaṭṭhapanāya punappunam limpītabbo vā lepāpetabbo** vāti aggaḷaṭṭhapanatthāya yāva dvārakoṣā punappunam attanā limpītabbo vā, parehi lepāpetabbo vāti attho.

Nanu cāyamatto neva mātīkāyam, na padabhājane vutto, atha kuto daṭṭhabboti āha “**tatthā**”tiādi. **Kiñcāpīti** yadīpi. **Aṭṭhuppattiyanti** sikkhāpadassa nidāne. **Adhikāratoti** anuvattanato. Ālokaṃ sandheti pidhetīti **ālokasandhi**. Tenāha “**ālokasandhiti vāṭapānakavāṭakā vuccanti**”ti. Tattha **vāṭapānakavāṭakā**ti vāṭapānaphalākā. Anuññāṭappadesato pana aññattha punappunam vilimpītum vā vilimpāpetum vā na vaṭṭati. “**Mattīkāya** kattabbakiccaṃ niṭṭhāpetvā puna catutthalepe dinne pācītiyā”nti (sārattha. ṭī. pācītiyā 3.135) keci. “**Punappunam** lepādānassa vuttappamāṇato aññattha paṭikkhittamattam ṭhāpetvā pācītiyassa avuttattā dukkāṭa”nti apare.

Adhiṭṭhātabbanti samvīdhātabbam. **Appaharīti** ettha **appasaddo** “**appiccho**”tiādisu (ma. ni. 1.252, 336; sam. ni. 2.148) viya abhāvattoti āha “**aharīte**”ti. Sālivīhiādi (sārattha. ṭī. 2.30) **pubbaṇnam** “**purakkhatam** sassaphala”nti katvā, tabbipariyāyato muggamāsādi **aparāṇam**. **Vuttanti** vapitam. “**Tasmim ṭhatvā adhiṭṭhahanto dukkaṭam āpajjati**”ti iminā yasmim padese samāntā vuttappamāne paricchede pubbaṇnāḍīni na santi, tattha vihāro kāretabbo. Yattha pana santi, tattha kārepetum na vaṭṭatīti dasseti. **Tathevāti** mukhavāṭīantena. **Tasmim ṭhātabbam** patantassa vihārassa apatanokāsattā, tassa bhikkhuno upari na pāteyyāti adhippāyo. Yathāparicchinnaṃ pana okāsassa abhantaram vihārassa patantassa okāso hoṭīti appaharītepi tasmim ṭhatvā adhiṭṭhātum na labhati. Tenāha “**tassa anto aharītepi ṭhātum na labhati**”ti.

Tato ce uttarīti tiṇṇam maggānam vā pariyāyānam vā upari catutthe magge vā pariyāye vāti attho. Tenāha “**maggena chādiyamāne**”tiādi. Tattha **maggena chādiyamāne**ti aparikkhipitvā ujukameva chādiyamāne. **Pariyāyenāti** parikkhepena. Tattha maggena chādanam iṭṭhakasilāsudhāhi labbhāti, pariyāyena chādanam tinapaṇnehīti āha “**iṭṭhakasilāsudhāhi**”tiādi. Tasmā yathā icchati, tatthā dve magge vā dve pariyāye vā adhiṭṭhahitvā tatiyam maggam vā pariyāyam vā “**evam chādehi**”ti ānāpetvā pakkamītabbam. Sace na pakkamati, tuṇṇibhāvena ṭhātabbam. Sabbampi cetam chadanam chadanūpari vedītabbam. Uparūparichanno hi vihāro ciraṃ anovassako hoṭīti maññamānā evam chādenti. **Tiṇṇamūṭṭhigāṇāyāti** tinakaralagaṇāyā.

Tikapācītiyanti atīrekadvattipariyāye atīrekasaññīvematiakānakaññīnam vasena tiṇi pācītiyāni. **Setavaṇṇādikaraṇeti** setavaṇṇālavāṇṇagerukaparikkamamālākammalātākammakaradantakapañcapaṭīkānam karaṇe. **Lepaguhātipakuṭīkādisūti** ettha **lepanti** dvārābaddham. **Guhāti** kevalā pabbataguhā. **Tiṇṇakuṭīkā** pākāṭī eva.

Mahallakavīhārasikkhāpadavaṇṇanā niṭṭhitā.

10. Sappānakasikkhāpadavaṇṇanā

Ekasmim ghaṭe ekāva āpattīti ekasmim udakaghaṭe ekāva āpatti. Esa nayo sabbabhājanesu. **Vicchindantassāti** dhāram vicchindantassa. **Ekekaṃ pakkhipantassāti** ekekaṃ tiṇam vā paṇṇam vā mattikam vā aññam vā kaṭṭhagomayāḍim pakkhipantassa. **Pariyāḍānanti** khayam.

“**Paḍīpe** (sārattha. ṭī. pācītiyā 3.140) pativā paṭāṅgādīpānakā marissanti”ti jānantassāpi kusalacittena paḍīpujjanam viya “**siñcānena pānakā marissanti**”ti pubbabhāge jānantassāpi “**idam jalam siñcāmi**”ti siñcāntassa vadhakacittam na hoṭīti āha “**vinā vadhakacetanāyā**”tiādi. Evañca katvā “**paṇṇattivajja**”nti idampi samatthitam hoti. **Ticcīntanti** kusalākusalābyākavāsena ticcītam. Tatthā hi paṇṇattim madditvā siñcāntassa vā siñcāpentassa vā akusalacittena hoti, “**āsanam dhovissāmi**”ti cittena dhovanattham siñcāntassa vā siñcāpentassa vā kusalacittena hoti, paṇṇattim ajānatā arahatā siñcānāḍīkarane abyākacittena hoṭīti kusalākusalābyākacittavasena ticcītam hoti.

Sappānakasikkhāpadavaṇṇanā niṭṭhitā.

Bhūtagāvamaggo dutiyo.

3. Ovādavaggo

1. Ovādasikkhāpadavaṇṇanā

Aṭṭhaṅgasamannāgatassāti “**sīlavā hoti**”tiādiṭhi (pāci. 147) aṭṭhahī āṅgehi samannāgatassa. **Anuññāṭāti** imassa sikkhāpadassa nidāne anuññāṭā. “**Vassasatūpasampannāyā**”tiādi vakkhamānāṭṭhagarudhammadassanam. Tattha **sāmicikammanti** maggasampādānabījanapāṇīyapucchānāḍīkam anucchavikam vattam. **Ādisaddena** –

“**Na bhikkhuniyā** abhikkhuke āvāse vassam vasitabbam, anvaddhamāsam bhikkhuniyā bhikkhusaṅghato dve dhammā paccāsīsītabbā uposathapucchakāñca ovāḍūpasankamanañca, vassamvuṭṭhāya bhikkhuniyā ubhatoṅge tīhi ṭhānehi pavāretabbam dīṭṭhena vā sutena vā parisāñkāya vā, garudhammam ajjhāpanāya bhikkhuniyā ubhatoṅge pakkhamānattam caritabbam, dve vassāni chasu dhammesu sikkhitasikkhāya sikkhamānāya ubhatoṅge upasampadā pariyēsītabbā, na bhikkhuniyā kenaci pariyāyena bhikkhu akkositabbo paribhāsītabbo, ajjatagge ovaṭo bhikkhunīnam bhikkhūsu vacanapatho, anovaṭo bhikkhūnam bhikkhūṇsu vacanapatho”ti (cūlava. 403; a. ni. 8.51) –

Ime satta dhamme saṅgaṇhāti. **Garudhammeti** garuke dhamme. Te hi gāraṇam katvā bhikkhunīhi sampācīcchītabbattā “**garudhammā**”ti vuccanti.

Aññena vā dhammenāti ṭhāpetvā aṭṭha garudhamme aññena yena kenaci dhammena. **Bhikkhūṇisu upasampannamattam vā ovadatoti** bhikkhūṇisu upasampannamattam garudhammena ovadato vā. Bhikkhūṇam santike upasampannāya yathāvattukameva. “**Adhammakamme**”tiādisu bhikkhunovādasammutikammam “**kamma**”nti vedītabbanti āha “**sammataṣṣāpi**”tiādi. **Vagge bhikkhunisāṅge ovadato tikapācītiyanti** vagge bhikkhunisāṅge ovadato vaggasaññīvematikasamaggasaññīnam vasena tiṇi pācītiyāni. **Tathā vematikassa cāti** adhammakamme vematikassa ca vagge bhikkhunisāṅge ovadato tikapācītiyanti attho. Esa nayo **dhammakammasaṅgīno cāti** etthāpi. Yathā ca vagge bhikkhunisāṅge ovadato nava pācītiyāni, evam adhammakamme adhammakammasaṅgīno samagge

bhikkhunisāṅhe ovadato tasmim saṅghe vaggasaññivematikasamaggasaññīnaṃ vasena tikapācittiyam, tathā vematikassa ca dhammakammasaññīno cāti nava pācittiyāni. Tenāha “**samaggepi bhikkhunisāṅhe navā**”tiādi. Dhammakamme pana adhammakammasaññīno vaggam bhikkhunisāṅgham ovadato tikadukkaṭam, tathā vematikassa, dhammakammasaññīno cāti nava dukkaṭāni. Samaggaṃ pana bhikkhunisāṅgham ovadato aṭṭhāti sattarasa dukkaṭāni. Tenāha “**sace panā**”tiādi. **Aññaṃ dhammanti aññaṃ suttantaṃ vā abhidhammaṃ vā**. “Samaggāmhāyā”ti vacanena hi ovādaṃ paccāsīanti. Tasmā ṭhapetvā ovādaṃ aññaṃ dhammaṃ bhaṇantassa dukkaṭam. **Ovādaṇca aniyyātetvāti** “eso bhagīno ovādo”ti avatvā. **Paripucchaṃ defīti** tassāyeva paguṇāya garudhammapāliyā attham bhaṇati. **Osārehi**ti uccārehi, kathehi attho. **Osāretīti** aṭṭhagarudhammapāliṃ vadati. **Pañhaṃ puṭṭhoti** garudhammanissitaṃ vā khandhādinissitaṃ vā pañhaṃ bhikkhuniyā puṭṭho.

Ovādasikkhāpadavaṇṇanā niṭṭhitā.

2. Atthaṅgatasikkhāpadavaṇṇanā

Ekatoupasampananti bhikkhunisāṅhe upasampannamatṭam. Ito parampi ca yathā yathā “ekatoupasampanna”nti vuccati, sabbattha ayameva attho daṭṭhabbo.

Atthaṅgatasikkhāpadavaṇṇanā niṭṭhitā.

3. Bhikkhunupassayasikkhāpadavaṇṇanā

Samvāsāyāti uposathādiattham. **Itaranti** ubhatoṅghe upasampannam.

Bhikkhunupassayasikkhāpadavaṇṇanā niṭṭhitā.

4. Āmisasikkhāpadavaṇṇanā

Tanḥādīṭṭhīti āmasitabbato **āmisam**, cīvarādi, āmisameva hetu **āmisahetu**. Tenāha “**cīvarādīnaṃ aññatarahetū**”ti. **Ādisaddena** piṇḍapātasenāsanāgilānapaccayasakkāragarukāramānanavandanapūjanānaṃ gahaṇaṃ. **Avañṇakāmatāyāti** ayasakāmatāyeva.

Dhammakammetiādisu bhikkhunovādasammutikammaṃ “kamma”nti vedītabbāṃ. Tattha **tikapācittiyanti** dhammakamme dhammakammasaññivematikaadhammakammasaññīnaṃ vasena ṭīpi pācittiyāni. Tatheva **adhammakamme tikadukkaṭam** vedītabbāṃ. **Asammatanti** sammatena vā saṅghena vā bhāraṃ katvā ṭhapitaṃ upasampannam. Nanu ovādasammuti upasampannasēva dīyati, na sāmaṇerasāti āha “**tatthā**”tiādi. Sammatena vā saṅghena vā ṭhapito pana bahussuto sāmaṇero “asammato”ti vedītabbo. **Pakatiyā cīvarādīhetu ovadantaṃ pana evaṃ bhaṇantassāti** pakatiyā cīvarādīhetu ovadantaṃ “esa cīvarādīhetu ovadati”ti saññāya evaṃ bhaṇantassa. “Na cīvarādīhetu ovadati”ti saññāya pana evaṃ bhaṇantassa dukkaṭam. **Anāmisantarātāti** āmisacittābhāvo, “āmisahetu ovadissāmi”ti evaṃ pavattaajjhāsavābhāvoti attho. Cittapariyāyo hettha **antarāsaddo** “yasantarato na santi kopā”tiādisu (udā. 20) viya.

Āmisasikkhāpadavaṇṇanā niṭṭhitā.

5. Cīvarādānasikkhāpadavaṇṇanā

Pañcamasikkhāpadam uttānatthameva.

Cīvarādānasikkhāpadavaṇṇanā niṭṭhitā.

6. Cīvarasibbanasikkhāpadavaṇṇanā

Sūciṃ pavesetvā pavesetvā nīharaṇeti ārāpathe ārāpathe pācittiyam. “Sibbissāmi”ti pana vicārentassa, chindantassāpi dukkaṭam. **Satakkhattumpi vijjhītvā sakim nīharantassāti** sakalasūciṃ anīharanto dīghasuttappavesanattam satakkhattumpi vijjhītvā sakim nīharantassa. “**Sibbā**”ti **vuttoti** sakim “cīvaram sibbā”ti vutto. **Niṭṭhāpetīti** sabbam sūcikammaṃ pariyoṣepeti. **Tassa ārāpathe ārāpathe pācittiyanti** ānattassa sūciṃ pavesetvā pavesetvā nīharaṇe ekamekaṃ pācittiyam.

Udāyittheranti lāluḍāyittheram. **Vuttalakkaṇam sibbanam vā sibbāpanam vāti** “sūciṃ pavesetvā”tiādinā vuttalakkaṇam sibbanam vā sibbāpanam vā.

Cīvarasibbanasikkhāpadavaṇṇanā niṭṭhitā.

7. Samvidhānasikkhāpadavaṇṇanā

Samvidahitvāti “ehi, asukagāmaṃ gacchāma”ti vā “sve ahaṃ gacchāmi, tvampi āgaccheyyāsi”ti vā vatvā. Tañca kho samvidahanam atthato saṅketakammanti āha “**gamanakāle saṅketam katvāti attho**”ti. **Akappiyabhūmiyam samvidahantassāti** antogāme, bhikkhuniupassayadvāre, rathikāya, aññesu vā catukkasiṅghātakahatthiṣālādisu thatvā samvidahantassa. Tenāha “**tattha ṭhapetvā**”tiādi. **Āsannassāpīti** accāsannassāpi, ratanamattantarassāpīti adhippāyo. **Aññassa gāmassāti** yato nikkhamati, tato aññassa gāmassa. **Ṭam okkamantassāti** ṭam antaragāmassa upacāraṃ okkamantassa. Sace dūram gantukāmo hoti, gāṃupacāragānaṃ ya okkamante okkamante purimanayeneva āpatti. Tenāha “**iti gāṃupacārokkamanagaṇanāya pācittiyāni**”ti. Tassa tassa pana gāmassa atikkamane anāpatti. **Gāme asatīti** addhayanabbhantare gāme asati. Tasmim pana gāme sati gāmantaragaṇanāyeva pācittiyāni. **Addhayanagaṇanāya pācittiyanti** addhayanane addhayanane pācittiyam, ekamekaṃ addhayanam atikkamantassa “idāni atikkamissāmi”ti paṭhamapāde dukkaṭam, dutiyapāde pācittiyanti attho. Imasmiñhi naye atikkamane āpatti, okkamane anāpatti.

Visāṅketenāti (pāci. aṭṭha. 185) ettha “purebhattam gamissāma”ti vatvā pacchābhattam gacchanti, “ajja vā gamissāma”ti sve gacchanti, evam kālavisaṅketeyeva anāpatti. Dvāravisaṅkete, pana maggavisaṅkete, vā satipi āpattiyeva. **Āpadāsūti** raṭṭhabhede cakkasamāruḷhā jānapadā pariyaṇanti, evarūpāsu āpadāsu anāpatti. **Cakkasamāruḷhāti** ca iriyāpathacakkam vā sakācakkam vā samāruḷhāti attho. **Mātugāmasikkhāpadenāti** (pāci. 413 ādayo) sappānakavagge sattamasikkhāpadena.

Samvidhānasikkhāpadavaṇṇanā niṭṭhitā.

8. Nāvābhiruhanasikkhāpadavaṇṇanā

Kīlāpurekkhāroti lokassādāmittasanthavavasena kīlāpurekkhāro. **Tathevāti** kīlāvaseneva. **Agāmakatīrapassenāti** addhayanabbhantare gāmaṇam abhāvato agāmakatīrapassena. Pāliyam “uddhamgāminim vā adhogāminim vā”ti (pāci. 186) vacanato pana vāpīsamuddādisu kīlāpurekkhāratāyapi gacchantassa anāpatti. Tenāha “**samudde pana yathasukkham gantum vaṭṭati**”ti. **Visāṅketenāti** idhāpi kālavisaṅketeneva anāpatti, titthavisaṅketena, pana nāvāvisaṅketena vā gacchantassa āpattiyeva.

Sesanti saddhim samuṭṭhānādīhi avasesam, keci pana “kīlāpurekkhāro ‘samvidahitvā’ti (sāraththa. ṭī. pācittiya 3.188) vacanato imaṃ sikkhāpadam akusalacittam lokavajjam, tasmā sesam nāma ṭhapetvā ‘paṇṇattivajjam ticitta’nti idaṃ dvayam avasesa”nti vadanti, ṭam na gahetabbam. Kīlāpurekkhāratāya hi abhiruhitvāpi gāmantarokkamane, addhayanantikkame vā samvegaṃ paṭilabhītvā arahattaṃ vā sacchikareyya, niddam vā okkameyya, kammatṭhānaṃ vā manasi karonto gaccheyya, kuto cassa akusalacittasamaṅgītā, yenidaṃ sikkhāpadam akusalacittam, lokavajjañca siyāti.

Nāvābhiruhanasikkhāpadavaṇṇanā niṭṭhitā.

9. Paripācitasikkhāpadavaṇṇanā

Paripācīti paripākamāpāditaṃ, yathā labhati, tathā katvā ṭhapitanti vuttam hoti. Tenāha “**neva tassā**”tiādi **tassāti** yo paribhuñjeyya, tassa bhikkhuno. **Bhikkhussa**

gunam pakāsetvā ‘‘ayyo bhānako, ayyo bahussuto’’tiādīnā (pāci. 195) **gunam pakāsetvā**. **Piṇḍapātanti** pañcannaṃ bhojanānaṃ aññataram. Kammaśādhonayam **samārambhasaddoti** āha ‘‘**samāradhā**’’nti. **Paṭiyāditassā**ti sampāditassa. Yasmā nātakappavāritehi bhikkhussa atthāya asamāradhohi piṇḍapāto atthato samāradhova hoti yathāsukham harāpetabbato, tasmā ‘‘**nātakappavāritānaṃ vā santaka**’’nti vuttam.

Ubhayatthāti paripācītiparipācītesu. **Avaseseti** bhikkhuniparipācītepi yāgukhajjakaphalāphalādike sabbattha. Nimittohbhāsaparikathāviññattivasena pana avasesepi dukkatato na muccati.

Paripācītasikkhāpadavaṇṇanā niṭṭhitā.

10. Rahonisajjasikkhāpadavaṇṇanā

Uparīti acelakavagge. **Upanandassa catutthasikkhāpadenā**ti appaṭicchanne mātugāmena saddhīm rahonisajjasikkhāpadena (pāci. 284 ādayo). Tañhi upanandatheraṃ ārabha paññattesu catutthabhāvatō ‘‘upanandassa catutthasikkhāpada’’nti vuttam. Yadi ekaparicchedam, atha kasmā visum paññattanti āha ‘‘**aṭṭhuppattivasena pana visum paññatta**’’nti. Tattha **aṭṭhuppattivasenā**ti atthassa uppattivasena, bhikkhuniyā eva rahonisajjāya uppattivasenāti attho. Ayam hetthādhippāyo – catutthasikkhāpadavattuto imassa sikkhāpadassa vatthuno paṭhamam uppannattā ekaparicchedepi idam paṭhamam visum paññattanti.

Rahonisajjasikkhāpadavaṇṇanā niṭṭhitā.

Ovādavaggo tatiyo.

4. Bhojanavaggo

1. Āvasathasikkhāpadavaṇṇanā

‘‘Agilāno’’ti ettha antamaso dvigāvutaṃ gantaṃ samattho adhippetoti āha ‘‘**addhoyojanampi gantaṃ samatthenā**’’ti. **Āvasathapiṇḍoti** āvasathe piṇḍo, sālādisu anodissa yāvadattam paññattam pañcannaṃ bhojanānaṃ aññataram bhojananti attho. Tenāha ‘‘**imesam vā**’’tiādi. Tattha **imesam vā**ti imesam pāsāṇānaṃ vā. **Ettakānaṃ vā**ti imasmim pāsāṇe ettakānaṃ pāsāṇānaṃ vā. **Pāsāṇanti** channavutividdham samanaparibbājakādīm. Te hi tanhāpāsāṇe vā dīṭṭhipāsāṇe vā denti oḍḍentīti **pāsāṇā**ti vuccanti. **Anodissā**ti anuddisītvā, aparicchindītvāti attho. **Sālādisu yathā kattacīti** sālārukhamūlaabbhokāsādisu yathā kattacīti thānesu. **Ekadivaseva bhuñjitabboti** ekadivasaṃ sakimīyeva bhuñjitabbo, ekasmim divase punappunam bhuñjitum na vaṭṭati. **Dutiya divasato paṭṭhāyā**ti bhuttadivasaṃ dutiya divasato paṭṭhāya. **Ajjhohāre ajjhohāre pācītiyanti** ālope ālope kabale kabale pācītiyam. Nānākulehi (pāci. atṭha. 206) pana nānāṭṭhānesu paññattam, ekasmim thāne ekadivasaṃ bhuñjitvā dutiya divase aññattha bhuñjitum vaṭṭati, paṭipāṭim pana khepetvā puna ādito paṭṭhāya bhuñjitum na vaṭṭati. Ekapūjanānāpūgaekagāmanānāgāmesupī eseva nayo. Yopi ekakulassa vā nānākulānaṃ vā ekato paññatto taṇḍulādīnaṃ abhāvena antarantā chijjati, sopī na bhuñjitabbo. Sace pana ‘‘na sakkoma dātu’’nti upacchindītvā puna kalyāṇacīte uppanne dātum ārabhanti, etaṃ puna ekadivasaṃ bhuñjitum vaṭṭati.

Tikapācītiyanti agilāne agilānaśānīvematikagilānaśānīnaṃ vasena tīpi pācītiyāni. **Gilānassa gilānaśānī**noti gilānassa pana ‘‘gilāno aha’’nti saññīno anuvāsītīvā bhuñjantassa anāpatti. **Sakim bhuñjati**ti ekadivasaṃ bhuñjati. ‘‘**Gacchanto vā**’’ti idam addhoyojanavasena gahetabbam, tathā ‘‘**pacāggacchanto**’’ti (sārattha. 11. pācītiya 3.208) idampīti vadanti. **Kenaci upaddavenā**ti nadipūracorabhayādīnā kenaci upaddavena. **Aññanti** yāgukhajjakaphalāphalādibhedam yaṃ kiñci aññam. **Anuvāsītīvā**ti puna vasītīvā.

Āvasathasikkhāpadavaṇṇanā niṭṭhitā.

2. Gaṇabhojanasikkhāpadavaṇṇanā

Gaṇabhojaneti gaṇena laddhattā gaṇassa santake bhojane. Tenāha ‘‘**gaṇassa bhojane**’’ti. Nanu cetha ‘‘gaṇassa bhojane’’ti vuccati, so ca kho gaṇo ‘‘kattacīti dvīhi, kattacīti tīhi’’tiādīnā anekadhā adhippeto, idha katihīti āha ‘‘**idha cā**’’tiādi. Tam panetaṃ gaṇabhojanaṃ dvīhi pakārehi pasavati nimantanato vā viññattito vāti āha ‘‘**tesam nimantanato vā**’’tiādi. Tattha **nimantanato vā**ti akappiyanimantanato vā. **Odanādīnaṃ pañcannaṃ**ti odanasattukummāsamachamāsānaṃ pañcannaṃ.

‘‘Odanena nimantemi, odanaṃ me gaṇhathā’’tiādīnā nayena yena kenaci vevacanena vā bhāsantarena vā pañcannaṃ bhojanānaṃ nāmaṃ gahetvā nimantetīti sambandho. **Cattāroti** ekatthāne vā nānāṭṭhānesu vā thite cattāro bhikkhū. Lakkhaṇavacanañcetam, tasmā cattāro vā tato vā adhike bhikkhūti attho. **Vevacanena vā**ti bhāttānānāpāriyāyasaddena vā. **Bhāsantarena vā**ti andhadamīlādībhāsantarena vā. **Pañcannaṃ bhojanānaṃ nāmaṃ gahetvā**ti pañcannaṃ bhojanānaṃ aññatarassa nāmaṃ gahetvā. **Odanena nimantemi**ti tumhe odanena nimantemi. **Ādisaddena** ‘‘ākāṅkathā oloketha adhvāsetha paṭimānetha, sattunā nimantemi, sattum me gaṇhathā ākāṅkathā oloketha adhvāsetha paṭimānethā’’tiādīnaṃ (pāci. atṭha. 217-218) gahaṇam. **Ekato vā**ti ekattha thite vā nisinne vā bhikkhū disvā ‘‘tumhe, bhante, odanena nimantemi’’tiādīnā evam ekato nimantīti. **Nānāto vā nimantīti** cattāri pariveṇāni vā vihāre vā gantvā nānāto vā nimantīti. Ekatthāne thitesuyeva vā eko puttana, eko pitarīti evampi nimantīti nānātoyeva nimantīti nāma honti. **Ekato gaṇhanti**ti aññamaññassa dvādasahatthūpacāre thitā gaṇhanti.

Kasmā pana nānāto bhuttepi gaṇabhojanaṃ hotīti āha ‘‘**paṭiggahaṇameva hettha pamāṇa**’’nti. Yadi evam atha kasmā pāliyam ‘‘gaṇabhojanaṃ nāma yathā cattāro bhikkhū pañcannaṃ bhojanānaṃ aññatarena bhojanena nimantīti bhuñjanti, etaṃ gaṇabhojanaṃ nāma’’ti (pāci. 218) vuttam? Tam paṭiggahaṇānyamanatthameva. Na hi appaṭiggahitakam bhikkhū bhuñjanti ‘‘bhuñjanti’’ti padaṃ paṭiggahaṇānyamavacanaṃ hoti. **Ekato vā nānāto vā viññāpetvā**ti cattāro bhikkhū ekato thitā vā nisinnā vā upāsakam disvā ‘‘amhākam catunnampi bhāttam dehi’’ti vā pātekkam pavisitvā ‘‘mayham bhāttam dehi, mayham bhāttam dehi’’ti vā ekato vā nānāto vā viññāpetvā. **Tassa duvidhassāpī**ti yañca nimantanato laddham gaṇabhojanaṃ, yañca viññattito laddham, tassa duvidhassāpi gaṇabhojanassa. **Evam paṭiggahaṇeti** ekato paṭiggahaṇe.

Pādānampi phalitattāti (pāci. atṭha. 217-218) antamaso pādānampi yathā mahācammassa parato maṃsam dissati, evam phalitattā. **Na sakkā piṇḍāya caritūti** vālikāya vā sakkharāya vā phuṭṭhamatte dukkhuppattito antogāme piṇḍāya caritum na sakkōti. **Civare kariyamā**neti sātakañca suttañca labhitvā civare kariyamāne. **Yam kiñci civare kattabbakammanti**ti civaravicāraṇachindanamoghasuttāropanādi yaṃ kiñci civare kattabbam kammam, antamaso sūcīvedhanampīti adhippāyo. ‘‘**Addhoyojanampi**’’tiādi avakāmsato vuttam. Yo pana dūram gantukāmo, tattha vattabbameva natthi, gacchanto addhoyojanabbhāntare gāvutepi bhuñjitum labhati, gato pana ekadivasaṃ. Yadā nāvaṃ abhiruhitukāmo vā hoti āruḷho vā oruḷho vā, ayam nāvābhiruhanasamayo nāmāti āha ‘‘**nāvābhiruhanasamayepi eseva nayo**’’ti. Ayam pana viseso – abhiruḷhena icchitāṭṭhānaṃ gantvāpi yāva na orohati, tāva bhuñjitabbam. **Cattāro bhikkhū**ti antimaparicchedo. Yathā pana satam vā sahasam vā sannipatitam, tattha vattabbameva natthi. Tasmā tādisse kāle ‘‘mahāsamayo’’ti adhiṭṭhāhitvā bhuñjitabbam. **Yo koci pabbajitoti**ti sahadhammikesu vā tīthiyesu vā aññataro.

Ye ca dve tayo ekato gaṇhantiti yepi akappiyanimantanam sādiyitvā dve vā tayo vā ekato gaṇhanti, tesampi anāpatti. Panītabhojanasūpōdanaviññattīhi pana āpattiyevāti vadanti, upaparikkhitabbam. **Niccabhattādisūti**ti niccabhatte salākabbhatte pakkhike uposathike paṭipadike. Tattha **niccabhattanti**ti dhuvabhattam vuccati. ‘‘Niccabhattam gaṇhathā’’ti vadanti, bahūnampi ekato gaṇhitum vaṭṭati. **Salākabbhattā**disūpi eseva nayo.

Gaṇabhojanasikkhāpadavaṇṇanā niṭṭhitā.

3. Paramparabhojanasikkhāpadavaṇṇanā

Gaṇabhojane vuttanayenevāti bhikkhū upasaṅkamitvā ‘‘tumhe, bhante, odanena nimantemi, odanaṃ me gaṇhathā’’tiādīnā (pāci. atṭha. 217-218) nayena yena kenaci vevacanena vā bhāsantarena vā pañcannaṃ bhojanānaṃ aññatarassa nāmaṃ gahetvā nimantetīti vutteneva nayena. **Nimantitassā**ti akappiyanimantanena nimantitassa. **Avikappetvā**ti sammukhāsammukhavasena avikappetvā, apariccejītvāti attho. Ayañhi bhāttavikappanā nāma sammukhāparammukhāpi vaṭṭati. Tenāha ‘‘**yo bhikkhu pañcasu sahadhammikesu**’’tiādi.

Aññatra nimantanabhojanavattusminti aññatra paṭhamam nimantīti hutvā aññasmim nimantane bhuñjanavattusmim. Yadi tividhā anupaññanti, atha kasmā parivāre ‘‘catasso anupaññatiyo’’ti vuttanti āha ‘‘**parivāre panā**’’tiādi. **Vikappanampi gahetvā**ti vikappanānūjānampīti anupaññattisamānanti anupaññatthābhāvena gahetvā.

Ekasamsaṭṭhānūti ekasmim missitāni. Idam vuttam hoti (pāci. aṭṭha. 229) – dve tīni kulāni nimantevā ekasmim thāne nisīdāpetvā ito cito ca āharitvā bhattam ākiranti, sūpabyañjanam ākiranti, ekamissakam hoti, ettha anāpattīti. Sace pana mūlanimantanam heṭṭhā hoti, pacchimam pacchimam upari, tam uparito paṭṭhāya bhuñjantassa āpatti. Hattham pana anto pavesetvā paṭṭhamanimantanato ekampi kabalam uddharitvā bhuttakālatō paṭṭhāya yathā tathā vā bhuñjantassa anāpatti. **Dve tīni nimantanāni ekato vā katvā bhuñjati** dve tīni nimantanāni ekato pakkhipitvā missetvā ekam katvā bhuñjati attho. **“Sakalena gāmena vā”**tiādisu sakalena gāmena ekato hutvā nimantitasseva yattha katthaci bhuñjato anāpatti. **Pūgepi** eseva nayo. **Nimantiyamāno vā “bhikkham gahessāmi”**ti vadati “bhattam gaṇhā”ti nimantiyamāno “na mayham tava bhattena attho, bhikkham gahessāmi”ti bhanati. **Kiriyaṅkiriyanti** ettha bhojanam kiriyam, avikappanam akiriyam.

Paramparabhojanasikkhāpadavaṇṇanā niṭṭhitā.

4. Kānamāṭāsikkhāpadavaṇṇanā

Paheṇakathāyāti paññākārathāya. **Pātheyyathāyāti** maggam gacchantānam antarāmagathāya. **Sattūti** baddhasattu, abaddhasattu ca. **Dvattipattapūre paṭiggahetvāti** mukhavattīyā heṭṭhimalekhāya samam pūre dvattipattapūre gahetvāti attho. Imassa catthassa heṭṭhā vuttanayeneva pākatattā tattha kattabbappakārameva dassetum **“etthā”**tiādimāha. **Sesanti** tato ekappatto añnam pattam. Sace tayo pattapūrā gahitā dve, sace dve gahitā, ekanti vuttam hoti.

Gamane vā paṭippassaddheti antarāmagge upaddavam disvā, anattikatāya vā “mayam idāni na pesissāma na gamissāma”ti evam gamane upacchinne dentānanti attho.

Kānamāṭāsikkhāpadavaṇṇanā niṭṭhitā.

5. Paṭhamapavāraṇāsikkhāpadavaṇṇanā

Bhuttavāti katabhattakicco. **Sāsapamattampi ajjoharanti** evam parittampi bhojanam sankhādītivā vā asankhādītivā vā gilitam. **Pavāritoti** paṭikkhepito. Yo hi bhuñjato parivesakena upanītam bhojanam anicchanto paṭikkhipati, so tena pavārito paṭikkhipito nāma hoti. Byañjanam pana anādiyitvā atthamattameva dassetum **“katappavāraṇo katappapaṭikkhepito attho”**ti vuttam. Sopi ca paṭikkhepo yasmā na paṭikkhepamattena, atha kho pañcaṅgavasena. Tenassa padabhāṇane **“asanam paññāyati”**tiādi (pāci. 239) vuttam.

Bhojanam paññāyati pañcannam bhojanānam aññataram pattādisu dissati. Tenāha **“pavāraṇappahonakam ce bhojana”**ntiādi. **Sālitī** (pāci. aṭṭha. 238-239) antamaso nīvāram upādāya sabbāpi sālijāti. **Vihitī** sabbāpi vīhijāti. **Yavagodhumesu** bhedo natthi. **Kaṅgūti** setarattakālabhedā sabbāpi kaṅgūjāti. **Varakoti** antamaso varakacorakam upādāya sabbāpi setavaṇṇā varakajāti. **Kudrūsakoti** kālakodravo ceva sāmākāḍibhedā ca sabbāpi tinadhaññajāti.

Nīvāravarakorakā cettha **“dhaññānulomā”**ti vadanti. **Yāgunti** ambilayāgukhīrayāguādibhedam yam kiñci yāguṃ. Imināva pāyāsassāpi gahitattā **“ambilapāyāsādīsu aññataram pacāmāti vā”**ti na vuttam. **Pavāraṇam janeti** atirittabhojanāpattinibandhanam paṭikkhepam sādheti. Sace pana odhi na paññāyati, yāgusaṅgaham gacchati, pavāraṇam na janeti. **Puna pavāraṇam janeti** ghanabhāvagamanato paṭṭhāya bhojanasaṅgahitattāti adhippāyo.

Udakakañjikakhrādīni ākirivāti udakañceva kañjikañca khīrādīni ca ākirivā tehi saddhim amadditvā bhattamissake katvā. Tenāha **“yāguṃ gaṇhathā”**tiādi. Sace pana bhatte udakakañjikakhrādīni ākirivā madditvā **“yāguṃ gaṇhathā”**ti denti, pavāraṇā na hoti. **Yāguyāpīti** evam yāgusaṅgaham gatāya vā aññāya vā yāguyāpi. **Suddharasako**, pana rasakayāgu vā na janeti.

Pañcannam bhojanānam aññataravasena vippakatabhojanabhāvassa upacchinattā **“dvepi khādītāni honti...pe... na pavāretī”**ti vuttam. Akappiyamamsam (pāci. aṭṭha. 238-239), akappiyabhojanañca buddhapatikuttam paṭikkhipato pavāraṇāya avatthūyā na pavāraṇā hotīti āha **“yo paṇā”**tiādi. Yañhi bhikkhuno khādītum vaṭṭati, tam eva paṭikkhipato pavāraṇā hoti. Idam pana jānanto akappiyattā paṭikkhipati. Ajānantopi paṭikkhipitabbaṭṭhāne thītameva paṭikkhipati nāma, tasmā na pavāreti. Sace pana akappiyamamsam khādanto kappiyamamsam vā bhojanam vā paṭikkhipati, pavāreti. Kasmā? Vatthūyā. Yañhi tena paṭikkhittam, tam pavāraṇāya vatthu. Yam pana khādati, tam kiñcāpi paṭikkhipitabbaṭṭhāne thītam, khādiyamānam pana mamsabhāvam na jahati, tasmā pavāreti. Ko pana vādo kappiyamamsam khādato kappiyamamsabhojanappaṭikkhepe. Esa nayo akappiyabhojanam khādato kappiyabhojanappaṭikkhepe.

Bhojane satīti pañcasu bhojanesu ekasmimpi bhojane satī. **Aññam vuttalakkaṇam bhojananti** pattādigatato aññam vuttalakkaṇam pañcasu bhojanesu ekampi bhojanam. “Nirapekko hotī”ti etasseva vivaraṇam **“yam pattādisu”**tiādi. Na kevalam nirapekko vāti āha **“aññatra vā”**tiādi. **So paṭikkhipantopi na pavāretīti** tasmim ce antare aññam bhojanam abhihaṭam, tam so paṭikkhipantopi na pavāreti. Kasmā? Vippakatabhojanabhāvassa upacchinattā.

“Upanāmetī”ti (pāci. aṭṭha. 238-239) iminā kāyābhīhāram dasseti. **Hatthe vā ādhārake vāti** ettha vā-saddo avuttavikkappatho, tena **“ūrūsu vā”**ti vikappeti. Dūre nisinnassa daharabhikkhussa pattam pesetvā **“ito odanam gaṇhāmi”**ti vadati, gaṇhitvā pana gato tuñhi tiṭṭhati, tampi paṭikkhipato eseva nayo. Kasmā? Bhikkhussa dūrabhāvato, dūtassa ca anabhihāraṇato. Sace pana gahetvā āgato bhikkhu **“imam bhattam gaṇhā”**ti vadati, tam paṭikkhipato pavāraṇā hoti. **Evam vuttepi** “bhattam gaṇhā”ti vuttepi.

Bhattapacchim gahetvā parivasantassāti ekena hatthena bhattapacchim gahetvā ekena hatthena kaṭacchum gahetvā parivasantassa. **Añño “aham dhāressāmi”**ti gahitamattakameva karoti añño āgantvā **“aham pacchim dhāressāmi, tvam odanam dehi”**ti vatvā gahitamattakameva karoti. **Abhihaṭāya hotīti** parivesakeneva abhihaṭāya hoti. Idāni asati tassa dātukāmābhīhāre gahaṇasamayepi paṭikkhipato na hotīti dassetum **“sace paṇā”**tiādi vuttam. **Uddhaṭeti** uddhaṭe bhatte. Kaṭacchuabhihāroyeva hi tassa abhihāroti adhippāyo. **Anantarassa diyyamāneti** anantarassa bhikkhuno bhatte diyyamāne. **Kāyavikārenāti** “āṅgulim vā hattham vā macchikabjānim vā cīvarakaṇṇam vā cāleti, bhamukāya vā ākāram karoti, kuddho vā oloketī”ti (pāci. aṭṭha. 238-239) evam vuttena āṅgulicalanādīnā kāyavikārena. **“Alam mā dehi”**tiādinā **vacvīkārenāti** “ala”nti vā “na gaṇhāmi”ti vā “mā ākirā”ti vā “apagacchā”ti vā evam yena kenaci vacvīkārena.

Abhihaṭe pana bhatte pavāraṇāya bhīto hatthe apantvā punappunam patte odanam ākirantam **“ākira ākira, koṭṭetvā pūrehi”**ti vadato pavāraṇā na hoti. Esa nayo bhattam abhiharantam bhikkhum sallakkhetvā **“kim, āvuso, itopi kiñci gaṇhissasi, dammi te kiñcī”**ti vadatopi.

“Rasam paṭiggāṇhathā”ti appavāraṇājanakassa nāmagam gahetvā vuttattā **“tam sutvā paṭikkhipato pavāraṇā natthī”**ti vuttam. **Mamsarasanti** ettha pana na kevalam mamsassa rasam “mamsarasa”micceva viññāyati, atha kho mamsaṇca rasaṇca mamsarasanti evam pavāraṇājanakanāmasenāpi. Tasmā tam paṭikkhipato pavāraṇāya hotīti āha **“mamsarasanti vutte pana paṭikkhipato pavāraṇā hotī”**ti. Parato **macchamamsam byañjananti** etthāpi eseva nayo. **Yasmim iriyāpathe pavāretī, tam avikopenteneva bhuñjitabanti** yo gacchanto (pāci. aṭṭha. 238-239) pavāretī, tena gacchanteneva bhuñjitabam. Kaddamam vā udakam vā patvā thītena atirittam kāretabbam. Sace antarā nadī pūrā hoti, nadīre gumbam anupariyāyanta bhuñjitabam. Atha nāvā vā setu vā atthi, tam abhiruhitvāpi caṅkamanteneva bhuñjitabam, gamanam na upacchinditabam. Esa nayo itaririyaṭṭhesupī. Tam tam iriyāpātham kopentena atirittam kāretabbam. Yo ukkuṭikova nisīditvā pavāretī, tena ukkuṭikeneva bhuñjitabam. Tassa pana heṭṭhā palālapītham vā kiñci vā nisīdanam dātābham. Pīthake nisīditvā pavāritena pana āsanam acāletvāya catasso disā parivattantena bhuñjitum labbhati. Mañce nisīditvā pavāritena ito vā etto vā samsaritum na labbhati. Sace pana saha mañcena ukkipitvā aññatra nenti, vaṭṭati. Nipajjitvā pavāritenāpi nipanneneva bhuñjitabam. Parivattantena yena passena nipanno, tassa thānam nātikkametabbam.

Alametaṃ sabbanti etaṃ sabbam alam pariyaṭam, idampi te adhiham, ito aññam na lacchasīti adhippāyo. **Yo atirittam karoti** yo “alametaṃ sabba”nti atirittam karoti. **Paṭipakkhanayenāti** “kappiyakatam, paṭiggahitakatam, uccāritakatam, hatthapāse katam, bhuttāvinā katam, bhuttāvinā pavāritena āsanā avuṭṭhitena katam ‘alametaṃ sabba’nti vutta”nti (pāci. 239) imehi sattihi vinayakammākārehi yam atirittam kappiyam katam, yañca gilānātirittam, tadubhayampi atirittanti evam tasseva paṭipakkhanayena. Ettha ca “alametaṃ sabba”nti tikkhattum vattābham, ayaṃ kira āciṇṇo. Vinayadharā pana “sakiṃ eva vattābba”nti vadanti.

Kasmā tam so puna kātum na labhatīti āha **“yañhi”**tiādi. Tattha **yañhi akatanti** yena paṭhamam kappiyam katam, tena yam akatam, tam kātābham. Paṭhamabhāṇane pana kātum na labbhati. **Yena ca akatanti** aññena bhikkhunā yena paṭhamam na katam, tena ca kātābanti attho. **Vuttanti** sīhalaṭṭhakathāsu vuttam. **Aññasmim pana bhājaneti** yasmim pana bhājane paṭhamam katam, tato aññasmim patte vā kuṇḍe vā pacchiyam vā yattha katthaci purato thāpetvā onāmitabhāṇane.

Aññatra bhuñjanavattusminti bhuttāvinā pavāritena hutvā aññatra bhuñjanavattusmim. **Tikapācittiyanti** anariritte anarittasāññivematikaatirittasāññim vasena tīni pācittiyāni. **Ajjhoharato ca dukkaṭanti** ajjhoharato ajjhohāre ajjhohāre dukkaṭam. Sace pana āmisasamāṭṭhāni honti, āhāratthāyapi anāhāratthāyapi paṭiggahetvā ajjhoharantassa pācittiyameva. **Tesaṃ anuññātaparibhogavasenāti** yamakālikādīnam anuññātaparibhogavasena, yamakālikam pipāsāya sati pipāsachedanattam, sattāhakālikam yāvajjivika tena tena upasametabbake ābādhe sati tassa upasamanatthanti vuttam hoti. Idampi ajjhoharanato **kāyakammam**, vācāya “atirittam karoṭha bhante”ti akārāpanena **vacikammanti** āha “**samuṭṭhānādīni paṭhamakathinasadisānevā**”ti. **Kiriyaṅkiriyaṅti** ettha paṭikkhipitvā bhuñjanam **kiriyaṃ**. Atirittassa akaraṇam **akiriyaṅti** veditabbam.

Paṭhamapavāraṇāsikkhāpadavaṇṇanā niṭṭhitā.

6. Dutiyapavāraṇāsikkhāpadavaṇṇanā

Sutvā vāti aññena vā teneva vā ārocitaṃ sutvā. “Bhuttasmim pācittiya”nti (pāci. 243) vuttatā **bhojanapariyosāne pācittiya**”nti vuttam.

Dutiyapavāraṇāsikkhāpadavaṇṇanā niṭṭhitā.

7. Vikālabhojanasikkhāpadavaṇṇanā

Vikāleti ettha arunuggamanato paṭṭhāya yāva majjhanhiko, ayaṃ buddhādīnam ariyaṇam ācinnasamācīno bhojanassa **kālo** nāma. Tadañño **vikālo** “vigato kālo”ti katvā. Tenāha “**vigate kāle**”tiādi. Thitamañjhanhikopi (pāci. aṭṭha. 248-249) kālasaṅgaham gacchati. Tato paṭṭhāya pana khādītum vā bhuñjitum vā na sakkā. Sahasā pivitum sakkā bhavēyya, kukkucakena pana na kātabbam. Kālaparicchedajānanatthāna kālathambho yojetabbo. Kālabhantareva bhattakiccam kātabbam. “**Yaṃ kiñci...pe... khādaniyaṃ vā**”ti iminā yaṃ tava sakkhalimodakādi pubbaññāparaṇnamayaṃ, tattha vattabbameva natthīti dasseti. **Bhojanīyaṃ** nāma pañca bhojanāni.

Sati paccayeti pipāsādīkaraṇe vijjāmanē. **Romaṭṭhakassāti** romaṭṭhakassa bhikkhuno ajjhoharitvā uggiritvā mukheva ṭhapito bahi mukhadvārā viniggato bhojanassa maggā bahi niggato “romaṭṭho”ti pavuccati. Idha pana ajjhoharitvā uggiritvā mukheva ṭhapitoti adhippeto. Tenāha “**na ca, bhikkhave**”tiādi. Ṭhapetvā romaṭṭhakam sesānāṃ āgataṃ uggāraṃ mukhe sandhāretvā gilantānaṃ āpatti. Sace pana asandhārentameva paragalāṃ gacchati, vaṭṭati.

Vikālabhojanasikkhāpadavaṇṇanā niṭṭhitā.

8. Sannidhikarakasikkhāpadavaṇṇanā

“**Kāro karaṇam kiriyaṅti atthato eka**”nti etena kārasaddassa bhāvatthataṃ dasseti. Sammā nidhānaṃ ṭhapanam **sannidhi**. “**Paṭiggahetvā ekarattaṃ vītināmitassetam nāma**”nti iminā paṭiggahetvā ekarattaṃ vītināmite imassa duddhotabhāvam dasseti. Kiñcāpi yamakālikam khādaniyaṃ, bhojanīyaṃ vā na hoti, “anāpatti yamakālikam yāme nidahitvā bhuñjati”tiādi vacanato pana tathāpi yāmāttikame sannidhipaccayā pācittiyena bhavitabbanti “**yaṃ kiñci yāvakālikam vā yamakālikam vā**”ti vuttam. Idāni duddhotabhāvameva vibhāvetum “**yaṃ aṅguliya**”tiādi vuttam. Tattha **yaṃ aṅguliya ghaṃsantassa lekhā paññāyati** yaṃ pattam dhotam aṅguliya ghaṃsantassa patte aṅgulilekhā paññāyati, so **patto duddhoto** hotīti attho. Telavannapatte pana aṅgulilekhā paññāyati, sā abbohārikā. **Snehoti** telam. **Sandissati** yāgyuā upari sandissati. **Tādise pattepi** paṭiggahaṇam avissajjitvā sayam vā aññena vā bhojanam nīharitvā na sammā dhote pattepi. **Punadvise bhuñjantassa pācittiyanti** patte laggam avijahitpaṭiggahaṇam hotīti dutiyadvise bhuñjantassa pācittiyam. Pariccatte pana patte punadvise bhuñjantassa anāpatti.

Yaṃ panāti yaṃ bhojanam pana. **Apariccattameva hīti** anapekkhāvissajjanena vā anupasampannassa nirapekkhadānena vā apariccattameva. **Kappiya bhojananti** antamaso ekasitthamattampi kappiyabhojanam. **Akappiyesūti** akappiyamaṃsesu. **Sesesūti** manussamaṃsato avasesesu hatthiassasunakhaahisṭhabyagghadīpacchataracchamaṃsesu ceva appaṭivekkhite uddissakatamaṃse ca. Pāliyaṃ “sattāhakālikam yāvajjivikam āhāratthāya paṭigganḥāti, āpatti dukkaṭassā”tiādinā (pāci. 255) sannihitesu sattāhakālikayāvajjivikesu purebhattampi āhāratthāya ajjhoharaneṃpi dukkaṭassa vuttatā yamakālikepi āhāratthāya ajjhoharaneṃpi visum dukkaṭeneṃpi bhavitabbanti āha “**āhāratthāya ajjhoharato dukkaṭena saddhim pācittiya**”nti. **Sabbavikkappesūti** “kappiyabhojanam bhuñjantassā”tiādinā vuttasu sabbesu vikappesu aparampi pācittiyam vaddhati. Idam vuttam hoti (pāci. aṭṭha. 253) – kappiyabhojane dve pācittiyāni, manussamaṃse thullaccayena saddhim dve pācittiyāni, avasesesu pana akappiyamaṃsesu dukkaṭena saddhim dve pācittiyāni. Yamakālikam sati paccaye sāmisenā mukhena ajjhoharato dve pācittiyāni, nirāmisena ekameva. Āhāratthāya ajjhoharato vikappadvayepi dukkaṭena saddhinti.

Avasesesūti yamakālikādito avasesesu. **Pācittiyam vaddhatīyevāti** aparampi pācittiyam vaddhatīyeva. Idam vuttam hoti – sace vikāle ajjhoharati, pakatibhojane sannidhipaccayā ca vikālabhojanapaccayā ca dve pācittiyāni, akappiyamaṃsesu manussamaṃse thullaccayena saddhim dve pācittiyāni, avasesesu dukkaṭena saddhim dveti.

Belatthasiso nāma jaṭilasahassassa abbhantare eko mahāthero. **Tikapācittiyanti** sannidhikārake sannidhikārasaṅgāññivematikaasannidhikārasaṅgāññim vasena tīni pācittiyāni. **Saṃsaṭṭhānti** saṃsaṭṭharasāni. Sambhinnarasam sandhāyeva hi “tadahupaṭiggahitaṃ kāle kappati”tiādi vuttam. Tenāha “**tasmā**”tiādi. Ettha ca **asambhinnarasanti** amissitarasam. Idānca sītalapāyāsādinā saha laddham sappiṇḍādikam sandhāya vuttam. “**Sudhotam vā**”ti idam pana piṇḍapātena saddhim laddham takkolajātiphalādīm, yāguādīsu pakkhipitvā dinnasiṅgīverādīkañca sandhāya vuttam.

Tenāti sattāhakālikena. Tadahupaṭiggahitaṃ assāti **tadahupaṭiggahitaṃ**, tena tadahupaṭiggahitena. Esa nayo “**dviḥapaṭiggahitena**”tiādisūpi. **Tasmāti** yasmā purebhattam paṭiggahitampi vaṭṭati, tasmā. **Paṭiggahitaṃ sattāham kappati vuttanti** “sattāhakālikena, bhikkhave, yāvajjivikam paṭiggahitaṃ sattāham kappati, sattāhāttikkante na kappati”ti (mahāva. 305) **bhesajjakkhandhake** vuttam. Kiñcāpi mukhe ekarattaṃ na vuttam, tathāpi mukhe pakkhittameva yasmā sannidhi nāma hoti, tasmā “**mukhasannidhi**”ti vuttam.

Catasso kappiyabhūmiyoti ussāvanantikā, gonisādikā, gahapati, sammuttī catasso kappiyakuṭīyo. Tattha **ussāvanantikā** (mahāva. aṭṭha. 295) nāma gehe kariyamāne samparivāretvā ṭṭhehi “kappiyakuṭim karoma, kappiyakuṭim karomā”ti vā “kappiyakuṭi kappiyakuṭi”ti vā vadantehi ṭhapitapaṭhamiṭṭhakathambhādīkā saṅghassa vā ekassa bhikkhuno vā kuṭi. Yo pana āraṃo yebhuyyena vā aparikkhitto hoti, sakalopi vā, so “**gonisādi**”ti vuccati. **Gahapati** yā ṭhapetvā bhikkhum sesehi “kappiyakuṭim demā”ti dinnā, tesaṃ vā santakā. **Sammuti** nāma kammavācāya sāvetvā katā. Katham panetāsaṃ vinicchayo jānitabboti āha “**tāsaṃ vinicchayo samantapāsādikāyaṃ vutto**”ti.

Sannidhikarakasikkhāpadavaṇṇanā niṭṭhitā.

9. Pañitabhojanasikkhāpadavaṇṇanā

“**Pañitabhojanāni**”ti idam majjhe padalopaṃ katvā niddhānti āha “**pañitasamāṭṭhāni**”tiādi. **Sabbopi “odako”ti vuttalakkhaṇo macchoti** “maccho nāma odako vuccati”ti (pāci. 260) evaṃ vibhaṅge vuttalakkhaṇo, sabbopi maccho eva. Yo koci udake jāto maccho nāmāti vuttam hoti. **Mahānāmasikkhāpadenāti** –

“Agilānena bhikkhunā catumāsapaccayapavāraṇā sādītābā aññatra punapavāraṇāya aññatra nīcapavāraṇāya. Tato ce uttari sādīyeyya, pācittiya”nti –

Iminā sikkhāpadena (pāci. 306). Ettha hi saṅghavasena gilānapaccayapavāraṇāya pavāritatṭhāne sace tattha rattīhi vā bhesajjehi vā paricchedo kato hoti “**ettikāyeva rattīyo, ettakāni vā bhesajjāni viññāpetābāni**”ti, tato rattipariyantato vā bhesajjapariyantato vā uttari nabhesajjakaraṇīyena vā bhesajjam, aññābhesajjakaraṇīyena vā aññam bhesajjam viññāpentassa pācittiyam vuttam. Tasmā agilāno gilānasaññīpi hutvā pañca bhesajjāni viññāpeto nabhesajjakaraṇīyena bhesajjam viññāpento nāma hotīti “mahānāmasikkhāpadena karetabbo”ti vuttam.

Yo pana nabhesajjatthāya viññāpeti, atha kho kevalam attano bhuñjanatthāya, so sūpodanaviññātiyāyeva karetabbo. Vuttañhetam **samantapāsādikāyaṃ** “suddhāni sappiādīni viññāpetvā bhuñjanto pācittiyam nāpajjati, sekhiyeso sūpodanaviññāti dukkaṭam āpajjati”ti (pāci. aṭṭha. 259). **Sūpodanaviññātiyā karetabboti** “na sūpam vā odanam vā agilāno”tiādinā (pāci. 613) sikkhāpadena karetabbo, dukkaṭena karetabboti vuttam hoti. **Imināti** iminā pañitabhojanasikkhāpadena.

“Sappibhattam dehī”ti vutte kiṃ hotīti āha “**sappibhattam ‘dehī’ti vutte panā**”tiādi. Sūpodanaviññātiyā dukkaṭameva hotīti sambandho. Kasmāti āha “**yasmā**”tiādi.

Atha yathā ‘‘paññābhōjanānī’’ti, evaṃ ‘‘sappibhatta’’nti idampi kasmā na viññāyatīti ce? Anekantikattā. Tathā hi ‘‘paññābhōjanānī’’ti vutte ‘‘paññābhōjanānī’’ti ayamattho ekantato paññāyati, ‘‘sappibhatta’’nti vutte pana ‘‘sappimayam bhattam sappibhatta’’ntipi viññāyamānattā ‘sappisamsattham bhattam sappibhatta’’nti ayamattho na ekantato paññāyati. Esa nayo ‘‘navanītabhattam dehī’’tiādisupi.

Purimanayenevāti ‘‘bhattam datvā sappim katvā bhuñjā’’ti purimeneva nayena. Sace pana ‘‘sappinā’’ti vutte kevalam sesesu navanītādīsu aññātarena deti, visaniketameva hoti. **Anāpattīti** visaniketattā sabbāhiyeva āpattīti anāpattī. ‘‘Kiñcāpi anāpattī, attano pana payogena nibbattattā na bhuñjītabba’’nti vadanti. **Kappiyasappināti** kappiyamaṃsasappinā. Esa nayo **akappiyasappināti** etthāpi. Kappiyākappiyatā hi maṃsānāmyeva, na sappiādīnaṃ. Ṭhapetvā ekaṃ manussavasāteḷam sabbesaṃ khīradadhīsapināvanītavasāteḷesu akappiyam nāma natthi.

Paribhogepi dukkaṭameva idha anadhippetattāti adhippāyo. Sace asati akappiyasappimhi purimanayeneva akappiyavanītādīni deti ‘‘sappim katvā bhuñjā’’ti, akappiyasappināva dīnaṃ hoti. Yathā ca ‘‘kappiyasappinā dehī’’ti vutte akappiyasappinā deti, visaniketam, evaṃ ‘‘akappiyasappinā’’ti vutte kappiyasappinā deti’’ti etthāpi paṭipāṭiyā ekamekaṃ vitthāretvā vuccamānepi ayamevattho vattabbo siyā, so ca sankhepenapi sakkā viññātunti vitthāranayam hitvā imināva nayena sabbapadesu vinicchayo vedittabboti vuttam. Ayañhettha sañkhepattho – yena yena viññāti hoti, tasmim vā tassa mūle vā laddhe taṃ taṃ laddhameva hoti. Sace pana aññam pāṭiyā āgatam vā anāgatam vā deti, visaniketanti. **Nānāṭṭhāne vāti** tasmimyeva ghare sappim, itarasmim navanītantiādīnā nānāṭṭhāne vā.

Paññābhōjanasikkhāpadavaṇṇanā niṭṭhitā.

10. Dantaponasikkhāpadavaṇṇanā

Kāyenāti hatthādīsu yena kenaci sarīravayavena, antamaso pādāṅguliyāpi gañhanto kāyena gañhāti nāmāti vedittabbo. Dānepi eseva nayo. **Kāyappaṭibaddhenāti** paṭtādīsu yena kenaci sarīrasambaddhena upakaraṇena. Dānepi eseva nayo. Katacchuādīsu yena kenaci upakaraṇena dīnaṃ kāyappaṭibaddhena dīnaṃyeva hoti. **Aññātarevāti** kāyena vā kāyappaṭibaddhena vā nissaggiyena vāti attho. Tathā **nissaggiyenāti** (pāci. aṭṭha. 265) kāyato ca kāyappaṭibaddhato ca mocetvā hatthapāse ṭhitassa kāye vā kāyappaṭibaddhe vā pāṭiyamānāhi nissaggiyena payogena dīnaṃ nāma hoti. **Tassāti** paṭiggahitakassa. **Vuttavipallāsavasena**ti vuttassa paṭipakkhavasena. Idam vuttam hoti – yaṃ kāyākāyappaṭibaddhanissaggiyānam aññātarena diyyamāne kāyena vā kāyappaṭibaddhena vā gañhāti, etam paṭiggahitam nāmāti.

Samhārimenāti thāmamajjhimena purisena samhārimena, iminā asamhārieme phalake vā pāsāne vā paṭiggahaṇam na ruhatīti dasseti. **Dhāretum samatthenāti** sandhāretum yoggena, iminā sukhesumo tintinikādīpaṇṇesu paṭiggahaṇam na ruhatīti dasseti. **Atatthajātakarukkhaṇṇenāti** jātaṭṭhānato cutena paduminipaññādīnā, iminā pana mahantepe tatthajātake paduminipāṇe vā kimsukapaññādīmhi vā paṭiggahaṭum na vaṭṭati. Na hi taṃ kāyappaṭibaddhasānkham gacchātīti dasseti. Yathā ca tatthajātake, evaṃ khānuke bandhītvā ṭhapitamāñcādīmhi. Nanu paṭibaddhappaṭibaddhenāpi paṭtādīrādīnā paṭiggahaṇam ruhatīti, attha kasmā kāyākāyappaṭibaddhehiyeva paṭiggahaṇam idha vuttam, na paṭibaddhappaṭibaddhenāpi itā ‘‘**paṭibaddhappaṭibaddham nāma idha natthī**’’ti. Keci pana ‘‘ādīhākena paṭiggahaṇam kāyappaṭibaddhappaṭibaddhena paṭiggahaṇam nāma hoti, tasmā na vaṭṭati’’ti vadanti, taṃ vacanamattameva. Atthato pana sabbampi taṃ kāyappaṭibaddhameva hoṭīti dasseti.

Akallakoti gilāno. **Mukhena paṭiggahaṇātīti** sahatthena gaṭetvā paribhuñjītuṃ asakkonto mukhena paṭiggahaṇātīti. **Abhihaṭṭabhājanato paṭitarajampi vaṭṭati** abhihaṭṭātīti adhippāho.

Tasmim ṭhatvāti tādise hatthapāse ṭhatvā. **Yanti** yaṃ bhāraṃ. **Majjhimo purisoti** thāmamajjhimapuriso. Vinaye paññātam dukkaṭam **vinayadukkaṭam**. **Tam anupasampannassa datvāti** piṇḍāya caritvā vihāraṃ vā āsanasāḷam vā gantvā taṃ bhikkham anupasampannassa datvā, idaṃca pubbābhogassa anurūpavasena vuttam. Yasmā pana taṃ ‘‘anupasampannassa dassamī’’ti cittuppādamattena taṃsantakaṃ nāma na hoti, tasmā vināpi tassa dānādīm paṭiggahetvā paribhuñjītuṃ vaṭṭati.

Assukhejasīghāṇikādīsūti ettha **assu** nāma akkhijalam. **Kheḷo** nāma lālā. **Sīghāṇikāti** antosīsato pūṭisemhabhāvam āpannaṃ matthaluṅgam galitvā tālumattakavivarena otarītvā nāsāpūte pūretvā thitaṃ vuccati, **ādīsaddena** muttakarīsasemhadantamalaakkhigūṭhakannagūṭhakānaṃ, sarīre uṭṭhitalonassa ca gahaṇam. **Ṭhānatoti** akkhikūpādito. Antarā ce gañhāti, kim hoṭīti itā ‘‘**uggahitakam nāma hoti**’’ti, dutṭhu gahitakam nāma hoṭīti attho. **Phalininti** phalavantaṃ. **Tatthajātakaphalīnisākhāya vāti** tasmim rukke jātāya **phalīnisākhāya vā**. **Durupaciṇṇadukkaṭanti** ‘‘na kattabba’’nti vāritassa katattā dutṭhu āciṇṇam caritanti **durupaciṇṇam**, tasmim dukkaṭam durupaciṇṇadukkaṭaṇca āpajjātīti attho.

Āharīyatīti **āhāro**, ajjoharītabbām yaṃ kiñci, idha pana cattāri kālīkāni adhippetānīti itā ‘‘**yaṃ kiñci**’’tiādi. Tathā aruṇuggamanato yāva ṭhitamajjhānikā bhuñjītabbato yāva kālo assāti **yāvākālīkam**. Aruṇuggamanato yāva yāmāvasānā pipāsāya satī pipāsacchedanattam pātabbato yāmo kālo assāti **yāmākālīkam**. Yāva sattāham nidahitvā paribhuñjītabbato sattāham kālo assāti **sattāhākālīkam**. Yāvajīvampi parihaṭitvā paribhuñjītabbato yāva jīvam etassāti **yāvajīvikam**. Tenāha ‘‘**tatthā**’’tiādi.

Vanamūlapattapupphalādīti ettha tāva **mūlam** nāma mūlakakhārakacaccutambakādīnaṃ tesu tesu janapadesu pakatiāhāravasena manussānam khādānīyatthānceva bhojanīyatthāṇca pharaṇakam sūpeyyapaṇṇamūlam. **Pattam** nāma mūlakakhārakacaccutambakādīnaṃ tādisāmyeva pattam. **Puppham** nāma mūlakakhārakādīnaṃ tādisāmyeva puppham. **Phalam** nāma panasalabujādīnaṃ tesu tesu janapadesu pakatiāhāravasena manussānam khādānīyatthānceva bhojanīyatthāṇca pharaṇakam phalam. **Ādisaddena** kandaṃmūlādīnaṃ gahaṇam.

Ambapānanti (mahāva. aṭṭha. 300) āmehi vā pakkehi vā ambehi katapānaṃ. Tathā āmehi karontena ambataruṇādīni bhinditvā uduke pakkhipitvā ātape ādiccapākena pacitvā parissāvetvā tadahaṭṭapaṭiggahitehi madhusakkarakappūrādīhi yojetvā kātabbām. Evaṃ katam purebhattameva kappati. Anupasampannaṃ katam labhitvā pana purebhattam paṭiggahitam purebhattam sāmīsaparibhogenaṇāpi vaṭṭati, pacchābhattam nīrasāmīsaparibhogena yāva aruṇuggamanā vaṭṭati. Esa nayo sabbapānesu.

Tesu pana **jambupānanti** jambuphalehi katapānaṃ. **Cocapānanti** atṭhikehi kadālīphalehi katapānaṃ. **Mocapānanti** anāṭṭhikehi kadālīphalehi katapānaṃ. **Madhukapānanti** madhukānam jātirasena katapānaṃ. Taṃ pana udakasambhinnaṃ vaṭṭati, suddham na vaṭṭati. **Muddikāpānanti** muddikā uduke madditvā ambapānaṃ viya katapānaṃ. **Sālūkāpānanti** rattuppalanīluppalādīnaṃ sālūke madditvā katapānaṃ. **Phārusakapānanti** phārusakehi ambapānaṃ viya katapānaṃ. Imināva nayena vettapānādīni vedittabāni. Etāni ca pana sabbāni pānāni aggipākāni na vaṭṭanti. Tenāha ‘‘**sītodakenā**’’tiādi. **Avasesesupi anuññātapalappattapuppharasesūti** dhaññāphalapakkasākāmadhukapuppharasesu ‘‘anujānāmi, bhikkhave, sabbam phalaramaṃ ṭhapetvā dhaññāphalarama’’ntiādinā (mahāva. 300) anuññātakesu phalappattapuppharasesupi.

Khādānīyatthanti khādānīyena kattabbakiccām. **Neva pharattīti** na nippādeti. **Anāhārepi uduke āhārasaññāyati** ‘‘āhāraṃ āhareyyā’’ti padassa padabhājane (pāci. 265) vuttamattham sammā asallakkhetvā ‘‘āharīyatīti āhāro’’ti anāhārepi uduke āhārasaññāya **kukkuccāyantānaṃ**. **Dantapone** ca ‘‘**mukhadvāraṃ āhaṭam ida**’’nti **saññāyati** mukhadvāraṃ anāhaṭampī dantaponaṃ ‘‘mukhadvāraṃ āhaṭam idam dantapona’’nti vipallattasāññāya **kukkuccāyantānaṃ**. **Yathāsukham** pātunti paṭiggahetvā vā appaṭiggahetvā vā yathākāmaṃ pātum. **Dantaponaparibhogena**ti dantakaṭṭhaparibhogena, dantadhovanādīnāti attho, iminā tassa pana rasaṃ gilītuṃ na vaṭṭatīti dasseti.

Cattāri mahāvīkaṇānti gūṭham, muttam, chārīkā, mattikā (mahāva. 268) ca ‘‘āsāyādivasena virūpāni jātāni’’ti katvā **vīkaṇānti** vā apakatibhojanattā **vīkaṇāni** ‘‘virūpāni jātāni’’ti vā attho. **Satī paccayeti** kāraṇe satī, sappadaṭṭheti attho. **Dhūmādiabhoḷārikābhāvoti** dhūmapupphagandhadantakhayādiabhoḷārikābhāvo.

Dantaponasikkhāpadavaṇṇanā niṭṭhitā.

Bhojanavaggo catuttho.

5. Acelakavaggo

1. Acelakasikkhāpadavaṇṇanā

Acelakassāti yassa kassaci pabbajjāsāmāpannaṃ naggassa. **Paribbājakkassāti** ṭhapetvā bhikkhuṇca sāmaṇeraṇca avasesassa yassa kassaci pabbajjāsāmāpannaṃ.

Paribhājikāyāti thapetvā bhikkhunim, sikkhamānaṃ, sāmaṇeṇca avasesāya yāya kāyaci pabbajjāsamaṇāyā. Ete ca sabbe aññatitthiyā veditabbā. Tenāha “**etesam acelakādīnaṃ aññatitthiyāna**”nti.

Tesanti aññatitthiyānaṃ. Bhājanaṃ nikkhipivāti āmisabharitaṃ bhājanaṃ nikkhipivā. **Bāhirālepanti** telādīma.

Acelakādayo yasmā, titthiyāva matā idha;
Tasmā titthiyānāmena, tikacchedo kato tayo.

Atitthiyassa naggassa, tathā titthiyālingino;
Gahaṭṭhassāpi bhikkhussa, kappatīti vinicchayo.

Atitthiyassa cittena, titthiyassa ca līngino;
Sotāpannādīno dātuma, kappatītidha no mati.

Acelakasikkhāpadavaṇṇanā niṭṭhitā.

2. Uyyojanasikkhāpadavaṇṇanā

Gāmaṃ vā nigamaṃ vāti ettha nagarampi gāmaggaṇeṇeva gahitanti daṭṭhabbaṃ. **Pavisissāmāti** ettha gahetvā “gantvā”ti pāthaseso, asamannāhāro vā tassā itthiyā tasmim gāme sannihitabhāvaṃ aṇānto vā “ehāvuso, gāmaṃ vā nigamaṃ vā piṇḍāya pavisissāmā”ti bhikkhuṃ gahetvā gantvāti attho. **Yaṃ kiñci āmisanti** yāguādikam yaṃ kiñci āmisam. **Uyyojeyyāti** attano kīlānurūpaṃ itthim disvā uyyojeyya pahineyya. Tenāha “**mātugāmena saddhi**”ntiādi. **Ādisaddena** vuttāvesesam kāyavacīdvāravītikammaṃ saṅganhāti. “**Gacchā**”tiādi **vatvāti** “gacchāvuso, na me tayā saddhim kathā vā nisajjā vā phāsu hoti, ekakassa me kathā vā nisajjā vā phāsu hoti”ti (pāci. 275) vatvā. **Etam anācāramevāti** etam yathāvuttam hasanādianācārameva. **Na aññam patirūpaṃ kāraṇanti** thapetvā vuttapakāraṃ anācāraṃ ubhinnaṃ ekato na yāpanādīm aññam patirūpakāraṃ paccaṃ karitvā na hoṭīti attho. **Assāti** uyyojakassa. **Soti** yo uyyojito, so.

Anupasampanneti sāmaṇere. Sovā idha anupasampannoti adhippetoti vadanti. **Ubhinnampīti** upasampannassa vā anupasampannassa vāti dvinnaṃpi. **Kalisāsanāropaneti** (pāci. attha. 277) **kalīti** kodho, tassa sāsanam ānaṃ **kalisāsanam**, tassāropaneti attho, “appeva nāma imināpi ubbālho pakkameyyā”ti kodhavasena thānānisajjādīsu dosaṃ dassetvā “passatha bho imassa thānaṃ nisajjam ālokitam vilokitam, khānu viya tiṭṭhati, sunakho viya nisīdati, makkato viya ito cito ca viloketi”ti evaṃ amanāpavacanaṃ bhaṇaneti vuttam hoti. **Suddhacittena** paṇevaṃ bhaṇane doṣo natthi. **Evamādīhīti** ettha **ādisaddena** “mahaggaṃ bhaṇam passivā lobhadhammaṃ uppādessati”ti uyyojeti, “mātugāmaṃ passivā anabharitaṃ uppādessati”ti uyyojeti, “gilānassa vā ohīyakkassa vā vihārapālassa vā yāgum vā bhattam vā khādanīyam vā nīharā”ti uyyojeti, “na anācāraṃ ācaritukāmo sati karaṇīye uyyojeti”ti (pāci. 278) etesam gahaṇam.

Uyyojanasikkhāpadavaṇṇanā niṭṭhitā.

3. Sabhojanasikkhāpadavaṇṇanā

“**Sabhojane**”ti bāhiratthasamāsoyam, ubhasadde ukārassa ca lopoti āha “**saha ubhoḥi janehi**”tiādi. Tattha **ubhoḥi janehi** jāyā ca pati cāti ubhoḥi janehi. **Bhūñjitabbanti vā bhojanaṃ**, itthī ca puriso ca, tena saha vattaṭṭi **sabhojananti** āha “**atha vā**”tiādi. **Rāgapariyūṭṭhitassāti** methunādhippāyassa. **Sayanigharanti** sayanīyagharāṃ, vāsagehanti attho. **Mahallakassāti** mahallakassa sayanigharassa. **Piṭṭhasaṅghāṭoti** dvārabāhato **khuddakassa** vāti yathā tathā vā katassa khuddakassa sayanigharassa. **Vemajjham atikkamitvā nisīdeyyāti** piṭṭhivaṃsam atikkamitvā nisīdeyya. **Khuddakam** (sāraththa. fī. pācītiya 3.280) nāma sayanigharāṃ viṭṭhāro pañcathattappamāṇam hoti, tassa ca majjhimaṭṭhānaṃ piṭṭhasaṅghāṭato adḍhateyyahattappamāṇameva hoti, tasmā tādisa sayanighare piṭṭhasaṅghāṭato hatthapāsaṃ vijahitvā nisinnam piṭṭhivaṃsam atikkamitvā nisinnam nāma hoti. Evam nisinnam ca vemajjham atikkamitvā nisinnam nāma hoti. Tena vuttam pāliyam “piṭṭhivaṃsam atikkamitvā nisīdati”ti (pāci. 281). **Sacittakācetha** anupāvisitvā nisīdanacittena daṭṭhabbam.

Sabhojanasikkhāpadavaṇṇanā niṭṭhitā.

4-5. Rahopācicchannarahonisajjasikkhāpadavaṇṇanā

Catutthapañcamasikkhāpade yaṃ vattabbaṃ siyā, tam sabbam aniyatadvaye vuttamevāti āha “**seso kathānayo aniyatadvaye vuttanayeneva veditabbo**”ti.

Rahopācicchannarahonisajjasikkhāpadavaṇṇanā niṭṭhitā.

6. Cārittasikkhāpadavaṇṇanā

Antoupacārasīmāya dassanūpacāre bhikkhuṃ disvāti yattha thitassa kulāni payirūpasanacittam uppannam, tato paṭṭhāya gacchanto antoupacārasīmāya dassanūpacāre bhikkhuṃ passe vā abhimukhe vā disvā. **Pakativacanenāti** yaṃ dvādasathattabbhantare thitena sotum sakkā, tādisena vacanena, ito cito ca pariyesitvā ārocanakiccaṃ pana natthi. Yo hi evaṃ pariyesitabbo, so asantoyeva. Tenāha “**tādīsa**”ntiādi. **Anāpucchitvāti** anārocetvā.

Antarārāmabhikkhununpassayatitthiyaseyyapaṭikkamanabhattiyagharānti ettha **antarārāmanti** antogāme vihāro. **Paṭikkamananti** āsanasālā. **Bhattiyagharanti** nimanītagharāṃ vā salākabhattādīdayakānaṃ vā gharāṃ. **Āpadāsūti** jīvitabrahmacariyantarāyesu. **Kiriyaṃkiriyaṃti** ettha kulesu cārittāpajjanam **kiriyaṃ**, anāpucchanaṃ **akiriyaṃti** veditabbam.

Cārittasikkhāpadavaṇṇanā niṭṭhitā.

7. Mahānāmasikkhāpadavaṇṇanā

Sabbañcetam vatthivasena vuttanti “agilānena bhikkhunā cātumāsapaccayapavāraṇā sādītā aññatra punapavāraṇāya aññatra niccapavāraṇāyā”ti (pāci. 306) etam sabbam sikkhāpadanīdānasāṅkhātassa vatthuno vasena vuttam. Tattha hi mahānāmena sakkena “icchāmaham, bhante, saṅgham cātumāsam bhesajjena pavāretu”ntiādinā (pāci. 303) ussanussannena ca bhesajjena cātumāsam puna niccam pavāraṇā katā, tasmā bhagavatā tassa vasena evaṃ vuttanti vuttam hoti. **Aññatra punapavāraṇāyāti** yadi punapavāraṇā atthi, tam thapetvā. **Aññatra niccapavāraṇāyāti** etthāpi eseva nayo. Yadi pana tāpi atthi, sādītābāvāti adhippāyo. Tenāha “**ayaṃ panettha attho**”tiādi. **Tatthāti** tissam pavāraṇāyam. **Bhesajjehi vā paricchedo kato hoṭīti** “sappi tela”nti evamādīnā nāmasasena vā “patthena nāliya ālhakenā”tiādinā parimānavasena vā “ettakāni vā bhesajjāni viññāpetabbāni”ti bhesajjehi paricchedo kato hoti. **Nabhesajjakaraṇīyati** missakabhattenāpi ce yāpetum sakkoti, nabhesajjakaraṇīyam nāma hoti. **Aññam bhesajjanti** sappinā pavārito telam, ālhakena pavārito doṇam.

Yathābhūtam ācikkhitvāti “imehi tayā bhesajjehi pavāritamhā, amhākaṇca iminā ca iminā ca bhesajjena attho, yāsu tayā rattīsu pavāritamhā, tā rattīyo vītvatā, amhākaṇca bhesajjena attho”ti yathābhūtam ārocetvā. Evañca viññāpetum gilānova labhati, na itaro.

Mahānāmasikkhāpadavaṇṇanā niṭṭhitā.

8. Uyyuttasēsikkhāpadavaṇṇanā

Caturāṅgininti hatthiassarathapattīti cattāri āṅgāni etissāti **caturāṅgīni**, tam caturāṅginim. “Dvādasapuriso hatthī, tipuriso asso, catupuriso ratho, cattāro purisā sarahatthā pattī”ti (pāci. 314) ayaṃ pacchimakotiya caturāṅgasamānāgatā **senā** nāma, īdisam senanti attho. **Tam pana vijahitvāti** kenaci antaritā vā ninnaṃ orulhā vā na dīssati, idha thatvāna sakkā daṭṭhanti tam dassanūpacāraṃ vijahitvā aññam thānaṃ gantvā.

Senādassanavattthusmīnti senam dassanāya gamanavattthusmim. Ayameva vā pātho. **Hatthiādīsu ekamekanti** hatthiādīsu catūsu āṅesu ekamekaṃ, antamaso ekapurisāruḥahatthimipi ekampi sarahattham purisanti attho. **Anuyuttā** nāma rājā uyyānam vā nadim vā gacchati, evaṃ anuyuttā hoti. **Tathārūpappaccayeti** “mātuḷo senāya gilāno hoti” tiādike (pāci. 312) anurūpakāraṇe sati. **Āpadāsūti** jīvītabrahmacariyantarāyesu “ettha gato muccissāmī” ti gacchato anāpatti.

Uyyuttasenāsikkhāpadavaṇṇanā niṭṭhitā.

9. Senāvāsasikkhāpadavaṇṇanā

Paṭisenāruddhāyati yathā sañcāro chijjati, evaṃ paṭisenāya ruddhāya senāya. **Kenaci palibuddhassāti** verikena vā issarena vā kenaci ruddhassa.

Senāvāsasikkhāpadavaṇṇanā niṭṭhitā.

10. Uyyodhikasikkhāpadavaṇṇanā

Sampahāraṭṭhānassāti yuddhabhūmiyā. **Balassa aggaṃ jānantī** “ettakā hatthī, ettakā assā, ettakā rathā, ettakā pattī” ti (pāci. 324) balassa koṭṭhāsam jānanti. “Anujānāmi, bhikkhave, vihāraggenā” tiādīsu (cūlava. 318) viya koṭṭhāsattho hettha aggasaddo. Tenāha “**balagaṇanaṭṭhānanti attho**” ti. **Senāya viyūhanti** “ito hatthi hontu, ito assā hontu, ito rathā hontu, ito pattī hontū” ti (pāci. 324) senāya thapanam, rāsīm katvā thapananti attho. Tenāha “**senāsannivesassetam nāma**” ti. **Dvādasapuriso hatthī** cattāro ārohakā, ekekapādarakkhakā dve dveti evaṃ dvādasapuriso hatthī. **Tipuriso assoti** eko ārohako, dve pādarakkhakāti evaṃ tipuriso asso. **Catupuriso rathoti** eko sārathi, eko yodho, dve ānirakkhakāti evaṃ catupuriso rathoti.

Uyyodhikasikkhāpadavaṇṇanā niṭṭhitā.

Acelakavaggo pañcama.

6. Surāpānavaggo

1. Surāpānasikkhāpadavaṇṇanā

Piṭṭhādīhi kataṃ majjaṃ surāti piṭṭhapūvaodanakinnaṃsambhārehi kataṃ majjaṃ surāti attho. Idam vuttam hoti – piṭṭhasurā, pūvasurā, odanasurā, kiṇṇapakkhittā, sambhārasamyuttāti (pāci. 328) imāni pañca surā nāmāti. Tattha piṭṭham bhājane pakkhipitvā tajaṃ udakaṃ datvā madditvā katā **piṭṭhasurā** (sārattha. ṭi. pācittiya 3.326-328). Evaṃ sesāsipi. **Kiṇṇāti** pana tassā surāya bījaṃ vuccati. Ye “surāmodakā” ti vuccanti, te pakkhipitvā katā **kiṇṇapakkhittā**. Haritakisāpādīnāsambhārehi saṃyojītā **sambhārasamyuttā**.

Pupphādīhi kato āsavo merayanti pupphaphalamadhugūlasambhārehi kato ciraparivāsito merayanti attho. Idam vuttam hoti – pupphāsavo, phalāsavo, madhvāsavo, guḷāsavo, sambhārasamyuttoti pañcamerayaṃ nāmāti. Tattha madhukatālanālikerādi puppharaso ciraparivāsito **pupphāsavo**. Panasādīphalaraso **phalāsavo**. Muddikāraso **madhvāsavo**. **Samantapāsādikāyaṃ pana** “phalāsavo nāma muddikāphalādīni madditvā tesam rasena kato. Madhvāsavo nāma muddikānam jātirasena kato, makkhikāmadhunāpi kariyatīti vadantī” ti (pāci. atṭha. 328) vuttam. Uccchuraso **guḷāsavo**. Haritakāmalakakakakabhaṇḍādīnāsambhāraṇam raso ciraparivāsito **sambhārasamyutto**. Ettha ca surāya, merayassa ca samānepi sambhārasamyoge madditvā katā **surā**, ciraparivāsitamattena **merayanti** evamimesaṃ nānākarāṇam datṭhabbam. **Bijato paṭṭhāyati** sambhāre paṭiyādetvā cātiyaṃ pakkhittakālo ceva tālanālikerādinam puppharasassa abhinavakālo ca paṭṭhāya.

Loṇasovīrakam vā suttaṃ vāti ime dve anekhehi bhesajjehi abhisankhatā āsavavisesā. **Vāsagāhāpanatthanti** sugandhabhāvagāhāpanattham. Vatthum ajānanatāya cettha **acittakatā** vedītabbā. Akusaleneva pātābbatāya **lokavajjam**. Yaṃ panettha vattabbam siyā, tam sabbam pathamaparājīkavāṇṇanāya vuttanayameva.

Surāpānasikkhāpadavaṇṇanā niṭṭhitā.

2. Aṅgulipatodakasikkhāpadavaṇṇanā

Hasādhippāyassāti khiddādhippāyassa, iminā kāyasamsaggādhippāyaṃ patikkhipati.

Ettha ca bhikkhunimipi hasādhippāyena phusato bhikkhussa dukkaṭam. Tathā bhikkhumpi phusantiyā bhikkhuniyāti āha “**idha pana bhikkhunīpi bhikkhussa, bhikkhu ca bhikkhuniyā anupasampanno evā**” ti. **Kāyappaṭibaddhādīsū sabbatthāti** “kāyena kāyappaṭibaddhe, kāyappaṭibaddhena kāye, kāyappaṭibaddhena kāyappaṭibaddhe, nissaggiyena kāye, nissaggiyena kāyappaṭibaddhe, nissaggiyena nissaggiye” ti (pāci. 332) sabbattha. **Sati karaṇīye āmasatoti** sati karaṇīye purisaṃ āmasato anāpatti. Itthi pana sati karaṇīyepi āmasitum na vaṭṭati.

Aṅgulipatodakasikkhāpadavaṇṇanā niṭṭhitā.

3. Hasadhammasikkhāpadavaṇṇanā

Uparigopphaketi gopphakānaṃ uparibhāgappamāṇe. **Hasādhippāyoti** kiḷādhippāyo. **Yena yena aṅgenāti** hatthapādādīsū yena yena aṅgena. **Tathā nāvāya kiḷatoti** piyāritādīhi nāvam pajentassa vā tīre ussārentassa vā dukkaṭanti attho.

Hasadhammasikkhāpadavaṇṇanā niṭṭhitā.

4. Anādariyasikkhāpadavaṇṇanā

Duvidhañhettha anādariyaṃ puggalānādariyaṃ dhammānādariyaṃcāti āha “**puggalassa vā**” tiādi. Tattha yo bhikkhu upasampanna paññattena vuccamāno “ayaṃ ukkhittako vā vambhito vā garahito vā, imassa vacanaṃ akataṃ bhavissatī” ti (pāci. 342) anādariyaṃ karoti, ayaṃ puggale anādariyaṃ karoti nāma. Yo pana paññattena vuccamāno “kathāyaṃ nasseyya vā vinasseyya vā antaradhāyeyya vā” ti, tam vā nasikkhitukāmo anādariyaṃ karoti, ayaṃ dhamme anādariyaṃ karoti nāma. Tenāha “**tasmā**” tiādi.

Idam na sallekhāya saṃvattatīti sammā kilēse likhatīti **sallekho**, appicchatā, tadattham nayidaṃ saṃvattati. **Ādisaddena** “idam na dhutatthāya saṃvattati, na pāsādikatāya, na apacayāya, na vīriyārambhāya saṃvattatī” ti (pāci. 343) idam saṅghanāti. **Apāññāntenti** sutte vā abhidhamme vā āgatena. **Paveṇiāgatanti** saṅgītikālo paṭṭhāya mahākassapādīacariyaparamparāya āgatam. Sace pana yasmā uccchuraso sattāhakāliko, tassa kasaṭo yāvajīviko, dvinnamēyeva samavāyo ucchuyatthi, tasmā vikāle ucchuyatthim khādītum vaṭṭati guḷaharītakam viyāti evamādikam gārayhācariyuggaḃam gahetvā “evaṃ amhākaṃ ācariyānam uggaho paripucchā” ti bhanāti, āpattiyeva.

Anādariyasikkhāpadavaṇṇanā niṭṭhitā.

5. Bhimsāpanasikkhāpadavaṇṇanā

Rūpādīni bhayānakāni rūpasaddagandharasaphoṭṭhabbāni. **Bhayānakathanti** corakantāravāḷakantārapisācakantārapaṭisaṃyuttakatham.

Bhimsāpanasikkhāpadavaṇṇanā niṭṭhitā.

6. Jotisikkhāpadavaṇṇanā

Agilānoti yassa vinā agginā phāsu hoti, so idha agilāno nāma. **Jotinti** aggim.

Bhaggesūti evamnāmake janapade. **Bhaggānāma** jānapadino rājakumārā, tesam nivāso ekopi janapado rulhisaddena “**bhaggā**”ti vuccati. Tena vuttam “**bhaggesūti** evamnāmake janapade”ti. **Tathā patilātam ukkhipantassāti** dayhamānam alātam patitam ukkhipantassa tathā dukkatanti attho. **Tañcāti** dukkaṭam parāmasati. **Avijjhānti** anibbutālātam. **Padīpajotikajantāghareti** padīpujajanapattapacanasadakammādīsu jotikaraṇe aggisālāyañca samādahantassa anāpattīti attho. **Tathārūpappaccayeti** thapetvā padīpādīni aññasmimpi tathārūpappaccaye. **Āpadāsūti** duṭṭhavālamigaamanussehi upaddavesu.

Jotisikkhāpadavaṇṇanā niṭṭhitā.

7. Nahānasikkhāpadavaṇṇanā

“**Diyaḍḍho māso seso gimhāna**”nti “**vassānassa paṭhamo māso**”iccete aḍḍhateyyamāsā uṇhasamayo, pariḷāhasamayoti gimhānam seso diyaḍḍho māso uṇhasamayo, vassānassa paṭhamo māso pariḷāhasamayoti evam ete aḍḍhateyyamāsā kamena uṇhasamayo, pariḷāhasamayoti nāma hoṭīti attho teneva **padabhājaniyam** “**uṇhasamayo nāma diyaḍḍho māso seso gimhāna**”nti, “**pariḷāhasamayo nāma vassānassa paṭhamo māso**”ti vuttam. Yādā vinā nahānena na phāsu hoti, ayam **gilānasamayo**. **Padabhājaniyam** (pāci. 364) pana gilāne nicchite gilānakālo nicchitova hoṭīti “**yassa vinā nahānena na phāsu hoti, ‘gilānasamayo’ti nahāyitabba**”nti vuttam. **Pariveṇasammajjanamattampīti** antamaso pariveṇasammajjanamattampi.

Vāluḅam ukkiritvāti sukkhāya nadiyā vālikam uttiritvā. **Āvātesupīti** pi-saddena nadiyam vattabbameva natthīti dasseti. **Āpadāsūti** bhamarādīhi anubandhesu.

Nahānasikkhāpadavaṇṇanā niṭṭhitā.

8. Dubbaṇṇakaraṇasikkhāpadavaṇṇanā

Lābhasaddoyam kammāsādhano “**ko bhavatā lābho laddho**”tiādīsu viya, so cettha añṭakālikoti āha “**alabbhīti labho**”ti, laddhanti attho. “**Labho eva lābho**”ti iminā sakatthe ṇapaccayoti dasseti. **Kim alabbhīti** kim laddham. **Navanti** abhinavam. Eṭṭāvata ca navañca tam cīvarañcāti **navacīvaram**, navacīvaram lābho etenāti **navacīvaralābhoti** evamettha samāso daṭṭhabboti. Yādī evam katham “**navam cīvaralābhenā**”ti vuttanti āha “**īti navacīvaralābhenā**”tiādī. Ettha ca “**vikappanupagam pacchima**”nti na vuttatā **cīvaranti** yam nivāsetum vā pārupitum vā sakkā hoti, tadeva veditabbanti āha “**nivāsanapārupanupagam cīvara**”nti. “**Dubbaṇṇakaraṇam ādātābba**”nti etam kappabindum sandhāya vuttam, na nīlādīhi sakalacīvaram dubbaṇṇakaraṇam, tañca pana kappam ādiyantena cīvaram rajitvā catūsu vā konesu, tīsu vā dvīsu vā ekasmim vā koṇe morassa akkhiṃṇalamattam vā maṅgulapīṭṭhimattam vā ādātābanti āha “**tassā**”tiādī. **Kamsanilenāti** cammakāranīlena. **Mahāpaccariyam pana** “**ayomalam lohamalam, etam kamsanīlam nāmā**”ti (pāci. aṭṭha. 368) vuttam. **Pattanīlenāti** yena kenaci nīlavāṇṇena paṇṇarasena. **Kappabindum** ādiyitvāti vaṭṭam ekam kappabindum ādiyitvā.

Pālikappakāṇṇikappādayo pana sabbatthakathāsu paṭisiddhā. Aggaḷādīni kappakatacīvare pana pacchā āropetvā kappakaraṇakiccam natthīti āha “**pacchā āropitesū**”tiādī. **Aggaḷaanuvātaparibhaṇḍesūti** uddharitvā allīyāpanakakhandaṇḍapīṭṭhianuvātakucchianuvātesu. **Kiriyākiriyaṇti** nivāsanapārupanato, kappassa anādānato kiriyākiriyaṇ.

Dubbaṇṇakaraṇasikkhāpadavaṇṇanā niṭṭhitā.

9. Vikappanasikkhāpadavaṇṇanā

Sammukhena vikappanā **sammukhavikappanā**. Parammukhena vikappanā **parammukhavikappanā**. Sannihitāsannihitabhāvanti āsannadūrabhāvam. Āsannadūrabhāvo ca adhiṭṭhāne vuttanayeneva veditabbo.

Mittoti dalhamitto. **Sandīḥhoti** diṭṭhamatto nātidalhamitto. **Akatapaccuddhāranti** “**mayham santakam paribhuñja vā vissajjehi vā**”tiādīnā akatapaccuddhāram. **Yena vinayakammaṃ katanti** yena saddhim vinayakammaṃ katam.

Paribhogena **kāyakammaṃ**, apaccuddhārāpanena **vacīkammanti** āha “**samuṭṭhānādīni paṭhamakathinasadisānevā**”ti. **Kiriyākiriyaṇti** ettha paribhuñjanam **kiriyaṃ**. Apaccuddhārāpanam **akiriyaṃ**.

Vikappanasikkhāpadavaṇṇanā niṭṭhitā.

10. Apanidhānasikkhāpadavaṇṇanā

Adhiṭṭhānupaganti adhiṭṭhānayoḅgam ayopattañceva mattikāpattañca. **Sūkarantakam** nāma kuñcīkākoso viya anto susiram katvā koṭṭitam.

Aññam parikkhāranti pāliya anāgatapattatthavikādim. **Dhammakatham katvāti** “**samañena nāma anihitaparikkhārena bhavitum na vaṭṭati**”ti evam “**dhammakatham kathetvā dassām**”ti nikkhipato anāpatti.

Apanidhānasikkhāpadavaṇṇanā niṭṭhitā.

Surāpānavaggo chaṭṭho.

7. Sappānakavaggo

1. Sañcīcasikkhāpadavaṇṇanā

Pācittiyanti antamaso mañcapīṭṭham soḍhento maṅgulabṭjakepi pānasāññī nikkārūnikatāya tam bhindanto apaneti (pāci. aṭṭha. 382), pācittiyam. Tenāha “**taṃ khuddakampi**”tiādī. **Upakkamamahantatāya akusalam mahantam hoṭīti** bahukkhattum pavattajavanehi laddhasevanāya sannīṭṭhāpakacetanāya vasena payogassa mahantatā akusalam mahantam hoti, mahāsāvajjam hoṭīti adhippāyo.

Sañcīcasikkhāpadavaṇṇanā niṭṭhitā.

2. Sappānakasikkhāpadavaṇṇanā

Ettha ca paṇāpānākanānam patanam ṇatvāpi suddhacittatāya padīpujjalane viya sappānakabhāvam ṇatvāpi udakasaññāya paribhuñjitabbato **paṇṇattivajjati** veditabbā.

Sappānakasikkhāpadavaṇṇanā niṭṭhitā.

3. Ukkoṭanasikkhāpadavaṇṇanā

Tassa tassa bhikkhunoti yena yena vūpasamitam, tassa tassa bhikkhuno. “**Akatam kamma**”ntiādīni vadantoti “**akatam kammaṃ, dukkaṭam kammaṃ, puna kātabbam kammaṃ, anihataṃ dunnihataṃ puna nihanitabba**”nti (pāci. 394) vadanto. **Yathāṭṭhitabhāvena paṭīṭṭhātum na dadeyyāti** tesam pavatti ākāradassanatham vuttam. Tenāha “**yam pana dhammena adhikaraṇam nihataṃ, tam sunihatamevā**”ti.

Ukkotanasikkhāpadavaṇṇanā niṭṭhitā.

4. Duṭṭhullasikkhāpadavaṇṇanā

Cattāri pārājikāni atthuddhārasena padabhājanīyaṃ dassitānti āha “**duṭṭhullanti saṅghādisesaṃ adhippeta**”nti. **Yena kenaci upāyēnāti** “sāmaṃ vā jānāti, aññe vā tassa āroceti, so vā āroceṭi”ti (pāci. 399) vuttesu yena kenaci upāyēna. **Pācittiyaṃ** dhuraṃ nikkhittamatteyyevāti adhippāyo. Sace pacchāpi āroceti, dhuraṃnikkhepane āpattito na muccati. Tenāha “**sacepi**”tiādi. **Samaṇasatampi āpajjatiyevāti** samaṇasatampi sutvā yadi chādeti, pācittiyam āpajjatiyevāti attho. **Yenassa ārocitanti** yena dutiyena assa tatiyassa ārocitaṃ. **Tassevāti** tassa dutiyasseva. **Āroceṭi**ti paṭicchādanatthameva “mā kassaci ārocesi”ti vadati. **Koṭichinnā hotīti** (sārattha. ṭi. pācittiya 3.399) yasmā paṭicchādanapaccayā āpattim āpajjitvāva dutiyena tatiyassa ārocitaṃ, tasmā tappaccayā puna tena āpajjitabbāpattiyā abhāvato āpattiyā koṭi chinnā nāma hoti.

Ādipadeti duṭṭhullāpattisaññi, vematiko, aduṭṭhullāpattisaññi imesu tisu “duṭṭhullāpattisaññi paṭicchādeti”ti (pāci. 400) imasmim paṭhamapade. **Itaresu dvīsūti** “vematiko paṭicchādeti, aduṭṭhullāpattisaññi paṭicchādeti”ti imesu padesu. **Aduṭṭhullāyāti** avasesapañcāpattikkhandhe. **Anupasaṃpannassa duṭṭhulle vā aduṭṭhulle vā ajjhācāreti** anupasaṃpannassa purimapañcāsikkhāpadavīkkamasankhāte duṭṭhulle vā itarasmim aduṭṭhulle vā ajjhācāre. Yaṃ pana **samantapāsādikāyaṃ** “anupasaṃpannassa sukkavisatṭhi ca kāyasamsaggo cāti ayaṃ duṭṭhullaajjhācāro nāma”ti (pāci. aṭṭha. 400) vuttam, taṃ duṭṭhullārocanasikkhāpadatṭhakatthāya (pāci. aṭṭha. 78 ādayo) na sameti, na cāpi evaṃ vattum yujjati “ārocane anupasaṃpannassa duṭṭhullaṃ aññathā adhippetaṃ, paṭicchādane aññathā”ti (sārattha. ṭi. pācittiya 400) visesakāraṇassanupalabbanato, tasmā taṃ upaparikkhitabbaṃ.

Duṭṭhullasikkhāpadavaṇṇanā niṭṭhitā.

5. Ūnavīsativassasikkhāpadavaṇṇanā

Gabbhavīsopi hi “paripuṇṇavīso” tveva saṅkham gacchatīti āha “**paṭisandhiggahaṇato paṭṭhāyā**”tiādi. Tattha **paṭisandhiggahaṇato paṭṭhāyāti** yaṃ mātukucchimim paṭhamam cittaṃ uppannaṃ paṭhamam viññānaṃ pātubhūtaṃ, taṃ ādim katvā. **Soti** yo puggalo ūnavīsativasso upasampādito, so puggalo. **Aññaṃ upasampādetīti** upajjhāyo vā kammavācācāriyo vā hutvā aññaṃ puggalaṃ upasampādeti. **Tanti ūnavīsativassaṃ puggalaṃ. Sīmaṃ vā sammannaṭṭi** naṃ sīmaṃ bandhati.

Ūnavīsativassasikkhāpadavaṇṇanā niṭṭhitā.

6. Theyyasatthasikkhāpadavaṇṇanā

Rājānaṃ vā vañcētvāti rājānaṃ thenetvā rañño santaṃ kiñci gahetvā, “idāni tassa na dassamā”ti **maggappaṭipannā akatakammā ceva katakammā ca corāti** vuttam hoti. Esa nayo **suñkaṃ pariharitukāmāti** etthāpi.

Kālavisaṅketenāti kālassa visaṅketena, divasavisaṅketenāti vuttam hoti. Maggavisaṅketena, pana aṭavivisaṅketena vā gacchato āpattiyeva.

Theyyasatthasikkhāpadavaṇṇanā niṭṭhitā.

7. Saṃvidhānasikkhāpadavaṇṇanā

Mātugāmenāti itthiyā. Ekato upasampannā, pana sikkhamānā, sāmaṇerī cāti imā tissopi idha saṅgahaṃ gacchanti. Imāsaṃ pana tissannaṃ samayo rakkhati. Ayametāsaṃ, mātugāmassa ca visesoti vedittabbaṃ.

Saṃvidhānasikkhāpadavaṇṇanā niṭṭhitā.

8. Ariṭṭhasikkhāpadavaṇṇanā

Tamtamsappattiyā (sārattha. ṭi. pācittiya 3.417) vibandhanavasena sattasantānassa antare vemajjhe eti āgacchatīti **antarāyo**, diṭṭhadhammikāḍānatho, anatikāmanatthena tasmim antarāye niyuttā, antarāyaṃ vā phalaṃ arahanti, antarāyassa vā karanasīlāti **antarāyikā**. Tenāha “**saggamokkhānaṃ antarāyaṃ karontīti antarāyikā**”ti (ma. ni. aṭṭha. 1.234). **Te kammakilesavipākaupavādapaññattivīkkamavasena pañcavidhāti** ettha ca pañcānantariyakammaṃ **kammantarāyikaṃ** nāma, tatthā bhikkhunidūsakammaṃ. Taṃ pana mokkhasseva antarāyaṃ karoti, na saggassa. Niyatamicchādiṭṭhidhammā **kilesantarāyikā** nāma. Paṇḍakatiracchānagataubhatobyañjanakānaṃ paṭisandhidhammā **vipākantarāyikā** nāma. Ariyūpavādā **upavādantarāyikā** nāma. Te pana yāva ariye na khamāpentī, tāvadeva, na tato paraṃ. Sañcicca āpannā āpattiyō **paññattivīkkamantarāyikā** nāma. Tāpi yāva bhikkhubhavaṃ vā paṭijjānāti, na vuṭṭhāti vā na deseti vā, tāvadeva, na tato paraṃ.

Tatrāyaṃ (ma. ni. aṭṭha. 1.234; pāci. aṭṭha. 417) ariṭṭho bhikkhu bahussuto dhammakathiko sesantarāyike jānāti, vinaye pana akovidattā paññattivīkkamantarāyike na jānāti, tasmā rahogato evaṃ cintesi “ime āgārikā pañca kāmaguṇe paribhuñjantī sotāpannāpi sakadāgāminīni anāgāminīni honti, bhikkhūpi manāpikāni cakkhuvīññeyyāni rūpāni passanti... pe... kāyaviññeyye phoṭṭhabbe phusanti, mudukāni attharanāpāvuraṇāḍīni paribhuñjanti, etaṃ sabbaṃ vaṭṭati. Kasmā? Ithirūpā... pe... itthiphoṭṭhabbā eva na vaṭṭanti, etepi vaṭṭanti”ti evaṃ rasena rasaṃ saṃsanditvā sacchandarāgaparibhogañca nicchandarāgaparibhogañca ekaṃ katvā thūlavākehi saddhim atisukhumasuttam ghaṭento viya, sāsapena saddhim sinerum upasaṃharanto viya ca pāpakam diṭṭhigataṃ uppādetvā “kim bhagavatā mahāsamuddam bandhanta viya mahatā ussāhena paṭhamapārājikam paññattaṃ, natthi ettha doso”ti sabbaññutaññānena saddhim paṭivurujjanto bhābapuggalaṇam āsam chindanto jinassa ānacakke pahāramadāsī. Tenāha “**tesū**”tiādi.

Tattha **tesūti** yathāvuttu antarāyesu. **Aṭṭhikaṅkalūpamā kāmāti** ettha **aṭṭhikaṅkalam** (sārattha. ṭi. pācittiya 3.417) nāma uraṭṭhi vā piṭṭhikaṅtakam vā sīsattī vā. Tañhi nimmamsattā “kaṅkala”nti vuccati. Vīgatamāsaṃyā hi aṭṭhisankhalikāya ekaṭṭhimhi vā **kaṅkalasaddo** nirulho, tamsadisā kāmā appassādatthenāti attho. **Ādisaddena** “māmsapesūpamā kāmā, tiṅkūpamā kāmā, āngārakāsūpamā kāmā, supinakupamā kāmā, yācitakupamā kāmā, rukkhaphalūpamā kāmā, asisūnūpamā kāmā, sattsilūpamā kāmā, sappasirūpamā kāmā”ti (ma. ni. 1.234, 236; 2.43-48; pāci. 417; cūlava. 65) etesaṃ gahaṇam.

Tattha **māmsapesūpamā kāmā** (pāci. aṭṭha. 417) bahusādhāraṇatthena. **Tiṅkūpamā kāmā** anudhanaṭṭhena. **Āngārakāsūpamā kāmā** mahābhīṭāpanaṭṭhena. **Supinakupamā kāmā** ittarapaccupatṭhānaṭṭhena. **Yācitakupamā kāmā** tāvakālikatthena. **Rukkhaphalūpamā kāmā** sabbangapaccāṅgapalibhājanatthena. **Asisūnūpamā** adhikuṭṭānaṭṭhena. **Sattsilūpamā** vinivijjanaṭṭhena. **Sappasirūpamā** sāsaṅkasappaṭibhayaṭṭhena.

Tathevāti “mā āyasmā”tiādihi. **Itaresanti** so saṅghamajjham ākaddhitvā yehi “mā āyasmā”tiādinā vutto, tattha tehi aññesaṃ sutānaṃ bhikkhūnaṃ. **Ñatticatutthena kammaṇāti** “suñātu me, bhante, saṅgho, itthannāmassa bhikkhuno evarūpaṃ pāpakam diṭṭhigataṃ uppanna”ntiādinā (pāci. 420) padabhājanīyaṃ vuttana ṇatticatutthena kammaṇa.

Ariṭṭhasikkhāpadavaṇṇanā niṭṭhitā.

9. Ukkhittasambhogasikkhāpadavaṇṇanā

Akatānudhammenāti ukkhipitvā anosāritena. Tenāha “**anudhammo vuccati**”tiādi. Ettha anudhammoti osāraṇā vuccatīti sambandho. Ukkhepanīyakammassānurūpo, pacchā kattabbo vā dhammoti **anudhammo. Anulomavattaṃ disvāti** “na upasampādetabbaṃ, na nissayo dātabbo”tiādikam (cūlava. 70) aṭṭhārasavidham vattaṃ disvā, etesu aṭṭhārasasu anulomavattesu vattantaṃ disvāti adhippāyo. **Āmisasambhogam vā dhammasambhogam vāti** ettha yaṃ kiñci āmisassa dānaṃ, paṭiggahaṇaṇca **āmisasambhogō**. Dhammassa uddisanaṃ, uddisāpanaṇca **dhammasambhogō. Samvaseyyāti** “uposatham vā pavāraṇam vā saṅghakammaṃ vā”ti (pāci. 425) evaṃ padabhājanīyaṃ vuttam tividham samvāsaṃ kareyya. Yasmā panettha uposathapavāraṇāpi saṅghehiyeva kātabbattā **saṅghakammāniyeva** hontī, tasmā “**uposathādikam**

saṅghakammaṃ kareyyā”ti vuttam. **Payoge payogeti** dāne dāne, gahaṇe gahaṇe cāti attho.

Pannattim aṇantena arahatāpi kiriyaḅyākatacittena āpajjitabbattā “**ticitta**”nti vuttam.

Ukkhittasambhogasikkhāpadavaṇṇanā niṭṭhitā.

10. Kaṇṭakasikkhāpadavaṇṇanā

Pireti (sārattha. ṭi. pācittiya 3.428) nipātapadam sambodhane vattamānaṃ parasaddena samānattham vadanṭi āha “**para amāmakā**”ti, amhākaṃ anajjhātikabhūṭāti attho. **Pireti** vā “parato”ti iminā samānattham nipātapadam, tasmā **cara pireti** parato gaccha, mā idha tiṭṭhāti evamettha attho daṭṭhabbo.

Kaṇṭakasikkhāpadavaṇṇanā niṭṭhitā.

Sappānakavaggo sattamo.

8. Sahadhammikavaggo

1. Sahadhammikasikkhāpadavaṇṇanā

Sahadhammikam vuccamānoti sahadhammikenā vuccamāno. Karaṇatthe cetam upayogavacanam. “Pañcahi sahadhammikehi sikkhitabbattā, tesam vā santakattā ‘**sahadhammika**’nti laddhanāmena buddhapaññātena sikkhāpadena vuccamānoti attho”ti (kaṅkhā. aṭṭha. dubbacasikkhāpadavaṇṇanā; pāra. aṭṭha. 2.425-426) dubbacasikkhāpade vuttattā “**sahadhammikam vuccamānoti imassattho dubbacasikkhāpade vutto**”ti vuttam. **Anādariyabhayāti** anādarakarāṇe bhayā, tattha pācittiyaḅhayāti attho. **Lesena evaṃ vadantassāti** ujukaṃ “na sikkhissāmi”ti avatvā “yāva na aññaṃ bhikkhu”ntiādinā lesena vadantassa.

Sahadhammikasikkhāpadavaṇṇanā niṭṭhitā.

2. Vilekhanasikkhāpadavaṇṇanā

Khuddakehi ca anukhuddakehi cāti saṅghādisesādīhi khuddakehi ceva thullaccayādīhi anukhuddakehi ca. Thapetvā hi cattāri pārājikāni avasesāni sabbāni sikkhāpadāni pariyaḅyena khuddakāni ceva honti anukhuddakāni ca. Vuttañhetam **pañcasatikakhandhake** (cūlava. 441) –

“Katamāni pana, bhante, khuddānukhuddakāni sikkhāpadāni? Ekacce therā evamāhamsu – ‘cattāri pārājikāni thapetvā avasesāni khuddānukhuddakāni sikkhāpadāni’ti. Ekacce therā evamāhamsu – ‘cattāri pārājikāni thapetvā terasa saṅghādisese thapetvā avasesāni khuddānukhuddakāni sikkhāpadāni’ti. Ekacce therā evamāhamsu – ‘cattāri pārājikāni thapetvā terasa saṅghādisese thapetvā dve anyate thapetvā avasesāni khuddānukhuddakāni sikkhāpadāni’ti. Ekacce therā evamāhamsu – ‘cattāri pārājikāni thapetvā terasa saṅghādisese thapetvā dve anyate thapetvā timsa nissaggiye pācittiye thapetvā avasesāni khuddānukhuddakāni sikkhāpadāni’ti. Ekacce therā evamāhamsu ‘cattāri pārājikāni thapetvā terasa saṅghādisese thapetvā dve anyate thapetvā timsa nissaggiye pācittiye thapetvā dvenavuttipācittiye thapetvā avasesāni khuddānukhuddakāni sikkhāpadāni’ti. Ekacce therā evamāhamsu ‘cattāri pārājikāni thapetvā terasa saṅghādisese thapetvā dve anyate thapetvā timsa nissaggiye pācittiye thapetvā dvenavuttipācittiye thapetvā cattāro pāṭidesaniye thapetvā avasesāni khuddānukhuddakāni sikkhāpadāni’”ti.

Yaṃ pana nāgasenattherena milindaraññā puṭṭhena vuttam “**dukkatam, mahārāja, khuddakam sikkhāpadam, dubbhāsitaṃ anukhuddaka**”nti (mi. pa. 4.2.1), tattha antimakoṭṭhāsameva gahetvā vuttam. Tam vādapathopacchedanattanti daṭṭhabbam.

Samvattanamariyādaparicchedavacananti samvattanassa mariyādā vadhi **samvattanamariyādā**, tāya niyamavasena yo paricchedo, tassa vacanam **samvattanamariyādaparicchedavacanam**. Idāni tam mariyādāṃ vivaritvā dassetum “**idam vuttam hoti**”tiādi vuttam. Tattha **uddisanṭi** ācariyā attano ruciyaḅ uddisanti. **Uddisapentī** ācariyaṃ yācivā antevāsikā uddisapenti. **Sajjhayanṭi** dhārenti. **Kukkucavippaṭṭisāro**ti kukkucasankhāto vippaṭṭisāro. **Vihesāvicikicchamanovilekhāti** vihesāvicikicchāsankhātā manovilekhā. **Garaṇeti** nindane.

Anupasampannassa vivaṇṇaneti anupasampannassa santike nindato tassa tasmim vimatim uppādetum vinayavivaṇṇane.

Vilekhanasikkhāpadavaṇṇanā niṭṭhitā.

3. Mohanasikkhāpadavaṇṇanā

Tasmim anācāreti tasmim anācāre āciṇṇe. **Mokkho natthīti** tassā āpattiyaḅ mokkho natthī. **Tassa teti** tassa tava. **Alābhāti** ye aññesaṃ pātimokkhe uddissamāne sādhuḅkaṃ aṭṭhim katvā manasikaraṇassa ānisamsasaññitā diṭṭhadhammikasamparāyikā ca lābhā icchitabbā, te sabbe tuyham alābhā eva honti. **Dulladdhanti** puññavisesena laddhampi manussattam dulladdham. **Sādhuḅkanti** suṭṭhu. **Aṭṭhim katvāti** atthikabhāvaṃ katvā, atthiko hutvāti vuttam hoti. **Nāttidutiya kammenāti** “suṇātu me, bhante, saṅho”tiādinā (pāci. 446) padabhājanīyaṃ vuttana mohāropanakena nāttidutiya kammena.

Adhammakammeti ettha mohāropanakammaṃ adhippetam.

Mohanasikkhāpadavaṇṇanā niṭṭhitā.

4. Pahārasikkhāpadavaṇṇanā

Pahāraṃ dadeyyāti antamaso uppalapattam upādāya kāyakāyappaṭṭibaddhanissaggiyaṃ aññatarena pahāraṃ dadeyya. Evaṃ pana pahāre dinne hattho vā bhijjatu, pādo vā sīsam vā, maratu vā, pācittiyaḅeva. Tenāha “**paharītukāmatāya**”tiādi.

Anupasampanneti gahaṭṭhe vā pabbajite vā itthiyaḅ vā purise vā antamaso tiracchānagatepi. Sace pana rattacitto itthim paharati, saṅghādiseso. **Kenaci viheṭhiyamānassāti** manussena vā tiracchānagatena vā viheṭhiyamānassa. **Mokkhādhippāyassāti** tato attano mokkham patthayamānassa. Sacepi antarāmagge (pāci. aṭṭha. 453) coram vā paccatthikam vā viheṭhetukāmaṃ disvā “upāsaka, ettheva tiṭṭha, mā āgamitthā”ti vatvā vacanam anādiyitvā āgacchantam “gaccha re”ti muggarena vā satthakena vā paharitvā yāti, so ce tena pahārena marati, anāpattiyeva. Vālamigesupī eseva nayo.

Pahārasikkhāpadavaṇṇanā niṭṭhitā.

5. Talasattikasikkhāpadavaṇṇanā

Talasattikanti talameva talasattikam. “Pothanasamatthathena sattika”nti (vajira. ṭi. pācittiya 456) eke. **Uccāreyyāti** ukkhipeyya. **Napaharītukāmatāya dinnattā dukkaṇṭanti** ettha paharītukāmatāya paharite purimasikkhāpadena pācittiyam. Uccāretukāmatāya kevalam uggiṇaṃmatte kate iminā pācittiyam. Iminā pana virajjitvā pahāro dinno, tasmā dukkaṇṭam. Ettha pana “tiracchānagatādīnaṃ asucikaraṇādīni disvā kujjitvāpi uggiṇantassa mokkhādhippāyoyevā”ti (sārattha. ṭi. pācittiya 3.471) vadanti.

Talasattikasikkhāpadavaṇṇanā niṭṭhitā.

6. Amūlakasikkhāpadavaṇṇanā

Chaṭṭhasikkhāpadam uttānameva.

Amūlakasikkhāpadavaṇṇanā niṭṭhitā.

7. Sañciccaṣikkhāpadavaṇṇanā

Kukkucceṃ uppādentassāti (vajira. 11. pācittiya 468) saṃsayaṃ janentassa. Paro kukkucceṃ uppādetu vā, mā vā, tam appamānaṃ. **Maññeti** takkayāmi. **Ādisaddena** “vikāle maññe tayā bhuttam, majjāmaññe tayā pītam, mātugāmena saddhīmaṃ raho maññe tayā nisinnaṃ” ntiādīnaṃ (pāci. 466) gahaṇaṃ. **Anupasampanneti** sāmaṇere.

Sañciccaṣikkhāpadavaṇṇanā niṭṭhitā.

8. Upassutisikkhāpadavaṇṇanā

Suyyatiṭṭi **suti**, saddo, sutiyaṃ samīpaṃ **upassutti** āha “**sutisamīpa**”nti, saddasamīpanti attho. Yattha pana thitena sakkā hoti saddaṃ sotum, tattha tiṭṭhanto saddasamīpe tiṭṭhati nāmāti āha “**yattha thātva**”tiādi. Atha vā upecca suyayati etthāti **upassuti**, thānaṃ, yaṃ thānaṃ upagatena sakkā hoti kathentānaṃ saddaṃ sotum, tatthāti evampetha attho daṭṭhabbo. **Turitagamaneṭi** pacchato gacchantassa purato gacchantānaṃ saddasavanattham sīghagamanepi. **Ohīyamāneṭi** purato gacchantassa pacchato gacchantānaṃ vacanasavanattham ohīyamānepi.

Vūpasamissāmīti upasamaṃ gamissāmi, kalahāṃ na karissāmi. **Attānaṃ parimocessāmīti** mama akārahābhāvaṃ kathetvā attānaṃ parimocessāmi. **Siyā kiriyanti** kadāci sotukāmatāya gamanavasena samuṭṭhānato siyā kiriyāṃ. **Siyā akiriyanti** kadāci thitāṭṭhānaṃ āgantvā mantayamānānaṃ ajānāpanavasena samuṭṭhānato siyā akiriyāṃ.

Upassutisikkhāpadavaṇṇanā niṭṭhitā.

9. Kammappaṭibhānasikkhāpadavaṇṇanā

Dhammikānanti dhammena vināyena satthūsāsanena katattā dhammo etesu atthūti **dhammikāni**, tesam dhammikānaṃ. **Kammānanti** catunnaṃ saṅghakammānaṃ. Tenāha “**dhammena**”tiādi. Tattha **dhammenāti** bhūtena vatthunā. **Vināyenaṭi** codanāya ceva sāraṇāya ca. **Satthūsāsanenaṭi** ṇattisampadāya ceva anussavanāsampadāya ca. **Samaggassa saṅghassaṭi** sīmatthakasāṅghaṃ sodhetvā chandārahānaṃ chandaṃ āharitvā kattabbattā kāyena ceva cittaṃ ca ekābhūtassa saṅghassa. **Taṃ taṃ vatthunti** avaññabhaṇṇādiṃ taṃ taṃ vatthu.

Osārenti saṅghamaṃjhaṃ etenāti **osāraṇaṃ**. Nissārenti saṅghamaṃ etenāti **nissāraṇaṃ**. **Bhaṇḍukammaṃ** muṇḍakaraṇaṃ, kesacchedanāpucchanaṃ attho. Kammameva lakkhaṇaṃ **kammalakkhaṇaṃ**. Osāraṇādayo viya kammaṇca hutvā aññaṇca nāmaṃ na labhati, kammameva hutvā lakkhiyatiṭṭi kammalakkhaṇaṃ attho. “Osāraṇaṃ nissāraṇaṃ”nti (pari. atṭha. 495-496) cettha padasiliṭṭhatāyetaṃ vuttam. Paṭhamam pana nissāraṇā hoti, pacchā osāraṇāti āha “**tattha kaṇṭakasāmaṇerassa**”tiādi. **Kaṇṭakasāmaṇerassa nāsanā viya nissāraṇāti** yathā kaṇṭakasāmaṇerassa daṇḍakammaṇāsānā nissāraṇā, tathā buddhassa vā dhammassa vā saṅghassa vā avaññaṃ bhaṇato, akappiyaṃ “kappiya”nti dīpayato, micchādīṭṭhikassa antaggāhikāya dīṭṭhiyā samannāgatassa aññassāpi sāmaṇerassa –

“Saṅghaṃ, bhante, pucchāmi ‘ayaṃ itthannāmo sāmaṇero buddhassa vā dhammassa vā saṅghassa vā avaññavādī micchādīṭṭhiko, yaṃ aññe sāmaṇerā labhanti dirattatirattam bhikkhūhi saddhīṃ sahaseyyaṃ, tassa alābhāya nissāraṇā ruccati saṅghassa’ti. Dutiyampi...pe... tatiyampi, bhante, saṅghaṃ pucchāmi ‘ayaṃ itthannāmo sāmaṇero...pe... ruccati saṅghassa’ti, cara pīre vinassā’ti (pari. atṭha. 495-496) –

Kattabbānāsānā nissāraṇāti attho. **Tādisamīyeva sammāvattantaṃ disvā pavesanā osāraṇāti** tādisamīyeva aparena samayena “ahaṃ, bhante, bālatāya aññānatāya alakkhikatāya evaṃ akāsiṃ, svāhaṃ saṅghaṃ khamāpemi”ti khamāpentaṃ disvā yāvattiyāṃ yācāpetvā –

“Saṅghaṃ, bhante, pucchāmi ‘ayaṃ itthannāmo sāmaṇero buddhassa vā dhammassa vā saṅghassa vā avaññavādī micchādīṭṭhiko, yaṃ aññe sāmaṇerā labhanti bhikkhūhi saddhīṃ dirattatirattam sahaseyyaṃ, tassa alābhāya nissāritto, svāyaṃ idāni sorato nivātavutti lajjidhammaṃ okkanto hirottappe patiṭṭhito katadaṇḍakamma accayaṃ deseti, imassa sāmaṇerassa yathā pure kāyasambhogasāmaggīdānaṃ ruccati saṅghassa’ti. Dutiyampi...pe... tatiyampi, bhante, saṅghaṃ pucchāmi...pe... ruccati saṅghassa’ti (pari. atṭha. 495-496) –

Pavesanā osāraṇāti attho.

Kesacchedanāpucchanaṃ sīmāpariyāpanne bhikkhū sannipāṭāpetvā pabbajjāpekkhaṃ tattha netvā “saṅghaṃ, bhante, imassa dāraṇassa bhaṇḍukammaṃ āpucchāmi”ti tikkhattuṃ vā dvikkhattuṃ vā sakim vā vacanaṃ. Idha ca “imassa dāraṇassa bhaṇḍukammaṃ āpucchāmi”tipi “imassa samaṇakaraṇaṃ āpucchāmi”tipi “imassa pabbajānaṃ āpucchāmi”tipi “ayaṃ samaṇo hotukāmo”tipi “ayaṃ pabbajitukāmo”tipi vattuṃ vaṭṭatiyeva.

Mukharassāti mukhena kharassa. Yaṃ avandiyakammaṃ anuññānti sambandho. **Ūruṃ vivarivā dāsanādivatthūsūti** –

“Tena kho pana samayena chabbaggiyā bhikkhū bhikkhuniyo kaddamodakena osiṃcanti ‘appeva nāma amhesu sārajeyyu’nti, kāyaṃ vivarivā bhikkhunīnaṃ dassenti, ūruṃ vivarivā bhikkhunīnaṃ dassenti, āngajātaṃ vivarivā bhikkhunīnaṃ dassenti, bhikkhuniyo obhāsenti, bhikkhuniyo saddhīṃ sampayojenti ‘appeva nāma amhesu sārajeyyu’nti (cūlava. 411) –

Imesu vatthūsū.

Acchinnacivarakādīnanti acchinnacivarajīnacivaranaṭṭhacivaragīlanābahussutasāṅghabhāranittharakādīnaṃ. **Civarādīnanti** cīvarabhesajjasenāsanādīni. **Paribhūñjītabbāni** paribhūñjītabbāni mūlatacapattaṅkurapuppaphalādīni. **Apānetabbāni** vatthūnanti āvāsakaraṇādīnaṃ haritabbāni pi chāyūpagaphalūpagarukkhādīni. **Tathārūpaṃ vā dhammikaṃ katikaṃ karonteṭi** cīvarapīṇḍapātthāya dinnato āvāsajjaggaṇādikam tādisam vā aññampi dhammikaṃ katikaṃ karonteṭi.

Neva suttaṃ āgacchati na mātikā āgacchati. **No suttavibhaṅgoti** vināyopi na paṇo. **Byañjanaṇāyā atthaṃ paṭibhāṭi** (cūlava. atṭha. 233) byañjanamattameva gahetvā atthaṃ paṭisedheti. Jātarūparajatakhetvatthuppaṭiggahaṇādisu vināyadharehi bhikkhūhi āpattiyā kāriyamāne disvā “kim ime āpattiyā kāretha, nanu jātarūparajatapattiggaṇāṇā paṭivirato hoti”ti (dī. ni. 1.10, 194) evam sutte paṭivirattimattameva vuttam, natthi ettha āpatti”ti vadati. Aparo dhammakathiko suttassa āgatattā olambetvā nivāsentaṇāṃ āpattiyā āropiyamānāya “kim imesaṃ āpattim āropetha, nanu ‘parimaṇḍalam nivāsessāmīti sikkhā karaṇiyā’ti (pāci. 576) evam sikkhākaraṇamattameva vuttam, natthi ettha āpatti”ti vadati. **Ubbāhika vinicchayeti** samathakkhandhake vuttaubbāhikavinicchaye “silavā hoti”tiādikāya hi dasaṅgasampattiyā samannāgate dve tayo bhikkhū uccinivā vinicchayo **ubbāhikavinicchayoti** daṭṭhabbo.

Pavāraṇappaccukkaḍḍhanāti pavāraṇāya ukkassanā, uddham kaḍḍhanāti attho. **Tiṇavatthārakasamathe sabbasaṅgāhikaṇṭi cāti** “sunātu me, bhante, saṅgho, amhākaṃ bhaṇḍanajātānaṃ...pe... thāpetvā gihippaṭisamyutta”nti (cūlava. 212-213) evam tiṇavatthārakasamathe katā sabbapaṭhamā **sabbasaṅgāhikaṇṭi** ca.

Alābhāya parisakkaṇādikeṭi catunnaṃ paccayānaṃ alābhatthāya payogakaraṇādikehi. **Ādisaddena** “anattāya parisakkaṇaṃ, anāvāsāya parisakkaṇaṃ, akkosanaparibhāsaṇaṃ, bhikkhū bhikkhūhi bhedanāṃ, buddhassa avaññabhaṇaṇaṃ, dhammassa avaññabhaṇaṇaṃ, saṅghassa avaññabhaṇaṇaṃ”nti (cūlava. 265) avasesam sattaṅgaṃ saṅganāṭi. **Aṭṭhahaṅgehi samannāgatassāti** aṭṭhahi ceva aṅgehi ekenenapi āngena ca samannāgatassa. **Asambhogakaraṇatthanti** tena dinnassa deyyadhammassa appaṭiggahaṇattham. **Pattanikkujjanavasenaṭi** kammavācāya pattanikkujjanavasena, na adhomukhaṭṭhapanavasena. **Pattukkujjanavasenaṭi** etthāpi eseva nayo. **Tassevāti** yo pattanikkujjanavasena katanissāraṇo, tasseva upāsakassa. **Sammāvattantassāti** yena samannāgatassa pattukkujjanam, tena samannāgatassa. **Sāti** yathāvuttā nissāraṇā, osāraṇā ca.

Sūciyādiappamattakam tamtadattikhānam vissajjeti deṭṭi **appamattakavissajjako**. **Sāviyaggāhāpakoti** vassikasāviyaggāhāpako. Kammaṃ karonte āramike pesanathāya dātabbā sammuti **āramikapesakasammuti**. Esa nayo **sāmaṇerapesakasammuti** etthāpi.

Tajjanīyakammādinam sattannanti tajjanīyam, nīyasam, pabbajānīyam, paṭisāraṇīyam, tividhaṇca ukkhepanīyanti tajjanīyādinam sattannaṃ. **Aṭṭhayāvatiyakāti** bhikkhūnam vasena cattāro, bhikkhūnīnam vasena cattāroti aṭṭha saṅghādisesā.

Ñattikammādivasenāti ñattikammañāttidutiyakammañātticatutthakammavasena. “Kariyamānam dalhatarāṃ hoti, tasmā kātabbā”nti ekacce vadanti. Evaṃ pana sati kammaṃsaṅkaro hoti, tasmā na kātabbanti paṭikkhittameva. Sace pana akkharaparihināṃ vā padaparihināṃ vā duruttapadaṃ vā hoti, tassa sodhanattham punappunam vattum vaṭṭati. Idam akuppakammaṃ dalhikammaṃ hoti, kuppakamme kammaṃ hutvā tiṭṭhati. **Sakalakkhaṇevēvāti** ñattiṇca catasso ca kammavācāyo sāvetvāva. **Na sesakammavasenāti** apalokanakammādinā avasesakammavasena na kātabbāṃ.

Kammappatibāhanasikkhāpadavaṇṇanā niṭṭhitā.

10. Chandamadatvāgamanasikkhāpadavaṇṇanā

Ārocitam vatthu avinicchitanti ārocitavatthu āpatikabhāvena na vinicchitam. Ettha ca codakena ca cuditakena ca attano kathā kathitā, anuvijjako sammato, eṭṭavāta vatthumeva ārocitam hotti dāṭṭhabbam. **Chandam adatvā uṭṭhāyasānā pakkameyyāti** “katham idam kammaṃ kuppam assa, vaggam assa, na kareyyā”ti (pāci. 481) iminā adhippāyena chandam adatvā nisinnāsanaṃ uṭṭhāya gaccheyya. Tenāha “yo bhikkhū”tiādi. **Kiriyaṃkiriyaṃti** ettha gamanaṃ **kiriyaṃ**, chandassa adānaṃ **akiriyaṃ**.

Chandamadatvāgamanasikkhāpadavaṇṇanā niṭṭhitā.

11. Dubbalasikkhāpadavaṇṇanā

Yathāsānathutanti yathāmittam. Tenāha “yo yo”ti ādi. Tattha **mittasanditṭhasambhattavasenāti** mittasanditṭhasambhattānaṃ vasena. Tattha **mittā** mittāva. **Sanditṭha** tattha tattha saṅgama dīṭṭhamattā nātidalhamittā. **Sambhattā** sutṭhu bhattā sinehavanto dalhamittāti dāṭṭhabbā.

Pañca garubhaṇḍānti rāsivasena pañca garubhaṇḍāni, sarūpavasena panetāni bahūni honti. Tenāha “rāsivasena pañca garubhaṇḍāni vuttāni”ti. **Ārāmo** (cūlava. aṭṭha. 321; vi. saṅga. aṭṭha. 227) nāma pupphārāmo vā phalārāmo vā. **Ārāmavattu** nāma tesamyeva ārāmānaṃ atthāya paricchindivā thapitokāso, tesu vā ārāmesu vinatṭhesu tesam porānakabhūmibhāgo. **Vihāro** nāma yaṃ kiñci pāsādādisenānaṃ. **Vihāravatthu** nāma tassa paṭiṭṭhānokāso. **Mañico** nāma masārako bundikābaddho, kulīrapādako, āhaccapādako imesaṃ pubbe vuttānaṃ catunnaṃ mañicānaṃ aññataro. **Piṭṭhaṃ** nāma masārakādināmyeva catunnaṃ piṭṭhānaṃ aññatarāṃ. **Bhisi** nāma unṇabhisiādināṃ pañcannaṃ bhisiṇaṃ aññatarā. **Bibbohanaṃ** nāma rukkhatalatūlatūlopaṭakūtūlānaṃ aññatarāna puṇṇaṃ. **Lohakumbhī** nāma kālaloḥena vā tambaloḥena vā yena kenaci loḥena katā kumbhī. **Lohabhāṅgākādisupi** eseva nayo. Ettha pana **bhāṅgānti** araṅjaro vuccati. **Vārakoti** ghaṭo. **Kaṭāhaṃ** kaṭāhaṃeva. **Vāsīdisu**, **vallīdisu** ca duviñṇeyyaṃ nāma natthi. Evaṃ –

Dvisaṅghāni dve honti, tatiyaṃ catusaṅgham;
Catuttham navakoṭṭhāsam, pañcamam aṭṭhabhedanam.

Iti pañcahi rāsīhi, pañcanimmalalocano;
Pañcavīsavidham nātho, garubhaṇḍam pakāsaya. (cūlava. aṭṭha. 321; vi. saṅga. aṭṭha. 227);

Vissajjetum vā vibhajitum vā na vaṭṭatīti mūlacchejjasena vissajjetum vā vibhajitum vā na vaṭṭanti. Parivattanavasena pana vissajjantassa, vibhajantassa ca anāpatti. Tenāha “**thāvarena**”tiādi. Tattha **thāvarena thāvaranti** āramaāramavathuvihāravihāravatthunā āramaṃ āramavatthum viḥāraṃ viḥāravatthum. **Itarenāti** athāvarena, pacchimarāsittayenāti vuttam hoti. **Ākappiyenāti** suvaṇṇamayamañcādinā ceva ākappiyabhisibibbohanēhi ca. **Mahagghakappiyenāti** dantamayamañcādinā ceva pavārādinā ca. **Itaranti** athāvaraṃ. **Kappiyaparivattanena parivattētunti** yathā ākappiyaṃ na hoti, evaṃ parivattētum.

Tatrāyaṃ parivattanāno (cūlava. aṭṭha. 321; vi. saṅga. aṭṭha. 228) – saṅghassa nālikerārāmo dūre hoti, kappiyakārakāva bahutarāṃ khādanti, yampi na khādanti, tato sakatavetanāṃ datvā appameva āharanti. Aññesaṃ pana tassārāmaṃ avidūre gāmvāsīnaṃ manussānaṃ viḥāraṃ samīpe ārāmo hoti, te saṅgham upasaṅkamitvā sakena ārāmena taṃ āramaṃ yācanti, saṅghena “ruccati saṅghassa”ti apaloketvā sampaticchitabbo. Sacepi bhikkhūnaṃ rukkhahasassaṃ hoti, manussānaṃ pañcasatāni, “tumahākam ārāmo khuddako”ti na vattabbaṃ. Kiñcāpi ayaṃ khuddako, atha kho itarato bahutarāṃ ayaṃ deti. Sacepi samakameva deti, evampi icchitichitakkhaṇe paribhuñjitum sakkāti gahetabbameva. Sace pana manussānaṃ bahutarā rukkhā honti, “nanu tumhākam bahutarā rukkhā”ti vattabbaṃ. Sace “atirekam amhākam puñnam hotu, saṅghassa demā”ti vadanti, jānāpetvā sampaticchitum vaṭṭati. Bhikkhūnaṃ rukkhā phaladhāriṇo, manussānaṃ rukkhā na tāva phalaṃ gaṇhanti. Kiñcāpi na gaṇhanti, na cirena gaṇhissanti sampaticchitabbameva. Manussānaṃ rukkhā phaladhāriṇo, bhikkhūnaṃ rukkhā na tāva phalaṃ gaṇhanti, “nanu tumhākam rukkhā phaladhāriṇo”ti vattabbaṃ. Sace “gaṇhatha, bhante, amhākam puñnam bhavissati”ti deti, jānāpetvā sampaticchitum vaṭṭati. Evaṃ ārāmena ārāmo parivattētabbo, eteneva nayena āramavathupi viḥāropi viḥāravatthupi ārāmena parivattētabbaṃ. Āramavathunā ca mahantena vā khuddakena vā āramaṃ āramavatthum viḥāraṃ viḥāravatthuntī.

Katham viḥārena (cūlava. aṭṭha. 321; vi. saṅga. aṭṭha. 228) viḥāro parivattētabbo? Saṅghassa antogāme geḥam hoti, manussānaṃ viḥāramajjhe pāsādo, ubhopi agghena samakā. Sace manussā tena pāsādena taṃ geḥam yācanti, sampaticchitum vaṭṭati. Bhikkhūnaṃ ce mahagghatarāṃ geḥam hoti, “mahagghatarāṃ amhākam geḥa”nti vutte “kiñcāpi mahagghatarāṃ pabbajitānaṃ asāruppam, na sakkā tattha pabbajitehi vasitum, idam pana sārūppam, gaṇhathā”ti vadanti, evampi sampaticchitum vaṭṭati. Sace pana manussānaṃ mahaggham hoti “nanu tumhākam geḥam mahaggha”nti vattabbaṃ. “Hotu, bhante, amhākam puñnam bhavissati, gaṇhathā”ti vutte pana sampaticchitum vaṭṭati. Evaṃ viḥārena viḥāro parivattētabbo. Eteneva nayena viḥāravatthupi āramopi āramavathupi viḥārena parivattētabbaṃ. Viḥāravatthunā ca mahagghena vā appagghena vā viḥāraṃ viḥāravatthum āramaṃ āramavatthum. Evaṃ tāva **thāvarena thāvaraparivattanāṃ** veditabbaṃ.

Itarena itaraparivattane pana mañcapīṭṭhaṃ mahantaṃ vā hotu, khuddakam vā (cūlava. aṭṭha. 321; vi. saṅga. aṭṭha. 228), antamaso caturāṅgulapādakam gāmadārakehi paṃsvāgārakesu kīlantehi katampi saṅghassa dinnakālo paṭṭhāya garubhaṇḍam hoti. Sacepi rājā vā rājamaḥamattādayo vā ekappahāreṇeva mañcasatam vā mañcasahasam vā deti, sabbe kappiyamañcā sampaticchitabbā, sampaticchitvā vuḍḍhappaṭipāṭiyā “saṅghikaparibhogena paribhuñjathā”ti dātabbā, na puggalikaparibhogena dātabbā. Atirekamañce bhaṇḍāgārādisu pañāpetvā pattacīvaraṃ nikkhipitvā paribhuñjitumpi vaṭṭati. Bahisīmāya “saṅghassa demā”ti dinnamañco saṅghattherassa vasaṇatṭhāne dātabbo. Tattha ce bahū mañcā honti, mañcena kammaṃ natthi. Yassa vasaṇatṭhāne kammaṃ atthi, tattha “saṅghikaparibhogena paribhuñjathā”ti dātabbo, na puggalikaparibhogena. Mahagghena satagghanakena vā saḥassagghanakena vā mañcena aññam mañcasatam labhati, parivattētva gahetabbam. Na kevalam mañcena mañcoveva, āramaāramavathuvihāravihāravatthupīṭṭhabhisibibbohanānīpi parivattētum vaṭṭati. Eseva nayo **pīṭṭhabhisibibbohanesupi**. **Varasenānādinam samrakkhaṇatthanti** sace dubbhikkham hoti, bhikkhū piṇḍapātena na yāpenti, ettha rājorogacorabhāyāni, aññattha gacchantānaṃ viḥārā palujjanti, tālanālikerādike viṇāsenti, senāsanaṃpacayaṃ sandhāya yāpetum sakkā hoti, evarūpe kāle varasenānādinam samrakkhaṇattham. **Lāmakāni vissajjetunti** lāmakam lāmakam mañcasatam vissajjetum, lāmakakotiṭṭhā vissajjetunti adhippāyo. **Vissajjetvā paribhuñjitum vaṭṭatīti** vissajjetvā tato laddhayāgubhattacīvarādīni paribhuñjitum vaṭṭati. **Kājalohatambalohakamsalohavaṭṭalohānanti** ettha **kamsaloham**, **vaṭṭalohāṇca** kittimaloham. Tiṇi hi kittimalohāni kamsaloham, vaṭṭaloham, ārakūṭanti. Tattha tīputambe missetvā katam **kamsaloham**, sītatambe missetvā katam **vaṭṭaloham**, rasakatambe missetvā katam **ārakūṭam**. Tena vuttam “kamsaloham, vaṭṭalohāṇca kittimaloha”nti. **Tato atirekanti** tato atirekagghanako.

Sarakoti majjhe maḷukaṃ dassetvā mukhavaṭṭivithatam katvā piṭṭhito nāmetvā kātabbam ekam bhājanam. “Sarāva”ntipi vadanti. **Ādisaddena** kañcanakādinam gihiupakaranānaṃ gahaṇam. Tāni hi khuddakānīpi garubhaṇḍāneva gihiupakaranāntīti. **Pi**-saddena pageva mahantāntī dasseti. Imāni pana bhājanīyāni bhikkhūpakaraṇatṭī adhippāyo. Yathā ca eṭāni, evam kuṇḍikāpi bhājanīyā. Vakkhati hi “yathā ca mattikābhaṇḍe, evam lohabhaṇḍepi kuṇḍikā bhājanīyakoṭṭhāsameva bhajati”ti (kankhā. aṭṭha. dubbhalasikkhāpadavaṇṇanā). **Saṅghikaparibhogēnti** āgantukānaṃ vuḍḍhatarānaṃ datvā paribhogena. **Gihiṇikaṭṭī** gihiṇi vikatā paññatā, attano vā santakakaraṇena virūpaṃ katā. **Puggalikaparibhogena na vaṭṭatīti** āgantukānaṃ adatvā attano santakam viya gahetvā pariharitvā paribhuñjitum na vaṭṭati. **Piphalikoti** kattari. **Ārakaṇṭakam** sūcivedhakam. **Tālam** yantam. **Kattarayatṭhivedhako** kattarayatṭhivalayaṃ. **Yathā tathā ghanakatam lohanti** lohavaṭṭi lohaguḷo lohapiṇḍi lohacakkalikanti evam ghanakatam loham. **Khīrapāsānamayānti** mudukakhīrapāsānāmayāni.

Gihiṇikaṭṭīnīpi na vaṭṭanti anāmāsattā. **Pi**-saddena pageva saṅghikaparibhogena vā puggalikaparibhogena vāti dasseti. Senāsanaparibhogō pana sabbakappiyo. Tasmā jātarūpādīmayā sabbepi senāsanaparikkhārā āmāsā. Tenāha “**senāsanaparibhoge panā**”tiādi.

Sesāti tato mahattarī vāsi. **Yā panāti** yā kudārī pana. **Kudālo** antamaso caturaṅgulamattopi garubhaṅḍameva. **Nikhādanam** caturassamukham vā hotu, donimukham vā vankam vā ujukam vā, antamaso sammunjanidaṅḍakavedhanampi daṅḍabandham ce, garubhaṅḍameva. Tenāha “**kudālo daṅḍabandhanikhādanam vā agarubhaṅḍam nāma natthi**”ti. **Sipāṭikā** nāma khurakoso. Sikharam pana daṅḍabandhanikhādanam anulomettī āha “**sikharampi nikhādaneneva saṅghaḥita**”nti. Sace tampi pana adaṅḍakam phalamattam, bhājanīyam. **Upakkhareti** vāsiādibhaṅḍāni.

Pattabandhako nāma pattassa ganthikādikārako. “Paṭimāsuvaṇṇāpittakārako”ti pi vadanti. Tipucchedanakasattham, suvaṇṇacchedanakasattham, kataparikkammamacchindanakakhuddakasatthanti imāni cettha tīṇi pippalikaṃ anulomettī āha “**ayam pana viseso**”tiādi. **Itarānti** mahākattariādīni.

Aḍḍhabāhuppamāṇāti (sāratta. fī. cūlavagga 3.321) kapparato paṭṭhāya yāva aṃsakūṭappamāṇā, vidatthacaturāṅgulappamāṇāti vuttam hoti. **Tatthajātakāti** saṅghikabhūmiyam jāta. Ārakkhasamvidhānena rakkhittā rakkhittā ca sā mañjūsāsīsu pakkhittam viya yathā tam na nassati, evam gopano gopitā cāti **rakkhitagopitā**. Tatthajātakāpi pana arakkhitā garubhaṅḍameva na hoti. “**Saṅghakamme ca cetiyakamme ca kate**”ti iminā saṅghasantakena cetiyasantakam rakkhittam, parivattitūca vaṭṭattī dīpeti. **Suttam panāti** vaṭṭitaṅḍa vavaṭṭitaṅḍa suttam.

Aṭṭhaṅgulasūcidanḍamattoti antamaso dīghaso aṭṭhaṅgulamatto, pariṇāhato sīhalapaṇṇasūcidanḍamatto. **Etthāti** velubhaṅḍe. Daḍḍham geham yesam teti **daḍḍhagehā**. **Na vāretabbāti** “mā ganhitvā gacchathā”ti na nisedhetabbā. Desantaragatena sampattavihāre saṅghikāvāse ṭhapetabbā.

Avasesaṅca chadanatiṇanti muñjapabbajehi avasesam yam kiñci chadanatiṇam. Yattha pana tiṇam natthi, tattha paṇṇehi chāḍenti (cūlava. aṭṭha. 321). Tasmā paṇṇampi tineneva saṅghitanti āha “**chadanatiṇasaṅkhepagatesū**”tiādi. **Aṭṭhaṅgulappamāṇopīti** vitthārato aṭṭhaṅgulappamāṇo. Likhitaṭṭhako pana garubhaṅḍam na hoti.

Velumhi vuttappamāṇoti “aṭṭhaṅgulasūcidanḍakamattopi”ti velubhaṅḍe vuttappamāṇo. **Saṅghassa dinno vāti** dārudullabhaṭṭhāne saṅghassa dinno vā. Kurundiyaṃ vuttakkamena dārubhaṅḍavinicchayaṃ vatvā idāni mahāaṭṭhakathāyaṃ vuttakkamena vuttam “**apicā**”tiādimāha. **Āsandikādīnīti** ettha **āsandikoti** caturassapīṭham vuccati. “Uccakampi āsandika”nti vacanato ekatobhāgena dīghapīṭhameva hi aṭṭhaṅgulapādakam vaṭṭati. Caturassāndiko pana pamāṇāṭikkantopi vaṭṭatīti veditabbo. **Ādisaddena** “sattaṅgo, bhaddapīṭhakam, elakapādakapīṭham, āmalakavaṭṭakapīṭham, phalakam, koccham, palālapīṭhaka”nti (cūlava. aṭṭha. 321) ime saṅghantīti veditabbam. Tenāha “**antamaso**”tiādi. **Paṇṇehi vāti** kadalipaṇṇādīhi vā. Byagghacammaṇaddhampi vālarūparikkhittam ratanaparissibbitam kocchakam garubhaṅḍameva.

Ghaṭṭanaphalakam nāma yattha ṭhapetvā rajitacīvaram hatthena ghaṭṭenti. **Ghaṭṭanamuggaro** nāma anuvātādīghaṭṭanakoti vadanti. **Daṅḍamuggaro** nāma yena rajitacīvaram pothenti. **Ambaṇanti** phalakehi pokkharāṇi viya katam pāṇiyabhājanam. **Rajanadoṇṭi** pakkarajanam ākiritvā ṭhapanabhājanam.

Ākappiyacammanti sīhādīnam cammam. “**Bhūmattharaṇam kātuṃ vaṭṭati**”ti idaṃ ākappiyacammam sandhāya vuttam. “**Paccattharaṇagatika**”nti iminā mañcapīṭhepi attharittam vaṭṭatīti dīpeti. Pāvārādīpaccattharaṇampi garubhaṅḍanti eke. Noti apare. Vīmaṃsitvā gahetabbam. **Kappiyacammānti** migādīnam cammāni.

Sabbam cakkayuttayānanti rathasakaṭṭādikam sabbacakkayuttayānam. Visaṅkharitacakkam pana yānam bhājanīyam. **Anuñātāvāsi** nāma yā sipāṭikāya pakkhipitvā pariharittam sakkāti vuttā. **Muṭṭhipaṇṇanti** tālapattam. Tañhi muṭṭhinā gahetvā pariharantīti “muṭṭhipaṇṇa”nti vuccati. **Muṭṭhipaṇṇanti** chattaḍḍhadanapaṇṇamevāti keci. **Āraṇisahitanti** araṇiyugaḷam, uttarāraṇi, adharāraṇi araṇidvayanti attho.

Phātikammam katvāti antamaso taṃagghanakavālikāyapi thāvaram vadḍhikammam katvā. Phātikammam akatvā ganhanena tattheva valaṅḍetabbo. Gamanakāle saṅghike āvāse ṭhapetvā gantabbam. Asatiyā gahetvā gatena paṇṇitvā dātabbo. Desantaragatena sampattavihāre saṅghikāvāse ṭhapetabbo. **Etthāti** mattikābhaṅḍe. **Kuṇḍikāti** ayokuṇḍikā ceva tambalohakuṇḍikā ca. **Bhājanīyakotṭhāsameva bhajati**ti bhājanīyapakkhameva sevati, na tu garubhaṅḍanti attho. Kañcanako pana garubhaṅḍamevāti adhippāyo. **Itaranti** garubhaṅḍam.

Dubbalasikkhāpadavaṇṇanā niṭṭhitā.

12. Pariṇāmanasikkhāpadavaṇṇanā

Dvādasame na kiñci vattabbam atthi.

Pariṇāmanasikkhāpadavaṇṇanā niṭṭhitā.

Sahadhammikavaggo aṭṭhamo.

9. Ratanavaggo

1. Antepurasikkhāpadavaṇṇanā

Anikkhantarājake aniggataratanaketi ettha “sayanighare”ti pāthaseso daṭṭhabboti āha “**anikkhanto rājā ito**”tiādi. Tattha **itoti** sayanigharato. **Sayanighareti** sayanīyaghare. Yattha rañño sayanam paññattam hoti, antamaso sāṇipākāraparikkhittampi, tasminti vuttam hoti. Ratijananaṭṭhena **ratanam**, hatthiādi. Idha pana itthiratanam adhippetanti āha “**ratanam vuccati mahesi**”ti.

Ubhosūti rājamaheṣi. **Kiriyaṅkiriyaṇti** ettha indakhīlāṭikkamo **kiriyaṃ**, appaṭṭisaṃviditam **akiriyaṇti** daṭṭhabbam.

Antepurasikkhāpadavaṇṇanā niṭṭhitā.

2. Ratanasikkhāpadavaṇṇanā

Muttādidasaṃvidhanti “muttā mani veluriyo saṅkho silā pavālam rajatam jātarūpaṃ lohitaṅko masāragalla”nti (pāci. 506) dasavidham ratanam. **Ajjhāvasatheti** gehe. Tenāha “**parikkhittassa**”tiādi, parikkhittassa āvasathassāti attho. **Āvasathoti** cettha antogāme nivīṭṭhageham adhippetam. Ārāme nivīṭṭhageham pana ajjhārāmaggaṇeneva gahitam. “**Āvasathoti** cettha antoārāme vā hotu, aññattha vā, attano vasaṇṭhānam vuccati”ti (sāratta. fī. pācittiya 3.506) keci. **Sabbesampi atthāya dukkaṭamevāti** attano vā tesam saṅghādīnam vā atthāya uggaṇhantassa vā uggaṇhāpentassa vā dukkaṭameva. Sace pana mātāpītūnam santakam avassam paṭisāmetabbam kappiyabhaṅḍam hoti, attano atthāya gahetvā paṭisāmetabbanti āha “**tādisam panā**”tiādi. **Tādisanti** yaṃ mātāpītūnam santakam avassam paṭisāmetabbam kappiyabhaṅḍam, tādisam. **Chandenapi bhayenapīti** vadḍhakiādīsu chandenapi, rājavallabhesu bhayenapi.

Tādisa ṭhāneti mahāvīhārasadisassa mahārāmassa pākāraparikkhite parivene. **Saṅṅānam katvāti** “ettakā kahāpanā”tiādinā rūpena vā lañchanādīnimittena vā saṅṅānam katvā, sallakkhetvāti attho. **Paṭirūpanam bhikkhūnam hattheti** lajjīnam kukkucakānam bhikkhūnam hatthe. Lolajātīkānañhi hatthe ṭhapetum na labbhati. **Neva pakkamati** neva tamhā āvāsā pakkamati. “**Thāvaram senāsanam vā**”tiādinā attano cīvarādīmūlam na kātabbanti (pāci. aṭṭha. 506) dasseti. **Tam dassetvāti** yaṃ thāvarasenāsanādi katam, tam upāsaka tava santakena idaṃ nāma katanti evam dassetvā. **Samādapetvāti** aññam samādapetvā, “uddissa ariyā tiṭṭhanti, eṣā ariyāna yācana”ti vuttanayena yācitvāti attho.

Anuñātāṭṭhāneti ajjhārāmaajjhāvasathe. **Āmāsanti** āmasitabbaṅḍaṅḍa paṭisāmetabbaṅḍa vatthādi.

Ratanasikkhāpadavaṇṇanā niṭṭhitā.

3. Vikālagāmapavesanasikkhāpadavaṇṇanā

Cāritṭeti cārittasikkhāpade. **Upacāraṇti** dutiyaleḍḍupātam. **Aññam gāmaṃ gacchantānam puna āpucchanaṅkiccam natthīti** ussāham appaṭṭippassambhetvā aññam

gāmaṃ gacchantānaṃ gāmasatampi hotu, puna āpucchanaṃ natthi attho. Tenāha “**sace paṇā**”tiādi. **Ussāhanti** gāmappavisanussāhaṃ. **Antarāramādīsu** (pāci. aṭṭha. 515) na kevalaṃ anāpucchā gacchantasseva, kāyabandhanaṃ abandhitvā saṅghāṭim apārupitvā gacchantassāpi anāpatti. **Āpadāsūti** sīho vā byaggho vā āgacchati, meggo vā uṭṭheti, añño vā koci upaddavo uppajjati, anāpatti. Evarūpasu āpadāsu bahigāmato antogāmaṃ pavisitum vaṭṭati.

Vikālagāmappavesanasikkhāpadavaṇṇanā niṭṭhitā.

4. Sūcigharasikkhāpadavaṇṇanā

Taṃ assa atthi (sārattha. ṭī. pācittiya 3.517) paṭhamam bhinditvā pacchā desetabbattā taṃ bhedanakaṃ assa pācittiyassa atthi.

Araṇiketi araṇidhanuke. **Vidheti** vedhake. **Vāsijaṭeti** vāsidaṇḍake ca.

Sūcigharasikkhāpadavaṇṇanā niṭṭhitā.

5. Mañcapīṭhasikkhāpadavaṇṇanā

Aṭṭhaṅgulapādakanti bhāvanapumsakaniddeso. “**Chedanakaṃ bhedanakasadisamevā**”ti iminā “chedanameva chedanakaṃ, taṃ assa atthi chedanaka”nti imamatthaṃ atdisati.

Yathā pamāṇameva upari dissati, evaṃ nikhānitvā vāti sace pana na chinditukāmo hoti, yathā pamāṇameva upari dissati, evaṃ bhūmiyaṃ nikhānitvā vā. **Aṭṭakaṃ vā bandhitvā**ti ukkhipitvā tulāsaṅghāte ṭhapetvā aṭṭam katvā.

Mañcapīṭhasikkhāpadavaṇṇanā niṭṭhitā.

6. Tūlonaddhasikkhāpadavaṇṇanā

Cimilikaṃ pattharivā tūlaṃ pakkhipitvāti mañcapīṭhanam upari cimilikaṃ pattharivā tassa upari tūlaṃ pakkhipitvāti attho. **Upari cimilikāyā**ti uparimabhāge cimilikāya.

Sīsappamāṇanti (cūlava. aṭṭha. 297; sārattha. ṭī. cūlavagga 3.297) yattha galavātakato paṭṭhāya sabbāsīsam upadahanti, taṃ sīsappamāṇam. Tañca ukkaṭṭhāparicchedato tiriyaṃ muṭṭhiratanam hoti, dīghato dviratananti dassetum “**yassa vitthāro tīsu koṇesū**”tiādimāha. **Dvinnam antaram vidatthi caturaṅgulaṃ hofiti** dvinnam koṇānam antaram miniyamānam vidatthi ceva caturāṅgulañca hoti. **Majjhe muṭṭhiratananti** bibbohanassa majjham tiriyaṃ muṭṭhiratanappamānam hoti. Ayañhi sīsappamānassa ukkaṭṭhāparicchedo. Tato uddham na vaṭṭati, heṭṭhā vaṭṭati. Agilānassa sīsūpadhānañca pādūpadhānañcāti dvayameva vaṭṭati. Gilānassa bibbohanāni santharivā upari paccattharanam datvā nipajjitumpi vaṭṭati.

Tūlonaddhasikkhāpadavaṇṇanā niṭṭhitā.

7. Nisīdanasikkhāpadavaṇṇanā

Sattamaṃ uttānameva.

Nisīdanasikkhāpadavaṇṇanā niṭṭhitā.

8. Kaṇḍuppaṭicchādisikkhāpadavaṇṇanā

Adhonābhiubbhajāṇumaṇḍalanti nābhiyā heṭṭhā jānumaṇḍalaṇam upari. **Kaṇḍupīlakaassāvathullakacchābādhananti** ettha **kaṇḍūti** kacchu. **Pīlakā**ti lohitatundikā sukhumapīlakā. **Assāvoti** arisabhagandalamadhumehānam vasena asucipaggharanam. **Thullakacchābādhoti** mahāpīlakābādho vuccati.

Kaṇḍuppaṭicchādisikkhāpadavaṇṇanā niṭṭhitā.

9-10. Vassikasāṭikanandasikkhāpadavaṇṇanā

Navamaṃ dasamañca uttānameva.

Vassikasāṭikanandasikkhāpadavaṇṇanā niṭṭhitā.

Ratanavaggo navamo.

Iti kaṅkhāvitarāṇiyā pātimokkhavaṇṇanāya

Vinayatthamañjūsāyaṃ līnatthappakāsaniyaṃ

Pācittiyavaṇṇanā niṭṭhitā.

Pāṭidesanīyakaṇḍam

1. Paṭhamapāṭidesanīyasikkhāpadavaṇṇanā

Antaragharam pavīṭṭhāyāti rathikaṃ byūham siṅghātakam gharam pavīṭṭhāya. **Asappāyanti** saggamokkhānam ahitaṃ ananukūlam. Bhikkhuniyā antaraghare ṭhatvā dadamānāya vasenettha āpatti veditabbā, bhikkhussa ṭhitatthānam pana appamāṇam. Tenāha “**antaragharam pavīṭṭhāyāti vacanato**”tiādi. **Antarāramādīsūti** antarāramabhikkhunupassayatitthiyaseyyāpaṭikkamanesu. **Rathiyābyūhasiṅghātakagharānanti** ettha **rathiyā**ti racchā. **Byūhanti** anibbjiḥhitvā ṭhitā gatapaccāgataracchā. **Siṅghātakanti** catukkoṇam vā tikoṇam vā maggasamodhānatthānam. **Gharanti** kulagharam. Yathā ca rathiyādīsūti ṭhatvā dadamānāya ganhato āpatti, evaṃ hatthisālādīsūpi datṭhabbam.

“**Yamakālikādīsūti paṭiggahaṇepi ajjhoharaṇepi dukkaṭa**”nti idaṃ āmisena asambhinnaṃ sandhāya vuttam, sambhinne pana ekarase pāṭidesanīyameva. **Ekato upasampannāyā**ti bhikkhunīnam santike upasampannāya, bhikkhūnam santike upasampannāya pana yathāvattukameva.

Ñātikāya vā dāpentiyāti sayam adatvā yāya kāyaci nātikāya dāpentiyā, aññātikāyāti attho. **Upanikkhipitvā vā dadamānāyā**ti bhūmiyaṃ ṭhapetvā “**idam, ayya, tumhākaṃ dammi**”ti dadamānāya. Evaṃ dinnam “**sādhu, bhaginī**”ti sampaticchitvā tāya eva vā bhikkhuniyā, aññena vā kenaci paṭiggahāpetvā idaṃ bhujjituṃ vaṭṭati.

Paṭhamapāṭidesanīyasikkhāpadavaṇṇanā niṭṭhitā.

2. Dutiyapāṭidesanīyasikkhāpadavaṇṇanā

Yo ca patiggahetvā bhuñjati sambandho. **Attano vā bhattam dāpentiyāti** ettha sacēpi attano bhattam deti, iminā sikkhāpadena anāpattiyeva, purimasikkhāpadena āpatti. **Aññesam vā bhattam dentiyāti** ettha pana sacē dāpeyya, iminā sikkhāpadena āpatti bhavēyya, dentiyā pana neva iminā, na purimena āpatti.

Dutiyapāṭidesanīyasikkhāpadavañṇanā niṭṭhitā.

3. Tatiyapāṭidesanīyasikkhāpadavañṇanā

Laddhasekkhasammutikānti nāttidutiyena kammena laddhasekkhasammutikāni. Yāñhi kulam saddhāya vaḍḍhāti, bhogena hāyati, evarūpassa kulassa nāttidutiyena kammena sekkhasammutim denti, tam sandhāyetaṃ vuttam.

Gharato niharitvāti gharato āsanāsālam vā vihāram vā ānetvā. Tenāha “**āsanasālādīsu vā**”ti. Imassa “dentī”ti iminā sambandho. **Dvāramūle vā thapitam dentiti** dvāramūle thapitam pacchā sampattassa denti. Bhikkhum pana disvā antogehato niharitvā diyyamānam na vaḍḍati. **Niccabhattaketi** niccām dātabbabbhattake. **Salākabhatteti** rukkhasāramayāya salākāya vā veluvilivātālapanādimayāya paṭṭikāya vā “asukassa nāma salākabhatta”nti evam akkharāni upanibandhitvā gāhāpetvā dātabbabbatte. **Pakkhiketi** ekasmiṃ pakkhe ekadivase dātabbabbatte. **Uposathiketi** uposathe dātabbabbatte. **Paṭipadiketi** pātipadadivase dātabbabbatte.

Tatiyapāṭidesanīyasikkhāpadavañṇanā niṭṭhitā.

4. Catutthapāṭidesanīyasikkhāpadavañṇanā

Tassa parivāram katvā, aññam vā tena saddhim bahukampīti yāgyā paṭisamviditaṃ katvā “kim suddhāya yāgyā dinnāya, pūvabhaddānīpi etissā yāgyā parivāram katvā, dassāmā”tiadinā tassa khādanīyassa vā bhojanīyassa vā parivāram katvā, aññam vā yaṃ kiñci tena saddhim bahukampī āharīyatu. **Khādanīyanti** nidassanamattaṃ “bhojanīyam vā”tipi icchitabbattā. **Tena saddhim āharantūti** tena saddhim attano deyyadhammaṃ āharantu. “Yāgyā paṭisamviditaṃ katvā pūvam vā bhattaṃ vā āharanti, etampi vaḍḍati”ti (pāci. aṭṭha. 573) **kurundiyaṃ** vuttam.

Paṭisamviditagilānāvasesakam vāti paṭisamviditaṃca gilāno ca **paṭisamviditagilānā**, tesam avasesakam, paṭisamviditassa ca gilānassa ca sesakanti attho. Ekassatthāya paṭisamviditaṃ katvā āhaṭam, tassa sesakam aññassāpi paribhuñjitum vaḍḍati. Catunnam vā pañcannam vā paṭisamviditaṃ katvā bahūnam āhaṭam hoti, aññesampi dāṭum icchanti, etampi paṭisamviditasesakameva, sabbesampi vaḍḍati. Atha adhikameva hoti, sannidhim mocetvā thapitam dutiyadivasepi vaḍḍati. Gilānassāhaṭāvasesepi eseva nayo. Yaṃ pana appaṭisamviditameva katvā āhaṭam, tam bahiārāmaṃ pesetvā paṭisamviditaṃ kāretvā āharāpetabbam, bhikkhūhi vā gantvā antarāmagge gahetabbam. Yampi vihāramajjhena gacchanto vā vanacarakādayo vā vanato āharitvā denti, purimanayeneva paṭisamviditaṃ kāretabbam. Katthaci pana potthakesu “paṭisamviditaṃ katvā āhaṭam vā gilānāvasesakam vā”ti pātho dissati, so na gahetabbo. **Tatthajātakameva vāti** ārāme jātakameva. **Mūlaphalādinti** mūlaphalatacapattādim aññena kappiyaṃ katvā dinnam paribhuñjato anāpatti. Sacē pana tam gāmaṃ haritvā pacitvā āharanti, na vaḍḍati. Paṭisamviditaṃ kāretabbam.

Catutthapāṭidesanīyasikkhāpadavañṇanā niṭṭhitā.

Iti kañkhāvitarāṇiyā pātimokkhavañṇanāya

Vinayatthamanjūsāyaṃ līnatthappakāsaniyaṃ

Pāṭidesanīyavañṇanā niṭṭhitā.

Sekhiyakaṇḍam

1. Parimaṇḍalasikkhāpadavañṇanā

“Antaragare”ti vīsesetvā na vuttattā “**ārāme pi antaragare pi sabbatthā**”ti vuttam. **Ārāme pi**ti buddhūpaṭṭhānādikālam sandhāya vuttam. Yathā “tatrimē cattāro pārājikā dhammā uddesaṃ āgacchantī”tiadinā tattha tattha paricchedo kato, evametthāpi “tatrimē pañcasattati sekhiyā dhammā uddesaṃ āgacchantī”ti kasmā paricchedo na katoti āha “**ettha cā**”tiādi. **Vattakkhandhake vuttavattānīpīti** āgantukāvāsikagamikānumodanabhattaggaṇḍacārikāraññasenāsanajantāgharavaccakuttiupajjhācariyasaddhivihārikaantevāsikavattāni. Idañca nidassanamattaṃ aññesampi khandhakavattānam ettheva sangahassa icchitabbattā. Ayañhettha adhippāyo – sekhiyaggahaṇena cettha **vattakkhandhakādīsu** (cūlava. 356 ādayo) āgatavattādinampi gahaṇam. Tepi hi sikkhitabbatthēna “**sekhiyā**”ti icchitā. Tasmā mātikāyaṃ pārājikādinam viya sekhiyānam paricchedo na katoti. Na kevalam **vattakkhandhakādīsu** (cūlava. 356 ādayo) āgatavattādinam gahaṇatthamevāti āha “**cārittavinayadassanattathācā**”ti. Etthāpi **paricchedo na katoti** ānetvā yojetabbam. Mātikāya “**dukkatā**”nti avutte katham panettha dukkatānti veditabbanti āha “**yo panā**”tiādi.

Aṭṭhaṅgulamattanti pakatāṅgulena aṭṭhaṅgulamattaṃ. Yo pana sukkhajaṅgho vā mahāpīṇḍikamāmsō vā hoti, tassa sārūppathāya aṭṭhaṅguladhikampi otāretvā nivāsetum vaḍḍati.

Pāsantanti pāsassa antam, dasāmūlantī attho.

Aparimaṇḍalam nivāsessāmīti “purato vā pacchato vā olambetvā nivāsessāmī”ti evam **asañicca**. Kiñcāpi parimaṇḍalam nivāsetum ajānantassa anāpatti, tathāpi nivāsanavattam sādhuṃ uggahetabbameva. Sañicca anuggahaṇāñhi anādariyaṃ siyāti āha “**apica nivāsanavattam uggahetabba**”nti.

Parimaṇḍalasikkhāpadavañṇanā niṭṭhitā.

2. Dutiyaparimaṇḍalasikkhāpadavañṇanā

Paṭikkhittam gihipārutanti khuddakavattukhandhake paṭikkhittam gihipārutam. Idāni “na, bhikkhave”tiadinā (cūlava. 280-281) sañkhepa vuttamatthameva viṭṭhāretvā dassetum “**tatthā**”tiādimāha. Yaṃ kiñci aññathā pārutanti sambandho. **Tasmāti** yasmā setapaṭapārutādi gihipārutam nāma, tasmā. **Setapaṭāti** etasseva vivaraṇam. **Aḍḍhapālakanigaṇṭhāti** aḍḍham pālenīti **aḍḍhapālaka**, aḍḍhapālaka ca te nigaṇṭhā cāti **aḍḍhapālakanigaṇṭhā**. Te hi upari ekameva setavattham upakacchake pavesetvā paridāhanti, heṭṭhā naggāpi aḍḍhameva pālenīti. **Paribbajakāti** gihibandhanam pahāya pabbajjūpatā. **Uram vivarivāti** hadayamajjham vivarivā. **Akkhitarakāmattanti** akkhimattaṃ. **Ārāme vāti** buddhūpaṭṭhānādikālam sandhāya vuttam. **Antaragare vāti** antare gharāni ettha, etassāti vā “**antaragara**”nti laddhanāme gāme.

Dutiyaparimaṇḍalasikkhāpadavañṇanā niṭṭhitā.

3-4. Suppaṭicchannasikkhāpadavañṇanā

Suṭṭhu paṭicchannoti jattumpi urampi avivaritvā paṭicchādetabbatthāne paṭicchādanena paṭicchanno, na sīsapāruto. Tenāha “**gaṇṭhikam paṭimuñcitvā**”tiādi. Tattha **gaṇṭhikam paṭimuñcitvāti** gaṇṭhikam pāsake paṭimuñcitvā. **Antaragare vāti** gocaragāme. Ekadivasampi vāsūpatassā santikam yathāsukham gantum vaḍḍati, ko pana vādo catuppañcāham vāsamadhiṭṭhāya vasitabhikkhūnam santikanti gaṇṭhipade likhitam.

Vāsūpatassāti rattivāsathāya upagatassa rattibhāge vā divasabhāge vā kāyaṃ vivarivā nisīdato anāpatti.

Suppaṭicchannasikkhāpadavañṇanā niṭṭhitā.

5-6. Susaṃvutasikkhāpadavaṇṇanā

Susaṃvutoti susaṃyato. Yathā panettha susaṃvuto nāma hoti, taṃ dassetuṃ “**hatthaṃ vā**”tiādi vuttaṃ.

Susaṃvutasikkhāpadavaṇṇanā niṭṭhitā.

7-8. Okkhittacakkhusikkhāpadavaṇṇanā

Kittakena pana okkhittacakkhu hotīti āha “**yugamattaṃ bhūmibhāgaṃ pekkhamāno**”ti. Yugayuttako hi danto ājāneyyo yugamattaṃ pekkhati, purato catuhathappamānaṃ bhūmibhāgaṃ, imināpi ettakaṃ pekkhantena gantabbam. Yo anādariyaṃ paṭicca taṃ taṃ disābhāgaṃ pāsādaṃ kūṭāgāraṃ vūṭhiṃ olokeno gacchati, āpatti dukkaṭassa. **Hatthiassādi parissayābhāvanti** parissayanaṭṭhena, abhibhavanaṭṭhena, vihetthanaṭṭhena vā **parissayo**, hatthiassādiyeva parissayo **hatthiassādi parissayo**, tassābhāvaṃ, hatthiassādi upaddavābhāvanti attho. “Yathā ca ekasmiṃ ṭhāne ṭhatvā, evaṃ gacchantopi parissayābhāvaṃ oloketuṃ labhatiyeva, tathā gāme pūja”nti (sārattha. ṭī. pācittiya 3.582) vadanti.

Okkhittacakkhusikkhāpadavaṇṇanā niṭṭhitā.

9-10. Ukkhattakāyasikkhāpadavaṇṇanā

Antoindakhīlato paṭṭhāyāti parikkhittassa gāmassa antoummāro paṭṭhāya, aparikkhittassa pana dutiyaledḍupātato paṭṭhāya na evaṃ gantabbam.

Ukkhattakāyasikkhāpadavaṇṇanā niṭṭhitā.

11-12. Ujjagghikasikkhāpadavaṇṇanā

Hasaniyasmim vatthusminti nimittatthe bhummaṃ, hasitabbavatthukāraṇāti attho.

Ujjagghikasikkhāpadavaṇṇanā niṭṭhitā.

13-14. Uccasaddasikkhāpadavaṇṇanā

Kittavāta appasaddo hotīti āha “**ayaṃ panetthā**”tiādi. **Saddameva suṇāti** aparibyattakkharaṃ saddamattameva suṇāti. Tenāha “**kathaṃ na vavatthapeti**”ti.

Uccasaddasikkhāpadavaṇṇanā niṭṭhitā.

15-20. Kāyappacālakādisikkhāpadavaṇṇanā

“Kāyādīni paggaheṭvā”ti etasseva vivaraṇaṃ “**niccalāni ujukāni ṭhapetvā**”ti **gantabbañceva nisiditabbañcāti** samena iriyāpathena gantabbañceva nisiditabbañca. Kāyappacālakādiyuttaṃ chakkam.

Kāyappacālakādisikkhāpadavaṇṇanā niṭṭhitā.

26. Pallatthikasikkhāpadavaṇṇanā

Dussapallatthikāyāti ettha āyogapallatthikāpi dussapallatthikāyeva.

Pallatthikasikkhāpadavaṇṇanā niṭṭhitā.

Chabbīsatisāruppasikkhāpadavaṇṇanā niṭṭhitā.

27. Sakkaccapaṭiggahaṇasikkhāpadavaṇṇanā

Satiṃ upaṭṭhāpetvāti chaddetukāmo viya ahutvā piṇḍapāte satim upaṭṭhāpetvā, “piṇḍapātaṃ ganhiṣṣāmi”ti satim upaṭṭhāpetvā.

Sakkaccapaṭiggahaṇasikkhāpadavaṇṇanā niṭṭhitā.

28. Pattasaññīpaṭiggahaṇasikkhāpadavaṇṇanā

Upanibaddhasaññī hutvāti piṇḍapātaṃ dente anādariyaṃ paṭicca taṃ taṃ anoloketvā patte ābhogasaññī hutvā.

Pattasaññīpaṭiggahaṇasikkhāpadavaṇṇanā niṭṭhitā.

29. Samasūpakapaṭiggahaṇasikkhāpadavaṇṇanā

Samasūpakanti pamāṇayuttaṃ sūpavantaṃ katvā, bhāvanapūmsakaniddeso cāyam. Byañjanam pana anādiyitvā atthamattameva dassetuṃ “**samasūpako nāma**”tiādi vuttaṃ. **Sabbāpi sūpeyyabyañjanavikatīti** olonisākasūpeyyamacchamaṃsarasādikā sabbāpi sūpeyyabyañjanavikatīti.

Samasūpakapaṭiggahaṇasikkhāpadavaṇṇanā niṭṭhitā.

30-32. Samatittikādisikkhāpadavaṇṇanā

Samatittikanti bhāvanapūmsakaniddeso, samatittikaṃ katvāti attho. Evamaññesuṃ ṭidesu ṭhānesu attho daṭṭhabbo. **Samapuṇṇanti** (sārattha. ṭī. pācittiya 3.605) pattassa antomukhavaṭṭilekhāsamaṇṇaṃ. **Samabharitanti** etthāpi eseva nayo. Tañca kho adhiṭṭhānupagapattasseva, netarassa. Tenāha “**adhiṭṭhānupagapattassā**”tiādi. **Racitanti** kataṃ, pakkhittaṃ pūritanti attho. **Yaṃ kiñci yāvakālikanti** yāgubhattaphalāphalādim yaṃ kiñci āmisajātikam. **Yattha katthacīti** adhiṭṭhānupago vā hotu, anadhiṭṭhānupago vā yattha katthacīti patte. **Thūpikatānti** thūpaṃ viya katāni, adhiṭṭhānupagassa pattassa antomukhavaṭṭilekhaṃ atikkamitvā katānti attho. Idañca “yāmakālikādmi”ti imassa vasena vuttaṃ, “yāvakālika”nti imassa pana vasena vacanabyattayaṃ katvā “thūpikatampi vaṭṭati”ti yojetabbam. **Pi**-saddena athūpikatāni vaṭṭanti ettha kathāva natthīti dasseti. **Heṭṭhā orohatīti** samantā okāsasabbhāvato cāliyamānaṃ heṭṭhā bhassati. **Takkolavaṭṭamsakādayoti** ettha matthake ṭhapitattakkolameva vaṭṭamsakasadisattā takkolavaṭṭamsakam. **Ādisaddena** pupphavaṭṭamsakakatukaphalādivaṭṭamsakānaṃ (pāci. aṭṭha. 605) gahaṇam, na taṃ thūpikatam nāma hoti pātekkam bhājanattā paṇṇādinam.

Samatittikādisikkhāpadavaṇṇanā niṭṭhitā.

33-34. Sapaḍānasikkhāpadavaṇṇanā

Sapaḍānanti (sārattha. ṭī. pācittiya 3.608) ettha **dānaṃ** vuccati avakhaṇḍanam, apetaṃ dānato **apadānaṃ**, anavakhaṇḍanti attho, saha apadānena **sapaḍānaṃ**,

avakhaṇḍanavirahitaṃ, anupaṭipāṭiyāti vuttaṃ hoti. Tenāha “**tattha tattha odhiṃ akatvā anupaṭipāṭiyā**”ti.

Sapadānasikkhāpadavaṇṇanā niṭṭhitā.

36. Odanappaṭicchādanasikkhāpadavaṇṇanā

Māghātasamayāḍīsūti ettha yasmim samaye “pāṇo na hantabbo”ti rājāno bherim carāpentī, ayaṃ māghātasamayo nāma. **Byañjanaṃ paṭicchādetvā** denṭī byañjanaṃ channaṃ katvā denti.

Odanappaṭicchādanasikkhāpadavaṇṇanā niṭṭhitā.

37. Sūpodanaviññattisikkhāpadavaṇṇanā

Ekādasameti sūpodanaviññattiyāṃ. Ettha pana yassa mukhe pakkhipitvā vippatisāre uppanne puna uggiritukāmassāpi sace sahasā pavisati, ayaṃ **asañceca paribhuñjati** nāma. Yo pana viññattampi aviññattampi ekasim thāne thitaṃ sahasā anupadhāretvā gahetvā bhuñjati, ayaṃ **asatiyā bhuñjati** nāma.

Sūpodanaviññattisikkhāpadavaṇṇanā niṭṭhitā.

38. Ujjhānasaññisikkhāpadavaṇṇanā

Ujjhāyati etenāti **ujjhānaṃ**, cittaṃ, tasmim saññā **ujjhānasaññā**ti āha “**ujjhānasaññā**”tiādi. **Olokontassā**ti paresaṃ pattaṃ olokontassa.

Ujjhānasaññisikkhāpadavaṇṇanā niṭṭhitā.

39. Kabaḷasikkhāpadavaṇṇanā

“Mayūraṇḍaṃ atimahanta”nti vacanato mayūraṇḍappamāṇopi kabaḷo na vaṭṭati. Keci pana “mayūraṇḍato mahantova na vaṭṭati, na mayūraṇḍappamāṇo”tipi vadanti, taṃ na gahetabbam. **Kukkuṭaṇḍaṃ atikhuddakanti** etthāpi esevo nayo, gilānassa pana atikhuddakaṃ kabaḷaṃ karotopi anāpatti.

Kabaḷasikkhāpadavaṇṇanā niṭṭhitā.

41-42. Anāhaṭasikkhāpadavaṇṇanā

Sakalaṃ hatthanti sakalā aṅguliyō. **Hatthasaddo** cettha tadekadesesu aṅgulisu daṭṭhabbo “hatthamuddā”tiādisu viya. Evañca katvā sabbaggaṇaṃ samatthitaṃ hoti. Aññathā sakalaṃ hattham mukhe pavesetumasakkuneyyattā sabbaggaṇanamasamatthitameva siyā. Samudāye pavattassa ca vohārasa avayavepi pavattanato ekaṅgulimpi tato ekadesampi mukhe pakkhipitum na vaṭṭati.

Anāhaṭasikkhāpadavaṇṇanā niṭṭhitā.

43. Sakabaḷasikkhāpadavaṇṇanā

Tattake sati vaṭṭattī tattake mukhamhi sati kathetum vaṭṭati.

Sakabaḷasikkhāpadavaṇṇanā niṭṭhitā.

50-51. Capucapukārasikkhāpadavaṇṇanā

“**Capu capū**”ti evaṃ **saddaṃ katvāti** “capu capū”ti evaṃ anukaraṇasaddaṃ katvā. “**Pañcavīsati**mepe esevo nayo”ti iminā “**surusurukārakanti** ‘surū surū’ti evaṃ saddaṃ katvā”ti imamatthamatidisati.

Capucapukārasikkhāpadavaṇṇanā niṭṭhitā.

Timsabhojanappaṭisamyuttasikkhāpadavaṇṇanā niṭṭhitā.

57. Chattapāṇisikkhāpadavaṇṇanā

Yaṃ kiñci chattanti setacchattakilañjacchattapañnacchattesu yaṃ kiñci chatthaṃ. Yampi tatthajātakadaṇḍakena kataṃ ekapañnacchattam hoti, tampi chattameva. **Yattha katthaci sarīrāvayaveti** amsāruādike yattha katthaci sarīrāvayaveti.

Chattapāṇisikkhāpadavaṇṇanā niṭṭhitā.

60. Āvudhapāṇisikkhāpadavaṇṇanā

Sabbāpi dhanuvikatī cāpakodaṇḍādibhedā sabbāpi dhanuvikati. **Cāpoti** (sārattha. ṭī. pācittiya 3.637) majjhe vañkā kājadaṇḍasadisā dhanuvikati. **Kodaṇḍoti** vaṭṭaladaṇḍā dhanuvikati. **Paṭimukkanti** pavesitaṃ laggitaṃ. **Yāva na gañhāti** yāva hatthena na gañhāti, ayameva vā pātho. **Tāva vaṭṭatī** tāva dhammaṃ desetum vaṭṭati.

Āvudhapāṇisikkhāpadavaṇṇanā niṭṭhitā.

61-62. Pādukasikkhāpadavaṇṇanā

Kevalaṃ akkantassāti kevalaṃ pādukaṃ akkamitvā thitassa. **Paṭimukkassāti** paṭimuñcitvā thitassa. Tenāha “**pavesetvā thānavasenā**”ti.

Pādukasikkhāpadavaṇṇanā niṭṭhitā.

63. Yānasikkhāpadavaṇṇanā

Yānagatassāti “yānaṃ nāma vayhaṃ, ratho, sakaṭaṃ, sandhamānikā, sivikā, pātaṅkī”ti (pāci. 640, 1187) vuttaṃ yānaṃ upādāya antamaso hatthasaṅghātamhi gatassa. Tenāha “**sacepi dvihi janchi**”tiādi. **Vayhādiketi** ettha vayhanti upari maṇḍapasadisam padaracchadanaṃ, sabbapāliguṇṭhimam vā chādetvā kataṃ sakaṭavisesam “vayha”nti vadanti. **Ādisaddena** rathādīnaṃ gahaṇaṃ.

Yānasikkhāpadavaṇṇanā niṭṭhitā.

75. Udukeccārasikkhāpadavaṇṇanā

Pakiṅṅakanti vomissakanayam. **Sacittakanti** (sārattha. ṭi. pācittiya 3.576) vatthuvijānanacittena, pannattivijānanacittena ca sacittakam. “Anādariyam paṭiccā” (pāci. 654) vuttatā yasmā anādariyavaseneva āpajjitabbato idaṃ sabbam kevalam akusalameva, taṅca pakatiyā vajjam, sañcicca vītikamanaṅca domanassikasessa hoti, tasmā **“lokavajjam akusalacittam dukkhavedana”**nti vuttam. Sesesupi evesa nayo.

Ekūnavīsati dhammadesanāpatisamyuttasikkhāpadavaṅṅanā niṭṭhitā.

Iti kaṅkhāvitaraṇiṇi pātimokkhaṅṅanāya

Vinayatthamaṅṅūsāyam līnatthappakāsaniyam

Sekhiyavaṅṅanā niṭṭhitā.

Adhikaraṇasamathavaṅṅanā

Gaṇanaparicchedoti saṅkhyāparicchedo. Adhikāriyanti etthāti **adhikaraṇāni**. Ke adhikāriyanti? Samathā. Kathamā adhikāriyanti? Samanavasena. Tasmā te tesam samanavasena pavattantī āha **“adhikaraṇāni samentī”**tiādi. **Uppannānam uppannānanti** utṭhitānam utṭhitānam. Kiñcāpi adhikaraṇatthena ekavidham, tathāpi vatthuvāsena nānā hotīti **“adhikaraṇāna”**nti bahuvacanaṃ katam. Idāni tassa nānātam dassetvā vivarituṃ **“vivādādhikaraṇa”**ntiādimāha. Vivādo yeva adhikaraṇam **vivādādhikaraṇam**. Esa nayo sesesupi. **Samathatthanti** samanattham.

Adhikaraṇassa sammukhā vinayanato **sammukhāvinayo**. Dabbamallaputtatthasādisassa satīvepullappattassa khīṇāsavasessa dātabbo vinayo **satīvinayo**. Sammūlhassa gaggabhikkhusādisassa ummattakassa dātabbo vinayo **amūlhavinayo**. Paṭiṇṇātena karaṇabhūtena karaṇam **paṭiṇṇātakaraṇam**. Atha vā paṭiṇṇāte āpanabhāvādikē karaṇam kiriyā, “āyatim samvareyyāsi”ti parivāsadanādivasena ca pavattam vacīkammaṃ paṭiṇṇātakaraṇam. Yassā kiriyāya dhammavādinō bahutarā, esā **yebhuyyasikā** nāma. Yo pāpussannatāya **pāpiyo**, puggalo, tassa upavālabhikkhusādisassa kattabbato **tassapāpiyasikā**, aluttasamāsoyam. Tīṇavatthārakasādisattā **tīṇavatthārako**. Yathā (cūlava. aṭṭha. 212) hi gūtham vā muttam vā ghaṭṭiyamānam duggandhatāya bādhati, tīṇehi avattharivā suppatīchādītassa panassa gandho na bādhati, evameva yaṃ adhikaraṇam mūlānumūlam gantvā vūpasamiyamānam kakkhalattāya vāḷattāya bhedāya samvattati, tam iminā kamma vūpasantam gūtham viya tīṇavatthārakena paṭicchannam suvūpasantam hoti. Tena vuttam **“tīṇavatthārakasādisattā tīṇavatthārako”**ti.

Tatrāti tesu sattu adhikaraṇasamathesu. **“Aṭṭhārasahi vatthūhī”**ti lakkaṇavacanametam “yadi me byādhikā bhaveyyum, dātabbamidamosadha”ntiādinā (sam. ni. ṭi. 2.3.39-42) viya. Tasmā tesu aññatarena vivadantā aṭṭhārasahi vatthūhi vivadantī vuccati. **Vivādo**ti vipaccanīkavādo. **Upavadanā**ti akko. **Codanā**ti anuyogo. **Dveto**ti thullaccayadubbhāsītāpattīyo dve. **Catunnaṃ kammānaṃ karaṇānti** catunnaṃ kammānaṃ antare yassa kassaci kammassa karaṇam.

Evam adhikaraṇāni dassetvā idāni tesu idaṃ adhikaraṇam ettakehi samatthehi sammatīti dassetuṃ **“tatthā”**tiādi vuttam. Yasmim vihāre uppannaṃ, tasmimyeva vā sammatīti sambandho. Evam sesesupi. Tattha **yasmim vihāre uppannanti** “yasmim vihāre mayham iminā patto gahito, cīvaram gahita”ntiādinā (pari. aṭṭha. 341) nayena patṭacīvarādīnam atthāya vivādādhikaraṇam uppannaṃ hoti. **Tasmimyeva vā sammatīti** tasmim vihāreyeva āvāsikehi sannipatitvā “alam, āvuso”ti atthapaccatthike saññāpetvā pālimuttakavinicchayeneva vūpasamenthehi sammatī. Sace pana tam adhikaraṇam nevāsikā vūpasametum na sakkonti, athañño vinayadhāro āgantvā “kim, āvuso, imasmim vihāre uposatho vā pavāraṇā vā ṭhītā”ti pucchati, tehi ca tasmim kāraṇe kathite tam adhikaraṇam khandhakato ca parivārato ca suttēna vinicchinivā vūpasameti. Evampi etasmimyeva sammatīti daṭṭhabbam.

Aññattha vūpasametum gacchantānam antarāmagge vā sammatīti “na mayam etassa vinicchaye tiṭṭhāma, nāyam vinaye kusalo, amukasmim nāma gāme vinayadharā therā vasanti, tattha gantvā vinicchinissāma”ti gacchantānam antarāmagge vā kāraṇam sallakkhetvā aññamaññam saññāpethehi, aññehi vā te bhikkhū nijjhāpethehi sammatī. Na heva kho pana aññamaññasaññāntiāyā vā sabhāgabhiṅkhunijjhāpanena vā vūpasantam hoti, apica kho paṭipatham āgacchanto eko vinayadhāro disvā **“kathāvuso, gacchathā”**ti pucchitvā **“amukam nāma gāmaṃ iminā nāma karaṇēnā”**ti vutte **“alam, āvuso, kim tattha gatenā”**ti tattheva dhammena vinayena tam adhikaraṇam vūpasameti. Evampi antarāmagge vūpasammatī nāma.

Yattha gantvā saṅghassa niyyātītam, tattha saṅghena vāti sace pana “alam, āvuso, kim tattha gatenā”ti vuccamānāpi **“mayam tattheva gantvā vinicchayam pāpessāma”**ti (pari. aṭṭha. 341) vinayadharassa vacanaṃ anādiyitvā yattha gantvā sabhāgabhiṅkhusaṅghassa adhikaraṇam niyyātītam, tattha saṅghena “alam, āvuso, saṅghasannipātam nāma garuka”nti tattheva nisīditvā vinicchitam sammatī. Na heva kho pana sabhāgabhiṅkhunam saññāntiāyā vūpasantam hoti, apica kho saṅgham sannipātetvā ārocītam saṅghamaññe vinayadharā vūpasameti. Evampi tattha saṅghena vinicchitam sammatī nāma.

Ubbāhikāya sammatapuggalehi vā vinicchitanti apaloketvā vā khandhake vuttāya vā ṭīṭṭidutiyakammavācāya sammathehi puggalehi visum vā nisīditvā, tassāyeva vā parisāya **“aññena na kiñci kathetabba”**nti (cūlava. aṭṭha. 231) sāvetvā vinicchitam. **Ayanti** ayam yathāvuttā catubbidhā sammukhatā.

Kāraṇasaṅghassāti vūpasametum sannipatitassa kāraṇasaṅghassa. **Saṅghasāmaggivasena sammukhībāvō**ti “yāvatikā bhikkhū kammappattā, te āgatā honti, chandārahānam chando āhaṭo hoti, sammukhībūhā na paṭikkosanti”ti (cūlava. 228) evam vuttasaṅghasāmaggivasena sammukhībāvō, etena yathā tathā padhānakārapuggalānam sammukhatāmattam saṅghasammukhatā nāma na hotīti dasseti. **Bhūtatā**ti tacchātā. Saccapariyāyo hi idha **dhammasaddo** “dhammavādī”tiādisu (dī. ni. 1.9, 194) viya. Vineti etenāti **vinayo**, tassa tassa adhikaraṇassa vūpasamaṅṅāya bhagavatā vuttavīdhi, tassa vinayassa sammukhatā **vinayasammukhatā**. Tenāha **“yathā tam...pe... vinayasammukhatā”**ti. **Yenā**ti yena puggalena. **Atthapaccatthikānanti** (sārattha. ṭi. cūlavagga 3.228) vivādavatthusaṅkhāte atthe paccatthikānam. **Saṅghasammukhatā parihāyati** sammatapuggaleheva vūpasamanato.

Nanti vivādādhikaraṇam. **Pañcaṅgasamannāgatanti** (cūlava. 234) “na chandāgatim gacchati, na dosāgatim gacchati, na mohāgatim gacchati, na bhayāgatim gacchati, gahitāgahitam jānāti”ti vuttehi pañcaṅgehi samannāgatam. **Gūlhakavivaṭṭakasaṅghajappakesu tīsu salākaggāhesūti** “anujānāmi, bhikkhave, tesam bhikkhūnam saññāntiāyā tayo salākaggāhake gūlhakam, vivaṭṭakam, sakannaṅjappakā”nti (cūlava. 235) **samathakkhandhake** vuttessu tīsu salākaggāhesu. **Salākam gāhetvā**ti dhammavādīnaṅca adhammavādīnaṅca salākāyo nimittasaññam āropetvā cīvarabhoge katvā samathakkhandhake vuttanayena gāhāpetvā. Evañhi tattha **vuttam** –

“Kathaṅca, bhikkhave, gūlhako salākaggāho hoti? Tena salākaggāhāpakena bhikkhūnā salākāyo vannaṅvannāyo katvā ekameko bhikkhu upasaṅkamitvā evamassa vacanīyo ‘ayam evamvādissa salākā, ayam evamvādissa salākā, yaṃ icchasi, tam gaṅhāhi’ti. Gahite vattabbo ‘mā ca kassaci dassēhi’ti. Sace jānāti ‘adhammavādī bahutarā’ti, ‘duggaho’ti paccukkaddhitabbam. Sace jānāti ‘dhammavādī bahutarā’ti, ‘suggaho’ti sāvetabbam. Evam kho, bhikkhave, gūlhako salākaggāho hoti.

“Kathaṅca, bhikkhave, vivaṭṭako salākaggāho hoti? Sace jānāti ‘dhammavādī bahutarā’ti, vissaṭṭheneva vivaṭṭena gāhetabbo. Evam kho, bhikkhave, vivaṭṭako salākaggāho hoti.

“Kathaṅca, bhikkhave, sakannaṅjappako salākaggāho hoti? Tena salākaggāhāpakena bhikkhūnā ekamekassa bhikkhuno upakaṅṅake ārocetabbam ‘ayam evamvādissa salākā, ayam evavādissa salākā, yaṃ icchasi, tam gaṅhāhi’ti. Gahite vattabbo ‘mā ca kassaci ārocehi’ti. Sace jānāti ‘adhammavādī bahutarā’ti, ‘duggaho’ti paccukkaddhitabbam. Sace jānāti ‘dhammavādī bahutarā’ti, ‘suggaho’ti sāvetabbam. Evam kho, bhikkhave, sakannaṅjappako salākaggāho hoti’ti.

Ettha ca alajjussannāya (cūlava. aṭṭha. 235) parisāya gūlhako salākaggāho kātabbo, lajjussannāya vivaṭṭako, bālussannāya sakannaṅjappakoti veditabbo. **Dhammavādīnaṃ yebhuyyatāyā**ti dhammavādīnaṃ ekenapi adhiatāya, ko pana vādo dvīhi tīhi.

“Catūhi samatthehi sammatī”ti idaṃ sabbasaṅghāhakavasena vuttam, tattha pana dvīhi eva vūpasamanam daṭṭhabbam. **Evam vinicchitanti** sace āpatti natthi, ubho khamāpetvā, atha atthi, āpatti dassetvā ropanavasena vinicchitam. Paṭikammaṃ pana āpattādhikaraṇasamathe parato āgamissatīti. Na samaṇasārūppam **assāmaṇakam**, samaṇehi akattabbam, tasmim. **Ajjhācāre** vītikame sati.

Pārājikasāmantena vāti dukkatena vā thullaccayena vā. Methunadhamme hi pārājikasāmantā nāma dukkatam hoti, adinnāḍḍādisu thullaccayam. **Paṭicarototi** paṭicchādentassa. **Achinnamūlo bhavissatīti** pārājikam anāpano bhavissati, silāvā bhavissatīti vuttam hoti. **Sammā vattivāti** vattam pūretvā. **Osaraṇam labhissatīti**

kammappaṭipassaddhiṃ labhissati.

Tassāti āpattādhikaranassa. **Sammukhāvīnāyeneva vūpasamo natthi** paṭiññāya, tathārūpāya khantiyā vā vinā avūpasamanato. Yā pana paṭiññāti sambandho.

Ettāhi āpattidesanāyaṃ. **Siyāti** avassam. **Kakkhājattāya vājjattāyāti** kakkhalabhāvāya ceva vālabhāvāya ca. **Thullavajjanti** pārājikañceva saṅghādisesañca. **Ghippaṭisaṃyuttanti** gihīnaṃ hīnena khumsanavambhanadhammikappaṭissaṃvesu āpannaṃ āpattim.

Yathānurūpanti “dvīhi samathehi, tīhi, catūhi, ekenā”ti evaṃ vuttanāyeneva yathānurūpaṃ. **Ettāhi** imasmiṃ samathādhikāre. **Vinicchayanayoti** vinicchayanāyamaṃ. Tenāha “**vitthāro panā**”tiādi. **Assāti** vitthārassa. **Samantapāsādikāyaṃ vuttoti** samantapāsādikāya nāma vinayaṭṭhakathāyaṃ vutto. Tasmā tattha vuttanāyeneva vedittabboti adhippāyo.

Ettakanti etaṃparamaṃ, na ito bhīyo.

Adhikarānasamathavaṇṇanā niṭṭhitā.

Iti kaṅkhāvitarāniyā pātimokkhavaṇṇanāya

Vinayatthamañjūsāyaṃ līnatthappakāsaniyaṃ

Bhikkhupātimokkhavaṇṇanā niṭṭhitā.

Namo tassa bhagavato arahato sammāsambuddhassa

Bhikkhunīpātimokkhavaṇṇanā

Pārājikakaṇḍaṃ

Nātho bhikkhunīnaṃ hitatthāya yaṃ pātimokkhaṃ pakāsāyīti sambandho. Tattha **pakāsāyīti** desayī, paññāpayīti attho.

Sādhāraṇapārājikaṃ

1. Methunadhammasikkhāpadavaṇṇanā

Abhilāpamattanti vacanamattaṃ, na atthoti adhippāyo. **Liṅgabhedamattanti** purisalingaṃ itthilinganti viśesamattaṃ. **Viśesoti** nānātaṃ. **Chandena cevāti** pemena ceva, sinehena cevāti attho. **Ruciya cāti** icchāya ca. **Padhaṃsitāyāti** dūsitāya. Paripuṇṇā upasampadā yassā sā **paripuṇṇūpasampadā**, ubhatośaṅghena upasampannāti attho.

Methunadhammasikkhāpadavaṇṇanā niṭṭhitā.

Asādhāraṇapārājikaṃ

5. Ubbhājāṇumaṅḍalasikkhāpadavaṇṇanā

Ubbhakapparanti dutyamahāsandhito uddhaṃ. **Ito cito ca sañcaraṇanti** hatthassa vā kāyassa vā tiriyaṃ ito cito ca sañcaraṇaṃ.

Ekatoavassuteti (pāci. aṭṭha. 662) bhikkhuniyā avassave, bhikkhuniyā kāyasamsaggarāgena avassutabhāve satīti attho. Bhikkhuniyā vaseneva ca ekatoavassutabhāvo gaḥetabbo. Vuttañhetamā **samantapāsādikāyaṃ** (pāci. aṭṭha. 662) –

“Ekatoavassuteti ettha kiñcāpi ‘ekato’ti avisesena vuttam, tathāpi bhikkhuniyā eva avassute sati ayaṃ āpattibhedo vuttoti vedittabbo”ti.

Purisassa kāyanti purisassa yaṃ kañci kāyaṃ. **Ubbhatoavassutepīti** bhikkhuniyā ceva purisassa ca kāyasamsaggarāgena avassutabhāve satipi. **Kāyenāti** yathāparicchinna attano kāyena. **Kāyappaṭibaddhanti** purisassa kāyappaṭibaddham. **Avasesakāyena vāti** yathāparicchinna kāyato avasesena kāyena, ubbhakkhakaadhojāṇumaṅḍalaadhokapparasāṅkhātena kāyenāti vuttam hoti. **Tassa kāyanti** avassutassa tassa purisassa yaṃ kañci kāyaṃ. Yathā cettha sayamāmasantiyā thullaccayaṃ, evaṃ tassa āmasanaṃ sādiyantiyāpīti daṭṭhabbam. **Purisassa kāyasamsaggarāgo natthīti** purisassa methunarāgo, gehasitapemaṃ, suddhacittam vā. **Avaseseti** pārājikakhetto avasese. **Kāyappaṭibaddhena kāyappaṭibaddhadhātibhedeti** “kāyappaṭibaddhena kāyappaṭibaddham āmasati, āpatti dukkaṭassā”tiādi (pāci. 659, 662) sabbavāre. **“Asañciccā”**tiādisu virajjhītvā vā āmasantiyā, aññavīhītvā vā, “ayaṃ puriso”ti vā “itthi”ti vā ajānantiyā vā, tena phuttāyapi tam phassaṃ assādayantiyā vā āmasanepi sati anāpatti.

Ubbhājāṇumaṅḍalasikkhāpadavaṇṇanā niṭṭhitā.

6. Vajjappaṭicchādikāsikkhāpadavaṇṇanā

Pārājikaṃ dhammaṃ ajjhāpananti bhikkhūhi sādhāraṇānaṃ catunnaṃ, asādhāraṇānaṃ catunnañcāti aṭṭhannamaññataraṃ ajjhāpannaṃ. Idañca pārājikaṃ (pāci. aṭṭha. 666) pacchā paññattaṃ, saṅgītikārakācariyehi pana purimena saddhiṃ yugaḷaṃ katvā imasmiṃ okāse thapitanti vedittabham. “Aṭṭhannaṃ pārājikānaṃ aññatara”nti (pāci. 666) vacanato pana vajjappaṭicchādikam yā paṭicchādeti, sāpi vajjappaṭicchādikā evāti daṭṭhabbam. Kiñcāpi vajjappaṭicchādanam pemavasena hoti, tathāpi sikkhāpadavīṭṭikamacittam domanassameva hotīti katvā dukkhavedanaṃ hotīti **“tatra hi pācittiyaṃ...pe... sesaṃ tādīsamevā”**ti vuttam.

Vajjappaṭicchādikāsikkhāpadavaṇṇanā niṭṭhitā.

7. Ukkhittānūvattikāsikkhāpadavaṇṇanā

Satthūsāsanenāti ñattisampadāya ceva anussāvanasampadāya ca. Idha pana codanāsāraṇāpubbakameva ñattianussāvanam satthūsāsananti āha **“idhāpi”**tiādi. **Karaṇanti** ñattiṭṭhapañāñceva anussāvanāvacañāca. **Anādaranti** puggale ceva dhamme ca ādaravirahitaṃ. Tenāha **“yenā”**tiādi. **Tattha pariāpannagaṇe** vāti tasmīṃ saṅghe pariāpanne sambahulapuggalaśaṅkhāte gane vā. **“Sammāvattanāya avattamānanti attho”**ti iminā adhippāyattho vutto. **Ekakammādiketi** ekakammaekuddesamasikkhāyā. **Saha ayanabhāvenāti** saha vattanabhāvena. Samāno saṃvāso etesanti **samānasamvāsakā**.

Idāni yena saṃvāse te “samānasamvāsakā”ti (pāci. aṭṭha. 669) vuttā, so saṃvāso tassa ukkhittakassa tehi saddhiṃ natthi, yehi ca saddhiṃ tassa so saṃvāso natthi, na tena te bhikkhū attano sahāyā katā honti, tasmā so **akatasahāyo** nāmāti imamattham dassetum **“yassa panā”**tiādi vuttam. Evaṃ padavaṇṇanam katvā idāni atthamattaṃ dassetum **“samānasamvāsakabhāvaṃ anupagatanti attho”**ti vuttam. Kiṃ tam anuvattananti kassaci āsañkā siyāti tam sarūpato dassento **“yamdiṭṭhiko so hoti”**tiādimāha. Tattha sotī yo ukkhittako, so.

Ukkhittānūvattikāsikkhāpadavaṇṇanā niṭṭhitā.

8. Aṭṭhavatthukāsikkhāpadavaṇṇanā

Lokassādamittasanthavavasenāti (sārattha. ṭī. pācittiya 3.675) lokassādasānkhātassa mittasanthavassa vasena. Kim tanti āha “kāyasamsaggarāgenā”ti. Kāyasamsaggarāgeneva tintā idha avassutā nāma, na methunarāgenāti. Kathametaṃ viññāyatī āha “**ayameva hi**”tiādi. Kim panettha kāraṇanti āha “**samantapāsādikāyaṃ panassa vicāraṇā katā**”ti. Tatthāyaṃ vicāraṇā – ettha ca **asaddhammoti** kāyasamsaggaṃ veditaṃ, na methunadhammo. Na hi methunassa sāmāntā thullaccayaṃ hoti. “Viññū paṭibalo kāyasamsaggaṃ samāpajjitu”nti (pāci. 676) vacanampi cettha sādhanakanti. Yaṃ yena katam, taṃ tasseva hotīti. **Purisapuggalassāti** sāmivacananti dassetum “**yaṃ purisapuggalenā**”tiādi vuttam. Tattha **hatthoti** attano hattho. Na kevalañcettha **hatthaggaṇaṇanti** “hattho nāma kapparaṃ upādāya yāva agganakhā”ti (pāci. 676) vuttassa hatthasseva gahaṇaṃ, atha kho tassa ca aññassapi apārājīkakkhettaṃ gahaṇaṃ ekajjham katvā “hatthaggaṇaṇa”nti vuttam. Tathā **saṅghāṭikāṇṇaggaṇanti** na kevalaṃ saṅghāṭikāṇṇasseva gahaṇaṃ, atha kho tassa ca aññassapi yassa kassaci cīvarappadesassa gahaṇaṃ vuttanti dassetum “**ettha ca yassa kassaci**”tiādi vuttam. **Itthannāmaṃ ṭhānanti** evamnāmakam ṭhānaṃ. “**Paṭipāṭiyā vā uppaṭipāṭiyā vā pūretvā**”ti idaṃ nidassanamattam. Tasmā paṭipāṭiyā vā uppaṭipāṭiyā vā ekantarikāya vā yena tena nayena pūretvāti attho.

Tā āpattiyo tā āpanā āpattiyo. Yathā cekekasmim vatthussim evam visum visum sattuva vatthūsu satakkhattampi vītikantesu tā āpattiyo desetvā muccati. **Gaṇanūpikā**ti desitaganaṃ upagacchati. **Dhuranikkhepaṃ katvāti** “aññaṃ vatthum āpajjissāmi”ti ussāhaṃ ṭhapetvā.

Aṭṭhavatthukāsikkhāpadavaṇṇanā niṭṭhitā.

Iti kaṅkhāvitarāṇiyā pātimokkhavaṇṇanāya

Vinayatthamaṅjūsāyaṃ līnatthappakāsaniyaṃ

Bhikkhuniyāpātimokkhe pārājīkavaṇṇanā niṭṭhitā.

Saṅghādisesakaṇḍam

1. Ussayavādīkāsikkhāpadavaṇṇanā

Mānussayavasena kodhūssayavasenāti bhūllanayena vuttam. Teneva vakkhati “**ticittam tivedana**”nti. **Aḍḍakaraṇatthāyāti** ettha **aḍḍoti** vohārikavinicchayo vuccati. Yaṃ pabbajitā “**adhikaraṇa**”ntipi vadanti, tassa karaṇatthāya vohārikavinicchayatthāyāti vuttam hoti. **Vītikamakkhaṇeyevāti** vatthujjhācārakkhaṇeyeva, na tatiyāya samanubhāsanāyāti adhippāyo. **Bhikkhuniṃ saṅghato nissāretīti** āpanāṃ bhikkhuniṃ bhikkhunisāṅghamaṃ nissāretīti. Hetumhi cāyaṃ kattuvohāro “**nissāraṇahetubhūttadhammo ‘nissāraṇo’ti vutto**”ti katvā.

Yattha ṭhitāyāti upassayabhikkhācāramaggādisu yasmim ṭhāne ṭhitāya. **Tato paṭṭhāya gacchantiyāti** tato paṭṭhāya vohārikānaṃ santikaṃ gacchantiyā. **Dutiyeti** dutiyārocane. **Tenāti** upāsakena. **Evam vuttāyāti** “**mama ca tava ca kathaṃ tvamyeva ārocehi**”ti vuttāya. **Aññena kathāpetīti** kappiyakāraṇena kathāpeti. **Yathā vā tathā vā hi ārociyamāneti** kappiyakāraṇo vā bhikkhuniyā kathaṃ paṭhamam āroceṭu, itaro vā attano katham (pāci. aṭṭha. 679). Kappiyakāraṇo vā ubhinnaṃ katham, itaro vā ubhinnaṃ katham āroceṭūti evam yathā tathā ārociyamāne. **Ubhinnaṃ pana katham sutvāti** yathā tathā vā ārociyamāne ubhinnaṃ katham sutvā.

Ākaḍḍhiyamānā gacchatiti vuccamānā vohārikānaṃ santikaṃ gacchati, imassa “**tassā anāpatti**”ti iminā sambandho. Evam sesesupi. **Rakkham yāceti**ti dhammikaṃ rakkham yāceti. Idāni yathā yācītā rakkhā dhammikā hoti, taṃ dassetum “**upassaye aññehi katam anācāram anodissa ācikkhanā**”ti vuttam. Tattha aṭṭham ārabha athi odissa ācikkhanā (pāci. aṭṭha. 679), athi anodissa ācikkhanā, anāgatam ārabbhāpi athi odissa ācikkhanā, athi anodissa ācikkhanā.

Katham **aṭṭham ārabha odissa ācikkhanā** hoti? Bhikkhunupassaye gāmadārakā, dhuttādayo vā ye keci anācāram vā ācaranti, rakkham vā chindanti, phalāphalaṃ vā haranti, parikkhāre vā acchindanti. Bhikkhunī vohārike upasaṅkamitvā “**amhākam upassaye idaṃ nāma kata**”nti vadati. “**Kenā**”ti vutte “**asukena ca asukena cā**”ti ācikkhati. Evam aṭṭham ārabha odissa ācikkhanā hoti, sā na vaṭṭati. Tañce sutvā te vohārikā tesam daṇḍam karonti, sabbam bhikkhuniyā gīvā hoti. “**Daṇḍam gaṇhissanti**”ti adhippāyepi sati gīvāyeva hoti. Sace pana tassa “**daṇḍam gaṇhathā**”ti vadati, pañcamāsakamatte gaṇhite pārājīkam hoti.

Tehi “**kenā**”ti vutte pana “**asukenā**”ti vuttam amhākam na vaṭṭati, tumheyeva jānissatha. Kevalaṃhi mayam rakkham yācāma, taṃ no detha, avahaṭṭhaṇḍampi āharāpethā”ti vattabham. Evam **anodissa ācikkhanā** hoti, sā vaṭṭati. Evam vutte saccepi te vohārikā te kārake gavesitvā tesam daṇḍam karonti, sabbam sāpateyyampi gahitam, bhikkhuniyā neva gīvā, na āpatti.

Parikkhāram harante disvā tesam anattakāmatāya “**coro coro**”ti vattumpi na vaṭṭati. Evam vuttepi hi yaṃ tesam daṇḍam karonti, sabbam bhikkhuniyā gīvā hoti. Attano vacanakaram pana “**iminā me parikkhāro gahito, taṃ āharāpehi, mā cassa daṇḍam karothā**”ti vattum vaṭṭati. Dāsādisivāpiādinam atthāya aḍḍam karonti, yaṃ akappiyaadḍo nāma, na vaṭṭati.

Katham **anāgatam ārabha odissa ācikkhanā** hoti? Vuttanayeneva parehi anācārādisu katesu bhikkhunī vohārike evam vadati “**amhākam upassaye idaṃcāidāna karonti, rakkham no detha āyatim akaraṇatthāyā**”ti. “**Kena evam kata**”nti vutte “**asukena ca asukena cā**”ti ācikkhati. Evam anāgatam ārabha odissa ācikkhanā hoti, sāpi na vaṭṭati. Tesāhi daṇḍe kate purimanayeneva sabbam bhikkhuniyā gīvā. Sesam purimasadisameva.

Sace pana vohārikā bhikkhunupassaye evarūpaṃ anācāram karontānaṃ “**imam nāma daṇḍam karomā**”ti bherim carāpetvā āṇāya atīṭhamāne pariyesitvā daṇḍam karonti, bhikkhuniyā neva gīvā, na āpatti.

Yo cāyaṃ bhikkhunānaṃ vutto, bhikkhūnampi eseva nayo. Bhikkhunopi hi odissa ācikkhanā na vaṭṭati, yaṃ tathā ācikkhite tesam daṇḍam karonti, taṃ sabbam gīvā hoti. Vuttanayeneva daṇḍam gaṇhāpenta pārājīkam. Yo pana “**daṇḍam karissanti**”ti jānantopi anodissa katheti, te ca pariyesitvā daṇḍam karontiyeva, na doso. Viḥārasīmāya rakkhādīni chindantānaṃ vāsipharasuādīni gahetvā pāsāne kottenti, na vaṭṭati. Sace dhārā bhijjati, kārapetvā dātābā. Upadhāvitvā tesam parikkhāre gaṇhanti, tampi na kātabbam. Lahuparivattaṅhi cittaṃ, theyacetanāya uppannāya mūlacchejjampi gaccheyya.

Ussayavādīkāsikkhāpadavaṇṇanā niṭṭhitā.

2. Corivutthāpikāsikkhāpadavaṇṇanā

Mallaganabhaṭṭiputtagaṇādikantiādisu (sārattha. ṭī. pācittiya 3.683) **mallagaṇo** nāma nārāyanabhattiko tattha tattha paṇiyatthapanapokkharanikaṇānādiṭṭhānākamakārako gano. **Bhaṭṭiputtagaṇo** nāma kumārabhattikagaṇo. **Dhammagāṇoti** sāsanabhattiko anekappakārapuññakammakārako gano. **Gandhikaseṇīti** anekappakārasugandhivikatikārako gano. **Dussikaseṇīti** dussavāñjasamuho, pesakāraṇoti attho.

Vutthāpentiyāti upasampādentiyā. Kenaci karaṇiyena pakkantāsu bhikkhūnūsu agantvā khaṇḍasīmam yathānisinnaṭṭhāneyeva attano nissitakaparīsāya saddhim vutthāpentiyā vācācittato samuṭṭhāti (pāci. aṭṭha. 683), aññaṃ sīmam vā nadim vā gantvā vutthāpentiyā kāyavācācittato samuṭṭhāti āha “**corivutthāpanasamuṭṭhāna**”nti. Anāpucchā vutthāpanavasena **kiriyaṅkiriyaṃ**. Paññattim ajānantā ariyāpi vutthāpentīti vā kammavācāpariyosāne āpattikkhaṇe vipākāyākatasamaṅgītavasena vā **ticittam**.

Corivutthāpikāsikkhāpadavaṇṇanā niṭṭhitā.

3. Ekagāmantaragamanasikkhāpadavaṇṇanā

Añño gāmo **gāmantaram**. **Nadipāraṇīti** nadiyā pārimatīram. “**Gāmantaram gaccheyyā**”ti (pāci. 687, 691) vuttattā aññasmim gāmeyeva āpatti, na sakagāmeti āha “**sakagāmato tāvā**”tiādi. **Parikkhepe vā upacāre vā atikkanteti** parikkhittassa gāmassa parikkhepe vā aparikkhittassa gāmassa parikkhepārahāṭṭhāne vā atikkante.

Dutiyaena atikkantamatteti dutiyeṇa pādena itarassa gāmassa parikkhepe vā upacāre vā atikkantamatte. Yesu pana potthakesu “ekena pādena itarassa gāmassa parikkhepe vā atikkante, upacāre vā okkante thullaccayaṃ, dutiyeṇa atikkantamatte, okkantamatte vā saṅghādiseso”ti pāṭho dissati, tattha “okkante, okkantamatte vā”ti etāni dve padāni pāliya virujjhanti. “Aparikkhittassa gāmassa upacāraṃ atikkamēntiya”ti (pāci. 692) hi pāli. Tathā **samantapāsādikāyapi** virujjhanti. Tattha hi –

“Parikkheparahaṭṭhānaṃ ekena pādena atikkamati, thullaccayaṃ. Dutiyeṇa atikkantamatte saṅghādiseso. Apicetha sakagāmato...pe... ekena pādena itarassa gāmassa parikkhepe vā upacārevā atikkantamatte thullaccayaṃ, dutiyeṇa atikkantamatte saṅghādiseso”ti –

Vuttam. “Paṭhamam pādāṃ atikkamēntiya”ti divacanaṭṭo (pāci. 692) padasā gamanameva idhādhippētanti āha “**padasā pavisantiyā āpatti**”ti. Iminā sacēpi hatthipiṭṭhādīhi vā iddhiyā vā pavisati, vaṭṭatiyevāti dasseti. Ayametha sankhepo, vitthāro pana **samantapāsādikāya** (pāci. aṭṭha. 692) vuttoti adhippāyo.

Nadipāragamane vuttalakkaṇāya nadiyāti “nadi nāma timaṇḍalaṃ paṭicchādetvā yattha katthaci uttarantiyā antaravāsako temiyati”ti (pāci. 692) **nadipāragamanavibhaṅge** vuttalakkaṇāya nadiyā. Nadipāragamanavibhaṅgo hi idha **nadipāragamanasaddena** vutto. **Puna orimatirameva paccuttarantiyā vāti** paraṭīraṃ gantukāmatāya otiṇṇatā vuttam. Itarissā pana ayaṃ pakkantaṭṭhāne ṭhitā hoti, tasmā paraṭīraṃ gacchantiyā anāpatti. Sace sajjhāyāṃ vā padhānaṃ vā aññaṃ vā kiñci kammaṃ kurumānā “pure aruṇeyeva dutiyikāya santikam gamissāmi”ti (pāci. aṭṭha. 692) ābhogaṃ karoti, ajānantiyā eva tassā aruno uggaṇṇā, anāpattīti āha “**pure aruṇeyevā**”tiādi. Atha pana “yāva aruṇuggamaṇā idheva bhavissāmi”ti vā anābhogena vā vihārasa ekadesa acchati, dutiyikāya hatthapāsāṃ na otarati, aruṇuggamane saṅghādiseso. Hatthapāsōyeva hi idha pamānaṃ. Hatthapāsātikkaṃ ekagabbhōpi na rakkhati. Tenāha “**ekagabbhe...pe... āpatti**”ti.

Dassanūpacāraṃ vā savanūpacāraṃ vāti ettha **dassanūpacāro** nāma yattha ṭhitam dutiyikā passati. **Savanūpacāro** nāma yattha ṭhitā maggamūlhasaddena viya, dhammassavanārocanasaddena viya ca “ayye”ti saddāyantiyā saddaṃ suṇāti. **Tasmāti** yasmā ohīyanaṃ nāma dassanūpacārasavanūpacārānānātarassa vijāhanaṃ, tasmā. Antogāme pana ohīyanaṃ vaṭṭati āha “**indakhilātikkaṃato paṭṭhāyā**”ti ādi. Tattha **indakhilātikkaṃatoti** ummārātikkaṃato. **Bahigāmeti** gāmassa bahipadesa. Maggamūlha uccāsaddaṃ karontīti āha “**maggamūlhasaddena viyā**”ti. Maggamūlhaṃ avhāyantaṃ saddena viyātipi vadanti. **Saddāyantiyāti** saddaṃ karontiyā. “**Saddassavanātikkaṃe āpattiyevā**”ti iminā dassanūpacāro evarūpe savanūpacāre vijāhite na rakkhati, jahitamatteva āpatti saṅghādisessatī dasseti.

Maggaṃ gacchantīti ekamaggaṃ gacchanti. Sace purimāyo aññaṃ maggaṃ gacchanti, pakkantā nāma honti, anāpattiyeva. Dvinaṃ gacchantīnaṃ ekā anubandhituṃ asakkontī “gacchatu aya”nti ohīyati, itarāpi “ohīyatu aya”nti gacchati, dvinaṃpi āpatti. Sace pana gacchantīsu purimāpi aññaṃ maggaṃ gaṇhāti, pacchimāpi aññaṃ, ekā ekissā pakkantaṭṭhāne tiṭṭhati, dvinaṃpi anāpatti.

“**Saṅghādisesā caturo**”ti (pari. aṭṭha. 479) ayaṃ pañho aruṇuggamane gāmantarapariyāpannaṃ nadipāraṃ okkantabhikkhuniṃ sandhāya vutto. Sā hi sakagāmato paccūsasamāye nikkhamitvā aruṇuggamaṇakāle vuttappakāraṃ nadipāraṃ okkantamattāva rattivippavāsagāmantaranadipāragamanagaṇaṃhōhīyanalakkhaṇe ekappahāreṇeva caturo saṅghādisese āpajjati.

Pakkhasaṅkantāya vāti tiṭṭhāyatanam saṅkantāya. **Anantarāyēnāti** hatthimocanādiantarāyaṃ vinā.

Ekagāmantaragamanasikkhāpadavaṇṇanā niṭṭhitā.

4. Ukkhittakaosāraṇasikkhāpadavaṇṇanā

Tasseva kārakasaṅghassatī yo ukkhepanīyakammakārako gaṇo, tasseva kārakasaṅghassa. **Vatte vā vattantīti** tēcattālīsappabhede netthāravatte vattamānaṃ.

Ukkhittakaosāraṇasikkhāpadavaṇṇanā niṭṭhitā.

5. Bhojanappaṭiggahaṇapaṭṭhamasikkhāpadavaṇṇanā

Ekatoavassuteti puggalassa vā bhikkhuniyā vā avassute. **Mahāpaccariyaṃ** panetha “bhikkhuniyā avassutabhāveti daṭṭhabba”nti (pāci. aṭṭha. 701) vuttam. Tam “anavassutoti jānanti paṭiggāṇhātī”ti (pāci. 703) imāya pāliya na sameti. Yadi hi puggalassa avassutabhāvo nappamānaṃ, kiṃ “anavassutoti jānanti”ti iminā vacanena, “anāpatti ubhatoanavassutā honti, anavassutā paṭiggāṇhātī”ti ettakameva vattabbaṃ siyā. **Ubhosu anavassutesūti** puggalo ceva bhikkhuni cāti ubhosu anavassutesu gaṇhantiyā sabbathāpi anāpatti. “**Anavassuto**”ti vā **ñātvā gaṇhantiyāti** sayam anavassutā samānā avassutepi “anavassuto aya”nti saññāya tassa hatthato paṭiggāṇhantiyā. Atha sayam anavassutāpi aññaṃ avassutaṃ vā anavassutaṃ vā “avassuto”ti ñātvā paṭiggāṇhātī, dukkaṭameva. Vuttañhetam **anantarāsikkhāpade** “kissa tvaṃ, ayye, na paṭiggāṇhāsīti, avassutā, ayyeti, tvaṃ pana, ayye, avassutāti, nāham, ayye, avassutā”ti.

Bhojanappaṭiggahaṇapaṭṭhamasikkhāpadavaṇṇanā niṭṭhitā.

6. Bhojanappaṭiggahaṇadutiyasikkhāpadavaṇṇanā

Dukkaṭādikā saṅghādisesapariyosānā āpattīyo iminā sikkhāpadena uyyojikāyeva, itarissā pana āpattibhedo paṭṭhamasikkhāpadenāti āha “**sā evaṃ uyyojanēnā**”tiādi.

Kulānuddayatāyāti kulānukampakatāya.

Bhojanappaṭiggahaṇadutiyasikkhāpadavaṇṇanā niṭṭhitā.

7-13. Sañcarittādisikkhāpadavaṇṇanā

Sattamādīni uttānathāneva.

Sañcarittādisikkhāpadavaṇṇanā niṭṭhitā.

14-17. Saṅghabhedakādisikkhāpadavaṇṇanā

Bhikkhuni saṅghaṃ na bhindatīti kammaṃ, uddeso cāti dvīhi bhedo, so tāya saddhīṃ natthīti bhikkhuni saṅghaṃ na bhindati. Na kevalaṃ parivāsābhāvōyevāti āha “**chādanapaccayāpi**”tiādi. Ettha ca “**chādanapaccayāpi na dukkaṭam āpajjati**”ti pāṭho daṭṭhabbo, chādanapaccayāpi dukkaṭam na āpajjati attho. Evañca katvā –

“Āpajjati garukaṃ sāvasesaṃ;
Chādeti anādariyaṃ paṭicca;
Na bhikkhuni no ca phuseyya vajjam;
Pañhāmesā kusalehi cintitī”ti. (pari. 481) –

Ettha bhikkhunisedho upapanno hoti. Yesu pana potthakesu “chādanapaccayā pana dukkaṭam āpajjati”ti vinā **na-kāraṃ** pāṭho dissati, so pamādalekhoti daṭṭhabbaṃ. **Tasmāti** yasmā parivāso nāma natthi, tasmā. **Attano sīmaṃ sodhetvā vihārasīmāya vāti** vihāre baddhasīmameva sandhāya vuttam. **Sodhetuṃ asakkontīhi** vihārasīmam sodhetuṃ asakkontīhi.

Mukhamattanidassananti pavesopāyamatthanidassanaṃ. Etthāha – atha kasmā yathā bhikkhūmanattakathāya “parikkhittassa vihārasa parikkhepato, aparikkhittassa vihārasa parikkheparahaṭṭhānato dve leḍḍupāte atikkammā”ti (kaṅkhā. aṭṭha. nigamanavaṇṇanā) vuttam, evamavattvā “**gāmūpacāro ca bhikkhūnaṃ vihāropacāro ca dve leḍḍupāte atikkamitvā**”ti idha vuttanti? Tatra ceke vadanti “bhikkhūnaṃ vuttappakāraṃ padesaṃ atikkamitvā gāmepe taṃ kammaṃ kātuṃ vaṭṭati, bhikkhūnaṃ pana gāme na vaṭṭati, tasmā evaṃ vutta”nti. Apare pana bhānanti “bhikkhūnampi gāme na vaṭṭati, bhikkhuvihāro nāma pubbeyeva gāmūpacāraṃ atikkamitvā tiṭṭhati, tasmā

gāmaṃ avatvā vihārūpacārameva heṭṭhā vuttam. Bhikkhunīnaṃ pana vihāro gāmeveva, na bahi, tasmā gāmūpacāraṇa vihārūpacāraṇa ubhayamevettha dassitam. Tasmā ubhayatthāpi atthato nānātham natthi”ti. Vīmaṃsitvā yañcetha yujjati, taṃ gahetabbam.

Tato paṭṭhāyāti ārocitakālato paṭṭhāya.

Saṅghabhedakādisikkhāpadavaṇṇanā niṭṭhitā.

Iti kaṅkhāvitaraniyā pātimokkhavaṇṇanāya

Vinayatthamañjūsāyaṃ līnatthappakāsaniyam

Bhikkhunipātimokkhe saṅghādisesavaṇṇanā niṭṭhitā.

Nissaggiyakaṇḍaṃ

1. Pattavaggo

1. Pattasannicayasikkhāpadavaṇṇanā

Paṭhamam uttānatthameva.

Pattasannicayasikkhāpadavaṇṇanā niṭṭhitā.

2. Akālacīvarasikkhāpadavaṇṇanā

Yaṃ attanā laddham, taṃ nissaggiyaṃ hofiti yaṃ cīvaraṃ bhājāpitāya attanā laddham, tameva nissaggiyaṃ hoti, taṃ vinayakammaṃ katvāpi attanā na labbhati. Tenāha “nissatṭha”ntiādi. Tattha nissatṭhaṃ paṭilābhivāpīti “aayāya, dammā”ti evaṃ nissatṭhaṃ paṭilābhivāpīti. **Yathādāneveva upanetabbanti** yathā dāyakehi dīnnaṃ, tatheva upanetabbam, akālacīvarapakkhēva tṭhapetabbanti vuttam hoti.

Akālacīvarasikkhāpadavaṇṇanā niṭṭhitā.

3. Cīvaraparivattanasikkhāpadavaṇṇanā

Metanti me etaṃ. Sakasaññāya gahitattā pācittiyañceva dukkaṭaṇca vuttam, itarathā bhaṇḍagghena kāretabbam.

Cīvaraparivattanasikkhāpadavaṇṇanā niṭṭhitā.

4. Aññaviññāpanasikkhāpadavaṇṇanā

Paṭilābhenāti paṭhamaviññattito ūnatarassāpi aññassa paṭilābhena.

Tasmiṃ appahonte puna taññevāti yaṃ paṭhamam viññattam, thokattā tasmiṃ appahonte puna taññeva viññāpentiyāti attho. **Aññenapi** atthe satī ti paṭhamam viññattito aññenapi atthe satī. **Tena saddhiṃ aññācāti** yaṃ paṭhamam viññattam, tena saddhiṃ aññācā. Kīṃ vuttam hoti? Sace paṭhamam sappi viññattam, “yamakam pacitabba”nti ca vejjena vuttattā telenāpi attho hoti. Tato “telenāpi me attho”ti evamādinā aññācā viññāpentiyāti vuttam hoti. **Ānisaṃsaṃ dassetvāti** “sace kahāpanassa sappi ābhatam hoti, iminā mūlena dviguṇam telam labbhati, telenāpi ca idaṃ kiccaṃ nippajjati, tasmā telam āharā”ti evaṃ ānisaṃsaṃ dassetvā.

Aññaviññāpanasikkhāpadavaṇṇanā niṭṭhitā.

5. Aññacetāpanasikkhāpadavaṇṇanā

Tato aññaṃ cetāpeyyāti paṭhamam cetāpitato yaṃ kiñci aññaṃ cetāpeyya.

Aññacetāpanasikkhāpadavaṇṇanā niṭṭhitā.

6. Paṭhamasaṅghikacetāpanasikkhāpadavaṇṇanā

Aññassatthāya dīnneṇāti yaṃ cetāpeti, tato aññassatthāya dīnneṇa. **Aññuddisikenāti** purimassevatthadīpanam.

Sesakam upanentiyāti yadattathāya dīno, taṃ cetāpetvā avasesam aññassatthāya upanentiyā. **Sāṃike apaloketvāti** dāyake āpucchitvā. **Evarūpāsū āpadāsū upanentīnanti** evarūpesu upaddavesu aññassa yassa kassaci atthāya upanentīnam.

Paṭhamasaṅghikacetāpanasikkhāpadavaṇṇanā niṭṭhitā.

7. Dutiyasaṅghikacetāpanasikkhāpadavaṇṇanā

Na kevalam teneva parikkhārenāti āha “**sayam yācītakenāpi**”ti. Vuttañhetam pāliyaṃ “bhikkhuniyo tena ca parikkhārena sayampi yācītvā bhesajjam cetāpetvā paribhuñjimsū”ti (pāci. 763). Mātikāyaṃ pana gamyamānattā pi-saddo nappayutto. Gamyamānattassa hi saddassa payogaṃ pati kāmacāroti yutti.

Dutiyasaṅghikacetāpanasikkhāpadavaṇṇanā niṭṭhitā.

8-9-10. Paṭhamagaṇikacetāpanādisikkhāpadavaṇṇanā

Aṭṭhamanavamadasamāni uttānatthāneva.

Paṭhamagaṇikacetāpanādisikkhāpadavaṇṇanā niṭṭhitā.

Pattavaggo pathamo.

2. Cīvaravaggo

11. Garupāvuraṇasikkhāpadavaṇṇanā

Yasmā pavāritatṭhāne viññatti nāma na paṭisedhetabbā, tasmā bhagavā dhammanimantanavasena pavāritatṭhāne “vadethāyye, yenattho”ti (sārattha. tī. pācittiya 3.784)

vuttāya catukkamsaparamam viññāpetabbanti paricchedam dasseti veditabbam. Teneva “**‘cetāpetabbanti t̥hapetvā sahadhammike ca nātakappavārite ca añña kismiñcīdeva guṇe paritūṭṭhena ‘vadethāyye, yentattho’ ti vuttāya viññāpetabba**”nti vuttam. **Rājānanti** pasenadikosalarājānam.

Garupāvuraṇasikkhāpadavaṇṇanā niṭṭhitā.

12. Lahupāvuraṇasikkhāpadavaṇṇanā

Dutiyaṃ uttānatthameva.

Lahupāvuraṇasikkhāpadavaṇṇanā niṭṭhitā.

Cīvaravaggo dutiyo.

Iti kañkhāvitarāṇiyā pātimokkhavaṇṇanāya

Vinayatthamañjūsāyaṃ līnatthappakāsaniyaṃ

Bhikkhunipātimokkhe nissaggiyavaṇṇanā niṭṭhitā.

Pācittiyakaṇḍam

1. Lasuṇavaggo

1. Lasuṇasikkhāpadavaṇṇanā

“**Lasuṇa**”nti kiñcāpi avisesena vuttam, tathāpi magadhesu jātam lasuṇameva idhādhippetam, tampi bhaṇḍikalasuṇamevāti āha **magadharatṭhe jāta**”ntiādi.

Bhaṇḍikalasuṇanti poṭṭalikalasuṇameva, sampunṇamiñjānametaṃ adhivacanam. Tenāha “**na ekadvitimiñjaka**”nti. **Ajjhohāre ajjhohāreti** (pāci. aṭṭha. 795) ettha sace dve tayo bhaṇḍike ekatoyeva sañkhāditvā ajjhoharati, ekaṃ pācittiyam. Bhañjivā ekekamiñjakaṃ khādantiyā pana payogagaṇānāya pācittiyāni.

Palaṇḍukādīnam vaṇṇena vā miñjāya vā nānāttam veditabbam – vaṇṇena tāva **palaṇḍuko** nāma paṇḍuvaṇṇo hoti, **bhañjanako** lohitavaṇṇo, **haritako** haritapaṇṇavaṇṇo. Miñjāya pana palaṇḍukassa ekā miñjā hoti, bhañjanakassa dve, haritakassa tisso. **Cāpalasuṇo** amiñjako. Añkuramattameva hi tassa hoti. **Mahāpaccariyādīsu** pana “palaṇḍukassa tīni miñjāni, bhañjanakassa dve, haritakassa eka”nti (pāci. aṭṭha. 797) vuttam. Ete palaṇḍukādayo sabhāveneva vaṭṭanti. Sūpasampākādīsu pana māgadhakampi vaṭṭati. Tañhi paccamānesu muggasūpādīsu vā macchamaṃsavikatiyā vā tele vā badarasālavādīsu vā ambilasākādīsu vā uttaribhaṅgesu vā yattha kathaci antamaso yāgubhattepi pakkhittam vaṭṭati. **Badarasālavam** (sārattha. tī. pācittiya 3.793-797) nāma badaraphalāni sukkhāpetvā cuppetvā kattabbā khādantiyavikati.

Lasuṇasikkhāpadavaṇṇanā niṭṭhitā.

2. Sambādhalomasikkhāpadavaṇṇanā

“Paṭicchannokāse”ti etassa vibhāgadassanattham “**upakacchakesu ca muttakaraṇe cāti attho**”ti vuttam.

Ābādhapaccayāti kaṇḍukacchuādībādhapaccayā saṃharāpentiyā anāpatti. “Bhikkhussa ettha ca lasune ca dukkaṭa”nti (vajira. tī. pācittiya 800) porānā.

Sambādhalomasikkhāpadavaṇṇanā niṭṭhitā.

3. Talaghātakasikkhāpadavaṇṇanā

Talaghātaketi matthake pahāradāne, tañca kho talaṃ “muttakaraṇe pahāraṃ deti”ti (pāci. 804) **padabhājaniyam** vuttatā “muttakaraṇassa”ti viññāyatīti āha “**muttakaraṇassa talaghātane**”ti. **Purimanayeneva sāpattikanti** attano atthāya aññaṃ ānāpentiyā sānattikaṃ.

Talaghātakasikkhāpadavaṇṇanā niṭṭhitā.

4. Jatumaṭṭhakasikkhāpadavaṇṇanā

Vatthvasenetam vuttanti “jatumaṭṭhake”ti etaṃ nidānavasena uppannassa vatthuno vaseneva vuttam. Yam kiñci pana daṇḍakaṃ pavesentiya āpattiyeva. Tenāha “**kāmarāgena panā**”tiādi.

Jatumaṭṭhakasikkhāpadavaṇṇanā niṭṭhitā.

5. Udakasuddhikasikkhāpadavaṇṇanā

Ādātābanti pavesetabbam. **Aggapabbanti** kesaggamattampi aggapabbam. **Tatiyam pabbam paveseti** kesaggamattampi tatiyam pabbam paveseti. Vuttañhetam **samantapāsādikāyam** (pāci. aṭṭha. 812) “gambhīrato dvinnam pabbānaṃ upari kesaggamattampi pavesentiya pācittiya”nti.

Atigambhīraṃ udakasuddhikaṃ ādiyanavattusminti atianto pavesetvā udakadhovanakaraṇavattusmiṃ. Udakasuddhipaccayena (sārattha. tī. pācittiya 3.812) pana satipi phassassādiyane yathāvuttaparichede anāpatti.

Udakasuddhikasikkhāpadavaṇṇanā niṭṭhitā.

6. Upatīṭṭhanasikkhāpadavaṇṇanā

Takkādīsu vā aññatarenāti takkadadhimatthurasakhīrādīsu aññatarena. **Yāya kāyaci bijaniyāti** antamaso cīvarakaṇṇam upādāya yāya kāyaci bijaniyā.

Imaṃ pivathāti imaṃ pāṇiyam vā sūpādīm vā pivatha. **Iminā bījathāti** iminā tālavaṇṇena bījatha. **Dāpentiyāti** añña ubhayampi dāpentiyā.

Upatīṭṭhanasikkhāpadavaṇṇanā niṭṭhitā.

7. Āmakadhañāsikkhāpadavaṇṇanā

Tasmāti yasmā viññānti ceva bhōjanañca pamānaṃ, tasmā. Na kevalañcetta patiggahaṇeyeva dukkatam hoti, patiggañhitvā pana araññāto āharanepi sukkhāpanepi vaddalidivase bhajjanatthāya uddhanasajjanepi kapallasajjanepi dabbisajjanepi dārūni ādāya aggikaranepi kapallamhi dhaññapakkipanepi dabbiyā saṅghaṭṭanesupi

kottanatham dukkhalamusalādisajjanesupi kottanapapphotanadhovanādisupi yāva mukhe t̥apetvā ajjhoharanatham dantehi saṅkhādati, t̥ava sabbappayogesu dukkaṭānīti āha “**paṭiggahaṇato paṭṭhāya yāva dantehi saṅkhādanam, t̥ava pubbappayogesu dukkaṭānīti**”ti.

Āmakadhaññasikkhāpadavaṇṇanā niṭṭhitā.

8. Paṭhamauccārahaḍḍanasikkhāpadavaṇṇanā

Tirokuffeti gharakuffassa parabhāge. **Tiropākareti** parikkhepapākārassa tirobhāge, te ca kho kuffapākārā iṭṭhakasiladārūnam vasena tippakārāti āha “**yassa kassaci kuffassa vā pākārassa vā parato**”ti. **Sabbānipetāni ekato chaḍḍentiyāti** etāni cattāripi vatthūni ekato chaḍḍentiyā. Pāṭekkam pana chaḍḍentiyā vatthuganaṇāya āpattiyi. Ānattiyampi ese va nayo.

Bhikkhussa dukkaṭanti bhikkhussa sabbattha dukkaṭam.

Paṭhamauccārahaḍḍanasikkhāpadavaṇṇanā niṭṭhitā.

9. Dutiyauccārahaḍḍanasikkhāpadavaṇṇanā

Bhikkhuniyāpī pi-saddena bhikkhum samuccinoti. Anikkhittabjesu (pāci. aṭṭha. 830) pana khettesu koṇādisu vā asaṅjātaropimesu khettemariyādādisu vā chaddetum vaṭṭati. Manussānam kacavarachaḍḍanaṭṭhānepi vaṭṭatiyeva. **Chaḍḍitakhetṭeti** manussesu sassaṃ uddharitvā gatesu chaḍḍitakhetṭam nāma hoti, tattha vaṭṭati. Yattha pana “**lāyitampi pubbaṇḍi puna uṭṭhassati**”ti rakkhanti, tattha yathāvattukameva. **Sāṃike apaloketvāti** ettha khetṭapālakā, āramādigopakā ca sāṃikāva. Iminā ca saṅghasantake bhikkhussa chaḍḍetum vaṭṭati saṅghapariyāpannattā, na bhikkhunīnam. Bhikkhunīnam pana attano santake bhikkhusantake vuttanayeneva vaṭṭatīti dasseti, evam santepi sārūppavasena kātabbam.

Dutiyauccārahaḍḍanasikkhāpadavaṇṇanā niṭṭhitā.

10. Naccagītasikkhāpadavaṇṇanā

Naccanti naṭṭādayo vā naccantu, soṇḍā vā antamaso morasuvamakkāṭṭādayopi, sabbametam naccameva. Tenāha “**naccanti antamaso moranaccampi**”ti. **Gītanti** naṭṭāḍṇam vā gītam hotu, ariyānam parinibbānakāle ratanattayagunūpasamhitam sādhuḷlītagītam vā, antamaso “**dantagītampi gāyissamā**”ti pubbhāge okūjanā karonti, sabbametam gītameva. Tenāha “**gītanti antamaso dhammabhāṇakagītam**”ti. Tattha **dhammabhāṇakagītam** nāma asaṅjātabhikkhūnam tam tam vattam bhinditvā atidigham katvā gītassarena dhammabhāṇanam, tampi neva bhikkhuno, na bhikkhunīnam vaṭṭati. Tathā hi vuttam paramatthajotikāya **khuddakaṭṭhakathāya** (khu. pā. aṭṭha. 2. pacchimapañcasikkhāpadavaṇṇanā) “**dhammūpasamhitam gītam vaṭṭati, gītūpasamhito pana dhammo na vaṭṭati**”ti. Tasmā dhammam bhāṇantena jātakavattādim tam tam vattam avināsetvā caturassena (cūlava. aṭṭha. 249) vattena parimaṇḍalāni padabyañjanāni dassetabbāni. **Vāditanti** tantibaddhādivādanīyabhāṇavādītam vā hotu, kuṭṭabherivādītam vā antamaso udakabherivādītam, sabbamevetam vādītameva. Tenāha “**vāditanti antamaso udakabherivādīta**”nti. Yam pana niṭṭhubhanī vā sāsaṅke vā ṭṭhā accharikam vā phoṭeti, pāṇim vā paharati, tattha anāpatti. Dassanena cettha savanampi saṅgahitam virūpekasasāyena. Ālocanasabhāvatāya vā pañcannam viññāṇanam savanakiriyāyapi dassanasāṅkhepasabbhāvato “**dassanāya**”iceva vuttanti āha “**etesu yam kiñci dassanāya gacchantiyā**”ti. **Yattha ṭṭhīti** evam gantvā yasmim padese ṭṭhīti.

Nanu ca sayamnaccaṇādisu pācittiyam pāliyam na vuttam, atha katham gahetabbanti āha “**sabbaaṭṭhakathāsu vutta**”nti, iminā pāliyam avuttepi aṭṭhakathāpamāṇena gahetabbanti dasseti. **Samuṭṭhānāḍṇi eḷakalomasadīsānti** pana mātikāgatapācittiyasseva vasena vuttam, sabbesam vasena pana chasamuṭṭhānanti gahetabbam. “**Ārāme ṭṭhatvā**”ti idam nidassanamattam sesariyāpathēhi yuttāya passantiyā anāpattiyā icchitabbattā. Itarathā hi nisinnāpi passitum na labhēyya. “**Passissāmī**”ti vihārato vihāram gacchantiyā āpattiyeva. Āsanasālāya nisinnā passati, anāpatti, “**passissāmī**”ti uṭṭhahitvā gacchantiyā āpatti. Vīthiyam ṭṭhatvā gīvam parivattetvā passantiyāpi āpattiyeva. Bhikkhussāpi ese va nayo, āpattibhedova nānam.

Naccagītasikkhāpadavaṇṇanā niṭṭhitā.

Lasunavaggo paṭhamo.

2. Rattandhakāravaggo

1. Rattandhakārasikkhāpadavaṇṇanā

Arahopekkhāyāti narahossāḍḍāpekkhāya. **Aññavihitāyāti** rahoossāḍḍato aññavihitāva hutvā nātim vā pucchantiyā, dāne vā pūjāya vā mantentiya.

Rattandhakārasikkhāpadavaṇṇanā niṭṭhitā.

2-3. Paṭicchannokāsaajjhokāsaallapanasikkhāpadavaṇṇanā

Dutiyatatiyāni uttānatthāneva.

Paṭicchannokāsaajjhokāsaallapanasikkhāpadavaṇṇanā niṭṭhitā.

4. Dutiyikauyyojanasikkhāpadavaṇṇanā

“**Purimanayenevā**”ti iminā “**santīṭṭhēyya vāti**” hatthapāse ṭṭhatamattāya pācittiyam, **sallapeyya vāti** tattha ṭṭhatvā gehasikakatham kathentiyaipi pācittiyameva, **nikaṇṇikam vā jappēyyāti** kanṇamūle jappentiyaipi pācittiyamevā”ti imam nayaṃ dasseti.

Dutiyikauyyojanasikkhāpadavaṇṇanā niṭṭhitā.

5. Anāpucchāpakkamanasikkhāpadavaṇṇanā

Āsīdanti etthāti **āsananti** āha “**pallaṅkassokāsabhūte**”ti, ūrubaddhāsanaṃ okāseti attho. **Anovassakanti** nibbakokāsam. **Ajjhokāse upacāranti** ajjhokāse nisīditvā dvādasahatthapamāṇam padesam. **Gilānāyāti** yā ṭṭādisena gelañṇena āpucchitum na sakkoti. **Āpadāsūti** ghare aggi vā uṭṭhito hoti, coro vā, evarūpe upaddave anāpucchā pakkamati, anāpatti.

Anāpucchāpakkamanasikkhāpadavaṇṇanā niṭṭhitā.

6. Anāpucchāabhiniśīdanasikkhāpadavaṇṇanā

Dhuvapaññatteti bhikkhunīnam atthāya niccapaññatte.

Anāpucchāabhiniśīdanasikkhāpadavaṇṇanā niṭṭhitā.

7. Anāpucchāsantharaṇasikkhāpadavaṇṇanā

Kulānti kulassa gharāni.

Anāpucchāsantharaṇasikkhāpadavaṇṇanā niṭṭhitā.

8. Paraujjhāpanakasikkhāpadavaṇṇanā

Aṭṭhamam uttānatthameva.

Paraujjhāpanakasikkhāpadavaṇṇanā niṭṭhitā.

9. Paraabhisapanasikkhāpadavaṇṇanā

Manussadobhaggena vāti “kāṇā homi, kuṇī homi, itarā vā īdisā hotū” tiādina manussavirūpabhāvena. **Atthadhammaanusāsanipurekkhārānanti** ettha **atthapurekkhārāyāti** aṭṭhakathaṃ kathentiya. **Dhammapurekkhārāyāti** pālim vācentiya. **Anusāsanipurekkhārāyāti** “idānīpi tvam edisā, sādhu viramassu, no ce viramasi, addhā puna evarūpāni kammāni katvā niraye uppajjissasi, tiracchānayanīya uppajjissas” ti (pāci. aṭṭha. 878) evam anusāsanīyaṃ tathvā vadantiya.

Paraabhisapanasikkhāpadavaṇṇanā niṭṭhitā.

10. Rodanasikkhāpadavaṇṇanā

Dasamam uttānatthameva.

Rodanasikkhāpadavaṇṇanā niṭṭhitā.

Rattandhakāravaggo dutiyo.

3. Naggavaggo

1-2. Naggādisikkhāpadavaṇṇanā

Idanti idaṃ udakasāṭṭhikacīvaram.

Dutiyaṃ uttānatthameva.

Naggādisikkhāpadavaṇṇanā niṭṭhitā.

3. Cīvarasibbanasikkhāpadavaṇṇanā

Visibbetvāti vijāṭevā. **Dhuraṃ nikkhittamatteti** dhure nikkhittamatte, dhuraṃ nikkhipivā sacēpi pacchā sibbati, āpattiyevāti attho.

Cīvarasibbanasikkhāpadavaṇṇanā niṭṭhitā.

4. Saṅghāṭicārasikkhāpadavaṇṇanā

“**Idam me cīvaram mahaggham īdise corabhaye na sakkā dhāretenti evarūpāsu āpadāsū**” ti ettha pāṭho. So pana kākapadasaṅjanitamohehi lekhakehi uparisikkhāpade likhito. Kiñcāpi tattha likhito, ettheva pana daṭṭhabbo.

Saṅghāṭicārasikkhāpadavaṇṇanā niṭṭhitā.

5. Cīvarasaṅkamanīyasikkhāpadavaṇṇanā

Āpadāsu vā dhāretīti sace apārutaṃ vā anivatthaṃ vā corā haranti, evarūpāsu āpadāsu dhāreti, anāpatti.

Cīvarasaṅkamanīyasikkhāpadavaṇṇanā niṭṭhitā.

6. Gaṇacīvarasikkhāpadavaṇṇanā

Aññasimṃ parikkhāreti yattha katthaci thālakādīnam vā sappitelādīnam vā aññatarasimṃ. “**Samagghakāle dassathā**” ti evam **ānisamsam dassetvā nivārentiyāti** “kittakam agghanakam dātukāmatthā” ti pucchitvā (pāci. aṭṭha. 909) “**ettakam nāmā**” ti vutte “āgametha tāva, idāni vatthaṃ mahaggham, katipāhena kappāse āhaṭe samaggham bhavissati, tasmim kāle dassathā” ti evam ānisamsam dassetvā nivārentiya.

Gaṇacīvarasikkhāpadavaṇṇanā niṭṭhitā.

7-10. Paṭibāhanādisikkhāpadavaṇṇanā

Ānisamsam dassetvā paṭibāhantiyāti “ekissā ekaṃ sātakaṃ nappahoti, āgametha tāva, katipāhena uppajjissati, tato bhājessamā” ti (pāci. aṭṭha. 915) evam ānisamsam dassetvā paṭibāhantiyā anāpatti.

Aṭṭhamanavamāni uttānatthāneva.

Sesanti “dhammike vematikāyā” tiādikaṃ avasesam. Tattha **ānisamsam dassetvā paṭibāhantiyāti** “bhikkhunisaṅgho jinṇacīvaro, kathinānisamsamūlako mahālābho” ti (pāci. aṭṭha. 931) evarūpaṃ ānisamsam dassetvā paṭibāhantiyā anāpatti.

Paṭibāhanādisikkhāpadavaṇṇanā niṭṭhitā.

Naggavaggo tatiyo.

4. Tuvaṭṭavaggo

1-3. Ekamañcatuvaṭṭanādisikkhāpadavaṇṇanā

Paṭhamam uttānatthameva.

Vavatthānaṃ dassetvāti (pāci. aṭṭha. 940) majjhe kāsāyaṃ vā kattarayaṭṭhiṃ vā antamaso kāyabandhanampi ṭhapetvā nipajantīnaṃ anāpattīti attho.

Tatiyaṃ uttānatthameva.

Ekamañcatuvatṭanādisikkhāpadavaṇṇanā niṭṭhitā.

4-9. Naupaṭṭhāpanādisikkhāpadavaṇṇanā

Pariyesitvā alabhantiyāti aññaṃ upaṭṭhāyikaṃ alabhantiyā. **Gilānāyāti** sayam gilānāya. **Āpadāsūti** tathārūpe upaddave sati.

Pañcamachattasattama aṭṭhamanavamāni uttānatthāneva.

Naupaṭṭhāpanādisikkhāpadavaṇṇanā niṭṭhitā.

10. Cārikanapakkamanasikkhāpadavaṇṇanā

Dhure nikkhattamatteti sace dhuraṃ nikkhipitvā pacchā pakkamati, āpattiyevāti attho. **Antarāye safīti** dasavidhesu antarāyesu aññatarasmīṃ sati. “Gacchissāmi” ti nikkhantā, nadī vā pūrā, vanadāho vā āgato, corā vā magge honti, meghe vā uṭṭhahati, nivattitum vaṭṭati.

Cārikanapakkamanasikkhāpadavaṇṇanā niṭṭhitā.

Tuvaṭṭavaggo catuttho.

5. Cittāgāravaggo

1. Rājāgārasikkhāpadavaṇṇanā

Kīlanacittasālanā na rañño va kīlanacittasālaṃ, atha kho yesaṃ kesañci manussānaṃ kīlanatthaṃ yattha katthaci katasālaṃ. Esa nayo “**kīlanaupavana**” ntiādīsipi. Yathāha “rājāgāraṃ nāma yattha katthaci rañño kīlitum ramitum kataṃ hoti” tiādiko (pāci. 979) vitthāro. Tattha **kīlanaupavananti** kīlanatthaṃ antonagare kataṃ āramāṃ. **Kīlanuyyananti** tatheva bahinagare kataṃ uyyānaṃ.

Rājāgārasikkhāpadavaṇṇanā niṭṭhitā.

2. Āsandiparibhuñjanasikkhāpadavaṇṇanā

Atikkantappamāṇāti aṭṭhangulato atikkantappamāṇapādakā. **Vuttoti** padabhājaniyaṃ vutto. “Akappiyarūpākulo akappiyamañco pallanko” ti (sārattha. ṭi. mahāvagga 3.254) sārasamāsācariyo.

Āsandiparibhuñjanasikkhāpadavaṇṇanā niṭṭhitā.

3. Suttakantanasikkhāpadavaṇṇanā

Ujjavujjaveti uggiritvā uggiritvā vethane. **Kantitasuttaṃ kantantiyāti** dasikasuttādīṃ saṅghātetvā kantantiyā, dukkantitaṃ vā paṭikantantiyā.

Suttakantanasikkhāpadavaṇṇanā niṭṭhitā.

4. Gihiveyyāvaccasikkhāpadavaṇṇanā

Attano veyyāvaccakarassa cāti sacepi mātāpitaro āgacchanti, yaṃ kiñci bñjanīṃ vā sammūñjanidaṇḍakam vā kārāpetvā veyyāvaccakarattāne ṭhapetvā yaṃ kiñci vā pacitum vaṭṭati.

Gihiveyyāvaccasikkhāpadavaṇṇanā niṭṭhitā.

5-6. Adhikaraṇādisikkhāpadavaṇṇanā

Anantarāyikinīti dasavidhesu antarāyesu ekenāpi anantarāyikinī. Dhuraṃ nikkhipitvā pacchā vinicchinantī āpatitū āpajjitvā va vinicchināti.

Chattāṃ uttānatthameva.

Adhikaraṇādisikkhāpadavaṇṇanā niṭṭhitā.

7. Āvasathacivarasikkhāpadavaṇṇanā

Āpadāsūti mahagghacivarāṃ sarīrato mocetvā suppaṭisāmitampi corā haranti, evarūpāsu āpadāsu anissajjitvā nivāsentiyaṃ anāpatti.

Āvasathacivarasikkhāpadavaṇṇanā niṭṭhitā.

8. Āvasathavihārasikkhāpadavaṇṇanā

Kavāṭabaddhavihāranti dvārabaddhavihāraṃ. **Gilānāyāti** vacibhedam kātum asamattāya. **Āpadāsūti** ratthe bhijjante āvāse chaddetvā gacchanti, evarūpāsu āpadāsu.

Āvasathavihārasikkhāpadavaṇṇanā niṭṭhitā.

9. Tiracchānavijjāpariyāpuṇanasikkhāpadavaṇṇanā

Hatthiādīsipi (sārattha. ṭi. pācittiya 3.1015) sippasaddo paccekaṃ yojetabbo, tathā āthabbaṇādisu mantasaddo. Tattha **tharūti** khaggamutthi. **Āthabbaṇamanto** nāma āthabbaṇavedavihito parūpaghātakaro manto. **Khilanamanto** nāma dārusārakhilaṃ mantetvā pathaviyaṃ pavesetvā māraṇamanto. **Agadappayogo** nāma visayojanaṃ.

Tiracchānavijjāpariyāpuṇanasikkhāpadavaṇṇanā niṭṭhitā.

10. Tiracchānavijjāvācanasikkhāpadavaṇṇanā

Lekheti likhasippe. **Dhāraṇāya** vāti dhāraṇasatthe, yasmīṃ vuttanayena paṭipajjantā bahūnipi ganthāni dhārenti. **Nāgamaṇḍalādiketi** ettha **nāgamaṇḍalaṃ** nāma

sappānaṃ pavesanivāraṇatthaṃ maṅḍalabaddhamanto.

Tiracchānavijjāvācanasikkhāpadavaṇṇanā niṭṭhitā.

Cittāgāravaggo pañcama.

6. Ārāmaṃvaggo

1-2. Ārāmapavisanādisikkhāpadavaṇṇanā

Sīsānulokikāyāti sīsaṃ anulokentiya. **Yattha vā bhikkhuniyo sannipatitāti** yattha bhikkhuniyo paṭhamataraṃ sajjhāyanacetiyaṃ vandanādiatthaṃ sannipatitā. **Āpadāsūti** kenaci upaddutā hoti, evarūpāsu āpadāsu pavisitum vaṭṭati.

Dutiyaṃ uttānatthameva.

Ārāmapavisanādisikkhāpadavaṇṇanā niṭṭhitā.

3-4. Gaṇaparibhāsanādisikkhāpadavaṇṇanā

Sesanti “atthadhammaanusāsānipurekkhārāyā” tiādikaṃ avasesaṃ. Tattha **anusāsānipurekkhārāyāti** “idānipi tvaṃ bālā abyattā” tiādina (pāci. aṭṭha. 1036) nayena anusāsānipakkhe ṭhatvā vadantiyā anāpatti.

Catutthaṃ uttānatthameva.

Gaṇaparibhāsanādisikkhāpadavaṇṇanā niṭṭhitā.

5. Kulamaccharinīsikkhāpadavaṇṇanā

Kule maccharo kulamaccharoti purimasmiṃ pakkhe sakatthe **inīpaccayo**, taṃ kulam assaddham appasannanti kulassa agunaṃ, ayasaṃ vā bhāsantiyāti attho. **Bhikkhunīnaṃ avaṇṇaṃ bhāsantiyāti** “bhikkhuniyo dussilā pāpadhammā” ti (pāci. aṭṭha. 1043) bhikkhunīnaṃ agunaṃ, ayasaṃ vā bhāsantiyāti.

Santaṃyeva ādīnavanti kulassa vā bhikkhunīnaṃ vā santaṃyeva agunaṃ.

Kulamaccharinīsikkhāpadavaṇṇanā niṭṭhitā.

6-8. Abhikkhukāvāsādisikkhāpadavaṇṇanā

Samantapāsādikāyaṃ vuttoti samantapāsādikāya ovādavaggassa paṭhamasikkhāpade (pāci. aṭṭha. 144) vutto.

Sattamaṭṭhamāni uttānatthāneva.

Abhikkhukāvāsādisikkhāpadavaṇṇanā niṭṭhitā.

9-10. Ovādūpasānkamanādisikkhāpadavaṇṇanā

Uposathassa pucchanaṃ **uposathapucchā**, sāvakapaccayaṃ, rassattañca katvā “**uposathapucchaka**” nti vuttāti āha “**uposathapucchana**” nti. **Ovādatthāyāti** ovādayācanatthāya.

Dasamaṃ uttānatthameva.

Ovādūpasānkamanādisikkhāpadavaṇṇanā niṭṭhitā.

Ārāmaṃvaggo chaṭṭho.

7. Gabbhinīvaggo

1-2. Gabbhinīdisikkhāpadavaṇṇanā

Paṭhamaṃ uttānatthameva.

Thane bhavaṃ **thaññaṃ**, khīraṃ. **Yaṃ pāyētīti** yaṃ dāraṃ pāyēti.

Gabbhinīdisikkhāpadavaṇṇanā niṭṭhitā.

3. Paṭhamasikkhamānasikkhāpadavaṇṇanā

Padabhājane vuttanayenāti “pānātipātā veramaṇiṃ dve vassāni avītikamma samādānaṃ samādiyāmi... pe... vikālabhojanā veramaṇiṃ dve vassāni avītikamma samādānaṃ samādiyāmi” ti (pāci. 1079) padabhājanasamīpe aṭṭhuppattiyāṃ vuttanayena. Imā pana cha sikkhāyo saṭṭhivassāyapi pabbajitāya dātabbāyeva, na etāsu asikkhitā upasampādetabbā.

Paṭhamasikkhamānasikkhāpadavaṇṇanā niṭṭhitā.

4-5. Dutiyaikkhamānādisikkhāpadavaṇṇanā

Padabhājane vuttā upasampadāsammuti na dinnā hotīti padabhājanasamīpe aṭṭhuppattiyāṃ vuttā upasampadāsammuti nāttidutiyaṃ kammavācāya na dinnā hoti.

Pañcamaṃ uttānatthameva.

Dutiyaikkhamānādisikkhāpadavaṇṇanā niṭṭhitā.

6-10. Dutiyaḡihigatādisikkhāpadavaṇṇanā

Dasavassāya ḡihigatāya sikkhāsammutiṃ datvā paripuṇṇadvādasavassaṃ upasampādetum vaṭṭati.

Gandhavāsītakenāti gandhaparibhāvītena.

Vāsītakasikkhāpadavaṇṇanā niṭṭhitā.

7-10. Bhikkhuniummaddāpanādisikkhāpadavaṇṇanā

Gilānāyāti (pāci. aṭṭha. 1208) antamaso maggagamanaparissamenāpi ābādhikāya. Āpadāsūti corabhayādinā sarīrakampanādīsu.

Aṭṭhamanavamadasamesu kiñci vattabbaṃ natthi.

Bhikkhuniummaddāpanādisikkhāpadavaṇṇanā niṭṭhitā.

11. Anāpucchāsikkhāpadavaṇṇanā

Upacāraṃ sandhāyāti samantā dvādasahatthūpacāraṃ sandhāya.

Anāpucchāsikkhāpadavaṇṇanā niṭṭhitā.

12. Pañhāpucchanasikkhāpadavaṇṇanā

Anodissāti “amukasmim nāma thāne pucchāmi”ti evaṃ aniyametvā kevalaṃ “pucchitabbaṃ atthi, pucchāmi, ayyā”ti evaṃ vatvā.

Pañhāpucchanasikkhāpadavaṇṇanā niṭṭhitā.

13. Asaṃkaccikasikkhāpadavaṇṇanā

Parikkhittassa gāmassa parikkhepaṃ, aparikkhittassa upacāraṃ atikkamantiyā vā okkamantiyā vāti ettha parikkhittassa gāmassa parikkhepaṃ atikkamantiyā vā aparikkhittassa gāmassa upacāraṃ okkamantiyā vāti yathākkamaṃ sambandho vedītabbo. Āpadāsūti mahagghaṃ saṃkaccikaṃ pārupitvā gacchantiyā upaddavo uppajjati, evarūpāsu āpadāsu.

Asaṃkaccikasikkhāpadavaṇṇanā niṭṭhitā.

Chattupāhanavaggo navamo.

Iti kañkhāvitaraniyā pātimokkhavaṇṇanāya

Vinayatthamañjūsāyaṃ līnatthappakāsaniyaṃ

Bhikkhunipātimokkhe pācittiyavaṇṇanā niṭṭhitā.

Asādhāraṇasamuttāhānavaṇṇanā

Acittakānīti (sārathā. tī. pācittiya 3.1214) “nacca”ntiādinā ajānitvā dassanādiṃ karontiyā āpattisambhavato vatthujānanacittena acittakāni. Lokavajjānīti “nacca”ntiādinā jānitvā dassanādiṃ karontiyā akusaleneva āpaṇjanato lokavajjāni. Tenāha “ayaṃ panettha adhippāyo”tiādi sacittakānīti “corī”tiādinā vatthum jānitvā karaṇeyeva āpattisambhavato sacittakāni. Upasampadādīnaṃ ekantākusalcitteneva akattabbattā paṇṇattivajjāni. “Idha sacittakācittakatā paṇṇattijānanājananatāya āggaheṭṭhā vatthujānanājananatāya gahetabba”nti vadanti.

Asādhāraṇasamuttāhānavaṇṇanā niṭṭhitā.

Pāṭidesanīyakaṇḍaṃ

2. Telaviññāpanādisikkhāpadavaṇṇanā

Pāliyaṃ anāgatesu pana aṭṭhasupīti pāḷimuttakesu sappiādīsu aṭṭhasupī.

Telaviññāpanādisikkhāpadavaṇṇanā niṭṭhitā.

Iti kañkhāvitaraniyā pātimokkhavaṇṇanāya

Vinayatthamañjūsāyaṃ līnatthappakāsaniyaṃ

Bhikkhunipātimokkhe pāṭidesanīyavaṇṇanā niṭṭhitā.

1. Parimaṇḍalādisikkhāpadavaṇṇanā

Sekhiyāni cevāti pañcasattati sekhiyāni ceva. “Bhikkhupātimokkhavaṇṇanāyaṃ vuttanayeneva vedītabbā”ti iminā yasmā tādisamyevettha atthavinicchayaṃ vidū vadanti, tasmā visuṃ tesam atthavaṇṇanā na vuttā. Tattha yā vuttā, sā idhāpi vuttāyevāti dasseti.

Parimaṇḍalādisikkhāpadavaṇṇanā niṭṭhitā.

Iti kañkhāvitaraniyā pātimokkhavaṇṇanāya

Vinayatthamañjūsāyaṃ līnatthappakāsaniyaṃ

Bhikkhunipātimokkhavaṇṇanā niṭṭhitā.

Nigamanakathāvaṇṇanā

Yaṃ pātimokkhassa vaṇṇanam ārabhīti sambandho. “Mahāvīhāravāsīna”nti idaṃ purimacchimapadehi saddhiṃ sambandhitabbaṃ, mahāvīhāravāsīnaṃ porāṇatthakathāhi vāti ca. Pāliyatthāna kevalanti sakalaṃ pāliyatthāna, ubhatovibhaṅgañcīti vuttaṃ hoti. Etthāti etissaṃ kañkhāvitaraniyaṃ. Yasmā na hi atthīti sambandho. Yanti yaṃ padam. Sihaḷaṭṭhakathānāyanti sihalamātikatthakathānāyaṃ. Aṭṭhakathāsāranti sihalamātikatthakathāyaṃ atthasāraṃ, atha vā vinayatthakathāsu atthasāraṃ. Tenetaṃ dasseti – sihalamātikatthakathāyaṃ atthasāraṃ ādāya imaṃ kañkhāvitaraniṃ karonto vinayatthakathāsupi idha vinicchaye yogakkhamaṃ atthasāraṃ ādāyeva akāsīti.

Idāni sadevakassa lokassa accantasukhādhigamāya attano puññaṃ pariṇāmento “yathā ca niṭṭhaṃ sampattā”tiādigāthāvayamāha. **Kalyāṇanissitā**ti kusalanissitā. **Sabbasattānanti** kāmāvacarādibhedānaṃ sabbesaṃ sattānaṃ.

Nigamanakathāvaṇṇanā niṭṭhitā.

Nigamanakathā

Ettāvatā ca –

1. Lankissaro yo vijitārīrajo;
Rājā **parakkantabhujo** yasassī;
Tidhāgataṃ sīhalamekarajjam;
Akā nikāyañca tathā samaggaṃ.
2. Pure **pulattimhi** vare purānaṃ;
Majjhamhi nānāratanaṅkarānaṃ;
Anantasampattibharābhīrāme;
Varācaluttāngagharābhīrāme.
3. Abhejjapākārasugopurasmiṃ;
Nirākulānekakulakulasmiṃ;
Munindadāṭṭhaṅkuravāsabhūte;
Yo locanānandavahe vasanto.
4. Suphullitabbhoruhasādusīta
Pasannanīrehi jalāsāyehi;
Supupphīṭānekakadambajambu-
Punnāganāgādīhi vābhiramme.
5. Sudhāvādātehi manoharehi;
Pākārapantīhi ca gopurehi;
Vikinnamuttāphalasanībhehi;
Vilokanīyehi sudhātalehi.
6. Katvāna pāsādasahassaramme;
Tahiṃ tahiṃ pīṭikare vihāre;
Mahādayo jetavanādayopi;
Susaṃyamānaṃ yatīnaṃ adāsī.
7. Yo sādubhūtaṃ catupaccayañca;
Guṇappasanno samanesu tesu;
Niccāṃ mahoggaṃ viya vattayanto;
Yojeti te ganthavipassanāsu.
8. Kārītesu vihāresu, tena tesu yasassinā;
Ramma yo pacchimārāmo, pupphārāmādisobhito.
9. Parivenamhi nāmena, tahiṃ **coḷakulantike**;
Pāsāde dassanīyamhi, vasanto karuṇāparo.
10. Sisso sasīkarasvaccha-sīlācārassa dhīmato;
Sāriputtamahāthera-mahāsāmissa tādino.
11. Dhīrānekaguṇoghena, therena sucivuttinā;
Vinayaṭṭhitikāmena, **sumedhenā**bhiyācīto.
12. So **buddhanāgathero**gaṃ, bhikkhūnaṃ paramaṃ hitaṃ;
Mahāvihāravāsīnaṃ, yatīnaṃ samayānugaṃ.
13. Vinayaṭṭhādimañjusaṃ, līnatthassa pakāsaṇiṃ;
Mātīkaṭṭhakathāyemaṃ, akāsiṃ sādhu vaṇṇanaṃ.
14. Sāyaṃ subodhā budhavaṇṇanīyā;
Saṃvaṇṇanā sattasahassamattā;
Nirākarontī vinayamhi moham;
Tamaṃ carantī sasi kheva bhātu.
15. Ākaṅkhamānena paratthamiṭṭhaṃ;
Mahatthasāraṃ suvinicchayañca;
Saṃvaṇṇanaṃ sādhu pakubbatā yaṃ;
Citaṃ mayā puññaṃanappabhūtaṃ.
16. Puññaena tenācitadānaṣṭīla-
Mayādinānekavidhena ceva;
Sattā anīghā sukhino averā;
Pappontu sabbe sugatim sivañca.
17. Saddhiṃ yathopaddavamantarena;
Gatā hi līnatthapadīpanīyaṃ;
Tathā janānaṃ api dhammayuttā;
Manorathā siddhimupentu nīccaṃ.
18. Kāle pavassantu sadā payodā;
Dhammena pārentu mahiṃ mahindā;
Sattā pasannā ratanattayasmim;
Dānādipuññābhiratā bhavantūti.

Vinayatthamañjūsā līmatthappakāsanīnāmikākāṅkhāvitaraṇābhinavaṭṭikā niṭṭhitā.